

# স্বদেশী মুদ্রণ ও লিপি বচনাবলী

দ্বিতীয় খণ্ড



মিত্র ও ঘোষ পাব্লিশার্স  
প্রাইভেট লিমিটেড  
১০ শ্যামাচরণ দে স্ট্রীট, কলিকাতা ১২

প্রথম প্রকাশ, ভাদ্র ১৩৫৭

সম্পাদক

গজেন্দ্রকুমার মিত্র

স্বমথনাথ ঘোষ

সবিতেন্দ্রনাথ রায়

মণীশ চক্রবর্তী

প্রচ্ছদ-পরিকল্পনা

শ্রীচন্দ্রী বন্দ্যোপাধ্যায়

প্রচ্ছদ-মুদ্রণ

সিদ্ধ ক্রীদা ও

চয়নিকা প্রেস

মিত্র ও ঘোষ পাবলিশার্স প্রাঃ লিঃ, ১০ জামাচরণ দে স্ট্রীট, কলিকাতা ৭৩ হইতে

এস. এন. রায় কর্তৃক প্রকাশিত ও সিটি লস্ট্রী প্রেস, ১৬ হেমলে সেন স্ট্রীট,

কলিকাতা ৬ হইতে অশোককুমার ঘোষ কর্তৃক মুদ্রিত

## সূচীপত্র

ভূমিকা ধূপছায়া	গৌরকিশোর ঘোষ	/০
দেশভ্রমণ	... ..	১
রসগোল্লা	... ..	৬
চাপরাসী ও কেরানী	... ..	১৫
চিত্রা	... ..	২৪
বাঙালী	... ..	৩২
সুকুমার রায়	... ..	৩৬
ভাবার জমা-খরচ	... ..	৪০
দর্শনচর্চা	... ..	৪৪
লেসে ক্যেব	... ..	৪৮
মার্কিনী তাত	... ..	৫২
বাঙালী মেছ	... ..	৫৪
রন্ধন-যজ্ঞ	... ..	৫৮
'বাহুবনে—'	... ..	৬২
বাংলার গুণ না জর্মন গুণী	... ..	৬৮
শিক্ষাপ্রসঙ্গ	... ..	৭১
পোলেমিক	... ..	৭৪
চরিত্র-বিচার	... ..	৭৮
দেয়ালি	... ..	৮১
গানের কথা : ভারত ও কাবুল	... ..	৮৭
উনো, হিন্দী, ক্রিকেট	... ..	৮৪
বুদ্ধঃ শরণং	... ..	৮৮
অ্যার ট্রাভেল	... ..	৯২
ভাষা ও জনসংযোগ	... ..	১০২
ইংরাজী বনাম মাতৃভাষা	... ..	১০৫
টুকিটাকি	... ..	১১৭

খেলাচ্ছলে	...	...	১১৮
পিকনিকিয়া	...	...	১২১
সাহিত্যিকের মাতৃভাষা	...	...	১২২
আসা-যাওয়া	...	...	১২৩
দেহলি-প্রাস্ত	...	...	১২৫
পঞ্চতন্ত্র ( ২য় পর্ব )			
ঐতিহাসিক উপন্যাস	...	...	১৩১
কচ্ছের রাণ	...	...	১৩৫
দর্শনাতীত	...	...	১৪০
মা-মেরীর রিস্ট-ওয়াচ	...	...	১৪৪
অম্ববাদ সাহিত্য	...	...	১৪৮
বাবুর শাহ	...	...	১৫২
কেডিনাক্ট্ জাওয়ারক্রম	...	...	১৫৫
হিডজিভাই পি মরিস্	...	...	১৬০
'আধুনিক' কবিতা	...	...	১৬৬
মুর্খের উপাসনা অপেক্ষা পণ্ডিতের নিজ্রা শ্রেয়ঃ	...	...	১৭১
আলবেট ষ্টোয়াইৎসার	...	...	১৭৯
মরহুম ওস্তাদ কৈয়াজখান	...	...	১৮১
'পঞ্চাশ বছর ধরে করেছি সাধনা।' 'কটা ভাষা ?' 'হা কপাল ! বাঙলাই হল না।'	...	...	১৮৫
ইন্টারভ্যু	...	...	১৯০
অর্থঃ অর্থঃ	...	...	১৯৫
অস্বাপিও সেই খেলা খেলে গোরা রায়।			
মধ্যে মধ্যে ভাগ্যবানে দেখিবারে পায় ॥	...	...	১৯৯
সাবিত্রী	...	...	২০৫
আধুনিকা	...	...	২১৯
ফরাইজ্	...	...	২১২
চোখের জলের লেখক	...	...	২১৬
ছাত্র বনাম পুলিশ	...	...	২২০
রাসপুতিন	...	...	২৩৯
বিষ্ণুশর্মা	...	...	২৫৭
বার্লাম ও য়োসাফট্	...	...	২৬১



রবি-মোহন-এনড্রুজ	...	...	২৬৫
'ইজরায়েল বিশ্বের প্রবাদ-সত্য রূপে গণ্য হবে'—বাইবেল	...	...	২৭২
এমেচার ভার্সস স্পেশালিস্ট	...	...	২৭৮
মিজোর হেপাজতী	...	...	২৮৩
গাড়োলশ্র গাড়োল	---	...	২৯১
ভাষা	...	...	২৯৬
কবিগুরু ও নন্দলাল	...	...	২৯৮
খেলেদ দই রমাকাস্ত	...	...	৩০১

### চতুর্থ

রবি-পুরাণ	...	...	৩০৯
শ্রীশ্রীরামকৃষ্ণ পরমহংসদেব	...	...	৩১৩
পুষ্পধনু	...	...	৩২৭
মরহুম মৌলানা	...	...	৩৩০
নসরুদ্দীন খোজা ( হোক )	...	...	৩৩৬
নজরুল ইসলাম ও ওমর খৈয়াম	...	...	৩৫৬
ত্রিমূর্তি ( চাচা-কাহিনী )	...	...	৩৬১
মাম্দের পুনর্জন্ম	...	...	৩৬৮
দিল্লী-স্থাপত্য	...	...	৩৭৭
বেজো না চরণে চরণে	...	...	৩৮৯
ইভান সের্গেভিচ ভুর্গেনেফ	...	...	৩৯৩
গাঁজা	...	...	৪০১
হরিনাথ দে'র স্মরণে	...	...	৪০৯
অম্বুকের না হম্বুকের ?	...	...	৪১৬
ফরাসী-বাঙালা	...	...	৪২২
চার্লি চ্যাপলিন	...	...	৪৩১
ফিল্মের ভাষা	...	...	৪৩৭
ক্রন্দসী	...	...	৪৪২
ছুচুন্দর কা সিব্বপর চামেলি কা তেল	...	...	৪৪৮
আর্ট না অ্যাকসিডেন্ট	...	...	৪৪২
আচার্য ক্ষিত্তিমোহন সেন	...	...	৪৫৬

## ভূমিকা

কোনও কোনও জ্ঞানীগুণীর সৈয়দ মুজতবা আলী সম্পর্কে অল্পযোগ, তাঁর পাণ্ডিত্য যত ছিল, তাঁর রচনায় তিনি তাঁর পরিচয় রেখে যেতে পারেননি। নিজে জ্ঞানী বা গুণী কোনটাই নই, তাই ও-কথার সত্য মিথ্যা যাচাই করতে পারব না। তবে লোককে জ্ঞান দেবার জ্ঞান কোনও আগ্রহ এই মজলিশী মানুষটি কখনও দেখিয়েছেন বলে মনে পড়ে না। তাঁর চরিত্র বরং ছিল ঠিক উলটো। পণ্ডিত্যমান কি গুরুমশাইগিরি মুজতবার ধাতে সহিত না।

পঞ্চতম্বে মুজতবা এক জায়গায় লিখেছেন, “বেহেশতের বর্ণনাতে ইলিশের উল্লেখ নেই বলে পাঁচ-বৎস নামাজ পড়ে সেধায় যাবার বাসনা আমার নেই।” এই মন্তব্যটা থেকেই তাঁর চরিত্র বোঝা যায়। তত্ত্বজ্ঞানী হবার বাসনা তাঁর ছিল না। তিনি ছিলেন রসালাপী। একেবারে নৈকুন্সি আড্ডাবাজ। আর এই কথাটা মুজতবা কি লেখায় আর কি জীবনচর্যায় কোথাও লুকিয়ে রাখার চেষ্টা করেননি। “আম্মো যে আড্ডাবাজ সে তত্ত্বটা ওদেরও মনে ঝিলিক দিয়ে গেল একই ব্রাহ্ম মুহূর্তে।” কায়রোর আড্ডাধারীরাই যে প্রথম দর্শনে আড্ডাবাজ মুজতবাকে চিনে নিতে পেরেছিল তাই নয়, তাঁর অগণিত পাঠকবর্গও তাঁকে চিনে নিতে ভুল করেননি। আড্ডাপ্রিয় বাঙালীর জন্ম যে রস তিনি সাহিত্যের ভিয়েনে সৃষ্টি করে গিয়েছেন তা আঙুল আড্ডারই রস।

আর এই আড্ডার চক্রবর্তী বলুন, কুতব মিনার বলুন, অশোক স্তম্ভ বলুন, স্বয়ং সৈয়দ মুজতবা আলী। চাচা কাহিনীর অবিস্মরণীয় চাচার কথা স্মরণ হলেই আমার আলী সাহেবের কথা মনে পড়ে যায়। পার্ক সার্কাসে এনং পার্ল রোডে এবং নাসিরউদ্দীন রোডের আস্তানায়, দিল্লীতে কনসটিটিউশন ক্লাবে, বোলপুরের উকিলপাড়ার বাসাবাড়িতে, শাস্তিনিকেতনের পৌষ মেলায় চায়ের দোকানে, কি কলকাতার বিভিন্ন পানশালায় যখনই সৈয়দ মুজতবা আলীর সঙ্গে দেখা হয়েছে, তিনি বারলিন শহরের কুরফুরসটেন-ডাম সড়কে অবস্থিত ‘হিন্দুস্থান হোস্টেল’র আড্ডার চক্রবর্তী চাচার মত, যার অনবচ্ছ বিবরণ তাঁর রচিত ‘চাচা কাহিনী’র পাতায় পাতায় ছড়িয়ে আছে, আড্ডা জমিয়ে বসে আছেন। তিনিই সে আড্ডার মধ্যমণি এবং বখতিয়ার খিলজী। কথা বলতে এতও ভালবাসতেন। আর কত বিষয়ই না জানতেন!

ওঁর কথা আমরা এমন গোথ্রাসে গিলতাম যে তিনি বিদগ্ধ না অর্ধদগ্ধ তা

বিচার করে দেখবার ফুরসতই পাইনি। তবে আড্ডাবাজ মুক্তবা আলীর যে পরিচয় আমীছর রশীদ চৌধুরী সাহেব সজ্জনীকান্ত দাস মহাশয়ের জবানীতে ( দেশ, ৪১ বর্ষ, ৪৫ সংখ্যা, পৃ ৪১৬ ) দিয়েছেন তার খানিকটা উদ্ধৃত করছি। পাঠক মহাশয়েরা এর থেকেই কিছুটা আন্দাজ নিশ্চয়ই পাবেন।

“দাঁড়াইয়া দাঁড়াইয়া কথা শুনিতে শুনিতে পায়ে ঝাঁ ঝাঁ ধরিয়া গিয়াছিল। পাশে একটি কফির দোকান ছিল, প্রস্তাব করিলাম সেখানে একটু গিয়া বসি, এক কাপ কফি খাই। তারপর সেখানে বসিয়া কফির অর্ডার দিয়া পরিচিত বন্ধুবান্ধবদের কথা দুই পক্ষেরই জিজ্ঞাসাবাদ চলিল। একজনের কথা উঠিতে আমি বলিলাম যে সর্বনাশের পথ ধরিয়া সারাদিন মদ খাইয়া চুর হইয়া থাকে। বলা বাহুল্য—আমি মদ খাই না এবং সাহচর্যগুণে ঐ জিনিসটির প্রতি আমার বিতৃষ্ণা আছে। মুক্তবা আলী কিন্তু সেই মদের উপর কথা পাড়িয়া বসিলেন। পৃথিবীতে কত রকম মদ আছে এবং ঐগুলো কিভাবে তৈরি হয়, কিভাবে খাওয়া হয়, কোন্ মদের স্বাদ কি রকম—এই সবার আলোচনা—বিশদ আলোচনা আরম্ভ করিলেন। আমরা তন্ময় হইয়া শুনিতে লাগিলাম। উনি যখন তাঁহার কথা শেষ কবিলেন তখন আবিষ্কার করিলাম সন্ধ্যার বাতি জলিয়া গিয়াছে। আমাদের ছুপুঁরেব খাওয়াও হয় নাই।

“আগে মুক্তবা আলীর কথাবার্তা শুনিয়া মনে করিতাম যে তাঁহাব মধ্যে গভীরতা নাই। কিন্তু আমাদের মতো তিনটি প্রাণীকে প্রায় ঘণ্টা দশেক যাবৎ যে তন্ময় করিয়া রাখিতে পাবেন তাঁহার মধ্যে গভীরতা নাই একথা কি করিয়া বলি।”

লোককে নাওয়া খাওয়া ভুলিয়ে কথা শোনার য়ে এলেম মুক্তবা আলীর ছিল তা তাঁর লেখাতেও বর্তেছে। তাঁর অননুকরণীয় বাগ্‌ভঙ্গীই যে তাঁর রচনারীতিকে গড়ে তুলেছিল সে বিষয়ে বিতর্কের স্ৰয়োগ নেই। মুক্তবা আলীর যে-কোনও রচনা পড়লেই মনে হয়, তিনি কলমের মুখে কথা বলছেন। একটা উদাহরণ দিই। মদের প্রতি সজ্জনীবাবুর বিতৃষ্ণা থাকা সত্ত্বেও মুক্তবা আলীর সামনে ঘণ্টা দশেক ঠাঁই বসে থেকে তাঁকে মদের নানা ব্যাখ্যান শুনেতে হয়েছিল। তেমনি তামাকের নামে মুর্ছা যান এমন লোকও এই বিবরণটির শেষ না পড়ে পারবেন না, একথা আমি হৃলফ করে বলতে পারি।

“বলে কি ? কাইরোতে তামাক ? স্বপ্ন হু মায়া হু মতিভ্রম হু ?

“দ্বিবিয়া ফর্শী হুঁকো এল। তবে হুমানের আাজের মত সাড়ে তিনগজী দরবারি নল নহু আর সমস্ত জিনিসটার গঠন কেমন ঘেন ভোতা ভোতা।

জরির কাজ করা আমাদের কশী কেমন যেন একটু 'নাজুক', মোলায়েম হৃদয়—  
এদের যেন একটু গাঁইয়া। তবে হ্যাঁ, চিলিমটা দেখে তজ্জি হল—ইয়া ডাবর  
পরিমাণ। একপো তামাকে হেসেখেলে তার ভিতর খানা গাভুতে পারে—  
তাওয়াও আছে। আঙনের বেলা অবিশ্তি আমি টিকের ধিকিধিকি গোলাপী  
গরম প্রত্যাশা করিনি, কারণ কাবুলেও দেখেছি টিকে বানাবার গুহুতখা সেখান-  
কার রসিকরাও স্মানেন না।

“আর যা খুশবাই বেরল তার রেশ দীর্ঘ চৌদ্দ বছর পরও যেন আমার নাকে  
লেগে আছে।

“পাঠক, তুমি নিশ্চয়ই জানো সুগন্ধী ইজিপশিয়ন সিগারেট ভূবনবিখ্যাত।  
কিন্তু কখনো কি ভেবে দেখেছ বিশেষ করে মিশরই সুগন্ধী সিগারেট তরিবং করে  
বানাতে শিখল কি করে? আইস, সে সম্বন্ধে কিঞ্চিং গবেষণা করা যাক। এই  
সিগারেট বানাবার পিছনে বিস্তর ইতিহাস, এস্তার রাজনীতি এবং দেশার রসায়ন  
শাস্ত্র লুক্কায়িত আছে।

“সিগারেটের জন্ম ভালো তামাক জন্মায় তিন দেশে। আমেরিকার  
ভার্জিনিয়াতে, গ্রীসের মেসেডোন অঞ্চলে এবং রুশের ক্রুসগারের পারে পারে।  
ভারতবর্ষ প্রধানত ভার্জিনিয়া খায়, কিছুটা গ্রীক কিন্তু এই গ্রীক তামাক এদেশে  
টার্কিশ এবং ইজিপশিয়ন নামে প্রচলিত। তার কারণ একদা গ্রীসের উপর  
আধিপত্য করতো তুর্কী এবং তুর্কী গ্রীসের বেবাক তামাক ইস্তাগুলো নিয়ে এসে  
কাগজ পেচিয়ে সিগারেট বানাতে। মিশরও তখন তুর্কীর কজ্ঞাতে, তাই তুর্কীর  
কর্তারা কিছুটা তামাক মিশরে পাঠাতেন। মিশরের কারিগররা সেই গ্রীক  
তামাকের সঙ্গে খাটি মিশরের খুশবাই মিশিয়ে দিয়ে যে অনবদ্য রসনলী নির্মাণ  
করলেন তারই নাম ইজিপশিয়ন সিগারেট।”—( আড্ডা, পঞ্চতন্ত্র )

সৈয়দ মুজতবা আলীর প্রতিভার সম্যক পরিচয়টা তুলে ধরবার জন্মই এই  
নাতিদীর্ঘ উদ্ধৃতিটি তুলে ধরা হল। লক্ষ্য করার বিষয় এই যে, শুধুমাত্র বাগ-  
বিভূতি নয়, মুজতবা আলী কথার পরতে পরতে হরেক বকম তথ্য ও সমাচার  
এমন সুন্দর আন্দাজে পরিবেশন করতে পারতেন বলেই তাঁর শ্রোতা বা পাঠক  
মুগ্ধ হয়ে পড়তেন। আর তাঁর পরিবেশিত তথ্যসম্ভার ছিল যত ব্যাপক তত  
বিচিত্র। দেশভ্রমণের অভিজ্ঞতা এবং অক্লান্ত অধ্যয়নই তাঁকে এই সুবিপুল রত্ন-  
ভাণ্ডারের ভাণ্ডারী করে তুলেছিল। আর এর জন্ম তাঁকে কত না পরিশ্রম করতে  
হয়েছিল। এই পরিশ্রমের ব্যাপারটা তিনি তাঁর পাঠকদের কাছে সম্পূর্ণ লুকিয়ে  
রাখতেন, যে তথ্য তিনি অনায়াসে সরসভাবে পরিবেশন করে গেলেন তা সংগ্রহ

করার পিছনে যে কত ঘাম বরষেছে ( আরবী, ফার্সী, উর্দু, হিন্দী, সংস্কৃত, মারাঠী, গুজরাতী, ইংরেজী, ফরাসী, জার্মান সহ পনেরটি ভাষা তাঁর অধিগত ছিল ) তা আদৌ বোঝা যেত না, সম্ভবত সেই কারণেই জ্ঞানীজনী মহল থেকে এই মন্তব্য শোনা যেত, জনপ্রিয়তার স্বযোগ নিয়ে ইংরেজিতে যাকে বলে playing to the gallery তিনি তাই করে গিয়েছেন, আর তাই করতে গিয়ে শক্তির অপচয় করেছেন। আমি মনে করি, সৈয়দ মুজতবা আলীকে আমরা তত্ত্বজ্ঞানী অধ্যাপকরূপে না পেয়ে যে রসালাপী আড্ডাধারীরূপে পেয়েছি, এটা আমাদের পক্ষে শাপে বর হয়েছে।

## ॥ দুই ॥

সৈয়দ মুজতবা আলীর সঙ্গে আমার পরিচয় হয় ১৯৪৮ সালে, একটা অন্তত ঘটনার মধ্য দিয়ে। তখন দেশ পত্রিকায় তাঁর “দেশে-বিদেশে” ধারাবাহিকভাবে প্রকাশিত হয়ে আমাদের একেবারে চমকে দিচ্ছে। ঐ বছরই সত্যযুগ পত্রিকায় ফা হিয়েন ছদ্মনামে লিখিত আমার একটা রচনা ধারাবাহিকভাবে প্রকাশিত হতে থাকে। প্রথম কিস্তি পড়েই উনি আমাকে তলব করেন। এং পলি রোডের বাড়ির একতলায় একটা ঘরে তাঁর সঙ্গে প্রথম সাক্ষাৎ এবং ঐ বাড়িরই তিনতলার ঘরে তাঁর মৃত্যুর কিছুদিন আগে শেষ সাক্ষাৎ।

প্রথম সাক্ষাতে তাঁকে আমার নদে-শান্তিপুরের গোসাঁই বলেই মনে হয়েছিল। মাথাভর্তি টাক, সহাস্ত্র, প্রাণোচ্ছল, দীপ্যমান সে চেহারা ভোলবার নয়। তাঁর অগ্রজ সৈয়দ মুর্তাজা আলী লিখেছেন, “বাল্যকালে মুজতবা আলীর চেহারা অত্যন্ত স্মন্দর ছিল। তাঁর বর্ণ গৌর ছিল। মুখের রেখা ধারালো।...বাস্তবিকই সে ঘোঁবনে ছিল কাঞ্চনকান্তি স্পুরুষ। তাঁর ডাকনাম ছিল সিতারা বা নক্ষত্র।”

তাঁর দাদার এই বিবরণ থেকেই জানা যায়, ১৯১৯ সালে রবীন্দ্রনাথ যখন সিলেটে আসেন তখন তিনি ছাত্রদের কাছে ‘আকাজ্জা’ সম্পর্কে বক্তৃতা দেন। মুজতবা আলীর বয়স তখন চৌদ্দ বছর। বক্তৃতা শুনে কারো সঙ্গে পরামর্শ না করেই মুজতবা রবীন্দ্রনাথকে চিঠিতে জিজ্ঞাসা করেন, “আকাজ্জা উচ্চ করতে হলে কি করা প্রয়োজন?” রবীন্দ্রনাথ লিখেছিলেন, “আকাজ্জা উচ্চ করিতে হইবে— এই কথাটার মোটামুটি অর্থ এই—স্বার্থই যেন মাহুষের কাম্য না হয়। দেশের মঙ্গলের জন্ত ও জনসেবার জন্ত স্বতঃস্ফূর্ত উদ্যোগ কামনাই মাহুষকে কল্যাণের পথে

নিয়ে যায়। তোমার পক্ষে কি করা উচিত তা এতদূর থেকে বলে দেওয়া সম্ভব নয়। তবে তোমার অন্তরের স্তম্ভেছাই তোমাকে কল্যাণের পথে নিয়ে যাবে।”

রবীন্দ্রনাথের এই চিঠিখানাই তরুণ মুক্তবাকে রবীন্দ্রনাথের কাছে এনে দেবার যোগসূত্রের কাজ করে। ১৯২১ সালে দেশে অসহযোগ আন্দোলনের বহা আসে। মুক্তবা আলী তখন সিলেটে সরকারী হাই স্কুলে ক্লাস নাইনের ছাত্র ও ক্লাসের ফার্স্ট বয়। সরস্বতী পূজার সময়ে কয়েকটি হিন্দু ছাত্র ডেপুটি কমিশনারের বাংলো থেকে কুল চুরি করে। পরের দিন ডেপুটি কমিশনার ডসন সাহেব চুরির খবর পেয়ে দোষী ছেলেদের ডেকে পাঠান। ছেলেরা উপস্থিত হলে ডেপুটি কমিশনারের হুকুমে চাপরাসীরা ছেলেদের দু-এক ঘা বেত মারে। ছেলেরা ধর্মঘট করল। তখন যে সব সরকারী কর্মচারীর পুত্রেরা ধর্মঘটে যোগ দিয়েছিল তাদের অভিভাবকদের উপর কর্তৃপক্ষ চাপ দিলেন। মুক্তবা আলীর পিতা সৈয়দ সিকান্দর আলী তখন সিলেটে জেলা সাববেজিস্ট্রারের পদে বহাল। ১৯০৪ সালে তিনি যখন করিমগঞ্জ শহবে রেজিস্ট্রেশন বিভাগে চাকরি করতেন তখন তাঁর কনিষ্ঠ পুত্র মুক্তবা জন্মগ্রহণ করেন।

ডেপুটি কমিশনার সাহেব মুক্তবা আলীর বাবাকে ডেকে নিয়ে অসন্তোষ প্রকাশ করলেন। বাবা মুক্তবাকে স্কুলে ফিরে যেতে বললেন। কিন্তু দৃঢ়প্রতিজ্ঞ মুক্তবা কিছুতেই স্কুলে ফিরে যেতে বাজী হলেন না। বাবা তাঁকে সরকারী স্কুলে ফিরে যেতে বললে তিনি শাস্তিনিকেতনে যাওয়ার ইচ্ছা প্রকাশ করেন। তখন সবেমাত্র বিশ্বভারতী স্থাপিত হয়েছে। তখন রবীন্দ্রনাথ নিজেই বিশ্বভারতীতে পড়াতেন। মুক্তবা আলী তাঁর কাছে বলাকা, শেলী ও কীটসের কাব্য অধ্যয়ন করার সৌভাগ্য লাভ করেছিলেন। তখন বেনোয়া, বগদানক, সিলভা লেভি, ভিনটারনিংস, ভূচি প্রভৃতি দিকপাল অধ্যাপকগণ বিশ্বভারতী আলো করে ছিলেন। এঁদের সান্নিধ্যে আসার ফলেই মুক্তবার নানা ভাষা শিক্ষার বুনয়াদ তৈরি হয়ে যায়। তাঁর জ্ঞানভূষণও বেড়ে ওঠে।

শাস্তিনিকেতনের পড়া শেষ করে মুক্তবা আলী কিছুকাল আলীগড়ে পড়াশুনা করেন। তারপর তাঁর কাবুলে অধ্যাপনা করতে যাওয়ার সুযোগ হয়। সেখানে দু বছর থাকবার পর ১৯২৯ সালে দেশে ফিরে আসেন। এই সময়ের অভিজ্ঞতাই তাঁর অবিস্মরণীয় রচনা ‘দেশ-বিদেশে’র উৎস।

এরপর মুক্তবা জার্মান বৃত্তি নিয়ে প্রথমে বার্লিন এবং পরে বন বিশ্ববিদ্যালয়ে অধ্যয়ন করেন। আমীনুল রশীদ চৌধুরী সাহেব লিখেছেন, ব্রাসেলসে পাকিস্তান দূতাবাসের প্রথম সেক্রেটারী ডঃ হাসান হৈমাম, আদি নিবাস বিহারে, তাঁকে

সিলেটের লোক জেনে জিজ্ঞাসা করেন, তিনি ডঃ সৈয়দ মুজতবা আলীকে চেনেন কি না? “আমি উত্তর দিলাম, চিনিব না কেন, উনি তো আমার আত্মীয়ও হন। এরপর ভক্তলোকের উৎসাহ আরও বাড়িয়া গেল। আমাকে বলিলেন, দেখুন, আমি বন বিশ্ববিদ্যালয়ে যখন ভরতি হই তখন অধ্যাপকমণ্ডলীর মুখে প্রাচ্যের একজন ছাত্রেরই নাম শুনিলাম। তিনি হইলেন ডঃ সৈয়দ মুজতবা আলী।” বন থেকে তিনি ডক্টর ডিগ্রি পান। বন বিশ্ববিদ্যালয় পায় তাঁর গবেষণা ‘খোজা সম্প্রদায়ের উৎপত্তি ও তাদের বর্তমান ধর্মজীবন’। আর আমরা, বাঙালী পাঠকেরা, পেয়েছি মুজতবার কাল-হাসির মালায় গাঁথা অভিজ্ঞতার অপূর্ণ ফসল, আমার মতে তাঁর অল্পতম শ্রেষ্ঠ কীর্তি ‘চাচা কাহিনী’।

১৯৩২ সালে তিনি জার্মানী থেকে দেশে ফিরে আসেন। তারপর আবার ইওরোপ যাত্রা এবং ইওরোপ থেকে কায়রো। সেখানে আল-আজহার বিশ্ব-বিদ্যালয়ে কিছুদিন পড়াশুনা করেন। বরোদার মহারাজা সয়াজীরাও গাই-কোয়াদের সঙ্গে কায়রোতেই তাঁর আলাপ হয়। কায়রোর কথা ‘পঞ্চতন্ত্রের এখানে-ওখানে ছড়ানো। আর তাঁর ‘কোদু মুখহান’র কাহিনী তো বাঙালী পাঠকের কাছে কায়রোকে দৃঢ় বন্ধনে বেঁধে রেখে দেবে চিরকাল।

১৯৩৪ সালে দেশে ফিরে মুজতবা বরোদা যান। বরোদা কলেজে তিনি তুলনাত্মক ধর্মতত্ত্বের অধ্যাপকের পদ গ্রহণ করেন। মহারাজার মৃত্যুর পর তিনি কলকাতায় ফিরে এসে ৫নং পার্ল রোডে তাঁর বন্ধু আবু সয়ীদ আইয়ুবের সাহায্যে বাস করতে থাকেন। অসুস্থ আইয়ুব চিকিৎসার জগ্ন মদনাপল্লী গেলে মুজতবাও তাঁর অসুস্থগমন করেন এবং এই সময় কিছুদিন বাঙ্গালোরে বাস করেন। তিনি রমন মহর্ষির প্রতিও আকৃষ্ট হয়েছিলেন। এবং আশ্রমবাসীও হয়েছিলেন।

বাঙ্গালোরে বসেই তিনি ‘দেশে-বিদেশে’ রচনা শুরু করেন। তবে আনন্দ-বাজার পত্রিকায় সতাপীর এবং টেকচাঁদ ছদ্মনামে তাঁর রচনা তাঁর আগেই প্রকাশিত হয়েছে। ‘দেশে-বিদেশে’র প্রকাশ যেন তাঁর দ্বিধিজয়ের সমান।

১৯৪১ সালে সৈয়দ মুজতবা আলী বগুড়া কলেজে অধ্যক্ষরূপে যোগ দেন। কিন্তু তাঁর পরিশীলিত এবং পরিচ্ছন্ন চিন্তাধারা তাঁর পাকিস্তান বাসে প্রতিবন্ধকতা সৃষ্টি করে। পূর্ব পাকিস্তান ত্যাগ করে তিনি আবার কলকাতায় চলে আসেন এবং ভারতের নাগরিকত্ব গ্রহণ করেন। এরপর আকাশবাণীতে যোগ দিয়ে তিনি কটকের স্টেশন ডিরেক্টর হন। তাঁর আগে তিনি কিছুদিন ভারত সরকারের কালচারাল রিলেশনস সংস্থার সেক্রেটারীর পদেও কাজ করেন। আকাশবাণীর চাকরি ছেড়ে তিনি বিশ্বভারতীতে যোগ দেন। সেখানে প্রথমে

জার্মান ভাষা পড়াতেন পরে তিনি ইসলামিক কালচার বিভাগের অধ্যাপক নিযুক্ত হন। বিশ্বভারতীর অধ্যাপনা ছাড়বার পর সাহিত্যচর্চা ছাড়া আর কিছু করেননি।

১৯৩১ সালে তৎকালীন পূর্ব পাকিস্তানের শিক্ষাব্রতী শ্রীমতী রাবেয়া খাতুনের সঙ্গে তাঁর বিবাহ হয়। মুজতবা আলীর দুই পুত্র সৈয়দ মশররফ আলী এবং সৈয়দ জগনুল আলী বাংলাদেশেই বাস করেন।

## ॥ তিন ॥

সৈয়দ মুজতবা আলীর মধ্যে একটা ভাবুক, সদা ছটফটে রসিক শিশু পুরুষ লুকানো ছিল। পরিহাসের তলায় অনেক গ্লানি লুকিয়ে রাখার ক্ষমতা তাঁর ছিল অসাধারণ। ‘দেশে-বিদেশে’ কি ‘চাচা-কাহিনী’র পাতায় পাতায় যার অজস্র নিদর্শন ছড়িয়ে ছিটিয়ে রয়েছে। গভীর মর্মান্তিক সব দুঃখের কাহিনী কত অনায়াসেই না বলে যেতে পারতেন! হাসতে গিয়ে মনে হত কি বোকাই না বনে গিয়েছি।

এনং পার্ল রোডের বাড়িতেই তাঁর সঙ্গে আমার শেষ দেখা। বেশ কিছুদিন ধরে রোগে ভুগছিলেন। কোথায় সেই উজ্জলকাস্তি! অবসন্ন পাণ্ডুর চেহারাটি নিয়ে তিনি “আস্তাজ্ঞা-হোক” বলে চোকির উপর উঠে বসলেন। চারদিকে বই ছড়ানো। এলোমেলো ঘর। গায়ে একটা নকশী-কাঁথা জড়ানো।

এই এলোমেলো বেশবাসের মধ্যেও যেটা হারায়নি তা হল তাঁর অনর্গল কথার স্রোত। তাঁর রচনায় যা বয়েই চলেছে।

গৌরকিশোর ঘোষ



ধূপছায়া

ଉତ୍ସର୍ଗ

ଅଗ୍ରଞ୍ଜ ସୈୟଦ ମରତୁଞ୍ଜା ଆଲୀ ସାହେବେର କରକମଳେ



## দেশভ্রমণ

ছেলেবেলায় মাস্টারমশাই গোরু সঙ্গকে রচনা লিখতে হুকুম দিতেন। এখনও মনে পড়ছে, তালুর ব্রহ্মরজ দিয়ে ধোঁয়া বেরিয়ে যেত কিন্তু কিছুতেই ভেবে পেতুম না, গোরু সঙ্গকে লিখব কী? শেষটায় মনে হত, আমি একটা আস্ত গোরু, না হলে গোরু সঙ্গকে কিছুই লিখতে পারছি নে কেন—যে গোরু ইঙ্কুল আসতে-যেতে নিত্যা নিত্যা দেখতে পাই। সে-কথা একদিন এক বন্ধুকে বলতে সে বীকা হাসি হেসে বলেছিল, আত্মজীবনী লেখা তো কঠিন নয়।

শেষটায় অনেক ভেবে-চিন্তে লিখতুম, গোরুর চারখানা পা, দুটো শিঙা আর একটা হাজ আছে। গুরুমশাই তারই উপর চোখ বুলিয়ে যেতেন, পেটের অগ্রস্থ থাকলে দিতেন ছ নখর, মজি ভাল থাকলে দিতেন আট। আমিও খুশী হয়ে ভাবতুম, এই গোরুর হাজ ধরে পরীক্ষা-বৈতরণী ঠিক ঠিক পেরিয়ে যাব।

কিন্তু মাঝে মাঝে ভাবতুম, দুটো শিঙা বলার অর্থ হয়, কারণ গণ্ডারের নাকি একটা শিঙা। চার পা বলাও অবাস্তব নয়, কারণ চার না হয়ে গোরুর ছ পাও হতে পারত কিন্তু একটা হাজ বলার ত কোন মানে হয় না—আজ পর্যন্ত ত কোন জানোয়ারের দুটো হাজের কথা শুনি নি। একদিন মাস্টারমশাইকে প্রশ্নটা শুধালে তিনি বললেন, ইংরেজী ভাষার আইন অনুসারে বলতে হয়, দি কাউ হাজ এ টেল। ‘এ’টা না দিলে ব্যাকরণের গলতি হয়। তখন বুঝলুম ‘এ টেল’টা গোরুর হাজ নয়, ইংরেজী ব্যাকরণের হাজ। কিন্তু তবু প্রশ্ন রয়ে গেল, বাংলাতে যখন ‘একটা’ ব্যবহার না করে দিবা বলতে পারি ‘গোরুর হাজ আছে’ তখন ইংরেজের মত সুসভ্য জাত সৃষ্টির প্রথম পূর্বাক্কে বৃক্ষাবতরণকালে তার মর্কট রূপটি ত্যাগ করার সময় এই বৈয়াকরণিক কিংবা আলঙ্কারিক পুচ্ছটিও বর্জন করল না কেন?

আমি ইংরেজী লিখতে পারি নে। খারা ওই ভাষাতে নাম করেছেন, তাঁদের মুখে শুনেছি, ওই ‘এ’র হাজ নাকি এখনও তাঁদের মুখের উপর মাঝে মাঝে ঝাপটা মারে। তাই শুনে বিম্বসম্বোধী মন বিমলানন্দ লাভ করে।

সে-কথা থাক।

কিন্তু যখন মাস্টারমশাই হুকুম দিতেন, ‘দেশভ্রমণের উপকারিতা সঙ্গকে প্রাঞ্জল ভাষায় কিঞ্চৎ বর্ণনা কর’, তখন সে-বৈতরণীর ও-পার আর চোখে দেখতে পেতুম না। গোরু জানোয়ারটা উৎকৃষ্ট হোক নিকৃষ্ট হোক সেটাকে তবু চিনি, না-হক্ক এ-কথা কখনই বলে ফেলব না, ‘গোরু বড় প্রভুভক্ত জীব, সে রাত জেগে

চোর-ডাকু খেদায় কিংবা পাড়ার মোন্দারমশাই গোক চড়ে আদালতে পেশকারি করতে যান।’ কিন্তু দেশভ্রমণ বলতে ত বুঝি দাদীর বাড়ি যাবার সময় নৌকোর ছেয়ের ভিতরের দিকটা—ছেয়ের বাইরে যেতে চাইলেই বাবা রাশভারী গলায় বলতেন, ‘থাক থাক, আর বিলে ডুবে মরতে হবে না।’ বাংলা ভাষাটা নিজস্ব পশ্চিম-বাঙলার ভাষা। না হলে ‘ডানপিটের মরণ গাছের ডগায়’ না বলে বলত, ‘ডানপিটের মরণ বিলের তলায়’। সেই ছেয়ের দিকে তাকিয়ে তাকিয়ে ত আর দেশভ্রমণের উপকারিতা সম্বন্ধে তত্ত্বজ্ঞান জন্মায় না। কাজেই তখন বাধ্য হয়ে সন্ধান নিতে হত, কোন ‘এসে বুক’ মুখস্থ করে বীরভূমের হেতমপুর ইন্সুলের বিশ্বস্তর ডড গেল-বার ম্যাট্রিকে কাস্ট হয়েছে। ‘চিত্তের প্রসার’, ‘অভিজ্ঞতার বৈচিত্র্য’, ‘কষ্টসম্বন্ধিতার পরিপূর্ণতা’ ইত্যাদি যাবতীয় উত্তম উত্তম গুণরাজিতে প্রবন্ধটি ভরে দিতে তাই আমাদের তখন আর কণামাত্র অহুবিধে হত না—ইন্সুল-ঘরের চারিটি বেড়ার ভিতর বসে বসে। মাস্টারমশাইও কোন আপত্তি জানাতেন না, কারণ আমরা বিলক্ষণ জানতুম, তাঁর দৌড়, ‘মোজার দৌড় মসজিদ তক’—অর্থাৎ, তাঁর এক ভাগ্নে ম্যাট্রিক ফেল মেরে আগরতলায় পালিয়ে যাওয়াতে তিনি ভয়ে ভয়ে ‘দুর্গা দুর্গা, দুর্গতিনাশিনী’ জপ করতে করতে অতি অনিচ্ছায় আগরতলা অবধি একবার ‘দেশভ্রমণ’ করেছিলেন। জাত যাবার ভয়ে তিনি সেই যাওয়া-আসাটা সেরেছিলেন নিরত্ন, অপর্ণব্রতে। ফিরে এসে তিনি প্রায়শ্চিত্ত করেছিলেন, কারণ ভিড়ে মেলা জাত-বেজাতের লোক হয়ত তাঁর গাত্রস্পর্শ করে ফেলেছে। এবং সবচেয়ে মারাত্মক অগ্নিপরীক্ষা তাঁকে তখন পেরতে হয়েছিল, তার সঙ্গে অন্য কোন পরীক্ষার তুলনা হয় না, সেই একমেবা-দ্বিতীয়ম দেশভ্রমণের ঝাড়া বারোটি ঘণ্টা তিনি তাঁর নর্মসখী কুশালুদীপ্ত তান্ত্রকূটশীর্ষ ডাবান্নন্দরীর সূচিকণ কৃষ্ণগণ্ডে একটি মাত্র নিবিড় চূষন দিতে পারেন নি। তিনি ‘পথি নারী বিবাজিতা’ এই আপ্তবাক্যটির স্মরণে গুচান্মিতাকে সজল নয়নে তাঁর সপত্নীর হাতে সমর্পণ করে দৃঢ়পদে পশ্চিমাভিযান করেছিলেন।

এ-জাতীয় গুরু পৃথিবী থেকে লোপ পেয়েছেন। টোলো-পণ্ডিত, আপন চেটায় ইংরেজী শিখেছিলেন, কিন্তু কোনও ডিগ্রী ছিল না বলে ক্লাস সিক্সের উপরে যাবার তাঁর হুক ছিল না।

কিন্তু সেইটে আসল কথা নয়। আসল কথা এই, তিনি যখন দেশভ্রমণের উপকারিতা সম্বন্ধে ‘পয়েন্ট’ দেবার সময় উচ্চাঙ্গের বক্তৃতা ঝাড়তেন তখন, কেন জানি নে, একমাত্র আমারই মনে সন্দেহ হত যে, তাঁর ভ্রমণ-প্রশস্তি হিন্দু গৃহিণীর ভিন্ন হেঁশেলে মুর্গা রান্না করার মত। ছেলে-ছোকরারা থাকে, তিনি রান্নার পর

গল্পান্বিত করে বুনেন্দী হেঁশেলে পুঁই-চচ্চড়ি চড়াবেন।

আমি তাই একদিন সাহস করে বলেছিলুম, ঘোরাঘুরি করলেই যদি এত বিস্তে হয় তবে ত গার্ডসাহেব আজমল আলী আমাদের শহরের সবচেয়ে জ্ঞানী পুরুষ। আশ্চর্য, পণ্ডিতমশাই রাগ করলেন না। সন্দিক্ধ নয়নে, অর্থপূর্ণ দৃষ্টিতে আমার দিকে তাকালেন শুধু; আমি তাঁর চোখের ভাবতে পড়লুম, ‘তবে কি রাস্কেলটা আমার মনের গোপন খবর পেয়ে গিয়েছে?’

তা সে যাই হোক, পণ্ডিতমশাই কিন্তু তখন একটা ইঙ্গিত দিয়েছিলেন, তার অর্থ, আর পাঁচটা জিনিসের মত দেশভ্রমণও খুদাতালা আপন হাতে কন্ডা করে রেখেছেন। পাঁচটা জিনিসের মত দেশভ্রমণের উপকারিতা সম্বন্ধে স্থির-নিষ্চয় হওয়ার পরই মাহুঘ দেশভ্রমণে বেরয় না; যার কপালে ওটা লেখা আছে, কিংবা বনুন কপালে নয়, যার পায়ে চকর আছে, সে-ই বেরয় দেশভ্রমণে। কেউ বেরয় পণ্ডিতমশায়ের মত গজরাতে গজরাতে, কেউ বেরয় চেন-ছাড়া পাখির মত তিড়িং তিড়িং করে, তিন লক্ষ্মে গোট-পেরিয়ে।

দেশভ্রমণ করেছি, এ-রকম একটা খ্যাতি আমার আছে। এ-সম্বন্ধে কোন প্রকারের উচ্চবাচ্য আমি করি নে। অর্থাৎ আমি যে-সব ভূমি দেখেছি, শুধুমাত্র সেগুলোর সাদামাটা বর্ণনা দিয়েই ক্ষান্ত থাকি। দেশভ্রমণ ভাল কি মন্দ, কোন কোন দেশে গিয়েছিলাম এ-সম্বন্ধে কোন প্রকারের ইঙ্গিত দেবার প্রয়োজন মনে করি নে। অথচ, আমার বহু সহনয় পাঠক ধরে নিয়েছেন যে, আমি দেশভ্রমণের নাম শুনেই মুক্তকণ্ঠ হয়ে তন্দ্রেই বন্দর পানে ধাওয়া করি।

এ-ধারণাটা সত্য নয়। কিন্তু তবু এটার প্রতিবাদ আমি করতুম না, যদি না এ-ধারণা আমার প্রতি কিঞ্চিৎ অবিচার করত। কিংবা এটা যদি নিতান্ত ব্যক্তিগত ব্যাপার হত তা হলেও চূপ করে থাকলে কোন ক্ষতি হত না। কিন্তু এ-ব্যাপারে আমিই সবেধন উজ্জ্বল নীলমণি নই, আমার চেয়েও হতভাগা গুটি কয়েক আছেন। তাই ব্যক্তিগত কাহিনী বলার স্কোচ অনিচ্ছায় কাটাতে হল।

কেউ যখন বলে ‘ফলনা দেশভ্রমণ করতে ভালবাসে’ তখন সে-বাক্যে আমি প্রশংসার চেয়ে নিন্দাই দেখতে পাই বেশী। এ যেন অনেকটা ‘ওঠ ছুঁড়ি তোর বিয়ে, গামছা পর গিয়ে’। তার অর্থ মেয়েটা এমনি মারাত্মক রকমের হস্তে হয়ে উঠেছে বিয়ে করবার জন্ত যে, বাপ-মার স্নেহ-ভালবাসার তোয়াকা সে আর করে না, আপন বাড়ি-ঘর ছেড়ে যেতে তার আর কোন ক্ষোভ নেই, বিয়ের অপরিহার্য আবুযক্কিক শাড়ি-গয়না, বাজনাবাণ্ডিরও তার প্রয়োজন নেই, আপন গামছা পরেই পড়ি-মরি হয়ে সে সাতপাক ঘুরবে।

পাঁড় দেশভ্রমণকারীর-অর্থও তা-ই। যে মাটিতে তার নাড়ি পোতা আছে, যে-নদীর জল খেয়ে সে আজ চলতে শিখেছে, যে আমজামকাঁঠাল তাকে ছায়া দিয়ে শ্রামল শীতল করে রেখেছে, যার প্রতিটি দুর্বাদল তার পদ-তাড়না কামনা করে—তারা যেন কিছুই নয়, তারা যেন বানের জলে ভেসে-আসা, ফেলনা। গুরুদেব আশীর্বাদ, বাপ-মায়ের স্নেহ, ভাইবোনের ভালবাসা, বন্ধুজনের সদাস্তরিকতা, এসব কথা আর তুললুম না, সেগুলো এতই শুচিশুদ্ধ পবিত্র যে, ওদের স্মরণকে কলঙ্কিত করে মহাপাতকী হতে চাই নে।

অসহিষ্ণু হয়ে শাস্ত পাঠক বললেন, ‘কী জালা, লোকটা ত আর চিরকালের তরে দেশত্যাগী হয়ে চলে যাচ্ছে না। দুদিন কিংবা দুবছর পরে আবার তো ফিরে আসবে। ইতিমধ্যে তোমার গাছগুলো ত আর রবি ঠাকুরের “হংস-বলাকা”র মত ডানা মেলে আকাশের কিনারা খুঁজতে বেরিয়ে যাবে না, কিংবা নদীটি জনকতনয়ার অভিসম্পাতে অন্তঃসলিলা হয়ে যাবেন না, কিংবা—”

বেশ কথা। তা হলে কিছু বলার নেই। এবং সত্যি বলতে কী, সেইটেই কাম্য। আমাদের মুনিঋষিরা সেই নির্দেশই দিয়ে গিয়েছেন; আমাদের বাপ-পিতামো তাই করেছেন। মুসলমান মৌলানা-দরবেশরা তাই বলেছেন। তাদের ব্যাটা-বাচ্চারা তাই করেছে।

তাই শাস্ত্রকার আদেশ দিয়েছেন, গুরুগৃহে বিদ্যাচর্চা সমাপ্ত হলে পর তীর্থ-ভ্রমণান্তে (‘দেশভ্রমণ’ কিংবা হালফিলের কথা ‘টুরিজম’) স্বগৃহে প্রত্যাবর্তন করত গৃহস্থাস্রম-প্রবেশ কর্তব্য। তারপর আর দেশভ্রমণ-টেশভ্রমণের রা-টি কেড়ে নি। নিতান্তই যদি বাউণ্ডুলপনা করতে হয় তবে কর, প্রাণভরে কর, সন্ন্যাস নেবার পর। এমন কী, বাণপ্রস্থ যাবে জনপদভূমির প্রত্যন্ত প্রদেশে। সে-অবস্থায়ও যত্রতত্র পথটন গর্হিত।

কিন্তু সন্ন্যাসের বাউণ্ডুলগিরির প্রতি কর্তার এত সদয় কেন? তার এক কারণ :

ভোগে রোগভয়ং, কূলে চ্যুতিভয়ং, বিস্তে নৃপাদ্ ভয়ং,  
মানে দৈন্ত্যভয়ং, বলে রিপুভয়ং, রূপে তরুণ্যা ভয়ং,  
শাস্ত্রে বাদীভয়ং, গুণে খলভয়ং, কায়ে কৃতাস্তাদ্ ভয়ং,  
সর্ববস্তু ভয়াশ্চিতং, ভূবি নৃগাং বৈরাগ্যমেবাভয়ং ॥

শুধু বৈরাগ্যেই অভয়। তাই শাস্ত্রকার বলেছেন, যে মুহূর্তে মনে বৈরাগ্যের ঈদয় হবে সেই মুহূর্তেই সন্ন্যাস গ্রহণ করে গৃহত্যাগ করবে। ব্রহ্মচর্য সমাপ্ত না করে গার্হস্থ্যাস্রমে প্রবেশ করা যায় না, গার্হস্থ্য সমাপন না করে বাণপ্রস্থ গ্রহণ

গর্হিত ; কিন্তু সন্ন্যাস নেওয়া যায় যে-কোনও সময়ে—ডবল, ট্রিপল প্রমোশন নিয়ে ।

কিন্তু সন্ন্যাস নেওয়ার পর আর গৃহে ফিরতে পারবে না । সেইটেই হল সবচেয়ে বড় কথা এবং সেই দিকেই বিশেষ করে আমি আমার পাঠকের দৃষ্টি আকর্ষণ করছি । সন্ন্যাস গ্রহণের পর কোন জায়গাতেই তিন দিনের বেশী থাকবার নিয়ম নেই, এক বর্ষাকাল ছাড়া । বৌদ্ধ শ্রমণদেরও এই ‘বিনয়’ ।

এর সূক্ষ্ম উদ্দেশ্য কী ? সন্ন্যাস গ্রহণ করলে আত্মার কি প্রসার হয় না-হয় সে-সম্বন্ধে উচ্চবাচ্য করবার অধিকার আমার নেই ; কিন্তু তাতে করে সমাজ ও সংস্কারের কী ক্ষতিবৃদ্ধি হয় সে সম্বন্ধে বলার অধিকার আমাদের মত সংসারীদের নিশ্চয় আছে ।

আমার মনে হয়, সন্ন্যাস নিয়ে পর্যটন করুন, আর সন্ন্যাস না নিয়ে টুরিস্টের মত বাউণ্ডলেপনা করুন, ফল একই । নানা দেশ নানা লোক, বহু সমাজবন্ধন, বহু উচ্ছ্বালতা, বিস্তর ধর্মাচার এবং ততোধিক চাৰ্বীকাচরণ দেখে দেখে মানুষের চিত্তের প্রসার হয় বটে, কিন্তু সঙ্গে সঙ্গে সেই ‘প্রসাৰ’ই তাকে দেশের রীতিনীতি সম্বন্ধে একদিক দিয়ে করে দেয় নির্বিকল্প উদাসীন, অগ্ৰাদিক দিয়ে আপন মাটি আপন গ্রামের কলাণকামনায় নিম্পুহ । ইংরেজীতে একেই বলে ‘জেডেড’, ফরাসীতে ‘ব্লাজে’ । এই অবস্থার কল্পনা করেই জার নিকোলাস বলেছিলেন, ‘পরেব বেদনা বৃষ্টিতে না পারে, না ভাবে আপন স্তম্ভ’ । গাম্য ভাষায় একেই বলে ‘দড়কচ্চা হয়ে “ল্যাাদা” মেরে যাওয়া ।’

এইসব ‘ভবঘুরে’রা তখন আর সমাজের ভিতর আপন আসন গ্রহণ করে কর্তব্যচরণে আত্মনিয়োগ করতে পারে না । পাতোক সমাজেরই কতকগুলি অগ্ৰায় বন্ধন থাকে, এককালে হয়ত সেগুলোর কোন অর্থ ছিল, এখন লোকে ভুলে গিয়েছে, সঙ্গে সঙ্গে আবার মুক্তির রক্তও থাকে । এ-ভয়ের টানাটানির মাঝখানে উত্তম পন্থাটি বের করার নামই সমাজ । আমাদের বাউণ্ডলেটির কাছে দুটোই অর্থহীন । সে ঘোরাঘুরির কলে দেখেছে বহু সমাজ, যেখানে অগ্নি বন্ধন, অগ্নি মুক্তি । দেশের সমাজের মূঢ়তা যেমন তাকে বিচলিত করতে পারে না, তার আদর্শবাদও তাকে উদ্বুদ্ধ করতে পারে না । তাই পূর্বেই নিবেদন করেছি, সন্ন্যাসগ্রহণের পর স্বগ্রামে প্রত্যাবর্তন নিষিদ্ধ ।

আর যদি ধান-ধারণা সাধনা-তপস্শার কথা তোলেন, তবে তার পরম শত্রু দেশভ্রমণ । গো্যাটে বলেছেন, ‘চরিত্রবল সৃষ্টি করতে হলে জনসমাজে মেশো, কিন্তু যদি প্রতিভার সম্যক প্রস্ফুরণ তোমার কামনা হয়, তবে সাধনা কর নির্জনে ।’



‘আর আমাদের অবনীন্দ্রনাথ বলেছেন, ‘ছবি দেখে যদি আমরা পেতে চাও তবে আকাশে জলে-স্থলে প্রতি মুহূর্তে এত ছবি আঁকা হচ্ছে যে, তার হিসেব নিলেই স্থখে চলে যাবে দিনগুলো—’

‘আর যদি ছবি লিখে আনন্দ পেতে চাও তবে আসন গ্রহণ কর এক জায়গায়, দিতে থাক তুলির টানে রঙের পৌঁচ। এ দর্শকের আমরা নয়, স্টার আনন্দ।’

চতুর্দিকে নিজেকে বিক্ষিপ্ত বিকীর্ণ করে দিলে এ-আনন্দ পাওয়া যায় না ॥

### রসগোল্লা

‘চুক্তিঘর’ কথাটা বাংলা ভাষাতে কখনও খুব বেশী চালু ছিল না বলে আজকের দিনে অধিকাংশ বাঙালী যদি সেটা ভুলে গিয়ে থাকে, তবে তাই নিয়ে মর্মান্তক হবার কোন কারণ নেই। ইংরেজীতে একে বলে ‘কাস্টম্ হাউস’, ফরাসীতে ‘দুয়ান্’, জার্মানে ‘ৎসল্-আম্ট্’, কাঙ্গারীতে ‘গুম্‌রুক্’ ইত্যাদি ইত্যাদি। এতগুলো ভাষাতে যে এই লক্ষ্মীছাড়া প্রতিষ্ঠানটার প্রতিশব্দ দিলুম তার কারণ আজকের দিনে আমার ইয়ার, পাড়ার পাঁচু, ভূতো সবাই সরকারী, নিম-সরকারী, মিন-সরকারী পয়সায় নিতি নিত্যি কাইরো-কান্দাহার প্যারিস-ভেনিস সর্বত্র নানাবিধ কনকারেন্স করতে যায় বলে, আর পাকিস্তান হিন্দুস্থান গমনাগমন ত আছেই। ওই শব্দটি জানা থাকলে তড়িঘড়ি তার সন্ধান নিয়ে আর পাঁচজনের আগে সেখানে পৌঁছতে পারলে তাড়াতাড়ি নিষ্কতি পাওয়ার সম্ভাবনা বেশী। ওটাকে ফাঁকি দেবার চেষ্টা কাম্বিনকালেও করবেন না। বরঞ্চ রহমত কাবুলীকে তার হকের কড়ি থেকে বঞ্চিত করলে করতেও পারেন কিন্তু তার দেশের ‘গুম্‌রুক্’টিকে ফাঁকি দেবার চেষ্টা করবেন না। ‘কাবুলি-ওয়াল্লা’ ফিল্ম আমি দেখি নি। রহমতও বোধ করি সেটার্তে তার ‘গুম্‌রুক্’কে এড়াবার চেষ্টা করে নি।

কেন ? ক্রমশ প্রকাশ্য।

ডাক্তার, উকিল, কসাই, ডাকাত, সম্পাদক (এবং সম্পাদকরা বলবেন, লেখক) এদের মধ্যে সকলের প্রথম কার জন্মগ্রহণ হয় সে কথা বলা শক্ত। যারই হোক, তিনি যে চুক্তিঘরের চেয়ে প্রাচীন নন সে-বিষয়ে আমার মনে কোন সন্দেহ নেই। মাহুবে মাহুবে লেনদেন নিশ্চয়ই সৃষ্টির সঙ্গে সঙ্গেই শুরু হয়েছিল এবং সেই মুহূর্তেই তৃতীয় ব্যক্তি বলে উঠল, ‘আমার ট্যাঙ্কোটা ভুলো না কিন্তু’—তা সে তৃতীয় ব্যক্তি গায়ের মোড়লই হন, পঞ্চাশখানা গায়ের দলপতিই হন, কিংবা রাজা অথবা

তার কর্মচারীই হন। তা তিনি নিন, আমার তাতে কোন আপত্তি নেই, কারণ এযাবৎ আমি পুরনো ধবরের কাগজ ছাড়া অন্য কোনও বস্তু বিক্রি করি নি। কিন্তু যেখানে ছু পয়সা লাভের কোন প্রস্নই ওঠে না, সেখানে যখন চুক্তিধর তার না-হকের কড়ি না-হক চাইতে যায়, তখনই আমাদের মনে স্বেদ জাগে, ওদের কাঁকি দেওয়া যায় কী প্রকারে ?

এই মনে করুন, আপনি যাচ্ছিলেন ঢাকা। প্যাক করতে গিয়ে দেখেন, মাত্র দুটি শার্ট যোপার মারপিট থেকে গা বাঁচিয়ে কোন গতিতে আত্মরক্ষা করতে সমর্থ হয়েছে। ইন্টিশানে যাবার সময় কিনলেন একটি নয়া শার্ট। বাস, আপনার হয়ে গেল। দর্শন পৌঁছতেই পাকিস্তানী চুক্তিধর হলুধনি দিয়ে দর্শনী চেয়ে উঠবে। তারপর আপনার শার্টটির গায়ে হাত বুলবে, মন্তক আত্মাণ করবে এবং শেষটায় ধুতরাট্ট যে-রকম ভীমসেনকে আলিঙ্গন করেছিলেন ঠিক সেই রকম বুক জড়িয়ে ধরবে।

আপনার পাজর কথানা পটপট করতে আরম্ভ করেছে, তবু শুকনো মুখে চিঁচিঁ করে বলবেন, 'ওটা ত আমি নিজের ব্যবহারের জগ্ন সঙ্গে নিয়ে যাচ্ছি। ওতে ত ট্যাক্স লাগবার কথা নয়।'

আইন তাই বলে।

হায় রে আইন! চুক্তিওলা বলবে, 'নিশ্চয় নিশ্চয়। কিন্তু ওটা যদি আপনি ঢাকাতে বিক্রি করেন?'

তর্কস্থলে ধরে নিলুম, আপনার পিতামহ তর্কবাগীশ ছিলেন তাই আপনি নুর্খের স্নায় তর্ক তুললেন, 'পুরনো শার্টও ত ঢাকাতে বিক্রি করা যায়।'

এই করলেন ভুল। তর্কে জিতলেই যদি সংসারে জিত হত তবে সক্রান্তেসকে বিষ খেতে হত না, যীশুকে ক্রুশের উপর শিব হতে হত না।

চুক্তিওলা জানে, জীবনের প্রধান আইন, চূপ করে থাকা, তর্ক করার বদভ্যাসটি ভাল নয়। একেবারেই হয় না ওতে বুদ্ধিশক্তি'র চালনা।

কী যেন এক অজ্ঞানার খেয়ানে, দীর্ঘ অ্যারস্টিপের পশ্চাতের সুদূর দিকচক্র-বালের দিকে তাকিয়ে বলবে, 'তা পারেন।'

তারপর কাগজ পেনসিল নিয়ে কী সব টরে-টঙ্কা করবে। তারপর বলবে, 'পনের টাকা।'

আপনার মনের অবস্থা আপনিই তখন জানেন—আমি আর তার কী বয়ান হবে। ব্যাপারটা যখন আপনার সম্পূর্ণ হৃদয়ঙ্গম হল, তখন আপনি ক্ষীণতম কণ্ঠে বললেন, 'কিন্তু ওই শার্টটার দামই ত মাত্র চার টাকা।'

চুক্তিওলা একথানা হলদে কাগজে চোখ বুজিয়ে নেবে। আপনি এটাতে দরখাস্ত করেছিলেন এবং নূতন শার্টটার উল্লেখ করেন নি। চুক্তিওলার কাছে তার সরল অর্থ, আপনি এটা স্মাগল করে নিয়ে যাচ্ছিলেন, পাচার করতে চেয়েছিলেন, হাতে-নাতে বেআইনী কর্ম করতে গিয়ে ধরা পড়লে তার জরিমানা দশ টাকা, জেলও হতে পারত, আফিং কিংবা ককেইন হলে—এ যাত্রা বেঁচে গেছেন।

সেই হলদে কাগজখানা অধ্যয়ন করে কোন লাভ নেই। কারণ তার প্রথম প্রশ্ন ছিল,

১। আপনার জন্মের সময় যে কাঁচি দিয়ে নাড়ি কাটা হয়েছিল, তার সাইজ কত ?

এবং শেষ প্রশ্ন,

২। আপনার মৃত্যুর সন ও তারিখ কী ?

আপনি তখন শার্টটির মায়া ত্যাগ করে ঈশ্বর অভিমানভরে বললেন, ‘তা হলে ওটা আপনারা রেখে দিন।’

কিন্তু ওইট হবার জো নেই। আপনি ঘড়ি চুরি করে পেয়েছিলেন তিন মাসের জেল। ঘড়ি ফেরত দিলেই ত আর হাকিম আপনাকে ছেড়ে দেবে না। শার্ট ফেরত দিতে চাইলেও রেহাই নেই।

তখন শার্টটা চড়বে নিলামে। এক টাকা পেলে আপনি মতা ভাগ্যবান। জবিমানটার অবস্থা নড়নচড়ন হল না।

ঢাকা থেকে ফিরে আসবার সময় ভারতীয় চুক্তিওলা দেখে ফেললে আপনার নূতন পেলিকান ফাউন্টেন পেনটি। কাহিনীব পুনরাবৃত্তি করে লাভ নেই। আপনি ভাবলেন, ভারত এবং পাকিস্তান উভয়েই এক-কর্মে নূতন, তাই প্যাসেঞ্জারকে খামকা হয়রান করে। বিলেত-ফিলেতে বোধ হয় চুক্তিঘর টুরিস্টদের নিছক মনোরঞ্জনার্থে। তবে শুহুন।

আমার এক বন্ধু প্রায়ই ইউরোপ-আমেরিকা যান। এতই বেলা যাওয়া-আসা করেন যে, তাঁর সঙ্গে কোথাও দেখা হলে বলবার উপায় নেই, তিনি বিদেশ যাচ্ছেন না ফিরে আসছেন। ওই যে রকম ঢাকার কুড়ি গাড়ওয়ান এক ভদ্র-লোককে ভি-শেপের গোল্ফি উল্টো পরে যেতে দেখে জিজ্ঞাস করেছিল, ‘কর্তা আইতেছেন, না যাইতেছেন?’

তিনি নেমেছেন ইটালির ভেনিস বন্দরে জাহাজ থেকে। বাণু ব্যবসায়ী লোক। তাই চুক্তিঘরের সেই হলদে কাগজখানায় যাবতীয় প্রশ্নের সহজর দিয়ে

শেষটায় লিখেছেন, 'এক টিন ভ্যাকুয়াম প্যাকড্ ভারতীয় মিষ্টান্ন। মূল্য দশ টাকা।' অঙ্কার ওয়াইল্ড যখন মার্কিন মুল্লুকে বেড়াতে গিয়েছিলেন, তখন চুক্তিঘর পাঁচজনের মত তাঁকেও শুধিয়েছিল, 'এনিথিং টু ডিক্লেয়ার?' তিনি আঙুল দিয়ে তাঁর মগজের বাস্কেট বার কয়েক ট্যাপ করে উত্তর দিয়েছিলেন, 'মাই জিনিয়াস।' আমার পরিচিতদের ভিতর ওই ঝাঙুদাই একমাত্র লোক, যিনি মাথা ত ট্যাপ করতে পারতেনই, সন্ধে সন্ধে হাটটা ট্যাপ করলেও কেউ কোন আপত্তি করতে পারত না।

জাহাজখানা ছিল বিরাট সাইজের—ঝাঙুদার বপুটি স্বচক্ষে দেখেছেন যারা, তাঁরাই আমার কথায় সায় দেবেন যে, তাঁকে ভাসিয়ে রাখা যে-সে জাহাজের কর্ম নয়—তাই সেদিন চুক্তিঘরে লেগে গিয়েছিল মোহনবাগান ভর্সস ফিল্ম-স্টাট-টীম ম্যাচের ভিড়। ঝাঙুদা দাঁড়িয়ে দাঁড়িয়ে ক্রান্ত হয়ে পড়লেন। হঠাৎ মনে পড়ল ইতালির 'কিয়ান্তি' জিনিসটি বড়ই সরস এবং সরস। চুক্তিঘরের কাঠের খোঁয়াড়ের মুখে দাঁড়িয়েছিল এক পাহারাওলা। তাকে হাজার লিরার একখানা নোট দিয়ে বুঝিয়ে দিলেন কয়েক বোতল 'কিয়ান্তি' রাস্তার ওদ্বারের দোকান থেকে নিয়ে আসতে। পাহারাওলা খাঁটি খানদানী লোকের সংস্পর্শে এসেছে ঠাহর করতে পেরে খাঁটি নিয়ে এল তিন মিনিটেই। পূর্বেই বলেছি ঝাঙুদা জন্মেছিলেন তাগড়াই হাট নিয়ে—জাহাজের পরিচিত অপরিচিত তথা চুক্তিঘরের পাহারাওলা, সেপাই, চাপরাসী, কুলী সবাইকে 'কিয়ান্তি' বিলোতে লাগলেন দরাজ দিলে। 'স্বাস্থ্যপান' আরম্ভ হওয়ার পূর্বেই ঝাঙুদার ডাক পড়ে গেল চুক্তিঘর কাউন্টারে। মাল খালাসিতে তাঁর পালা এসে গেছে। নিমন্ত্রিত রবাহূত সবাইকে দরাজ হাত দুখানা পাখির মত মেলে দিয়ে বললেন, 'আপনারা ততক্ষণে ইচ্ছে করুন; আমি এই এলুম বলে।' 'কিয়ান্তি' রানীকে বসিয়ে রাখা মহাপাপ।

ঝাঙুদার বাস্কেটেরায় এত সব জাত-বেজাত হোটেলের লেবেল লাগানো থাকত যে, অগা চুক্তিওলাও বুঝতে পারত এগুলোর মালিক বাস্তভিটার, তোয়াক্কা করে না—তাই জীবন কাটে হোটেল হোটেল। আজকের চুক্তিওলা কিন্তু সেগুলো খুঁটিয়ে খুঁটিয়ে দেখতে আরম্ভ করলে, প্রথম ভাগের ছেলে যে-রকম বানান ভুল করে করে বই পড়ে। লোকটার চেহারা বদখত। টিঙটিঙে রোগা, গাল দুটো ভাঙা, সে-গালের হাড় দুটো জোয়ালের মত বেরিয়ে পড়েছে, চোখ দুটো গভীর গর্তের ভিতর থেকে নাকটাকে প্যাসনের মত চেপে ধরেছে, নাকের তলায় টুথব্রাশের মত হিটলারী গোপ। পূর্বেই নিবেদন করেছি, ঝাঙুদা ঝাঙু লোক, তাই তিনি মানুষকে তার চেহারা থেকে যাচাই করেন না। এবারে কিন্তু তাঁকেও

সেই নিয়মের ব্যভিচার করতে হল। লোকটাকে আড়চোখে দেখলেন, সন্মোহের নয়নে আমার কানে কানে বললেন, 'শেক্সপিয়ার নাকি বলেছেন, রোগা লোককে সমঝে চলবে।' আমার বিশ্বাস, আজ যে শেক্সপিয়ারের এত নাম-ডাক সেটা ওই দিন থেকেই শুরু হয়—কারণ ঝাণ্ডা আত্মনির্ভরশীল মহাজন, কারও কাছ থেকে কখনও কানাকড়ি ধার নেন নি। তিনি ঋণ স্বীকার করাতে ওই দিন থেকে শেক্সপিয়ারের যশ-পত্তন হয়।

চুক্তিওলা শুধালে, 'ওই টিনটার ভিতর আছে কী?'

'ইণ্ডিয়ান মুইটস।'

'ওটা খলুন।'

'সে কী করে হয়? ওটা আমি নিয়ে যাব লগুনে। খুললে বরবাদ হচ্ছে যাবে যে?'

চুক্তিওলা যে-ভাবে ঝাণ্ডার দিকে তাকালে তাতে যা টিন খোলার হুকুম হল, পাঁচশো ট্যাচার পিটিয়ে কোন বাদশাও ও-রকম হুকুম-জারি করতে পারতেন না।

ঝাণ্ডা মরীয়া হয়ে কাতর নয়নে বললেন, 'বাদার, এ-টিনটা আমি নিয়ে যাচ্ছি আমার এক বন্ধু মেয়ের জন্ম লগুনে—নেহাতই চিংড়ি মেয়ে। এটা খুললে সর্বনাশ হয়ে যাবে।'

এবারে চুক্তিওলা যে-ভাবে তাকালে, তাতে আমি হাজার ট্যাচার শব্দ শুনেতে পেলুম।

বিরিট-লাশ ঝাণ্ডা পিঁপড়ের মত নয়ন করে সকাতে বললেন, 'তাহলে ওটা ডাকে করে লগুন পাঠিয়ে দাও, আমি ওটাকে সেখানেই খালাস করব।'

আমরা একবাক্যে বললুম, 'কিন্তু তাতে ত বড় খরচা পড়বে। পাউণ্ড পাঁচেক—নির্দেশ।'

হুস্থখাস ফেলেই বললেন, 'তা আর কী করা যায়।'

কিন্তু আশ্চর্য, চুক্তিওলা তাতেও রাজী হয় না। আমরাও অবাক। কারণ এ-আইন ত সকলেরই জানা।

ঝাণ্ডা একটুখানি দাঁত কিড়মিড় খেয়ে লোকটাকে আইনটার মর্ম প্রাজ্ঞ ভাষায় বোঝালেন। তার অর্থ টিনের ভিতরে বাঘ-ভালুক ককেইন-হেরয়িন যা-ই থাক, ও-মাল যখন সোজা লগুন চলে যাচ্ছে তখন তার পুণ্যভূমি ইতালি ত আর কলঙ্কিত হবে না।

আমরা সবাই কসাইটাকে বোঝাবার চেষ্টা করলুম, ঝাণ্ডার প্রস্তাবটি অভিশ্রম সমীচীন এবং আইনসম্মতও বটে। আমাদের দল তখন বেশ বিরাট আকার ধারণ

করেছে। 'কিন্মাস্তি'-রানীর সেবকের অভাব ইতালিতে কখনও হয় নি—প্রাচুর্য থাকলে পৃথিবীতেও হত না। এক ফরাসী উকিল কাইরো থেকে পোট সঙ্কেদে জাহাজ ধরে—সে পর্যন্ত বিন্ ফীজে লেকচার ঝাড়লে। চুক্তিগুলার ভাবখানা সে পৃথিবীর কোন ভাষাই বোঝে না।

ঝাণ্ডা তখন চটেছেন। বিড়বিড় করে বললেন, 'শালা, তবে খুলছি। কিন্তু ব্যাটা তোমাকে না খাইয়ে ছাড়ছি নে।' তারপর ইংরেজীতে বললেন, 'কিন্তু তোমাকে ওটা নিজে খেয়ে পরখ করে দেখতে হবে ওটা সত্যি ইন্ডিয়ান স্ক্ৰুটস কিনা।'

শয়তানটা চট করে কাউণ্টারের নীচে থেকে টিন-কাটার বের করে দিলে। ফরাসী বিদ্রোহের সময় গিলোটিনের অভাব হয় নি।

ঝাণ্ডা টিন-কাটার হাতে নিয়ে ফের চুক্তিগুলোকে বললেন, 'তোমাকে কিন্তু ওই মিষ্টি পরখ করতে হবে নিজে, আবার বলছি।'

চুক্তিওলা একটু শুকনো হাসি হাসলে। শীতে বেজায় ঠোঁট ফাটলে আমরা যে-রকম হেসে থাকি।

ঝাণ্ডা টিন কাটলেন।

কী আর বেরবে? বেরল রসগোল্লা। বিয়ে-শাদিতে ঝাণ্ডা ভুরি ভুরি রসগোল্লা স্বহস্তে বিতরণ করেছেন—ব্রাহ্মণ-সন্তানও বটেন। কাঁটা-চামচের তোয়াক্কা না করে রসগোল্লা হাত দিয়ে তুলে প্রথমে বিতরণ করলেন বাঙালীদের, তারপর যাবতীয় ভারতীয়দের, তার পর আর সবাইকে অর্থাৎ ফরাসী, জার্মান, ইতালীয় এবং স্প্যানিয়ার্ডদের।

মাতৃভাষা বাংলাটাই বহুত তকলিফ বরদাস্ত করেও কাবুতে আনতে পারি নি, কাজেই গণ্ডা তিনেক ভাষায় তখন বাঙালীর বহু যুগের সাধনার ধন রসগোল্লার যে বৈতালিক গীতি উঠেছিল তার ফটোগ্রাফ দি কী প্রকারে?

ফরাসীরা বলেছিল, 'এপার্তী!'

জার্মানরা, 'ক্লর্কে!'

ইতালিয়ানরা, 'ব্রাভো!'

স্প্যানিশরা, 'দেলিচজো, দেলিচজো!'

আরবরা, 'ইয়া সালাম, ইয়া সালাম।'

তামাম চুক্তিধর তখন রসগোল্লা গিলছে। আকাশে বাতাসে রসগোল্লা। কিউবিজম বা দাদাইজমের টেকনিক দিয়েই শুধু এর ছবি আঁকা যায়। চুক্তিধরের পুলিশ-বরকন্দাজ, চাপরাসী-স্পাই সকলেরই হাতে রসগোল্লা। প্রথমে ছিল

ওদের হাতে 'কিয়ামতি', আমাদের হাতে রসগোল্লা। এক লহমায় বদলাবদলি হয়ে গেল।

আফ্রিকার এক ক্রিস্টান নিগ্রো আমাকে দুঃখ করে বলেছিলেন, 'ক্রিস্টান মিশনারিরা যখন আমাদের দেশে এসেছিলেন তখন তাঁদের হাতে ছিল বাইবেল, আমাদের ছিল জমিজমা। কিছুদিন বাদেই দেখি, ওঁদের হাতে জমিজমা, আমাদের হাতে বাইবেল।'

আমাদের হাতে 'কিয়ামতি'।

ওদিকে দেখি, ঝাণ্ডা আপন ভুঁড়িটি কাউন্টারের উপর চেপে ধরে চূঙ্গিওলার দিকে ঝুঁকে পড়ে বলছেন বাংলাতে—'একটা খেয়ে দেখ।' হাতে তাঁর একটি সরেস রসগোল্লা।

চূঙ্গিওলা ঘাড়টা একটু পিছনের দিকে হটিয়ে গম্ভীররূপ ধারণ করেছে।

ঝাণ্ডা নাছোড়বান্দা। সামনের দিকে আরেকটু এগিয়ে বললেন, 'দেখছ তো, সবাই খাচ্ছে। ককেইন নয়, আকিঙ নয়। তবু নিজেই চেখে দেখ, এ বস্ত্র কী!'

চূঙ্গিওলা ঘাড়টা আরও পিছিয়ে নিলে। লোকটা অতি পামণ্ড। একবারের তরে 'সরি-টরি'ও বললে না।

হঠাৎ বলা-নেই-কওয়া-নেই, ঝাণ্ডা তামাম ভুঁড়িখানা কাউন্টারের উপর চেপে ধরে কাঁক করে পাকড়ালেন চূঙ্গিওলার কলার বাঁ হাতে আর ডান হাতে খেবড়ে দিলেন একটা রসগোল্লা ওর নাকের উপর। ঝাণ্ডার তাগ সব সময়েই অতিশয় খারাপ।

আর সঙ্গে সঙ্গে মোটা গলায়, 'শালা, তুমি খাবে না। তোমার গুণ্টি খাবে। ব্যাটা, তুমি মক্ষরা পেয়েছ। পই পই করে বললুম, রসগোল্লাগুলা নষ্ট হয়ে যাবে, চিংড়িটা বড্ড নিরাশ হবে, তা তুমি শুনবে না'—আরও কত কী!

ততক্ষণে কিন্তু তাবং চূঙ্গিঘরে লেগে গিয়েছে ধুন্দুমার! চূঙ্গিওলার গলা থেকে যেটুকু মিহি আওয়াজ বেরুচ্ছে তার থেকে বোঝা যাচ্ছে সে পরিত্রাণের জগ্ন চাপরাসী থেকে আরম্ভ করে ইলুচে মুসসোলিনী—মাঝখানে যত সব কনসাল, লিগেশন মিনিসটার, অ্যান্সেসডর প্লেনিপটিনশিয়ারি—কারুরই দোহাই কাড়তে কহুর করছে না। মেরি মাতা, হোলি যিসস, পোপঠাকুর ত বটেনই।

আর চিংকার-টেচামেচি হবেই না কেন? এ যে রীতিমত বে-আইনী কর্ম। সরকারী চাকুরেকে তার কর্তব্যকর্ম সমাধানে বিঘ্ন উৎপাদন করে তাকে সাড়ে তিনমণী লাশ দিয়ে চেপে ধরে রসগোল্লা খাওয়ানোর চেষ্টা করুন আর সৈকো

খাওয়াবারই চেষ্টা করুন, কর্মটির জন্ত আকছারই জেলে যেতে হয়। ইতালিতে এর চেয়ে বহুত অল্পেই ফাঁসি হয়।

ঝাণ্ডার কোমর জাবড়ে ধরে আমরা জনাৰ্পাচেক তাঁকে কাউন্টার থেকে টেনে নামাবার চেষ্টা করছি। তিনি পর্দার পর পর্দা চড়াচ্ছেন, 'খাবি নি, ও পরান আমার, খাবি নি, ব্যাটা—' চুঙ্গিওলা ক্ষীণকণ্ঠে পুলিশকে ডাকছে। আওয়াজ শুনে মনে হচ্ছে আমার মাতৃভূমি সোনার দেশ ভারতবর্ষের দ্রাক্ষকলে যেন কথা শুনছি। কিন্তু কোথায় পুলিশ? চুঙ্গিঘরের পাইক বরকন্দাজ ডাঙা-বরদার, আস-সরদার বেবাক চাকর-নফর বিলকুল বেমানুম গায়েব! এ কি ভাঙ্গুমতী, এ কি ইল্লজাল!

দেখি, ফরাসী উকিল আকাশের দিকে দু হাত তুলে অধনিমীলিত চক্ষে, গদ-গদ কণ্ঠ বলছে, 'ধন্য পুণ্যভূমি ইতালি, ধন্য পুণ্যনগর ভেনিস! এ-ভূমির এমনই পুণ্য যে হিদ্দেন রসগোল্লা পর্যন্ত এখানে মিরাক্‌ল্ দেখাতে পারে। কোথায় লাগে 'মিরাক্‌ল্ অব মিলান,' এর কাছে—এ যে সাফাৎ জাগ্রত দেবতা, পুলিশ-মু্লিস সবাইকে ঝেঁটিয়ে বার করে দিলেন এখান থেকে! ওহোহো, এর নাম হবে "মিরাক্‌ল্ ছ রসগোল্লা।" '

উকিল মাহুঘ, সোজা কথা প্যাচ না মেরে বলতে পারে না। তার উচ্ছ্বাসের মূল বক্তব্য, রসগোল্লার নেমকহারামি করতে চায় না ইতালীয় পুলিশ-বরকন্দাজরা। তাই তারা গা-ঢাকা দিয়েছে।

আমরা সবাই একবাক্যে সায় দিলুম। কিন্তু কে এক কাষ্টরসিক বলে উঠল, 'রসগোল্লা নয়, কিয়ান্তি।' আরও ছ'চার পাষণ্ড তায় সায় দিলে।

হা ৩মধ্যে ঝাণ্ডাকে বহু কণ্ঠে কাউন্টারের এদিকে নামানো হয়েছে। চুঙ্গিওলা রুমাল দিয়ে রসগোল্লার খাবড়া মুছতে যাচ্ছে দেখে তিনি চেঁচিয়ে বললেন, 'ওটা পুছিস নি; আদালতে সাক্ষী দেবে—ইগাজ্জিবিটু নাম্বার ওয়ান।'

ওদিকে তখন বেটিং লেগে গিয়েছে, ইতালিয়ানরা 'কিয়ান্তি' স্থান করে, না রসগোল্লা খেয়ে গা-ঢাকা দিয়েছে? কিন্তু ফৈসলা করবে কে? তাই এ-বেটিঙে রিস্ক নেই। সবাই লেগে গিয়েছে।

কে একজন ঝাণ্ডাকে সহুপদেশ দিলে, 'পুলিস টুলিস ফের এসে যাবে। ততক্ষণে আপনি কেটে পড়ুন।'

তিনি বললেন, 'না, ওই যে লোকটা ফোন করছে। আহুক না ওদের বড় কর্তা।'

তিন মিনিটের ভিতর বড় কর্তা ভিড় ঠেলে এগিয়ে এলেন। ফরাসী



উকিলের বোধ হয় সবচেয়ে বড় মুক্তি ঘুষ। এক বোতল 'কিয়ামতি' নিয়ে তাঁর দিকে এগিয়ে যাচ্ছিল। ঝাণ্ডা বাধা দিয়ে বললেন, 'নো।'

তারপর বড় সাহেবের সামনে গিয়ে বললেন, 'সিগোর, বিফো ইউ প্রসীড, অর্থাৎ কিনা ময়না তদন্ত আরম্ভ হওয়ার পূর্বে আপনি একটি ইণ্ডিয়ান স্ক্ৰিপ্টস চেখে দেখুন।' বলে নিজের মুখে তুললেন একটি। আমাদের সবাইকে আরেক প্রশ্ন বিতরণ করলেন।

বড় কর্তা হয়ত অনেক রকমের ঘুষ খেয়ে ওকিবহাল এবং তালেবর। কিংবা হয়ত কখনও ঘুষ খাননি। 'না বিইয়ে কানাইয়ের মা' যখন হওয়া যায় এবং স্বয়ং ঈশ্বরচন্দ্র যখন এ-প্রবাদটি ব্যবহার করে গেছেন তখন 'ঘুষ না-খেয়েও দারোগা' ত হওয়া যেতে পারে।

বড় কর্তা একটি মুখে তুলেই চোখ বন্ধ করে রইলেন আড়াই মিনিট। চোখ বন্ধ অবস্থায়ই আবার হাত বাড়িয়ে দিলেন। ফের। আবার।

এবারে ঝাণ্ডা বললেন, 'এক ফোটা কিয়ামতি?'

কাদম্বিনীর ছায় গম্ভীর নিনাদে উত্তর এল, 'না। রসগোল্লা।'

টিন তখন ভোঁ-ভোঁ।

চুঙ্গিওলা তার ফরিয়াদ জানালে।

কর্তা বললেন, 'টিন খুলেছ ত বেশ করেছ, না হলে খাওয়া যেত কী করে?' আমাদের দিকে তাকিয়ে বললেন, 'এখানে দাঁড়িয়ে আছেন কী করতে? আরও রসগোল্লা নিয়ে আসুন।' আমরা হুড় হুড় করে বেরিয়ে যাবার সময় শুনতে পেলুম, বড় কর্তা চুঙ্গিওলাকে বলছেন, 'তুমিও ত একটা আস্ত গাড়ল। টিন খুললে আর ওই সরেস মাল চেখে দেখলে না?'

'কিয়ামতি না রসগোল্লা' সে-বেটের সমাধান হল।

ইতালির প্রখ্যাতা মহিলা-কবি ফিলিকাজা গেয়েছেন,

'ইতালি, ইতালি, এত রূপ তুমি কেন ধরেছিলে, হায়।

অনন্ত ক্লেশ লেখা ও-ললাটে নিরাশার কালিমায়।'

আমিও তাঁর স্বরণে গাইলুম,

রসের গোলক, এত রস তুমি কেন ধরেছিলে, হায়।

ইতালির দেশ ধর্ম তুলিয়া লুটাইল তব পায় !!

## চাপরাসী ও কেহানী

কিছুদিন পূর্বে বস্তুত দেবার সময় পণ্ডিতজী বলেন, চাপরাসীদের মাইনে মাস্টারদের চেয়ে বেশী কিংবা ওই ধরনের কিছু একটা। আমার ঠিক মনে নেই। তার জন্ত পণ্ডিত সম্প্রদায় আমার অপরাধ নেবেন না। বিবেচনা করে দেখলে তাঁরা বুঝতে পারবেন, আমি তাঁদের উপকারই করেছি। কারণ পণ্ডিতজীর সব কথা বিশেষ করে তাঁর সব শপথ এবং প্রতিজ্ঞা সর্বসাধারণ স্বরণ রাখলে বড় বিপদ হত। আমার মত কোন কোন আহাম্মুক এখনও ভুলতে পারে নি, পণ্ডিতজী স্বরাজ্যভেদে উদ্যোগে প্রতিজ্ঞা করেছিলেন, তিনি কালাবাজারীদের ল্যাম্পপোস্টে ঝোলাবেন। কেউ যদি কাউকে ওই ভাবে ঝুলে থাকতে দেখে থাকেন, তবে দয়া করে জানাবেন। দৃশ্যটি নয়নাভিরাম না হলেও প্রাণাভিরাম। একটু তাড়াতাড়ি জানাবেন। কারণ আমার জীবন-সায়াহ আসন্ন।

অতএব, পণ্ডিতজী প্রাতঃস্মরণীয় বটেন, কিন্তু তাঁর বচনামৃত প্রাতঃস্মরণীয় নয়। খয়ের। বাংলা 'খয়ের' নয়, উর্দু 'খয়ের'। তার অর্থ 'তা সে যাকগে'। এই উর্দু 'খয়ের'টি এই বেলাই একই ভাল করে শিখে নি। বিস্তর 'ফায়দা ওঠাতে' পারবেন। বুঝিয়ে বলি।

উর্দুওয়ালারা দেশ সৎক্ষে বস্তুতার আরম্ভেই শুরু করেন তার দুঃখ-কাহিনীর বর্ণনা দিয়ে। আমরা খেতে পাই নে, পরবার কিছু নেই, আশ্রয় জোটে না, শিক্ষার ব্যবস্থা হয় নি, মেয়েরা গর্ভযন্ত্রণায় মারা যায়, ডাক্তারবৃন্দের ব্যবস্থা হল না, ইত্যাদি ইত্যাদি। আমরা তখন উদ্গ্রীব হয়ে প্রতীক্ষা করি, এইবারে বুঝি দেশের কর্ণধাররা বাতলে দেবেন, তাঁরা এ সব বালাই-আপদ দূর করবার জন্ত কী সব পরিপাটি ব্যবস্থা করেছেন, দেশের কোন্ কোন্ জায়গায় এ সব অভাব-অনটন তাঁদের সম্মার্জনী-সঞ্চালনে দূরীভূত হয়েছে, এইবারে আমাদের সবুরের মেওয়া ফলবে কবে, এই ধরনের কোন কিছু।

বারমাস্তা শেষ হওয়ার পর বক্তা দম নেবেন। চতুর্দিকে স্তীভেদে নৈঃসুখ্য। আমরা কান পেতে আছি, এইবার শুনে পাব, 'চাপানের' 'ওতর', এইবারে শুরু হবে উল্টো 'বারমাস্তা', এইবারে আরম্ভ হবে আমাদের আশার বাণী, ভবিষ্যতের সুখস্বপ্ন।

ও হরি। কোথায় কী ?

শুনে পাবেন, বক্তা গুরুগম্ভীর নিনাদে একটি কথা বললেন, সেটি 'খ মের'। মানে ? এর অর্থটা ত তাহলে বুঝতে হয়। কারণ ইতিমধ্যে নাকাল 'চাপানের

ড্রাই ফার্মিং' কিংবা 'জান্জিব্বারের কো-অপারেটিভ সিস্টেমে' চলে গিয়েছেন। তা হলে নিশ্চয়ই ও 'খয়ের' শব্দে তাবৎ সমস্তার সমাধান ঘাপটি মেরে বসে আছে। ঠ-তে যে রকম হিন্দুর ব্রহ্ম লাভ, জুশে যে রকম খ্রীশানের গড লাভ। 'সকলং হস্ততলং শব্দমাত্রেণ যদি অর্থধনং কোহপি লভেৎ।'

এইবারে 'খয়ের'-কলমার গুহ্ব অর্থ শোনার পূর্বে ভাল ডাক্তারকে দিয়ে হাটটি দেখিয়ে নি। শক্-টি মারাত্মক রকমের হবে; ছাপাখানায় সদ্ব্রাক্ষণও আছেন। আর কেউ না পড়লেও তাঁরা বাধ্য হয়ে আমার লেখা কম্পোজ করেন, প্রফ দেখেন। অকালে ব্রহ্মহত্যা করলে লোক-সভায়ও আমার ঠাই হবে না।

'খয়ের' কথার সাদামাটা প্লেন 'নির্ভেজাল' অর্থ, 'তা সে যাক্গে—অন্ত কথা পাড়ি'। অর্থাৎ এতক্ষণ আপনি যে সব দুঃ-কাহিনীর ফরিয়াদ-প্রতিবাদ আগড়ম্-বাগড়ম্ যা কিছু বলেছেন, তার উত্তর দেবার দায় আর আপনার রইল না। আপনি এখন কালীঘাট, মৌলা আলী সর্বত্রই লক্ষ রম্প দিতে পারেন। কারণ 'খয়ের' শব্দের প্রসাদাৎ আপনি আপনার পুচ্ছটি ইতিমধ্যে কপাত করে কর্তন করে ফেলেছেন।

'খয়ের' বাক্যের শব্দার্থ আরবী ডিক্শনারি খেঁটে বের করেও পুলি-পিঠের ছাজ গজাবে না। ওতে পাবেন 'খয়ের' অর্থ 'উত্তম', 'শিব', 'মঙ্গল'। তবে কি বক্তা যে গোড়ার দিকে ফুল্লরার বারমাশ্রা গেয়েছিলেন সেটা 'ভাল' ?

না। আমরা অর্থাৎ বাঙালীরাও এ-রকম জায়গায় 'উত্তম' বলে থাকি, কিন্তু বিপরীত অর্থে। আমাদের পণ্ডিতগণ কোনও কিছুর হৃদ্যর্ঘ অবতারণা করার পর সর্বশেষে বলেন, 'উত্তম প্রস্তাব'। তার অর্থ এই নয়, 'এতক্ষণ যা বললুম সে সব খুব ভাল জিনিস'—তার সরল অর্থ, 'এ-দিককার কথা বলা হল, এবার অন্য পক্ষের বক্তব্য নিবেদন করছি এবং সেইটেই আমার বক্তব্য এবং তাতেই পাবেন প্রশ্নের সমাধান, রহস্তের মীমাংসা।'

'খয়ের'-এর এরূপ ব্যবহারকে ফার্সীতে বলা হয়, 'তাকিয়া-ই-কালাম'—'কথার' ( কালামের ) 'বালিশ' ( তাকিয়া )। অর্থাৎ যে কথার উপর ভর করে নিশ্চিত মনে গা এলিয়ে দিয়ে শুয়ে পড়তে পারেন। বিপক্ষ রা'টি কাড়তে পারবে না, আপনি কেবল কতেহ করে দিয়েছেন, ভাগিস, আপনি, মোকামাফিক 'খয়ের' শব্দটি প্রয়োগ করতে জানতেন, 'রাখে খয়ের মারে কে ?'

মুসলমানরা নাকি এদেশের মন্দির ভেঙেছে, পার্ক সার্কাসে শিককাবাব চালিয়েছে, ইদানীং নুতন শুনছি, খামখেয়ালিতে খেয়াল আমদানি করে ঋপদ-খামার বরবাদ করেছে। করেছে ত করেছে, তাই বলে কি উদ্ভাভের গোস্সা-

ঘরে এখনও বিল দিয়ে বসে রইবেন ? গড়ের মাঠে গিয়ে রাষ্ট্রভাষায় ( কটকে আমার বৃদ্ধ বাঙালী কেরানী সরকারী ইশ্‌তিহার পড়ে ভীত কণ্ঠে আমাকে শুধিয়েছিল ‘আমাকেও লোষ্ট্রভাষা শিখতে হবে নাকি, শ্রার ?’ ) কী ভাবে ‘খয়ের’ শব্দের স্মৃষ্টি প্রয়োগ করতে হয়, সেটি শিখবেন না ? ওইটে ঠিকমত, তাগমাস্কিক, বাংলায় ‘এসুতেমাল’ করতে পারলে পাড়ার তর্কবাসীশ, তাকিয়া ( -ই-কালামের )-র কল্যাণে তর্কবালিশ হতে কতক্ষণ ?

চিন্তা করে দেখুন, ‘খয়ের’ শব্দের কত গুণ ! রাষ্ট্রভাষা হিন্দী তাঁর শব্দভাণ্ডার থেকে লাখি কাঁটা মেরে তাবৎ আরবী-ফার্সী শব্দ বের করে দিচ্ছেন—কারণ হিন্দী বাংলার তুলনায় অনেক ধনী (!) কিনা—কিন্তু কই, ‘খয়ের’ শব্দটি তাড়াবার প্রস্তাব ত কেউ করে না। কটুর কান-ফাটা হিন্দীতে ‘ভারতওয়াদী উন্নতি ঞর সোওয়াদীস্তা, গড়তস্তর ঞর সামওয়াদ’ ইত্যাদি ‘কঠন্ কঠন্’ ( কঠিন কঠিন ) সমস্তায়ে নির্মাণ করার পর সে-ইঙ্গজাল তাঁরা ছিন্নভিন্ন করেন কোন মোহমুদগরে ? সেই সনাতন—রাম ! রাম !—সেই যাবনিক, স্নেচ্ছ খ-য়ের দ্বারা। এবং সেই ‘খয়ের’-এর ‘খ’ও উচ্চারণ করেন অ্যাসন্ ঘর্ষণ দ্বারা যে স্তনে মনে হয় বড়ী মসজিদের সামনে জাকারিয়া স্ট্রীটে কাবলীওলা ‘খ’ উচ্চারণ করার ছলে গলা সাফ করছে। কোথায় লাগে তার কাছে স্কচ ‘লখ্’ শব্দের ‘খ’, জর্মন ‘বাখ’ শব্দের ওই একই ব্যঞ্জন ?

মুসলমানরা মন্দির ভেঙে অতিশয় অপকর্ম করেছে, কোনও সন্দেহ নেই, কিন্তু সেই রাগে ‘খয়ের’ শব্দের যে বিরটি বালাখানা তৈরি করে দিলে তার উপরে বসে হাওয়া খাবেন না ?

শুধু মন্দ দিকটাই দেখবেন, ভাল দিকটা দেখবেন না ?

তবে একটা গল্প শুনুন।

হয়ত অনেকেই শুনেছেন, তাঁরা অপরাধ নেবেন না। কারণ, বিবেচনা করে দেখুন, পুরনো গল্পের পুনরাবৃত্তি না করলে সেটি বেঁচে থাকবে কী করে ? মহাভারতের গল্প সবাই জানে, তাই বলে কি আমরা মহাভারতের চর্চা বন্ধ করে দিয়েছি ?

খয়ের।

গল্পটা কমিয়ে-সমিয়ে বলছি।

কালীঘাটের মন্দিরের সামনে দিয়ে যেতে গিয়ে এক ভদ্রসন্তানের হৃদয়ে ধর্ম-ভাবের উদয় হল। মন্দিরে ঢুকে পাণ্ডাকে ডেকে যথারীতি যাবতীয় পূজা-পাটা করালে এবং শেষটায় উত্তম দক্ষিণা পেয়ে পাণ্ডা ভদ্রসন্তানের কপালে ইয়া:

সৈ (২য়)—২

একখানা খাসা তিলক কেটে দিল। বহর আর চেহারা দেখে মনে হয় ওই দিবে শাইটনিং কণ্ঠের কাছ অনায়াসে চালানো যায়। দেখলেই ভক্তি হয়। গড় হয়ে পেয়াম করতে ইচ্ছে যায়। ভক্তিতে গদগদ হয়ে 'তারা ব্রহ্মময়ী মা, বহু-যোগিনী মা' ইত্যাদি জপ করতে করতে ভদ্রসন্তান বাড়িমুখো হল।

কিন্তু হায়, সংসারে কত না সর্বজনীন অনাচার, রঙিন প্রলোভন। হবিত হ, কিছুদূর যেতে না যেতে পথে পড়ল বাহারে একখানা 'বার'। সেদিন ছিল মঙ্গলবার, ড্রাই ডে, শরাব বারণ, তাই ভদ্রসন্তান প্রলোভনের ভয় নেই জেনে সে-পথ নিয়েছিল, কিন্তু বিধি বাম, বড়দিন না কিসের যেন জবর পরব ছিল বলে 'ইম্পিশেল' কেস হিসাবে 'বার' খোলা।

এখন এগোই কী প্রকারে? ভদ্রসন্তানের রাস্তায় এগোবার কথা হচ্ছে না। আমি গল্পটা নিয়ে এগোই কী প্রকারে? পাঠকরা জীবনে একটিমাত্র অপকর্ম করে থাকেন, সেটি আমার রচনাপঠন। তাঁদের আমি অধর্মের কাহিনী শোনাই কী করে? কিন্তু তাঁরা যখন এতাবং এতখানি দয়া করেছেন তখন গোপাল-ভাঁড়ের মা-কালীর মত জোড়া মোষ থেকে নেমে নেমে শেষ পর্যন্ত ছুটো বুনো কড়িং নিজেই ধরে খেতে রাজী হবেন—এই আমার ভরসা।

পাঁট। ইংরেজীবাগীশ ছোঁড়ারা বলে 'পাইন্ট'। তিন কোয়ার্টার খেতে না খেতেই হয়ে গেল। রঙিন পাখনায় ভর করে সে পুনরায় নামল রাস্তায়। কোয়ার্টারটুকু ফেলা যাবে বলে বোতলটা পকেটে—বোতলবা সিনীর সেবকেরা বরঞ্চ জীবনের বেটার-হাককে বিসর্জন দিতে রাজী আছে, ওই 'ব্যাড' কোয়ার্টারকে নয়।

যেতে যেতে পথে পূর্ণিমা রাতে চাঁদ উদয় হয়েছিলেন কি না বলতে পারব না, কারণ আমি জ্যোতির্বিদ নই। তবে উদয় হলেন পাড়ার মৈত্রমশাই, নিষ্ঠাবান সন্ন্যাসী ব্রাহ্মণ, কালেভদ্রে বাড়ি থেকে বেরন। এক মৈত্র মিনার্জা থিয়েটার কোথায় জেনেও বলেন নি। ইনি কিন্তু বোতল দেখে বললেন, 'পাষণ্ড মাতাল!'

পকেটে বোতল থাকলেই, এমন কী সঙ্গে সঙ্গে টলটলায়মান হলেই মাহুধ মাতাল হয় না। কিন্তু মৈত্রমশাই গায়শাজের চর্চা করতেন। তাতে আছে,—

১। দেবদত্ত বিরাট লাশ।

২। দেবদত্তকে দিনের বেলায় কেউ কখনও ভোজন করতে দেখে নি।

অন্তএব, দেবদত্ত রাজে খায়।

এটাকে বলে নলেজ বাই ইনফারেন্স।

আমাদের ভদ্রসন্তান সচরাচর কথা কাটাকাটি করে না। কিন্তু অব্যাপ্ত

অনধীকাই। বেচনাভরা কঠে, গদগদ ভাষে করুণ নয়নে শুধু বললে, 'মৈত্র মশাই, বোতলটাই শুধু দেখলেন, তিলকটা দেখলেন না।'

মন্দির ভাঙাটাই শুধু দেখলেন, 'খয়ের'টা শুনলেন না।

আমার অনেক পাঠক আমাকে বাচনিক এবং পত্র দ্বারা মাঝে মাঝে জানান যে, আমার কোন কোন গল্প তাঁরা বন্ধু-মিলনে ব্যবহার করে থাকেন। আমি শুনে বড় উল্লাস বোধ করি। কারণ পাণ্ডিত্য বিতরণ করার শক্তি মুশিদ আমাকে দেন নি। আমি বিদূর, যা পারি তাই দি। তাঁরা হয়ত বলবেন, এ-গল্পটা সর্বত্র বলা যাবে না। তাই তাদের জগ্ন একটা গার্হস্থ্য সংস্করণ নিবেদন করছি। ইটি অনায়াসে পুত্র-কন্যার হাতে দিতে পারবেন।

ঢাকার কুট্টি গাড়েয়ানের গল্প। কুট্টি বসে আছে ছ্যাকরা গাড়ির কোচবাক্সে। বাবু জামাজোড়া পরে উপর থেকে সিঁড়ি দিয়ে নামছেন। পা গেল হড়কে। বহুতর ধাক্কা আর গোস্তা খেয়ে খেয়ে বাবু গড়িয়ে পৌঁছলেন নীচে। তিন লক্ষের কুট্টি কোচবাক্স থেকে নেমে কর্তাকে কোলে তুলে নিলে। সর্বাঙ্গে হাত বুলিয়ে দরদ ভরা কঠে কয়, 'অহো-হো, কতরা বড় লাগছে। আহা-হা-হা, এইহানে লাগছে, এ হে-হে-হে, ওইহানে লাগছে।' গা বুলোয় আর আদর করে, আদর করে আর ঐ বুলোয়। শেষটায় কিন্তু সান্ত্বনা দিয়ে বললে, 'কিন্তু কতাই আইছেন জলুদি।'

জখম-চোটের কথাই শুধু ভাবছ, তাড়াতাড়ি যে এসেছে সেটা দেখছ না।

কিন্তু কেরানী আর চাপরাসীদের কী হল ?

খয়ের।

চাপরাসীদের মাইনে কোতওয়ালের মত হোক সেই আমার প্রার্থনা। কিন্তু সন্ধে সন্ধে চাপরাসীদের কাছে নিবেদন, কোতওয়ালের মাইনে যেন কমে গিয়ে চাপরাসীদের আজকের মাইনেতে না দাঁড়ায়। আমার বাসনা, সকলেরই যেন কোটালের মাইনে হয়—অর্থাৎ আই-জি-র মাইনে হয়। আমি ধনী হব, তুমি ধনী হবে, সবাই ধনী হবে—এই হল সত্যকার প্রার্থনা। ঋষি যখন বিশ্বজনকে আহ্বান করে জানিয়েছেন সকলেই অমৃতের পুত্র তখন ওই সত্যই ঘোষণা করেছেন। পাঁড় কমিউনিস্টও ওই আদর্শের জগ্ন লাড়ে। পেতিরা বলে, 'মজহুর ভাইরা শুধু সোনার খাটে বসে রূপোর শানকি থেকে দু হাত ভরে গুড় খাবে এবং

আর সবাই রাস্তায় পাথর ভাঙবে।’ এটা কোন কাজের কথা নয়। আমাদের পণ, আমরা সবাই রাজা হব।

কিন্তু বেদান্তের এই অতি প্রাচীন সত্যটি পুনরায় জানাবার জন্ত আমি এ-প্রবন্ধের অবতারণা করি নি। মূল কথায় ফিরে যাই।

মনে করুন, আপনি দিল্লির কোনও সরকারী দফতরে কাজ করেন। সেখানে গেলে না করেও উপাধি নেই। কেন নেই; সে কথা পরে হবে। বিশ্বাস না হয়, ১৯৫৭ সনের একখানি টেলিফোন ডাইরেক্টরির সঙ্গে ১৯৫৭ সনের খানার তুলনা করে দেখুন, চাকুরের সংখ্যা কত গুণ বেড়েছে। ওখানে একদিন রুটিওলা আণ্ডাওলা আর থাকবে না—এই আমার বিশ্বাস।

আপনার চাপরাসী চৈতরাম কিংবা ত্রিজমোহন ১৫ মাইনে পায়। কেরানী বোধ হয় ১১৫ পায়। আমি লেটেস্ট খবর দিতে পারব না—তবে অল্পপাতটা মোটামুটি এই। অক্ষয় এখানে বলবে, ‘অতএব চাপরাসী কেরানীর চেয়ে বিশ টাকা কম পায়।’ ওই করলেন ভুল। শুনুন।

আপনি চৈতরামকে ঘণ্টি বাজিয়ে বললেন, ‘যাও ত চৈতরাম, এক পাকিট গোল্ডক্লক নিয়ে এস।’

সরকারী আইন অনুসারে চৈতরাম অনায়াসে বলতে পারে, ‘জামি যাব না। আমি মাইনে পাই সরকারী কাজের জন্ত। আপনার জন্ত সিগরেট আনা সরকারী কাজ নয়।’ আপনি কিছু বলতে পারবেন না। বলা উচিতও নয়।

কিন্তু চৈতরাম তা বলবে না। সে ভদ্রলোক। তদুত্তরে বলবে, ‘বৃহৎ (উচ্চারণ ‘বোহৎ’) আচ্ছা, হজুর।’ এবং লক্ষ দিয়ে এমন তীরবেগে ঠেবরিয়ে যাবে যে, আপনি মনে মনে শাবাশি দিয়ে বলবেন, ‘সোনার চাঁদ ছেলে, কী স্মার্ট!’

এক মিনিটের ভিতর চৈতরাম আপনার টেবিলের উপর প্যাকেটটা রাখবে। সিগরেটের দোকানে আসতে-যেতে পনের মিনিট লাগার কথা। কী করে হল?

চৈতরাম ডাইনের বুক পকেটে রাখে গোল্ডক্লক, বাঁয়ের পকেটে ক্যাপস্টান, পাতলুনের পকেটে রেড অ্যাণ্ড হোয়াইট, মেপোল ইত্যাদি। নিতান্ত কর্কশ ব্যবসায়ী হিসাবে সে পরিচয় দিতে চায় না বলে, বারান্দায় গিয়ে পকেট থেকে প্যাকেটটি বের করে এনেছে। আসলে সিগরেট বিক্রয় চৈতরামের উটকো ব্যবসা। ঠিকমত নোটস দিলে সে আপনাকে বলকান্ সবরনী সিগরেটও এনে দিতে পারে। ও-মাল সূক্ষ্মাত্র এন্থেসিগুলোর ক্যান্টিনে পাওয়া যায়।

আইন বলে, সরকারী চাকুরির সঙ্গে সঙ্গে অন্য ব্যবসা করতে পারবে না।

কিন্তু আপনি যখন পুরনো খবরের কাগজ বিক্রি করলে সরকার আপনাকে ছেড়া দেয় না, তখন চৈতরামের সিগারেট বিক্রিতে দোষ কী? কিছু না। আমি তাকে আশীর্বাদ জানাচ্ছি, তার ব্যবসা বাচুক।

কিন্তু কেরানী এ-ব্যবসা করতে পারে না। কে কত মাইনে পায়, এ-কথা এখন আর তুলবেন না। সিগারেট বিক্রি করে এখন চৈতরাম কেরানীর মাইনে ছাড়িয়ে গিয়েছে। এই হল আরম্ভ।

প্রায়ই আপনি লক্ষ্য করেন, দশটা থেকেই চৈতরাম টুলের উপর ঢোলে। তার মানে অবশ্য এ নয় যে, ডাকলে তার সাড়া পাবেন না। বরঞ্চ ঘণ্টি বাজার সঙ্গে সঙ্গেই সে দর্শন দেওয়াতে কখনও গাফিলতি করে নি। একদিন আমি তাকে শুধালুম তার ইন্সমনিয়া আছে কি না। সে মাথা নিচু করে ঘাড় নেড়ে শুধু জানালে, 'না।' হেড ক্লার্ক ওই সময় আমার ঘরে উপস্থিত ছিলেন। তাঁর ঠোঁটের কোণে একটুখানি মৃদু হাস্যের বেখা দেখতে পেলুম। পরে তাঁকে শুধালুম, 'ব্যাপারটা কী?'

নাঃ! চৈতরাম প্রতি রাত্রে অভিসারে বেরয় না—যদিও তার যমুনা-পারে বাস এবং পিড়পিতামহের সাবেক মোকাম বৃন্দাবন এবং মথুরার মাঝখানে। নাঃ! 'বৃন্দাবনকে কুন্জ-গলিয়ে শ্রামরিয়্যা কা দরসন' ইত্যাদি যাবতীয় সমুদায় ব্যাপার সে মায়ের গব থেকেই শুনে আসছে, ও-সব রোমান্সে তার কোনও চিন্তদৌর্ভল্য নেই।

সে করে অতিশয় গগুময়ী ব্যবসা। খবরের কাগজ বেচে। সাতটার ভিতর ওই কর্ম শেষ হয়ে যায় বলে সরকারী চাকরির সঙ্গে এতে ওতে কোনও দ্বন্দ্ব বাধে না। দুধের ব্যবসাও আটটার ভিতর শেষ হয়ে যায় বলে এককালে তাও করেছে। এখন নাকি ভাবছে, দুটোই কন্সাইন করা যায় কি না। চোর পালিয়ে যাওয়াতে বাবু ভণি করে দরওয়ানকে পুছেছিলেন, 'চোর ভাগা কিওঁ?' দরওয়ান বললে, 'মেরা এক হাথ মে তলওয়ার, দুস্‌রেমে ঢাল; পক্‌ড়ে কৈসে?' চৈতরাম তাকে ছাড়িয়ে যাবে। তার এক হাথমে দুধ, দুস্‌রেমে পাইপ (পেপার) এবং সঙ্গে সঙ্গে সে নৌকরিকেও পাক্‌ড়ে ধরে থাকবে।

এইবারে চিন্তা করুন, চৈতরামের আয় কতখানি বেড়ে গেল। কেরানী বেচারি ত আর সকালবেলা দুধ কিংবা খবরের কাগজ বিক্রি করতে পারে না। সমাজে মুখ দেখাবে কী করে? পারে টুইশানি করতে। কিন্তু সেখানকার কম্পিটিশন কী রকম মারাত্মক, সে-কথা আপনারা না জানতে পারেন, আমি মিলক্ষণ জানি—বেকার হওয়ার পরের থেকে এই আট মাস ঘুরে ঘুরে একটাও



যোগাড় করতে পারি নি। অধ্যক্ষ কুলীন সন্তান—এর চেয়ে অনেক অন্নায়ালে পাঁচটি বিয়ে করতে পারতুম। চারটি আইনত—‘হিন্দু কোড-বিল’ আমার উপর অর্সায় না।

হেড ক্লার্ক আপনাকে বলবেন, ‘শুধু, আপনি যে চাপরাসীদের যুক্তিকর্মের জঙ্ঘ দরদ দিয়ে পার্সনাল ইন্ট্রেস্ট নেন, সে বড় ভাল কথা। কিন্তু শুধু, এদের যুক্তিকর্ম ছেঁড়ে সরকারী ফাইল এ-ঘর থেকে ও-ঘর নিয়ে যাবার সময় নয়, ছেঁড়ে বাইসিকলের সেডলে বসে দুধ বিক্রি করার ফলে। চাপরাসীদের পাতলুন দেখে বলে দেওয়া যায়, সকাল বেলা কে কোন্ ব্যবসা করে।’

ভুলে গিয়েছিলুম, যুক্তিকর্মের সাক্ষতরায়ের জঙ্ঘ চৈতরাম সরকারের কাছ থেকে ‘ওয়ালিং অ্যালাওয়েন্স’ পায়। অবশ্য একদিন ক্যাসওয়েল লীভ নিলে সেদিনের জঙ্ঘ অ্যালাওয়েন্সটি কাটা যায়। অ্যাকাউন্টেন্টের অর্ধেক সময় যাক্স পাঁচ টাকাকে একত্রিশ ভাগ করে দুই কিংবা তিন দিয়ে গুণ করার খেজালতী কর্মে—আপনাদের মোটা মাইনের হিসেব রাখতে নয়। এই ‘ওয়ালিং অ্যালাওয়েন্স শীট’খানা ঠিকমত টানতে পারেন ক’টি বাহু অ্যাকাউন্টেন্ট, তাই নিয়ে বিরাট বিরাট আলোচনা হয়ে গিয়েছে। একবার এক আনা, তিন কড়া, দুই ক্রান্তির গোলমালে আপিসহুদু সবাই অডিটর-জেনারেলের কাছে কী ছড়োটাই না খেয়েছিলুম। শনিবার হাফ ডে—অ্যাকাউন্টেন্ট হাফ ওয়ালিং চার্জ কেটেছিলেন বলে। কাগজের সম্পাদক যখন তাঁর স্তম্ভে বলেন, সরকারী পয়সার প্রতি আমাদের দরদ নেই তখন আমাদের প্রতি বড় অবিচার করেন। অবশ্য ‘দামোদরে’ কত লক্ষ টাকা কোন্ দিকে ভেসে যায়, সে-কথা আমি বলতে পারব না, তবে এক-কথা আল্লার কসম খেয়ে বলব, বেহেস্তের দোহাই দিয়ে বলব, ‘তঁাবা-তুলসী-গন্ধাজল’ স্পর্শ করে বলব, সরকারী নোকরি থেকে নিষ্কৃতি পাওয়ার পরও এই ‘ওয়ালিং শীট’র দুঃস্বপ্ন দেখে এখনও মাঝে মাঝে ঘুম থেকে এক গাঁধেমে জেগে উঠি। গিন্নি জানেন। বৃকে হাত বোলান আর গুরুদত্ত ‘ওয়ালিং-ওচাটন’ আওড়ান।

কেরানী ওয়ালিং অ্যালাওয়েন্স পায় না। যুক্তিকর্ম যখন নেই তখন ওয়ালিং অ্যালাওয়েন্স হয় কী প্রকারে? শিশুবোধ ব্যাকরণ। অথচ তাকে ঠাঁট বজায় রেখে দক্ষতরে আসতে হয়। বুল শাট ইঞ্জি না করা থাকলে বছরের শেষে তার কনকিডেনশিয়েল রিপোর্ট লিখি, ‘শ্রাবি।’ আপনি হয়ত বলবেন, ‘ওই ওয়ালিং অ্যালাওয়েন্স আর ক’পয়সা?’ বটে! ছ পয়সা হোক আর ছ গণ্ডাই হোক—দেখুন না একবার রাস্তায় নেমে, ছ পয়সা কামাতে কতক্ষণ লাগে।

ওই বৃ-বা। জুলে গিয়েছিলুম, বর্ষাকাল এসেছে—চৈতরাম বর্ষায় ছাতা আর বর্ষাতি পায়। মহামূল্যবান সরকারী সব কাইল এ-দক্ষতর থেকে ও-দক্ষতরে নিয়ে যাবার সময় যদি ভিজ়ে যায় তবেই ত চিত্তির—একদম অক্ষরার্থে।

কিন্তু কেরানী পায় না। যদিও সরকারী কাজেই তাকে এ-দক্ষতর ও-দক্ষতর করতে হয়—বগলে কাইলও থাকে। কেরানীরা সচরাচর চাপরাসীর ছাতা ধার চায়।

একবার এক কেরানী ছাতাখানা হারিয়ে কেলে। চাপরাসী বলে, 'ছাতা কিনে দাও।' সরকারী কাইল বাঁচাবার প্রেমে নয়, দুখ বাঁচাবার জ্ঞ। কেরানী বলে, 'সরকারী কাজে ধোওয়া গিয়েছে, ওটা "রাইট অফ্" হবে।' দুখের স্বরণে নাকি উপদেশ দিয়েছিল, 'তা বেরবার সময় দুখে জল দিস্ নি, কুষ্টির জলে ওটা পুষিয়ে মিস।' শেষটায় কী হয়েছিল, জানি নে। সি. সি. বিশ্বাস বলতে পারবেন। তখন আইন-মন্ত্রী ছিলেন তিনি।

চৈতরাম শীতকালে কঞ্চল পায়। কেরানী পায় না। তার চামড়া বোধ করি গণ্ডার ব্র্যাণ্ড। সদাশয় সরকার বলতে পারবেন।

চৈতরাম কোয়ার্টারও পায়। একখানা ঘর। এক ফালি বারান্দা। এক ডুমো উঠোন। ঘরখানা সে একজন রেফুজীকে পঁচিশ টাকায় ভাড়া দিয়ে তার প্রাণ বাঁচিয়েছে। সে চৈতরামের কাছে চিরকৃতজ্ঞ ও তার প্রশংসায় পঞ্চমুখ। চৈতরাম বারান্দায় শোয়, মাঝে-মধ্যে ওদের সঙ্গে নাশ্তা বথরায় খায়-টায়। চৈতরাম দুখানা ঘর পেলে বড় ভাল হত। একখানাতে সে মাথা গুঁজতে পারত বলে? উহঁ। দুখানাই ভাড়া দিতে পারত বলে। তাই চণ্ডীগড়ের নূতন ক্যাপিট্যাে তারা দুখানা ঘরের জ্ঞ আবেদন-আন্দোলন চালিয়েছে। আমি সেই আবেদনে সানন্দে স্বাক্ষর নিয়েছি।

কোয়ার্টার কেরানীও পায়—যাদের সত্যকার মুকুবীর জোর আছে। কিন্তু সেটা ভাড়া দিয়ে থাকবে কোথায়? বারান্দায়? মুশকিল।

এই তো গেল মোটামুটি জরিপ। তার ওপর পুজো-আর্চায় বথশিশটা-আসটা। কোন জিনিস বড় সাহেবের জ্ঞ কিনে আনলে তিনি কি আর চেঞ্জটা সব সময় ফেরত চান? কেরানী এসব রসে বঞ্চিত।

এই কাঁড়া কাঁড়া টাকা নিয়ে চৈতরাম করে কী?

ওই জানলেই ত পাগল সারে।

কেরানীদের সঙ্গে লগ্নির ব্যবসা করে। এটা সবিস্তার বর্ণনা করতে আমার বাধো-বাধো ঠেকছে। তবে এইটুকু বলতে পারি, কেরানীরা অসন্তুষ্ট নয়। এবং

আপনি খুশী, মাসের পয়লা তারিখে কাবুলীওয়ালাদের দফতরের আনাচে-কানাচে ঘোরার কটু দৃশ্য দেখতে হয় না বলে। চাপরাসী ওদের ঠেকিয়ে রেখেছে।

জনৈক বন্ধু গল্পটি বলেছেন—

আহাম্মক জামাই খশুরকে শোবাচ্ছে, ‘সহরমশাই, সহরমশাই, আপনার বিয়ে হয়েছে?’

‘হ্যাঁ।’ ( মনে মনে, ‘ব্যাটা না হলে তুই বউ পেলি কোথেকে?’ )

‘কার সঙ্গে, সহরমশাই?’

রাগত কণ্ঠে, ‘তোমার শাশুড়ীর সঙ্গে।’

জামাই, গদগদ কণ্ঠে, ‘আহাহা, ভালই হয়েছে, ভালই হয়েছে, ঘরে ঘরে বিয়ে হয়েছে।’

দফতরের ভিতর আপোসে এই ব্যবস্থা আপনারও পছন্দসই হওয়ার কথা। চিন্তা করে দেখুন।

\*

\*

\*

শুনেছি, একদম টপে উঠলে, অর্থাৎ মস্ত্রী-টস্ত্রী হয়ে গেলে নাকি অনেক রকম স্বপ্ন-স্ববিধা আছে। অবশ্য চাপরাসীদের মত টায় টায় এ রকম নয়! তবে আমার প্রত্যক্ষ অভিজ্ঞতা নেই। কোনও বিশেষজ্ঞ যদি সেটা বাতলে দেন তবে ঠিক আন্দাজ করতে পারব, দশ পার্সেন্ট উজ্জুগ গো করাতে তাঁরা কী পরিমাণ আত্মোৎসর্গ করেছেন।

## চিন্তা

সন্ধ্যাবেলা গোলাপের কুঁড়িটির দিকে অনেকক্ষণ ধরে তাকিয়ে রইলুম। প্রকৃতি যেন যুগ যুগ ধরে কোটি কোটি কুঁড়ি তৈরী করার পর আজ এ-কুঁড়িতে তার পরিপূর্ণতা পেয়েছে।

সকালবেলা বাগানে গিয়ে দেখি, সে-কুঁড়িটি ফুটেছে। কুঁড়ির ভিতরে প্রকৃতি গোপনে গোপনে পাপড়ির যে নিখুঁত সামঞ্জস্য সাজিয়ে রেখেছিল সেই সামঞ্জস্য নিয়েই পাপড়িগুলো বাতাসের গায়ে শরীর মেলে দিয়েছে। রেণু যেন রাজকুমারী, আর চতুর্দিকে সার বেঁধে তাঁর সখীরা এক নিস্তর নৃত্য আরম্ভ করে দিয়েছেন।

চূপ করে দেখতে দেখতে আমার মনে হল, সন্ধ্যাবেলায় কুঁড়িতে দেখেছিলুম এক সৌন্দর্য আর সকালবেলাকার ফোটা-ফুলে দেখছি আরেক সৌন্দর্য। এই পরিবর্তনটি যদি আমার চোখের সামনে ঘটত তবে এই দুই সৌন্দর্যের ভিতর

আরও সৌন্দর্য দেখতে পেতুম। কিন্তু সে ত হবার নয়; ফুল কোটে এত ধীরে ধীরে যে তার বিকাশ আর পরিবর্তন ত চোখে পড়ে না। মমন্ত রাত কুঁড়ির কাছে জেগে রইলেও সৌন্দর্যের ক্রমবিকাশে তার ভিন্ন ভিন্ন রূপ আমার চোখে এড়িয়ে যাবে।

ভগবান আমার সে-কোভ চিহ্নার পারে ঘুচিয়ে দিলেন।

অতি ভোরে চিহ্নার সার্কিট হাউসে ঘুম ভাঙল, বারান্দায় কাচ্চাবাচ্চাদের কিচির কিচির শুনে। আঙ্গুল-আঙ্গুরের ছেলেমেগুলো তা হলে নিশ্চয়ই দুপুর-রাতে এসে পৌঁছেছে।

দরজা খুলে পূব আকাশের দিকে তাকিয়ে দেখি, আমার বাগানের সেই গোলাপ-কুঁড়ি। শুধু এ-কুঁড়ির রঙ একটু বেশী লালচে। আমার আর পূর্ব আকাশের মাঝখানে বিস্তীর্ণ জলরাশির উপর এক ফালি সিঁথির সিঁথুর। কিংবা যেন কোন রক্তাধরধারিণী গরবিনী চিহ্নার উপর দিয়ে পুর সাগরের পানে যেতে যেতে রক্তাধরী নিংড়ে নিংড়ে জল ফেলে ফেলে আমার ওই কুঁড়ির পিছনে অদৃশ্য হয়ে গিয়েছেন।

স্বন্দরীর কথা ভুলে গিয়ে অপলক দৃষ্টিতে তাকিয়ে রইলুম কুঁড়ির দিকে। সে কুঁড়ি ফুটে আরম্ভ করেছে। শুধু এর পাপড়ির আকার অল্প রকমের। সোজা, ধারালো তলোয়ারের মত এক একটি সূর্যরশ্মি দিঘলয়ের অন্তরাল থেকে হঠাৎ পূর্ব গগন পানে ধেয়ে ওঠে। অসংখ্য রশ্মি অর্ধচক্রাকারে আকাশ ছেয়ে ফেলেছে। তাদের কেন্দ্র—ঘুমন্ত রাজকুমারীর এখনও দেখা নেই। আকাশের লাল ক্রমেই কমে আসতে লাগল। চিহ্নার রাঙা জলের ফালি গোলাপী হয়ে হয়ে শেষটায় নীলাধরী পরতে আরম্ভ করেছে।

চতুর্দিকে আর সব কিছু পাত্ত, যেন হিমালীর গানি-মাথা।

সবিতা স্বপ্রকাশ হলেন। আলোতে আলোতে হিমালীর সর্ব-গানি ঘুচে যাচ্ছে। পূব আকাশের দিকে ধেয়ে-ওঠা সূর্য-অসিরাজি সবিতা সংহরণ করে নিয়েছেন। জাহ্নবীর তার ভাঙ্কমতীর ইন্দ্রজাল অদৃশ্য করে পূর্ব মহিমায় রঙ্গমঞ্চে একা দাঁড়িয়ে রইলেন।

আমারই চোখের সামনে আমার বাগানের গোলাপের কুঁড়িটি ফুটে উঠল। এর সম্পূর্ণ ফোটাটি আমি প্রাণভরে দেখলুম। এর কিছুই ফাঁকি গেল না। কিন্তু এ-ফোটা গোলাপের ফোটার চেয়ে কত লক্ষ গুণে গম্ভীর। এর ব্যাপ্তি বিখ-চরাত্র ছড়িয়ে এবং হস্তত ছাড়িয়ে।

আমার মনে আর কোন কোভ রইল না।

আলো ফুটেছে, কিন্তু জলে বাতাসে, ডাঙায় আকাশে এখনও যেন কী এক আবেশ জড়ানো। চিঙ্কার জল কেমন যেন একটা নীলুকরি রঙ মেখে নিয়েছে। এ-রঙ সমুদ্রের জল চেনে না, দেশের বিলে, বিদেশের নু ডানযুবেও নীলের এ-আভাস আমি কখনও দেখি নি। তবে কি চিঙ্কা একদিকে যেমন হ্রদ, অল্পদিকে তেমনি সমুদ্রের সঙ্গে জোড়া বলে সাদায় আর নীলে মিশে গিয়ে নীলুকরি রঙ ধরেছে? তাই হবে। বর্ষায় নাকি নদীর অপর্ধাপ্ত জল হ্রদে নেমে এসে তার লোনা জলকে মিঠা করে দেয়। শীতে নাকি সমুদ্রের জোয়ারের মারে জল ফের লোনা হয়ে যায়।

নীলুকরির মাঝখানে ওই বিরাট কালো পৌচ কিসের? মন্দমধুর ঠাণ্ডা হাওয়া বইছে বলে সে-পৌচ আবার অল্প অল্প ঢুলছে। স্তীমলঞ্চ ক্রমেই কালো পৌচের দিকে এগিয়ে যাচ্ছে। হঠাৎ দেখি সেই কালো ফালিটা জল ছেড়ে আকাশের দিকে হাওয়ায় ভর করে উড়ে চলল—লক্ষ লক্ষ পাখি। এরা নাকি এসেছে সাইবেরিয়া থেকে, হিমালয় থেকে। ঠিকই ত; এদেরই ত আমি দেখেছি খাসিয়া পাহাড়ের পায়ের কাছে, ডাউকির হাওরে হাওরে, চেরাপুঞ্জির জলে ভর্তি বিলে বিলে।

চিঙ্কার সমস্ত সৌন্দর্য এক মুহূর্তে অন্ধকার হয়ে গেল। হৃৎপিণ্ডটা কে যেন শক্ত হাতে মুচড়ে দিল, বুক থেকে কী যেন একটা উঠে এসে গলাটাকে বন্ধ করে দিল। আর যেন চোক গিলতে পারছি নে।

মাথার উপরকার সমস্ত আকাশ ছেয়ে ফেলে শুভ্র মল্লিকার পাপড়ি ছড়ালে কে? পাপড়িগুলো অতি ধীরে ধীরে কেঁপে কেঁপে, এদিক ওদিক হয়ে হয়ে জলের দিকে নেমে আসছে। বিলেতের বরফ-বর্ষণ এর কাছে হার মানে।

এ ত সেই পাখিগুলোর বুক। এদের পিঠের রঙ কালো। তাই তারা যখন জলে বসে থাকে তখন মনে হয়, এরা হ্রদের নীল চোখের কৃষ্ণাঞ্জন, আর আকাশ থেকে যখন নেমে আসে তখন উপরের দিকে তাকিয়ে দেখি সিত-মল্লিকা-বর্ষণ।

পাশে ভায়ী কৃষ্ণা বসে ছিল। বললে, ‘মামা, ওই দেখ, চিঙ্কার দেবী কালী-মার দ্বীপ। ওখানে জল নেই, বাস নেই, তোমার টাকের মত সব কিছু খা-খা করছে।

টাকের কথা ওঠাতে বিরক্ত হয়ে দ্বীপের দিকে না তাকিয়ে তাকালুম রোখ-কষায়িত লোচনে, কৃষ্ণার চোখের দিকে। সেখানে দেখি চিঙ্কার মাধুরী। কৃষ্ণার

চোখের সাদা যেন সাদা হতে হতে নীলুকারি হয়ে গিয়েছে আর তার গানের কালো রঙ দিয়ে চোখের চতুর্দিকে স্বয়ং বিশ্বকর্মা এঁকে দিয়েছেন কুসাগ্রন।

ভগবান একই সৌন্দর্য কত না ভিন্ন ভিন্ন রূপে দেখান। শিশুর খলখলে হাসি আমি শুনেছি নিখরিশীর কলকল রোলে, বিগলিত মাতৃস্তন্য দেখেছি আরবের মরুভূমির বুক ফেটে বেরিয়ে আসা স্তম্ভারসে, নবজাত শিশুর গাত্রগন্ধে পেয়েছি প্রথম আঘাতের ভিজে মাটির গন্ধ।

রসময় পাঠক, এইবারে আমি তোমার একটু করুণা ভিক্ষা করি। আমি কাব্যরস ভিন্ন অল্প আরও দু-একটি রসের সন্ধান করি। তারই একটি খাত্তরস। চিন্তার এ-পাখির রস আমি চেখেছি দেশে। আবার লোভ হল। সন্ধে ছিল স-বন্দুক পারিকুদের রাজ্য। তার এবং তার বন্দুকের দিকে অর্থপূর্ণ দৃষ্টিতে তাকালুম। সন্ধে সন্ধে মনে মনে চিন্তার কালীকে স্মরণ করে বললুম, 'গোটা পাঁচেক পাখি দাও না, মা!' তারপর ভাবলুম, না, অত বেশী চাওয়া-চাওয়ি ভাল নয়, দেবীকে দেখাতে হবে, আমি কত অল্পেতেই সন্তুষ্ট হই। মনে মনে বললুম, 'আচ্ছা, না হয়, পাঁচটা না-ই বা দিলে। গোটা দুত্তিন দিলেই হবে। আমার খাই মাইজী বডডই কম।'

বলেই একটা ইরানী গল্প মনে পড়ে যাওয়াতে হাসি পেল। এক ইরানী দরবেশ ভগবানকে উদ্দেশ করে বললে, 'হে আল্লাতাল্লা, আমাকে হাজার পঁচিশেক তুমান দাও। আমি তোমার কিরে কেটে বলছি, তার থেকে পাঁচ হাজার তুমান গরিব-দুঃখীদের ভিতর দান-খয়রাত করে বিলোব। আমাকে বিশ্বাস করতে পারছ না? আচ্ছা, তা হলে তোমার পাঁচ হাজার তুমান কেটে নিয়ে আমাকে বিশ হাজারই দাও।'

চিন্তা হ্রদ বিস্তার ছোট ছোট দ্বীপে ভতি। মাত্র একটি ছাড়া নাকি সব কটাতেই মিষ্টি জল পাওয়া যায়। এসব দ্বীপে থাকে গরিব জেলেরা। ডাঙার সন্ধে এদের কোন যোগসূত্র নেই। এদের পোস্ট-অফিস নেই, টেলিগ্রামের তার ডাঙার সন্ধে দ্বীপের মানুষকে কাছাকাছি এনে দেয় নি। আর আপন দ্বীপের বাইরে বিশ্বসংসারের কাকেই বা এরা চেনে যে ওরা এদের টেলিগ্রাম পাঠাবে, ওরা এদের কুশল সংবাদ জানতে চাইবে।

আমি ভাবলুম, আমার দেশে নাগা-গারোরা পর্যন্ত মাঝে মাঝে পাহাড় থেকে নেমে, পায়ে হেঁটে কিংবা বাসে করে শহরে যায়। এটা সেটা দেখে,র ফুটপাথে

দোকানে বসে চা খায়, সিনেমা যায়, কেনাকাটাও করে। এই উড়িয়ারই আদি-বাসীরা মাঝে মাঝে বন থেকে বেরিয়ে এসে আমাদের বাড়িঘরদোর দেখে, হয়ত মনে মনে সংকল্প করে, বনের ভিতরই ওদের জীবনকে আরও সমৃদ্ধ করবে। কিন্তু চিঙ্কার দ্বীপবাসীরা সৃষ্টির সেই আদিমকাল থেকেই দ্বীপবাসী। আজ যে-সব জিনিসপত্র দিয়ে তারা মাছ ধরে, দু-হাজার বৎসর পূর্বেও তাই দিয়ে তারা মাছ ধরেছে। সভ্যতার শ্রীবৃদ্ধি, বিজ্ঞানের প্রসার এদের কোনও কাজে লাগে নি।

হয়ত ভালই আছে। কাঙ্গীতে বলে, ‘দূর বাশ, খুশ বাশ।’ দূরে আছে ; ভালই আছে। টমাস কেম্পিসও বলেছেন, ‘যতবার আমি মানবসমাজে গিয়েছি ততবারই আমি খানিকটে মল্লুয়ুজ হারিয়ে বাড়ি ফিরেছি।’ হয়ত ‘সভ্যতা’র আওতায় না এসে এরা সভ্যই সভ্যতর।

চিঙ্কার বড় দ্বীপ পারিকুদ। ভাঙা থেকে মাইল আটেক দূরে হবে। দ্বীপে নেমে খানিকক্ষণ চলার পর মনে হল, কোথায় চিঙ্কা, কোথায় তার নীলুফরি জল, কোথায় দূর-দূরান্তের সিন্ধুরেখা আর কোথায়ই বা কৃষ্ণপক্ষ পক্ষীর শুভ বক্ষের মল্লিকা বর্ষণ। এ ত দেখছি, পূব-বাংলার পাড়া-গা। রাস্তার উপর সাদা ধুলো। দু দিকে রাস্তার জন্তু মাটি ভোলার ফলে লাইন বেঁধে ডোবার সারি। তাতে ফুটেছে ছোট ছোট খেতপদ্ম রক্তপদ্ম। মাছরাঙা ওড়াওড়ি করছে আর মাঝে মাঝে এক পায়ে দাঁড়িয়ে ধ্যানমগ্ন বক। মোষগুলো গলা অবধি ডুবিয়ে চোখ বন্ধ করে ধীরে গম্ভীরে মাথা নাড়ছে। শুধু পূব-বাংলার জমির মত এ-জমি উর্বরা নয় ; তাই ক্ষেত-খামারের চিহ্ন কম।

রোদ চড়ছে। দূর গ্রামের শ্রামশ্রীর দিকে তাকিয়ে চোখ জুড়য়। ওইখানে পৌঁছতে পারলে হয়। শহরের লোক ; এতখানি হেঁটে অভ্যেস নেই। ক্লাস্তি বোধ হচ্ছে।

সঙ্গে পারিকুদের রাজা। রাজবাড়িতে পৌঁছে দু দণ্ড জিরিয়ে নিলুম। সেখানে বিরাট বিরাট কোঁচ সোফা, দশ-হাতী খাড়া আয়না, জগদল কাবার্ড আলমারি, সোনার সিংহাসন, মার্বেল-টপ টেবিল, বাথ-টাব, রাড-ফাহুস, আরও কত কী ! এসব ওই গরিব জেলেদের পয়সায় ? অবিশ্বাস্ত।

কলকাতা থেকে ট্রেনে এসেছে চিঙ্কার পার অবধি। তারপর কত চেঞ্জাচেঞ্জি হৈ-হুল্লোড়ের ভিতর এগুলোকে নৌকায় চাপানো হয়েছে, নাবাতে হয়েছে, কত লোক মাথার ঘাম পায়ে ফেলে এগুলোকে রাজবাড়ি পর্যন্ত কাঁধে করে বয়ে

এনেছে, পড়ি-মরি হয়ে উপরের তলায় তুলেছে।

শুধু রাজপরিবার এগুলো ব্যবহার করেন। রাজপরিবার বলতে উপস্থিত রাজা আর রাণী। আর আজ সকালের মত আমরা।

সূর্য মধ্যগগনে। লঞ্চ পূর্বদিকে সমুদ্রের পানে ধাওয়া করেছে, যেখানে হ্রদের সঙ্গে সমুদ্রের সঙ্গম।

পূর্বদিগন্তে যেখানে সমুদ্র আর হ্রদ আকাশের সঙ্গে মিশেছে সে-জায়গা ঝাপসা হয়ে আছে। মনে হয়, হ্রদ দূরে যেতে যেতে হঠাৎ যেন কোথাও অসীম শূন্যে লীন হয়ে গিয়েছে। গ্রীষ্মের দ্বিপ্রহরে গরমের দেশের দক্ষতান্ত্র দিগন্তে যে আশ্চর্য ছায়ানৃত্য আরম্ভ হয়, এখানে যেন তারই এক অন্তরূপ। এখানে যেন অশরীরী বাষ্প-নৃত্য আরম্ভ হয়েছে আর তারই আড়ালে হ্রদের শেষ, সমুদ্রের আরম্ভ, সমুদ্রবক্ষে আকাশের চূষনে সব কিছু ঢাকা পড়ে গিয়েছে।

তাই পশ্চিমমুখে হয়ে বসলুম ডাঙার দিকে তাকিয়ে।

পাখিরা সব গেল কোথায়? শুধু দু-একটি ঝাঁক হেথা হোথায়। বোধ হয় ঠাণ্ডা দেশের প্রাণী বলে দ্বীপের গাছতলার ঠাণ্ডাতে আশ্রয় নিয়েছে।

কত রকমের নীল রঙ দেখছি।

হ্রদের জল ছপুর-রোদে অতি হালকা ফিকে নীল হয়ে গিয়েছে। হ্রদের পরে পাড়ের গ্রামের রঙ এমনিতে ঘন সবুজ কিন্তু এখন দেখাচ্ছে হ্রদের জলের চেয়ে একটুখানি ঘনতর নীল। গ্রামের পিছনে পাহাড়, তার রঙ আরও একটু বেশী ঘন নীল। এবং সর্বশেষে পাহাড়ের পিছনের আকাশ ঘোর নীল।

এ কী করে সম্ভব হয় জানি নে। গ্রামের গাছপালা, পাহাড়ের ঝোপ-ঝাড় হয় সবুজ রঙের কিন্তু আজ এরা নীলের ছোপ মেখে নিল কী করে? তবে কি আমার আর পাড়ের মাঝখানে দীর্ঘ নীল বিস্তৃতি, আমার চোখ দুটিকে নীলাঙ্গন— কিংবা নীল চশমা পরিয়ে দিয়েছে যে আমি সব কিছুই নীল দেখছি?'

মেক্সিশিয়ানরা দেখেছি মাথার উপরে হাত তুলে এক প্যাক তাস ছেড়ে দেয় আর আলগা আলগা তাসগুলো জুড়ে গিয়ে ভাঁজে ভাঁজে নেমে আসে। এখানে যেন আকাশের অন্তরাল থেকে কোন এক জাহুকর আকাশ, পাহাড়, বন, জল এই হরতন, চিরতন, ঝহিতন, ইশকাপনের চারখানা তাস জুড়ে দিয়ে ভাঁজে ভাঁজে লটকে দিয়েছেন। কিন্তু এ-ওস্তাদ লাল-কালোর দু রঙ না নিয়ে, মেলাই তসবির না এঁকে, এক নীলের ভিন্ন ভিন্ন আভাস দিয়ে অপূর্ব এক ভেলুকি-বাজি দেখাচ্ছেন।



হৃদের বৃকে হাওয়া এতটুকু আঁচড় কাটে নি—একেবারে সম্পূর্ণ নিখরকিচ। শুধু আমাদের লক্ষ যেন চিরুনির মত ইজ্রপুরীর কোন এক রমণীর দীর্ঘ বিজ্ঞস্ত নীলকুস্তলে সিঁথি কেটে কেটে সমুদ্র-সীমস্তের দিকে এগিয়ে চলেছে। সিঁথির দু দিকে চূর্ণ কুস্তলের ফেনা উজ্জ্বলিত হয়ে উঠছে কিন্তু এ গরবিনীর কুস্তলদাম এমনই বিপুল যে চিরুনি বেশীদূর এগতে-না-এগতেই দেখতে পাই, দু দিকের ঘন কুস্তল সিঁথিকে নিশ্চিহ্ন করে দিয়েছে।

চতুর্দিকে অসীম শান্তি পরিব্যাপ্ত। শুধু লকের মোটরটার একটানা শব্দ কর্ণে পৌঁড়া দেয়। সাঙ্ঘনা শুধু এইটুকু, এই নীলিমার সৌন্দর্য-মাদুরীতে ডুব দিলে কানে এসে মোটরের শব্দ পৌঁছয় না।

যোগশাস্ত্রে পত্তঞ্জলি চিন্তবৃত্তি-নিরোধের অনেক পন্থার নির্দেশ দিয়েছেন। এটা দিলেন না কেন ?

এবারে সূর্যাস্ত। পশ্চিমের আকাশ হয়ে গিয়েছে টুকটুকে লাল। আকাশ যেন প্রথমটায় তাঁর নীল কপালের সিঁথিতে এক ফালি সিঁথুর মেখেছিলেন, তারপর তাঁর খোকা কচি হাতের এলোপাতাড়ি খাবড়া দিয়ে এখানে-ওখানে খাবলা খাবলা সিঁথুর লাগিয়ে দিয়েছে! মা শেষটায় সমস্ত মাথায় সিঁথুর মেখে নিয়েছেন।

নালে লালে মিশে গিয়ে বেগুনী হয়? তাই বোধ হয়। হৃদের জল বেগুনী হয়ে গিয়েছে।

আজকের সূর্যাস্ত বড় অল্প সময়েই শেষ হয়ে গেল। আকাশে মেঘ থাকলে তারা সূর্যাস্তের লালিমা খানিকটে শুয়ে নেয় এবং সূর্য পাহাড়ের আড়ালে চলে যাওয়ার পরও মহফিল-শেষের তানপুরার রেশের মত খানিকক্ষণ আকাশ-বাতাস জলস্থল রাঙিয়ে রাখে।

দিল্লির কবি গালিব সাহেব এই ‘শেষ রেশটুকু’র উপর হাড়ে হাড়ে চটা ছিলেন। তাঁর দুর্বস্থা তখন চরমে। বাড়িখানা বুরবুরে। এক বন্ধুকে চিঠি লিখেছিলেন, ‘অগর পানী বরস্তা এক ঘন্টা, তো ছৎ বরস্তাী দো ঘন্টে’—‘জল যদি বর্ষে এক ঘন্টা ত ছাত বর্ষে দু ঘন্টা!’

‘দু-এক ঝাঁক পাখি এখানে ওখানে। পারিকৃদের রাজাকে বললুম, ‘দু-একটা মার না।’

রাজার রাজকীয় চাল। পাখি দেখলে চাকরকে ধীরে স্তম্বে বলেন, ‘বন্ধুকে।’ চাকর রাজার রাজা! তার চাল আরও ভারি। আরও ধীরে স্তম্বে কেস

খুলে বন্দুক এগিয়ে দেয়। রাজা গদাইলস্করী চলে 'বন্দুকো' জোড়া লাগিয়ে বলেন, 'কাত্তুজো'। ক-রে, ক-রে সব যখন তৈরী তখন পাখিরা সাইবেরিয়ায় চলে গিয়েছে। তবে কি রাজার তাগ ধারাপ ?

তবু ভদ্রতার খাতিরে দু-একটা গুলি ছুঁড়লেন। ফলং শূন্য।

আমার একটা গল্প মনে পড়ে গেল।

বড়লাট গেছেন বরোদায় পাখি শিকারে। আমাদের ওস্তাদ শিকারী রহমৎ মিয়া গেছেন সঙ্গে। সন্ধ্যায় যখন ওস্তাদ বাড়ি ফিরলেন তখন বাচ্চা শিকারীরা উদ্গ্রীব হয়ে শুধালে, বড়লাট সায়েবের তাগ কী রকম ? ওস্তাদ প্রথমটায় রা কাড়েন না। শেষটায় চাপে পড়ে বললেন, 'বড়লাটের মত শিকারী হয় না, আশ্চর্য তাঁর তাগ। কিন্তু আজ খুদাতালা পাখিদের প্রতি সদয় (মেহেরবান) ছিলেন।'

পূর্ব পশ্চিমে যেন দেখন-হাসি, ইলেকট্রিците খবর পাঠাল, না বয়স্কাউটের নিশানে নিশানে কথাবার্তা। পশ্চিমের লালের ইশারায় পুব লাল হয়। সেই লাল ফিকে হচ্ছে—কী গোপন কায়দায় তার খবর পূর্বে পৌঁছেছে ? মাঝের বিস্তীর্ণ আকাশ ত ফিকে, কোনও রঙ নেই, ফেরকার নেই। কী করে এর হাসি ওর গায়ে গিয়ে লাগে, এর বেদনা ওর বুকের সাড়ায় প্রকাশ পায় ?

আধা আলো-অন্ধকারে সাতপাড়া দ্বীপে নামলুম। আম-বাগানের ভিতর ছোট একটা ডাক-বাংলা। লাদুল-আশ্রমের কাচাবাচ্চারা কিচিরমিচির করছে। স্থানিক পরে চিন্তা হ্রদের তাজা মাছ-ভাজার গন্ধ নাকে এল। সর্বাক্কে ক্লাস্তি, কখন খেলুম, কখন ঘুমিয়ে পড়লুম, কিছু মনে নেই।

শেষ রাত্রে ঘুম ভাঙল। দেখি আমার অজ্ঞানভে বাতিওলারা এসে আসমানের করাশে এখানে ওখানে তারার মোমবাতি জালিয়ে রেখে গিয়েছে। এবারে শেষ রাত্রে মূশায়েরা বসবে। আম গাছ মাথা দোলাবে, ঝিঁ ঝিঁ নূপুর বাজাবে, পুবের বাতাস মজলিসের সর্বাক্কে গোলাপ-জল ছিটিয়ে ঠাণ্ডা করে যাবে।

তারপর দেখি দূর সাগরের ওপারে লাল মদের ভাঁড় থেকে ঠান্ড উঠলেন ধীরে ধীরে, গা টেনে টেনে। সকলের মুখে হাসি ফুটল। অন্ধকার আকাশে যে সব মোসাহেবরা গা-ঢাকা দিয়েছিলেন তাঁদেরও চেনা গেল। ছোট বাচ্চা যেমন মূশায়েরার মাঝখানে ঘুমিয়ে পড়ে, আমি আবার তেমন ঘুমিয়ে পড়লুম।

ভোর হল। আজ আমার ছুটি শেষ। আপিসের কথা মনে পড়তেই সর্বাঙ্গ হিম হয়ে গেল। লঞ্চে উঠে পাড়ের পানে রওয়ানা দিলুম। সে সকালেও অনেক নবীন সৌন্দর্য দেখা দিয়েছিল কিন্তু আপিসের জুজু আমার পক্ষেক্রিয় অসাড় করে দিয়েছে। যেন ডুব-সীতার দিয়ে ডাঙায় পৌঁছে, আপিস আর অদৃষ্টকে অভিসম্পাত দিতে দিতে কটক এলুম।

### বাঙালী

এই যে কলকাতা। জয় মা গঙ্গা!

আর যেন মা তোমায় কুলত্যাগ করে ভিন-দেশে যেতে না হয়।

আহা, মাইকেল কি কবিতাই না রচছিলেন—

‘আশার ছলনে ভুলি কি ফল লভিছু হয়।

তাই ভাবি মনে—’

কিন্তু আশাকে আমি দোষ দিই নে। আশাকে তখনই দোষ দেওয়া যায়, যখন মানুষ হেথাকার শাস্তি-সুখ বর্জন করে হোথাকার খ্যাতি-প্রতিপ্রতির জন্ম ছোট্টে। কিন্তু বঙ্গসন্তান মাত্রই কলকাতা ছাড়ে পেটের দায়ে। হেথায় অন্ন জুটছে না বলেই সে হোথাপানে ধেয়ে যায়—হায়, তার জীবনে স্বাধীনতা কোথায়? ‘তার জীবন’ কথাটিই ভুল। তা না হলে আজ ঢাকার পয়সাওলা ছেলে কলকাতার রাস্তায় ফ্যা ফ্যা করছে কেন, কলকাতার বাচ্চাই বা দিল্লির এর দোরে ওর দোরে হানা দিচ্ছে কেন? তার জীবন ত এখন দৈত্যের জীবন, দু মুঠো অন্নের কাছে গচ্ছিত, এক টুকরো কাপড়ের কাছে বেচে দেওয়া।

কিন্তু থাক্ এসব অপ্রিয় আলোচনা। আপনাদের ঘরের ছেলে ঘরে ফিরে এসেছে, আপনারা শীক বাজান আর না-ই বাজান ‘মম চিত্ত মাঝে’ ঘন ঘন শীক বাজছে। ‘

বড় ব্যক্তিগত হয়ে যাচ্ছে—না? তবে কিনা আপনারা নিশ্চয়ই জানেন, যার জন্মদিন, তা সে পাঁচ বছরের ছেলেই হোক সেদিন সে রাজা। তার চতুর্দিকে সেদিন পরব জমে ওঠে, তাকেই সবাই কথা কইতে দেয়। আজ কলকাতায় আমার পুনরায় নবজন্মদিনে আমার সহৃদয় পাঠকরা আমার ভ্যাচর ভ্যাচর কিষ্কিৎ বরদাস্ত করে নেবেন বইকি। শাস্ত্রেও তার ব্যবস্থা আছে। আমি স্মার্ত নই, তাই আবছা-আবছা মনে পড়ছে, কেউ যদি চৌদ্দ বৎসর ( কিংবা সাতও হতে পারে ) নিরুদ্দেশ থাকে, তবে তার শ্রাদ্ধ করতে হয়, কিন্তু তারপর

যদি হঠাৎ সে ফিরে আসে, তবে তার লজ্জা নতুন করে জ্বলোৎসব ইত্যাদি যাবতীয় ক্রিয়া-কর্ম করতে হয়। তাকেও মাতৃগর্ভস্থ ছোট বাচ্চাটির মত দু'মুঠো বন্ধ করে আন্তে আন্তে ভূমিষ্ঠ হওয়ার ভান করতে হয়। তার নামকরণ, চূড়াকরণ, এমন কী নতুন করে উপনয়নও হয়। মনে পড়ছে না, তবে বিবেচনা করি, ব্রহ্মচর্যের পর তাকে পুনরায় তার জীকে বিয়েও করতে হয়—বিলিতি ধরনের সিলভার, গোল্ডেন ওয়েডিংয়ের মত। তাতেই বা কী কম আনন্দোন্মাদ, অবশ্য সব কিছুই হয় ঘণ্টাখানেকের ভিতর। এ সব ক'টা ব্যবস্থাই আমার বড়ই মনঃপূত, ভাবতে গেলেই হৃদয় প্রসন্ন হয়ে ওঠে। বিশেষ করে যখন বাচ্চাটির অর্থাৎ লোকটা'র মায়ের ছবি মনের ওপব ভেসে ওঠে। রবীন্দ্রনাথের ভাষা একটু পরিবর্তন করে বলি, তিনিও কি সেদিন বধূবেশ পরে সীমন্তের উপর অর্ধাধুর্গঠন টেনে নিয়ে অত্রাণ্ড অস্তঃপুরিকা কুললক্ষ্মীদের দ্বায় প্রসন্নকল্যাণ মুখে মাদল্য রচনায় নিরতিশয় ব্যস্ত হন না ?

কিন্তু হায় যার মা নেই ?

দিল্লি ভাল জায়গা ; ভালবাসি কিন্তু কলকাতাকে।

আসানসোল কিংবা বর্ধমানের কাছে রেলগাড়িতে ঘুম ভাঙল। আগেরঃ রাত্রে যুক্তপ্রদেশেব কোন নাম-না-জানা জায়গায় ঘুমিয়ে পড়েছিলুম মনে গভীরঃ প্রশান্তি নিয়ে যে, পরদিন সকালবেলাই চোখ মেলাব বাঙলা দেশে ; তাই না , জাগলে আমি হাওড়া পেরিয়ে, শেয়ালদা ছাড়িয়ে যে কহাঁ কহাঁ মল্লুকে চলে যেতুম, তার ধবর কি আই বি পর্যন্ত রাখতে পারত ? ডাক্তাররা বলেন, মনের শান্তি সর্বোত্তম নিদ্রাদায়িনী—ওনারা শুষ্কটা লাতিনে বলেন বলে আমি অহুবাদটি ঈযৎ সংস্কৃত-বৈষ্ণা করে দিলুম। ঘুম কেন বর্ধমানের কাছাকাছি ভাঙল সে-কথাও নিবেদন করছি। চায়ের গন্ধ পেয়ে। আমার ব্যক্তিগত অভিজ্ঞতা, আসাম-বাঙলার বাইরে কেউ চা তৈরি করতে জানে না—বাঙলা প্র্যাটিকর্মের রুদি চা-ও দিল্লী-লাহোরের উত্তম উত্তম ধানদানী পরিবারের চা-কে খুশবাইতে হার মানাতে পারে। বাঙলার চায়ের খুশবাই ঘুম ভাঙল।

চোখ খুলে দেখি সমুখে বাঙলা।

অবশ্য মানতে হবে যুক্তপ্রদেশ-বিহাব দুম করে বাঙলা দেশে পরিবর্তিত হয় না। কিন্তু রবীন্দ্রনাথ যদি 'আলোক-মাতাল স্বর্গসভার মহাস্কন থেকে' 'কালের সাগর' পাড়ি দিয়ে এক মুহূর্তেই 'শ্রামল মাটির ধরাতলে' চলে আসতে পারেন তবে আপনিই বা কেন এক ঘুমের ডুব-সাতার কেটে এলাহাবাদ থেকে বর্ধমান পৌঁছতে পারবেন না ? এমন কী, গেল রাজ্রিতে যে-লোকটা আপনার কামরায় ঢুকে

উপরের বার্ষিক জয়েছিল, যাকে আপনি 'ছাতু' জেবে অবহেলা করেছিলেন, সে-ব্যক্তি বর্ধমান পৌঁছে দেখবেন দ্বিব্য বাংলা বলতে আরম্ভ করেছে। আপনার জ্ঞানটা অকারণে খুশ হয়ে যাবে, গায়ের পড়ে বলবেন, 'এক কাপ চা হবে শ্যার।'

পাঞ্জাবীদের তুলনায় এরা কালো, বেঁটে, রোগা, অনেকেই হাজিসার, এদের স্টুট কেনার পয়সা নেই, যদি বা থাকে তবু মাসে দুবার করে প্রেস করিয়ে ব-তরিবত পরতে জানে না, এদের রমণীরা এখনও সেই মাদ্ধাতার আমলের শাড়ি ব্লাউজ পরে, পেট-কাটা একবিঘতী কাঁচুলির উপর অবহেলার দোপাত্রী কেলে এরা গ্যাট-ম্যাট করে হাঁটতে শিখলে না, এদের বাচ্চারা ট্যাশ উচ্চারণে 'ড্যাডি' 'মাশ্বি' 'ও কে' 'নো কে' বলতে শিখলে না—এরাই বাঙালী।

দিল্লির লোক একদা মাংস রুটি খেত; এখনও তারা রুটি মাংসই খায়। স্তনেছি বাঙালীরা নাকি এককালে মাছ-ভাত খেত। ঠিক বলতে পারব না, এখনও খায় কি না। রেশনে যে-বস্ত পাওয়া যায়, তাকে চাল বলে তারা তাদের বাপ-পিতেমোর খাণ্ড চালকে অসম্মান করতে চায় না। এই কিছুদিন পূর্বে হঠাৎ কিছু মাছ ধরা পড়াতে বাঙালী উদ্বাহ হয়ে যে-নৃত্যটা দেখালে, তাতে মনে হল—আমি দিল্লিতে বসে 'আনন্দবাজারে' পড়েছিলুম—যেন স্বয়ং উর্বশী স্বর্গ থেকে স্খাভাও নিয়ে বাংলা দেশে অবতীর্ণ হয়েছেন! ছেলেবেলায় দেখেছি, উদ্বৃত্ত মাছ পচিয়ে পোড়বার জন্ম তেল আর ক্ষেতে দেবার জন্ম সার তৈরি করা হয়েছে। যারা এসব করেছেন, তাঁরাও বাঙালী, এরাও বাঙালী।

এককালে এ-দেশের শিক্ষিত লোক মাত্রই সংস্কৃত জানতেন কিংবা আরবী-ফার্সী জানতেন। উনবিংশ শতকে বাঙলা দেশে যে সাহিত্য গড়ে উঠল, যার তুলনা ভারতের অগ্র কোনও প্রদেশে নেই—সে এয়ারত গড়াতে চুনহুকি যোগালে সংস্কৃত এবং কিছুটা আরবী-ফার্সী, আজ সে-সৌধের স্তম্ভ তোরণ দেখে বাঙালী মুগ্ধ, কিন্তু স্তনতে পাই হুঁমুঠো অল্পের জন্ম সে আজ এতই কাতর যে, জোর করেও তাকে আজ আর সংস্কৃত পড়ানো যাচ্ছে না। তবে একথা ঠিক, তাই নিয়ে সে লজ্জা অমুভব করে, খবরের কাগজে প্রকাশিত চিঠিতে তার স্পষ্ট প্রমাণ পাওয়া যায়। (রাষ্ট্রভাষার পীঠভূমিতে সংস্কৃতচর্চার জন্ম চেলাচেল্লি হয়, কিন্তু কেউ গা করে না।)

এই লজ্জাটুকু নিয়েই বাঙালী।

তবুও এই বাঙলা দেশ।

এখনও ধুলো কমে নি, সে-ধুলো এখনও লাল, পুরোপুরি বাঙলা দেশ এখনও আরম্ভ হয় নি।

হঠাৎ দেখি লাইনের পাশে পুকুর ডরে রক্তপদ্ম ফুটেছে। সবুজ বাঁশবনের মাঝখানে ছোট্ট পুকুরটি—কুকনীরে রক্ত-সরোজিনী! দিল্লির নিজাম-প্রাসাদের শাল গোলাপের কথাও সঙ্গে সঙ্গে মনে পড়ল, ক্ষণেকের তরে বুকটা ছাঁত করে উঠল, কিন্তু পরমুহূর্তে মনে পড়ল, তরুণ বয়সে যখন এই অঞ্চলে বসবাস করতে এসেছিলুম, তখন প্রথম দর্শনেই এরা আমার হৃদয়ের কতখানি জুড়ে নিয়ে বসেছিল। শরৎ হেমন্ত, এমন কী, বেশ শীত পড়ার পরও কত দূর পুকুরে পদ্মের সন্ধানে গিয়েছি, কখনও ফিরেছি একটি মাত্র পদ্ম নিয়ে, হাতে ধরে ঘুরিয়ে কিরিয়ে দেখতে দেখতে, কখনও বা এক আঁটি বগলে করে। প্রিয়জনকে বলিয়েছি হাসিমুখে, লোভীজন জোর করে কিছুটা কেড়ে নিয়ে গিয়েছে, ক্ষণেকের তরে কুল হয়েছি, কিন্তু বিরক্ত হই নি। ঘরে এসে কলসীতে তাদের জিইয়ে রাখবার চেষ্টা করেছি যতদিন পারা যায়। তারপর তারা একে একে শুকনো মুখে বিদায় নিয়েছে—আজ সকালে একজন, কাল সকালে দুজন। বৃকে লেগেছে, মনে ভেবেছি, আর পদ্ম আনতে যাব না, আনলেও সব-কিছু বিলিয়ে দেব, ঘরে রেখে বিদায়-বেদনার ব্যবস্থা করব না।

কিন্তু প্রতিজ্ঞা কি মনে রাখা সোজা? একেই তো জ্ঞানীরা নাম দিয়েছেন শ্মশান-বৈরাগ্য।

শ্মশান থেকে ফিরে এসে মানুষ আবার কিছুদিন পরে বিয়ে করে সংসার পাতে, আবার বিরহ-বেদনা, মৃত্যুযন্ত্রণা ভোগ করে। আমিও শ্মশান-বৈরাগ্য ভুলে গিয়ে নূতন করে সংসার পেতেছি, আবার তাদের বিদায়-বেদনার জ্ঞান মূহু গন্ধে বিধূর হয়েছি।

কিন্তু ওই যে লোকে বলে, মার খেতে খেতে মানুষ শক্ত হয়, কই, আমি তো হতে পারলুম না।

তারপর কত দেশ-বিদেশে ঘুরেছি। নরগিস দেখেছি, দামুদী কিনেছি, গিলি শুঁকেছি, বসরার গোলাপ বৃকে গুঁজেছি, বড় বড় ফুলের বাজারে পুষ্প-প্রদর্শনীতে অবাক হয়ে বিদেশী ফুলের জলুস দেখেছি, কিন্তু কখনও বেশীক্ষণের জন্ত ভুলে থাকতে পারি নি আমার রক্তপদ্মকে।

বিদেশী বন্ধুরা জিজ্ঞেস করেছেন মতামত! আমি তাদের ফুলের অকুষ্ঠ প্রশংসা গেয়ে শেখটায় বলেছি, কিন্তু আমাদের পদ্ম ভারি চমৎকার ফুল। এক বন্ধু তখন মূহু হেসে বলেছিলেন, 'এ-লোকটা বিদেশে ঘোরে স্বদেশ আপন পকেটে রেখে রেখে।'

এইবার দেশে ফিরেছি। স্বদেশ আর পকেটে পুরে রাখতে হবে না।

জয় মা, গন্ধে,  
ত্রিভুবনতারিণী তরল তরঙ্গে ।

### সুকুমার রায়

গাছে না উঠতেই এক কাঁদি ।

আজি না পেরুতে-না-পেরুতেই একখানা খাসা নেমস্তম্ব পেয়ে গেলুম ।

এলগিন রোড অঞ্চলের কয়েকটি ছেলেমেয়ে ‘হরবোলা’ নাম দিয়ে একটি দল গড়েছে । এদের উদ্দেশ্য হাশ্বরসের উত্তম উত্তম পালার অভিনয় করে বাঙালীর হৃদয়ে তার লুপ্তপ্রায় হাশ্বরসকে আবার বইয়ে দেওয়া । হরবোলার প্রযোজকদেরা ভাষায় বলি, ‘হাসতে ভুলে গেছি বলে দুর্নাম আছে আমাদের ( বাঙালীর )।’ সুকুমার রায়কে কেন্দ্র করে সেই দুর্নাম কিছুটা যদি আমরা দূর করতে পারি, তাহলেই এই উদ্যোগ সার্থক হবে।’ হরবোলা নেমস্তম্ব করেছেন, তাঁদের প্রথমা পালা দেখতে ।

সুকুমার রায় যে বাঙলা দেশের সর্বশ্রেষ্ঠ হাশ্বরসিক সে-বিষয়ে কারও মনে কোনও সন্দেহ থাকতে পারে না । তাঁরই রচিত ‘লক্ষণের শক্তিশেল’ বেছে নিয়ে হরবোলা আপন রুচি ও বুদ্ধির পরিচয় দিয়েছেন ।

‘সকের থিয়েটার’, তার উপর হরবোলার অধিকাংশ সমস্ত অভিনয় করতে নেমেছেন, গান ধরতে শুরু করেছেন জীবনে এই প্রথম, কাজেই পালা এবং তার বন্দোবস্তে যে দোষত্রুটি থাকবে সেটা আগের থেকেই বলা যেতে পারে, কিন্তু দোষত্রুটি সত্ত্বেও তাঁরা যে রসস্থিতি করতে পেরেছেন, সেইটেই সব চেয়ে আনন্দের কথা ।

আমি কিন্তু একটা ধোঁকা নিয়ে বাড়ি ফিরলুম ।

সিরিয়স নাট্য কী-ভাবে অভিনয় করতে হয়, সে সম্বন্ধে আমাদের মোটামুটি একটা ধারণা আছে, কিন্তু যে নাট্য নূলে হাশ্বরসে টইটবুর তার অভিনয় হবে কী প্রকারে ? বিশেষ করে সুকুমার রায়ের পালা, যেখানে প্রতি ছন্দে, না, প্রতি শব্দে রস আর রস । নট যদি সেখানে তার অভিনয় নিয়ে সে-রস শুধু প্রকাশই করেন, তবে ত আর কোন হান্কারা থাকে না, কিন্তু যদি সে রস প্রকাশ করতে গিয়ে নট সেখানে ‘থিয়েটারি’ ( অর্থাৎ করুণকে করুণতর, বীরকে বীরতর, হাশ্বরসধনকে ঘনতর ) করে কেলেণ, তা হলে সেটা চপলতায় পরিণত হয় । সুকুমার রায়ের রচনা হাশ্বরসে এতই কান্নার কান্নার স্তর আছে যে, তাতে কোনও

কিছুই যোগ দিতে গেলোই, তা সে আকিকের মাতাঝিকোই হোক অথবা অন্য যে-কোন বন্ধুই হোক, রস নষ্ট হয়ে যায় এবং রসিকতা তখন প্রাগলভ্যতা হয়ে যায়।

এই বিপদে না পড়ার জন্তই বাস্টার কীটন হামেশাই প্যাটার মত মুখ করে হাত্তরসের অভিনয় করতেন, কিন্তু চার্লি চেপলেন তাঁর অভিনয়ে ষৎকিঞ্চিৎ ‘বিয়েডারি’ এনে হাত্তরসকে আরও জম-জমাট ভর-ভরাট করে তোলেন, কিন্তু এ দুজনেরই সমস্তা হরবোলা সম্প্রদায়ের চেয়ে অনেক সহজ। এঁদের রসিকতা ঘটনা কিংবা অ্যাকশান নিয়ে—কেউ কলার খোসায় পা দিয়ে পিছলে পড়লেন, কেউ ‘পিয়া মিলন কো’ গিয়ে ষাণ্ডার স্ত্রীর সঙ্গে মুখোমুখি হয়ে পড়লেন, কাজেই তাঁর অভিনয় অপেক্ষাকৃত সহজ। কিন্তু স্কুয়ার রায়ের রসিকতা গুহ্মতর, হাত্তরসের জগতে গুহ্মতম বললেই ঠিক বলা হয়, সে-রসিকতা প্রধানত ভাষার এবং ভাষা ছাড়িয়ে ব্যঞ্জনায। অভিনয়ের ভিতর দিকে তাকে বাহু রূপ দেওয়া, চোখে সামনে ফুটিয়ে তোলা ( একসটেরিয়োরাইজ করা ) ত সহজ কর্ম নয়। করিই বা কি প্রকারে? বাস্টাব কীটনের মত প্যাটা-চটে, না চার্লির মত একটুখানি রসিয়ে?

এই হল আমার ধোঁকা।

‘হরবোলা’ সম্প্রদায়ের মস্ত একটা সুবিধে, তাঁরা ‘সকের দল’ গড়েছেন। কাজেই তাঁরা একসপেরিমেন্ট করতে ভয় পাবেন না জানি, সেই আমার ভরসা। আঙ্গিক নিয়ে ধোঁকা ষাকলেও এ-বিষয়ে আমার মনে কণামাত্র সন্দেহ নেই যে, তাঁরা সে-আঙ্গিক ব্যবহাবে অভিনয়ের দিক দিয়ে প্রচুর সফলতা অর্জন করেছেন। সুতবাং তাঁরা যদি স্কুয়ার রায়ের আসছে পালা কীটন-আঙ্গিকে করে দেখেন তবে মন্দ হয় না। এই ধবনের এক্সপেরিমেন্ট করে করেই শেষটায় পরিষ্কার হয়ে যাবে ঠিক কোন্ আঙ্গিক স্কুয়ার রায়ের হাত্তরসকে রক্ষমঞ্চে রূপায়িত করার উপযুক্ত।

‘শক্তিশেল’-এর সঙ্গীতের পরিচালনার ভাব নিয়েছিলেন আমার জনৈক বন্ধু, ওস্তাদ কৈয়জ ধানের শিষ্য। আমি তাঁর অঙ্ক ভক্ত, কাজেই এম্বলে তাঁর সঙ্গীত-পরিচালনার গুণাগুণ যদি আমি বিচার না করি, তবে আশা করি তিনি অপবাধ নেবেন না।

শেষ কথা, কর্মকর্তাগণ অভ্যাগত-অতিথিদের প্রচুর খাতির-বস্ত্ব করেন। শুধু লৌকিকতা বা মুখের কথা নয়, আমি সর্বান্তঃকরণে ‘হরবোলা’র হরবকৎ হরেক-রকমের উন্নতি কামনা করি।



সুকুমার রায়ের মত হাশ্বরসিক বাঙলা সাহিত্যে আর নেই সে-কথা রসিকজন  
 মাজেই স্বীকার করে নিয়েছে, কিন্তু এ-কথা অল্প লোকেই জানেন যে, তাঁর জুড়ি  
 করাঙ্গী, ইংরেজী, জর্মন সাহিত্যেও নেই, রাশানে আছে বলে শুনি নি। এ-কথাটা  
 আমাকে বিশেষ জোর দিয়ে বলতে হল, কারণ আমি বহু অল্পসন্ধান করার পর  
 এই সিদ্ধান্তে এসেছি।

একমাত্র জর্মন সাহিত্যের ভিলহেল্ম বৃশ সুকুমারের সমগোত্রীয়—স্ব-শ্রেণী না  
 হলেও। ঠিক সুকুমারের মত তিনিও অল্প কয়েকটি আঁচড় কেটে খাসা ছবি  
 ওতরাতে পারতেন। তাই তিনিও সুকুমারের মত আপন লেখার ইলাসট্রেশন  
 নিজেই করেছেন। বৃশের লেখা ও ছবি যে ইয়োরোপে অভূতপূর্ব সে-কথা  
 ‘চন্দ্রা’ ইংরেজ ছাড়া আর সবাই জানে।

বৃশ এবং সুকুমার রায়ে প্রধান তর্কাত এই যে, বৃশ বেশীর ভাগই ঘটনা-বহুল  
 গল্প ছড়ায় বলে গিয়েছেন এবং সে-কর্ম অপেক্ষাকৃত সরল, কিন্তু সুকুমার রায়ের  
 বহু ছড়া নিছক ‘আবোল-তাবোল’, তাতে গল্প নেই, ঘটনা নেই, কিছুই নেই—  
 আছে শুধু মজা আর হাসি। বিশুদ্ধ উচ্চাঙ্গের সঙ্গীত যে-বকম শুধুমাত্র ধ্বনির  
 উপর নির্ভর করে, তার সঙ্গে কথা জুড়ে দিয়ে গীত বানাতে হয় না, ঠিক তেমনি  
 সুকুমার রায়ের বহু বহু ছড়া শ্রেণ্য হাশ্বরস, তাতে অ্যাকশান নেই, গল্প নেই  
 অর্থাৎ আর-কোন দ্বিতীয় বস্তুর সেখানে স্থান নেই, প্রয়োজনও নেই। এ বড়  
 কঠিন কর্ম। এ-কর্ম তিনিই করতে পারেন, যার বিধিদত্ত ক্ষমতা আছে। এ-  
 জিনিস অভ্যাসের জিনিস নয়, ঘষে মেজে, মাথার ঘাম পায়ে ফেলে এ-বস্তু  
 হয় না।

বৃশ আর সুকুমারের শেষ মিল, এদের অল্পকরণ করাব ব্যর্থ চেষ্টা জর্মন  
 কিংবা বাংলায় কেউ কখনও করেন নি, এঁদের ছাড়িয়ে যাবার ত কথাই  
 ওঠে না।

একদা প্যারিস শহরে আমি, কয়েকজন হাশ্বরসিকের কাছে ‘বোম্বাগডের  
 রাজা’র অল্পবাদ করে শোনাই—অবশ্য আমসম্বভাজা কী তা আমাকে বুঝিয়ে  
 বলতে হয়েছিল (তাতে করে কিঞ্চিং রসভঙ্গ হয়েছিল অস্বীকার করি নে)  
 এবং ‘আলতা’র বদলে আমি লিপটিক ব্যবহার করেছিলুম (আমার ঠোঁটে কিংবা  
 চোখে নয়—অল্পবাদে)।

করাঙ্গী কাকেতে লোকে হো-হো করে হাসে না, এটিকেটে বারণ, কিন্তু  
 আমায় সঙ্গীতের হাসির হৃদ্রাতে আমি পক্ষান্ত বিচলিত হয়ে তাঁদের হাসি বন্ধ  
 করতে বার বার অল্পরোধ করেছিলুম। কিছুতেই ধামেন না। শেষটা বলায়,

তোমরা যেভাবে হাসছ, তাতে লোকে ভাববে, আমি বিদেশী পাড়ল, বেফাঁস কিছু একটা বলে ফেলেছি আর তোমরা আমাকে নিয়ে হাসছ—আমার বড় লজ্জা করছে।’ তখন তাঁরা দয়া করে থামলেন, ওদিকে আর পাঁচজন আমার দিকে আড়নয়নে তাকাচ্ছিল বলে আমি ত ঘেমে কাঁই।

তারপর একজন বললেন, ‘এরকম weird, ছন্নছাড়া, ছিটছিট কর্মের কিরিস্তি আমি জীবনে কখনও শুনি নি।’

আরেকজন বললেন, ‘ঠিক। এবার একটা চেষ্টা দেওয়া যাক, এ লিস্টে আর কিছু জুতসই বাড়ানো যায় কি না!’

সবাই মিলে অনেকক্ষণ ধবে আকাশপাতাল হাতড়ালুম, দু-একজন একটা দুটো অদ্ভুত কর্মের নামও করলেন, কিন্তু আব সবাই সেগুলো পত্রপাঠ ডিসমিস করে দিলেন। আমরা জন পাঁচ প্রাণী প্রায় আধ ঘণ্টা ধন্যধন্য করেও একটা মাত্র জুতসই এপেন্ডিক্স পেলাম না। গোটা কবিতার ত প্রায়ই ওঠে না।

আগেব থেকেই জানতুম, কিন্তু সেদিন আবাব নূতন করে উপলব্ধি করলুম, যদিও স্কুমার রায় স্বয়ং বলেছেন, ‘উৎসাহে কি না হয়, কি না হয় চেষ্টায়’, যে-জগতে স্কুমার বিচরণ করতেন, সেখানে তিনি একমেবাদ্বিতীয়ম্।

সিগনেট প্রেস স্কুমার রায়কে পুনরায় বাঙালী পাঠকের সামনে তুলে ধরেছেন বলে বাংলার ভিতরে বাইরে বহু লোক ওই প্রতিষ্ঠানের প্রশংসা করেছেন। আমিও তাঁদের সঙ্গে যোগ দিচ্ছি। আমাব বাসনা, সিগনেট যত শীঘ্র পারেন স্কুমার রায়ের অস্বাভাবিক পঞ্চ লেখা যেন পুনরায় প্রকাশ করেন। বহু অতুলনীয় অনবদ্য অভূতপূর্ব লেখা ‘সন্দেশ’-এর ফাইলে চাপা পড়ে আছে। ‘পাগলা দান্ত’কে পেয়ে যেন লঙ লস্ট ব্রাদারকে পাওয়াব আনন্দে তাকে জড়িয়ে ধরেছি, কিন্তু তার আর সব ভাই-বেরাদররা কোথায়? তারা যেন আর বেশীদিন আত্মগোপন না করে।

দু-একটি অসাবধানতা লক্ষ্য করেছি, তারই একটা এ-স্থলে নিবেদন করি।-

‘খাই-খাই’ কাব্যের ‘পরিবেশন’ কবিতায় আশুবাচ্য দেখছি—

‘কোনো চাচা অল্পপ্রায় ( ‘মাইনাস’ কুড়ি )

ছড়ায় ছোলার ডাল পঞ্চঘাট জুড়ি।

মাতব্বর যায় দেখ মুদি চক্ষু দুটি

‘কারো কিছু চাই’ বলি তড়বড় ছুটি

বীরোচিত বীর পদে এসে দেখি ত্রস্তে

ওই দিকে ঝালি পাত, কল হাঁড়ি হস্তে ’

স্বথচ আমার অধবিশ্বাস্ত অরণশক্তি বলেছে :—

‘কোনো চাচা অঙ্কপ্রায় ( মাইনাস কুড়ি )

ছড়ায় ছোলার ডাল পথঘাট জুড়ি ।

মাতব্বর যায় দেখ মুদি চক্ষু দুটি

‘কারো কিছু চাই’ বলে’ তড়বড় ছুটি ।

হঠাৎ ডালের পাঁকে পদার্পণ মাঝে

হুড়মুড়ি পড়ে কারো নিরামিষ পায়ে ।

বীরোচিত ধীরপদে’

—ইত্যাদি ইত্যাদি

‘হঠাৎ ডালের পাঁকে’ ইত্যাদি লাইন দুটো বাদ পড়াতে অর্থ অসম্পূর্ণ থেকে গিয়েছে ।

কিন্তু থাক, আর না । স্বকুমার রায় বলেছেন :

‘বেশ বলেছ, ঢের বলেছ

ঐধেনে দাও দাঁড়ি,

হাটের মাঝে ভাঙবে কেন

বিত্তে বোঝাই হাঁড়ি ॥’

### ভাষার জমা-খরচ

পূব-বাংলার বিস্তার নরনারী চিরকালই কলকাতায় ছিলেন ; কিন্তু এবারে কলকাতায় এসে দেখি তাঁদের সংখ্যা এক লপ্তে গুয়া গাছের ডগায় উঠে গিয়েছে । কিছুদিন পূর্বেও পূব-বাংলার উপভাষা দক্ষিণ কলকাতাতেই শোনাত, এখন দেখি তামাম কলকাতায় বাঙাল ভাষার ( আমি কোন কটু অর্থে শব্দটি ব্যবহার করছি নে—শব্দটি সংক্ষিপ্ত এবং মধুর ) ছয়লাপ ।

বাঙাল ভাষা মিষ্ট এবং তার এমন সব গুণ আছে যার পুরো ফায়দা এখনও কোন লেখক ওঠান নি । পূব-বাংলার লেখকেরা ভাবেন, ‘ক’রে’ শব্দকে ‘কইরা’ এবং অন্যান্য ক্রিয়াকে সম্প্রসারিত করলেই বুকি বাঙাল ভাষার প্রতি স্তুতিচার করা হয়ে গেল । বাঙাল ভাষার আসল জোর তার নিজস্ব বাক্যভঙ্গীতে বা ইঞ্জিয়মে—অবশ্য সেগুলো ভেবেচিন্তে ব্যবহার করতে হয় যাতে করে সে-ইঞ্জিয়ম পশ্চিমবঙ্গ তথা পূব-বাংলার সাধারণ পাঠক পড়ে বুঝতে পারেন । যেমন মনে করুন, বড়লোকের সঙ্গে টকর দিতে গিয়ে যদি গরিব-দার প্রথম কথের স্তম্ভটি

অবশ্যে বলে, 'হাতি'র সঙ্গে পাতি খেলতার গেছলার কেন ?' অর্থাৎ 'হাতি'র সঙ্গে পাতি খেলতে গিয়েছিলে কেন ?' কিন্তু পাতিখেলা যে Polo খেলা সেকথা বাংলা দেশের কম লোকই জানেন, (চলন্তিকা এবং জানেন্দ্রমোহনে শব্দটি নেই) কাজেই এ-ইডিয়ম ব্যবহার করলে রস ঠিক ওতরাবে না। আবার,

'দুটুলোকের মিষ্ট কথা,

দিঘল-ঘোমটা নারী

পানার তলার শীতল জল।

তিনই মন্দকারী।'

'কামুন্সাজ' বোঝাবার উত্তম ইডিয়ম। পূব, পশ্চিম কোন বাংলার লোকের বুঝতে কিছুমাত্র অসুবিধে হবে না।

ইডিয়ম, প্রবাদ, নিজস্ব শব্দ ছাড়া বাঙালি সভ্যতায় আরেকটি মহদগুণ আছে এবং এ-গুণটি ঢাকা শহরের 'কুট্টি' সাম্রাজ্যের মধ্যে সীমাবদ্ধ—যদিও তার রস ভাবও পূব-বাংলা এবং পশ্চিম-বাংলাবও কেউ কেউ চেখেছেন। কুট্টির রস-পটুতা বা wit সম্পূর্ণ শহবে বা 'নাগরিক'—এস্থলে আমি নাগরিক শব্দটি প্রাচীন সংস্কৃত অর্থে ব্যবহার করলুম, অর্থাৎ চটুল, শৌখিন, হয়ত বা কিঞ্চিং ডেকাডেন্ট।

কলকাতা, লখনউ, দিল্লি, আগ্রা, বহু শহরে আমি বহু বৎসর কাটিয়েছি এবং স্বীকার করি লখনউ, দিল্লিতে ( ভারত বিভাগের পূর্বে ) গাড়োয়ান সাম্রাজ্য বেশ সুবসিক। কিন্তু এদেব সবাইকে হার মানতে হয় ঢাকার কুট্টির আছে। তার উইট, তার রিপার্টি ( মুখে মুখে উত্তর দিয়ে বিপক্ষকে বাকশু করা, কার্সী এবং উদ্বৃত্তে থাকে বলে 'হাজিব-জবাব' ) এমনই তীক্ষ্ণ এবং কুরস্ত ধারার শ্রায় নির্মম যে আমার সলা যদি নেন তবে বলব, কুট্টির সঙ্গে ফস করে মস্করা না করতে যাওয়াটাই বিবেচকের কর্ম।

প্রথম তা হলে একটি সর্বজন-পরিচিত রসিকতা দিয়েই আরম্ভ করি। শাজ্জও বলেন, অক্ষতী-শ্রায় সর্বশ্রেষ্ঠ শ্রায় অর্থাৎ পাঠকের চেনা জিনিস থেকে ধীরে ধীরে অচেনা জিনিসে গেলেই পাঠক অনায়াসে নূতন বস্তুটি চিনতে পারে—ইংরেজীতে এই পদ্বাতেই 'ক্রম স্কলকম টু দি ওয়াইড ওয়ার্ল্ড' বলে )

আমি কুট্টি ভাষা বুঝি কিন্তু বলতে পারি নে। তাই পশ্চিমবাংলার ভাষাতেই নিবেদন করি।

রাষ্ট্রী, 'সকল থেকে বসন্ত নেবে ?'

কুটি গাড়োয়ান, 'এমনিতে ত দেড় টাকা, কিন্তু কর্তার জন্ত এক টাকাতাই হবে।'

যাত্রী, 'বল কী হে? ছ আনায় হবে না?'

কুটি, 'আন্তে কন, কর্তা, ঘোড়ায় গুনলে হাসবে।'

এর জুতসই উত্তর আমি এখনও খুঁজে পাই নি।

যোটেই ভাববেন না যে, এ-জাতীয় রসিকতা মাদ্ধাতার আমলে একসঙ্গে নির্মিত হয়েছিল এবং আজও কুটির সেগুলো ভাঙিয়ে থাকে।

'ঘোড়ার হাসি'র মত কতকগুলো গল্প অবশ্য কালাতীত, অজবামর, কিন্তু কুটি হামেশাই চেষ্টা করে নতন নতন পবিবেশে নতন নতন রসিকতা তৈরি করার।

প্রথম যখন ঢাকাতো ঘোড়দোড় চালু হল তখন এক কুটি গিয়ে যে-ঘোড়াটাকে ব্যাক করল সেটা এল সর্বশেষে। বাবু বললেন, 'এ কী ঘোড়াকে ব্যাক করলে হে? সন্মলের শেষে এল?'

কুটি হেসে বললে, 'কন কী কর্তা, দেখলেন না, ঘোড়া ত নয়, বাঘের বাচ্চা, বেবাকগুলোকে খেদিয়ে নিয়ে গেল।'

আমি যদি নীতি-কবি ঝুসপ কিংবা সাদী হতুম, তবে নিশ্চয়ই এর থেকে 'মরাল' ড় করে বলতুম, একেই বলে 'রিয়েল, হেলথী, অপটিমিজ্‌ম।'

কিংবা, আরেকটি গল্প নিন, এটা একেবারে নিতান্ত এ-যুগের।

পাকিস্তান হওয়ার পর বিদেশীদের পাঞ্জায় পড়ে ঢাকার লোকও মর্নিং স্টুট, ডিনার জ্যাকেট পরতে শিখেছেন। হাঙ্গামা বাঁচাবার জন্ত এক ভদ্রলোক গেছেন একটি কালো লঙ কোট বা প্রিন্স-কোট বানাতে। ভদ্রলোকের রঙ মিশ্‌কালো, তছপরি তিনি হাড়কিপটে। কালো বনাত দেখলেন, সার্জ দেখলেন, আলপাকা দেখলেন, কোনও কাপড়ই তাঁর পছন্দ হয় না, অর্থাৎ দাম পছন্দ হয় না। দোকানী শেষটায় বিরক্ত হয়ে ভদ্রলোককে সত্বপদেশ দিল, 'কর্তা, আপনি কালো কোটের জন্ত ধামকা পয়সা খরচা করতে যাবেন কেন? খোলা গায়ে বুকুর উপর ছটা বোতাম, আর দু হাতে কজির কাছে তিনটে তিনটে করে ছোট বোতাম লাগিয়ে নিন। খাসা প্রিন্স-কোট হয়ে যাবে।'

তিন বৎসর পূর্বেও কলকাতায় মেলা অহুসন্ধান না করে বাধরখানী (বাকির-খানী) কুটি পাওরা যেত না; আজ এই আমীর আলী অ্যাভিনিউতেই অস্বস্ত আশাভঞ্জন দোকানে সাইনবোর্ডে বাধর-খানী লেখা রয়েছে। তাই বিবেচনা করে কুটির সব গল্পই ক্রমে ক্রমে বাধরখানীর মতই পশ্চিম-বাংলার কুটিতে

পড়বে এবং তার নূতনত্বে মুগ্ধ হয়ে কোন কৃতি লেখক যেগুলোকে আপন লেখাতে মিশিয়ে নিয়ে সাহিত্যের পর্ষায় তুলে দেবেন—পরকুরাম যে-রকম পশ্চিমবাংলার নানা হাক্ক রসিকতা ব্যবহার করে সাহিত্য সৃষ্টি করেছেন, হতোম যে-রকম একলা কলকাতার নিতান্ত ককনিকে সাহিত্যের সিংহাসনে বসাতে সমর্থ হয়েছিলেন।

এটা হল জমার দিকে, কিন্তু খরচের দিকে, একটা বড় লোকসান আমার কাছে ক্রমেই স্পষ্ট হয়ে আসছে, নিবেদন করি।

ভক্ত এবং শিক্ষিত লোকেরই স্বভাব অপরিচিত, অধপরিচিত কিংবা বিদেশীর সামনে এমন ভাষা ব্যবহার না করা, যে-ভাষা বিদেশী অনায়াসে বুঝতে না পারে। তাই খাস কলকাতার শিক্ষিত লোক পূব-বাঙালীর সঙ্গে কথা বলবার সময় খাস কলকাতাই শব্দ, মোটামুটি ভাবে যেগুলোকে ঘরোয়া অথবা 'ম্যাণ্ড' বলা যেতে পারে, ব্যবহার করেন না। তাই এস্তার, ইলাহি, বেলেলা, বেহেড, দো গেডের চ্যাং এ-সব শব্দ এবং বাক্য কলকাতার ভদ্রলোক পূব-বাঙালীর সামনে সচরাচর ব্যবহার করেন না। অবশ্য যদি বক্তা সুরসিক হন এবং আসরে মাত্র একটি কিংবা দুটি ভিন্ন প্রদেশের লোক থাকেন তবে তিনি অনেক সময় আপন অজানাতেই অনেক ঝাঁক-ওলা ঘরোয়া শব্দ ব্যবহার করে কেলেন।

ত্রিশ বৎসর পূর্বে শ্রামবাজারের রক-আড্ডাতে পূব-বাঙালীর সংখ্যা থাকত অতিশয় নগণ্য। তাই শ্রামবাজারী গল্প ছোটালে এমন সব ঘরোয়া শব্দ, বাক্য প্রবাদ ব্যবহার করতেন এবং নয়। নয়। বাক্য-ভঙ্গী বানাতেন যে, রসিকজনই বাহবা শাশাশ না বলে থাকতে পারত না।

আজ পূব-বাংলার বহু লোক কলকাতার আসর সরগরম করে বসেছেন বলে খাঁটি কলকাতাই আপন ভাষা সম্বন্ধে অত্যন্ত সচেতন হয়ে গিয়েছেন এবং ঘরোয়া শব্দ-বিশ্বাস-ব্যবহার ক্রমেই কমিয়ে দিচ্ছেন। হয়ত এঁরা বাড়িতে এসব শব্দ এখনও ব্যবহার করেন; কিন্তু আড্ডা তো বাড়ির লোকের সঙ্গে জম-জমাট হয় না—আড্ডা জমে বন্ধু-বান্ধবের সঙ্গে এবং সেই আড্ডাতে পূব-বাংলার সদস্যসংখ্যা ক্রমেই বেড়ে যাচ্ছে বলে খাস কলকাতাই আপন ঘরোয়া শব্দগুলো ব্যবহার না করে করে ক্রমেই এগুলো তুলে যাচ্ছেন। কোথায় না এসব শব্দ আস্তে আস্তে ভক্ত ভাষার স্থান পেয়ে শেষটার অভিধানে উঠবে, উঠে এগুলো কলকাতা থেকে অন্তর্ধান করে যাবে।

আরেক শ্রেণীর ধানদানী কলকাতাই চমৎকার বাংলা বলতেন। এঁরা ছেলেবেলার সায়েবী ইস্কুলে পড়েছিলেন বলে বাংলা জানতেন অত্যন্ত কম এবং বাংলা সাহিত্যের সঙ্গে এঁদের সম্পর্ক ছিল তাঁদের ভাববধুর। তাই এঁরা বলতেন

ঠাকুরমা দিদিমার কাছে শেখা বাংলা এবং সে-বাংলা যে কত মধুর এবং বলয়লে ছিল তা শুধু তাঁরাই বলতে পারবেন ধারা সে-বাংলা শুনেছেন। ক্রীক রোর মন্থ দস্ত ছিলেন সোনার বেনে, আমার অতি অন্তরঙ্গ বন্ধু, কলকাতার অতি ধানদানী ঘরে জন্ম। মন্থদা যে-বাংলা বলতেন তার উপর বাংলা সাহিত্যের বা পূব-বাংলার কথা ভাবার কোনও ছাপ কখনও পড়ে নি। তিনি যখনই কথা বলতে আরম্ভ করতেন, আমি মুগ্ধ হয়ে শুনতুম আর মন্থদা উৎসাহ পেয়ে রেকাবের পর রেকাব চড়ে চড়ে একদম আসমানে উঠে যেতেন। কেউ অন্ত-মনস্ক হলে বলতেন, 'ও পরান, ঘুমলে ?' মন্থদার কাছ থেকে এ-অধম এস্তার বাংলা শব্দ শিখেছে।

আরেকজনকে অনেক বাঙালীই চেনেন। এঁর নাম গাজুলী মশাই—ইনি ছিলেন শান্তিনিকেতন অতিথিশালার ম্যানেজার। ইনি পিরিলি ঘরের ছেলে এবং গল্প বলার অসাধারণ অলৌকিক ক্ষমতা এঁর ছিল। বহুভাষাবিদ পণ্ডিত হরিনাথ দে, সূসাহিত্যিক সূবেশ সমাজপতি ছিলেন এঁর বালাবন্ধু, এবং শুনেছি এঁরা এঁর গল্প মুগ্ধ হয়ে শুনতেন।

কলের এক দিক দিয়ে গোক টোক'নো হচ্ছে, অন্ট দিক দিয়ে জলতরঙ্গের মত চেউয়ে চেউয়ে মিলিটারি বুট বেরিয়ে আসছে, টারাপ, টাবাপ, করে, গাজুলী মশাই আর অন্তান্ত ক্যাডেটরা বসে আছেন পা লম্বা করে, আর জুতো-গুতো ফটাফট করে ফিট হয়ে যাচ্ছে—এ-গল্প শুনে শান্তিনিকেতনের কোন্ ছেলে হেসে কুটিপাটি হয় নি ?

হায়, এ-শ্রেণীর লোক এখন আর দেখতে পাই নে। তবুও এখনও আমার শেষ ভরসা শ্রামবাজারের উপর।

### দর্শনচর্চা

মাত্রাজে দর্শনশাস্ত্রের ছাত্রগণের এক সভায় শ্রীযুত রাজাগোপালাচারী বলেন, 'প্রাচীনকালে চরম ও পরম সত্যের অন্বেষণের জগ্ন ধাঁহারা দর্শনশাস্ত্রের অধ্যয়ন প্রবর্তন করেন, তাঁহারা ইহাকে কেবল বাস্তব ক্ষেত্রে সম্ভবপর বলিয়াই মনে করতেন না, তাঁহারা ইহাকে অতিশয় প্রয়োজনীয় বলিয়াও মনে করিতেন। ক্রমে ক্রমে পরবর্তী কালে দার্শনিকগণ যে-সমস্ত কথা লিখিলেন তাহা অর্থহীন হইয়া পড়িল এবং শেষ পর্যন্ত সে-সমস্ত কথা একত্র গ্রন্থিত কতকগুলি কথার মালা ম্যতীত আর কিছুই হইল না।'

ঠিক এই উক্তিটিই আজকাল নানা গুণী জ্ঞানীর মুখে শুনতে পাওয়া যায় বলে এ-সম্বন্ধে কিঞ্চিৎ আলোচনা প্রয়োজন।

এককালে দর্শনচর্চার প্র্যাকটিকাল মূল্য ছিল, এখন আর নেই; এখন দার্শনিকদের কেতাবে শুধু শব্দ আর শব্দ, এই হল রাজাজীর মূল বস্তুব্য।

এককালে 'ক' ছিল এখন 'খ' হয়ে গিয়েছে, সেই-কথা কেউ বললেই দার্শনিকরা তার জবাবে বলেন, কারণ বিনা কার্য হয় না, অতএব দেখিতে হবে দর্শনের বাস্তব মূল্য হঠাৎ উবে গেল কেন।

এ-কথা যদি প্রমাণ করা যায় যে, দার্শনিকেরা আস্তে আস্তে চরম ও পরম সত্যের সন্ধান ছেড়ে দিয়ে একদিন অসত্যের সন্ধান লেগে গেলেন তা হলে অবশ্য এটা অসম্ভব নয় যে, সেই কারণেই তাদের পুস্তকারাজি আজ অবোধ্য হয়ে উঠেছে; কিন্তু এযাবৎ, কি এদেশে, কি বিদেশে, কেউ ত দার্শনিকদের এ-রকম সন্দেহের চোখে কখনও দেখে নি। বরঞ্চ বেশ জোর দিয়ে বলতে হবে, সত্য দার্শনিক চরম সত্য ছাড়া অল্প কোনও জিনিসের সন্ধান কখনও করে নি—ধাঞ্জাবাজি জাল-জোচ্চুরি করার ক্ষমতা যার আছে, সে দর্শনশাস্ত্র অধ্যয়নে মন দেবে কেন, এসব ত কবে অল্প লোকেরা। এই দার্শনিকই তাই ছুঃখ করে বলেছেন,

প্রতারণাসমর্থজনে বিদ্যা কিম্

প্রয়োজনম।

অর্থাৎ যে প্রতারণা করতে জানে তার বিদ্যার কি প্রয়োজন। তারপরই তিনি আবার বলেছেন ঠিক ওই একই বাক্য,

প্রতারণাসমর্থজনে বিদ্যা কিম্

প্রয়োজনম।

কিন্তু এবারে প্রতারণাসমর্থ শব্দের সন্ধি ভাঙতে হবে প্রতারণা+অসমর্থ দিয়ে, অর্থাৎ তুমি যদি প্রতারণা না করতে জান তবে বিদ্যা নিয়ে তোমার কী কাজ হবে ?

তাই বিদ্যা বিদ্যারই জগৎ, দর্শন দর্শনেরই জগৎ, অর্থাৎ সত্যাহুসন্ধান সত্যাহু-সন্ধানেরই জগৎ। সত্য নিরূপিত হলে সেটা যদি তোমার আমার কাজে না লাগে তবে সত্যের সেটা দোষ নয়। শিবলিঙ্গ দিয়ে যদি মশারির পেরেক ঠোকা না যায় তবে সেটা শিবলিঙ্গের দোষ নয়।

মাহুষ কোনও যুগেই সম্পূর্ণ সত্যের সন্ধান পায় নি—পেয়ে থাকলে তার আর অবনতি উন্নতি কিছুই হত না। সম্পূর্ণ সত্য ভগবানের হাতে, মাহুষের কাজ,



হচ্ছে প্রাণপণ চেষ্টা করা সেই সত্যের যতদূর সম্ভব কাছে পৌঁছানোর। ভাই করতে গিয়ে তার প্রচেষ্টার ফল যদি অবাস্তব ( ইমপ্র্যাকটিকাল ) হয় তবু তাকে সত্যেরই সন্ধান করতে হবে।

এ-স্থলে আর একটি কথা ওঠে। সত্য নিরূপিত হলে তাকে কাজে লাগাবার ভার কার হাতে? এখানে বিজ্ঞান থেকে একটা উদাহরণ নেওয়া যাক। এটম বম বানাবার সূত্রটি বৈজ্ঞানিক আবিষ্কার করলেন তারপর এটম বম বানানো হবে কি না এবং হলে পর সেটা হিরোসিমা়র মাথায় ফাটানো হবে কিনা সেটা স্থির করেন রাজনৈতিকরা, সমাজপতিরা, জাঁদরেলরা। তাঁরা যদি না চান, তবে বৈজ্ঞানিকদের সাধ্য নেই যে, তাঁরা এটম বম হাতে নিয়ে ভূবনময় দাবড়ে বেড়াবেন। এবং শেষ পর্যন্ত এটা বানানো হোক আর নাই হোক, এটম বম ভাল কাজে লাগুক আর মন্দ কাজেই লাগুক, এটম বম তৈরি করার পিছনে যে বৈজ্ঞানিক সত্য সূত্র আবিষ্কৃত হল সেটা সত্যই থেকে যাবে।

কিন্তু এগুলো হল আংশিক সত্য—বৈজ্ঞানিকের সন্ধানের আদর্শ। দার্শনিক সন্ধান করেন চরম সত্যের। সে-সত্য কখনও কারও অমঙ্গল করতে পারে না। কারণ পৃথিবীর সর্বত্রই স্বীকৃত হয়েছে, যাহা সত্য তাহাই শিব এবং তাহাই সুন্দর। এই তিনের চরম রূপ কখনই একে অগ্ৰকে আঘাত করতে পারে না।

বৈজ্ঞানিক তথ্যের বেলা যে-রকম, দার্শনিক-সত্যের বেলাও ঠিক তেমনি। রাজনৈতিক, সমাজবিদ্ এবং আর পাঁচজন স্থির করবেন দার্শনিক-সত্যের কতখানি মানব-সমাজে ব্যবহার করা যেতে পারে। রাজাজী দার্শনিকদের প্রতি কটাক্ষ করে বলেছেন, ‘আধুনিক যুগের দার্শনিকগণের আরম্ভ সংশয়ে, পরিসমাপ্তি সংশয়ে এবং তারা চিরসংশয়বাদী। এই সংশয় ধর্মবিশ্বাসের স্থান অধিকার করিয়াছে।’ যদি বা এ-মন্তব্য স্বীকার করে নিই, তবু আবার বলতে হবে, সংশয়বাদ ধর্মের আসন কেড়ে নেবে কিনা সে-কথা স্থির করবেন সমাজপতিরা। দার্শনিকেরা সত্য নিরূপণ করাটাই তাঁদের চরম স্বধর্ম বলে বিশ্বাস করেন, সে-নিরূপণ সমাজে কী স্থান নেবে, সে সম্বন্ধে তাঁরা উদাসীন।

এককালে চিত্রকলা, সঙ্গীত, নৃত্য ইত্যাদি সর্ব কলা-শিল্প ধর্মের সেবা করত। ছবি আঁকা হত দেবদেবীর, গান গাওয়া হত দেবদেবীর, নৃত্য করা হত দেবতার সামনে। আজ নন্দলাল দেবদেবীর ছবি আঁকেন, আবার খোয়াইডাঙারও ছবি আঁকেন ( এবং নন্দলালও খাঁটি বৈজ্ঞানিক এবং দার্শনিকের ছায়া সম্পূর্ণ উদাসীন যে, লোকে তাঁর দেবদেবীর ছবিকে পূজো করছে কি না, তিনি হৃদয়ের রূপ দ্বিগ্নেই আনন্দিত ), রবীন্দ্রনাথ রচেন শত শত বর্ষার গান, উদয়শঙ্করের আপন

রচা সার্থক নৃত্যের বেশীর ভাগ সামাজিক সমস্যাকে কেন্দ্র করে। তাই বলে আজ কি কেউ এ-অপবাদ দেয় যে, এদের কলা-সৃষ্টি প্র্যাকটিকাল নয়, রবীন্দ্রনাথের গান 'একত্র গ্রথিত কতকগুলি কথা'র মালা ব্যতীত আর কিছুই নয়', উদয়শঙ্করের নৃত্যে আছে শুধু কতকগুলো অর্থহীন অঙ্গসঞ্চালন এবং পদবিস্থাস!

মোক্ষা কথা এই, যারা 'ধর্মপ্রাণ' তাঁরা এঁদের সৃষ্টিকর্ম, বৈজ্ঞানিকের তথ্য, দার্শনিকের সত্য, ধর্মের সেবায় নিয়োজিত করতে পারছেন না বলে দোষ দিচ্ছেন বৈজ্ঞানিককে, কলাকারকে, দার্শনিককে।

কেন পারছেন না, এ-প্রশ্ন যদি কেউ শুধায় তবে অপ্রিয় সত্য বলতে হবে, এবং আজ যখন অপ্রিয় সত্য দিয়েই তথ্যালোচনা আরম্ভ করেছি তবে সেই আলাপই এখন তোলে চলে আহুক। আসল কথা হচ্ছে এই, আজ যারা 'হা ধর্ম হা ধর্ম' করেন, তাঁদের অধিকাংশই (রাজাজীর কথা বলছি নে, তিনি সত্যই ধর্মপ্রাণ কি না সে বিষয়ে আমার ব্যক্তিগত কোন অভিজ্ঞতা নেই) ধর্মে একনিষ্ঠ নন। স্বধর্মে, সত্য ধর্মে, সনাতন ধর্মে যদি তাঁদের শ্রদ্ধা ঐকান্তিক এবং অবিচল হত তবে তাঁরা আজ দার্শনিককে, কাল বৈজ্ঞানিককে হিরণ্যকশিপু, হিরণ্যাক্ষ নামে অভিহিত করতেন না।

কিন্তু আমি কে? আমার ছোট মুখে বড় কথা কেন?

অতএব সে আপ্ত-বাক্য সন্ধান করে, এক ঋষির বচন উদ্ধৃত করে তাঁরই পশ্চাতে আশ্রয় নিই

সে ঋষি প্রাতঃস্মরণীয় স্বর্গীয় দ্বিজেন্দ্রনাথ ঠাকুর, কবিগুরুর জ্যেষ্ঠ ভ্রাতা। তাঁর মত ধর্মনিষ্ঠ ঋষি উনবিংশ শতাব্দীতে জন্মেছেন অতি কম। আমার ব্যক্তিগত অভিজ্ঞতা থেকে বলতে পারি এরকম ভগবৎপ্রেমিক আমি আমার জীবনে অল্পই দেখেছি।

তিনি লিখেছেন,

'একটা জন্মন এবং বিলাপের অভিনয় সম্প্রতি আমাদের দেশের একদল নিষ্কর্মা লোকের একটা বাস্তবিক হইয়া দাঁড়াইয়াছে। কাঁদুনি গায়কদিগের ধূয়া এই যে, আমাদের দেশের এমন যে একটি সেকলে পৈতৃক সম্পত্তি—বৈরাগ্য, একেলে সভ্যতার হস্তে পড়িয়া তাহার অস্তিম দশা ঘনাইয়া আসিয়াছে—তিনি আর বেশী দিন টেকে না। এইরূপ জন্মন শুনিলে আমাদের হাসি পায়, কান্না ও হাসি পায়। হাসি পায় তার কারণ এই যে, বৈরাগ্য যদি তোমার এতই প্রিয়বস্তু, তবে তার পথ অবলম্বন কর—জন্মন কেন? একেলে সভ্যতা ত আর তোমার হাত পা বাঁধিয়া রাখে নাই; কোতোয়ালের প্রতি মহারাণীর

( জিজ্ঞাসিত ) এমন কোনও শক্ত রাজ্যই নাই যে 'কাহাকেও বৈরাগ্যের পথে চলিতে দেখিয়াছ কি আর অমনি তাহার শির লইবে'। বৈরাগ্য ত আর বাজারের সামগ্রী নয় যে, সেকালের বাজারে তাহা হুলুড় ছিল, একালের বাজারে তাহা দুর্মূল্য হইয়াছে। বাজারের সামগ্রী স্বতন্ত্র; আর অস্ত্র:করণের সামগ্রী স্বতন্ত্র; বাজারের সামগ্রী ক্রয়-বিক্রয়ের বস্ত্র—অস্ত্র:করণের সামগ্রী সাধনের বস্ত্র। তুমি বলিবে যে কাল পড়িয়াছে শক্ত; চব্বিশ ঘণ্টা সংসারকার্ষে যোল আনা লিপ্ত থাকিলে যদি এক আনা কাঞ্চি হাসিল হয় তবে তাহাই গৃহী ব্যক্তির পরম সৌভাগ্য; দেখিতেছ না—একটা কেরানীগিরি খালি হইয়াছে কি আর অমনি দলকে দল বি এ, এম এ কাতারে কাতারে পিঁপড়ার পালের ছায় আপিস অকলে গতায়িত করিতে থাকে। ইহার উত্তরে আমি এই বলি যে, প্রকৃত বৈরাগ্য সংসারে কোন কর্তব্য সাধনেরই প্রতিবন্ধকতাচরণ করে না—তাহা দূরে থাকুক, সেরূপ বৈরাগ্য কর্তব্য সাধনের পথ আরও পরিষ্কার করিয়া দেয়। বৈরাগ্য অভ্যাস আর কিছু না—মনের স্বর বাঁধা; সেতারের স্বর বাঁধা থাকিলে যেমন তাহাতে যে রাগিনী ইচ্ছা, সেই রাগিনীই বাজানো যাইতে পারে, তেমনি অস্ত্র:করণে বৈরাগ্যের স্বর বাঁধা থাকিলে—যখন যাহা কর্তব্য তাহাই সুচারুরূপে নির্বাহ করা যাইতে পারে। ( দ্বিজেন্দ্রনাথ ঠাকুর, নানা চিন্তা, সাধনা—প্রাচ্য ও প্রতীচ্য প্রবন্ধ, পৃ ১—২, বিশ্বভারতী )।

এই উদ্ধৃতিতে যেখানে যেখানে 'বৈরাগ্য' শব্দ ব্যবহার করা হয়েছে, সেখানে 'ধর্ম' শব্দ ব্যবহার করলেই আমার বক্তব্য সুস্পষ্ট হবে ॥

### লেসে ফ্যের

নৃত্ত্ববিদের কৈলাস, কৈলাস পর্বতে নয়, তাঁদের স্বর্গ আসামের পর্বতে। এ-কথা ভূ-ভারতের তাবৎ নৃত্ত্ববিদ উত্তমরূপে জানেন বলেই আসামে আসবার জগ্গ তাঁদের ছোকছোকের অন্ত ছিল না। কিন্তু ইংরেজ তখন আসামের ম্যানেজার, কাজেই ব্যাপারটা ঠাড়াই ইংরেজী প্রবাদে যাকে বলে 'ডগ্ ইন্ দি মেঞ্জার' নয় 'ডগ্ অ্যাণ্ড দি ম্যানেজার'। ইংরেজ নিজে অল্পত পার্বত্যজাতির ভিতর বসবাস করে তাদের সম্বন্ধে তথ্য সংগ্রহ করে পৃথিবীর জ্ঞানভাণ্ডার সমৃদ্ধতর করত না, অল্প উৎসাহী পণ্ডিতকেও তাদের সঙ্গে মিশতে দিত না।

ইংরেজ কাম্বিন্‌কালেও কোনও প্রকারের জ্ঞানচর্চা করে নি একথা বলা আমার উদ্দেশ্য নয়। কিন্তু ওই কর্ম সে করেছে রাজ্যবিস্তার এবং আন্তর্জাতিক ধনার্জনের

বহু পূর্বে। নৃত্য এবং সমাজতত্ত্বের যখন প্রচার এবং প্রসার হল, টাকার গরমিতে ইংরেজ তখন 'কোনও প্রভু হস্তীদেহ ভূঁড়িখানা ভারী'গোছ হয়ে গিয়েছেন, মা-সরস্বতীর পিছনে আসামের বনে-বাঁদাড়ে ঘোরার মত গতি আর তাঁর গায়ে নেই। যে দু-চারখানা বই ইংরেজ আসামের অল্পমত সম্প্রদায়গুলি সম্বন্ধে লিখেছে সেগুলো প্রাচীন পদ্ধতিতে লেখা—নৃত্যের নব নব তত্ত্বাবিকারের দৃষ্টবিন্দুর সন্ধান এ-কেতাবগুলোতে পাবেন না।

কিন্তু জানা-অজানায় ইংরেজ এদের অনেকের সর্বনাশ করে দিয়ে গিয়েছে, এদের ভিতর মিশনারিদের ঘোরাঘুরি এবং বসবাস করতে দিয়ে।

খ্রীষ্টধর্ম অতি উত্তম ধর্ম। হিন্দু, বৌদ্ধ, মুসলমান কোনও ধর্ম থেকেই সে নিকৃষ্ট নয়। কোটি কোটি লোক শত শত বৎসর ধরে খ্রীষ্টের বাণী থেকে নব নব আদর্শের অম্লপ্রেরণা পেয়েছে, খ্রীষ্টের অম্লকরণ করে বহু সাধুসন্ত ভগবানের কাছে পৌঁছে গিয়েছেন, তাঁদের দেখে সংশয়বাদীরী বলেছেন, ভগবান আছেন কি না জানি নে কিন্তু যদি থাকেন তবে তাঁর স্বরূপ এঁদেরই মত।

কিন্তু সেই মহান ধর্ম প্রচারের ভার যদি অজ্ঞের হাতে পড়ে তবে তার ফল বিষময় হয়। কারণ সে তখন খ্রীষ্টের নামে যে-বাণী প্রচার করে সে উচাটন শয়তানের।

আসামের সব মিশনারি যে শয়তান ছিলেন, এ-কথা বলা আমার উদ্দেশ্য নয়, কিন্তু অজ্ঞের স্বক্ষে শয়তান ভর করে যে কী কুকর্ম করতে পারে সে-তব্ব হজরৎ মুহম্মদ ( দঃ ) জানতেন বলেই বলেছেন,

মুখের উপাসনা অপেক্ষা জ্ঞানীর নিজা শ্রেয়ঃ।

যে-মিশনারি এসে আসামের বনেব ভিতর বাসা বাঁধল তার বাংলা দেখে আমরা দূরের থেকে মুগ্ধ হই। অনেকটা যেন—

‘ওই যেখানে দিঘির উঁচু পাড়ি,

সিন্ধু গাছের তলাটিতে,

পাচিলঘেরা ছোট্ট বাড়ি

ওই যে রেলের কাছে,

ইষ্টেশনের বাবু থাকে,

আহা এরা কেমন সুখে আছে ॥’

টিলার উপর ফুটফুটে বাংলা, চতুর্দিকে ফুলের কেয়ারি, ঝকঝকে তকতকে বারান্দায় বেতের চেয়ার-টেবিল সাজানো—মনে হয়, আহা, পাদরী কেমন সুখে আছে।

যাদের ভিতর পাদরী সাহেব ক্রীষ্টধর্ম প্রচার করতে এসেছেন, তাদের তুলনায় তিনি আছেন অনেক স্মৃতি, সে বিষয়ে কোনও সন্দেহ নেই কিন্তু বিলেতের যে-কোনও মজুরের বাড়ি পাদরীর বাসার চেয়ে অনেক বেশী আরামদায়ক, মজুর পাদরী সাহেবের চেয়ে খায় ভাল এবং পাদরীর সবচেয়ে বড় ছুঃখ যে তাকে আত্মীয়স্বজন স্বদেশবাসী বর্জন করে আমরণ থাকতে হয় স্বদেশ থেকে বহু দূরে অনাত্মীয়ের মাঝখানে। তাই রবীন্দ্রনাথ এদেরই একজনকে দিয়ে বলিয়েছেন,

‘আপনার জন আপনার দেশ

হয়েছি সর্বভাগী।

হৃদয়ের প্রেম সব ছেড়ে যায়

তোমার প্রেমের লাগি।

স্বথসভ্যতা রমণীর প্রেম

বন্ধুর কোলাকুলি,

ফেলি দিয়া পথে তব মহাব্রত

মাথায় লয়েছি তুলি।

এখনো তাদের ভুলিতে পারি নে

মাঝে মাঝে জাগে প্রাণে,

চিরজীবনের স্বথবন্ধন

সেই গৃহমাঝে টানে।’

কিন্তু এটা হল পাদরীর হৃদয়ের দিক। এবং বাইরের দিক দিয়ে দেখতে গেলে পাদরী আপন দেশের তুলনায় যত দৈগ্ধই থাকুক না কেন, এদেশের মধ্যবিত্ত সস্তানের চেয়েও তাদের আর্থিক অবস্থা ঢের ঢের ভাল এবং চাষাভূম্যোদের সঙ্গে এদের কোন তুলনাই হয় না।

কিন্তু পার্থক্যটা সবচেয়ে মারাত্মক হয় যখন পাদরী পার্বত্য অল্পমত জাতির ভিতর গিয়ে বাংলা বাবে।

অল্পমত জাতি বৃষ্ণতে পারে না যে, ক্রীশ্চান হয়ে গেলেই সে পাদরী সায়েবের বাংলা ভেট পেয়ে যাবে না। পাদরীর সঙ্গে দেখা করতে গিয়ে সে পাদরীর বাড়ি ঘর-দোর, জামা কাপড়, বাসন-কোসন. টেবিল-চেয়ার দেখে মুগ্ধ হয় এবং এই সব জিনিস যোগাড় করার জন্য তার সরল মন ব্যাকুল হয়ে ওঠে। কিন্তু নাগা কিংবা লুসাইয়ের যা আমদানি, তা দিয়ে এসব বস্তুর কল্পনাও সে করতে পারে না। ক.ল তার জীবন বিষময় হয়ে ওঠে।

পাদরী সায়েবরা এই সর্বনাশটি করেছেন অল্পমত জাতিদের। চোখের সামনে

পরিষ্কার-পরিচ্ছন্ন যে ছিমছাম স্টাণ্ডার্ড অব্ লিভিংটি তুলে ধরেছেন, সে-স্টাণ্ডার্ডে পৌঁছানোর ক্ষমতা নাগা কিংবা লুসাইয়ের কক্ষিনকালেও হবে না—কিন্তু তার লেগেই থাকবে।

অল্প বাবদে এই সব অল্পমত সম্প্রদায়গুলোর প্রতি হিংস্রতার নীতি ছিল ‘লেসে ফ্যোর’ অর্থাৎ তাদের জীবনধারণ-পদ্ধতিতে কোনপ্রকার পরিবর্তন না আনা, এবং আমার ব্যক্তিগত বিশ্বাস, একমাত্র নাগাদের বাব দিয়ে আর সব অল্পমত সম্প্রদায়কে যত কম খাঁটানো যায় ততই মঙ্গল। তার কারণ এদের অনেকেই এমন শাস্ত, সরল ও নির্ভর জীবন যাপন করে যে, আমাদের ‘সভ্যতা’ তাদের জীবনে নতুন কিছু ত আনবেই না, বরঞ্চ নানা প্রকারের দৈনন্দিন দুর্দশা সৃষ্টি করবে। অস্তুত একজন অতিশয় জ্ঞানবুদ্ধ ঋষিতুল্য ভারতীয়কেও আমি এই মত পোষণ করতে দেখেছি। প্রাতঃস্মরণীয় দ্বিজেন্দ্রনাথ ঠাকুরের পরিচয় হয় সাঁওতালদের সঙ্গে গত শতকের শেষের দিকে। তখনও বোলপুর অঞ্চলে ধান-কল হয় নি, সেখানকার কৃত্রিম জীবন তখনও সাঁওতালদের চরিত্র নষ্ট করে দিতে সক্ষম হয় নি। দ্বিজেন্দ্রনাথ সেই সকল অনাড়ম্বর সাঁওতালদের জীবনধারণ-পদ্ধতি খুব মনোযোগ দিয়ে দেখেছিলেন এবং আমাকে একদিন কথাপ্রসঙ্গে বলেছিলেন যে, এদের জীবনে আমরা যেন হস্তক্ষেপ না করি। তবে তাঁর বিশ্বাস ছিল যে, সাঁওতালরা যে অহেতুক ভূতপ্রেতকে ডরায়, সেটা সারাবার জগৎ সর্বশক্তিমান ভগবানের ধারণা এদের ভিতর প্রচার করলে ভাল হয়। সে-ধারণা প্রচার করার কতটুকু প্রয়োজন, গুণীরা তার বিচার করবেন কিন্তু দ্বিজেন্দ্রনাথের প্রথম উপদেশ আমি সর্বাস্তঃকরণে স্বীকার করে নিয়েছি।

আমি জানি, এর বিরুদ্ধে আপত্তি উঠতে পারে। যারা শিক্ষাদীক্ষায় বিশ্বাস করেন, মড়ক এবং অগ্নি ব্যাধি যারা নিমূল করতে চান, তাঁরা হয়ত সহজে আমাদের ‘লেসে ফ্যোর’ পন্থা মেনে নেবেন না। উত্তরে আমার নিবেদন, এই সব অল্পমত জাতির সম্বন্ধে আমাদের জ্ঞান এখনও এত কম যে, বিচক্ষণ ব্যক্তিমাত্রই স্বীকার করবেন যে, এদের সম্বন্ধে আরও অনেক অহুস্কান করার পর বিস্তৃত ভেবে-চিন্তে কাজ আরম্ভ করতে হবে—অবশ্য ততদিন বেঁচে থাকলে আমি তখনও আপত্তি জানাব। কারণ ধর্মের মিশনারি আর ‘সভ্যতা’র মিশনারিদের ভিতর আমি পার্থক্য দেখতে পাই অতি কম ॥

## মার্কিনী তাত

মার্কিনরা হস্তে হয়ে উঠেছে। বুদ্ধিবুদ্ধি লোপ পেয়েছে। যেদিকে তাকায় সেদিকেই কমুনিষ্ট-জুজু দেখে। দেশে যে-রকম ছেলে-ধরার জুজু দেখা দিলে মাহুঘ কাণ্ডজ্ঞান হারিয়ে যাকে-তাকে ধরে বেধড়ক। মার লাগায়, অনেকটা সেই রকমই। তফাত এই যে, এদেশের কর্তাব্যক্তির এ-রকম মারধোর থেকে দূরে থাকেন, আর যতখানি পারেন জুজুর ভয়টা তাড়াবার চেষ্টা করেন। মার্কিন মুলুকে কিন্তু কমুনিষ্ট-ডাইনী পোড়ানোর ভারটা আপন হাতে তুলে নিয়েছেন ওই দেশের কর্তাব্যক্তির।

তা তারা আপন দেশে যা খুশি করুন, আমরা রা-টি কাড়ব না। আমরা বলি—

‘হরি হে রাজা কর রাজা কর  
যার ধারি তারে মার  
যার ধারি দুচারখানা  
তারে কর দিন-কানা  
যার ধারি দু শ চার শ  
তারে কর নির্বংশ  
যে আমার আধলা ধারে  
ব্যাটা যেন দিয়ে মরে।’

কমুনিষ্টরা আমাকে কিছুই ধারে না, তারা এখন মরুক তখন মরুক আমার কিছুটি যায় আসে না।

কিন্তু মার্কিনরা যখন এদেশে এসে দাবড়াতে থাকে, তখন আমি বিদ্রোহ করি। ভারতবর্ষের যত্রতত্র আজকাল দেখতে পাবেন মার্কিন অধ্যাপক অমুক তার তমুক ‘গণতন্ত্র’ ‘নবীন জীবনপদ্ধতি’ ‘দর্শনের নব সূত্রপাত’ সম্বন্ধে বক্তৃতা দিচ্ছেন। ওগুলো হচ্ছে মুখোশ—যে কোন বক্তৃতায় যান, দেখতে পাবেন তিন মিনিট যেতে-না-যেতেই, দর্শন, বিজ্ঞান, কলাশিল্পের বাহানা ধরে তাঁরা ঠিক পৌঁছে গেছেন আসল মোকামে, ‘এস ভাই ভারতীয়, তোমরা আমরা সবাই মিলে রুশকে ধায়েল করি।’

ইংরেজীতে একেই বলে ‘ওয়ার-মন্ডারিং’, বাঙলায় বলে, ‘তাতানো’, ‘ওসকানো’, ‘খ্যাপানো’।

ধর্মসাক্ষী, স্বেচ্ছায় যাই নি। অকালে বৃষ্ট নেমেছিল, আশ্রয়ের সন্ধানে

‘সারান্দায় উঠেছিলুম। যজ্ঞির যজ্ঞমানরা আমার আসল মতলব ধরতে না পেরে সভাস্থলে বসিয়ে দিলেন। ভোজনের নিমন্ত্রণে নয়, পঞ্চাঙ্গী-আইনে পড়ে না। বক্তৃতার সারাংশ পূর্বেই নিবেদন করেছি। অবাক মানলুম দেশের লোক এই ‘তাতানো’টা ধরতে পারল না। যে-রকমভাবে তাবৎ বক্তৃতাটা গলাধঃকরণ করে মিষ্টি মিষ্টি প্রশ্ন শুধাল, তার থেকে মনে হল তারা যেন আরও মগুটা মিঠাইটা চাইছে।

থাকতে না পেরে শুধালুম, ‘সায়ের তোমার আসল মতলব, আমরা যেন তোমাদের সঙ্গে এক হয়ে বলশিদের সঙ্গে লড়ি—নয় কি? ঠিক বুঝেছি ত?’

সায়ের একগাল হেসে আমার বুদ্ধির তারিফ করলেন। আমি শুধালুম, ‘বলশিদের সঙ্গে কোনও সমঝোতা হয় না? আমাদের প্রধানমন্ত্রী বলেন, ‘অসম্ভব নয়’। তাই তিনি কোন দলেই ভিড়ছেন না।’

সায়ের বললেন, ‘রুশরা চলে যাক চেকোস্লোভেকিয়া হাঙ্গেরি রুমানিয়া পোলাণ্ড ছেড়ে। তারা কী রকম সেখানে রাজত্ব চালাচ্ছে জান? সেখানে তারা সর্ব-প্রকার স্বাধীনতার টুঁটি চেপে তার দম বন্ধ করে মারছে, জান সে কথা?’ এবার আমি পাল্টা একগাল হেসে বললুম, ‘বিলক্ষণ জানি সায়ের। কিন্তু বল ত, তোমারই রুজভেন্ট আর চার্চিল যখন ইয়ালটা, তেহরান পৎসদামে এসব দেশ রুশের হাত তুলে দিয়েছিলেন, তখন কি তাঁরা এত গবেট ছিলেন যে জানতেন না, রুশ সেখানে কোন ধরণের বাজত্ব কায়ম করবে? তোমারই মার্কিন জাত, ইংরেজ আর ফরাসী বেরাদর পশ্চিম জার্মানিতে কি বলশি প্যাটার্ন বুনছে, না নিজেদের প্যাটার্ন? তা নয় সাহেব, রুজভেন্ট চার্চিল বিলক্ষণ জানতেন রুশ-নাগর বলকানসুন্দরীকে নিয়ে কোন রুজরস করবেন। কিংবা বলতে পারি, শেয়ালকে যদি দাওয়াত করে’ মূর্গীর খাঁচায় ঢোকাও, তবে সকালবেলাকার মমলেটের আশাটা সঙ্গে সঙ্গে ত্যাগ করাই ভাল।’

সায়েরের মুখ সেন্দ্র ছািমবর্ন, সেটা লিপষ্টিক হল কিনা বুঝতে পারলুম না—চোখে চশমা ছিল না—তবে কণ্ঠে উচ্চা প্রকাশ পেল। বললেন, ‘তোমরা গণতন্ত্র মান। বিশ্বজোড়া গণতন্ত্রের বিপদে তোমরা হাত পা গুটিয়ে বসে থাকবে?’

বললুম, ‘তাতে করে ত আমরা মার্কিনেরই অস্থসরণ করব। ভুলে গেছ, ১৯১৪ সালে লয়েড জর্জ যখন তোমাদের দরজায় ধরা দিয়ে কান্নাকাটি করেছিলেন, পাস্চাত্য গণতন্ত্র বাঁচাও, তখন তোমরা সাড়া দিয়েছিলে? না বলেছিলে, “ও ইয়োরোপের ঘরোয়া ব্যাপার।” শেষটায় ঢুকেও বেরিয়ে পড়লে। লীগ অব নেশন্সে যোগ ত দিলেই না উন্টে তার খয়েরখা উইলসনকে তাড়ালে। তারপর



১৯৩৯ সালে যখন চেম্বারলেন চার্চিল একই কান্না কাঁদলেন, ক্যাসিজমের হাত থেকে গণতন্ত্র বাঁচাও, তখনও কি পত্রপাঠ লক্ষিত হয়ে লড়াইয়ে যোগ দিয়েছিলে? না পার্লামেন্টের আঁতে যখন যা পড়ল, তখন “গণতন্ত্র বাঁচাবার” টনক নড়ল? এখন দেখছ কিশ বড্ড বেশী তাগড়া হয়ে উঠেছে, তাইতে এত শিরঃপীড়া। সে-কথা থাক। কিন্তু এ-কথাও মানবে যে, আজ যদি আমরা কোনও পক্ষে যোগ না দিই, তবে সে শুধু তোমাদের ইতিহাস থেকে হাদিস নেওয়ার মত হবে। ইংরেজ, ফরাসী, জার্মান, জাপান লড়াই করে মরল, তাই আজ তোমরা পরল না মর। এবার তোমরা আর কিশরা মারামারি করে দুবলা হও, তখন আমরা পৃথিবীতে রাজত্ব করব।’

কথাটা সায়েবের বড্ড টক লাগল। দাঁত মুখ খিঁচিয়ে বলল, ‘কিন্তু এই যে লড়াইয়ের বিপদ ঘনিয়ে আসছে, তাব থেকে নিজেকে আলাদা করে রাখতে পারবে কি?’

আমি বললুম, ‘সে হচ্ছে অল্প কাহিনী। দুর্ভিক্ষের সময় বাঙালী ডাক্তারিন থেকে ভাত কুড়িয়ে খেয়েছে, তাই বলে ওটা তার কর্তব্য এ-কথা ত কেউ বলতে যাবে না। লড়াই এড়াতে পারব না, তাই তৈরী হয়ে জেতার পক্ষ নিই, সে হচ্ছে এক কথা; আর তোমাদের পক্ষে যেচ্ছায় খুশ এজেক্টারে, বহালতবিত্তে “কর্তব্যবোধে” “গণতন্ত্র বাঁচাতে” যোগ দি, সে হচ্ছে অল্প কথা। আমাদের সে বোধটা হচ্ছে না।’

ততক্ষণে রুটি খেমে গেছে! দেশ ত আমি চালাই নে। কেটে পড়লুম।

কিন্তু প্রশ্ন, এই যে হরেক রকম চিড়িয়া নানারকম মুখোস পরে এদেশে এসে ‘ওয়ার-মজারিং’ করে, তার কি কোন লাওয়াই নেই?

### বাজালী মেনু

বয়স হয়েছে, যখন খুশি রেস্টরায় টুকে মমলেট-কটলেট হুকুম দিতে লজ্জা করে। আর যখন বয়স হয় নি তখন জেবে সিন্ধিল চায়েরও রেস্ট থাকত না বলে রেস্টরায় ঢোকবার উপায় ছিল না।

ভগবান দয়াময়। তিনি সব কিছুই দেন; কিন্তু তাঁর ‘টাইমিং’টা বড্ডই ধারাপ। বুদ্ধকে দেন তরুণী ভাষা এবং হোটেলে যাবার পরস। উনিশ শতকের নাটক-নভেলে একেই বলা হত ‘অদৃষ্টের নির্মম পরিহাস’।

অসময়ে বৃষ্টি। ট্রাম থেকে নেমেই রেষ্টুরাঁতে ঢুকতে হল। বহুকাল পরে কলকাতা ফিরেছিও বটে—পুরনো বাবতীয় প্রাতিষ্ঠান আগেরই মত চালু আছে কি না দেখার বাসনাটাও রয়েছে।

একখানা আলুর চপ আর এক কপ্‌চা।

শুনেছি, সায়েবরা মাস্টার্ড খান শুধু শূকর এবং আরেকটা নিষিদ্ধ মাংসের সঙ্গে। মুর্গা, মটন, মাছের সঙ্গে তাঁরা রাই খান না। মুর্গা, মটনের সঙ্গে না ই বা খেলেন, কিন্তু মাছের সঙ্গে সরবে যেন রবীন্দ্রসঙ্গীতে কথার সঙ্গে হরের মিল—এ-তরুটা সায়েবরা এদেশে দু'শ বছর থেকেও শিখল না দেখে তাচ্ছব মানতে হয়।

তা সে যা-ই হোক, আমি সরষে খাই সব জিনিসের সঙ্গে—এই নিতান্ত সন্দেহ-রসগোল্লা ছাড়া। তাই আলুর চপের মটনকিমা সরষে সংযোগে খেতে খেতে ছোকরাকে বললুম, 'সরষেটা ভাল না।'

মানোজ্ঞার শুনতে পেয়ে বললে, 'হুক্-কথা বলেছেন, স্মার, কিন্তু বিলিভী মাস্টার্ডের উপর সরকার ট্যাঙ্কো যা লাগিয়েছেন তার ঝাঁঝটা মাস্টার্ডের ক্ষেয়েও বেশী।'

আমি বললুম, 'তবে নাকচ করে দিন বিলিভী মাস্টার্ড'; চালান দেশের তৈরী ঝাঁটি, প্লেন কাহুন্দি। বরচাও কম পড়বে।'

মানোজ্ঞার আমার দিকে হাবার মত তাকালে। বোধ হয় ভাবলে, আমি নিতান্তই গাইয়া। তা আমি বটিও।

দিশী বিলিভী কোন মাস্টার্ডই কাহুন্দির সামনে দাঁড়াতে পারে না। কাহুন্দিতে থাকে মিঠে-কড়া, মোলায়েম-মোলায়েম ঝাঁজ—আর বিলিভী মাস্টার্ডের ঝাঁজ চাষাড়ে, ফরাসী মাস্টার্ডে বদখদ্ মিষ্টি-মিষ্টি ভাব।

যবে থেকে আমার পাশের বাড়িতে এক দার্শনিক এসে উঠেছেন, পাড়ার আমাদের সকলের গায়ে দর্শনের হাওয়া লেগেছে। আমরা এখন আর তথ্য নিয়ে তর্ক করি নে, তব্ব কারে কয় তার-ই চিন্তা করি। আমি তাই কাহুন্দির খেই ধরে তব্বচিন্তায় মনোনিবেশ করলুম। আমরা আপন জিনিসের সম্মান দিতে জানি নে। হিন্দীতে থাকে বলে 'ঘরকী মুর্গা দাল বরাবর' অর্থাৎ 'গেয়ো যোগী ভিখ্‌ পায় না'।

তখন মনে পড়ে গেল, গেল লড়াইয়ের সময় আমাকে এক মার্কিন অফিসার আক্সোস করে বলেছিল, কলকাতায় বাঙালী-রাঙ্গা খাবার রেষ্টুরাঁ নেই। তাকে এক বাঙালী নিমন্ত্রণ করে ডাল-চচ্‌ড়ি খাইয়েছিল, সেই থেকে বেচারী তামাম

কলকাতা চষে বেড়িয়েছে বাঙালী-রান্নার সন্ধানে, আর পেয়েছে শুধু মমলেট-কটলেট-ডেভিল কিংবা কোর্সী-পোলাও-কালিয়া। সে চেয়েছে এক ঘটি জল, পেয়েছে তিনখানা বেল।

দর্শনের সংজ্ঞা দিতে গিয়ে শোপেনহাওয়ার ম্বলেছেন, ‘অমা যামিনীর অন্ধকার অন্ধনে অন্ধের অল্পস্থিত অসিত অশ্বিনের অল্পসন্ধান।’ কলকাতায় বাঙালী-রান্নার রেস্টুরাঁ অল্পসন্ধান এই একই গোত্রীয়—কলকাতায় প্রথম আশ্চর্য।

অথচ দেখুন ইংরেজী ( কিংবা ট্যাশ বলতে পারেন ), মোগলাই, চীনা, মাদ্রাজী, গুজরাভী ( ‘অল্পপূর্ণা’ দ্রষ্টব্য—খাওয়া না-খাওয়ার জিম্মেদার আপনি ) বহু রকমের রান্নাই এই কলকাতায় পাবেন। রোস্ট কবাব চপ্ সুয়েজ ইডলি-ডোসে করহী, করাসী এস্কেলোপ ছ ভো ও শাতোরিয়া, এমন কি ভিয়েনার ভীনার ম্লিংসেল পর্যন্ত পাবেন। পাবেন না শুধু খাট, অফল।

তাই ভাবছি, আপনাতে আমাতে একটা বাঙালী-রেস্টুরাঁ খুললে হয় না ?

বাঙালী সর্বভুক। তাই বাঙালী প্রবাদ ‘লোহা খাই নে শক্ত বলে, “—” খাই নে গন্ধ বলে।’ তাই বলে কি আমাদের রেস্টুরাঁয় সব কিছু থাকবে ? উহ ! আমাদের মাপকাঠি হবে—বাড়িতে আমাদের মা-মাসীরা আটপোরে এবং পোশাকী যে-সব রান্না করেন।

তা হলে এইবারে ‘মেহু’টা তৈরি করা যাক।

কিন্তু তার পূর্বেই স্থির করতে হয়, খেতে দেবেন কিসে ?

আমি মনস্থির করেছি—কঁাসা কিংবা পেতলের থালায়। সাদা কিংবা কালো পাথরের থালারও ব্যবস্থা থাকবে, নিতান্ত সার্বিক জনের জগ্ন শালপাতা, কলা-পাতার ব্যবস্থাও থাকবে। সব কটা থাক্ আর নাই থাক্—চীনে বাসন ছুরি-কাঁটা বারণ।

এখন আহারাদি।

১। ভাত—আতপ এবং সেদ্ধ, লুচি, পরোটা, বাকর-খানী ( বাদ দিলে চলবে না, পূব-বাঙলার বিস্তর লোক কলকাতায় আন্তানা গেড়েছেন ), ঘি-ভাত, পোলাও। কিছু বাদ পড়ল না ত ? ভেবে দেখুন। এ ‘মেহু’ তৈরী করা ত একজনের কর্ম নয়। আমি শুধু একটা পয়লা খসড়া করে দিচ্ছি।

এ-স্থলে আরেকটি তত্ত্ব খুলে কই। রেস্টুরাঁ প্রতিষ্ঠানটি মোটামুটি ইয়োরোপীয় ; ডাই কোনও কোনও বাবদে আমাদের নকল করতে হবে ইয়োরোপকে—অর্থাৎ প্যারিসকে, কারণ রেস্টুরাঁ-লোকের বৈকুণ্ঠ প্যারিসে। তাই ‘মেহু’ বানাবার পরিচ্ছেদ, অল্পচ্ছেদ, পদ করাসী কায়দাতেই যুক্তিসম্মত এবং অভিজ্ঞতা-সম্পূর্ণ

করাসী 'মেহু আরস্ত হয় হরেক রকম রুটির বর্ণনা দিয়ে ( আমিও তাই ভাত-  
লুচি-পোলাও দিয়ে বিসমিল্লা পড়েছি ), তারপর অন্ন ছাড়া, মূপ, ডিম, কিশ  
ইত্যাদি ইত্যাদি। অতএব—

২। তেতো;—

উচ্ছেভাজা, করেলাসেদ্ধ, নালাতে শাক ( ইন সীজন—মৌসুমী কালে )।  
এইবারে ভাবুন, কিংবা মা-মাসীকে জিজ্ঞেস করুন, আর কী কী তেতো আছে—  
আমার দুর্ভাগ্য, যে-অঞ্চলে জন্ম আমার, সেখানে তেতোটার খোলতাই নেই।  
পশ্চিমাঞ্চলে স্টাক্ট—অর্থাৎ মাংসের পুর দেওয়া—করেলা খায়, কিন্তু বিবেচনা  
করি তার রেওয়াজ বাংলা দেশে নেই।

৩। ডাল;—

মুগ, ছোলা, মসুর, কলাই ইত্যাদি। তারপর ডালের সঙ্গে সজনের ডাঁটা,  
কেউ বা দু-চারটে বড়ি দেয়। অতএব ডালের দুভাগ—প্লেস এবং মেশানো,  
যেমন পূর্বেই বলেছি ডাল আ লা ডাঁটা; কিংবা আ লা নারকোল, অর্থাৎ ডালে  
নারকোলের টুকরো থাকবে।

৪। ভাজা;—

নিয়ন্ত্রিত বিপদ। কারণ এতক্ষণ দিব্য নিরামিষ চলছিল, এখন ভাজা  
নিরামিষ, আমিষ, ডিম তিন প্রকারই হতে পারে।

অতএব

( ক ) আলু, পটল, বেগুন, কুমড়া...

( খ ) ডিমভাজা, মমলেট...

( গ ) মাছভাজা ( ইলিশ, রুই, পুটি, পোনা... )

কাজেই খ এবং গ-কে হয়তো 'ডিম' এবং 'মাছের' অন্তর্ভুক্তি পুনরাবৃত্তি  
করতে হবে। 'ক্রস রেফারেন্স' দিতে পারেন, কিন্তু ভয়, তাহলে 'মেহু' হয়ত  
জর্মন ডক্টরেট থিসিসের প্রকাব এবং আকার নিয়ে নেবে। উপস্থিত অবস্থায়  
আমি সেই নিষ্ঠা নিয়েই এই মহান্যূন্যবান নির্গণ্ট নির্মাণের প্রয়াসী হচ্ছি, কিন্তু  
তৈরী মালে ত ও জিনিস এতরাংল ফলাব না।

( ৪ ) ছেঁচকি—ছোঁকা—ছক্কা—চকড়ি—লাবড়া ( লাফড়া )।

এইবারে আমার পেটের এলিম বেরিয়ে গেল। এগুলোর মধ্যে একটা  
আরেকটার সূক্ষ্ম পার্থক্য আমি জানি নে। যদিও খাবার সময় রাঁধুনীকে অপটু  
দাঁওরালে ৫-বিষয়ে উচ্চাঙ্গের বক্তৃতা দিতে কসুর করি নে। আর-পাঁচজন কান

পেতে শোনে, কারণ তারা জানে আমার চেয়েও কম। দু-একবার যে কান-হলা খাই নি তাও নয়। সে কথা যাক। এখন প্রশ্ন, এ-অহুচ্ছেদের মূল হেজি নেবেন কী এবং তার পদ বাতলাবেন কী কী ?

করে করে আসবেন, মাছ মাংসে— তার কত অহুচ্ছেদ, তন্তু ছেদ, পদ, পদ-ভেদ—ডালনা, বোল, কালিয়া, মালাই সহযোগে, ডাবের ভিতর, কলাপাতার পেঁচিয়ে, দমে দিয়ে, সরষে মেখে—খোদায় মালুম, কোথায় গিয়ে পৌঁছব।

তাই আমার প্রস্তাব ; একখানা ফুলস্ক্যাপ কাগজ নিন এবং রেস্টুরাঁর মেহুর কায়দায় একখানা বাঙালী মেহু তৈরী করুন দু পাতা জুড়ে, অর্থাৎ ফুলস্ক্যাপ কাগজের ভাঁজ খুলে যতটা জায়গা পান। এর বেশী কাগজ নিতে পারবেন না কারণ পূর্বেই বলেছি মেহু খিসিস নয়। আবার শীটখানা যেন টায়-টায় ভর্তি হয়। ফাঁক থাকলে চলবে না। আমি যে পরিচ্ছেদ-অহুচ্ছেদ দিয়ে প্যাটার্ন বাতলালুম সেটা একদম অবজ্ঞা করে আপনি আপন মেহু বানাবেন। কোন্ জিনিসের কত দাম সেটা আপনি বলতে পারেন, না-ও পারেন। না-বলাই ভাল। কারণ 'কসটিং' ব্যাপারটা বড়ই কঠিন। রেস্টুরাঁ-ম্যানেজার অভিজ্ঞতা থেকে সেটা স্থির করবেন।

'একস্ট্রা' অহুচ্ছেদটি ভুলবেন না। তাতে থাকবে, কাঁচা লস্কা, চাটনি (ধনে-পুদিনা...), আচার ( আম, জারক নেবু...) ইত্যাদি এবং কাহন্দি।

যে-কাহন্দি নিয়ে আলোচনা আরম্ভ করেছিলুম।

এইবারে বিবেচনা করুন ॥

### রন্ধন-যজ্ঞ

ধবর এসেছে লওনে এক বিরাট রন্ধনযজ্ঞ হবে। সে-যজ্ঞে পৃথিবীর আঠারোটি দেশ আপন আপন স্বস্বাচ্ছ রান্না পেশ করবেন। অতি উত্তম প্রস্তাব, কিন্তু হার, আমাদের বিচারকর্তা করে ডেকে পাঠাচ্ছে না কেন? রন্ধন-মার্গে সত্যের সন্ধানে আমি বিস্তর ইন্ধন পুড়িয়েছি, আকাশের অ্যারোপ্লেন, মাটির ট্রেন আর জলের জাহাজ এই তিন সচল বস্তু ভিন্ন আর সবই ত আমি খেয়ে দেখেছি। তাও আবার দেশী বিদেশী নানা কায়দায়। জার্মান কায়দায় রান্না ভারতীয় 'রাইস-কারী' ( অতিশয় অশাস্ত ) খেয়েছি, শিখের বানানো বাঙালী লেডিকেনি খেয়েছি ( সেক পেল্লাস-মারা গুলি—গ্রহ্লাদকে খাইয়ে দিলে হিরণ্যকশিপুকে আর ভাবতে হত না ), আরব বেহুইনের হাতে 'পাকানো' দিল্লীর বিরিয়ানি খেয়েছি, জাপানী

বহুসে ভৈরী চেজিসখানী কাবাব ভী খেয়েছি (এর নির্মাণ-কৌশল একদিন 'সবিস্তর নিবেদন করব—আহা, অতি খাসা জিনিস), আর কত বলব।

ভা সে-কথা যাক গে, সে নিয়ে ছুঃখ করে কোন লাভ নেই, শুণীর আদর কি আর এ মুঢ় সংসার করেছে কিংবা করবে ?

লণ্ডন থেকে আরও খবর এসেছে, ভারতীয় 'টীম' চলবে শ্রীমতী ভট্টাচার্য, শ্রীমতী বহু এবং শ্রীমতী রায়ের কর্তৃত্বে। তিনজনই বাঙালী, কাজেই বাঙালী হিসেবে, হে পার্থক, তোমার আমার দুজনেরই মনে বিমল আনন্দ অহুভূত হল, এ-কথা অস্বীকার করে খামোখা মিথ্যাবাদী হতে যাব কেন ? কে না জানে, আজ বাঙালী সর্বত্র অনাদৃত, কেন্দ্রীয় সরকার তাকে উপেক্ষা করে, বিদেশে তার খ্যাতি-প্রতিপত্তি শঠন: শঠন: কমে যাচ্ছে, বিশেষজ্ঞের পালা-পরবে শ্রীক্ষ-নিমন্ত্রণে সে প্রায় ব্রাত্য—অপাণ্ডুস্তেয় হতে চলল। এরই মধ্যখানে যদি বিশ্ব-রন্ধনযজ্ঞে তিন বন্ধরমণী ভারতের প্রতিভূ হিসেবে আমন্ত্রণ পান, তবে কোন্ বাঙালীর ছাতি তিন ফুট ফুলে উঠবে না ?

কিন্তু আমার নিবেদন, গর্ব অহুভব করেছি বটে কিন্তু আনন্দিত হই নি।

আমি বাঙালী, আমি এই 'দেহলিপ্ৰাস্তে' বসেও বাঙালী-রান্না খাই। আমি আতপ চালের ভাত, কিঞ্চিৎ ঘৃত, সোনা মুগের ডাল ( দীপ্লিতে অতিশয় নিরুষ্ট ), সর্ষে বাটায়া মাছের কোল ইত্যাদি খেয়ে থাকি। বাঙালীর অন্যান্য রান্না নিয়েও আবার দস্তুর অস্ত নেই, কিন্তু বিশ্বের দরবারে যদি আমাদের অর্থাৎ ভারতীয় রান্নার কেবলদানি দেখাতে হয় তবে শুধু বাঙালী হেঁশেল দেখালেই চলবে না।

হাঁ, আলবত, অতি অবশ্য আমি স্বীকার করি, বাঙালীর সর্ষে-ইলিশ, মালাই-চিংড়ি, ডাব-চিংড়ি, বাঙালী বিধবার নিরামিষ ( বিশেষ করে 'বোটমের পাঠা' এঁচোড়), জলখাবারের লুচি, আলুর দম, সিঙাড়া, মাছের ডিমের বড়া, মোচার পুর কেওয়া সমোসা ইত্যাদি, তারপর ছানার মিষ্টি, রসগোল্লা, লেডিকেনি, সন্দেশ, চিনিপাতা দই, মিহিদানা সীতাভোগ আরও কত কী ! ( মৃত্যাকর মহাশয়, আপনার জিন্তে জল আসছে, অখচ এ-লৈখা কম্পোজ না করে আপনার বাইরে যাবার উপায় নেই, তহুপরি আজকের দিনে আপনি আমি কেউই এ-সব সুস্বাদু বস্তু চাখবার সামর্থ্য রাখি নে, অতএব অপরাধ নেবেন না। )

এমন কী, আমাদের উচ্ছেভাজা, আমের অঘল, কিসমিস-টমারটোর টক ( প্রধানত বীরভূম, মেদিনীপুর অঞ্চলের ) নগণ্য জিনিস নয়, ভোজনরসিক মাঝেই আনেন।

আর পিঠে—তার ফিরিস্তি আর দেব না।

কিংবা যাকে বলে 'ফেনসি-খানা' বিশেষ জেলা বা মহকুমার আপন বৈশিষ্ট্য। বাইরের—এমন কী, বাংলা দেশের ভেতরের লোকই যেগুলো জানে না, যেমন মনে করুন ব্যাণ্ডের ছাতা, ইংরেজীতে যাকে বলে মাশরুম, মেদিনীপুর এ-বস্তুর পাকী কদরদার, ভোজনরাজ করাসীও এর নামে অজ্ঞান, কিংবা পূব-সিলেটের 'চোঙা-পিঠে' ( এক রকম হাঙ্গা বাঁশের চোঙায় ভেজা চাল ভরে দিয়ে সে-চোঙা খোলা আঙুনে ঘুরিয়ে ফিরিয়ে বলসানো হয়, তারপর চোঙা ভেঙে ফেললে একখানা আন্ত লম্বা টুকরো বেরিয়ে আসে—এক ফুট লম্বা; খেতে হয় শুকনো মালই কিংবা করকরে কই মাছ ভাজার সঙ্গে ), কত বলব !

শুটকি ? নাক সিঁটকাচ্ছেন ত ? কিন্তু আমার বিশ্বাস শুটকির আপন মূল্য আছে। ইংরেজ, ফরাসী, জার্মান সব ভোজন-রসিকজনই 'স্নোকড্-ফিস' অর্থাৎ শুটকির কদর জানেন।

আরও কত কী !

কিন্তু ভুললে চলবে না যে, বাঙালী মাছ, নিরামিষ, পিঠে, সন্দেশ হুচাকরুপে তৈরি করতে জানলেও সে পারে না—এবং একদম পারে না মাংস রাখতে।

বাঙালী-বাড়িতে মাংস খেতে গেলে আমার চোখে জল আসে। মাংস আর ঝোল নন-কো-অপারেশন করে বসে আছেন—এদিকে শক্ত মাংস ওদিকে টলটলে ঝোল। মাংসের নিতান্ত আপন 'সোওয়াদ' আছে বলেই ধাওয়া যায়, কিন্তু আসলে অথাৎ।

কিংবা মাংস-চালে মিশিয়ে বিরিয়ানি পোলাও বাঙালী রাখতে জানে না ( বাঙালীর উপাদেয় ঘি-ভাত, মটরশুঁটি-ঘি-ভাত অল্প জিনিস ) অথবা মাংসে তরকারিতে মিলিয়ে আলু-গোশং, মটর-গোশং, গোবি- ( কপি ) গোশং বাঙালী বিলকুল চেনে না।

একবারে কেউই পারে না—একথা আমি বলব না। ঢাকার নবাব-বাড়ি, সিলেটের কাজীবাড়ি এবং মজুমদার-বাড়ি ( শনেছি—খাই নি ), মুর্শিদাবাদের ও মাটিয়াবুরুজের নবাব-বাড়ি এসব বস্তু সত্যিই ভাল রাখেন। আর পারে উত্তম দুর্গী-ঝোল রাখতে গোয়ালন্দ, নারায়ণগঞ্জ-চাঁদপুর জাহাজের খালাসীরা; যে একবার খেয়েছে, সে কখনও ভুলতে পারে না।

কিন্তু এসব মাংস রান্না বড়ই সীমাবদ্ধ, বাংলা দেশের সর্বত্র ছড়িয়ে পড়ে নি। আমার আশ্চর্য বোধ হয়, বিক্রমপুরের মেয়ে প্রতি বৎসর গোয়ালন্দী জাহাজে করে কলকাতা-হস্টেলে যায়, যাবার সময় জাহাজে 'রাইস-কারি' ধায়, সে

রাধতে-বাড়তেও জানে, কিন্তু জাহাজের ওই মূর্গা-ঝোল সে কখনও রাধতে পারল না !

মাত্র একটি বাঙালী কাপালিককে আমি চিনি, যিনি সত্যই মাংস রাধতে জানতেন। পাঠার মাংস কমে তিনি পেঁয়াজ-রসুন-লক্ষা দিয়ে যে অপূর্ব, না অভূতপূর্ব 'মহাপ্রসাদ' রাধতেন তার সঙ্গে তুলনা দেবার মত সুখাণ্ড আমি এ জীবনে কখনও খাই নি। কিন্তু তিনি ব্যত্যয়। তিনি এখন সেই লোকে, বিবেচনা করি, যেখানে আহাৰাদির কোন ঝামেলা নেই, তাই আমাদের শহরে এখন আর কেউ 'মহাপ্রসাদে'র সন্ধান পায় না। আমার মত ছ-একজন এখনও তাঁর বাড়ির সামনে দিয়ে যাবার সময় তাঁর স্মরণে চোখের জল ফেলে।

অথচ দেখুন, পশ্চিম-ভারতে বহুতর তরো-বেতরো মাংস রান্না হয়। নানা রকমের স্করুয়া ( সূপ ), শিক-শামী-টিকিয়া-বুড়ী-আফগানী-মিশ্রী-নরগিস কত রকমের কাবাব, ছ-সাত রকমের পোলাও, বিরিয়ানি, কুর্মা, কালিয়া, পসিন্দা, গুর্দা, কলিজা, তন্দুরীমূর্গা, মূর্গামুসল্লম, মূর্গাশাহী, রঙগন যুষ, তারপর মাংসে তরকারিতে মেশানো আলু-গোশং, গোবী-গোশং, দইয়ে মাংস মাখানো রায়তা-গোশং, মাংস কুচি কুচি করে কোফতা, কীমা এবং তার থেকে কোফতা-ঝোল, কীমা-ঝোল, বাহার রকমের সমোসা, এবং আরও কত কী।

এক কথায় আমরা বাঙালী যে-রকম মাছ দিয়ে পয়ষটি রকমের ভেঙ্কিবাজি দেখাই, এরাও তেমনি মাংস দিয়ে নিপুণ বোল চিকন কাজ দেখাতে জানে।

আমার মনে সন্দেহ জাগছে বাঙালী রমণীরা লগুনে এসব রান্না রাধবেন কী করে ?

কিংবা পার্সীদের ধনে-শাক ? উপাদেয় বস্তু।

মাছের রাজা আমরা, কিন্তু ভৃগুকচ্ছ নগরের পার্সীদের রান্না ইলিশ-মশালাও ত ফেলনা নয়। মাছটিকে ঠিক মধ্যাধানে লম্বালম্বি কেটে কাঁকা জায়গাটা সবুজ পেশা মশলা দিয়ে ভরে গোটা মাছটিকে কলাপাতায় মুড়ে আগুনে সেকা হয়। তিনখানা আড়াই-সেরী আস্ত ইলিশ খেয়েও আপনার পেটের অসুখ করবে না, এর বাড়া কী প্রশংসা আছে বলুন ?

গুজরাতীদের পর্তোড়ি। ঘোলের ভিতর বেসন ভিজিয়ে রাখবেন রাত্রিবেলা। সকালে তাই দিয়ে চাপাটির মত পাতলা রুটি বানাবেন, তেলে ভেজে নিয়ে ফালি ফালি করে কেটে 'ঝোল অপ' করে নেবেন। মুখে দিলে মাখনের মত মিলিয়ে যাবে। নিরামিষের ভিতর এ-রকম মুখরোচক বস্তু এ-ভারতে একমই আছে।



মিষ্টির ভিতর শ্রীখণ্ড এবং দুধ-পাক ।

মারাঠীদের দহি-ভাত । বেহারীদের আচার । তামিলদের মালে-গাটানি সূপ, রসম, ইডলি-ডোসে । কান্দ্রীদের বসন্ত ঋতুর বাচ্চা ভেড়ার কাবাব । পাজ্জাবীদের হালুয়া, লসসী ; আরও কত প্রদেশের কত অনবদ্য ‘অবদান’ !

ক্রিকেট-টীমে আর রন্ধন-টীমে কোনও তফাত নেই । ক্রিকেটে এগার জন নাইডু পাঠানো হয় না—তা তিনি যত ভাল ব্যাট্‌সম্যানই হোন না কেন । ফাস্ট মিডিয়ম স্লো গুগলি বোলার, উত্তম উইকেট কীপার, এমন কী, না-ব্যাট্‌সম্যান না-বোলার স্ক্রমাত্র কীল্ডার ( যথা ভাইয়া ) দু-একজন রাখতে হয় ।

অতএব এই রন্ধন-যজ্ঞে ভারতের সর্ব প্রদেশ থেকে বহুতর ভীমসেনকে পাঠাতে হবে ॥

### ‘বাঁশবনে—’

প্যারিসের এক সুবিখ্যাত ‘গুর্মে’ অর্থাৎ ‘খুশখানেওলা’ বা ভোজনরসিক একবার তুর্কীতে বেড়াতে যান । ইয়োরোপে উত্তম ভোজনের মক্কা-মদীনা যে রকম প্যারিস, এশিয়া-আফ্রিকায় সেই রকম তুর্কী । অস্তুত ইয়োরোপীয়দের বিশ্বাস তাই—যদিও আমার ব্যক্তিগত ধারণা প্রাচ্যদেশীয় ভোজন-মক্কা তুর্কী নয় দিল্লি, লখনউ, আগ্রা । কিন্তু সে-কথা থাক্ ।

প্যারিস গুর্মের কনস্তুনতুনিয়া (কনস্টানটিনোপোল) আগমন-বার্তা সেখানকার ভোজন রসিক-সমাজে ছড়িয়ে পড়তে বেশীদিন লাগল না । তাঁদের চক্রবর্তী যে পাশা ওই মার্গে বহুদিন ধরে সাধনার ফলে স্বর্গত মহামান্ন আগা খানকেও ছাড়িয়ে গিয়েছিলেন, তিনি প্যারিসের গুর্মেকে আনুষ্ঠানিকভাবে নৈশভোজনে নিমন্ত্রণ জানালেন—গুর্মেও তারই প্রতীক্ষায় প্রহর গুনছিলেন ।

সে-ভোজনের বর্ণনা দেওয়া আমার পক্ষে অসম্ভব । বরঞ্চ যে এখনও ইউরোপীয় সঙ্গীত শোনে নি, তাকে বেটোফেন সমঝাতে আমি রাজী আছি ।

গুর্মে পরের দিনই প্যারিস রওয়ানা দিলেন । তাঁর তীর্থদর্শন সমাপন হয়েছে—তিনি ত আর সিন্সোফিয়া মসজিদ দেখতে কনস্তুনতুনিয়া আসেন নি ।

প্যারিসে ফিরে যাওয়া মাত্রই সেখানকার গুর্মে-সমাজ তাঁকে শুধালে, ‘কী রকম খেলে ?’

তিনি বললেন, ‘অপূর্ব, অপূর্ব ! এ-রকম খানা এ-জন্মে কখনও খাই নি । তুর্কী গিয়ে আমার উদর ধন্য হয়েছে, আমার রসনা তার চরম মোক্ষাভ করেছে ।’

এবংকার বহুবিধ উচ্ছ্বাসিত প্রশংসার পর তিনি কিঞ্চিৎ তুক্ষীভাব ধারণ করলেন। তার পর বললেন, 'কিন্তু...'

সবাই বললে, 'কিন্তু...?'

'পদ ছিল বড় বেলী।'

ভোজন-মার্গে খারা মন্ত্রসিদ্ধ তাঁরাই শুধু এ-বাক্যের অর্থ বুঝতে পারবেন।

কেউ যখন বলে, 'ওঃ, যা থাইয়েছে! ডাল ছিল চার রকমের, পোলাও ছিল পাঁচ রকমের, অমুক ছিল তমুক রকমের—'

তখন আমার ভুরু ইঞ্চিখানেক উপরের দিকে ওঠে।

চার রকমের ডাল? লোকটা কি তবে জানে না তার বাড়িতে কোন্ ডাল সবচেয়ে ভাল রান্না হয়? আর চার রকমের ডাল এবং পাঁচ রকমের পোলাও-ই যদি আপনি খান তবে রসগোল্লা সন্দেশে পৌঁছবেন কী করে? যদি বলেন, 'কুচির পার্থক্য রয়েছে, তাই চার রকমের ডাল', তবে শুধাই সার্থক কবি সুন্দবীর বর্ণনাকালে কি পঁচিশটা বিশেষণ দিয়ে বলেন, 'কুচি-মাকিক তোমরা বিশেষণটা বেছে নাও' কিংবা চিত্রকর হুম্মানের ছবি আঁকার সময় তাঁর পশ্চাদ্দেশে পাঁচটা পাঁচ রকমের গাজ্ঞ এঁকে দিয়ে বলেন, 'পছন্দ-সই তোমার গাজ্ঞটা বেছে নাও।'

কাগজে পড়েছি ডাচেস অব উইনজার কখনও স্থপ খেতে দেন না। ডিনারের অবতরণিকায় গাদা-গুচ্ছের তরল বস্তু পেটে ঢুকিয়ে দিলে বাদ-বাকী পদ মাহুম ভাল করে খাবে কী করে? অতিশয় হক্ কথা। আমার ভাল পাচক নেই বলে আমি পারতপক্ষে কাউকে নিমন্ত্রণ করি নে। যদিষ্ঠাং করি, তবে ছোট্ট একটি টমাটো ককটেল দিই (শেবির গেলাস-ভর্তি টমাটো রস এবং দশ ফোঁটা 'মাগ্গী'—তদভাবে উন্টাস স্+চার ফোঁটা তাবাক্সো স্—তদভাবে চীনা চিলি স্—তদভাবে একটি চিমটি লাল লঙ্কাগুঁড়ো+প্রয়োজনীয় হুন। এসব ভাল করে মিশিয়ে খুববায়ের জগ্ উপরে অতি সামান্য গোল-মরিচের গুঁড়ো ভাসিয়ে দেবেন)। এটা খাণ্ড নয়—স্থুবা-উত্তেজক মাত্র।'

তবে রেস্তরায় কথ্য আলাদা। কারণ রেস্তরায় তাবং চৌষটি পদ খাবার জগ্ কেউ পীড়াপীড়ি করে না। ভোঞ্জে আপনি পদের পর পদ স্থিপ্ করতে থাকলে গৃহস্থামী তথ্য অগ্ নিমন্ত্রিতেরা সন্দ করবেন, আপনি একটা স্থব্। রেস্তরায় সে-আশঙ্কা নেই।

এবং ভাল রেস্তরায় আ লা কার্তের বাহান্ন পদ খাবার পরও গোটা তিনেক তাব্লে দোং (t b e u' i. te) বা ফিক্সড্ দামে ফিক্সড্ পদের ভোজন থাকে। যেমন মনে করুন দু টাকাত্ত আছে (১) সেলেরি স্থপ, (২) রোস্ট মাটন,

(৩) পুডিং ; আড়াই টাকাত (১) সেলেরি স্মপ, (২) বয়েলড্ ফিশ, (৩) রোস্ট মাটন, (৪) পুডিং ; এবং তিন টাকাত আছে (১) সেলেরি স্মপ, (২) বয়েলড্ ফিশ, (৩) রোস্ট চিকেন, (৪) পুডিং কিংবা আইসক্রীম ।

এই তাব্লে দোং বাতলে দেবার প্রধান উদ্দেশ্য ডোমকে বাশ-বাছতে সাহায্য করা । বিশেষ করে এই সাহায্যের প্রয়োজন মহিলাদেরই বেশী । ভুক্তভোগী মাত্রেই জানেন, মহিলারা মেহু কার্ড অর্থাৎ আ লা কার্ত হাতে নিলে পুরুষদের কী হয় । এই ফাঁকে মর্নিং ওয়াক সেরে এসে দেখবেন, ম্যাডাম তখনও মনস্থির করতে পারেন নি কোন্ স্মপ তার বিশ্বাসের ছুঁয়ে কস্মু কপ্ত পেরিয়ে লম্বোদরে বিলম্বিত হবেন । ইতিমধ্যে ওয়েটারের দাড়ি গজিয়ে গিয়েছে—দাড়িয়ে দাড়িয়ে ঘুমিয়ে পড়েছে । ঘড়ির কাঁটা পর্যন্ত ঘুমিয়ে পড়েছে—অবশ্য আসলে তা নয়, ইতিমধ্যে পাকা চকিশ ঘণ্টা পেরিয়ে গিয়েছে ।

দা-ঠাকুরের পাইস-হোটেলে মেহু বাছতে আমাদের কোনও অহুবিধে হয় না । কখন তেতো খেতে হয় আর কখনই বা টক, সে-তহু আমরা বিলক্ষণ অবগত আছি । আমাদের সময়ে পাইস হোটেলে তাব্লে দোংও থাকত । ওই জিনিস সে-দিন রান্না হয়েছে লাটে ; কাজেই সেইটে সেদিন অর্ডার দিলে ভোজনপর্ব সমাধান হত সস্তায় ।

সায়েবী হোটেলে গিয়ে আমরা পড়ি বিপদে । সে-রেশুরা যদি আবার উগ্রাসিক হয়, তবে প্রায় সমস্ত মেহুখানাই লেখা থাকে ফরাসী ভাষায় । ‘বাহুরের কাটলেট’ নাম দেখে আপনি হিন্দুস্তান আঁতকে উঠলেন, কিন্তু ওইটেই হয়ত খেতে দেখলেন আপনার মুসলমান বন্ধুকে । শুধালেন, ‘কী বস্ত ?’ বললে, ‘এক্সালপ ছ ভো ভিয়েনোওয়াজ’—তাতে বাহুরের নাম-গন্ধ নেই, ‘ভো’ যে বাহুর আপনি জানবেন কী করে ? আপনি তাই দিব্যি অর্ডার দিয়ে বসলেন । রেশুরা যদি আরেক কাঠি সরেস হয়, তবে ওই বস্তুরই নাম পাবেন জর্মনে—‘ভিনার স্নিংসেল্’ । ‘স্নিংসেল্’ অর্থ ‘এক্সালপ’, তার মানে ইংরেজীতে ‘স্ক্যালপ’, সোজা বাংলায়, ‘মাংসের টুকরো’ । ওটা কিসের মাংস তার কোনও হিন্দু ওতে নেই । শুয়োরেরও ‘স্নিংসেল্’ হয়, চীনদেশে হয়ত কুকুরেরও হয় । শুনেছি, আমাদের মুনিষ্মিরা গণ্ডার খেতেন । অহুমান করি, তাঁরা তা হলে গণ্ডারের ‘স্নিংসেল্’ খেতেন ।

আমি ইংরেজী জানি নে । মুসলমান মুক্কবীদের কাছে শুনেছি, শুয়োরের মাংসের নাম ইংরেজীতে ‘পর্ক’ এবং ওটা খাওয়া মহাপাপ । তাই ‘পর্কচপ্’ না খেয়ে আশ্বস্ত হতুম, ধর্মরক্ষা করেছি । তার পর একদিন আবিষ্কার

করলুম, 'হাম', 'বেকন' শুয়ারের মাংস, এমন কী ওই মাংসের কটলেট, সসেজও হয়—এবং মেহুতে তার উল্লেখও থাকে না। আবিষ্কারের পর অহোরাত্র জলস্পর্শ করি নি এবং মোল্লাবাড়িতে গিয়ে 'তওবা' অর্থাৎ প্রায়শ্চিত্ত করেছিলুম। মোল্লা সাক্ষ্যনা দিয়ে বলেছিলেন 'অজান্তে খেলে পাপ হয় না'। কিন্তু আমার পাপিষ্ঠ মন চিন্তা করে দেখলে, অজান্তে খেলেও স্বাদে ভাল লাগতে পারে।

কিন্তু ইংরেজী রেসুর। বাবদে আমার আপনার বিশেষ কোন হুশ্চিন্তা নেই। বন্ধুবান্ধবদের ভিতর আকছারই দু-একজন বিলেত-ফেরতা থাকেন। মেহু সযত্নে তাঁদের সুগভীর জ্ঞান দেখাবার মোকা পেয়ে তাঁরা বিমলোজ্জাস অমূভব করেন, আমরাও উপকৃত হই। ততুপরি 'বয়' যখন বিল হাজির করে, তখন আমি হঠাৎ জানলা দিয়ে প্রাকৃতিক সৌন্দর্য নিরীক্ষণ করতে থাকি—এটিকেট-হুরন্ত বিলেত-ফেরতাকেই এক্ষেত্রে বিল শোধ করতে হয়। উদাস, ভাবালু হওয়ার ভান করতে পারলে বিস্তর লাভ।

বাঙালীর দুর্বলতা আ্যাংলো-ইণ্ডিয়ান বা ইংলিশ, রান্নার প্রতি নয়—তার প্রাণ হোক হোক করে মোগলাই রান্নার জন্ত। কিন্তু মেহু পড়তে জানে না বলে যাতা অর্ডার দিয়ে বসে এবং নিতান্ত পয়সা ঢেলে দিয়েছে বলে সেটা যখন অতি অনিচ্ছায় খায়, তখন দেখতে পায়, পাশের টেবিলে এক ভাগ্যবান ঠিক সেই সেই জিনিসই পরম পরিতোষ সহকারে খাচ্ছে, যে-সব খাবার সৎ-কামনা নিয়ে সে রেসুরায় এসেছিল।

একেই বলে অদৃষ্টের নির্মম পরিহাস।

জীবনের মেজর ট্রাজেডি বা 'অদৃষ্টের নির্মম পরিহাসে'র নিষ্পট্ট যদি দিতে হয়, তবে আমার প্রথম যৌবনের প্রথম প্রিয়া যে আমাকে জিল্ট করেছিলেন সেটার উল্লেখ আমি করব না, কিন্তু এটার উল্লেখ অতি অবশ্য করব। স্বখাত্তের জিল্টিং ভোলার জন্ত একটা জাবন যথেষ্ট দীর্ঘ নয়।

বাঙালী-রান্না বললে কী বোঝায় সেটা আমরা মোটামুটি জানি, কিন্তু সব বাঙালী-রান্না এক রকম নয়। পূব আর পশ্চিম বাংলার রান্নাতে এস্তার তফাত। পূবের রান্নাতে ঝালের প্রাচুর্য, পশ্চিমের রান্নাতে চিনি। কে যেন বলেছিল, 'মাই মোটর কাব ইজ সাউণ্ড ইন্ এভ'রি পার্ট, এক্সেপ্ট ইন দি হর্ন—ঠিক সেই রকম পশ্চিম-বাংলার রান্নাতে 'সুগার ইন্ এভ'রিথিং এক্সেপ্ট ইন্ রসগোল্লা।'

সব মোগলাই রান্না এক রকমের নয়। কলকাতায় এই কয়েক বছর পূর্বেও প্রচলিত ছিল একমাত্র 'কলকাতাই মোগলাই' রান্না। হালে 'লাহোরী মোগলাই'ও

প্রচলিত হয়েছে। দেশ-বিভাগের পর লাহোর-পিঞ্জির 'শেক'রা দিল্লির কনট সার্কার্সে এসে 'পাঞ্জাবী মোগলা'ই রান্না প্রবর্তন করেন ( দিল্লীর মোগলাই এখন চাঁদনী চৌকে আশ্রয় নিয়েছে ) এবং তারই ব্রাঞ্চ এখন কলকাতা এসে পৌঁছেছে।

এ রান্নার বৈশিষ্ট্য তিনটি জিনিসে :—

( ১ ) আফগানী নান্। কলকাতার আদিম ও অকৃত্রিম নান্-রুটির ( কার্সীতে 'নান' শব্দেরই অর্থ রুটি—'নান্-রুটি' তাই ছবছ পাঁউ-রুটির মত, কারণ পতুগীজ 'পাঁউ' শব্দের অর্থ রুটি ) সন্ধে এর অতি অল্প মিল। আফগানী নান্ দৈর্ঘ্যে প্রায় এক হাত এবং আকারে অনেকটা সিংহল দ্বীপের ছায়। রুটির পাশগুলো মোলায়েম, মধ্যখানাটা বিস্কুটের মত ক্রিস্প্ ( ওই দিয়ে ভোজনের শেষ অঙ্কে দিব্য 'চীজ্ অ্যাণ্ড বিস্কিট্'ও খাওয়া যায় )। এই নান্ আপনি কতখানি মোলায়েম বা ক্রিস্প্ খেতে পছন্দ করেন সেটা দু-চার দিন খাওয়ার পরেই খান-সামাকে বলে দিতে পারবেন।

( ২ ) তন্দুরী মাছ। মাঝারি সাইজের একটা আন্ত মাছ সাক্ষুতরো করে, মসলাদি মাথিয়ে তন্দুব-( আত্ন ) এর ভিতর ঢুকিয়ে দেওয়া হয়। যখন বেরিয়ে আসে তখন মনে হয়, বোধ হয় ভালমত রান্না হয় নি। কিন্তু খেয়ে দেখবেন, অপূর্ব স্বাদ। আমাদের বাড়িতে তন্দুর নেই বলে আমরা পাঞ্জাবীদের এই 'তন্দুরী ফিশ্' অবদানটি মুক্তকণ্ঠে এবং সরস জিহ্বায় মেনে নিষেছি।

( ৩ ) তন্দুরী চিকেন্। এতে প্রায় কোনও মসলাই ব্যবহার করা হয় না বলে এ-জিনিস যত খুশি খান অস্ব্থ করবে না। অতি মোলায়েম এবং উপাদেয়। আন্ত মুগীটি হাত দিয়ে ভাঙবেন, এবং হাত দিয়েই নান্ সহযোগে খাবেন—ছুরি-কাটার পাশ মাড়াবেন না।

সন্ধে সন্ধে মাঝে মাঝে শিক কাবাব, শামী কাবাব, বড়ী কাবাব, মিশরী ( মিশরীয় ) কাবাব অল্প অল্প খেতে পারেন। একটুখানি গ্রেভি-ওলা ভিজ়ে বস্তুর প্রয়োজন হলে কোফ্-তা-নরগিস্ ( অনেকটা ডেভিলের মত ) অর্ডার দিতে পারেন। আমি কিন্তু এ-পর্বে শুকনোই পছন্দ করি।

উপরোল্লিখিত এক, দুই, তিন নম্বরের জিনিস খাস কলকাতাই মোগলাই রেস্টুরাঁয় পাবেন না। তবে শুনেছি, ইদানীং কোনও কোনও রেস্টুরাঁ চাপে পড়ে রাখতে আরম্ভ করেছেন।

এবার ভেজার পালা।

মটন পোলাও, চিকেন পোলাও, আণ্ডা পোলাও এবং মটর পোলাও। ফিশ

পোলাও অন্ন রেস্তরায় পাওয়া যায়।

এর সঙ্গে ছুনিয়ার জিনিস খেতে পারেন। কোর্শী, কালিঙ্গা, দোলমা, রেজালা যা খুশি। ধীরে ঝাল খেতে ভালবাসেন অথচ অল্পখের ভয়ে খান না, তাঁরা 'দহী-ওলা-গোশ্—অর্থাৎ দহী-মাংস (সাধারণত মটনের হয়) থাকেন। দিল্লি-ওলারা যে এত ঝাল খেয়েও কাল কাটাচ্ছে তার একমাত্র কারণ, হয় দহী-ওলা গোশ্ খায়, নয় খাওয়ার পর এক ভাঁড় টক দই খায়।

পেটটাকে যদি আরও ধাতস্থ রাখতে চান তবে থাকেন 'শাক ওলা-গোশ্—অর্থাৎ শাকের সঙ্গে মাংস। এটা শিখদের প্রিয় খাদ্য—যে রকম ওরা করেলার ভিতর কিমা মাংস পুরে দোলমা খায়।

আর ঝাল-ফর্জী, রওগন যুগ, শাহী কুর্মা এবং লাটের মাল চিকেন কারি, মটন কারি ইত্যাদি ত রয়েছেই। ভেজিটেরিয়ানদের জন্ম মটর-পোলাও এবং চীজ-আনু, কিংবা চীজ-মটব কারি। তবে মাংসহীন সাদা পোলাওয়ের সঙ্গেই চীজ-মটর ঝোল মানায় বেশী।

আমি মটর-পোলাওয়ের সঙ্গে মটন কিংবা চিকেন কারি খাই; কারণ মটন-পোলাওয়ের সঙ্গে মটন-কারিতে মটনের বাড়াবাড়ি হয়, আবার চিকেন পোলাওয়ের সঙ্গে মটন-কারিতে দুটো মাংসের ককটেলকে আমার গুবলেট বলে মনে হয়। তবে এটা নিছকই রুচির কথা। আর ভুলবেন না গ্রেভির অগ্রাচূর্ষ হলে, সব সময়ই ওটা আলাদা করে অর্ডার দেওয়া যায়।

সর্বশেষ উপদেশ, বয়স্ক ওয়েটারকে মেহু বাছাই করার সময় ভেঁক নিয়ে তার সহপদে নেবেন। না নিলে কী হয়?

এক ইংরেজ স্নব গেছেন প্যারিসের রেস্তরায়। তিনি কারও উপদেশ নেবেন না। মেহুর প্রথম পদে আঙুল দিয়ে বোঝালেন কী চাই। নিশ্চয়ই স্থপ। এল তাই। উত্তম প্রস্তাব।

তারপব আঙুল নামালেন অনেকখানি নীচে। তাবলেন মাছ, মাংস আণ্ডা কিছু একটা আসবে। এল আবার স্থপ। ইংরেজ জানতেন না, ফরাসীরা বাইশ রকমের স্থপ রাখে।

খেয়েছে! এখন কী করা যায়? আঙুল দিলেন সর্বশেষ পদে। পুড়িত্ত, কিংবা আইসক্রীম হবে।

এল খড়কে—টুথ্-পেক্ !!

## বাংলার গুণ না জার্মান গুণী

বার্লিন বিশ্ববিদ্যালয়ের হল-করিডরে দু-পিরিয়ডের মাঝখানে লেগে যায় গোক-হাটের ভিড়, কিংবা বলতে পারেন আমাদের সিনেমা-হলের সামনের জনগণ্য। তফাত শুধু এইটুকু যে, জার্মানরা আইনকানুন মেনে চলতে ভালবাসে বলে ধাক্কাধাক্কি চেঁচামেচি বড়-একটা হয় না, করিডরে ত রীতিমত উজোন-ভাটা ছুটো শ্রোতর মত ছেলেমেয়েরা চলে এক ক্লাস থেকে আরেক ক্লাসের দিকে, কিংবা ইউনিভার্সিটি-রেন্তরার দিকে অথবা কমন-রুম পানে।

তার মাঝখানে মাঝে মাঝে হঠাৎ দেখতে পেতুম বুড়া আইনস্টাইন হস্তদস্ত হয়ে ছুটে চলেছেন ক্লাস নিতে। আলুথালু কেশ, লজ্জা বেশ। কোন্ খেয়ালে মগ্ন ছিলেন খোদায় মালুম। শেষ মুহূর্তে টনক নড়েছে সেদিন তাঁর ক্লাস আছে—রুম নম্বব গিয়েছেন ভুলে, কী পড়াতে হবে তারও খেয়াল নাই। ছেলেরা সমীহভরে পথ করে দিত আর বুড়া আইনস্টাইন ঘণ্টায় ত্রিশ মাইল বেগে তাবৎ ইউনিভার্সিটি-বিল্ডিং চষে বেড়াতেন আপন রুমের সন্ধানে। মুখে শুধু ‘পারদৌ, পারদৌ’ ( মাফ করুন, মাফ করুন ), কারণ জানেন, কলিশন লাগলে দোষ তাঁরই।

অথবা দেখতে পেতুম, অর্থশাস্ত্রের বাবা কোটিল্য সমবার্ট চলেছেন হেলেহুলে। বগলে একগাদা কেতাব, তাবই ধাক্কায় টাইটা একটু বেঁকে গিয়েছে, সঙ্গে গোটা দশেক শিক্ষা-শিক্ষা। চলতে চলতেই পড়ানো চলছে। সমবার্ট আর কতদিন বাঁচবেন কে জানে, তাই—

ছেলেরা সব সমবার্টেরে ঘিরে

মাছি যেমন পাকা আমের চতুর্দিক ফিরে—

তাঁর শেষ জ্ঞানবিন্দুটুকু শুষে নিতে চায়।

কিংবা দেখতুম কাঁচাপাকা চুল, একচোখ কানা সংস্কৃতের অধ্যাপক ল্যুডার্স। তাঁর অসাধারণ পাণ্ডিত্য বেদে। মোন-জো-দড়ো সভ্যতা আর্থ, অনার্থ, না প্রাক-আর্থ, তাই নিয়ে যখন ইয়োরোপীয় পণ্ডিতেরা খুন-খারাপি করার মত অবস্থায় এসে পড়েছেন, তখন সবাই বললেন, ‘মোন-জো-দড়ো বৈদিক, না প্রাক-বৈদিক, সেকথা ঠাছর করার মত এলেম মার্শালের পেটে নেই। সেখানে পাঠাও ল্যুডার্সকে। চতুর্বেদ আর সে-সময়কার আহার-বিহার, ক্ষেত-খামার, হাতিয়ার-তলোয়ার সর্ববিষয় তাঁর নখদর্পণে। মোন-জো-দড়ো সভ্যতার গোপনতম কোণেও যদি বৈদিক সভ্যতার কণামাত্র প্রভাব গা-ঢাকা দিয়ে লুকিয়ে থাকে, তবু সে

ল্যুডার্সকে ফাঁকি দিতে পারবে না—

‘করাচী বন্দরে নেমেই ল্যুডার্স তার গন্ধ পাবেন, ওই একটি চোখ দিয়েই তাকে খুঁজে নেবেন আর ফাঁকি করে ধরে নিয়ে বিশ্বজনকে দেখিয়ে দেবেন, বেদের ইন্দ্রদেব কোন ময়ূরের প্যাঁথম পরে সেখানে ঘাপটি মেয়ে বসে আছেন।

‘আর ল্যুডার্স যদি বলেন, “না, বৈদিক সভ্যতার সঙ্গে মোন-জো-দড়োর কোনও প্রকারের যোগস্বত্র নেই,” তাহলে নাককান বুজে সেই রায় মেনে নিয়ে তাৎৎ বগড়া-কাজিয়ার উপর ধামাচাপা দিয়ে দাও।’

আইনস্টাইন, সমবার্ট, ল্যুডার্স এঁরা সব ছিলেন বিশ্ববিদ্যালয়ের স্তম্ভ, তোরণ-শিখর-বিশেষ। তা ছাড়া জ্ঞান-বিজ্ঞানের আলো স্তম্বে নেবার জন্ম বিশ্ববিদ্যালয়ের প্রাণীরে কত যে নাম-না-জানা ঘুলঘুলি গবাক্ষ ছিলেন তার হিসেব রাখবে কে ?

এঁরা যে বিশ্ববিদ্যালয়-যজ্ঞশালার প্রত্যন্ত প্রদেশে অনাবৃত উপেক্ষিত ছিলেন তা নয়, কিন্তু এঁদের সঙ্গে যোগাযোগ হতে সময় লাগত একটু বেশী। এঁদেরই একজন ছিলেন, অধ্যাপক ভাগনার, ইনি পড়াতেন বাংলা ভাষা।

জর্মন ভাষা বিশ্ববরেণ্য ভাষা। সে-ভাষা পড়বার জন্ম কলকাতা বিশ্ববিদ্যালয়ে ব্যবস্থা আছে কিনা জানি নে, কিন্তু বাংলার মত অর্বাচীন ভাষা পড়বার ব্যবস্থা যে স্কুদূর বার্লিন বিশ্ববিদ্যালয়ে আছে, এ-সংবাদ শুনে পুলকিত হয়েছিলুম।

ভাগনারের সঙ্গে আলাপ হতেই তিনি তাঁর বাড়িতে আমাকে নিমন্ত্রণ করলেন। যথেষ্ট বঙ্গভাষাভাষীর সঙ্গে তাঁর ঘনিষ্ঠ যোগাযোগ হয় নি বলে তিনি কথা কইলেন জর্মন ভাষায়, মাঝে মাঝে বাংলা মসলার ফোড়ন দিয়ে। অদ্ভুত শোনাল, কিন্তু সেই নির্বাক্তব পাণ্ডববর্জিত দেশে বিদেশীর মুখে বাংলা শুনে জানটা যে তরু হয়ে গেল, সে-কথা অস্বীকার করার উপায় নেই।

ভাগনারের বাড়ি গিয়ে দেখি, ভদ্রলোক একথানা বাংলা বই নিয়ে ধস্তাধস্তি করছেন। ভাইনে বাঁয়ে বিস্তর বাংলা অভিধান, ব্যাকরণ—এক পাশে ব্যোটলিঙ্ক-রোটের পর্বতপ্রমাণ সংস্কৃত-জর্মন অভিধান।

বাংলা অভিধানে হাদিস না মিললে সংস্কৃত দিক-সুন্দরীর ( ডিক্সনারি ) নিকট দিগ্‌দর্শন যাচঞা করবেন বলে।

ভূমিকা না করেই বললেন, ‘আমায় একটু সাহায্য করুন।’

এতদিন পর আজ আর ঠিক মনে নেই কিন্তু খুব সম্ভব গল্পটা ছিল শরৎ চাট্টোয়ার ‘ঈধারে আলো’! ‘হাবুবাবু ছোরা চালাতে শিখেছে’ এইরকম ধারা কী জানি কী একটা ছিল। যোগক্লটার্থে ‘নীলকণ্ঠ’ শিব এ-কথা ভাগনার জানতেন কিন্তু ‘হাবুবাবু’ যোগক্লটার্থে যে শাস্ত-শিষ্ট গোবেচারী—নিন্কমগুপ—সে কথাটার



সন্ধান ভাগনার কোথাও পান নি, অবশ্য আভাসে-আন্দাজে শব্দটার খানিকটে মানে আন্দাজ করে নিতে পেরেছিলেন।

কিন্তু ভাগনার দেখলুম তাঁর ওয়াটালুতে এসে ঠেকেছেন, সেই গল্পের মধ্যে বিছাপতির এক উদ্ধৃতিতে :—

“আজু রজনী হম ভাগে পোহাইছু

পেখমু শিয়া-মুখ চন্দা

জীবনযৌবন সকল করি মানমু

দশদিশ ভেল নিরানন্দা—”

আজু-কাজু, পেখমু-টেখমু খাঁটি বাংলা কথা নয়, কিন্তু হুঁশিয়ার ভাগনার কেঁদে-ককিয়ে এসব কথার মানে বেশ কিছুটা রপ্ত করে ফেলেছেন, কিন্তু ‘নিরানন্দা’ কথায় এসে যে মানে তিনি করেছেন, সেটা মন মেনে নিলেও হৃদয় ‘নিরানন্দা’ই থেকে যায়।

ভাগনাব বললেন, ‘তবে কি এই বুঝতে হবে, প্রিয়মুখচন্দ্র দর্শন করাতে আমার এতই আনন্দ হল যে, মনে হচ্ছে দশদিশ নিরানন্দ হয়ে গিয়েছে, কারণ বিশ্বপ্রকাণ্ডের সকল আনন্দ আমাতে এসে ঠাঁই নেওয়ায় “দশদিশ নিরানন্দ” হয়ে গিয়েছে?’

অভিনবগুপ্তের না হোক, অভিনব টীকা তো বটেই।

সবিনয়ে বললুম বিছাপতি বিনা টীকায় পড়ার মত বিছা আমার নেই তবে যতদূর মনে পড়ছে, কথাটা এখানে ‘নিরানন্দ’ নয়, আসলে আছে বোধ হয় ‘নিরন্দা’। আমাতে প্রিন্সাতে মিলন হয়েছে ঐক্য হয়েছে, দশদিশে আমি আর কোনও দ্বন্দ্ব দেখতে পাচ্ছি নে। যেখানে যত দ্বন্দ্ব অর্থাৎ বিরহ ছিল সেখানেই মিলন এসে গিয়েছে—দশদিশে এখন শান্তি।

আর বেদেও ত ঋষি প্রার্থনা করেছেন, ‘সর্বপ্রকারের দ্বন্দ্বের সমাধান হোক।’

ভাগনার বললেন, উত্তম প্রস্তাব। কিন্তু ছাপার ভুল হতে যাবে কেন ?

এর কোনও সত্বতর আমি দিতে পারি নি। আপনারা যদি বাতলে দেন। ঘটনাটি যে এত সবিস্তর বয়ান করলুম তার ‘মরাল’ কী ?

সুকুমারী ভাষায় বলি :—

‘হাসতে হাসতে যারা হচ্ছে কেবল সারা

রাম্গুরুড়ের লাগছে ব্যথা

বুঝে না কি তারা ?’

প্রকাশক আর ছাপাখানা যে 'নিরঙ্ঘা' হয়ে ছাপার তুল করেই যাচ্ছেন, 'ভাগনারেই লাগছে ব্যাখা, বুঝছে না কি তারা?'

### শিক্ষা প্রসঙ্গ

কিছুকাল আগে বোম্বায়ে প্রদত্ত এক বক্তৃতায় শ্রীযুক্ত রাধাকৃষ্ণ বলেন, এদেশের সবচেয়ে বড় কর্তব্য আপামরজনসাধারণের ভিতর শিক্ষার প্রচার ও প্রসার করা এবং বেকার-সমস্যার নিরঙ্ঘ শমাধান করা।

এ অতি সত্য কথা—এমন কি পৃথিবীর বর্ষরতম দেশও এ-তদ্ব মেনে নেবে। কিন্তু প্রশ্ন, শিক্ষার বিস্তার এবং প্রসার করা যায় কী প্রকারে? পূর্ববঙ্গে একটি প্রবাদ আছে :—

‘যত টাকা জমাইছিলাম

সুটকি মাছ থাইয়া

সকল টাকা লইয়া গেল

গুলবদনীর মাইয়া।’

যত রকমের খাজনা হতে পারে, যত প্রকারের শাস্তি অশাস্তি ট্যাক্স চতে পারে সবই ত চাঁদপানা মুখ করে দিচ্ছি। সরকারের হাতে সে-টাকা জমা হচ্ছে এবং তার বেবাক খরচ হয়ে যাচ্ছে এ-খাতে ও-খাতে সে-খাতে, অর্থাৎ গুলবদনীর মাইয়াই সব টাকা নিয়ে যাচ্ছে, শিক্ষা-বিস্তারের জগৎ যে-অর্থের প্রয়োজন তার শতাংশের এক অংশও উদ্বৃত্ত থাকছে না।

কাজেই গ্রামে গ্রামে পাঠশালা খুলি কী করে, পুরনোগুলিই বা চালু রাখি কোন্ কোশলে?

কিন্তু আমার মনে হয় পুরনো স্কুল চালু রাখা আর নতুন স্কুল খোলাই শিক্ষা বিস্তারের জগৎ প্রধান কর্ম নয়।

অভিজ্ঞতা থেকে দেখা গিয়েছে, কোন বিশেষ গ্রামে গত পঞ্চাশ বৎসর ধরে একটি ভাল পাঠশালা উত্তমরূপে চালু আছে, প্রতি বৎসর দশ বারোটি ছেলে শেষ পরীক্ষা পাস করে বেরিয়ে যাচ্ছে, কেউ কেউ বৃত্তিও পাচ্ছে, কিন্তু তবু যে-কোনও সময় আপনি সে-গ্রামে গিয়ে যদি হিসেব নেন, কটি ছেলে লিখতে পড়তে পারে, তবে দেখবেন দশ-বারোটির বেশী না; বাদবাকী আর সবই লেখা-পড়া ভুলে গিয়েছে এবং যে দশ-বারোটি কেঁদে-ককিয়ে পড়তে পারে তারাও শীঘ্রই সম্পূর্ণ নিরঙ্ঘ হয়ে যাবে। অবশ্য আমি এস্থলে সাধারণ চাষা-মজুরের

কথাই ভাবছি—মধ্যবিত্ত কিংবা বিত্তশালী পরিবারের কথা উঠছে না।

এর কারণ অহুসঙ্কান করলে দেখতে পাবেন—আমরা চাষার ছেলে-মেয়েদের লেখাপড়া শিখিয়ে দিয়ে ভাবি, আমাদের কর্তব্য শেষ হয়ে গিয়েছে, কিন্তু এ-কথা ভাবি নে, তারা পরীক্ষায় পাস করার পর পড়বে কী! তারা যে পুনরায় নিরক্ষর হয়ে যায় তার একমাত্র কারণ তাদের কাছে পড়বার মত কিছু থাকে না।

ইয়োরোপের চাষা মজুর আমাদের মত গরিব নয়। তারা যে নিরক্ষর হয়ে যায় না, তার একমাত্র কারণ তারা খবরের কাগজ পড়ে এবং মেয়েরা ক্যাথলিক হলে প্রেয়ার বুক আর প্রটেষ্ট্যান্ট হলে বাইবেল পড়ে। অবসর-সময়ে হয়ত একখানা নভেল কিংবা ভ্রমণ-কাহিনী পড়ে, কাজ না থাকলে হয়ত তারা চিঠি-চাপাটিও লেখে, কিন্তু এগুলো আসল কারণ নয়—আসল কারণ খবরের কাগজ, প্রেয়ার বুক এবং বাইবেল।

স্পষ্ট দেখতে পাচ্ছি, আমাদের চাষা খেতে পায় না, সে খবরের কাগজ কিনবার পয়সা পাবে কোথায়?

তাই দেখতে পাবেন, যে-চাষা কোন গতিকে তার ছেলেকে পাঠশালা পাসের সময় একখানা রামায়ণ কিংবা মহাভারত কিনে দিতে পেরেছিল তাব বাড়িতে তবু কিছুটা সাক্ষরতা বেঁচে থাকে। এই আংশিক বাঁচাও তাটা কিন্তু প্রধানত বাংলা দেশে। হিন্দীভাষীদের তুলসী রামায়ণ পড়ে সে-লাভ হয় না, কারণ তুলসীদাসের ভাষা আর আধুনিক হিন্দীতে প্রচুর তফাত। তুলসীদাসের ভাষা দিয়ে আজকের দিনে চিঠি লেখা যায় না—কাশীরাম কিংবা কুন্তিবাসের ভাষার সঙ্গে কিন্তু আধুনিক বাংলার খুব বেশী পার্থক্য নেই।

তাই দেখতে পাবেন মুসলমান চাষা পাঠশালা পাসের পর খুব শিগগিরই নিরক্ষর হয়ে যায়, কারণ সে রামায়ণ-মহাভারত পড়ে না এবং বাংলা ভাষায় এ-রকম ধরণের সহজ সরল মুসলমানী ধর্মপুস্তক নেই। ভারতবর্ষের ভিন্ন ভিন্ন প্রদেশে পরিস্থিতিটা কী রকম তার খবর আমার জানা নেই, তবে আমার দৃঢ় বিশ্বাস এর পুঙ্খানুপুঙ্খ অহুসঙ্কান করলে আমরা শিক্ষাবিস্তারের জগ্ন বিস্তর হৃদিস পাব।

তা হলে এমুখু কী?

যে-উত্তর সকলের প্রথম মনে আসবে সে হচ্ছে, গ্রামে গ্রামে লাইব্রেরি বসানো। কিন্তু অত টাকা বোগাবে কোন্ গোঁরী সেন? সরকার ত দেউলে। তা হলে?

এইখানে এসে আমিও আটকা পড়ে যাই। স্পষ্ট দেখতে পাচ্ছি নতন ইঙ্কল

খোলার চেয়েও বড় কাজ, পড়ার জিনিস সাক্ষর ছেলেমেয়েদের হাতে দেওয়া—বিনি পয়সায় কিংবা অতি অল্প দামে।

আমি বহু বৎসর ধরে এ-সমস্যা নিয়ে মনে তোলপাড় করেছি, বহু গুণীর সঙ্গে আলোচনা করেছি, দেশ-বিদেশে উন্নত অন্নত সমাজে অনুসন্ধান করেছি—তার এ-সমস্যার সমাধান কী প্রকারে করে, কিন্তু কোন ভাল ওষুধ এখনও খুঁজে পাই নি। আমার পাঠকেরা যদি এ-সম্পর্কে তাঁদের স্মৃতিস্তিত অভিমত আমাকে জানান, তবে তার আলোচনা করলে আমরা লাভবান হব সন্দেহ নেই।

অল্প এক বক্তৃতায় শ্রীযুক্ত রাধাকৃষ্ণ বলেন, আমাদের বিশ্ববিদ্যালয়সমূহের কর্তব্য ছাত্রদের ‘স্পিরিচুয়াল’ ডিরেকশান দেওয়া।

আমার মনে হয়, এইমাত্র আমরা যে-সমস্যা নিয়ে বিব্রত হয়েছিলুম সেই সমস্যারই এ আরেকটা দিক।

‘স্পিরিচুয়াল’ বলতে শ্রীরাধাকৃষ্ণ নিশ্চয়ই ‘রিলিজিয়ান’ বলতে চান নি—তাহলে হাক্কা অনেকখানি কমে যেত—তাই মোটামুটি ধরা যেতে পারে, তিনি আমার প্রয়োজনের দিকটাতেই ইঙ্গিত করেছেন।

বিশ্ববিদ্যালয়ের অল্পতম প্রধান কর্ম ছাত্রকে তার দেশের বৈদগ্ধ্যের সঙ্গে সংযুক্ত করা এবং এ-বিষয়ে কোন সন্দেহ নেই যে, ভারতীয় বৈদগ্ধ্য আত্মার কুন্নিবৃত্তির জন্য প্রয়োজনের অধিক স্হাহু আহাৰ্য রয়েছে। কাজেই ধরে নেওয়া যেতে পারে, অধ্যাপকেরা যদি ছাত্রকে ভারতীয় বৈদগ্ধ্যের প্রতি অনুসন্ধিস্থ করতে পারেন, সে-বৈদগ্ধ্যের উত্তম উত্তম বস্তুর রসাস্বাদ করাতে শেখান, তবে ছাত্র নিজের থেকেই তার প্রয়োজনীয় আধ্যাত্মিক ধন চিনে নিতে পারবে। সকলেরই কাজে লাগবে এমন মুষ্টিযোগ যখন মুষ্টিগত নয়, তখন ছাত্রের সামনে গন্ধমান রাধা ছাড়া উপায় নেই—যে যার বিশল্যকরণী বেছে নেবে।

কিন্তু সমস্যা তৎসঙ্গেও গুরুতর। ছেলেদের পড়তে দেব কী? ভারতীয় বৈদগ্ধ্যের শতকরা পঁচানব্বই ভাগ সংস্কৃত-পালিতে, তিন ভাগ ইংরেজীতে, আর মেরে কেটে ছুতাং বাংলায়। অথচ আজকের দিনে সব ছেলেকে ত আর জোর কবে বি. এ অনার্স অবধি সংস্কৃত পড়াতে পারি নে। এবং তাতেই বা কী লাভ? কজন সংস্কৃত অনার্স গ্র্যাজুয়েটকে অবসরসময়ে সংস্কৃত বইয়ের পাতা ওপঁটাতে আপনি আমি দেখেছি? সংস্কৃত গড় গড় করে পড়া শিখতে হলে টোল ছাড়া গত্যস্তর নেই।

অতএব মাতৃভাষাতেই আমাদের বৈদগ্ধ্যার্চা করতে হবে।

এবং সেখানেই চিন্তির। আজ যদি আপনি বেদ, উপনিষদ, বড়দর্শন, কাব্য,

অলঙ্কার, নৃত্যনাট্য-সঙ্গীতশাস্ত্র বাংলা অহুবাদে পড়তে চান তবে একবার ঘুরে আসুন কলেজ স্কয়ারে বইয়ের দোকানগুলোতে। যে-সব বইয়ের বাংলা অহুবাদ হয়ে গিয়েছে সেগুলোই যোগাড় করতে গিয়ে আপনাকে চোখের জলে নাকের জলে হতে হবে।

আর কত শত সহস্র পুস্তক যে আপনার পড়তে ইচ্ছা হবে, অথচ অহুবাদ নেই তার হিসেব করবে কে ?

হিন্দীওয়ালাদের ত আরও বিপদ। আমাদের চেয়ে ওদের অহুবাদ-সাহিত্য অনেক বেশী কম-জোর। এই দিল্লির কনট সার্কাসে আমি হিন্দী বইয়ের দোকানে সার্কাসের ঘোড়ার মতই চকর লাগাই—আজ পর্যন্ত কোন সংস্কৃত বইয়ের উত্তম হিন্দী অহুবাদ চোখে পড়ল না, যেটি বাড়িতে এনে রসিয়ে রসিয়ে পড়ি।

মারাঠী ভাষায় তবু কিছু আছে, গুজরাতীতে তারও কম। আসামীতে প্রায় কিছুই নেই, ওড়িয়ার খবর জানি নে—তবে যেহেতু শিক্ষিত আসাম এবং উড়িষ্যা-সম্ভান মাত্রই বাংলা পড়তে পারেন তাই তাঁদের জগৎ বিশেষ দৃষ্টিস্তা করতে হবে না।

মোদন কথায় কিরে যাই। রাধাকৃষ্ণ ত দায় চাপিয়েছেন বিশ্ববিদ্যালয়ের উপর অর্থাৎ অধ্যাপকদের উপর। কিন্তু হায়, তাদের ত দরদ নেই এসব জিনিসের প্রতি। আর স্বয়ং রাধাকৃষ্ণের যদি দরদ থাকত তবে তিনি বিশ্ববিদ্যালয় ছেড়ে উপরাষ্ট্রপতি হতে গেলেন কেন ??

### পোলেমিক

কলকাতাতে বর্ষা বসন্ত আছে বটে, কিন্তু তাতে করে কলকাতাবাসীর জীবন-যাত্রায় কোনও প্রকারের কেঁরফার হয় না। হৈ-ছল্লোড়, পাটপরব, কেনাকাটা, মারামারি একই ওজনে চলে। দিল্লিতে কিন্তু ভিন্ন ব্যবস্থা। এখানে দুই ঋতু—গ্রীষ্ম আর শীত। শীতকালে এস্তার দাওয়াত-নেমস্তন্ন, দিনে দশটা করে মীটিং, হুপায় দুটো বরে আর্ট প্রদর্শনী, আজ ভরতনাট্যম, কাল কথাকলি, পরশু রেহুদী মেহুহিন, আর এক গাদা সঙ্গীত সম্মেলন, কবিসঙ্কম, মুশাইরা। গ্রীষ্মকালে এ-সব-কিছুতে মন্দা পড়ে যায়, শুধু যে সব দেশের বাৎসরিক পরব গরমে পড়েছে, সে সব দেশের রাজদূতেরা বাধ্য হয়ে “রিসেপশন” দেন, আর সবাই শার্ক স্কিন আর কালো বনাতের মধ্যখানে প্রচুর পরিমাণে ঘামেন। পাটিগুলোর জলুসেরও খোলতাই হয় না, কারণ ডাকসাইটে সুন্দরীরা পাহাড়-পর্বতে ঘুরতে গেছেন—

পাটিতে যদি রক্তবেরঙের শাড়ির ব্যবহারই না থাকল তবে সে-পাটি অতি নিরামিষ ( নিরসু ত বটেই ; এসব পাটিতে জল মানা )। তাই পাঁচজন পাটি থেকে ভদ্রতা রক্ষা করেই তাড়াতাড়ি কেটে পড়েন।

এসব হল নিউ দিল্লির কাহিনী। পুরানী দিল্লিতে কিন্তু একটা জিনিসের অভাব কখনও হয় না। প্রায় প্রতিদিনই কোন-না-কোন নাগরিককে অভিনন্দন করার জন্য কোন-না-কোন পার্কে তাঁবু আর শামিয়ানা খাটিয়ে, দিগ্বিড়িঙ্গে লাউডস্পীকার বুলিয়ে যা চেলাচেলি আরম্ভ হয় তাতে পাড়ার লোক ত্রাহি ত্রাহি ডাক ছাড়ে—দরজা জানলা বন্ধ কবে একে অস্ত্রের সঙ্গে কথা পহুস্ত কওয়া যায় না।

এ-রকম একটা অভিনন্দন-পাটিতে আমি দিনকয়েক পূর্বে গিয়েছিলুম। যে দুজনকে অভিনন্দন করা হল, আমি তাঁদের নাম শুনি নি, দিল্লির কজন লোক তাঁদের নাম শুনেছে তাও বলতে পারব না।

দুজনারই যে প্রশস্তি গাওয়া হল, তা শুনে আমার বিজ্ঞাসাগর মহাশয়ের একটি ছোট লেখার কথা মনে পড়ল। এ লেখাটি সচরাচর কেউ পড়েন না বলে উদ্ধৃতির প্রলোভন সঞ্চার করতে পারলুম না।

‘কবিকুলতিলকশ্রু কস্তচিতং উপযুক্ত ভাইপোশ্রু’ এই ছদ্মনামে বিজ্ঞাসাগর মহাশয় লিখেছেন :—

‘আমি এ স্থলে—নাথ বিজ্ঞারত্নকে নদিয়ার চাঁদ বলিলাম। কিন্তু শ্রীমতী যশোহরহিন্দুধর্মরক্ষিনীসভাদেবী—মোহন বিজ্ঞারত্নকে নবদ্বীপচন্দ্র অর্থাৎ নদিয়ার চাঁদ বলিয়াছেন। উভয়েই বিজ্ঞারত্ন উপাধিদারী, উভয়েই স্ব স্ব বিষয়ে সর্বপ্রধান বলিয়া গণ্য, বিজ্ঞাবুদ্ধির দৌড়ও উভয়ের একই ধরনের। সুতরাং উভয়েই নবদ্বীপ-চন্দ্র অর্থাৎ নদিয়ার চাঁদ বলিয়া প্রতিষ্ঠিত হবার যোগ্য পাত্র, সে বিষয়ে সংশয় নাই কিন্তু এ পর্যন্ত এক সময়ে দুই চাঁদ দেখা যায় নাই। সুতরাং একজন বই, দুইজনে নদিয়ার চাঁদ হওয়ার সম্ভাবনা নাই। কিন্তু উভয়ের মধ্যে একজন একবারেই বঞ্চিত হইবেন, সেটাও ভাল দেখায় না ; এবং ঐ উপলক্ষে দুজনে হুড়হুড়ি গুঁতাগুঁতি করিয়া মরিবেন সেটাও ভাল দেখায় না। এজন্য আমার বিবেচনায় সমাংশ করিয়া দুজনকেই এক এক অর্ধচন্দ্র দিয়া সন্তুষ্ট করিয়া বিদায় করা উচিত। শ্রীমতী যশোহরহিন্দুধর্মরক্ষিনীসভাদেবী আমার এই পক্ষপাতবিহীন কয়লা ঘাড় পাতিয়া লইলে আর কোনও গোলযোগ বা বিবাদ বিসংবাদ থাকে না। এক্ষণে তাঁর যেরূপ মরজি হয়।’

নিত্য নিত্য কারণে-অকারণে হৈ ছল্লোড় করার অভ্যাস দিল্লিবাসী বাঙালীর

উপরও বেশ কিছুটা প্রভাব বিস্তার করেছে। আজ এখানে সাহিত্যসভা, কাল এখানে বর্ষামঙ্গল প্রায়ই এসব 'পরব' হয়।

এবং অনেক সময় মনে হয়েছে, এ-সব পরবে সত্যকার কাজ যেন ঠিকমত হচ্ছে না।

তাই আমি চেষ্টা করেছি, ছোট গল্পের ভিতর অল্প সংখ্যক লোক নিয়ে প্রতি সপ্তাহে কিংবা প্রতি পক্ষে "স্টাডি সার্কেল" বসাবার, কিন্তু দুঃখের বিষয় এ-যাবৎ কৃতকার্য হতে পারি নি। আমার বয়স হয়েছে তদুপরি আমি খ্যাতনামা সাহিত্যিক নই, কাজেই আমার দ্বারা এ-জাতীয় প্রতিষ্ঠানের পত্তন সম্ভবপর নয়, অথচ এর প্রয়োজন আমি স্পষ্ট বুঝতে পারছি।

কেন্দ্র হিসাবে দিল্লির মাহাত্ম্য ক্রমেই বাড়ছে। কেন্দ্রের হাতে অর্থ আছে এবং সে-অর্থের কিছুটা প্রাদেশিক সরকারও পান—সাহিত্য এবং সাহিত্যিকদের সেবার্থে। বাংলার প্রাদেশিক সরকার কেন্দ্রের কাছ থেকে বাংলা সাহিত্যের জন্ত কত টাকা বাগাতে পারবেন, সে তাঁরা জানেন, কিন্তু আমরা যারা দিল্লিতে আছি, এ বাবদে আমাদেরও যথেষ্ট কর্তব্য আছে। আমরা যদি ছোট ছোট কর্মঠ সাহিত্য-প্রতিষ্ঠান গড়ে তুলতে পারি, তবে শেষ পর্যন্ত আমাদের কর্মতৎপরতা কর্তৃপক্ষের দৃষ্টি আকর্ষণ করবেই। আজ যে বাংলা সাহিত্যের প্রতি আমাদের দরদের অভাব, তার প্রধান কারণ আমরা সাহিত্যের সত্যকার চর্চা করি নে।

তার অন্ততম জাজ্জল্যমান উদাহরণ, দিল্লি বিশ্ববিদ্যালয়ে এখন আমরা বাংলা ভাষা এবং সাহিত্যের জন্ত কিছুই করে উঠতে পারি নি, অথচ সেখানে রুশ ভাষা শেখাবার ব্যবস্থা হয়ে গিয়েছে।

এদিকে আবার দিল্লিতে ব্যাঙের ছাতার মত একটা জিনিস বড় বেশী গজাচ্ছে। এঁরা হচ্ছেন আট ক্রিটিক সম্প্রদায়। এঁরা ছবি বোঝেন, মেমুহিন শোনেন, আবার আলাউদ্দীন সায়েবকেও হাততালি দেন; এঁরা ভারতনাট্যম আব মণিপুরী নিয়ে কাগজে কপচান, চীনা সেরামিক এবং দক্ষিণ-ভারতের ব্রোঞ্জ সম্বন্ধে এঁদের 'জ্ঞানে'র অন্ত নেই।

এঁদের একজন ত সবজাস্তা হিসেবে এক বিশেষ গণ্ডিতে রাজপুত্রের আদর পান, বিলক্ষণ দু পয়সা তাঁর আয়ও হয়। তাহোক, আমার তাতে কণামাত্র আপত্তি নেই—পারলে আমিও তাঁর ব্যবসা ধরতুম।

কিন্তু আমার দুঃখ ভদ্রলোকটি বড়ই বাংলা এবং বাঙালী-বিষেবী। অবনীন্দ্রনাথ, গগনেন্দ্রনাথ, নন্দলাল এবং তাঁদের শিষ্য-উপশিষ্যেরা যে 'বেঙ্গল স্কুল' গড়ে তুলেছেন, সেটাকে মোকা পেলেই এবং মাঝে মাঝে না পেলেও বেশ কড়া

কড়া কথা শুনিয়ে দেন।

তঁার মতে যামিনী রায়, যামিনী রায়, এবং আবার যামিনী রায়। বাংলা দেশের আর সব মাল বরবাদ, রন্ধী।

ইনি যে সব 'আর্ট সমালোচনা' প্রকাশ করেন, তার সুস্পষ্ট প্রতিবাদ হওয়া উচিত। যারা এসব জিনিসের সত্য সমঝদার, তঁাদের উচিত বেরিয়ে এসে আপন দেশের স্বসন্তানদের কীর্তি বার বার স্বীকার করা। 'ডেকাডেন্স' বা 'গোল্লায় যাওয়ার' অন্ততম লক্ষণ আপন দেশের মহাজনকে অস্বীকার করা বা খেলো করে দেখানো।

এ-জাতীয় লেখাকে 'পোলেমিক' বলে—বাংলায় 'মসীযুদ্ধ' বলতে পারি। এবং মসীযুদ্ধে বাঙালীব পর্বতপ্রমাণ ঐতিহ্যসম্পদ আছে। ভারতচন্দ্রের পঞ্চময় পোলেমিক, আর বাঙলা গল্প ত আরম্ভ হল খাঁটি মসীযুদ্ধ দিয়ে। রামমোহন ত কলমের লড়াই লড়লেন, হিন্দু মুসলমান খ্রীষ্টান সম্প্রদায়ের গোঁড়াদের সঙ্গে। তার পরের বাঘ বিছাসাগর। তিনি যে পোলেমিক লিখেছেন, সে-লেখা লিখতে পারলে পৃথিবীব বড় আইনজীবী নিজেকে ধ্বংস মনে করবেন—অধমের মতে পোলেমিকে বিছাসাগর মশাই মিলটনের বাড়ি। আর মসীযুদ্ধে ব্যঙ্গ কী করে প্রয়োগ করতে হয় তাব উদাহরণ ত আপনারা একটু আগে 'অর্ধচন্দ্র' দানে স্পষ্ট দেখতে পেলেন। তারপর তিন নম্বরের মল্লবীর বন্ধিম। তিনি হেষ্টি সাহেবের ( নাম ঠিক মনে নেই ) বিরুদ্ধে সনাতন হিন্দুধর্মের হয়ে যে লড়াই লড়লেন সে ত অতুলনীয়। বরঞ্চ বলব, 'কৃষ্ণচরিত্র'-এর চেয়েও বড় ক্যানভাসে কাজ করেছেন বন্ধিম এ-মসীযুদ্ধে এবং এ-সত্যও আজ স্বীকার করব যে, আজ যদি কোন হেষ্টি পুনরায় দেখা দেয় তবে তার সঙ্গে ও-রকম পাণ্ডিত্য আর ইংরেজী জ্ঞান নিয়ে ( এখানে সাহিত্যিক বন্ধিমের কথা হচ্ছে না—সে-সাহিত্যিক যে নেই সে-কথা ইস্কুলের ছোঁড়ারা পর্যন্ত জানে ) লড়নেওলা আজ বাংলা দেশে নেই।

তারপর রবীন্দ্রনাথ, তিনিও কম লড়েন নি। তবে তঁার র্কাচবোধ বিংশ শতাব্দীর ছিল বলে তঁার লেখাতে ঝাঁজ কম, কিন্তু ইংরেজের বিরুদ্ধে লেখা চিঠিতে কী তিক্ততা, কী ঘেমা!

গল্প শুনেছি উর্দুর কবি-সম্রাট গালিব সাহেব তঁার প্রতিদ্বন্দ্বী জওক সাহেবের একটি দোহা মুশাইরায় ( কবি-সঙ্গমে ) শুনে বার বার জওককে তসলীম করে বলেছিলেন, 'আপনি দয়া করে ওই দুটি ছত্র আমায় দিয়ে দিন, আর তার বদলে আমি আমার সম্পূর্ণ কাব্য আপনাকে দিয়ে দিচ্ছি।'

রবীন্দ্রনাথের ওই শেষ চিঠির পরিবর্তে পৃথিবীর যে-কোন পোলেমিস্ট তঁার সব পোলেমিক দিতে সোচ্চারে প্রস্তুত হবেন।



শরৎচন্দ্র যদি তাঁর মসীযুদ্ধ রবীন্দ্রনাথের সঙ্গে না করে সে-যুগের আর যে-কোন লোকের সঙ্গে করতেন, তবে তিনিও মসীযোদ্ধা হিসেবে নাম কিনে যেতে পারতেন।

তাঁর 'নারীর মূল্য' পোলেমিকের প্রথম চাল। বাংলা দেশ এ-পুস্তকের বিরুদ্ধে কলম ধরলে তিনি যে কী মাল ছাড়তেন, তার কল্পনা করতেও আমি ভয় পাই। ধর্মে বিবেকানন্দ পোলেমিস্ট, ব্যঙ্গকবিতায় দ্বিজেন্দ্রলাল।

এতখানি ঐতিহ্য থাকা সত্ত্বেও কোনও বাঙালী এই সব ভুঁইফোড় 'আর্ট ক্রিটিক'দের জোরসে ছ-কথা শুনিয়ে দেয় না কেন ??

### চরিত্র-বিচার

অঙ্কশাস্ত্রে প্রগ্ন ওঠে না, এ-বাবদে আপনার কিংবা আমার অভিজ্ঞতা কী। রস-নির্মাণে ঠিক তার উল্টো। সেখানে লেখক আপন অভিজ্ঞতা থেকে চরিত্র নির্মাণ করেন, আর পাঠক আপন অভিজ্ঞতা দিয়ে সেটাকে অল্পবিস্তর যাচাই করে নেন। কিন্তু যখন কোনও জাতির চরিত্র নিয়ে আলোচনা হয় তখন সেটাকে একদিক দিয়ে যেমন অঙ্কশাস্ত্রের মত নৈর্ব্যক্তিক করা যায় না, ঠিক তেমনি সেটাকে সম্পূর্ণ নিজের অভিজ্ঞতার উপরও ছেড়ে দেওয়া যায় না। এবং তখন আবার এ-প্রগ্নও ওঠে যে-সব লোক এ-আলোচনায় যোগ দিলেন তাঁদের অভিজ্ঞতা এ-বাবদে কতখানি।

আমার অতি সামান্য আছে। তাই এই ভূমিকা দিয়ে আরম্ভ করতে হল। এবং অহুরোধ, নিজের অভিজ্ঞতার দোহাই যদি মাত্রা পেরিয়ে যায় তবে যেন পাঠক অপরাধ না নেন। সেটা সম্পূর্ণ অনিচ্ছায়। 'বাঙালীচরিত্র' সম্বন্ধে যদি প্রামাণিক পুঁথি-প্রবন্ধ থাকত, তবে তারই উপর নির্ভর করে আলোচনা অনেকখানি এগিয়ে যেতে পারত। তা নেই। বস্তুত আমাদের অভিজ্ঞতা সঞ্চিত হয় অল্প প্রদেশের লোক দ্বারা বাঙালী সম্বন্ধে অরূপণ, অকরণ নিন্দাবাদ থেকে। যথা 'বাঙালী বড় দস্তী', 'বাঙালী অল্প প্রদেশের সঙ্গে মিশতে চায় না'। সহৃদয় মস্তব্য যে একেবারেই স্তনতে পাওয়া যায় না, তা নয়—যেমন স্তনবেন, 'বাঙালী মেয়ে ভাল চুল বাঁধতে জানে,' কিংবা 'ব্যবসায়ে বাঙালীকে ঘায়েল করা (অর্থাৎ ঠকানো) অতি সরল'।

আমি ভারতবর্ষের সব প্রদেশেই বাস করেছি। দিল্লিতেই প্রায় চার বৎসর ছিলুম। চোখ-কান খোলা-খাড়া না রাখলেও সেখানে আপনাকে অনেক ধরনের অনেক গুজব শুনতে হয়।

বাঙালীর প্রতি আপনার যদি কোনও দরদ থাকে তবে কিছুদিনের মধ্যেই আপনি কতকগুলি জিনিস বুঝে যাবেন।

(১) সিদ্ধী পাঞ্জাবী দেশহারা হয়ে দিশেহারা হয় নি। সিদ্ধীরা বোম্বাই অঞ্চলে, পাঞ্জাবীরা দিল্লী অঞ্চলে আপন ব্যবসা-বাণিজ্য দিব্য গোছগাছ ছিমছাম করে নিয়েছে। বরঞ্চ অনেক স্থলে এদের সুবিধেই হয়েছে বেশী। একটু উদাহরণ দিচ্ছি। দিল্লির কনট সার্কাস থেকে মুসলমান হোটেলওয়ালারা চলে যাওয়াতে সেখানে পাঞ্জাবীরা গাদা গাদা রেন্টরাঁ খুলেছে। ফলে খাম দিল্লির মোগ্লাই রান্না সেখান থেকে লোপ পেয়েছে—এখন যা পাবেন সে বস্ত্র পাঞ্জাবী রান্না, লাহোর অঞ্চলের। ( দিল্লির রান্নার কাছে সে রান্না অজ্ঞ পাড়াগেয়ে। ) এই পাঞ্জাবীদের প্রতি আমার শ্রদ্ধার অন্ত নেই। এদের কেউ কেউ পারমিট-গিরমিট ব্যাপারে আমার কাছে দৈবেদ্যে সাহায্য নিতে এসেছে—কিন্তু কখনও হাত পাতে নি। এরা যা খাটছে এবং খেটেছে তা দেখে আমি সর্বাঙ্গকরণে এদের কল্যাণ এবং শ্রীবৃদ্ধি কামনা করেছি।

তাই অতিশয় সভয়ে শুধাই, পূর্ব-বাংলাব লোক পশ্চিম-বাংলায় এসে অনেক করেছে, কিন্তু পাঞ্জাবী-সিদ্ধীরা যতখানি পেবেছে ততখানি কি তাদের ছাড়া হয়েছে? এ বড় বে-দরদ এবং বেয়াদব প্রশ্ন। পূর্ববঙ্গবাসীরা এ প্রশ্নে আমাব উপর চটে গিয়ে অনেক কড়া কড়া কথা শুনিয়ে দেবেন। আমি নতশিরে সব উত্তর মেনে নিচ্ছি এবং এ-স্থলে আগেভাগেই বলে রাখছি, আমি তাদের উকিল হয়েই এ-আলোচনা আরম্ভ করেছি, তাদেরই সাফাই গাইবাব জন্ত। একটু বৈধ ধরুন।

(২) চাকরি যেখানে ব্যক্তিবিশেষ কিংবা ব্যবসাবিশেষের চাকরি, সেখানে সে-চাকরির মূল্য চাকুরের পক্ষে যথেষ্ট কিন্তু দেশের পক্ষে তা যৎসামান্য। কিন্তু চাকরি যখন কেন্দ্রীয় সরকারের অধীনে হয়, তখন তার গুরুত্ব অসাধারণ। সকলেই জানেন, দেশের শ্রীবৃদ্ধি ও কল্যাণের জন্ত কেন্দ্রীয় সরকারের সম্মুখে অনেকগুলো বিরাট বিরাট পরিকল্পনা রয়েছে। এ-সব পরিকল্পনা ফলবতী করার দায়িত্ব শেষ পর্যন্ত বর্তায় কেন্দ্রীয় সরকারী কর্মচারীদের উপর।

তাই প্রশ্ন, এই সব চাকরি পাচ্ছে কজন বাঙালী? পূর্বের তুলনায় এদের উপস্থিত বেশি যো কী? পূর্বের তুলনা বাদ দিলেও, প্রাদেশিক জনসংখ্যার হিসাবে তারা তাদের শ্রায্য হক্গত বেশি যো পাচ্ছে কি?

দিল্লি বাসী বাঙালী মাজ্ই একবাক্যে তারশ্বরে বলবেন, 'না, না, না।' পরশ্রী-কাতর অবাঙালীও সে-শ্রকতানে যোগ দেন। মনে মনে হয়ত বলেন, 'ভালই হয়েছে।' তা সে-কথা থাক্।

কেন পায় নি তার জগ্গ আমি কেন্দ্রীয় সরকারকে দোষ দেব না। দোষ বাঙালীর। কে কেন পারলে না, সে সাক্ই গাইবার জগ্গই এ-আলোচনা। একটু ধৈর্য ধরুন।

(৩) অথচ দ্রষ্টব্য, দিল্লির সাংস্কৃতিক মজলিসে বাঙালী এখনও তার আসন বজায় রাখতে পেরেছে। এই কিছুদিন পূর্বেই শত্ৰু মিত্র দিল্লিতে যা ভেঙ্কি বাজি দেখালেন সে-কেরামতি সম্পূর্ণ অবিখ্যাস্ত। অল্পের ভিতর লিটল থিয়েটার চালান চাটুর্ঘ্যে। দিল্লিতে যাবতীয় চিত্র-ভাস্কর্য প্রদর্শনী হয় বাঙালী উকীল বাবুর তাঁবুতে। গাওনা-বাজনাতে বাঙাল আলাউদ্দীন সায়েব—রবিশঙ্করের কথা নাই বা তুললুম। শিক্ষাদীক্ষায় মৌলানা আজাদ সায়েব। সাহিত্যে হুমায়ুন কবীর।

ইতিমধ্যে সত্যজিৎ রায়ের তোলা 'পথের পাঁচালী' দিল্লি ছাড়িয়েও কঁহা কঁহা মুহূক্ চলে গিয়েছে। নভেম্বরে বৃদ্ধ-জয়ন্তী হওয়ার পূর্বেই হাঁকডাক পড়ে গিয়েছে, কে করে তবে 'নটীর পূজা', কাকে ডাকা যায় 'চণ্ডালিকা'র জগ্গ?

অর্থাৎ বাঙালীর রসবোধ আছে, অর্থাৎ স্পর্শকাতর। তাই সে সেনসিটিভ এবং অভিমানী।

আলিপুর বোমা মামলার সময় শমশুল হক্ ( কিংবা ইসলাম ) নামক একজন ইন্সপেক্টর আসামীদের সঙ্গে পিরিত জমিয়ে ভিতরের কথা বের করে ফাঁস করে দেয়। বোমারুগ্না তাই তার উল্লেখ করে বলত, 'হে শমশুল, তুমিই আমাদের শ্রাম, আর তুমিই আমাদের শূল।'

স্পর্শকাতরতাই বাঙালীর 'শ্রাম' এবং স্পর্শকাতরতাই তার 'শূল'। হুঙ্কমাজ্ কিছু না দিয়ে স্টেজ সাজিয়ে নিয়ে দশটা বাঙালী তিন দিনের ভিতর যে-রকম একটা নাট্য খাড়া করে দিতে পারে অগ্গ প্রদেশের লোক সে-রকম পারে না। আবার যেখানে পাঁচটা সিন্ধী পারমিটের জগ্গ বড় সায়েবের দরজায় পঞ্চান দিন ধন্না দেবে সেখানে বাঙালীর নাভিখাস ওঠে পাঁচ মিনিটেই। সংসারে করে খেতে হলে ড্রিল-ডিসপ্লিনের দরকার। আর ওসব জিনিস পারে বুদ্ধিতে যারা কিঙ্কিৎ

ভোঁতা, অহুভব-অহুভূতির বেলায় একটুখানি গণ্ডারের চামড়া-ধারী।

স্পর্শকাতরতা এবং ডিসিপ্রিন এ-দুটোর সমন্বয় হয় না? বোধ হয় না। লাতিন জাতটা স্পর্শকাতর, তাদের ভিতর ডিসিপ্রিনও কম। ইংরেজ সাহিত্য ছাড়া প্রায় আর সব রসের ক্ষেত্রে ভোঁতা—ভাই তার ডিসিপ্রিনও ভাল।

এ-আইনের ব্যত্যয় জর্মনিতে। চরম স্পর্শকাতর জাত মোক্ষম ডিসিপ্রিন মেনে নিলে কী মারাত্মক অবস্থা হতে পারে হিটলার তার সর্বোত্তম উদাহরণ। হালের জর্মনরা ভাই বলে, ‘অতখানি ডিসিপ্রিন ভাল নয়।’ কিন্তু এ-কথা কাউকে বলতে শুনি নি, ‘অতখানি স্পর্শকাতরতা ভাল নয়।’

কোনও জিনিসেরই বাড়াবাড়ি ভাল নয়, সে ত আমরা জানি, কিন্তু আসল প্রশ্ন, লাইন টানব কোথায়? জাতীয় জীবনে স্পর্শকাতরতা থাকবে কতখানি আর ডিসিপ্রিন কতখানি? কিংবা শুধাই উপস্থিত যে মেকদার বা প্রোপার্শন আছে সেটাতে বাড়াই কোন বস্তু—স্পর্শকাতরতা, না ডিসিপ্রিন?

গুণীরা বিচার করে দেখবেন ॥

## দেয়ালি

ভারতবর্ষের সর্বত্রই দেয়ালি-উৎসব হয় এবং সর্বত্রই ওই দিন আলো জ্বালানো হয়। দিল্লিতেও বিস্তর আলো জ্বালানো হয়েছিল—বহু রঙের বহু ধরনের আলো জ্বালিয়ে দিল্লিবাসীরা তাদের ভিন্ন ভিন্ন রুচির প্রকাশ দিতে চেষ্টা করেছিলেন। মোটামুটিভাবে বলতে গেলে কলকাতাতেও এই রকম রঙ-বেরঙা আলো জ্বালানো হয়।

আমার কিন্তু এখনও ভাল লাগে ছোট শহরের দেয়ালি দেখতে—যেখানে বিজলী বাতি নেই। বিজলীর প্রধান দোষ মাহুষ নানা রঙের প্রদীপ জ্বালাবার জ্ঞান সহজেই প্রলুব্ধ হয় এবং তাতে যেন রুচির অভাব লক্ষ্য হয়। দ্বিতীয়ত, পিঙ্গিমের শিখার কাঁপনে কেমন যেন একটা প্রাণের পরিচয় পাওয়া যায়, বিজলীর নিকৃষ্ম আলো বড় ঠাণ্ডা বড় নির্জীব বলে মনে হয়। তৃতীয়ত, বিজলী বাতি একবার জালিয়েই খালাস, তার জ্ঞান কোন তদারকি করতে হয় না। তাতে করে কেমন যেন জীবনস্পন্দনের কোন সন্ধান পাওয়া যায় না—মনে হয় সিনেমা-সাক্ষানোর আলোই জ্বালানো হয়েছে, তবে সিনেমা-কোম্পানির অটেল পয়সা নেই বলে রোশনাইটার খোলতাই হয় নি।

তার চেয়ে রাস্তায় দাঁড়িয়ে যখন দেখি, একটি মেয়ে তার ছোট ভাইকে সঙ্গে

নিয়ে এ-পিঙ্গিমে তেল ঢালছে, ও-পিঙ্গিমের পলতে উক্কে দিচ্ছে, পিঙ্গিমের আলো তার মুখে এসে পড়েছে, ছোট ভাইকে হাতে ধরে এক পিঙ্গিম থেকে আর এক পিঙ্গিম জ্বালাতে শেখাচ্ছে, তখন মনের উপর যে-ছবিটি আঁকা হয় সে-ছবি বহু বৎসর পরে স্মরণ করেও প্রবাসীর মনে আনন্দ হয়, তার সঙ্গে ঋনিকটে মধুর বেদনাও এনে দেয়।

দিল্লি শহরও পিঙ্গিম জ্বালে। কিন্তু পাশের বাড়িতে বিজলী বাতির রেশনাই থাকলে পিঙ্গিমের আলো কেমন বেন স্নান আর বে-জলুস মনে হয়। তত্পরি দিল্লির যে-সব জায়গায় পিঙ্গিম জ্বালানো হয় সে-সব জায়গার সঙ্গে আমার ত কোনও হার্দিক সম্পর্ক নেই, তাই, ‘অতীত প্রাণ বেন মজবলে নিমেষে প্রাণে নাহি জাগে।’

এই দেয়ালি দেখে আরেক দেয়ালির কথা মনে পড়ে গেল। আর যে-বর্ণনা রবীন্দ্রনাথ দিয়েছেন তার সঙ্গে তুলনীয় বর্ণনা তিনি তাঁর দীর্ঘ কবি-জীবনে অল্পই দিতে পেরেছেন :—

‘কবি বলে, যাত্রী আমি, চলিব রাত্রির নিমন্ত্রণে  
যেখানে সে চিরস্তন দেয়ালির উৎসব প্রাক্ষণে  
মুড়্যুদূত নিয়ে গেছে আমার আনন্দদীপগুলি,  
যেথা মোর জীবনের প্রত্যাশের স্নগন্ধি শিউলি  
মালা হয়ে গাঁথা আছে অনন্তের অন্ধরে কুণ্ডলে,  
ইন্দ্রাণীর স্বয়ম্বর বরমালা সাথে ; দলে দলে  
যেথা মোর অকুতার্থ আশাগুলি, অসিদ্ধ সাধনা,  
মন্দির-অন্ধনধারে প্রতিহত কত আরাধনা  
নন্দন-মন্দারগন্ধ-লুক যেন মধুকর-পাঁতি,  
গেছে উড়ি মর্ত্যের দুর্ভিক্ষ ছাড়ি।’

দেয়ালির উৎসব-আলো দেখে বার বার মনে পড়ল, জীবনের বড় বড় আনন্দ-দীপগুলি অনন্ত ওপারে তুলে নিয়ে চলে গিয়েছেন। হায়, কল্পনের জীবনে কবার তায় এপারের দেয়ালি সর্বাঙ্গসুন্দর করে জ্বালাতে পারে !!

## গানের কর্ণা : ভারত ও কাবুল

শরৎচন্দ্র বলেছিলেন, কে জানিত কাবুলীও গান গায় !

কিন্তু সতাই কাবুলী গান গাইতে আর শুনেতে ভালবাসে ।

কাবুলে কিন্তু লোকসঙ্গীতেরই রেওয়াজ বেশী । কাবুলে উচ্চাঙ্গ সঙ্গীতের চর্চা কম, এবং সে-সঙ্গীতে তার নিজস্ব কোনও ঐতিহ্য নেই বলে সে সম্পূর্ণ নির্ভর করে ভারতীয় উচ্চাঙ্গ সঙ্গীতের উপর । কাবুল শহরে যে দু-চারজন কালোয়াত আছেন তাঁরা প্রায় সকলেই উত্তর ভারতে বাস করে সঙ্গুরের কাছ থেকে কলাচর্চা শিখে গিয়েছেন । তবে উচ্চারণের বেলায় খাঁটি হিন্দী গানে তাঁরা একটুখানি বিব্রত হয়ে পড়েন যদিও উর্দু গজল গাইতে তাঁদের তেমন কোনও অসুবিধা হয় না ।

যাঁদের রেডিও আছে, তাঁরা প্রায়ই ভারতীয় কেন্দ্র থেকে আমাদের গুস্তাঈ, গজল-গীত শুনে থাকেন ।

কাবুলীরা বাস আরবী, ইরানী বা তুর্কীস্থানী সঙ্গীত শুনে হৃথ পান না ।

তাই যখন খবর এল, পণ্ডিত ওস্কারনাথ ঠাকুর কাবুলে গান গাইতে গিয়েছেন তখন আনন্দিত হলুম । এঁর পূর্বে কজন সত্যাকার ওস্তাদ কাবুলে গিয়েছেন সে-কথা আমার জানা নেই, তবে দু-চারজন গিয়ে থাকলেও ওস্কারনাথ যে সেখানে রাজসম্মান পাবেন সে-বিষয়ে আমার মনে কোনও সন্দেহ ছিল না ।

কাঁথত তাই হয়েছে ।

একদা কাবুলের রাজা যে-রকম শ্রমণ হিউয়েন সাঙকে সাদর অভ্যর্থনা করেছিলেন ঠিক তেমনি কাবুলের আজকের রাজা পণ্ডিত ওস্কারনাথকে সহৃদয় আমন্ত্রণ জানিয়েছেন । রাজা জহীর শাহ পণ্ডিতজীকে বলেন, রেকর্ডে পণ্ডিতজীর সঙ্গীত শোনার সৌভাগ্য তাঁর পূর্বেই হয়েছিল, কিন্তু মুখোমুখি তাঁর আপন কণ্ঠের গান শোনার সুযোগ তাঁর জীবনে এই প্রথম ।

কাবুলীরা তাগড়া জাত, তারা সঙ্গীতে গুরুগম্ভীর কণ্ঠ পছন্দ করে । ঠিক ওই বস্তুটাই পণ্ডিতজীর আছে—তিনি গাইতে আরম্ভ করলে সভাস্থল গমগম করতে থাকে । তিনি যে শুধু এদেশে সুখ্যাতি তাই নয়, ইয়োরোপও তাঁর গলা শুনে মুগ্ধ হয়েছে । আমার এক জর্মন বন্ধু পণ্ডিতজীর 'নীলাশ্বরী'তে গাওয়া 'মিতুয়া' রেকর্ডখানা বাজিয়ে বার বার আনন্দোন্মত্ত প্রকাশ করেন ।

তাই ওস্কারনাথ যে কাবুলে অকুণ্ঠ উচ্চকণ্ঠ প্রশংসা অর্জন করতে পেরেছেন তাতে আশ্চর্য হবার কী ।

কিন্তু এই কি শেষ ?

হাউই জলে ছাই হয়ে যাওয়ার পূর্বে তার শিখা দিয়ে যে-লোক তার মাটির প্রদীপটি জ্বালিয়ে নেয় সে-ই বুদ্ধিমান। ওঙ্কারনাথ কাবুলে যে আতশবাজি দেখিয়ে দিলেন তার জের এখানেই শেষ হওয়া উচিত নয়। ওরই খেই ধরে অনেক কিছু করবার আছে।

বিদেশী কত ছাত্র ভারতীয় সরকারের বৃত্তি নিয়ে এদেশে এসে ইঞ্জিনীয়ারিং, ডাক্তারি শিখে যায়। এসব বিজ্ঞা আমাদের নিজস্ব নয়, ইয়োরোপের কাছ থেকে শেখা। এগুলোতে আমাদের আপন কোনও গর্ব নেই। কিন্তু কাবুলী 'শাগরেদ' যদি ভারতে এসে আমাদের নিজস্ব সঙ্গীত শিখে যায় তবে তাতে ভারতের গর্ব যোল আনা; এই করেই পুনরায় ভারত-আফগানিস্তানে সাংস্কৃতিক যোগসূত্র স্থাপিত এবং দৃঢ়ীভূত হবে। ভারত সরকারের উচিত তার সুব্যবস্থা করা— আফগানিস্তান আমাদের তুলানায় গরিব দেশ। ( আরেকটা কথা ভুললে চলবে না, কাবুলে পাশ্চাত্য 'জাজ' ক্রমেই ছড়িয়ে পড়ছে; আমরা যদি এই বেলা জোর হাতে হাল না ধরি তবে একদিন দেখতে পাব, কাবুল আর ভারতীয় উচ্চাঙ্গ সঙ্গীত শুনতে চায় না। )

দ্বিতীয়ত এদেশ থেকে ছাত্র কিংবা অধ্যাপক পাঠাতে হবে কাবুল গিয়ে অল্পসন্ধান করতে, আমাদের উচ্চাঙ্গ সঙ্গীত এবং নৃত্য একদা কাবুলে কতখানি প্রচারিত এবং প্রসারিত ছিল এবং অজ্ঞকার পরিস্থিতিই বা কী! তাঁকে প্রস্তাব করতে হবে, কী করলে আমাদের সঙ্গীত সে-দেশে আপন অর্ধলুপ্ত গৌরব পুনরায় উদ্ধার করতে সক্ষম হবে।

এ সব কর্ম যত শীঘ্র করা যায় ততই মঙ্গল!

আমি চেষ্টা করছি, কাবুলী ধবরের কাগজ থেকে পাণ্ডিত ওঙ্কারনাথ ঠাকুরের বিজয় অভিযান উদ্ধার করতে।—শব্দ কাজ। দিল্লিতে ত আর কাবুলী সংবাদপত্র বিক্রয় হয় না! পেলেই কিন্তু শেখ করব ॥

### উনো, হিন্দী, ত্রিকোট

প্রান্তঃস্মরণীয় কবিরাজ সুকুমার রায় বলেছেন,

'গৌকে বলে তোমার আমার—গোক কি কারো কেনা ?

গৌকের আমি গৌকের তুমি, তাই দিয়ে যায় চেনা।'

অর্থাৎ মাহুষ দিয়ে গৌকের বিচার হয় না—গোক দিয়ে মাহুষের বিচার করতে হয়।

কথাটা আমাদের কাছে আজগুবি মনে হলেও আসলে তা নয়। চোখ খোলা রাখলে নিত্যা নিত্যা তার উদাহরণ স্পষ্ট দেখতে পাবেন। এই মনে করুন কলকাতা শহর। কী লোকসংখ্যা, কী আয়তন, কী ব্যবসা-বাণিজ্য, কী জ্ঞান-বিজ্ঞানের চর্চা—সব দিক দিয়েই কলকাতা শহর দিল্লিকে একশবার হার মানাতে পারে, কিন্তু হলে কী হয়, দিল্লি যে রাজধানী! অতএব দিল্লির মাহাত্ম্য কলকাতার চেয়ে বেশী।

অর্থাৎ রাজধানীর গৌণ দিয়ে শহর যাচাই করতে হয়। শহরের প্রাধান্য থেকে রাজধানী হয় না।

তবেই দেখুন, স্কুমার রায়ের বাণীটি আপ্তবাক্য কিনা।

তাই দিল্লির ধারণাইউ এন ও'র পালা-পরব করার অধিকার তারই সবচেয়ে বেশী এবং এ সপ্তাহে দিল্লি বিস্তর ঢাক-ঢোল বাজিয়ে দে-পরব সমাধান করেছে ও বটে।

মেলা গুলী বিস্তর ভাষণ দিয়েছেন। কী গলা, কী বলার ধরন, কী হাত-পা নাড়া, কী উচ্চাস—সব দেখে শুনে মনে কণামাত্র সন্দেহ আর থাকে না, এঁরা যদি দিল্লিতে বক্তৃতা না দিয়ে উনোতে দিতেন তবে অন্যায়সে আমাদের জগৎ কাবুল-কান্দাহার জয় করে আনতে পারতেন।

এঁরা কী বক্তৃতা দিলেন? আমার নীরস ভাষা দিয়ে তাঁদের বক্তব্য প্রকাশ করলে গুলীদের প্রতি অবিচার করা হবে, তাই প্রত্যেকের সাহায্যে, অর্থাৎ অ্যালজেব্রা দিয়ে বোঝাবার চেষ্টা করব।

এঁদের প্রায় সকলেই একই কথা বললেন। সেটা হচ্ছে এই; যদিও উনো ক, খ, গ করতে সক্ষম হন নি, তবু চেষ্টা করলে ভবিষ্যতে চ, ছ, জ হয়ত বা করতেও পারেন এবং ট, ঠ, ড-ও যে তাঁদের পক্ষে সম্পূর্ণ অসম্ভব এ-কথাই বা বুক হুঁকে বলতে পারে কে?

যেন ইঙ্কলের মাস্টার মশায় জমিদারবাবুর ফেল করা ছেলের প্রোগ্রেস-রিপোর্ট লিখছেন। জমিদারবাবুকে না চট্টিয়ে তাঁর গর্ভ ছেলের হাল-হকিকৎ বাতলানো সোজা কর্ম নয়। উনোর প্রশস্তিগায়করা সেই টাইট-রোপ-ডানসিং কর্মটি দিল্লিতে সূচারূপে সম্পন্ন করেছেন।

হায় কাশ্মীর, হায় কোরিয়া, হায় ইন্দোনেশিয়া, হায় তুনিয়, আরও কত হায়, হায়!

আমি কিন্তু উনোর কাম্-কেরদানি থেকে দুটো শিক্ষা লাভ করেছি।

প্রথমত, মীটিঙে গালিগালাজ মারামারি না করা। কিছুদিনের কথা, ফ্রান্সের প্যারিস-মন্টে সন্নস্তেরা অত্র কোনও অস্থ শব্দ পান নি বলে গলার চেন খুলে একে



অন্যকে জোরসে হুঁকেছেন—কলে রক্তারক্তিও নাকি হয়েছিল। বাংলা দেশের পার্লামেন্টেও নাকি অনেক কিছু হয়েছে, যদিও রক্তারক্তি হয়েছে বলে স্বরূপ হচ্ছে না। তবে মারামারিই ত শেষ কথা নয়। ভাষা অনেক সময় ডাণ্ডার চেয়েও কঠিন কঠোরতর। রবীন্দ্রনাথ বলেছেন, মাস্টাররা এখন ছেলোদের চাবুক মারেন না বটে, তবে সে-চাবুক এসে আশ্রয় নিয়েছে তাঁদের জিভে; তাঁদের জিভ এখন চাবুকের চেয়ে নিষ্ঠুরতর।

কিন্তু সে-তত্ত্বালোচনা উপস্থিত থাক।

আমার কাছে আশ্চর্য বোধ হয়, এখন উনোতে হাতাহাতি কিংবা পুরোদস্তুর একে অগ্নকে অপমান না করেও তাঁরা কাজকর্ম ( তা সে যতই নগণ্য কিংবা অর্থহীন হোক না কেন ) সমাধান করছেন কী করে ?

কাঠরসিকেবা এর উত্তরে কী বলবেন তাও আমি বিলক্ষণ জানি। তাঁরা বলবেন, ‘আরে বাপু, যেখানে শুধু তর্কাতর্কি—বাকযুদ্ধ, যেখানে কোনও প্রকারের জীবন-মরণ-সমস্যার সমাধান হবে না, যেখানকার কোনও বাগাড়হরই আমার আপন দেশে কোনও প্রকারের প্রতিক্রিয়ার সৃষ্টি করবে না অর্থাৎ আমার দেশকে এক গিরে জমি কিংবা এক কড়ির আমদানি খোয়াতে হবে না, সেখানে মারামারি হাতাহাতি করতে যাব কোন দুঃখে ?

হুক কথা। দুনিয়ার বহু জাতই এ-ভাববাক্যে সায় দেবে। কিন্তু আমি বাঙালী। আমার মন বলে কথাটা হুক হলেও টক করে মেনে নিতে আমার বাধেছে। ‘মোহনবাগান-ইন্স্টিটিউট’র খেলাতে কে জেতে কে হারে, তাতে আমার কণামাত্র ক্ষতিবৃদ্ধি নেই, তবু ত তাই নিয়ে তর্ক করে আমি সেদিন দুটো চড় খেয়েছি, তিনটে কিল মেরেছি। সে-রাজে না-খেয়ে শুতে গিয়েছি, পাশের বাড়ির শা—রা সাত টাকা সেরে ইলিশ কিনে ফিষ্টি করেছে।

দ্বিতীয় তত্ত্ব ততোধিক গুরুত্বব্যঞ্জক ( সোজা বাংলায় ইমপটেন্ট ) হিন্দী ভাষা রাষ্ট্রভাষা। তাঁর জয় হোক। তিনি দেশ-বিদেশ সর্বত্র ছড়িয়ে পড়ুন; আমার নুক কাটবে না! কিন্তু যখন বলা হয়, হিন্দী নাশিথলে ( এবং ইংরেজী বর্জন করার পর ) আমরা দিল্লির পার্লামেন্টে একে অগ্নকে বুক্ব কী করে, তাই সবাই হিন্দী শেখ, তখন আমার মনে আসে উনোর কথা। সেখানে কে গুণ্ডা ভাষা নিয়ে কারবার চলে ঠিক বলতে পারব না, তবে বিবেচনা করি ভারতে যে-কটি ভাষা চালু আছে, তার চেয়ে অনেক বেশী ভাষা-ভাষী সেখানে জমায়েত হন। তাঁদের বেশির-ভাগই বক্তৃতা দেন আপন আপন মাতৃভাষাতে। বর্মার সদস্য যখন আপন মাতৃভাষায় বক্তৃতা দেন, সঙ্গে সঙ্গে সে-বক্তৃতা ইংরেজী, করাসী, স্পেনিশ

ইত্যাদি বহু ভাবায় অনুদিত হয়। প্রত্যেক সদস্তের কানে 'ইয়ার-কোন' লাগানো। সমুখে ছোট একটি কল। তিনি যে-ভাষায় অহুবাদ চান, সে-ভাষার উপর কলের কাঁটাটি লাগিয়ে অহুবাদটি শুনে নেন। যেমন যেমন বক্তৃতা হয়, অহুবাদও সঙ্গে সঙ্গে চলে। বক্তৃতা শেষ হওয়ার সঙ্গে সঙ্গেই অহুবাদ শেষ হয়—সব সদস্যই জ্বেনে যান, বক্তা কী বললেন। যে-সব সদস্য বক্তার মাতৃভাষা জানেন, একমাত্র তাঁরাই তখন 'ইয়ার কোন' ব্যবহার করেন না।

তবে দিল্লির পার্লামেন্টেই বা এ-ব্যবস্থা হতে পারে না কেন? ভারতব্ধক লোককেই বা হিন্দী-উর্-হিন্দুস্থানী শিখতে হবে কেন?

হিন্দী-উর্-হিন্দুস্থানীর কথায় মনে পড়ল ক্রিকেট-কমেন্টারির কথা।

এবারকার ক্রিকেট টেস্টম্যাচের খেলাতে হিন্দীতেও 'সমসাময়িক টীকা' দাখমান-মল্লীনাথ (রানিং কমেন্টারি) দেওয়া হচ্ছে। যেদিন আপিসের অভ্যাচারে খেলা দেখতে যেতে পারি নি, সেদিন লাঞ্চার সময় টীকা শুনে দুখের আল খোল নয়, জল দিয়ে মিটিয়েছি। মাঝে মাঝে হিন্দী টীকাও ইচ্ছা-অনিচ্ছায় শুনতে হয়েছে।

সে এক অদ্ভুত অভিজ্ঞতা।

এই টীকাকার মুক্তপ্রদেশের অতি খানদানী ঘরের ছেলে। তিনি জানেন, আমির ইলাহী বহুদিনের মুরুব্বী খেলোয়াড়। তাই তিনি বার বার বললেন, এর পর আমির ইলাহী সাহেব বড়ী খুবহুরতকে সাথ (বড় সৌন্দর্যের সঙ্গে) গেন্দ (বল) পাকড়লী (কিন্দ করলেন)। আমির ইলাহীকে 'সাহেব' বলার পূর্বে তিনি অশ্রু-একজনকে 'সাহেব' উপাধি দেন নি, এর পর তাঁর মনে হল সবাইকে 'সাহেব' বলা উচিত, তাই তিনি আঠার বছরের ছোকরা হাকীমকেও 'সাহেব' সম্বোধন করতে লাগলেন।

ক্রিকেট গণতান্ত্রিক খেলা। ক্রিকেটের দেবেজ ব্র্যাডমানকেও কোনও ইংরেজ টীকাকার মিস্টার ব্র্যাডমান কিংবা 'রেসপেকটেড' ব্র্যাডমান বলে উল্লেখ করেন না, কিন্তু ভারতবর্ষ সৌভাগ্য—ভদ্রতার দেশ, ক্রিকেট খেলি আর মাই খেলি, পিতৃবয়স্ক আমির ইলাহী, কিংবা মুরুব্বী অমরনাথকে 'সাহেব' না বলে বাক্য-স্মরণ করি কি প্রকারে?

টীকাকার আবার হিন্দী-উর্ দুই-ই জানেন। আবার তিনি এ-তথ্যও জানেন, করাচি-শাহোরে বিস্তর মুসলমান তাঁর টীকা রেডিওর পাশে বসে কান পেতে শুনছেন। তাঁরা কষ্টের হিন্দী বুঝতে পারেন না—টীকাকার তাঁদেরই বা নিরাশ করেন কী প্রকারে? তাই সমস্তক্ষণ তিনি ছিলেন আপসের তালে।

দৃষ্টান্ত দি।

পাকিস্তানের ‘অবস্থা তখন বড়ই বিপদসঙ্কুল’, হিন্দীতে প্রকাশ করতে গেলে বলতে হয়, ‘বিপজ্জনক পরিস্থিতি’, উর্দুতে বলতে হয়, ‘খতরনাক হালৎ’। টীকাকার ছ কূল রক্ষা করলেন, ‘খতরনাক পরিস্থিতি’। আশা করলেন, পাকিস্তান হিন্দুস্থান উভয়েই বুকে যাবে ‘অবস্থা সঙ্গিন’।

আমি কিন্তু সত্যই স্বীকার করি, ভাবার উপর ভদ্রলোকের দখল আছে। মাকড় ‘আরামকে সাথ’ ( অক্লেশে, আরামের সঙ্গে ) গেন্দ ( বল ) বোলারকে কিরিয়ে দিলেন, পরজবাবু ‘আহসানীসে’ ( অনায়াসে, অবহেলায় ) বলটাকে পাকড়ে নিলেন, গুলমহম্মদ বড় ‘শানদার’ ( মহিমাময় ) খেলা দেখালেন, নাজির মহম্মদ ‘কাইম’ ( ‘কায়েমী’—অর্থাৎ সেটেলড্ ডাউন ) হয়ে গিয়েছেন—আরও কত কী !

আর অদ্ভুত তাঁর নিরপেক্ষতা। বরের মাসী, কনের পিসী। একে বলেন, সাধু সাধু, ওকে বলেন, শাবাশ শাবাশ। কেউ ক্যাচ ধরলে তিনি ‘অচৈতন্নি’, কেউ সিঙ্গল করলে তিনি ‘বেছ’শ।

খেলা না দেখেও খেলা দেখার আনন্দ পেয়েছি ॥

### বুদ্ধ শরণ

সারিপুত্র ও মহামৌদগল্যায়নের পূতাস্থি প্রায় এক শতাব্দীর পর পুনরায় তাঁদের সমাধিস্থলে রক্ষিত হচ্ছে।

প্রায় এক শ বছর পূর্বে সাঁচার স্তুপের উপর থেকে নীচের দিকে হুড়ক কেটে তলার দিকে দুটি পেটিকা পাওয়া যায় এবং তাদের উপরের লেখা থেকে সপ্রমাণ হয় যে, পেটিকা দুটিতে এই দুই মহাস্থবিরের দেহাবশেষ রক্ষিত আছে। আপাত-দৃষ্টিতে হুড়ক খুঁড়ে এই দুই মহাপুরুষের দেহাস্থি বের করা বর্বরতা বলে মনে হতে পারে, কিন্তু সে-যুগের তার সত্যই একান্ত প্রয়োজন ছিল। সে-যুগে বিদেশী শাসন-কর্তারা এই জিতুবনে আমাদের যে কোনও গৌরবস্থল খাকতে পারে সে-কথা আদপেই স্বীকার করতে চাইতেন না—সুধুমাত্র একটি বিষয়ে তাঁরা আমাদের বাহাহুরির শাবাশি দিতে অকুণ্ঠ ছিলেন, সে নাকি আমাদের কল্পনাশক্তি—উদ্দাম উচ্ছ্বল কল্পনা-প্রবণতা। এই ‘প্রশস্তি’ দিয়ে তার পর-মুহূর্তেই তাঁরা তার সম্পূর্ণ স্বযোগ নিয়ে বলতেন, ‘এদের বুদ্ধ, এদের আনন্দ, সারিপুত্র মৌদগল্যায়ন, জনপদ-কল্যাণী সবই এদের কল্পনা প্রসূত—অভদ্র ভাষায় গাঁজা-গুল।’

দৈত্যকুলের প্রহ্লাদ ইংরেজ পণ্ডিতগণ এ মতে ঠিক সায়্য দিতেন না বলেই

সীচীর খুপ খুঁড়ে এই দুই ভ্রমণের দেহাঙ্গি বের করা হয়েছিল। পেটিকা ছুটি না বেরলে আমাদের আরও কতখানি এবং কতদিন ধরে গালাগাল খেতে হত তার ঠিক হিসেব করা কঠিন।

তারপর এই দুই পেটিকা বিলেতে প্রায় এক ণ বছর বাস করার পর বহু দেশে বহু লক্ষ নরনারীর সশ্রদ্ধ অভিবাধন পেয়ে আবার সীচীতে ফিরে এসেছেন। প্রশ্ন উঠতে পারে, খোঁড়া না হয় হয়েছিল, কিন্তু পেটিকা ছুটি বিলেতে নিয়ে যাওয়ার কী প্রয়োজন ছিল ?

সেখানেও এঁদের জীবনের মাহাত্ম্য এক অদৃশ্য ইঙ্গিত দেখায়। এঁদের দেহাঙ্গি যদি একদা বিদেশে না যেতেন তবে তাঁদের দেশে ফিরে আসার উপলক্ষ্য নিয়ে এতগুলো ভিন্ন ভিন্ন দেশের লক্ষ লক্ষ নরনারী তাঁদের প্রতি শ্রদ্ধা জানাতে পারত না এবং আজ সীচীতে তার চরম উৎসব উপলক্ষ্যে এতগুলি দেশের গুণী, জ্ঞানী, সাধু, তাপস একত্র হয়ে তাঁদের জীবন মাহাত্ম্য কীর্তন করে, একমন হয়ে, তাঁদের জীবনাদর্শের স্মরণে পৃথিবীতে পুনরায় শান্তির বাণী প্রচার এবং প্রসার করতে নবীন ভাবে অল্পপ্রাণিত হতেন না।

এখানে ঐক্য একটি অপ্রিয় মন্তব্য করে দ্বিতীয় প্রস্তাব আরম্ভ করি।

এ-দেশের সরস্বতীপূজা, দুর্গাপূজা যে আজ জাঁকজমক আর বাহাড়ম্বরেই শেষ হয় সে-কথা বাংলা দেশের বিচক্ষণ লোক মাত্রেই স্বীকার করে নিয়েছেন, তাই সীচীর উৎসব যে বাগাড়ম্বরেই শেষ হতে পারে, সে-ভয় আমাদের সম্পূর্ণ অনুলক নাও হতে পারে। তাই প্রশ্ন, সীচীতে সমবেত মনোবীগণ যে একবাক্যে শপথ গ্রহণ করলেন, পৃথিবীতে পুনরায় শাক্যমুনির শান্তিবাণী প্রচারিত হোক, তার সম্ভাবনা কতটুকু ?

এ-আশা দুরাশা যে পৃথিবীতে বহু লোক এখন বৌদ্ধধর্ম গ্রহণ করবে। স্পষ্ট দেখতে পাচ্ছি এ-পর্বের প্রধান পুরোহিত পণ্ডিতজী, শ্রামাপ্রসাদ এবং রাধাকৃষ্ণ বৌদ্ধধর্মে দীক্ষা কিংবা প্রব্রজ্যা গ্রহণ করেন নি। তাই আজ যদি আমরা সবাই বৌদ্ধধর্ম গ্রহণ না করেও বুদ্ধদেবের শিক্ষা জীবনে সকল করবার চেষ্টা করি তাহলে আমরা কপটাচারী, এ-কথা বলা অস্বাভাবিক হবে।

আমার মনে হয়, ধর্ম পরিবর্তনের যুগ আর নেই, প্রয়োজনও নেই। একদা এ-পৃথিবীতে অস্ত্র ধর্মের তত্ত্ব এবং সার অল্পসন্ধান করতে হলে স্বধর্ম পরিত্যাগ করে অস্ত্র ধর্ম গ্রহণ এবং সে-সমাজে সম্পূর্ণ প্রবেশ না করে সে-ধর্মের ফললাভ করার কোন পন্থা উন্মুক্ত থাকত না—কারণ তখন প্রত্যেক ধর্ম আপন আপন সঙ্গীর্ণ গণ্ডির ভিতর সীমাবদ্ধ থাকত। আজ সর্ব ধর্মস্বগ্র অনায়াসলভ্য, আজ

আমরা অল্প ধর্মের সাধুসঙ্ঘদের সহবাস করতে পারি, কিন্তু স্ত্রিয় সমাজের দোষ-গুণ আপন অভিজ্ঞতা দিয়ে বিচার করে নিতে পারি। ধর্মনিরপেক্ষ রাষ্ট্রের অগ্রতম কর্তব্য, এ-কর্ম সহজ, সরল করে দেওয়াও বটে। হুতরাং আজ আর ধর্ম পরিবর্তনের প্রয়োজন নেই; আজ হিন্দু খ্রীষ্টান না হয়েও আপন সমাজে অস্পৃহতা বর্জন করতে পারে, মুসলমান হিন্দু না হয়েও শঙ্করদর্শন মেনে নিয়ে জীবন সে ধারায় চালাতে পারে।

শাস্তির বাণী ত সব ধর্মই প্রচার করেছে; তাই এখন প্রঙ্গ, শাস্তির বাণীর জন্য বৌদ্ধধর্মের কাছেই হাত পাভবার প্রয়োজন।

প্রয়োজন এই, প্রত্যেক ধর্মই কোন না কোন এক কিংবা একাধিক নীতির উপর জোর দিয়েছে বেশী। বৌদ্ধধর্ম সবচেয়ে বেশী জোর দিয়েছে পৃথিবীতে শাস্তি আনার জন্য ( কেন দিয়েছিল সে প্রশ্নের উত্তর তৎকালীন রাজনৈতিক এবং অর্থ নৈতিক পরিস্থিতির সঙ্গে বিজড়িত ) এবং তারই ফলে মৌর্যযুগে তাৎকালিক ভারতবর্ষ পৃথিবীর ইতিহাসে একদিন অখণ্ড রাষ্ট্ররূপে দেখা দিয়াছিল। সারিপুত্র, মহার্মোদগল্যায়ন প্রমুখ শ্রমণেরা যদি আপন প্রশ্ন হাতে নিয়ে প্রদেশ হতে প্রদেশান্তরে শাস্তির বাণী প্রচার না করতেন ( জাতকে বার বার দেখতে পাই, যে-কোনও দেশ বা প্রদেশের প্রত্যন্ত প্রদেশে যাওয়ার অর্থ সে-যুগে ছিল আপন প্রাণ নিয়ে খেলা করা ) তাহলে প্রদেশ-প্রদেশের সীমান্তরেখা বিলীন হত না এবং ফলে ঐক্যবদ্ধ অবিচ্ছিন্ন ভারত কবে সে রূপ নিত—এবং আর্দ্রো নিত কি না—আজ তার কল্পনা করা যায় না।

এবং এইখানেই তথাগতের প্রেম এবং মৈত্রী অভিযানের শেষ নয়—আরম্ভ মাত্র। পুনরায় বলি, আরম্ভ মাত্র।

তারপর এই বৌদ্ধবাণীর কল্যাণেই সিংহল গমন সহজ হল, দুর্ধর্ষ আফগানিস্তানের সঙ্গে মিত্রতা-সূত্রে বন্ধ হল, ( কাবুলের গ্রীক, বৌদ্ধ হয়ে গিয়ে গান্ধার শিল্প নির্মাণে সাহায্য করল এবং আজ যে আমরা প্রভু বুদ্ধের মূর্তি দেখে শাস্তিরসে পূর্ণ হই, তার গোড়াপত্তন করে এই গ্রীকরাই ), দুর্লভ্য হিন্দুকুশ অতিক্রম করে বৌদ্ধ শ্রমণরা বামিয়ান পৌছলেন ( সেখানকার বুদ্ধমূর্তি পৃথিবীর আর যে-কোনও বৌদ্ধ-অবৌদ্ধ মূর্তির চেয়ে উচ্চ ), তারপর বর্ষর তাতার তুর্কমান পর্যন্ত বৌদ্ধ মন্ত্র গ্রহণ করল, সর্বশেষে তখনকার দিনের সবচেয়ে সভ্যদেশ চীন পর্যন্ত তথাগতের শরণ নিল।

এ-দিকে বর্মা, শ্রাম, মালয়, যবদ্বীপ, বলীদ্বীপ ভূখণ্ড।

ভারতের মত বিরাট দেশকে চীনের মত বিশালভর দেশের সঙ্গে মিলিয়ে

দয়ে এই বৌদ্ধ অভিযান যে মানব সভ্যতাকে কতখানি এগিয়ে দিল তার স্পষ্ট ধারণা দূরে থাক, তার কল্পনামাত্রও আজ আমরা করতে পারি নে। জানি পরবর্তী যুগে খৃষ্টধর্ম আটলান্টিক থেকে প্রশান্ত সাগর পর্যন্ত ভূখণ্ডকে এক করে দিয়েছিল, কিন্তু সে ত অসংখ্য দ্বন্দ্ব অগণিত সংগ্রামের ভিতর এবং আজও তার শেষ হয় নি।

ভারত-চীন, ভারত-তিব্বত এবং ভারতের সঙ্গে অত্যাশ্র দেশের যে যোগসূত্র স্থাপিত হয়েছিল তা প্রধানত বৌদ্ধ ধর্মের মাধ্যমে। এ-কথা বললে ভুল বলা হবে না যে, যেদিন ভারত বৌদ্ধ ধর্ম বর্জন করল ( কেন করল, এবং না করলে তার গত্যস্তর ছিল কি না, সে প্রশ্নের উত্তর দীর্ঘ এবং এখানে অবাস্তর ), সেইদিন থেকেই ভারতের সঙ্গে বহির্জগতের সম্পর্ক ক্ষীণ হতে হতে একদিন সম্পূর্ণ লোপ পেল।

কিন্তু ভারত বৌদ্ধ ধর্ম বর্জন করেছে এ-কথা ভুল। তথাগতের বাক্য, নীতি, অবদান ( প্রাচীনার্থে ) ধর্ম সনাতন হিন্দু ধর্মের শিরা-উপশিরায় আজ এমনই মিশে গিয়েছে যে, তার বিশ্লেষণ অসম্ভব এবং অপ্রয়োজন।

পরম নিষ্ঠাবান ব্রাহ্মণও আজ সেগুলো হিন্দু ধর্ম থেকে বর্জন করতে সম্মত হবেন না। তাই আজ ব্রাহ্মণ শ্রামাশ্রম, রাধাকৃষ্ণ ও জগদীশ্বরলালের শ্রমগাম্বি রুদ্ধে গ্রহণ ক্রিয়মাণ গুরুভার বলে প্রতীয়মান হচ্ছে না।

এবং শুধু কি তাই? অমিতাভের বাণীতে কী অমিত অমৃত লুকানো রয়েছে 'যে, বর্তমান যুগে যেদিন তার বাণী ইয়োরোপে পৌঁছল সেদিন ক্রাফ্টের বূর্নক ইত্যাদি পণ্ডিতগণ আগ্রহের সঙ্গে সে বাণী গ্রহণ করলেন। ইয়োরোপের জনসাধারণও কী অদ্ভুত সাড়া দিলে সে বাণী শুনে! ইয়োরোপ তখন আজকের চেয়ে বেশী ধর্মবিমুখ—বিগত হুই যুদ্ধ ইয়োরোপকে আবার আত্মার সন্ধানে তাড়া দিয়েছে—তবু তারা কী আগ্রহেই না বৌদ্ধ-ধর্মগ্রন্থ সংস্করণের পর সংস্করণ শেষ করল!

খুদ পরমেশ্বরকে বাদ দিয়ে, পাদরী-পুরুতের তোয়াক্কা না করেও ধর্মচর্চা করা যায়, একমাত্র নিজের উপর নির্ভর করে, ক্রিয়াকাণ্ড বর্জন করে, তথাগতের উপদেশের সঙ্গে সাধনাগত অভিজ্ঞতা মিলিয়ে নিয়ে, তথাগত যেখানে আগত হয়েছেন সেখানে পৌঁছনো যায়, এ-স্বপ্ন ইয়োরোপের কোন জ্ঞানী কোন গুণী দার্শনিকই দেখবার সাহস করেন নি। বুদ্ধের অশ্রুতপূর্ব বাণী এক মুহূর্তেই ইয়োরোপের সামনে এক নবীন ভুবন আলোক দিয়ে জাজল্যমান করে দিল।

তাই উত্তর দক্ষিণ পূর্ব পশ্চিমে আজ ওই এক মহাপুরুষ—বুদ্ধদেব—খায়

পায়ের কাছে আজ সর্ব নাস্তিক সর্ব আস্তিক স্বধর্ম-ভ্রষ্ট না হয়েও দীক্ষা গ্রহণ করতে পারে, ত্রিশরূপ ভূপ করতে পারে—

বুদ্ধ শরণং গচ্ছামি  
ধর্মং শরণং গচ্ছামি  
সজ্জং শরণং গচ্ছামি ॥

### অ্যার ট্রাভেল

পঁচিশ বৎসর পূর্বে প্রথম অ্যারোপ্লেন চড়েছিলুম। দশ টাকা দিয়ে কলকাতা শহরের উপর পাঁচ মিনিটের জন্য থুশ-সোওয়ারি বা 'জয় রাইড' নয়, রীতিমত দু শ মাইল রাস্তা—পাহাড়-পর্বত ডিঙিয়ে নদী-নালা পেরিয়ে এক শহর থেকে অন্য শহর যেতে হয়েছিল। তখনকার দিনে এদেশে প্যাসেঞ্জার সার্ভিস ছিল না, কাজেই আমার অভিজ্ঞতাটা গড়পড়তা ভারতীয়দের পক্ষে একরকম অভূতপূর্বই হয়েছিল বলতে হবে।

তারপর ১৯৪৮ থেকে আজ পর্যন্ত ভারতবর্ষের বহু জায়গায় প্লেনে গিয়েছি এবং যাচ্ছি। একদিন হয়ত পুষ্পকরখে করেই স্বর্গে যাব, অর্থাৎ প্লেন-ক্র্যাশে অকালান্ত করব—তাতে আমি আশ্চর্য হব না, কারণ এ ত জানা কথা, 'ডানপিটের মরণ গাছের ডগায়'। সে-কথা থাক্।

কিন্তু আশ্চর্য হয়ে প্রতিবারই লক্ষ্য করি, পঁচিশ বৎসর পূর্বে প্লেনে যে স্বথ-স্ববিধে ছিল আজও প্রায় তাই। ভুল বলা হল, 'স্বথ-স্ববিধে' না বলে 'অস্বথ-অস্ববিধেই' বলা উচিত ছিল, কারণ প্লেনে সফর করার চেয়ে পীড়াদায়ক এবং বর্বরতর পদ্ধতি মানুষ আজ পর্যন্ত আবিষ্কার করতে পারে নি। আমার পাঠক-পাঠিকাদের মধ্যে যারা প্লেনে চড়েন তাঁরা ওকীব-হাল, তাঁদের বুঝিয়ে বলতে হবে না। উপস্থিত, তাই তাঁদেরই উদ্দেশ্যে নিবেদন, প্লেনে চড়ার সৌভাগ্য কিংবা দুর্ভাগ্য যাদের এ-যাবৎ হয় নি।

রেলে কোথাও যেতে হলে আপনি চলে যান সোজা হাওড়া। সেখানে টিকিট কেটে ট্রেনে চেপে বসুন—বাস, হয়ে গেল। অবশ্য আপনি যদি বার্থ রিজার্ভ করতে চান তবে অল্প কথা, কিন্তু তবু একথা বলব, হঠাৎ খেয়াল হলে আপনি শেষ মুহূর্তেও হাওড়া গিয়ে টিকিট এবং বার্থের জন্য একটা চেষ্টা দিতে পারেন এবং শেষ পর্যন্ত কোন গাতকে একটা বার্থ কিংবা নিদেনপক্ষে একটা সীট জুটে যায়ই।

প্লেনে সেটি হবার জো নেই। আপনাকে তিন দিন, পাঁচ দিন, কিংবা সাত দিন পূর্বে যেতে হবে 'অ্যার আপিসে'। আপনাকে সব জায়গার টিকিট দেয় না—কেউ দেবে ঢাকা, কেউ দেবে আসাম, মাদ্রাজ অঞ্চল, কেউ দেবে দিল্লির।

এবং এ-সব অ্যার আপিস ছড়ানো রয়েছে বিরাট কলকাতার নানা কোণে, নানা গম্বরে। এবং বেশীর ভাগই ট্রাম-লাইন, বাস-লাইনের উপরে নয়। হাওড়া যান ট্রামে, দিব্য মা-গঙ্গার হাওয়া খেয়ে; অ্যার আপিসে যেতে হলে প্রথমেই ট্যাক্সির ধাক্কা।

অ্যার আপিসে ঢুকেই আপনার মনে হবে, ভুল করে বুঝি জঙ্গী দফতরে এসে পড়েছেন। পাইলট, রেডিও-অফিসার ত উর্দি পরে আছেনই, এমন কী টিকিট-বাবু পর্যন্ত শার্টের ঘাড়ে লাগিয়েছেন নীল সোনালীর ব্যাজ-ঝিল্লি-রিবন-পট্টি যা-খুশি বলতে পারেন। রেলের মাস্টারবাবু গার্ড সাহেবরাও উর্দি পরেন কিন্তু সে-উর্দি জঙ্গী কিংবা লক্ষরী উর্দি থেকে স্বতন্ত্র, অ্যার আপিসে কিন্তু এমনি উর্দি পরা হয়—খুব সম্ভব ইচ্ছে করেই—যে আমার মত কুনো বাঙালী সেটাকে মিলিটারী কিংবা নেভির যুনিফর্মের সঙ্গে গুবলেট পাকিয়ে আপন অজানাতে ছুঁ করে একটা গুলুট করে।

তারপর সেই উর্দি-পরা ভদ্রলোকটি আপনার সঙ্গে কথা কইবেন ইংরেজীতে। স্পষ্ট দেখতে পাচ্ছেন আপনি ধুতি কুর্তা-পরা নিরীহ বাঙালী, তবু ইংরেজী বলা চাই। আপনি না হয় সামলে নিলেন, বি-এ এম-এ पास করেছেন—কিন্তু আমি মশাই পড়ি মহা বিপদে। তিনি আমার ইংরেজী বোঝেন না, আমি তাঁর ইংরেজী বুঝতে পারি নে—কী জালা! এখন অবশ্য অনেক পোড় ধাওয়ার পর শিখে গিয়েছি যে জোর করে বাংলা চালানোই প্রশস্ততম পন্থা। অন্তত তিনি বক্তব্যটা বুঝতে পারেন।

তখুনি যদি রোকা টাকা ঢেলে দিয়ে টিকিট কাটেন তবে ত ল্যাঠা চুকে গেল, কিন্তু যদি শুধু 'বুক' করান তবে আপনাকে আবার আসতে হবে টাকা দিতে। নগদা টাকা ঢেলে দেওয়াতে অহুবিধা এই যে, পরে যদি মন বদলান তবে রিক্যাণ্ড পেতে অনেক ছাপা পোয়াতে হয়। সে না হয় হল, রেলের বেলাও হয়।

কিন্তু প্লেনের বেলা আরেকটা বিদকুটে নিয়ম আছে। মনে করুন, আপনি ঠিক সময় দমদম উপস্থিত না হতে পারায় প্লেন মিস্ করলেন। রেলের বেলায় তখুনি টিকিট ফেরত দিলে শতকরা দশ টাকার খেসারতির আক্কেলসেলামি দিয়ে ভাড়ার পয়সা ফেরত পাবেন। প্লেনের বেলা সেটি হচ্ছে না। অথচ আপনি-



পাকা খবর পেলেন, প্লেনে আপনার সীট ফাঁকা যায় নি, আর-এক বিপদগ্রস্ত ভদ্রলোক পুরো ভাড়া দিয়ে আপনার সীটে ট্যাভেল করেছেন, অ্যার কোম্পানি ও স্বীকার করল, কিন্তু তবু আপনি একটি কড়িও ফেরত পাবেন না। অ্যার কোম্পানির ডবল লাভ। এ নিয়ে দেওয়ানি মোকদ্দমা লাগালে কী হবে বলতে পারি নে, কারণ আমি আদালতকে ডরাই অ্যার কোম্পানির চেয়েও বেশী।

টিকিট কেটে ত বাড়ি ফিরলেন। তারপর সেই মহা মূল্যবান 'মূল্য-পত্রিকা'খানি পর্যবেক্ষণ করে দেখলেন তাতে লেখা রয়েছে প্লেনে দমদম থেকে ছাড়বে দশটার সময়, আপনাকে কিন্তু অ্যার আপিসে হাজিরা দিতে হবে আটটার সময়! বলে কী? নিতান্ত ষাড়েজা কেলাসে যেতে হলেও ত আমরা এক ঘণ্টার পূর্বে হাওড়া যাই নে—কাছাকাছির সফর হলে ত আধ ঘণ্টা পূর্বে গেলেই যথেষ্ট, আর যদি ফাস্ট কিংবা সেকেন্ডের ( প্লেনে আপনি ভাড়া দিচ্ছেন ফাস্টের চেয়েও বেশী—অনেক সময় ফাস্টের দেড়া ) বার্থ রিজার্ভ থাকে তবে ত আধ মিনিট পূর্বে পৌঁছেলেই হয়।

আপনি হয়ত প্লেনে থাকবেন পৌনে দু ঘণ্টা, অথচ আপনাকে অ্যার আপিসে যেতে হচ্ছে পাকা দু ঘণ্টা পূর্বে ( মোকামে পৌঁছে সেখানে আরও কত সময় যাবে সে-কথা পরে হবে )।

এইবারে মাল নিয়ে শিরঃপীড়া। আপনি চুয়াল্লিশ ( কিংবা বিয়াল্লিশ ) পাউণ্ড লগেজ ব্রী পাবেন। অতএব

“সোনামুগ সফু চাল সুপারি ও পান  
ও হাঁড়িতে ঢাকা আছে দুই চারিখান  
গুড়ের পাটালি কিছু বুনা নারিকেল  
দই ভাণ্ড ভাল রাই সরিষার তেল  
আমসব্ব আমচুর—”

ইত্যাদি মাথায় খাটুন, বিছানাটি যে নিয়ে যাবেন তারও উপায় নেই। অথচ আপনি গোর্গাটি নেমে হয়ত ট্রেনে যাবেন লামডিং, সেখানে উঠবেন ডাকবাংলোয়। বিছানা বিশেষ করে মশারি বিনা কী করে পোয়াবেন দিনরাত্তিয়া?

বিছানাটা নিলেন কি? না। তার ভেতরে যে ভারী জিনিস কিছু কিছু লুকোবেন ভেবেছিলেন সেটিও তাহলে হল না। অবশ্য লুকিয়ে কোন লাভ হত না, কারণ জিনিসটিকে ওজর ত করা হতই—মালে আপনি ফাঁকি দিতে পারতেন না।

আয়ার ট্রাঙ্কেল করবে—মাঝ চুম্বলি পাউণ্ড ক্রী লগেজ—অভ্রব আপনি নিশ্চয়ই বৃদ্ধিমানের মত একটি পিচবোর্ডের কিংবা কাইবারের স্ট্রেকেসে মালমাজ পুরে—সেটার অবস্থা কি হবে মোকামে পৌঁছলে পরে বলব—রওমানা দিলেন আয়ার আপিসের দিকে, ছাত্তা বরঘাতি অ্যাটাচি হাতে, তার জন্তে কাশতো ভাড়া দিতে হবে না (থ্যাক ইউ!)।

ট্যাক্সি যখন নিতেই হবে তখন সঙ্গে চললেন দু'একজন বন্ধুবান্ধব। যদিও দৈবাৎ পেন মিস করেন তবে একটি কড়িও ফেরত পাবেন না বলে দু'দশ মিনিট আগেই রওনা দিলেন এবং আয়ার আপিসে পৌঁছলেন পাঁচ সোয়া দু'ঘণ্টা পূর্বে—আমার জাতভাই বাঙালরা যে রকম ইন্টিশানে গাড়ি ছাড়ার তিন ঘণ্টা পূর্বে যায়।

আয়ার আপিসের লোক হস্তদস্ত হয়ে ট্যাক্সি থেকে আপনার মাল নামাবে। সে-লোকটা কুলি-চাপরাসী সমন্বয়—তা হোক গে—কিন্তু তার বাই সে 'হিন্দী'তে—রাষ্ট্রভাষাতে—অর্থাৎ তার অউন, অরিক্সিয়াল হিন্দীতে কথা বলবেই—যে-রকম তার বসের ইংরেজী বলার বাই অঞ্চ উভয়পক্ষই বাঙালী।

আমাদের বন্ধিম, আমাদের রবীন্দ্রনাথ বলতে আমরা অজ্ঞান, কিন্তু এই বাংলা দেশের মহানগরী, রামমোহন, রবীন্দ্রনাথের লীলাভূমিতেই আপিস আদালতে, রাস্তাঘাটে 'আ মরি বাংলাভাষার' কী কদর, কী সোহাগ!

কলকাতা বাঙালী শহর। বাঙালী বলতে আপনি আমি মধ্যবিত্ত বাঙালীই বৃদ্ধি, তাই আমাদের আয়ার আপিসগুলোর অবস্থা মধ্যবিত্ত বাঙালী পরিবারের মত। অর্থাৎ মাসের পয়লা তিন দিন ইলিশ মূর্গা তারপর আলুভাতে আর মস্তর ডাল।

ঢাক-ঢোল শাঁক-করতাল বাজিয়ে যখন প্রথম আমাদের আয়ার আপিসগুলো খোলা হয় তখন সায়েবী কায়দায় বড় বড় কোঁচ, বিরাট বিরাট সোফা, এস্তার ক্যান, হাট-স্টাণ্ড, গ্লাস-টপ টেবিল—তার উপরে থাকত মাসিক, বৈনিক, আ্যাশট্রে আরও কত কী! সাহস হত না বসতে, পাছে জামাকাপড়ের ঘষার সোকার চামড়া নোংরা হয়ে যায়—চাপরাসীগুলোর উর্দিই ত আমার পোশাকের চেয়ে ঢের বেশী ধোপদুরন্ত ছিমছাম।

আর আজ? চেয়ারগুলোর উপর যা ময়লা জমেছে তাতে বসতে বেগা করে। ক্যানগুলো ক্যাঁচ ক্যাঁচ করে ছুটির জন্ত আবোদন জানাচ্ছে, দেয়ালে চুনকাম করা হয় নি সেই অন্নপ্রাশনের দিন থেকে—সমস্তটা নোংরা এলোপাতাড়ি আর আবহাওয়াটা ইংরাজীতে যাকে বলে ড্রেয়ারী ডিসমেল।

একটা আয়ার আপিসে দেখেছি—ভিতরে যাবার দরজায় যেখানে হাত দিয়ে

ধাক্কা দিতে হয় সেখানে যা ময়লা জমেছে তার তুলনায় আমাদের রান্নাঘরের ভেলচিত্‌টে-কালি-মাথা দরজাও পরিষ্কার। আপনি সহজে বিশ্বাস করবেন না আহ্নন একদিন আমার সঙ্গে, দেখিয়ে দেব।

এইবারে একটু আনন্দের সন্ধান পাবেন। দশাসই লাশদের যখন ওজন করা হবে তখন আড়নয়নে ওজনের কাঁটাটার দিকে নজর রাখবেন। ১৬০ থেকে তামাশা আরম্ভ হয়, তারপর ডবল সেঞ্চুরি পেরিয়ে কেউ কেউ মৃত্তাক আলীর মত ট্রিপলের কাছা-কাছি পৌঁছে যান। আমার বন্ধু ‘—মুখ্‌জ্যে’ যখন একবার ওজন নিতে উঠেছিল তখন কাঁটাটা বৌ-বৌ করে ঘুরতে ঘুরতে শেষটায় থপ করে শূন্যে এসে ভিরাম গিয়েছিল। মুখ্‌জ্যে আমাকে হেসে বলেছিল, ‘কিন্তু তাড়া তুমি যা দাও আমিও তাই।’

কী অন্ডায়!

তারপর আবার সেই একটানা একঘেয়ে অপেক্ষা।

তিন কোয়ার্টার পরে খবর আসবে মালপত্র সব বাসে তোলা হয়ে গিয়েছে। আপনারা গা-তুলুন।

রবি ঠাকুর কী একটা গান রচেনে না?

“আমার বেলা যে যায় সাববেলাতে  
তোমার সুরে সুর মেলাতে—”

অ্যার কোম্পানির বাসগুলো কিন্তু আপিসগুলোর সঙ্গে দিব্য সুর মিলিয়ে বাসে আছে। লড়াইয়ের বাজারে যখন বিলেত থেকে নূতন মোটর আসা বন্ধ হয়ে গিয়েছিল তখন -কচু-বন থেকে কুড়িয়ে আনা যে-সব বাস গ্রামাঞ্চলে চড়েছিলুম, আমাদের অ্যার কোম্পানির বাস প্রায় সেই রকম। ওদেবই আপিসের মত নোংরা, নড়বড়ে আর সীটগুলোর স্প্রিং অনেকটা আরবীস্তানের উটের পিঠের মত। ‘ইহার চেয়ে হতেম যদি আরব বেতুইন’ হওয়ার শখ যদি আপনার হয়, আরব দেশ না গিয়ে, তবে এই বাসেব যে-কোন একটা দু দণ্ডেব তরে চড়ে নিন। আপনার মনে আর খেদ থাকবে না।

মধ্য-কলকাতা থেকে দমদম ক মাইল রাস্তা সে-খবর বের করা বোধ হয় খুব কঠিন নয়; কিন্তু সেই বাসে চড়ে আপনার মনে হবে

‘যেন পেরিয়ে এলেম অস্তবিহীন পথ!

মোটর, ট্যাক্সি, স্টেট বাস, বে-সরকারী বাস এমন কি দু-চারখানা সাইকেল রিক্‌শাও আপনাকে পেরিয়ে চলে যাবে। ত্রিশ না চল্লিশ যাত্রীকে এক খেপে দমদম নিয়ে যাবার জন্ত তৈরি এই চাউশ বাস—প্রতি পদে সে জাম্ হয়ে যায়,

ছাইভার করবে কী, আপনিই বা বলবেন কী ?

দিল্লি থেকে কলকাতা আসবার সময় একবার দেখেছিলুম, বে-বাত্রী প্লেনের দোলাতে কাতর হয় নি সে এই বাসের ঝাঁকুনিতে বমি করেছিল।

দমদম পৌঁছলেন। এবারে প্লেন না-ছাড়া পর্যন্ত একটানা প্রতীক্ষা। -সেও প্রায় তিন কোয়ার্টারের ধাক্কা।

তবে সময়টা অত মন্দ কাটবে না। জায়গাটা সাফ-সুতরো, বইয়ের স্টল আছে, দমদম আন্তর্জাতিক অ্যার পোর্ট বলে জাত-বেজাতের লোক ঘোরাঘুরি করছে, ফুটফুটে করাসী মেম থেকে কালো-বোরকাই-সর্বাঙ্গ-ঢাকা পর্দানিশিনী হজ-যাত্রিনী সব কিছুই চোখের সামনে দিয়ে চলে যাবে।

তবে একথাও ঠিক, হাওড়ার প্লাটফর্মের তুলনায় এখানে উত্তেজনা এবং চাঞ্চল্য কম।

প্লেনে যখন মাল আর আপনার জায়গা হবেই তখন আর ছড়োছড়ি করার কী প্রয়োজন ?

তবু ভারতবর্ষ ভাঙ্কব দেশ। দিন কয়েক পূর্বে দমদম অ্যার পোর্ট রেলস্টেশন টুকে এক গ্রাস জল চাইলুম। দেখি জলের রঙ কিকে হলদে। শুধালুম, শরবত কি ক্রি বিলানো হচ্ছে ?

বয় বললে, জলের টাঁকি সাফ করা হয়েছে, তাই জল ঘোলা, এবং মৃদুস্বরে উপদেশ দিলে, ও জল না খাওয়াই ভাল।

শুনেছি ইয়োরোপের কোন কোন দেশে নরনারী এমন কী কাচ্চা-বাচ্চারাও নাকি জল খায় না। দমদমাতে যদি কিছুদিন ধরে নিত্য নিত্য টাঁকি সাফ করা হয় তবে আমরা সবাই সায়েব হয়ে যাব।

শুধু কি তাই, জলের জন্ত উদ্বাস্তরা উদ্বাস্ত-করে তুলবে না কলকাতা কর্পো-রেশনকে। আমরা সবাই এখন কুটির বদলে কেক খাব। সে-কথা থাক্।

কিন্তু দমদম অ্যার পোর্টের সত্যিকার-জলুস খোলে যেদিন ভোরে কুয়াশা জমে। কাণ্ডটা আমি এই শীতেই হুবার দেখেছি। ভোর থেকে যে সব প্লেনের দমদম ছাড়ার কথা ছিল তার একটাও ছাড়তে পারে নি। তার প্যাসেঞ্জার সব বসে আছে অ্যার পোর্টে।

আরও যাত্রী আসছে দলে দলে, তাদেরও প্লেন ছাড়তে পারছে না, করে করে প্রায় দশটা বেজে গেল। এক দিক থেকে যাত্রীরা চলে যাচ্ছে, অল্প দিক থেকে আসছে; এই শ্রোত বন্ধ হয়ে যাওয়াতে তখন দমদমাতে যে যাত্রীর বস্তা আগে, তাদের উৎকর্ষা, আহাৰাদির সন্ধান, ধবরের জন্ত অ্যার কোম্পানির

কর্মচারীদের বার বার একই প্রশ্ন শোধানো, 'ডায়ম ক্যালকাটা গুয়েদার' ইত্যাদি কটুবাক্য, নানা রকমের গুজব—কোথায় নাকি কোন্ প্লেন জ্বাশ করেছে, কেউ জানে না—যে-সব বন্ধুরা 'সী-অফ্' করতে এসেছিলেন তাঁদের আপিসের সময় হয়ে গেল অঞ্চ চলে গেলে খারাপ দেখাবে বলে কষ্টে আত্মসম্বরণ, প্লেন 'টেক অফ' করতে পাবে না ওদিকে ব্রেকফাস্টের সময় হয়ে গিয়েছে বলে যাত্রীদের ক্রী থাওয়ানো হচ্ছে, কঙ্গুস কোম্পানির গড়িমসি করছে বলে তাদের যাত্রীদের অভিসম্পাত—আরও কত কী !

লাউড স্পীকার ভোর ছটা থেকে রা কাড়ে নি। খবর দেবেই বা কী ?

দমদম নর্থ-পোল হলে কী হত জানি নে। শেষটায় কুয়াশা কাটল। হঠাৎ শুনি লাউড স্পীকারটা কুয়াশায়-জমা গলার কাশি বার কয়েক সাফ করে জানালে, 'অমুক জায়গার প্যাসেঞ্জাররা অমুক প্লেনে ( ডি বি জি, হি বি জি, হিজিবিজি কী নম্বর বললে বোঝা গেল না ) করে রওয়ানা দিন ।'

আমি না হয় ইংরেজী বুঝি নে, আমার কথা বাদ দিন, কিন্তু লক্ষ্য করলুম, আরও অনেকে বুঝতে পারেন নি। গোবেচারীরা ফ্যাল ফ্যাল করে ডাইনে বাঁয়ে তাকালে, অপেক্ষাকৃত চালাকেরা অ্যার আপিসে খবর নিলে, শেষটায় যে প্লেন ছাড়বে তার কোম্পানির লোক আমাদের ডেকে-ডুকে জড়ো করে প্লেনের দিকে রওয়ানা করে দিলে—পাওয়ারা যে-রকম গাইয়া তীর্থযাত্রীদের ধাক্কাধাক্কি দিয়ে ঠিক-গাড়িতে তুলে দেয়।

আমার সঙ্গে পাশাপাশি বসে যাচ্ছিলেন এক মারোয়াড়ী ভদ্রলোক। আমাকে বললেন, 'আজকাল ত অনেক ইংরেজী না-জাননেওয়াল। যাত্রী-ভী প্লেনে চড়ছে তব্ বাঙালী জবান মে প্লেনকা খবর বলে কাহে ?'

ওই বুঝলেই ত পাগল সারে।

দেবরাজকে সাহায্য করে রাজা দুঃস্বস্ত যখন পুষ্পক রথে চড়ে পৃথিবীতে ফিরছিলেন, তখন যেমন যেমন তিনি পৃথিবীর নিকটবর্তী হতে লাগলেন, সঙ্গে সঙ্গে পাহাড় পর্বত, গৃহ অট্টালিকা অতিশয় দ্রুত গতিতে তার চক্ষুর সম্মুখে বৃহৎ আকার ধারণ করতে লাগল। যতদূর মনে পড়ছে, রাজা দুঃস্বস্ত তখন তাই নিয়ে রথীর কাছে আপন বিশ্বয় প্রকাশ করেছিলেন।

পূনার জনৈক ব্রাহ্মণ পণ্ডিত তারই উল্লেখ করে আমার কাছে সপ্রমাণ করার চেষ্টা করেছিলেন যে, দুঃস্বস্তের যুগ পর্যন্ত ভারতীয়েরা নিশ্চয়ই ধ-পোত নির্মাণ করতে পারতেন, না হলে রাজা ক্রমাসন্ন পৃথিবীর এহেন পুন্ড্রাপুন্ড্র বর্ণনা দিলেন কী প্রকারে ?

তার বছ বৎসর পরে একদা রমণ মহর্ষি একটা ঘটনা বিশদভাবে পরিষ্কৃত করার জন্য তুলনা দিয়ে বলেন, উপরের থেকে নীচের দিকে দ্রুতগতিতে আসার সময় পৃথিবীর ছোট ছোট জিনিস যে রকম হঠাৎ বৃহৎ অবয়ব নিতে আরম্ভ করে, ঠিক সেই রকম ইত্যাদি, ইত্যাদি।

মহর্ষির এক প্রাচীন ভক্ত আমার কাছে বসে ছিলেন। আমাকে কানে কানে বললেন ‘এখন ত তোমার বিশ্বাস হল যে, মহর্ষি যোগবলে উদ্ভীর্ণমান হতে পারেন।’ আমায় এ-কথাটি তাঁর বিশেষভাবে বলার কারণ এই যে, আমি একদিন অলৌকিক ঘটনাব আলোচনা প্রসঙ্গে একটি ফার্সী প্রবাদবাক্য উল্লেখ করে বলেছিলুম :—

“পীরহা নমীপরন্দ,  
শাগিরদান উছারা মীপবানন্দ।”

অর্থাৎ ‘পীর (মুরশীদ) ওড়েন না, তাঁদের চেলারা ওঁদের ওড়ান (cause them fly)।’

তার কিছুদিন পরে আমি রমণ মহর্ষির পীঠস্থল তীর্থ-আন্নামালাই (শ্রীআন্নামালাই) গ্রামের নিকটবর্তী অরুণাচল পর্বত আরোহণ করি। মহর্ষি এই পর্বতে প্রায় চল্লিশ বৎসর নির্জনে সাধনা করার পর তীর্থ-আন্নামালাই গ্রামে অবতরণ করেন—সাধারণ ভাষায় অবতীর্ণ হন।

পাহাড়ের উপর থেকে রমণাশ্রম দ্রৌপদী-মন্দির সব কিছু খুব ছোট দেখাচ্ছিল। তারপর নামবার সময় পাহাড়ের সান্নিদেশে এক জায়গায় খুব সোজা এবং বেশ ঢালু পথ পাওয়ায় আমি ছুটে সেই পথ দিয়ে নামতে আরম্ভ করলুম এবং আশ্চর্য হয়ে লক্ষ্য করলুম, আশ্রম, দ্রৌপদী-মন্দির কী রকম অদ্ভুত দ্রুতগতিতে বৃহৎ আকার ধারণ কবতে লাগল।

আমার এ-অভিজ্ঞতা থেকে এটা কিছু সপ্রমাণ হয় না যে পুষ্পক রথ কল্পনার সৃষ্টি কিংবা রমণ মহর্ষি যোগবলে আকাশে উদ্ভীর্ণমান হন নি, কিন্তু আমার কাছে সুস্পষ্ট হস্তে গেল যে, দ্রুতগতিতে অবতরণ করার সময় ভূপৃষ্ঠ কীরূপ বৃহৎ আকার ধারণ করতে থাকে।

কিন্তু এর উশ্টোটা করা কঠিন, কঠিন কেন, অসম্ভব। অর্থাৎ দ্রুতগতিতে উপরের দিকে যাচ্ছি আর দেখছি পৃথিবীর তাবৎ বস্তু ক্ষুদ্র হয়ে যাচ্ছে—এ-জিনিস অসম্ভব কারণ দৌড় দিয়ে উপরের দিকে যাওয়া যায় না।

সেটা সম্ভব হয় আরোপ্নেন চড়ে।

মাটির উপর দিয়ে প্লেন চলছিল মারাত্মক বেগে, সেটা ঠাইর হচ্ছিল আরো-

ড্রোমের দ্রুত পলায়মান বাড়িঘর, ছাত্রার, ল্যাম্পপোস্ট থেকে ; কিন্তু সেই শ্রেণী  
বধন ৭ পাঁচেক ফুট উপরে উঠে গেল, তখন মনে হল আর যেন তেমন জোর  
গতিতে সামনের দিকে যাচ্ছি নে।

উপরের থেকে নীচের দিকে তাকাচ্ছি বলে খাড়া নারকেল গাছ, টেলিফোনের  
খুঁটি, তিনতলা বাড়ি ছোট ত দেখাচ্ছিলই, কিন্তু সব কিছু যে কতখানি ছোট  
হয়ে গিয়েছে, সেটা মালুম হল, পুকুর, ধানক্ষেত আর রেল-লাইন দেখে। ঠিক  
পাথির মত প্লেনও এক-একবার গা-ঝাড়া দিয়ে এক এক ধাক্কায় উঠে যাচ্ছিল  
বলে নীচের জিনিস ছোট হয়ে যাচ্ছিল এক এক ঝটকায়।

জয় মা-গঙ্গা ! অপরাধ নিয়ো না মা, তোমাকে পবননন্দন পদ্ধতিতে ডিঙিয়ে  
যাচ্ছি বলে। কিন্তু মা, তুমি যে সত্যি মা, সেটা ত এই আজ বুকলুম তোমার  
উপর দিয়ে উড়ে যাবার সময়। তোমার বৃকের উপর কুম্ভাঘরী শাড়ি, আর তার  
উপর শুয়ে আছে অগুনতি খুদে খুদে মানওয়ারী জাহাজ, মহাজনী নৌকা—আর  
পানসি-ডিঙির ত লেখাজোখা নেই। এতদিন এদের পাড় থেকে অস্ত পরি-  
শ্রেক্ষিতে দেখছি বলে হামেশাই মনে হয়েছে জাহাজ নৌকা এরা তেমন কিছু  
ছোট নয়, আর তুমিও তেমন কিছু বিরাট নও, কিন্তু ‘আজ কী এ দেখি, দেখি,  
দেখি, আজ কী দেখি—’ এই যে ছোট ছোট আঙাবাচ্চারা তোমার বৃকের উপর  
নিশ্চিন্ত মনে শুয়ে আছে, তারা তোমার বৃকের তুলনায় কত ক্ষুদ্র, কত নগণ্য।  
এদের মত হাজার হাজার সম্ভান-সম্ভতিকে তুমি অনায়াসে তোমার বৃকের  
আশ্রয় দিতে পার।

প্লেন একটুখানি মোড় নিতেই হঠাৎ সর্বত্রকাণ্ডের সূর্যরশ্মি এসে পড়ল মা-  
গঙ্গার উপর। সন্ধে সন্ধে যেন এ-পার ও-পার জুড়ে আগুন জ্বলে উঠল, কিন্তু এ  
আগুন যেন শুভ মল্লিকার পাপড়ি দিয়ে ইম্পাত বানিয়ে।

সেদিকে চোখ কিরে তাকাই তার কী সাধ্য ? মনে হল স্বয়ং সূর্যদেবের—  
রুদ্রের—মুখের দিকে তাকাচ্ছি ; তিনি যেন শুধু স্বচ্ছ রক্ত-যবনিকা দিয়ে বদন  
আচ্ছাদন করে দিয়েছেন। এ কী মহিমা, এ কী দৃশ্য ! কিন্তু এ আমি সইব  
কী করে ? তোমার দক্ষিণ মুখ দেখাও, রুদ্র। হে পূবন, আমি উপনিষদের  
জ্যোতির্জ্ঞা ঋষি নই, যে বলব—

‘হে পূবন, সংহরণ

করিয়াছ তব রশ্মিজাল

এবার প্রকাশ করো

তোমার কল্যাণতম রূপ,

দেখি তারে যে-পুরুষ

তোমার আমার মাঝে এক ।'

আমি বলি, ভব রশ্মিজাল তুমি সংহরণ কর, তুমি আমাকে দেখা দাও, তোমার মধুর রূপে, তোমার রক্ত রূপে নয়। তোমার বচন যবনিকা খনতর করে দাও।

তাই হল—হয়ত প্লেন তাঁরই আদেশে পরিপ্রেক্ষিত বদলিয়েছে—এবার দেখি পদ্যাবকে স্নিগ্ধ রক্ত-আচ্ছাদন, আর তার উপর লক্ষ কোটি অলস স্বরস্বন্দরীর স্তম্ভ তাদের নৃপুর দৃশ্যমান করে নৃত্য আরম্ভ করেছেন। কিন্তু এ-নৃত্য দেখবার অধিকার আমার আছে কি? রক্ত না হয় অজুমতি দিয়েছেন, কিন্তু তাঁর চেলা নন্দীভূঙ্গীর ত রয়েছে! স্বয়ং রবীন্দ্রনাথ তাঁদের সমবে চলাভেন, যদিও ওদিকে পূষনের সঙ্গে তাঁর হৃৎতা ছিল, তাই বলেছেন :—

‘ভৈরব, সেদিন তব প্রেতসঙ্গী দল

রক্ত-ঐশি !’

অষ্টটি পাখি যে-রকম ভয় পেলে বালুতে মাথা গুঁজে ভাবে, কেউ তাকে দেখতে পাচ্ছে না, আমিও ঠিক তেমনি পকেট থেকে কালো চশমা বের করে পরলুম—এইবারে নৃপুর-নৃত্য দেখতে আর কোন অসুবিধে হচ্ছে না।

শুনি, ‘সুর, সুর।’ এ কী জালা। চেয়ে দেখি প্লেনের স্টুয়ার্ড ক্রোড়ে করে সামনে লজেঞ্জুস ধরেছে। বিশ্বাস করবেন না, সত্যি লজেঞ্জুস। লাল, নীল, ধলা, ‘স্বরেক বড়োর। লোকটা মস্তুরা করছে নাকি—আমি হৌড়ার বাপের বয়সী—আমাকে দেখাচ্ছে লজেঞ্জুস! তারপর কি ঝুমঝুমি দিয়ে বলবে, ‘বাপধন, এইটে দোলাও দেখিনি, ডাইনে বাঁয়ে, ডাইনে—আর—বাঁয়ে।’

এদিকে প্রকৃতির রসরস, ওদিকে লজেঞ্জুসের রস। আমি মহাবিরক্তির সঙ্গে বললুম, ‘থ্যাক ইউ’

লোকটা আচ্ছা গবেট ত! শুধালে, ‘থ্যাক ইউ, ইয়েস, অর থ্যাক ইউ, নো?’ মনে মনে বললুম, ‘তোমার মাথায় গোবর।’ বাইরে বললুম, ‘নো।’ কিন্তু এবারে আর ‘থ্যাক ইউ’ বললুম না।

কিন্তু বিশ্বাস করবেন না, মশাইরা, বেশীর ভাগ খেড়েরাই লজেঞ্জুস নিলে এবং চুষলে।

তবে কি হাওয়ায় চড়ে ওদের গলা শুকিয়ে গিয়েছে, আর ওই বাচ্চাদের মাল নিয়ে গলা ভেজাচ্ছে? আল্লায়, মালুম।

ও মা, ততকণে দেখি সামনে আবার গলা। কাটোয়ার বাক।



প্লেন আবার গঙ্গা ডিঙল। ওকে ত আর খেয়ার পয়সা দিতে হয় না। কে বলেছে :—

‘ভাগ্যিস আছিল নদী জগৎ সংসারে  
তাই লোকে কড়ি দিয়ে যেতে পারে  
ও-পাবে ??’

### ভাষা ও জনসংযোগ

‘আনন্দবাজার পত্রিকা’র দোল সংখ্যায় ( ১৯৫৩ ) ত্রীমুত প্রবোধচন্দ্র সেন ‘বাংলা-সাহিত্যের অতীত এবং ভবিষ্যৎ’ শীর্ষক একটি স্মৃতিস্তম্ভিত এবং তথাপূর্ণ প্রবন্ধ লিখেছেন। হিন্দী ইংরেজী বনাম বাংলা ভাষা ও সাহিত্য নিয়ে ষাণ্ডা কোঁতুহলী, তাঁদের সকলকে আমি এই প্রবন্ধটি পড়তে অন্তরোধ কবি—তাঁরা লাভবান হবেন।

আমার আলোচনায় জানা-অজানাতে প্রবোধচন্দ্রের অনেক যুক্তি এসে গিয়েছে এবং আসবে। প্রবোধচন্দ্র না হয়ে অন্য কোন কাঁচা লেখক হলে আমি আমার লেখাতে পদে পদে তাঁর উদ্ধৃতিব ঋণ স্বীকার করতুম—কিন্তু এঁর বেলা সেটার প্রয়োজন নেই, কাবণ প্রবোধবাবু লক্ষপ্রতিষ্ঠা পণ্ডিত, তাঁর একমাত্র উদ্দেশ্য বাংলা ভাষা যেন তাঁর শ্রায্য হক্ক পায় এবং সেই হক্ক সপ্রমাণ কবাব জগৎ কে তাঁর লেখা থেকে কতখানি সাহায্য পেল, সে সম্বন্ধে তিনি সম্পূর্ণ উদাসীন। এবং আমার বিশ্বাস, দবকার হলে তিনিও অন্য লেখকের রচনা থেকে যুক্তি-তর্ক আহরণ করতে কুণ্ঠিত হবেন না। আমাব লেখা তাঁকে সাহায্য না-ই করল।

প্রাচ্যে যে-সব বড় আন্দোলন হয়ে গিয়েছে, সে-সব আন্দোলন শুধু যে তার জন্মভূমিতেই সফল হয়েছে তাই নয়, তার চেউ পশ্চিমকেও তার স্থপ্তিতে জাগরণ এনে দিয়েছে, সে-সব আন্দোলনকে আমরা সচরাচর ধর্মের পর্যায়ে ফেলে নবধর্মের অভ্যুদয় নাম দিয়ে থাকি। ভাবতবর্ষে তাই বৌদ্ধ ও জৈনদেব দুই বৃহৎ আন্দোলনকে আমরা ধর্মের আখ্যা দিয়েছি, সেমিতি ভূমিতে ঠিক ওই রকমই দুই মহাপুরুষকে কেন্দ্র করে দুটি জোরাল আন্দোলন সৃষ্ট হয়—তাদের নাম খ্রীষ্টধর্ম এবং ইসলাম।

আজকের দিনে ধর্ম বলতে আমরা প্রধানত বুদ্ধি, মাহুশের সঙ্গে ভগবানের সম্পর্ক। পূজা-অর্চনা কিংবা কুচ্ছসাধন ধ্যানাদি করে, কী করে ভগবানকে পাওয়া যায় ধর্ম সেই পন্থা দেখিয়ে দেয়, এই আমাদের বিশ্বাস। কিন্তু একটুখানি

ধর্মের ইতিহাস অধ্যয়ন করলেই দেখতে পাবেন, ভগবানকে পাওয়ার জন্য ধর্ম যতখানি মাথা ঘামিয়েছে তার চেয়ে ঢের ঢের বেশী চেষ্টা করেছে, মাছুষে মাছুষে সম্পর্ক সভ্যতর করার জন্য। ধর্ম চেষ্টা করেছে, ধনী-দরিদ্রের পার্থক্য কমাতে, অন্ধ-আতুরের আশ্রয় নির্মাণ করাতে—এক কথায়, এমন এক নবীন সমাজ গড়ে তুলতে যেখানে মাছুষ মাংসপ্রিয় বর্জন করে, একে অন্ধের সহযোগিতায় আপন আপন শক্তির সম্পূর্ণ বিকাশ করতে পারে। বৌদ্ধ এবং জৈন ধর্ম এই সব কাজেই মনোযোগ করেছে বেশী—ভগবানের সাম্নিধ্য এবং তার সাহায্য সশব্দে উদাসীন হয়ে।

বিস্ত্রশালী এবং পণ্ডিতের সংখ্যা সংসারে সব সময়েই কম ছিল বলে বড আন্দোলনকারী মাত্রই এদের উপেক্ষা কবে জনগণকে কাছে আনতে—এমন কী ‘বেপিয়ে তুলতে’—চেষ্টা করেছেন প্রাণপণ। তাই তাঁরা বিস্ত্রশালী এবং পণ্ডিতের ভাষা উপেক্ষা করে যে-ভাষায় কথা বলেছেন, সেটা জনগণের ভাষা। তখা-গতের ভাষা তৎকালীন গ্রাম্য ভাষা পালি এবং মহাবীরের ভাষা অর্ধমাগধী, গ্রীষ্টের ভাষা হিব্রুর গ্রাম্য সংস্করণ, আরামেয়িক এবং মুহম্মদের ( দঃ ) ভাষা আরবী। আরবী সে-যুগে এতই অনাদৃত ছিল যে, আরবেরাই আশ্চর্য হল, এ-ভাষায় আল্লা তাঁর কুরআন প্রকাশ ( অবতরণ = নাজিল ) করলেন কেন ? তারই উত্তর কুরআনে রয়েছে ,

আল্লা বলেছেন :

“Had we sent as  
A Quaran ( in a language )  
Other then Arabic, they would  
Have said : why are not  
It’s verses explained in detail ?  
What ! ( a book.) not in Arabic  
And ( a Messenger an Arab ? )”

অর্থাৎ “আমরা যদি আরবী ভিন্ন অগ্র কোন ভাষাতে কুরআন পাঠাতুম, তা হলে তারা বলত, এর বাক্যগুলো ভাল করে বুঝিয়ে বলা হয় নি কেন ? সে কি ! বই আরবীতে নয় অথচ পয়গম্বর আরব ?”

আল্লা স্পষ্ট ভাষায় বলেছেন, আরব পয়গম্বর যে আরবী ভাষায় কুরআন অবতরণের ভাষা ব্যবহার করবেন সেই ত স্বাভাবিক, অগ্র যে-কোন ভাষায় ( এবং সে যুগে হীক ছিল পণ্ডিতের ভাষা ) সে কুরআন পাঠানো হলে মক্কার

লোক নিশ্চয়ই বলত, 'আমরা ত এ র অর্থ বুঝতে পারছি নে।'

গণ-আন্দোলনে সব চেয়ে বড় কথা—আপামর জনসাধারণ যেন বক্তার বক্তব্য স্পষ্ট বুঝতে পারে।

তাই মহাপ্রকৃ শ্রীচৈতন্যের চতুর্দিকে যে-আন্দোলন গড়ে উঠল, তার ভাষা বাংলা, তুকারামের ভাষা মারাঠী ( তিনি ব্যঙ্গ করে বলেছেন, সংস্কৃতই কেবল সাধুভাষা?—তবে কি মারাঠী চোরের ভাষা ), কবীরের ভাষা সে-সময়ে প্রচলিত হিন্দী এবং তিনিও বলেছেন, "সংস্কৃত কুপঞ্জল ( তার জন্ত ব্যাকরণের দড়ি-শোটার প্রয়োজন ) কিন্তু 'ভাষা' ( অর্থাৎ চলতি ভাষা ) 'বহুতা' নীর—যখন খুশি ঝাঁপ দাও, শাস্ত হবে শরীর।" রামমোহন, দয়ানন্দ আপন আপন মাতৃভাষায় তাঁদের ষাণী প্রচার করেছিলেন, আর শ্রীরামকৃষ্ণ যে-বাংলা ব্যবহার করে গিয়েছেন, তার চেয়ে সোজা সরল বাংলা আত্ম পর্যন্ত কে বলতে পেরেছেন? এমন কি বিজ্ঞানসাগর মহাশয়ও তাঁর বিপক্ষ দলকে উপদেশ দিয়েছিলেন সংস্কৃত না লিখে বাংলায় উক্তর দিতে। তিনি নিজেও সংস্কৃতে লেখেন নি, যদিও তিনি সংস্কৃত জ্ঞানভেদে আর-সকলের চেয়ে বেশী।

আমার মনে হয় বৌদ্ধ ও জৈন ধর্মের পতনের অগ্রতম কারণ সেদিনই জন্ম নিল, যেদিন বৌদ্ধ ও জৈন পণ্ডিতেরা দেশজ ভাষা ত্যাগ করে সংস্কৃতে শাস্ত্রালোচনা আরম্ভ করলেন। দেশের সঙ্গে যোগস্বত্ব ছিন্ন হয়ে গেল, ওদিকে সংস্কৃতে শাস্ত্রচর্চা করতে ব্রাহ্মণদের ঐতিহ্য ঢের ঢের বেশী—বৌদ্ধ-জৈনদের হার মান ত হল।

পৃথিবী জুড়ে আরও বহু বিরাট আন্দোলন হয়ে গিয়েছে—পণ্ডিতী ভাষাকে সম্পূর্ণ উপেক্ষা করে, মাতৃভাষার উপর পরিপূর্ণ নির্ভর করে।

এইবারে নিবেদন, ইতিহাস আলোচনা করে দেখান ত পৃথিবীর কোথায় কোন্ মহান এবং বিরাট আন্দোলন হয়েছে জনগণের কথা এবং বোধ্য ভাষা স্বর্জন করে?

এ-তত্ত্ব এতই সরল যে, এটাকে প্রমাণ করা কঠিন। স্বতঃসিদ্ধ িনিস প্রমাণ করতে গেলেই প্রাণ কষ্টাগত হয়।

আটঘাট বেঁধে পূর্বেই প্রমাণ করেছি, এসব আন্দোলন নিছক ধর্মালোচন ( অর্থাৎ আত্ম-পরমাস্বাভিনিত ) নয়, এদের সামাজিক, অর্থনৈতিক, রাজ-নৈতিক অংশ অনেক বেশী গুরুত্ববাহক।

তাই ভারতবর্ষ এখন যে নবীনরাষ্ট্র নির্মাণের চেষ্টা করছে, তার সঙ্গে এই সব আন্দোলনের পার্থক্য অতি সামান্য এবং তুচ্ছ। এই যে পঞ্চবার্ষিক পরিকল্পনা

স্বাধীন হয়েছিল, তার সাক্ষ্যের বৃহৎশক্তি নির্ভর করবে জনগণের সহযোগিতার উপর—  
এ-কথা পরিকল্পনার কর্তব্যাক্তির বহুবার স্বীকার করেছেন এবং ক্রমেই বুঝতে  
পারছেন, উপর থেকে পরিকল্পনা চাপিয়ে কোনও দেশকে উন্নত করা যায় না—  
যদি নীচের থেকে, জনগণের হৃদয়মন থেকে সাদা না আসে, সহযোগিতা আগে  
না ওঠে।

আমাদের সর্ব প্রচেষ্টা, সর্ব অর্থব্যয়, সর্ব ক্লেশসাধন সম্পূর্ণ নিফল হবে যদি  
আমরা আমাদের সর্ব পরিকল্পনা সর্ব প্রচেষ্টা জনগণের বোধ্য ভাষায় তাদের  
সম্মুখে প্রকাশ না করি। এ-বিষয়ে আমার মনে কণামাত্র সন্দেহ নেই।

আমি জানি, ভারতবর্ষ এগিয়ে যাবেই, কেউ ঠেকাতে পারবে না। শুধু ধীরে  
অস্বস্তহীনকাল ধরে ইংরেজীর সেবা করতে চান, তাঁরা ভারতের অগ্রগামী গভির্কে  
স্বপ্ন করে দেবেন মাত্র।

এ বিশ্বাস না থাকলে আমি বার বার নানা কথা এবং একাধিকবার একই  
কথা বলে বলে আপনাদের বিরক্তি ও দৈর্ঘ্যচ্যুতির কারণ হতুম না ॥

### ইংরেজী বনাম মাতৃভাষা

‘হিন্দুস্থান স্ট্যাণ্ডার্ড’এ সুপণ্ডিত, প্রাতঃস্মরণীয় শ্রীযুক্ত যতুনাথ সরকার ‘কম্পালসরি  
হিন্দী—ইটস একেক্ট অন্ এডুকেশন’ শীর্ষক একটি স্মৃতিস্তিত প্রবন্ধ লিখেছেন।  
প্রবন্ধের পূর্বে তিনি দুটি প্রশ্ন জিজ্ঞেস করেছেন। প্রথমত, অ-হিন্দী অঞ্চলের  
আপন ভাষা—যথা বাংলা, মারাঠী, দক্ষিণী ভাষাগুলোর স্থান হিন্দী দখল করে  
নিয়ে সে-সব অঞ্চলে একে অন্তের যোগস্বত্বের এবং সাহিত্যে কলাসৃষ্টির মাধ্যম  
হতে পারবে কি? দ্বিতীয়ত, এই প্রতিদ্বন্দ্বিতার জগতে আমরা যদি দুবদৃষ্টি দিয়ে  
দেখি, তবে এটা কি কামা হবে যে, হিন্দী ইংরেজীর জায়গা দখল করে ব্যবসা-  
বাণিজ্য এবং উচ্চ শিক্ষার মাধ্যম হয়ে উঠুক?

নানা যুক্তি তর্ক দিয়ে শ্রীযুক্ত সরকার সপ্রমাণ করেছেন, বাংলা, মারাঠী  
ইত্যাদির স্থান হিন্দী কখনও দখল করতে পারবে না। আমরাও তাঁর সঙ্গে সম্পূর্ণ  
একমত।

দ্বিতীয় প্রশ্নের উত্তরেও তিনি বলেছেন, ইংরেজীর স্থলে হিন্দী কামা হতে  
পারে না। শ্রীযুক্ত সরকার তাই ব্যবসা-বাণিজ্য, জ্ঞান-বিজ্ঞান চর্চার জন্য ভারত-  
বর্ষে ইংরেজীই চালু রাখতে চান। বিশ্ববিদ্যালয়েও তিনি ইংরেজীকেই শিক্ষার  
মাধ্যমরূপে রাখতে চান—না হিন্দী, না বাংলা, এবং তাঁর লেখাতে তিনি এমন

কোনও ইঙ্গিতও দেন নি যে, আজ হোক কিংবা এক শ বছর পরেই হোক, শেষ পর্যন্ত বাংলাই কলকাতা বিশ্ববিদ্যালয়ে শিক্ষার মাধ্যম হবে। তাঁর ব্যবস্থা অত্রযায়ী দেখতে পাচ্ছি, ইংরেজীই অজরামররূপে চিরকাল আমাদের শিক্ষা-দীক্ষার মাধ্যম হয়ে থাকবে।

সরকার মহাশয় ইংরেজী ভাষার যে গুণকীর্তন করেছেন তার সঙ্গে আমরা সম্পূর্ণ একমত। ইংরেজীর মত আন্তর্জাতিক ভাষা পৃথিবীতে আর নেই, অগ্ণকার ( বিশেষ জ্ঞোর দিয়ে আমিও বলছি অগ্ণকার ) দিনে জ্ঞান-বিজ্ঞান এবং দর্শনের চর্চা করতে হলে ইংরেজী ভিন্ন গত্যন্তর নেই।

কিন্তু ইংরেজী চিরকাল এদেশেব শিক্ষার মাধ্যম, তথা উচ্চাঙ্ক জ্ঞান-বিজ্ঞান চর্চার বাহন হয়ে থাকবে এ ব্যবস্থা আমরা কাম্য বলে মনে করি নে।

এ কথা ঠিক যে, আজই যদি আমরা ইংরেজী বর্জন করি, তবে সমূহ ক্ষতিগ্রস্ত হব, কিন্তু কোনও দিনই শিক্ষার মাধ্যমরূপে বর্জন করতে পারব না একথা আমরা বিশ্বাস করি নে।

পৃথিবীর অন্যান্য প্রাচ্য দেশেব অবস্থা আজ কী? আরব ভূখণ্ড বিশেষ করে মিশরে জ্ঞান-বিজ্ঞানেব চর্চা কি দিল্লি-কলকাতার চেয়ে অনেক কম? মিশরে জ্ঞানচর্চার মাধ্যম আরবী, ইংরেজী না ফরাসী? 'অজহর' মুসলিম শাস্ত্রালোচনার পীঠস্থল—সেখানে যে আববী মাধ্যম হবে, তাতে আব কী সন্দেহ! তাই সে-দৃষ্টান্ত দেব না, কিন্তু যুরোপীয় চঙে নির্মিত বাকী বিশ্ববিদ্যালয়ে শিক্ষার মাধ্যম ত ফরাসী নয়, ইংরেজীও নয়। অথচ তারা দিব্য আরবীর মাধ্যমেই আলোপ্যাথি, যুরোপীয় ইঞ্জিনীয়ারিং শিখছে, তাদের পুরাতত্ত্ব বিভাগের প্রতিবেদন ( রিপোর্ট ) আরবীতেই বেরয়। বিদেশী অধ্যাপকদের আরবী শিখে সে-ভাষাতেই পড়াতে হয়।

আঙ্কারা বিশ্ববিদ্যালয়ের মাধ্যম ফরাসী? বা তেহরানে?

এই যে চীনে, এতবড় রাজনৈতিক ও সামাজিক নবজাগরণ হয়েছে সে কি রাশানকে বিশ্ববিদ্যালয়ের মাধ্যম কবে? না, আজ বিশ্ববিদ্যালয়ে রাশান শিক্ষার মাধ্যম, কিংবা চীনারা তাঁদের জ্ঞান-বিজ্ঞানের চর্চা রাশান ভাষায় আরম্ভ করে দিয়েছেন? পণ্ডিতজী তাঁর চিন্তার ফল ইংরেজীতে প্রকাশ করেন, কিন্তু মাওসে তুঙ রাশানে কেতাব লিখেছেন, এ-কথা ত কখনও শুনি নি।

জাপানে শিক্ষার মাধ্যম কি ইংরেজী? জাপানীদের শ্রেষ্ঠ গ্রন্থ বেরয় কোন ভাষায়?

ত্রীযুক্ত সরকার বলেছেন,—“Even in the Latin Republics of”

South America, English is fast advancing as the medium of commercial communication and displacing (except for petty purely local transactions) Portuguese and in some of the States corrupt Spanish by the people."

লাতিন-আমেরিকা সঙ্ক্ষে আমার সাক্ষাৎজ্ঞান নেই, তাই 'গেটি পুরলি লোকাল ট্রানজ্যাকশনস্' বলতে শ্রীযুক্ত সরকার কী বলতে চেয়েছেন, ঠিক বুঝতে পাবলুম না। তবে কি ওইসব অঞ্চলে বিশ্ববিদ্যালয়ে শিক্ষার মাধ্যম ইংরেজী? এমন কথা ত কখনও শুনি নি—বরঞ্চ আমার ঠিক ঠিক জানা আছে, দ্বিতীয় মহাযুদ্ধের পূর্বে, জর্মনির ইস্কুলে যারা লাতিন গ্রীক পড়ত না তাদের বাধ্য হয়ে ইংরেজী, ফরাসী এবং স্প্যানিশের মধ্যে যে-কোনও দুটো শিখতে হত এবং লাতিন আমেরিকায় ইংরেজীর চেয়ে স্প্যানিশের মাধ্যমেই ব্যবসা-বাণিজ্য ভাল চলবে এ-তত্ত্ব জানা থাকায় বহু ছেলেমেয়ে স্প্যানিশ শিখত।

লাতিন আমেরিকা অনেক দূরের পাল্লা—এবারে ইংলণ্ডে খুব কাছে চলে আসা যাক—ইংরেজী ভাষার গুণ-গরিমা প্রতিবেশী হিসাবে যারা সব চাইতে বেশী জানে এবং বোঝে। এরা সংখ্যায় খুব নগণ্য তবু ইংরেজীকে শিক্ষার মাধ্যম করে নেয় নি। হল্যান্ড, ডেনমার্ক, নরওয়ে, সুইডেন, ফিনল্যান্ডের বিশ্ববিদ্যালয়-গুলোতে কি শিক্ষার মাধ্যম ইংরেজী, না তারা জ্ঞান-বিজ্ঞানের চর্চা করে ইংরেজীতে? এদের ব্যবসা-বাণিজ্যের বেশ একটা বড় হিঙ্গা ইংলণ্ডের সঙ্গে, কিন্তু কই, তারাও ত তাদের বিশ্ববিদ্যালয়ে ইংরেজী অবশ্যপাঠ্য করে নি? আজকের দিনের সঠিক খবর বলতে পারব না, তবে যতদূর জানা আছে, যারা উচ্চশিক্ষাভিলাষী তাদের হয় শিখতে হয় লাতিন-গ্রীক, নয় ইংরেজী, ফরাসী, জর্মন, স্প্যানিশ ইত্যাদির যে-কোন দুটো ভাষা।

এখন প্রশ্ন, যারা মাতৃভাষা ভিন্ন অল্প একটি কিংবা দুটি ভাষা শেখে তাদের জ্ঞানগম্যি ওসব ভাষাতে কতখানি হয়? পণ্ডিতদের কথা হচ্ছে না, তাঁদের সংখ্যা অতিশয় নগণ্য। জর্মন পণ্ডিতমাত্রই ক্লাসিক্‌স্ এবং ফরাসী, ইংরেজী, ইতালীয় পড়ে বুঝতে পারেন, ইংরেজ পণ্ডিতদেব বেশীর ভাগ ফরাসী জর্মন পড়তে পারেন—বিশেষ করে যারা অর্থনীতির চর্চা করবেন তাঁদের মাসিক পত্রিকায় জমবাট, স্তমপেটার পড়ার জন্ম বাধ্য হয়ে জর্মন শিখতে হত। অ্যাটম-বমের গবেষণা করেছেন আমেরিকাতে বসে জর্মনরাই, কিংবা যারা জর্মন জানতেন।

কিন্তু ইয়োরোপে আর যারা দ্বিতীয় ভাষা হিসেবে ইংরেজী শেখে, ইস্কুল কলেজ ছাড়ার পর তারা ওই ভাষাতে জ্ঞান-চর্চা করে কতটুকু? উচ্চশিক্ষিত

ইংরেজমাত্রই অন্তত আট বছর করাসী শেখেন—কিন্তু কলেজ ছাড়ার বছর পাঁচেক পরই এঁরা আর করাসী বই কেনেন না। আমি এঁদের বাড়ির কেতাবের শেল্ফ্, মনোযোগ করে দেখেছি—পাঠ্যাবস্থায় যে-সব করাসী বই তাঁরা কিনেছিলেন তার উপর আর কিছু কেনবার প্রয়োজন বোধ করেন নি। এঁদের ‘দ্বিতীয় ভাষা’ সম্বন্ধে জ্ঞান শেষ পর্যন্ত কতটুকু থাকে সে সম্বন্ধে জেরম কে জেরমের ঠাট্টা-মস্তুরা পড়ে দেখবেন।

বস্তুত বহু গবেষণা করে শিক্ষকগণ এই চূড়ান্ত নিষ্পত্তিতেই এসেছেন যে, মালুমকে ব্যাপকভাবে দোভাষী করা যায় না। গোলামদের কথা আলাদা। তারা যখন দেখে অর্থাগমের একমাত্র পন্থা ‘মুনিবের ভাষা শেখা’ তখন সব-কিছু বিসর্জন দিয়ে প্রভুর ভাষা শেখে—আমি যে-রকম শিখেছিলুম, কলে আজ না পারি উত্তম বাংলা বলতে, না পারি মধ্যম ইংরেজী লিখতে। কিন্তু আমার ছেলে গোলাম নয়—আমার আশা সে একদিন বাংলাতেই জ্ঞান-বিজ্ঞানের চর্চা করবে। আমার ছেলে না পারুক, যদি আপনার ছেলে পারে তাতেই আমি খুশী এবং যদি সেদিন তার খ্যাতিতে আকৃষ্ট হয়ে ইংরেজ করাসী আপন আপন স্বাতন্ত্র্যভাষাতে তার কেতাব অম্ববাদ করে—আজ যে-রকম মাওৎসে তুত্তের চীন বই বেরনোমাত্রই ইংরেজ গায়ে পড়ে তৎক্ষণাৎ স্ব-ভাষায় তার অম্ববাদ করে, এখনও যে-রকম ইংরেজ ‘শকুন্তলা’ নাট্যের অম্ববাদ করে—তবে আমি অমর্ভ-লোক থেকে তাকে দু হাত তুলে আশীর্বাদ করব। অনন্তকাল ধরে আমরা শুধু ইংরেজী থেকে নেবই, কিছু দেবার সময় কখনও আমাদের আসবে না, এ-কথা ভাবতেও আমার মন বিরূপ হয়।

তবে কি বাংলাভাষী লোকসংখ্যা পৃথিবীতে এতই কম যে, আমরা কখনও বাংলাকে করাসী কিংবা জার্মনের মত সমৃদ্ধিশালী করতে পারব না ?

ভাষা		ভাষীদের সংখ্যা ( হাজার সহস্রতে )
বাংলা	...	৬০০০
আরবী	...	২৫০০
চীন	...	৪৩০০০
গ্রীক	...	৫৫০০
জাপানী	...	৫৫০০
জার্মন	...	৮০০০
হিন্দুস্থানী ( অর্থাৎ হিন্দী উর্দু দুই মিলিয়ে ; না হলে স্বল্প হিন্দীভাষীর সংখ্যা বাংলার চেয়ে কম )		১০০০০

ওলন্দাজ	...	১০০০০
ইংরেজী	...	১৮০০০০
করাসী	...	৪৫০০০
রুশ	...	৮৫০০০
তুর্কী	...	৭০০০

এবারে ভাষার ভিত্তিতে না নিয়ে লোকসংখ্যা নিন, কারণ, যে বর্ষপঞ্জী থেকে এই সংখ্যাগুলি পেয়েছি, দুর্ভাগ্যক্রমে তাতে নরউইজিয়ন, সুইডিশ, ডেনিশ, ফিনিশ ভাষীর সংখ্যা দেওয়া হয় নি।

নরওয়ে	...	২২৫২
ডেনমার্ক	...	৩২৭৩
ফিনল্যান্ড	...	৩৭৩৪

আমার যতদূর মনে পড়ছে, চীনা, ইংরেজী, রুশীয়, জার্মান এবং স্প্যানিশের পরেই পৃথিবীতে বাংলার স্থান।

নরওয়ে, সুইডেন তাদের ২৯,৫২, ৬৫,২৩ নিয়ে আপন আপন ভাষায় দর্শন লেখে, জ্ঞান-বিজ্ঞানের চর্চা করে, ডাক্তারি শেখে, ইঞ্জিনীয়ারি করে আর আমরা ৬০০,০০ হয়েও চিরকাল ইংরেজীর ধামা-ধরা হয়ে থাকব ?

১৮৪০ খ্রীষ্টাব্দের কাছাকাছি আমরা কল্পনা করতে পারি নি, কার্শী যদি এদেশ থেকে চলে যায়, তবে আমরা বাজকাষ চালাব কী করে। ইংরেজ চোখে আঁতুল দিয়ে দেখিয়ে দিলে, ইংরেজীতেও চালানো যায়। আজ আমরা কল্পনা করতে পারছি নে, ইংরেজী ছেড়ে আমরা যাব কোথায় ?

।কিন্তু অধমের বক্তব্য এইখানেই শেষ নয়।

বার্ট্রাণ্ড রাসেল বলেছেন, পণ্ডিতজনের মতের বিরুদ্ধে যেয়ো না, কারণ পণ্ডিতের জ্ঞান আছে, তোমার নেই।

তবে কি মুর্খের বিরুদ্ধে মতানৈক্য প্রকাশ করব ? সে ত আরও ভয়ঙ্কর আমার আপন অজ্ঞানাত্তে যে-সব অসিদ্ধ যুক্তি-তর্ক উত্থাপন করব, যে-সব ভুল ঐতিহাসিক তথ্য পেশ করব, মুর্খ অজ্ঞতাবশত সেগুলো মেনে নিয়ে আমাদের আরও বিপদে ফেলবে।

তাই আমি শ্রীযুত যতনাথ সরকার মহাশয়ের সঙ্গেই মতানৈক্য প্রকাশ করছি। তিনি জ্ঞানবুদ্ধ, বয়োবুদ্ধ এবং হুপণ্ডিত; আমার মত অর্বাচীনের যুক্তি-তর্ক, বিশেষত ঐতিহাসিক নজির পেশ করার সময় যদি ক্রটি-বিচ্যুতি ঘটে,



তবে তিনি সেগুলো সানন্দে এবং অনায়াসে মেরামত করে দিয়ে আমার জ্ঞানবৃদ্ধি করে দেবেন। বাধা টেনিস-খেলায়্যাড় টিল্ডেনও বলেছেন, 'সব সময় তোমার চেয়ে ভাল খেলায়্যাড়ের সঙ্গে খেলবে—না হলে খেলাতে তোমার কখনও উন্নতি হবে না।' ইতিহাসে শ্রীযুত সরকার ভূবন-বিখ্যাত— তাঁর সঙ্গে দ্বিমত হয়ে আমিই লাভবান হব।

ইংরেজী ভাষার জ্ঞানভাণ্ডার দেখে আমরা আজ কিছুতেই কল্পনা করতে পারি নে, এ-ভাষা বাদ দিয়ে আমরা চলব কী করে? বাংলায় এ-রকম ভাণ্ডার নির্মাণ করব কী প্রকারে?

ইতিহাস বলেন, একদা ইয়োরাপের সর্বত্র জ্ঞানচর্চা হত লাতিনের মাধ্যমে। ইংরেজী, ফরাসী, জমনের নামও তখন কেউ মুখে আনত না। ওই সব অপোগণ্ড অর্বাচীন ভাষা যে কখনও জ্ঞানচর্চার মাধ্যম হতে পারে একথা কেউ বললে তখন নিশ্চয়ই তাকে পাগলা-গারদে পাঠানো হত, কিংবা ডাইনী 'ভর করেছে' ভেবে জ্যাস্ত পুড়িয়ে ফেলা হত। অথচ এমন দিনও এল যখন ফ্রান্সের লোক লাতিন বর্জন করে ফরাসী ভাষাকেই জ্ঞানবিজ্ঞানচর্চার মাধ্যম বলে মেনে নিল। জার্মনি তখনও শিক্ষাদীক্ষায় ফ্রান্সের অনেক পিছনে, তাই জার্মন রাজা-রাজড়, নবাব-সুবেদারবা উত্তম ফরাসী-চর্চা করাটাই জীবনের সর্বপ্রধান কাম্য বলে ধরে নিয়েছিলেন। কাচ্চা-বাচ্চাদের পর্যন্ত ফরাসী 'পার্লিয়েরেন' 'স্প্রেঘেন' ক্রিয়া খাটি জার্মন, তার অর্থ 'কথা বলা' কিন্তু জমনরা তখন অল্পকরণে এমনি মত্ত যে ফরাসী 'পার্নে' ক্রিয়া পর্যন্ত ব্যবহার করতে আরম্ভ করেছে—তুলনা দিয়ে বলি, আমি ছেলেবেলা থেকে ইংলিশ 'স্পাক' করে আসছি) করতে শেখানো হত এবং জার্মন ভাষাটাকে চাকরবাকরের ভাষা (গ্রেজিন্ডে-স্পাথে) বলে গণ্য করা হত। ফ্রিডরিক দি গ্রেট মাতৃভাষা জার্মনকে হেয় জ্ঞান কবে ফরাসীতে কবিতা লিখতেন এবং সেই রদী কবিতা মেরামত করতে গিয়ে গুণী ভলতেয়ারের নাভিধ্বাস উঠত।

তারপর একদিন ফরাসী নিজের থেকেই ব্যাঙাচির ছাজের মত খসে পড়ল। জার্মনই জ্ঞানচর্চার মাধ্যম হয়ে গেল।

তারপর জার্মন এল ইংরেজীর আওতায়। শ্রীযুত যদুনাথ এই সম্পর্কে লিখেছেন—

"The late German Emperor, Wilhelm II, before world-war No. I, had made English a Compulsory second language in all the secondary schools of his Empire. Wsa

; that a sign of his slavery to the British people? No, like a shrewd practical politician he felt that this was the best way of promoting Germany's trade all over the world." (Hindusthan Standard, Feb. 1st, '53.)

এবার দেখা যাক এই ইংবেজীর প্রভাব খদ জর্মনবা পরবর্তী যুগে কী চোখে দেখেছে।

ভিয়েনা বিশ্ববিদ্যালয়ের অধ্যাপক শ্রীযুত যোহান ভীসনার 'জর্মন-ভাষা শিক্ষা' ('ডয়েচশে স্পাখলেহে') নামক একখানি পুস্তিকা লেখেন। এ-পুস্তিকা অষ্ট্রিয়া-হাঙ্গেরির শিক্ষা-বিভাগ (কুলট্‌স্ মিনিস্টেরিয়ুমের) কলেজের জগ্ন পাঠ্যপুস্তক হিসাবে নির্বাচন করেন।

জর্মনের উপর লাতিন, ফরাসী তথা ইংরেজীর প্রভাব আলোচনা করতে গিয়ে অধ্যাপক ভীসনার যা বলেছেন সেটি আমি তুলে দিচ্ছি। অল্পবাদের সঙ্গে মূল জর্মন এখানে তুলে দেওয়ার উদ্দেশ্য যে, অল্পবাদ কোনও তুল থাকলে গুণী পাঠক সেদিকে আমার দৃষ্টি আকৃষ্ট করতে পারবেন। (ডবল স্পেস-ওলা শব্দগুলো ইংরেজী—পাঠকের দৃষ্টি সেদিকে আকর্ষণ করছি)।

Dem 19 Jhdt war es vorbehalten, unser Deutsch mit englischen Woertern zu ueberfluten. Die weit verbreitete Kenntnis der englischen Weltsprache, dazu der maechtige Einfluss englischer Sitte und Mode bewirkten, dass der deutsche G e n t l e m a n n S m o k i n g oder S w e a t e r wenigstens bis zum Weltkriege den Englaender ebenso nachaeffte wie frueher der deutsche Cavalier den Franzosen, Jede Kneipe bis dahin warein B a r, jedes Dampfschiff ein S t e a m e r, jeder Fahrstuhl ein L i f t (mit einem L i f t b o y) jede Fuellfeder eine F o u n t a i n - p e n ' jeder Fuenfuhr-Tee ein F i v e o ' c l o c k t e a, Deutsche Fabrikanten schrieben auf ihre fuer Deutschland bestimmten Erzeugnisse K o h - i - n o o r m a d e b y L . & C . H a r d m u t h i n A u s t r i a , B r i t i s h g r a p h i t e d r a w i n g p e n c i l , c o m p r e s s e d l e a d , A m ueppigsten wucherte das

englische natuerlich auf dem Gebiete des S p o r t s +  
deutsche Mittelschulen veranstalten Foot-ball-  
meetings und Lawn-tennis-matches wobei  
alles englisch war, auch das Zaehlen, nur nicht die  
Auesprache, Wie leichtfertig der Deutsche sein Volkstum  
vollends preisgibt, wenn er mit dem Auslande in unmittel-  
bare Beziehung tritt, sieht man an der gemixten  
Sprache des Deutsch-Amerikhaners; immer bissig ( busy ),  
kauft sich dieser eine goldene W a t s c h e n ( w a t c h )  
s t a r t e t f o r h o m ( geht nach Hause ) und r i n g t  
die B e l l ( laeutet die Glocke ) oder b e l l t ( laeutet  
einfach ). —ভীসনার, ডয়েচশে স্প্রাখলে, পৃ ৮৫ ।

“আর উনবিংশ শতাব্দী রইলেন আমাদের জর্মন ভাষা ইংরেজী শব্দের বহু  
ভাসিয়ে দেবার জন্ত। বিশ্বভাষা হিসেবে ইংবেজীর প্রসার এবং ইংরেজী  
রীতিনীতির প্রভাব হওয়ার ফলে বিশ্বযুদ্ধ ( প্রথম ) না লাগা পর্যন্ত জর্মন  
Gentleman Smoking কিংবা Sweater পরে পরে বাঁদরের মত ইংরেজের  
অনুকরণ করেছিল—একদা যে-রকম জর্মন Cavalier ফরাসীর অনুকরণ  
করেছিল। ক্রাইপেকে বলা হত bar, ডামপকশিককে বলা হত steamer,  
কারটুলকে lift ( এবং তার ভিতরে থাকত litt-boy ), ফ্যালকেডারকে  
fountain-pen, ফ্যানকউরটিকে five o' clock tea. জর্মন  
কারখানাওয়ালারা জর্মনরই জন্ত নির্মিত মালের উপর লিখতেন, Koh-i-noor  
made by L. & C Hardmuth in Austria, British graphite  
drawing pencil, compressed leac. এই ( শব্দের ) আগাছা অবশু  
সবচেয়ে বেশী পল্লবিত হল sports-এর জমিতে। জর্মন হাইস্কুলগুলো football  
meetings এবং Lawn-Tennis-matches-এর ব্যবস্থা করল এবং সেখানে  
সবই ইংরেজীতে চলত, এমন কী, সংখ্যা গোনা পর্যন্ত—একমাত্র উচ্চারণটি ছাড়া  
( লেখক ব্যক্ত করে ইঙ্গিত করেছেন—ওই কর্মটি সরল নয় বলেই )। বিদেশীর  
সঙ্গে সোজা সংস্পর্শে এলে জর্মন কী অবহেলায় তার জাত্যভিমান বর্জন করে তার  
উদাহরণ দেখা যায় তার ষিচুড়ি জমন-মার্কিন ভাষাতে, ‘বিজিক’ ( Busy ) ঘড়ি  
কিনলে সেটা Watschen ( Watch ) srartet for hom ( বাড়ি রওয়ানা  
দিল ) এবং ringt die bell ( ঘণ্টা বাজায় ) কিংবা শুধু belt ( এখানে )

লেখক একটু রসিকতা করেছেন, শুধু জর্মনে belt অর্থ 'ঘেউ ঘেউ করা' ।”

তারপর লেখক দুঃখ করেছেন যে, এই করে করে জর্মন ভাষা একটা জোকার মত হয়ে উঠল যার সর্বাঙ্গে রঙিন ভালি এবং সে-ভালির টুকরোগুলোর নানা রঙের নানা জামা থেকে ছিঁড়ে নেওয়া !

আমি অধ্যাপক ভীষনারের সঙ্গে যোল আনা একমত নই। বাংলা এখনও অতি দুর্বল ভাষা ; তাকে এখনও জ্ঞান-বিজ্ঞানের ক্ষেত্রে প্রচুর বিদেশী শব্দ নিতে হবে। আমি যে এই নাতিদীর্ঘ উদাহরণটির অতি কষ্টে নকল এবং অহুবাদ পেশ করলুম ( ভুল করলুম, অ্যাঙ্গিন বাজারে জোর ঢোল বাজিয়েছি, আমি খুব ভাল জর্মন জানি, এইবারে অহুবাদের বেলায় ধরা পড়ব ) তার উদ্দেশ্য এই যে, জর্মন যদি সুসময়ে এই পাগলামি বন্ধ না করত তবে সে এতদিনে কথামালার চিজিতা গর্ভস্তী হয়ে যেত।

অর্থাৎ আমরা যদি অনন্তকাল ধরে ইংরেজীরই সেবা করি, তবে আমাদের বাংলা ভাষাটি চিজিতা মর্কটা হয়ে যাবেন।

এ বিষয়ে আরও অনেক বক্তব্য আছে। কিন্তু এতখানি লেখার পর আজ সকালের ( রবিবারের ) কাগজ এসে পৌঁছল। সে কাগজ পড়ে আমি উল্লাসে মুক্তকণ্ঠ হয়ে নৃত্য করেছি। বাংলা ভাষার প্রতি দরদী-জন মাজই খবরটি পড়ে উল্লসিত হবেন। খুলে কই।

আশা করি, আমার পাঠকেরা বিজ্ঞানে শ্রীযুত সত্যেন বসু এবং শ্রীযুত জ্ঞানেন্দ্রনাথ মুখোপাধ্যায়ের পাণ্ডিত্যে কোন প্রকার সন্দেহ পোষণ করেন না। যে সব গুণী আমার বৈজ্ঞানিক কৌতূহলজাত প্রশ্ন এক লহমায়, বিনা কসরতে কৈসলা করে দেন, তাঁরাই দেখছি, এই দুই পণ্ডিতের নাম উচ্চারিত হলেই মাথা নীচু করেন।

শ্রীযুত বসু বলেন, ( আমি খবরের কাগজ থেকে তুলে দিচ্ছি, সভাতে যাবার আমার অধিকার নেই—তাই প্রতিবেদনে ভুল থাকলে বসু মহাশয় যেন নিজগুণে আমাকে ক্ষমা করেন ) কেউ কেউ এই ধারণা পোষণ করেন যে, অন্তত বিজ্ঞানের ক্ষেত্রে ইংরেজী ভাষাকে মাধ্যমরূপে স্বীকার করে নিতেই হবে, কিন্তু তাঁর দৃঢ় বিশ্বাস ( confident ) যতদিন না বাংলাতে বিজ্ঞানের চর্চা হয় ততদিন পশ্চিম বাঙালয় বিজ্ঞানের প্রসার হতেই পারবে না।

তাঁর বিশ্বাস বাংলাতেই প্রয়োজনীয় বৈজ্ঞানিক শব্দ কিছুটা আছে, কিছুটা বানানো যেতে পারে, এবং বান্দবাকী বিদেশী ভাষা থেকে নিতে কোনও সংকোচ করার প্রয়োজন নেই।

অধ্যাপক মুখোপাধ্যায় মহাশয়ও বলেন, বৈজ্ঞানিক শব্দের বাংলা পরিভাষা নির্মাণের সময় হয়ে গিয়েছে।

এর পর আর কী চাই? আমি যে-জিনিস অন্ধভাবে অনুভব করেছি, আমার যে-সব দরদী পাঠক আমার সঙ্গে এতদিন মোটামুটিভাবে একমত, তাঁরা কি এই দুই পণ্ডিতের উক্তি শুনে উল্লসিত হলেন না?

একটা জিনিসকে আমি বড় উরাই, আপনাদের অনুমতি নিয়ে সেটি আজ আপনাদের কাছে নিবেদন করব।

গণ-আন্দোলন বাদ দিয়ে কোনও দেশেই কোনও বড় কাজ করা সম্ভব হয়। যতদিন পর্যন্ত শুধু ভারতীয় মধ্যবিত্ত সম্প্রদায়ই স্বরাজ-আন্দোলনের জন্ত চেষ্টা করেছিলেন ততদিন ইংরেজ আমাদের খোড়াই পরোয়া করেছিল, কিন্তু যখন ভারতের জনগণ ইংরেজের বিরুদ্ধে রুখে দাঁড়াল—অবশ্য সেটা মধ্যবিত্ত সম্প্রদায়ের আত্মত্যাগের ফলেই সম্ভবপর হল—তখন বাধ্য হয়ে ইংরেজকে এদেশ ছাড়তে হল। তাই, আবার বলছি, গণজাগরণ, গণ-আন্দোলনের শক্তিই আমাদের স্বরাজ এনে দিয়েছে।

এবং সবচেয়ে বড় কথা, আজ যদি ভারতীয় রাষ্ট্র তার স্বরাজ্যকে সর্বাঙ্গসুন্দর করতে চায় তবে তার দরকার অর্থনৈতিক, সামাজিক এবং সাংস্কৃতিক স্বরাজ্য-লাভ। রাজনৈতিক স্বরাজ্যের আপন মূল্য আছে নিশ্চয়ই, কিন্তু তার ব্যবহারিক মূল্যের দিকটা ভুললে চলবে না—রাজনৈতিক স্বাধীনতার ফলে আমাদের হাতে যে-শক্তি এল তারই প্রয়োগ করে এখন আমাদের জয় করতে হবে অল্প সর্বাধীনতা। এক কথায় এখন আমাদের প্রধান কর্তব্য, নবীন রাষ্ট্র গড়ে তোলা।

আমরা ভাবি, রাজনৈতিক স্বাধীনতার জন্ত ‘চাষাভূষা’কে ‘খ্যাপাবার’ দরকার ছিল, এখন যখন স্বরাজ হয়ে গিয়েছে, তখন এদের দিয়ে আর কোনও দরকার নেই, এরা কিরে যাক ক্ষেতে-খামারে, কলাক ধানচাল, আর মধ্যবিত্ত শ্রেণী, আমরা শহরে বসে জ্ঞানবিজ্ঞানের চর্চা করব আর তাই দিয়ে নবীন রাষ্ট্র গড়ে তুলব! তাই আমরা সে-চর্চা ইংরেজীতে করব, বাংলায় করব, না বাপু ভাষায় করব তাতে কিছু আসে-যায় না, আমরা বুঝতে পারলেই হল, ওরা ওদের কম-জোর মাতৃভাষা নিয়ে পড়ে থাক। ভাবতেই আমার সর্বাঙ্গ ঘেমায় রী রী করে ওঠে।

বহু দেশ ভ্রমণ করে, বহু গুণীর সাহচর্যে এসে, আপন মনে নির্জনে বসে বহু

তোলপাড় করে আমার হৃদয় প্রত্যয় হয়েছে, এ বড় ভুল ধারণা, এ অতি মারাত্মক বিশ্বাস। আমার মনে আজ কণামাত্র সন্দেহ নেই যে, জনগণের সহযোগিতা ভিন্ন আমরা নবীন রাষ্ট্র গড়ে তুলতে পারব না। আমি আমার সহায় পাঠক-সম্প্রদায়কে কখনও কোনও তক্ষে বিশ্বাস বা অবিশ্বাস স্থাপন করতে অগ্ররোধ করি নি—তার পক্ষে, স্বপক্ষে যুক্ত তর্ক পেশ করেই ক্ষান্ত দিয়েছি—কিন্তু আজ যুক্তি-তর্ক দেওয়ার সঙ্গে সঙ্গে তাঁদের অগ্ররোধ করেও বলছি, সাহস দিচ্ছি, জনগণের ভিতর বিশ্বাস অল্পপ্রাণিত করুন, তাদের সহযোগিতা আহ্বান করুন—আপনারা লাভবান হবেন। এ ছাড়া অগ্র পন্থা নেই।

এখন প্রশ্ন, জনগণের সহযোগিতা, জনগণমন আমরা জয় করব কী প্রকারে ?

বিদেশী প্রবাদ, সব লোককে কিছুদিন ঠকাতে পাব, কিছু লোককে সবদিন ঠকাতে পার, কিন্তু সব লোককে সব দিন ঠকাতে পাববে না। আমাদের অবঃপতনের যুগে আমাদের সব লোককে—অর্থাৎ জনগণকে—আমরা অন্ধাঙ্কুরণ করতে শিখিয়েছিলুম, কিন্তু আজ আর সে-কর্ম সম্ভবপর নয়। আমরা চাইও না। আজ আমরা চাই, জনগণ যেন আমাদের আদর্শ বুঝতে পেরে, সেই মর্মে অল্পপ্রাণিত হয়ে নবীন রাষ্ট্রনিমাণে আমাদের সহায়তা করে।

তাই প্রশ্ন, জনগণ আমাদের আদর্শ বুঝবে কী প্রকারে ? আমরা জ্ঞান-বিজ্ঞানের চর্চা করে, ভারতীয় ইতিহাসের ধাৰা অল্পসন্ধান করে যদি তাবৎ বস্তু ইংরেজীতে লিপিবদ্ধ করে সমপ্রমাণ কার, আমাদের পক্ষে এই কর্ম কাম্য, আমাদের পক্ষে ওই নীতি প্রয়োজনীয়, আমাদের পক্ষে আরেক পন্থা স্বয়ং তবে তারা এ-সব বুঝবে কী করে ?

চট্ করে আপনি উত্তর দেবেন, মাতৃভাষাতে লিখলেই কী তারা সব কিছু বুঝতে পারবে ?

এর সহুত্তর দিতে হলে আপনাকে আবার একটুখানি কষ্ট স্বীকার করে ইউরোপে যেতে হবে।

ফ্রান্স, জার্মনি, হল্যান্ডে বেশীর ভাগ লোক শিক্ষা সমাপন করে ম্যাট্রিকের সঙ্গে সঙ্গে। এবং ওদের ম্যাট্রিক আমাদের ম্যাট্রিকের চেয়ে উচ্চস্তরের বলে তারা আর-কিছু শিখুক আর না-ই শিখুক, মাতৃভাষাটা অতি উত্তমরূপে শেখে। তারপর টাকা-পয়সা রোজগারের ধাঙ্কার ভিতর কেউ করে সাহিত্যের চর্চা, কেউ করে ইতিহাসের, কেউ দর্শনের—ইত্যাদি। এবং তাই প্রায়ই দেখা যায়, বহু সুসাহিত্যিক উত্তম উত্তম পুস্তক লিখে যাচ্ছেন অথচ তাঁরা হৃদয়মাত্র ম্যাট্রিক, বিশ্ব-বিদ্যালয়ের ছাত্রা মাড়ান নি। আমাদের রবীন্দ্রনাথ, শরৎচন্দ্র এই ধরনের—

রামমোহন, বিদ্যাসাগর, মধুসূদন বঙ্কিমচন্দ্র অল্প ধরনের। কিন্তু ইয়োরোপে রবীন্দ্র-শরতের গোষ্ঠী বৃহত্তর।

এ ত হল সৃষ্টিকর্ম—এ অনেক কঠিন কাজ—এর চেয়ে অনেক সোজা, বই পড়ে বোকা এবং সাধনা দ্বারা ক্রমে ক্রমে সুসাহিত্যের সর্বশ্রেষ্ঠ পুস্তক অধ্যয়ন করে করে দেশের উচ্চতম আদর্শের সঙ্গে সংযুক্ত থাক। এ-জিনিসটি ইয়োরোপে অহরহ হচ্ছে এবং তাই ইয়োরোপের যে-কোনও দেশে গুণীজ্ঞানী যে শুধু বিশ্ব-বিদ্যালয়ের ভিতরেই পাওয়া যায় তা নয়, জনসাধারণের ভিতরেও বহু বিজ্ঞ ব্যক্তি পাওয়া যায় যারা অনায়াসে অধ্যাপকের সঙ্গে পাজা দিতে পারেন।

আমাদের দেশের বাংলা দৈনিকগুলো যে ইংরেজীর তুলনায় পিছিয়ে আছে সে-কথা আমরা সবাই জানি, তবুও দেখেছি, একমাত্র ‘আনন্দবাজার’-পড়নেওলা গ্রাম্য বাঙালী অনেক সময় ওরই মারফতে এতখানি জ্ঞান সঞ্চয় করতে পেরেছে যে, ইংরেজী-জ্ঞাননেওলা শহরকে তর্কে কাবু করে আনতে পারে।

আমার তখন বড় দুঃখ হয় যে, আমাদের বড় বড় পণ্ডিতেরা ইংরেজীতে না লিখে যদি বাংলা কাগজে লিখতেন, তবে আমার গায়ের পড়ুয়া জ্ঞান-লোকে আরও কত দীর্ঘজয় করতে পারত।

মিষ্টন বলেছেন :—

‘ক্ষুধার্ত হৃদয় নিয়ে উর্ধ্বমুখে চায় এরা কে দেবে এদের খাওয়া’

আমাদের পণ্ডিতেরা এতদিন এদের বঞ্চিত রেখেছেন; স্বরাজ পাওয়ার পরও এঁরা তাদের জ্ঞান কিছু করতে চান না। (আমি অবশ্য এঁদের দোষ দিই নে—এঁদের কাছে আমরা বহু দিক দিয়ে ঋণী—কিন্তু এঁরা অল্প যুগের লোক, ইংরেজী লেখাতে তাঁরা এত অভ্যস্ত যে, আজ বাংলা লিখতে এঁদের সত্যই কষ্ট হয়।)

মুসলমানেরা প্রাদেশিক ভাষাগুলোকে কিছু কিছু সাহায্য করেছিলেন সে কথা আমরা-জানি, ক্রীস্টান মিশনারিরাও তাই করেছিলেন, কিন্তু এ-কথা ভুললে চলবে না যে, মুসলমানরা ফার্সী এবং ইংরেজ ইংরাজীকেই সম্মানের স্থান দিয়েছিল। কলে মুসলমান যুগে যারা ফার্সী জানতেন তাঁরা ছিলেন ‘শরীফ’ অর্থাৎ ‘ভদ্র’ আর ব্রিটিশ যুগে (বলা উচিত ‘ক্রীস্টান যুগে’ কারণ ভারতের ইতিহাসের প্রথম দুই যুগ যদি ‘হিন্দু পিরিয়ড’ এবং ‘মুসলিম পিরিয়ড’ হয়, তবে তৃতীয় যুগ ‘ক্রীস্টান পিরিয়ড’ হবে না কেন?—এ-তথ্যটির প্রতি আমার ক্ষীণদৃষ্টি জ্যোতিমান করেছেন ছন্দ-সম্রাট শ্রীপ্রবোধ সেন) যারা ইংরেজী জানতেন, তাঁরা ছিলেন ‘ভডরোলোগ্ ক্লাস’, অর্থাৎ ‘শরীফ’, অর্থাৎ ‘ভদ্র’।

অধচ, ভদ্র, 'ভদ্র' বলতে আমরা আবহমান কাল এমন কিছু বুঝেছি যার সঙ্গে ফার্সী কিংবা ইংরেজী জানা-না-জানার কোনও সম্পর্ক নেই।

মুসলমান যুগে বরঞ্চ ভদ্রে গ্রাম্যে কিঞ্চিং যোগাযোগ ছিল, কারণ মুসলমান যুগে আমাদের সভ্যতা ছিল গ্রাম্য, অর্থাৎ জনপদ সভ্যতা ; কিন্তু ক্রীশ্চান আমলে সভ্যতা ইংরেজী-অভিজ্ঞ এবং ইংরেজী-অনভিজ্ঞের মাঝখানে এমনি এক বিরাট, নিরেট পাঁচিল তুলে দিলে যে, আজও আমরা সে-দেয়াল ভাঙতে পারি নি, এবং ভাঙবার চেষ্টা করতে চাই নে। আমরা এখন ইংরেজী-জাননে-ওলা আর ইংরেজী না-জাননে-ওলার মাঝখানে সেই প্রাচীন অন্ধপ্রাচীর, অচলায়তন খাড়া রাখতে চাই।

এই ব্যবস্থাটাকেই আমি ডরাই, বড্ড ডরাই। এ-ব্যবস্থা মেনে নিলে আপনারা একদিন আবার পরাধীন হবেন। সে-কথা আরেক দিন হবে ॥

## টুকিটাকি

### দাবা খেলার জন্মভূমি কোথায় ?

দাবা খেলার ইতিহাস সম্পর্কে নানা মূনি নানা কথা কয়ে থাকেন। দাবার শেষের দিকের ইতিহাস সুস্পষ্ট এবং সেখানে তর্কাতর্কির অবকাশ নেই। ইরান জয় কবাব পরে আরবরা সেদেশে প্রথম দাবা খেলা শেখে। সকলেই জানেন, কোনও খেলা সম্পূর্ণ আপন করে নেওয়ার পরও তার মূল পরিভাষা অনেক সময় আগা-গোড়া পরিবর্তিত হয় না। তাই আরবরা ইরানী দাবা খেলা শেখার পরও দাবার রাজাকে ইরানী শব্দ 'শাহ' ( রাজা ) দিয়ে চিহ্নিত করে, এবং 'তোমার শাহ্ বিপদে' বলার সময়, অর্থাৎ কিস্তি দেওয়ার সময় শুধু 'শাহ্' বলত।

এর পর ক্রুসেড লড়াইয়ের সময়ে বন্দী ইয়োরোপীয়রা আরবদের কাছ থেকে দাবা খেলা শেখে এবং তারাও কিস্তি দেওয়ার সময় 'শাহ্' বলত। সেই 'শাহ্' লাভিনের ভিতর দিয়ে ইংরেজীতে রূপ নেয় 'শেক্' এবং সর্বশেষে 'চেক্' রূপে ( ব্রিটিশ 'একসচেকারে'র নাম ওই 'চেক্' থেকে এসেছে )।

কিস্তিমাতের 'মাত' কথাটা ওই ভাবেই আরবী, 'শাহ্, মাতা' অর্থাৎ 'তোমার রাজা মারা গিয়েছে' ইংরেজীতে রূপ নিয়েছে 'চেক মেট' হয়ে।

এখন প্রশ্ন, ইরানীরা দাবা খেলা শিখল কার কাছ থেকে ? দাবা ইরানী খেলা এ-দাবি পারস্ত দেশে কখনও করা হয় নি। বরঞ্চ সে-দেশে কিংবদন্তী



প্রচলিত যে, এ-খেলা 'পঞ্চতন্ত্র' পুস্তকের মত ভারতবর্ষ থেকে ইরানে গিয়েছে।

একাদশ শতাব্দীতে গজনীর পণ্ডিত অল-বীরুনী তাঁর ভারতবর্ষ সম্বন্ধে লিখিত পুস্তকে দাবা খেলার ছক একে দিয়েছেন ও ঘুঁটিরও বর্ণনা করেছেন। তবে আজকের দাবা আর সে-দাবার পার্থক্য প্রচুর। তখনকার দিনে দাবা খেলা হত চারজনে—ছকের চারকোণে চার খেলোয়াড় আপন আপন ঘুঁটি নিয়ে বসতেন এবং চালও দিতে হত পাশা ( ডাইস বা অক্ষ ) ফেলে।

তাই নিয়ে বিচলিত হওয়ার প্রয়োজন নেই, কারণ আজ ভারতীয় দাবা ও বিলিভী দাবা ছবছ এক খেলা নয়।

কাজেই সম্পূর্ণ নূতন কোন প্রমাণ উপস্থিত না হলে ভারতবর্ষ যে দাবা খেলার জন্মভূমি তা নিয়ে তর্ক করবার কোনও কারণ নেই।

### খেলাচ্ছলে

কিছুকাল আগে পার্লামেন্টে জর্নৈক সদস্য যে প্রশ্ন শুধান তার সারমর্ম এই :—

হেলসিনকিতে যে ওলিম্পিক খেলা হয় সেখানে খেলার শেষে যখন সব দেশ আপন আপন জাতীয় পতাকা নিয়ে পরিক্রমা করে তখন ভারতীয় পতাকা উত্তোলন করে সেই শোভাযাত্রায় যোগ দেবার জগ্ন কোনও ভারতীয়কে খুঁজে পাওয়া যায় নি। অবশেষে নাকি এক ফিন্ যুবক ভারতীয় পতাকা উত্তোলন করে।

প্রশ্নকর্তা কোনও কোনও ভারতীয়কে এই ঘটনার জগ্ন তীব্র নিন্দাও করেন।

উত্তরে সহ-শিক্ষামন্ত্রী বলেন যে, তিনিও এই রকম কথা শুনেছেন।

আমাদের মনে হয়, এর একটা কড়া তদন্ত হওয়া উচিত।

আমার ব্যক্তিগত বিশ্বাস ভারতীয়রা অগ্নাত জাতির তুলনায় অভদ্র নয়। এককালে ভারতীয় সৌজগ্ন-শালীনতা বিদেশী বহু পর্ঘটককে মুগ্ধ করেছিল বলে তাঁরা তাঁদের ভ্রমণ-কাহিনীতে ভারতবাসীদের উদ্দেশে বিস্তর প্রশংসা গেয়ে গিয়েছেন। মেগাস্তেনেস থেকে এ-ইতিহাস আরম্ভ হয় এবং যদিও কোনও লেখক আমাদের কোনও কোনও আচার-ব্যবহারের নিন্দা করেছেন বটে, কিন্তু আমরা অভদ্র, এ-কথা কাউকে বড়-একটা বলতে শোনা যায় নি। বিদেশে ভারতীয়েরা আরও সাবধানে চলে বলে সেখানেও তারা প্রচুর খ্যাতির-মন্ত্র পায়।

তবে হঠাৎ আজ এ-রকম একটা পীড়াদায়ক ঘটনা ঘটল কেন ?

আমার মনে হয়, আমাদের টিমের কর্তব্যাক্রমা পরবর্তার কথা বেবাক ভুলে

গিয়েছিলেন, কিংবা ব্যাপারটার গুরুত্ব ঠিক মেকদারে যাচাই করতে পারেন নি বলে সবাই মিলে রক্তভূমি ত্যাগ করে শহরে ফুর্তিকার্তি করতে চলে গিয়েছিলেন আর তাই চ্যাংড়ারাও যে চলে যাবে তার আর কী সন্দেহ !

কর্তারা শহরে বেড়াতে যান নি, চ্যাংড়াদের তাঁরা যেতে বারণ করলেন, তবু তারা বে-পরোয়া চলে গেল, এ-কথা বিশ্বাস করতে আমার প্রবৃত্তি হয় না। এ-টীমে যারা গিয়েছিল তাদের দু-একজনকে আমি চিনি। পতাকা তোলার জন্ত তাদের আদেশ করলে তারা নিশ্চয়ই, অতি অবজ্রাই, শহরে চলে যেত না—সেখানে শেষ পরবের জন্ত সানন্দে অপেক্ষা করত।

বিদেশে আপন দেশের পতাকা উত্তোলন করার জন্ত নির্বাচিত হওয়া কি কম স্নানার বিষয় ?

কাজেই মুকুবীদের প্রশ্ন শোধানো উচিত, তাঁরা তখন ছিলেন কোথায়, তাঁরা কাকে কী আদেশ দিয়েছিলেন, কেউ সে আদেশ অমান্য করেছিল কি না ?

এরই পিঠে-পিঠে সংবাদপত্রে আরেকটা খবর পড়লুম।

পার্লিমেণ্টে যেদিন প্রশ্ন উত্থাপিত হয়, সেদিনই শ্রীযুত পক্ষ জিওলজিক্যাল সার্ভে রিক্রিয়েশান ক্লাবে বক্তৃতা দেবার সময় বলেন, ভারতের খেলোয়াড়রা যখন বিদেশে খেলতে যান তখন তাঁরা প্রায়ই অভিজ্ঞ ভাষায় লেখা বেনামী চিঠি পান এবং তাঁরা যে মন না দিয়ে ফুর্তি-কার্তি, আরাম-আয়েশ করে বিলেতে দিন কাটাচ্ছেন সে কটুবাক্যও চিঠিগুলোতে বর্ষিত থাকে।

শুভমহাশয় বলেন, এ-ধারণা ভুল এবং এ-অভিযোগ কখনও সম্ভবপর হতে পারে না, কারণ প্রতি সপ্তাহে এক নাগাড়ে ছদিন জীবন-মরণ পণ করে খেলা প্র্যাকটিস করতে হয়, এ সময় টলাটলির ( 'ঈজী লাইফ' ) কথাই উঠতে পারে না।

এ অতি হক কথা—বিদেশে নানা শ্রেণীর খেলোয়াড়দের সংস্রবে এসে আমারও ওই একই ধারণা হয়েছে। তবে সব অভিজ্ঞতারই আরেকটা সাবধান হওয়ার দিকও আছে, অর্থাৎ ভুরি ভুরি অভিজ্ঞতা থাকলেও ভবিষ্যৎ সঘন্থে সতর্ক হওয়ার রাশে টিল দেওয়া বিচক্ষণের কর্ম নয়।

এ-সংসারে ছুট্ট লোকের অভাব নেই। দেশবিদেশের বহু জায়গায় এরা ওই সঙ্কানে থাকে, খেলোয়াড়দের খেলার মাঠের বাইরে এমনভাবে বেকাবু করা যায় কি না, যাতে করে পরের দিন তারা ভাল করে খেলতে না পারে। তাই তারা খেলা আরম্ভ হওয়ার পূর্বে এবং যে কদিন খেলা হচ্ছে সে-কদিন রোজ সঙ্কায় নেটিভ-স্টেট স্টাইলে জব্বর জব্বর ককটেল পাটি দেয় এবং দেশবিদেশের এমন

সব হোমরা-চোমরাদের নেমতন্ন করে যে, সেখানে বিদেশী খেলোয়াড়দের, ওদের সম্মান রক্ষার্থে ইচ্ছা না থাকলেও বাধ্য হয়ে যেতে হয়। তারপর নানা কার্যদায়-কৌশলে খেলোয়াড়দের মদ খাওয়াবার চেষ্টা সমস্ত সন্ধ্যা ধরে চলে। যারা পালা-পরবে নিতান্ত অল্প খায় তাদের নিস্তার নেই, আর যারা খেতে ভালবাসে তারা অনেক সময় প্রলোভন সামলাতে পারে না। দলের ম্যানেজার এবং ক্যাপ্টেন অবশ্য মূর্গীর মত চিলের ছৌ থেকে বাচ্চাদের বাঁচাবার চেষ্টা করেন কিন্তু অনেক সময় পেয়ে ওঠেন না, তাই ওদের দোষ দিয়ে কোনও লাভ নেই।

কোনও কোনও সময় এমন প্রলোভনও রাখা হয় যে-সম্বন্ধে লিখতে আমার বাধা-বাধা ঠেকছে। ফার্সীতে বলে ‘দানিশমন্দরা ইশারা বশ অন্ত’—অর্থাৎ বুদ্ধিমানকে ইশারাই যথেষ্ট।

কলং ? পরের দিন তারা এমন খেলা খেলে যে, দেখে মনে হয় এরা নিতান্তই খেলাধুলো করতে এসেছে।

ভারতীয় খেলোয়াড়দের সম্বন্ধে আমার ভয় হয়ত অমূলক, হয়ত আমি খামখাই ঘামের ফৌটায় কুমির দেখছি, হয়ত আসলে ওটা কুমির নয়, ফুসকুড়ি, কিন্তু ওকীবহাল হওয়ার জন্ম বলতে হয়,

সাবধানের মার নেই

( যদিও জানি

‘মারেরও সাবধান নেই’ )।

মনে করুন সি কে নাইডু, সি এস নাইডু, জাম সাহেব, ব্র্যাডম্যান, লারউড, অমরনাথ, অমব সিং, মুশতাক, ওয়াজিব আলী এবং একমাত্র এঁদের মত পয়লা নম্বরওয়ালারা যদি আজ ইহলোক পরলোক ছেড়ে দিল্লিতে একখানা সরেস ক্রিকেট ম্যাচ খেলতে আসেন, তবে আপনার মানসিক চাঞ্চল্যটা কী রকমের হয় ?

স্বীকার করি, গেল শনিবার দিন এখানে ‘হিন্দুস্থান স্ট্যাণ্ডার্ড’ ও প্রেসিডেন্টস্ এস্টেট ক্লাবে যে একদিনের ক্রিকেট ম্যাচ খেলা হয়, তাতে নিমন্ত্রণ সত্ত্বেও ‘অনিবার্য’ কারণে এঁদের কোনও মহাবতীই উপস্থিত হতে পারেন নি। তাই বলেই যদি আপনারা ভাবেন খেলা উচ্চাঙ্গের হয় নি, তাহলে মারাত্মক ভুল করা হবে। ‘হিন্দুস্থান স্ট্যাণ্ডার্ড’ দিল্লির রীতিমত পুরাদস্তুর কেউ-কেডা কাগজ, এবং রাষ্ট্রপতির আপন এস্টেট ক্লাবও ত আমাদের জ্ঞাধার প্রতিষ্ঠান। অতএব বিবেচনা করুন, এ-খেলার প্রতি আপনাদের দৃষ্টি আকর্ষণ করে আমি কি অতিশয় প্রয়োজনীয় কর্তব্য সমাধান করছি নে ?

কিন্তু হায়, আমার কারণ দুর্ভাগ্য, এ-খেলায় মজীনাধরুপে আপনাদের সমীপে কোনও টাকা নিবেদন করার উপায় আমার নেই। কারণ খেলাতে আমি সশরীরে উপস্থিত হতে পারি নি, যদিও আমার চিত্ত, হৃদয়, চৈতন্য, আত্মা, সর্ব অস্তিত্ব ওই খেলাতে উপস্থিত ছিল। দরদী পার্ঠক শুধাবেন, কেন উপস্থিত হতে পারি নি ?

অভিমান।

এই যে আমি 'তিন্দুস্থান স্ট্যাণ্ডার্ডে'র এত বড় সম্ভ্রান্ত দৈনন্দিন পার্ঠক, ওই কাগজের গুণী কর্মচারীগণের সঙ্গে আমার বহু যুগের হৃদয়তা, তাঁরা আমার মত একটা ওস্তাদ ক্রিকেটিয়ারকে ওই পরবের দিনে বেবাক ভুলে গেলেন ? কেন, আমি কি রান্নাঘরের পিছনে বাতাবি নেবু দিয়ে ঘন ঘন সেজুরি করি নি ? অবশ্য স্বীকার করি উইকেট ছিল না—কিন্তু উইকেট ত থাকে ক্লাস্ট হলে বসবার জন্ত, আমি ত ক্লাস্ট হইনে।

ম্যাচ ড্র গেছে। যাবে না ? আমাকে না নিলে !!

### পিকনিকিয়া

গল্প শুনেছি, এক ইংরেজ, করাসী, জার্মান এবং স্কট নাকি বারোয়ারী চড়ুইভাতির ব্যবস্থা করে। কথা ছিল সবাই কিছু কিছু সঙ্গে আনবেন। ইংরেজ আনল বেকন-আণ্ডা, ফরাসী এক বোতল শ্রাম্পেন, জার্মান এক ডজন সসেজ আর স্কট নিয়ে এল তার ভাইকে।

দিল্লিতে কিন্তু পিকনিকিয়ারা শুধু ভাইকে সঙ্গে আনেন না, আনেন ভাইয়ের শালী-শালাদের, তারা আনে তাদের কাকা-মামাদের এবং তারা কেবল তাদের নিয়ে আসে তার হৃদিস এখনও পাই নি। সঙ্গে আনে ক্রিকেট, ফুটবল, গ্রামোকোন, পোর্টেবল রেডিও, মণ তিনেক পুরি, তদন্তপাতের তরকারি এবং মাংস, গোলগাঙ্গা ( ফুচকা ) এবং মিঠা পান।

এঁদের পীঠস্থল কুতুবমিনার, হাউজ-থাস এবং লোধি গার্ডেনস্। পাঁচ-সাত জনের পিকনিক হেথা-হোথা ছড়ানো থাকলে যত না গোলমাল আর উপদ্রব হয়, ভার চেয়ে চেয়ে বেশী পীড়াদায়ক হয় এই সব পাইকিরী পিকনিকে। বে-খেয়ালে থাকলে হঠাৎ যে কখন হুম্ করে ক্রিকেট-বলটা আপনার ঘাড়ে এসে পড়বে তার কিছু ঠিক-ঠিকানা নেই।

এঁরা আনন্দ কল্পন, আমার তাতে কি আপত্তি, কিন্তু এই যে সাক্ষাৎ মজ-

ছুমিসম দিল্লি শহরে এত তকলিফ বরদাস্ত করে বহুত মেহন্নত করে বাস গজানো হয়, তারই উপর যখন অভ্যাচার চলে তখন আমার মত শাস্ত লোকেও এই দিল্লির শীতে উষ্ণ হয়ে ওঠে। লনে খোলা আঙুন জালানো বারণ, তাঁর জালাবেনই এবং চৌকিদার আপত্তি জানালে তাঁরা বগড়া-কাজিয়া লাগিয়ে দেন। কিংবা দেখি, চৌকিদার আর কোন আপত্তি করছে না, যেন সে আর কিছুই দেখতে পাচ্ছে না। রোঁপ্যচক্র অস্থচ্ছ, তার ভিতর দিয়ে দেখবেই বা কী করে।

তাই দিল্লিতে আগমনেছুরসিকজনকে সাবধান করি, যদি শাস্ত সমাহিত চিত্তে স্থাপত্যানন্দ উপভোগ করতে চাও তবে রবির সকালে কদাচ কুতুব, হাউজ-খাস এবং শোধি উদ্যান দেখতে য়েয়ো না।

নিতান্তই যদি যেতে চাও তবে য়েয়ো সরযুকুণ্ডে। অতি চমৎকার স্থল এবং ভিড় নেই বললেও চলে ॥

### সাহিত্যিকের মাতৃভাষা

শ্রীযুক্ত নীরদ চৌধুরী তাঁর ‘অজানা ভারতীয়ের আত্মজীবনী’ লিখে দেশবিদেশে সুনাম (কারো কারো মতে কুনাম) অর্জন করেছেন। বইখানা পাঠ করবার স্বযোগ—কিংবা কুযোগ—আমার এখনও হয় নি, তবে পুস্তকখানার মূল প্রতিপাঠ বিষয় কী, সে কথা আমি চৌধুরী মহাশয়ের নিজের মুখেই শুনেছি এবং তিনি তাঁর ভূবনবিখ্যাত পুস্তক থেকে গুটিকতক অধ্যায় আমাদের পড়ে শুনিয়েছেন। ওঃ! সে কী ইংরেজীর বাহার—তার ভিতর কত ভাষা থেকে, কত কেতাব থেকে কত রকম-বেরকমের আলপনা, কত ব্যঙ্গ, কত হুকার, কত বাকচাতুরী—ছাত্র ছত্রে হাউই উড়ছে, পটকা ফাটছে—মূল বিষয়েব দিকে ধ্যান দেয় কার ঠাকুরদার সাধি।

তা সে বইয়ের কথা যাক। ও-রকম বই পড়ার বয়স আমার বহুকাল হল গেছে। এ ধরণের বই আনাতোল ফ্রাঁস কেন পড়েন না, তাঁকে জিজ্ঞেস করা হলে তিনি বলেছিলেন, ‘আমার সে বয়স গেছে, যখন মানুষ যা বোঝে না তাই ভালবাসে। আমি আলো ভালবাসি।’ নীরদ চৌধুরী যে-রকম এ-যুগের ভলভেয়ার, আয়ো এ যুগেব ফ্রাঁস !!

শ্রীযুক্ত চৌধুরী পত্রাঙ্করে একখানা প্রবন্ধ লিখেছেন। সেই প্রসঙ্গে তিনি বলেছেন, তিনি এককালে বাংলায় লিখতেন এবং ইচ্ছে করলেই বাংলায় সর্বশ্রেষ্ঠ লেখকদের একজন হতে পারতেন।

চৌধুরী মশাই মাল্লখ ; তাঁরও নানা দোষ আছে । কিন্তু তিনি যে অত্যধিক বিনয়-ভারে অবনত এ কথা তাঁর পরম শত্রুও বলবে না ।

ইংরেজী লেখক হিসেবে মিঃ চাণ্ডরি কতখানি নাম করেছেন জানি নে—জ্ঞানার প্রয়োজনও বোধ করি নি । বিবেচনা করি অ্যান্ডিনে তিনি ল্যাম, রাসকিনকে ছাড়িয়ে গিয়েছেন কিন্তু বাংলা সাহিত্যে তিনি 'হেলায় লক্ষ্য করিত জয়' শুনে আমার মনোরাজ্যে নানা প্রকারের খণ্ড বিদ্রোহের সৃজন হয়েছে ।

তাঁর বাংলা লেখা আমার কিছু কিছু পড়া আছে । বাংলা সাহিত্যের কিঞ্চিৎ সাধনা আমিও করেছি, যদিও শ্রেষ্ঠ লেখকদের অন্ততম হওয়ার চেষ্টায়, দিল্লি আমার জগ্ন এখনও বিলক্ষণ দূর অস্থ । তিনি কাঁচা বা নিকট বাংলার লিখতেন একথা আমি বলব না, কিন্তু তিনি যে কীটসের মত কোন ভয়ঙ্কর অমৃতভাণ্ড নিয়ে বাংলা সাহিত্যে নামেন নি, সে-কথাও আমাকে বাধ্য হয়ে বলতে হচ্ছে ।

তবে এ দস্ত কেন ? এর সোজা অর্থ কি এই নয় : ওহে বাঙালী গ—ভগণ, তোমরা মাথার ঘাম পায়ে ফেলেও সাহিত্যের যে এভারেস্টে উঠতে পারছ না, আমি ইচ্ছা করলে পবননন্দন পদ্ধতিতে এক লক্ষ্মই সেখানে উঠতে পারতুম ।

দ্বিতীয়ত, ছোঃ, বাংলা আবার একটা সাহিত্য, তাতে আবার নাম করা । মরি তো হান্তি, লুটি তো ভাণ্ডার । নাম করতে হয় ত ইংরেজীই সহ ।

অর্থাৎ আপন মাতৃভাষাকেও ত্যাগিল্য ।

বৃথা তর্ক । আমি শুধু শেষ প্রশ্ন শুধাই—স্বজাতীয় লেখক, আপন আপন মাতৃভাষাকে ত্যাগিল্য করে কে কবে সত্য বড় হয়েছে ??

### আলা-যাওয়া

পূব ও পশ্চিম দেশবাসীদের ভিতর মেলা মিল আর গরমিল দুইই রয়েছে বলে কেউ বলেন ( কিপলিং ), এ দুয়ে মিলন অসম্ভব, আর তার বহু পূর্বে গ্যাটে বলে গিয়েছেন, 'পূব পশ্চিম এখন আর আলাদা আলাদা হয়ে থাকতে পারবে না ।'

যেখানে কিপলিং, গ্যাটে, রবি ঠাকুর, লিন্ যুটাং একমত হতে পারছেন না সেখানে আমি কথা কইতে যাব কোন সাহসে ? যেখানে কৈয়াজ্জখানে আর হীক গান্ধুলীতে লড়াই লেগে গিয়েছে সেখানে আমি বেমজ্জা বে-সমে হাততালি দিয়ে মরি আর কী ?

তবু সামান্য একটা কথা নিবেদন করতে চাই ।

পশ্চিমের লোক কখনও কারও সঙ্গে কথা ঠিক না করে, অর্থাৎ পাকাপাকি

এনগেজমেন্ট না করে দেখা করতে আসে না। এবং টম যদি ডিকের বাড়িতে কিংবা আপিসে আসতে চায় তবে ডিকের অহুমতি না নিয়ে কখনও আসবে না। কিন্তু, পশা, টম ডিকের অহুমতি নিয়ে এল বটে—ক'টার সময় ভেট হবে—কিন্তু সে যখন খুশি চেয়ার ছেড়ে বলতে পারে, 'তবে এখন চলনুম'—তার জ্ঞান ডিকের কোন অহুমতি প্রয়োজন হয় না। অর্থাৎ ইয়োরোপে কারও বাড়িতে যাওয়াটা তার হাতে, বেরিয়ে আসাটা আপনাব হাতে।

প্রাচ্যের প্রায় সব দেশেই ব্যবস্থাটা উল্টো। আপনি যখন খুশি রায় মহাশয়ের বাড়িতে গিয়ে উপস্থিত হতে পারেন। 'এই যে রায় সাহেব' বলে হকার দিয়ে আপনি রায় মহাশয়ের বৈঠকখানায় ঢুকবেন, আর রায়ও 'এই যে চৌধুরী মশায়, আসতে আজ্ঞে হোক, বসতে আজ্ঞা হোক' বলে কোল-বাগিশ আর হুকোর নলটা আপনার দিকে এগিয়ে দেবেন। আপনি বাগিশটা জাবড়ে ধরে ফুরুর ফুরুর করে আলবোলায় দম টানতে টানতে মূহু মূহু পা দোলাতে থাকবেন।

কিন্তু যখন বললেন 'এবারে উঠি?' তখন কিন্তু রায়ের পালা। আপনি যে ছম করে চলে আসবেন সেটি হচ্ছে না, সে অধিকার আপনার নেই। রায় বলবেন, 'আরে, বসুন. স্রাব। এত ভাড়া কিসের।' আপনার তখন জোর করে চলে আসাটা সম্ভব বে-আদবী।

এর গুহু কারণ, হয়ত আপনি বহুদিন পরে এসেছেন, হয়ত কাশীবাস সেয়ে ফিরেছেন, রায়-গৃহিণী খবর পেয়ে আপনার জ্ঞান সিঙাড়া ভাজবার তোড়জোড় করেছেন, আপনি হট করে চলে এলে তিনি মনঃক্ষুণ্ন হবেন, অতএব আপনাকে আরও কিছুক্ষণ বসতে হবে।

অর্থাৎ বিদায় নেবার বেলা আপনাকে অহুমতি নিতে হবে।

বিশেষ করে ইরান-আফগানিস্তানে এ-নিয়ম অলঙ্ঘ্য। ভেঙেছেন কি, আপনার নামে গোটা পাঁচেক ব্যঙ্গ-কবিতা লেখা হয়ে যাবে। মাহমুদকে নিয়ে ফিবদৌসীর ব্যঙ্গ-কবিতা তার সামনে লজ্জায় বোরকা টানবে।

রুশ দেশ প্রাচ্য-প্রতীচ্যের মধ্যখানে। তাই তারা খানিকটে এদের মানে, খানিকটে ওদের মানে। শাট তারা সায়েবদের মত পাতলুনের মধ্যে ঢুকিয়ে দেয়, কিন্তু তারা যখন আপন 'গ্রাশনাল ব্লাউস' জাতীয় কূর্তা পরে, তখন সেটা আমাদেরই পাঞ্জাবির মত সামনে পিছনে ঝুলিয়ে দেয়।

তারা দেখা করতে আসে খবর দিয়ে, না-দিয়ে, দুইই। বিদেয় নেবার সময় তারা কিন্তু তৃতীয় পন্থা অবলম্বন করে। গাল-গল্পের মাঝে একটুখানি মোকা

পেলে বলে, 'এইবার ভাই, তোমার সঙ্গে আরেকটি পাগিরসি খেয়ে বাড়ি যাব।'

এ বড় উত্তম পন্থা। আন্তোন যদি ভ্যাচোর-ভ্যাচোর করে আপনার প্রাণ এতক্ষণ অতিষ্ঠ করে তুলে থাকে, তবে আপনি তদুত্তেই উল্লসিত হয়ে উঠবেন, 'যাক, লক্ষীছাড়াটা তাহলে আর বেশী ভোগাবে না।' আপনার তখন উপেক্ষার ভাবটা বেড়ে ফেলে খুশী মুখে দু-চারটি কথা বলতে কিছুমাত্র কষ্ট হবে না। পক্ষান্তরে আন্তোন যদি আপনার দিলের দোস্ত হয় তবে তার আসন্ন বিচ্ছেদ-বেদনাটার জন্ত আপনি নিজেকে ধানিকটা সামলে নিতে পারবেন।

এবং ষ্টিভীয়ত, ইয়োরোপে দেখা হওয়া মাত্রই প্রথম প্রয়োজনীয় কথা পাড়া হয়, পরে গাল-গল্প। প্রাচ্য দেশে তার উলটো—পাঁচটি টাকা চাইবার হলে বিদেশ নিয়ে দোরের গোড়ায় এসে তখন আমতা-আমতা করে চাইতে হয়, বাড়িতে ঢুকেই হুক্কার দিয়ে নয়।

রুশ দেশে ওই শেষ সিগারেটের সময় যা কিছু 'বিজিনেস talk' এবং শিবরাম চক্রবর্তী অল্পপুণএ 'টক বিজিনেস' ॥

### দেহলি-প্রাপ্ত

দিল্লি ছাড়ার সময় আমার ঘনিয়ে এল। বিচক্ষণ জন দিল্লিতে বেশীদিন থাকে না। পঞ্চপাণ্ডব পঞ্চম মৃত্যুর সময় ঘনিয়ে এল দেখে হিমালয় মুখে রওয়ানা দেন। এমন কা সামান্য কুকুরটা পর্যন্ত এখানে পড়ে থাকে নি।

তবে কি যারা এখানে পড়ে থেকে শেষটায় শিব হয়ে যান, তাঁরা অবিবেচক? আদপেই না। এই দুশমনের ভূমি, গরমে শিককাবাব-বানানেওলা, শীতে কুলকৌ-জমানেওলা, সেক্রেটারি-জয়েন্ট নুস্কু-আণ্ডার-তন্তু-আণ্ডারকাভার, জাত-বেজাতের-কর্মচারী-কণ্টকিত এই ভূমিতে যে ব্যক্তি 'অশেষ ক্লেণ ভূঞ্জিয়া' পরলোকগমন করে সে 'পরশুরামী' স্বর্গে গিয়ে অপরাদের সঙ্গে দুহণ্ড রসালাপ করতে পারুক আর নাই পারুক, তাকে অন্ততপক্ষে নরকদর্শন করতে হয় না। কারণ এক নরক থেকে বেরিয়েই অল্প নরকে যাবার ব্যবস্থা কোনও ধর্মগ্রন্থই দিতে পারে না। আমি বিস্তর ধর্মের ঘাটে মেলা জল খেয়েছি—এ কথাটা আপনাদ্বী প্রায় আপ্ত বাক্যরূপে যেনে নিতে পারেন।

কিন্তু এসব নিছক রাগের কথা।

এই যে আমি দেহলি-বাসীদের সঙ্গে রাশানদের মত শেষ একটা (না, দু-



তিনটে) সিগারেট খাওয়ার ছমকি দিচ্ছি সে শুধু তাঁদের আপন জন স্বেবে  
অভিমানবশত।

আপনারা আমার সাহিত্যিক প্রচেষ্টার কদর করলেন না, আমার গুরুগম্ভীর  
প্রবন্ধ আপনাদের সাহিত্য-সভায় পড়তে দিলেন না, যদি বা প্রধান বক্তা কোন  
আগার সেক্রেটারির নেমস্কর পেয়ে শেষ-মুহুর্তে কামাই দিলেন বলে আমাকে রচনা  
পড়তে দিলেন, তখন আবার আমার গুরুগম্ভীর রচনা শুনে আপনারা হাসলেন,  
যখন রসরচনা (আহা আজকাল রসরচনা লিখে কত লোক রাতারাতি নাম কিনে  
নিলে) পড়লুম তখন আপনারা গম্ভীর হয়ে গেলেন, সেক্রেটারিদের মস্তুরা  
করে কবিতা পড়ে শুনালুম—আপনারা সভয়ে গোপনে একে একে সভাস্থল ত্যাগ  
করলেন, যখন তাঁদের প্রশস্তি গেয়ে রচনা পাঠ করলুম তখন স্পষ্ট শুনতে পেলুম,  
আপনারা ফিসফিস কবে বলছেন আমি তেলমাশিশের ব্যবসা (মাসাজ ইনস্টিটিউট  
নয়) খুলেছি, কিছু না পেরে শেষটায় যখন গান গাইলুম তখন পাড়ার ছোঁড়ারা  
ঠিক সেই সময় গাধার লেজে টিনের কেনেস্কাবা বেঁধে তাকে পাড়াময় খেদিয়ে  
বেড়াল, ভরতনৃত্যম্ নাচি নি—তাহলে বোধ হয় আপনারা হুমুমানের ছবি একে  
তার তলায় আমার নাম লিখে বছরের শেষে ‘নরসিং দাস’ প্রাইজের বদলে এই  
প্রাইজ দিতেন।

তবু আমি আপনাদের উপর এক ফোঁটাও রাগ করি নি। বরঞ্চ আমি  
আপনাদের কাছে উপকৃত হয়ে রইলুম। আপনাদের সংস্রবে না এলে এই যে  
সাহিত্যরচনার মামদো ভূত আমাদের কাঁধে ছিল সে কি কন্ম্বিনকালেও নামত?

বিবেচনা করি এখন কলকাতা ফিরে গেলে পাড়ার ছোঁড়ারা আমাকে দেখা  
মাত্রই পরিত্রাহি চিৎকার করে পালাবে না, তরুণীরা হয়ত কিঞ্চিৎ ঘাড় বঁকিয়ে  
‘এই যে’ বলে একটুখানি মিঠে হাসিও জানাবেন, ‘ওইরে, আবার এসেছে’ বলে  
ছুদাড় করে দরজা জানলা বন্ধ করবেন না।

ব্যালাটা বেচে দিয়েছি। পাণ্ডুলিপিগুলো কাজিলালকে ‘অবদান’ করেছি। তার  
বন্ধু পরিমল দত্ত নাকি গাঁটের পয়সা খরচা করে সেগুলো ছাপাবে। তা ছাপাক;  
আপনারা শুধু নজর রাখবেন সে যেন অ্যাকাউন্টস বিভাগে বদলি না হয়—  
ছোকরা তাহলে তবিল তছরুপের দায়ে পড়বে। পরিমলকে আমি স্নেহ করি।

যতই ভাবছি, ততই দিল্লি দেখি খারাপ নয়।

দিল্লির গরম অসহ! কিন্তু বিবেচনা করুন সেই গ্রীষ্মের শেষে যখন কালো  
ষমুনার ওপার থেকে দূর-দিক্গ পেরিয়ে আকাশ-বাতাস ভরে দিয়ে বিজয় মন্ডের  
মত গুরুগুরু করে নবীন মেঘ দেখা দেয়, তারই আবছায়া অন্ধকারে আপনি

খাটিয়াখানা বাইরে পেতে নব বরিষণের প্রতীক্ষায় প্রহর গোনেন, আপনার ত্রিখামা-যামিনীর সখা তারার দল একে একে স্নান মুখে আপনার কাছ থেকে বিদায় নেন, অল-ইন্ডিয়া-রেডিয়ার ঘড়িটা আবার তখন ঘণ্টার পর ঘণ্টা সেই অঙ্ককার বিদীর্ণ করেই আপনারই চারপাইখানার কাছে এসে আপনাকে সঙ্গহৃৎ দেয়, দূর বৃন্দাবনের প্রথম বর্ষণে ভেজা মিঠে হাওয়া এসে আপনার গালে চুমোর পর চুমো খেয়ে যায়, হঠাৎ আকাশের এম্পার ওম্পার ছিঁড়ে-ফেঁড়ে বিদ্বৎ চমকে দিয়ে নিজাম প্রাসাদের চূড়া, রাশান রাজদুতাবাসের ফটক, নিমগাছে এর গায়ে ওর বুক মাথা কোটা এক ঝলকের তরে দেখিয়ে দেয় এবং তারপর সবশেষে অতি ধীরে ধীরে রিমঝিম করে বৃষ্টিধারা যখন আপনার সর্বাঙ্গে গোলাপজল ছিটিয়ে দেয়—তখন আপনি খাটিয়া ঘরের ভিতর টেনে নিয়ে যাবার চিন্তাটা পর্যন্ত করেন না, ভিজ্ঞে মাটির গন্ধ দিয়ে বৃকের রক্ত ভরে নেন, ইতিমধ্যে স্নান্তে পান—আরকিয়োলজিক্যাল ডিপার্টমেন্টের দরোয়ান রামলোচন সিং তুলসীদাস-কৃত রামায়ণ স্মর করে পড়তে আরম্ভ করে দিয়েছেন, আর আপনার প্রতিবেশী সারস্বত ব্রাহ্মণের মেয়ে ভৈরবীতে গান ধরেছে।

দিল্লি কি সত্যই খুব মন্দ জায়গা ?

কিংবা এই শীতকালের কথাটাই নিন। নিতান্ত যদি সন্ধ্যার পর আপনাকে না বেরতে হয় তবে পুনরায় বিবেচনা করুন...

এ-রকম দিনের পর দিন গভীর নীলাকাশ আপনি কোথায় পাবেন ? সকাল-বেলায় সোনালী রোদ ট্যারচা হয়ে আপনার চোখের উপর এসে পড়েছে, ক্রমে ক্রমে লেপ কাঁথা গরম হয়ে উঠল, নাকে টোস্ট স্যাকার সোদা সোদা গন্ধ এসে পৌঁছেছে, এইবার ছাঁৎ করে ভিম-ভাজার শব্দ আর গন্ধ আসবে, আপনি ড্রেসিং-গাউনটা গায়ে চাপিয়ে দিয়ে বারান্দায় এসে বসলেন।

আহা ! সবুজ ঘাসে শিশিরের ঝিলিমিলি, প্রাতঃস্নাত শাস্ত ঋজু ঝাউ সামনে দাঁড়িয়ে, শীতের বাতাসে বৃগনভেলিয়ার মূর্ছ কম্পন, তারপর ধীরে ধীরে প্রথর হতে প্রথরতর রৌদ্রে বিশ্বাকাশের আলিঙ্গন, ধূপছায়াতে কালো-সবুজের স্নেহ-চিক্কণ আলিম্পন, আপনার আমার মত গরিবের কালি অঙ্কনটুকু নন্দনকানন হয়ে উঠল—আপনি সেই সৌন্দর্যের মোহে আপিস কামাই দিয়ে হানন্দঘন দিন স্বর্ণ-রৌদ্রে চক্ষু মুদ্রিত করে কাটালেন—

এ শুধু দিল্লিতেই সম্ভব।

দিল্লি ভ্যাগ তাই সহজ কর্ম নয় ॥

পঞ্চতন্ত্র  
২য়. পর্ব

ডাক্তার বণজিৎ রায়কে  
স্নেহ ও কৃতজ্ঞতার  
চিহ্নস্বরূপ

সৈ. মুজতবা আলী

## ঐতিহাসিক উপন্যাস

কলকাতায় এসে সুনতে পেলুম, বর্তমানে নাকি ঐতিহাসিক উপন্যাসের মরহুম যাচ্ছে। আশ্চর্য লাগলো। বন্ধিম আরম্ভ কবলেন ঐতিহাসিক উপন্যাস দিয়ে, রবীন্দ্রনাথ লিখলেন সামাজিক - কিংবোমাষ্টিক-খ্যাযা—উপন্যাস, শরৎচন্দ্র লিখলেন মধাবিক্ত শ্রেণী নিয়ে, তারানাঙ্কব তথাকথিত নিম্ন সম্প্রদায় নিয়ে। এর পর আবার হঠাৎ ঐতিহাসিক উপন্যাস কি করে যে ডুব-সাতারে রিটার্নজার্নি মারলে ঠিক বোঝা গেল না। আমি গণতন্ত্রে বিশ্বাস করি, কাজেই আর পাঁচ-জনের মত হতভম্ব হতে আমার কোনো আপত্তি নেই।

ঐতিহাসিক উপন্যাসের নাকি এখন জোব কাটাতে। আবার একাধিক জন বলছেন, এগুলো রাবিশ। পাঁচজনের মত আমি আবার হতভম্ব।

কিন্তু এতে কবে আমার ব্যক্তিগত উপকাব হয়েছে। বছর পঁচিশেক পূর্বে আমাকে বিশেষ কাবনে মোগল সাম্রাজ্যেব পতন ও মাবার্ঠা শক্তির অভ্যুদয় নিয়ে প্রচুর পড়াশোনা কবতে হয়। সে যুগেব প্রায় সব কেতাবপত্রই ফার্সীতে। বহু কষ্টে তখন অনেক পুস্তক যোগাড় কবেছিলুম। তাব কিছু কিছু এখনো মনে আছে। মাঝে মাঝে আজকেব দিনের কোনো ঘটনা ছবছ 'শেষ মোগলদের' সঙ্গে মিলে যায় এবং শোভ হয় সোদিকে পাঠকেব দৃষ্টি আকর্ষণ করি। কিন্তু সে সব কেতাবপত্র এখন পাই কোথায়? স্মৃতিশক্তির উপর নির্ভর করলে হয়তো ইতিহাসেব প্রতি অবিচার কবা হবে।

কিন্তু ঐ ঐতিহাসিক উপন্যাসই এক্ষণে আমার পবিত্রাণ এনে দিয়েছে। ধবে নিম্ন, আমি ঐতিহাসিক উপন্যাসই লিখছি।

মারাঠারা যখন গুজরাত ছববা। বা ছবে অর্থাৎ প্রদেশ, প্রতিষ্ঠা) দখল কবে তার রাজধানী অহমদাবাদে ঢুকল তখন সেখানকার দেওয়ান (প্রাদেশিক প্রধান মন্ত্রী) মুহাফিজখানার (আর্কাইভস্-এর) তাবৎ কাগজপত্র বাড়ি নিয়ে গিয়ে গুজরাত-কাঠিয়াওয়ার্ডের একখানা প্রামাণিক ইতিহাস লেখেন। বইখানি তিনি দিল্লীর বাদশা-সালামৎ মুহম্মদ শাহ বাদশাহ বঙ্গীলাকে ডেডিকেট করেন। ইতিহাসের নাম 'মিবাৎ-ই-আহমদী'। পুস্তকের মোকদ্দমায় তিনি

১ বাংলায় মোকদ্দমা বলতে মামলা, 'কেস' বোঝায়। আরবীতে অর্থ অবতরণিকা। 'কদম' মানে পদক্ষেপ ( 'কদম্ কদম বঢ়ায়ে যা' ); মোকদ্দমা প্রথম পদক্ষেপ, অবতরণিকা। আবার প্রথম পদক্ষেপ বলে তার অর্থ মামলা রুদ্দু

বাদশা-সালামৎকে উদ্দেশ্য করে বলেন, যে রাজনীতি অহুসরণ করার ফলে দিল্লীর বাদশারা গুজরাতে মত মাথার-মনি প্রদেশ হারালেন সে নীতি যদি না বদলানো হয় তবে তাবৎ হিন্দুস্থানই যাবে। সেই নীতির প্রাথমিক স্বর্ণযুগ, ক্রমবিকাশ ও অধঃপতন তিনি সেই ইতিহাসে ধারাবাহিক লিপিবদ্ধ করেছেন।

সেই ইতিহাস থেকে একটি ঘটনার কথা মনে পড়ল। স্মৃতিশক্তির উপর নির্ভর করে লিখছি—তাই আবার বলছি ভুলচুক হলে ধরে নেবেন, এটি ঐতিহাসিক উপগাস।

অষ্টাদশ শতাব্দীতে একবার পর পর কয়েক বৎসর ধরে গুজরাতে বৃষ্টি না হওয়ার ফলে ভীষণ দুর্ভিক্ষ দেখা দেয়। দলে দলে লোক অহমদাবাদ পানে ধাওয়া করে; সেখানে যদি হুঁমুঠো অন্ন জোটে। অগণিত পিতামাতা তাদের পুত্র-কন্যাকে দাস-দাসীরূপে বিক্রয় করে দেয়। গুজরাতি মেয়েরা যে টাকা-মোহর ফুটো করে অলঙ্কার হিসেবে পরে সেগুলো পর্যন্ত বিক্রয় করে দেয়। বিস্তর লোক উপবাসে মরলো।

গুজরাতে সুবাদার (গভর্নর, কিন্তু বর্তমান গভর্নরের চেয়ে অনেক বেশী ক্ষমতা ধরতেন এবং দেওয়ানের সঙ্গে এক জোটে প্রদেশ চালাতেন) তখন অহমদাবাদের সব চেয়ে ধনী শ্রেণীকে পরামর্শের আমন্ত্রণ জানালেন। এইসব শ্রেণীরা প্রধানত জৈন, এবং স্মরণাতীত কাল থেকে ব্যবসা-বাণিজ্য করে করে বহু অর্থের অধিকারী হয়েছিলেন (বর্তমান দিনের শ্রেণী কস্তুরভাই লালভাই, হটিসিং এই গোষ্ঠীরই লোক)।

সুবেদার সেই শ্রেণীকে শুধালেন, দুর্ভিক্ষ নিবারণের জন্ত কিছু করা যায় কি না। শ্রেণী বললেন, মালওয়া অঞ্চলে এবারে প্রচুর ফসল ফলেছে, সেখানে গম-চাল পাওয়া যাবে। তবে হুই প্রদেশের মাঝখানে দারুণ দুর্ভিক্ষ। মালবাহী গাড়ি লুট হবে। অতএব তিনি হুই শর্তে দুর্ভিক্ষ-মোচনের চেষ্টা করতে পারেন :

- ১) সুবেদার নিরাপদে মাল আনানোর জন্ত সঙ্গে গার্ডরূপে ফৌজ পাঠাবেন,
- ২) মাল এসে পৌঁছলে সুবেদার শ্রেণীতে মিলে যে দাম বেঁধে দেবেন মূদীরা যদি তার বেশী দাম নেয় তবে তদুপেই তাদের কঠোর সাজা দেবার জিদ্দাদারা সুবেদার নেবেন। সুবেদার সানন্দে সম্মতি দিলেন। এখানে উল্লেখযোগ্য শ্রেণী সুবেদারের কাছ থেকে অর্থ-সাহায্য চান নি।

করার প্রথম কদম—এক দিক দিয়ে দেখতে গেলে লাতিনে যাকে বলে প্রিমা ফান্সি কেস—কিন্তু বাঙলায় এখন মোকদ্দমা বলতে পুরো কেসটাই বোঝায়।

বাড়িতে এসে শ্রেষ্ঠী বংশাহুক্ৰমে সঞ্চিত অর্থ, অলঙ্কার-জুহুরাং বের করলেন ;  
শ্রেষ্ঠী কত্নাকে তাঁদের অলঙ্কার পর্যন্ত খুলে দিতে বললেন ।

সেই সমস্ত ঐশ্বর্যভাণ্ডার নিয়ে শ্রেষ্ঠীর কর্মচারীরা স্বেদারের কোঁজ সহ  
মালওয়া পানে রওয়ানা দিলেন । কিছুদিন পরেই মুখে মুখে অহমদাবাদে খবর  
ঝটে গেল, মাল পৌঁছল বলে । পথে লুটতরাজ হয় নি ।

সেই সব গম ধান ও অস্ত্রাশ্র শস্ত যখন অহমদাবাদে পৌঁছল তখন শ্রেষ্ঠী  
তাঁর একাধিক হাভেলি—বিরাত চক মেলানো বাড়ি, একসঙ্গে গোষ্ঠীর বহু পরিবার  
একই বাড়িতে বসবাস করতেপারে—খুলে দিয়ে আঙ্গিনার উপর সেসব রাখলেন ।  
তারপর স্বেদারের সঙ্গে হিসেব করলেন, কি দরে কেনা হয়েছে, রাহ-খর্চা  
( ট্রান্সপোর্ট ) কত পড়েছে এবং তাহলে এখন কি দর বেঁধে দেওয়া যায় ?  
স্বেদার বললেন, ‘আর আপনার মুনাকা ?’ শ্রেষ্ঠী বললেন, ‘যুগ যুগ ধরে মুনাকা  
করেছি ব্যবসা বাণিজ্যে । এ ব্যবসাতে করবো না । যা খর্চা পড়েছে সেই দর  
বেঁধে দিন । মুদীর সামান্য লাভ থাকবে ।’ দাম বেঁধে দেওয়া হল ।

এবারে শুভুন, সব চেয়ে তাজ্জবকী বাৎ ! শ্রেষ্ঠী শহরের তাবৎ মুদীদের ডেকে  
পাঠালেন এবং কোন্ মুদী কটা পরিবারের গম যোগায় তার গুমারী ( গণনা )  
নিলেন । সেই অহুযায়ী তাদের শস্ত দেওয়া হল । .সোজা বাঙলায় আজকের  
দিনে একেই বলে রেশনিং । এবং তাব সঙ্গে গোড়াতেই ব্যবস্থা, যাতে হোর্জি  
না হতে পারে । এবং ফেয়ার প্রাইস ।

অহমদাবাদে চতুর্দিকে আনন্দোচ্ছ্বাস । ইতিমধ্যে শ্রেষ্ঠীর চর এসে জানালে  
অমুক মহল্লার ছ’জন মুদী গ্রাযামূল্য থেকে এক না ছ’ পয়সা বেশী নিয়েছে ।

শ্রেষ্ঠী তৎক্ষণাৎ স্বয়ং সেই মহল্লায় গিয়ে সর্বজন সমক্ষে তদন্ত করলেন । এবং  
সঙ্গে সঙ্গে সোজা স্বেদারের বাড়ি গেলেন । স্বেদার তখন ইয়ার-বক্সী<sup>২</sup> সহ  
গমাগমন সেলেব্রেট করছিলেন । কিন্তু পূর্বপ্রতিজ্ঞা অহুযায়ী বেরিয়ে এসে সব  
কিছু শুনে সেপাই পাঠালেন মুদীদের ধরে আনার জন্ত । সাক্ষীসাবুদও যেন সঙ্গে  
সঙ্গে আনা হয় ।

২ বক্সী বা বখলী ( বখ্ শিশ কথা একই ধাতু থেকে ) অর্থ, একাউন্টেন্ট  
জেনারেল, অডিটার জেনারেল ও কোঁজের চীফ পে-মাস্টার—এ তিনের সমন্বয় ।  
কায়স্থরা প্রধানত এই দায়িত্বপূর্ণ চাকরি করতেন । প্রধান বা মীর বখলী নিয়োগ  
করতেন স্বয়ং দিল্লির বাদশা-সালামৎ । আর সরাসরি নিয়োগ হতেন কাজী উল  
কুল্লাং অর্থাৎ চীফ জাস্টিস, সদর-উস্-সদর ( সেই অঞ্চলে বাদশা-সালামতের

তদ্বশেই স্ববেদারের সামনে সাক্ষীসাব্দ তদন্ত-তক্‌তীশ হয়ে গেল। প্রমাণ হয়ে গেল সত্যই তারা বেশী দাম নিয়েছে।

স্ববেদার হুকুম দিলেন, বড্ড বেশী 'খেতে চেয়েছিল' বলে মুদী ছুটোর পেট কেটে ফেলা হোক। তাই করা হল। নাড়িভূঁড়ি বেরিয়ে গেল।

সবাই যেন এই দৃষ্টান্ত থেকে সজাগ সতর্ক হুঁশিয়ার খবরদার হয় সেই উদ্দেশ্যে স্ববেদার হুকুম দিলেন, শহরের সব চেয়ে উঁচু ছুটো উটের পিঠে তাদের লাশ বেঁধে দিয়ে নগর-পরিক্রমা করা হোক।

সমস্ত রাত ধরে তাই করা হল।

এরপর ঐতিহাসিক যেন নিতান্ত সাদামাটা ডালভাতের কথা বলছেন, ঐভাবে মস্তব্য করছেন, 'অতঃপর আর কেউ অগ্নাঘা মুনাকা করার চেষ্টা করে নি।'

(আমার হাতে যে পাণ্ডুলিপিখানা পৌঁচোঁছিল তাতে দেখি এ জায়গাটায় এ যুগের কোন্ এক ঞরসিক পাঠক লিখছেন, 'we are not surprised!')

\* \* \*

আমি আর কি মস্তব্য করবো? রেশনিং, ফেয়ার-প্রাইস, নো চান্স ফর হোডিং, তনুহুর্তে তদন্ত, তদ্বশে দণ্ড, জনগণকে হুঁশিয়ারী দেওয়া এসবই হয়ে গেল চোখের সামনে। অবশ্য আমি নিরীহ প্রাণী, পেট কেটে নাড়িভূঁড়ি বের করার আদেশ শুনে আমার গা শিউরে উঠে। তবে যারা দিনের পর দিন রেশন-শপের লাইনে দাঁড়িয়েছেন, চোখের সামনে কালো-বাজার এবং যাবতীয় অনাচার দেখেছেন, পুত্রকন্যাকে কচুখেচু খাওয়াতে বাধ্য হয়েছেন এবং বিত্তশালীরা কি কৌশলে তোফা খানাপনা করছেন সবশেষ অবগত আছেন, তাঁরা হয়তো উল্লাস বোধ করবেন। আমি আপত্তি করবো না—কারণ পূর্বেই বলেছি, আমি গণতন্ত্রে বিশ্বাস করি ॥

আপন জমিজমা তদারকের জন্ত, তথা কেউ নিঃসন্তান মারা গেলে তার সম্পত্তি অধিকার করতে)। সরকার=চীফ-সেক্রেটারী, কাছনগো=লিগেল রিমেম্ব-ব্রেনসার পরে নিযুক্ত হতেন। বখ্‌শীর কাছ থেকে টাকা পেয়ে ব্যবসায়ীরা সঙ্গে সঙ্গে সামনের বাজারে ছুঁড়ি কাটতো বলে, সে বাজারকে 'বখ্‌শী বাজার' বলা হত। বখ্‌শী সরকার ইত্যাদি বড় বড় এডমিনিস্ট্রেটিভ চাকরি প্রধানত কায়স্থরাই করতেন। ইংরেজ মোটামুটি এই পদ্ধতিই চালু রাখে।



## কচ্ছের রাণ

ঐতিহাসিক উপন্যাস নিয়ে কথা হচ্ছিল। আর বলছিলুম, এতে করে আমার বড়ই উপকার হয়েছে। ইতিহাস নিজেকে মাঝে মাঝে পুনরাবৃত্তি করে। চোখের সামনে যখন তাই কোনো কিছু একটা ঘটে, তখন স্মৃতিপথে আসে প্রাচীন দিনের ঐরকম কোনো একটি ঘটনা। প্রথম যৌবনে কোনো এক প্রাচীন ইতিহাসে পড়েছি। সে বই এখন আর পাবো না। একে ফার্সীতে লেখা, তদুপরি বইখানা হয়তো সে ভাষার পুস্তকের মাঝেও দুপ্পাপ্য। স্মৃতিশক্তির উপর নির্ভর করলে হয়তো ঐতিহাসিকের প্রতি আবিচার করা হবে।

ইতিমধ্যে ঐতিহাসিক উপন্যাস এসে আমাকে বাঁচিয়ে দিয়েছে। কেউ যদি ক্রটিবিচ্যুতি দেখিয়ে দেয় তবে নিঃশরমে বলবো, আমি ঐতিহাসিক উপন্যাস লিখেছি।

গুজরাতের ইতিহাস ‘মিরাৎ-ই-আহমদী’র কথা হচ্ছিল। বইখানা লেখা হয়, নাদির শাহ যখন ভারতবর্ষ লণ্ডও করে যান মোটামুটি সেই সময়। এ পুস্তক গ্রন্থকার আরম্ভ করেছেন জৈন সাধু মেরুভূজাচার্যের সংস্কৃত লেখা গুজরাতের প্রাক-মুসলিম যুগের ইতিহাসের<sup>১</sup> সারাংশ নিয়ে, তারপর আছে গজনীর সুলতান মাহমুদ<sup>২</sup> কর্তৃক সোমনাথ আক্রমণ।

সুলতান মাহমুদ এমনিতে বলতেন, তিনি কাফিরের বিরুদ্ধে জিহাদ করেন, কিন্তু সিন্ধুদেশ সপ্তম অষ্টম শতাব্দী থেকে মুসলমান অধিকারে। সে দেশ কি করে আক্রমণ করা যায়? সুলতান বললেন, ‘সিন্ধুদেশের মুসলমানরা যদিও কাফির নয়, তবু কাফির-তুল্য—তারা হেরেটিক; অতএব আক্রমণ করা যায়।’

তা সে যাই হোক, তাঁর আসল উদ্দেশ্য ছিল কাঠিওয়াড়ের সোমনাথ মন্দিরের বিরাট ধনভাণ্ডার লুণ্ঠন করা। সেটা সিন্ধুদেশ জয় না করে হয় না।

কিন্তু তার পরই আসে কচ্ছের রাণ। সেটা অতিক্রম করা সিন্ধু-বিজয়ের চেয়েও কঠিন। মাহমুদের সাক্ষোপাক তাঁকে<sup>৩</sup> নিরস্ত করার চেষ্টা দিয়ে নিফল হলেন।

কচ্ছের রাণ অতিক্রম করতে গিয়ে মাহমুদের ফৌজের অসংখ্য সৈন্য ও অশ্ব

---

১ সংস্কৃত বইখানার নাম আমার মনে পড়ছে না। বোধ হয় ‘প্রবন্ধ চিন্তামণি’।

২ মাহমুদ ও মুহম্মদ দুই ভিন্ন নাম। যে রকম হাসন, হুসেন ও হাস্‌সান (সুহ্মাওয়ার্দী), তিনটি ভিন্ন ভিন্ন নাম।

তৃষ্ণায় প্রাণ হারালো। চোরাবালিতেও অনেকে। তখনকার দিনের ঐতিহাসিকরা তার জন্ত গাইডকে জিম্মাদার করেছেন; সে নাকি বিশ্বাসঘাতকতা করে। কিন্তু মাহমুদকে বাধ্য হয়ে ঐ পথেই ফিরে যেতে হয়েছিল। মাহমুদ ছিলেন ল্যাণ্ডলর্ড ( অর্থাৎ যে দেশের সঙ্গে সমুদ্রের কোনো সংস্পর্শ নেই) দেশের লোক— হিটলারেরই মত।<sup>৩</sup> তাই দ্বারকা থেকে নোবহর যোগাড় করে 'ঠাট্টা' ( করাচীর কাছে প্রাচীন বন্দর ) যাবার সাহস করেন নি।

\*

\*

\*

এর পর পাগলা রাজা মুহম্মদ তুগলুক এই কচ্ছের রাণের কাছে মার খান।

ফার্সী ঐতিহাসিক লিখেছেন 'তগী', ফার্সীতে 'ঠ' ধ্বনি নেই—শব্দটা বোধ হয় তাই 'ঠগী'। সেই তগী মধ্য-পশ্চিম ভারতে লুটতরাজ আরম্ভ করে। বাদশাহী ফৌজ বার বার তার বিরুদ্ধে অভিযানে বেরিয়ে বার বার বিফলমনোরথ হয়ে দিল্লি ফিরে আসে। মুহম্মদ রেগে উত্ত। বললেন, 'আমি স্বয়ং যাবো।'

একটা সামান্য ডাকুর বিরুদ্ধে স্বয়ং হজুর যাবেন!

না যাবোই।

হজুর স্বয়ং আসছেন জেনে তগী অহমদাবাদ পালালো। হজুর বললেন, চলো অহমদাবাদ। পারিষদরা মহা অসঙ্কপ্ত। সেই সূদূর অহমদাবাদ—দিল্লি থেকে কত দিনের রাস্তা! হজুর কিন্তু গৌ ছাড়লেন না। অহমদাবাদে পৌঁছলে পর জানা গেল, তগী পালিয়েছে কাঠিয়াওয়াড়ে। হজুর বললেন, 'চলো কাঠিয়াওয়াড়।' কিন্তু তখন বর্ষা নেমে গিয়েছে। এবং শ্রান্তি-ক্লান্তিতে হজুরের হল জর। কি জর, আমি বর্ণনা থেকে বুঝতে পারি নি। ম্যালেরিয়া খুব সম্ভব নয়। ম্যালেরিয়া বোধ হয় এ-দেশে পরে এসেছে। তা সে যাই হোক, হজুর ভামাম বর্ষাকালটা অহমদাবাদে জ্বরে ধুঁকে ধুঁকে রোগা-দুর্বলা হয়ে গেলেন। কিন্তু বর্ষা-শেষেও গৌ ছাড়লেন না—তঁাকে যে পাগলা রাজা বলা হত সেটা প্রধানত তাঁর গৌর জন্তই—চললেন কাঠিয়াওয়াড়। তগী পালালো কচ্ছ। হজুর গেলেন কচ্ছ। তগী পালালো কচ্ছের রাণের উপর দিয়ে সিন্ধুদেশে। সে ডাকাত—রাণের কোথায় কি, জানে—সেখানে একাধিক বার আশ্রয় নিয়েছে। ততুপরি

৩ ফ্রান্স জয়ের পর হিটলার ইংলণ্ড আক্রমণের পরিকল্পনা করেন। এর নাম অপারেশন 'সী লায়েন' ( সমুদ্রসিংহ, 'জ্যে ল্যোয়ে' ) কিন্তু শেষ পর্যন্ত এটা বাস্তব করে দেওয়া হয়। তার বহুবিধ কারণ নিয়ে নানা গুণী নানা আলোচনা করেছেন। অগ্রতম কারণ বলা হয়. হিটলার ল্যাণ্ডলর্ড দেশের লোক ছিলেন

সে তো আর বিরাট সৈন্যবাহিনী নিয়ে যাচ্ছে না; তার দানাপানির আর কত-টুকুই বা দরকার!

এবারে পারিষদরা তারস্বরে প্রতিবাদ জানালেন। গজনীর মাহমুদ বাদশা যে রাণে কি রকম নাজেহাল হয়েছিলেন সে কথা স্মরণ করিয়ে দিলেন। সঙ্গে ছিলেন রাজসভার সরকারী ঐতিহাসিক জিয়াউদ্দীন বরনী (ইনি 'দিল্লি দূর অস্ত'-এর সাধু নিজামুদ্দীন আউলিয়া ও কবি আমির খসরুর নিত্যালাপী বন্ধু ছিলেন); তিনিও নিশ্চয়ই প্রাচীন ইতিহাস কীর্তন করেছিলেন। তত্পরি তুগলুক নিজে ছিলেন সুপণ্ডিত। ইতিহাস ভূগোল উত্তমরূপেই জানতেন। কিন্তু ফিটলার যদিও অত্যন্তমরূপেই নেপোলিয়নের রুশ-অভিযান ও তার মারাত্মক ফলাফল সম্বন্ধে বিশেষজ্ঞ ছিলেন এবং যদিও তাঁর সেনাপতিরা তাঁকে বার বার রুশ-অভিযান থেকে নিরস্ত থাকতে উপদেশ দেন, তবুও তিনি সেই কর্মটি করেছিলেন। এখানেও তাই হল। তুগলুক নিরস্ত হলেন না।

কচ্ছের রাণে বাদশা মুহম্মদ তুগলুকের কী নিদারুণ দুরবস্থা হয়েছিল, তার বর্ণনা একাধিক ঐতিহাসিক দিয়েছেন। আজ আমার আর ঠিক মনে নেই, তাঁর সৈন্য এবং ঘোড়া খচ্ছরের ক'আনা বেঁচেছিল, আর ক'আনা মরেছিল।

এ সময়ের একটি ঘটনা ঐতিহাসিক বর্ণনা করেছেন। রোগে জীর্ণ দুর্বল দেহ নিয়ে ঘোড়ার উপরে বসে মুহম্মদ তুগলুক ধুকতে ধুকতে এগোচ্ছেন। এমন সময় তিনি ঐতিহাসিক জিয়াউদ্দীন বরনীকে ডেকে পাঠালেন—কাউকে ডেকে না পাঠালে হুজুরের কাছে যাবার কারো অনুমতি ছিল না। বরনী কাছে এলে তুগলুক তাঁকে বললেন, 'আচ্ছা বরনী, তুমি তো জানো আমি আমার প্রজাদের কতখানি ভালোবাসি। আমি যে-সব ফরমান-হুকুম জারি করেছি সে তো একমাত্র তাদেরই মঙ্গলের জন্ত। তবে তারা একগুঁয়েমি করে আমার আদেশ অমান্য করে কেন?' তারপর শুধোলেন, 'আচ্ছা বরনী, তোমার কি মনে হয়, আমি বড় কড়া হাতে শাসন করেছি, প্রয়োজনের চেয়ে অতিরিক্ত শাস্তি দিয়েছি? তবে কি এখন আমার উচিত আরো ক্ষমা-দয়ার সঙ্গে শাসন করা?'

বলে সমুদ্রে ঝাঁপ দিতে দু'আত্মা করতেন। খ্রীস জয় করার পর-তিনি তাই মন্টারীপ আক্রমণ ক্রমাগত পিছিয়ে দিয়ে ভুল করেন। ফলে রমেলও পুরো সাহায্য পেলেন না। এ-দেশের মোগল-পাঠান রাজাদের বেলাও তাই। নৌ-বাহিনীর সঙ্গে তাঁদের পরিচয় ছিল না বলে তাঁরা ইংরেজকে অবহেলা করেন। ফলে ভারতবর্ষ সমুদ্রপথে বিজিত হয়।

বরনী লিখছেন, 'এই শেষকালে যদি হুজুর হঠাৎ তাঁর নীতি বদলান তবে হয় তো আরো বিপর্যয়ের সৃষ্টি হবে ভেবে আমি নীরব থাকারটাই যুক্তিযুক্ত বলে মনে করলুম।'

ওদিকে দিল্লিতে বসে তুগলুকের প্রধান মন্ত্রী পড়েছেন মহাবিপদে। হুজুরের কোনো খবর নেই। রাণ থেকে তো দূত পাঠানো যায় না, যে দিল্লি আসবে। দূত আর তার পাঠি পথে জল পাবে কোথায়? পিছনপানে অবশ্য মৃত্যু—সম্মুখ দিকে তবু বাঁচবার আশা আছে। কাজেই দিনের পর দিন কেটে যাচ্ছে, হুজুরের কোনো খবর নেই। প্রধান মন্ত্রীর ভয়, খবরটা রটে গেলে তুগলুকের কোনো আত্মীয় বা অগ্র কোনো দুঃসাহসী রাজা মরে গেছেন এই সংবাদ রটিয়ে কিছু সৈন্যসামন্ত যোগাড় করে দিল্লির তপতে না বসে যায়। রাজকোষ তখন তার হাতে এসে যাবে এবং ফলে সে আরো সৈন্য সংগ্রহ করে নেবে। হুজুর যখন ফিরে আসবেন তখন তাঁর সঙ্গের সৈন্যদল পরিশ্রান্ত ক্লান্ত। হুজুর তখন লড়াই দেবেন কি করে? প্রধান মন্ত্রী তখন শুরু করলেন স্বেচ্ছা ধাঙ্গা। হুজুর রোজ সকালে যে ঝরোকাই দাঁড়িয়ে দেখা দিতেন সেখানে প্রধান মন্ত্রী দাঁড়িয়ে বলতেন, 'বড় আনন্দের বিষয়, আজও হুজুরের চিঠি পেয়েছি। হুজুর বগাল তবীয়তে আছেন। শিগগীরই রাজধানীতে ফিরে আসছেন।' তারপর আঙ্গুরখার (অঙ্গুরক্ষা) ভিতরের ছেব থেকে বগাস্ চিঠি বের করে, গভীর সম্মানের সঙ্গে সেটি চুখন করে উচ্চকণ্ঠে সেটি পড়ে শোনাতে—আগাগোড়া নিছক গুল! তার পর আরো সম্মানে চিঠিখানা চুখন করে পকেটে রেখে দিতেন।

প্রধান মন্ত্রী হওয়া চাটিখানি কথা নয়। ধাঙ্গা, গুল, থিয়েটারি সব বৃহকা এলম পেটে ধরতে হয়।

ওদিকে অশেষ ক্লেশ ভুঞ্জ হুজুর সিন্ধুদের তীরে এসে পৌঁছলেন। তগীর ক হল আমার মনে নেই। পৌঁছেই হুজুর দিল্লি-পানে খোঁড় সওয়ার বণ্ডা করলেন। তারা দিল্লি পৌঁছলে প্রধান মন্ত্রীর খেঁড়ে জান এল।

হুজুর আর কচ্ছের রাণ ধরে দিল্লি ফিরলেন না। স্থির হল, নৌকায় করে সিন্ধু উড়িয়ে উজিয়ে তারই উপনদী দিয়ে লাহোর পৌঁছবেন। উত্তম ব্যবস্থা। ইতিমধ্যে রোজার মাস বা রমজান এল। হুজুর বললেন, 'উপোস করবো।' আমীর-ওমরাহ বললেন, 'হুজুর একে অস্বস্থ, দুর্বল। তদুপরি ভ্রমণকালে উপবাস করা ইচ্ছাধীন—কুরান শরীফের আদেশ।' হুজুর তেড়ে বললেন, 'যে মুসাক্কিরীতে (ভ্রমণে) তকলীফ হয় আল্লাতাল্লা সেইটের কথাই বলেছেন। আমরা তো যাচ্ছি আরামসে নৌকায় শুয়ে শুয়ে। আমি উপোস করবোই।'

পুনরায় গোঁ। তর্ক করবে কে? মুহম্মদ তুগলুকের সঙ্গে শাস্ত্র নিয়ে তর্ক করবার মত এলেম কারো পেটে ছিল না। (আরেক ধর্মধর পণ্ডিত ছিলেন ঔরঙ্গজেব)।

কয়েকদিন পরে ধরা পড়ল একটি চমৎকার মাছ। কিন্তু এ জাতের মাছ দিল্লিবাসীরা কখনো দেখেন নি। তারা বললেন, 'যে মাছ চিনি নে সেটা খাব না।' হুজুর বললেন, 'কুরান, হাদীস কোনো শাস্ত্রে এ জাতীয় মাছের বর্ণনা দেয় যেতে যখন বারণ করা হয় নি তখন আমি ইটি খাবই।' আবার গোঁ।

খেলেন! দারুণ তেলওলা মাছ ছিল। হুজুরের শরীরও ছিল রোগা, রাণের ধকলে দুর্বল। পেট ছাড়লো। কিছুতেই বন্ধ হয় না। বোধ হয় তৃতীয় দিনে হুজুর ইস্তিকাল করলেন, অর্থাৎ পটল তুললেন।

ঐতিহাসিক জিয়াউদ্দীন লিখছেন, 'এই প্রকারে হুজুর তাঁর অবাধ্য প্রজাকুলের হাত থেকে নিষ্কৃতি পেয়ে রক্ষা পেলেন; প্রজাকুলও হুজুরের হাত থেকে নিষ্কৃতি পেয়ে বাঁচলো!'

\*

\*

\*

আমি বঙ্গসন্তান। মাছের নামে অজ্ঞান। আমাব মনে প্রবল জাগলো, বাদশা-সালামৎ কি মাছ খেয়ে শহীদ হলেন।

বরনী, মিবাৎ দিচ্ছেন মুসলিম চাক্র মাসের হিসাবে তুগলুকের মৃত্যুদিবস। তাঁর থেকে কোন্ ঋতুতে তাঁর মৃত্যু হয়েছিল ধবা যায় না। বিস্তব ক্যালেন্ডার খেঁটে যোগবিয়োগ করে বের করলুম ঋতুটি।

আমার এক সিন্ধী দোস্ত আছেন, ঐতিহাসে তাঁর বড়ই শখ। তাঁর বাড়ি গিয়ে তাঁকে শুধালুম।

তিনি বললেন, 'নিঃসন্দেহে বলা যেতে পারে, পান্না মাছ।'

\*

\*

\*

গঙ্গা উজ্জয়ে যেটা আসে বা একদা আসতো, সেটা ইলিশ—হিলসা। নন্দা উজ্জয়ে ঐ মাছটা যখন আসে তখন ব্রোচেব (broach—ভুগুচ্ছ) লোক এটাকে বলে মদার, পাসাঁরা বলে বিম্। সিন্ধু উজ্জলে এই মাছকেই বলে পান্না।

অনেকেই অনেক কিছু চড়ে স্বর্গে যান, ঐরাবত, পুস্পকরথ, কত কি?

শাহ-ইন-শাহ বাদশা-সালামৎ মুহম্মদ তুগলুক শাহ ইলিশ চড়ে স্বর্গে গেলেন। স্বর্গে যাবেন না তো কোথায় যাবেন? ইলিশ খেয়ে যে প্রাণ দেয় সে তো শহীদ—মার্টার।

## দর্শনাতীত

ছমের মত ঘুরে বেড়াচ্ছি বিরাট বার্লিন বিশ্ববিদ্যালয়ের করিডরে। সবে এসেছি ‘ছাশ’ থেকে—হাইকোর্টটি দেখিয়ে দেবার মতও কোনো খাটাশকে পাচ্ছি নে। কিন্তু রমণীজাতি দয়াশীলা—বেদরদীরা বলে হরবকৎ শিকার-সন্ধানী—আমার সঙ্গে কথা কইলে নিজের থেকে। আমি তখন বিবর্ণ বিশ্বাস বদখন্দ কোন এক মাংস, তদধিক বিজাতীয় হর্স-ক্যাবেজ (সচরাচর এ বস্তু ঘোড়া ও বিশ্ববিদ্যালয়ের ছাত্রদের দেওয়া হয়) খাবার চেষ্টা করছি, চোখের জলে নাকের জলে। সব শুনে বললে, ‘দর্শন? তাহলে শ্মিটকে মিস্ করো না; বুড়ার বয়স আশী পেরিয়ে গেছে, কখন যে পটল তুলবে ( জর্মনে বলে ‘আপজেগ্‌লেন’ ) ঠিক নেই।’

পোড়ার দেশে লেকচার-রূমে সীট রিজার্ভ করতে হয়। পাণ্ডুলিপি যুবতীটি ধানী-লংকার মত এফিশেন্ট। সাত দিন পরে প্রথম লেকচারে গিয়ে দেখি, একদম পয়লা কাতারে পাশাপাশি দু’খানা চেয়ার রিজার্ভ করে বসে আছে প্রফেসরের চেয়ার থেকে হাত আঠেক দূরে।

অধ্যাপক এলেন ঘণ্টা পড়ার মিনিট পাঁচেক পরে। বয়েস আশী না, মনে হবে সোয়া-শো—যেভাবে আস্তে আস্তে পা ফেলে ফেলে হার টুকলেন। ইয়া বিরাট লাশ। ফ্লাইন উরজুল লাফ দিয়ে এগিয়ে গেলেন তাঁর দিকে। বড়ো রোষকষায়িত লোচনে তাঁর দিকে তাকিয়ে হাত দু’খানা অল্প তুলে ধরলেন। উরজুল এক দিকের ওভারকোটটা তাঁর দেহ থেকে মুক্ত করার পর তিনি অতি কষ্টে শরীরে একটু মোচড় দিলেন। এই গুহৃতম তান্ত্রিক মুষ্টিযোগ প্রসাদাৎ তিনি তাঁর ওভারকোটের নাগপাশ থেকে মুক্তিলাভ করলেন। শেষনাগকেও বোধ হয় তাঁর বাৎসরিক খোলস থেকে মুক্ত হতে এতখানি মেহরৎ বরদাস্ত করতে হয় না।

ধীরে ধীরে প্র্যাটফর্মে উঠে চেয়ারে আসন নিলেন। সচরাচর অধ্যাপকরা প্র্যাটফর্মের নিকটতম কোণে উঠেই বক্তৃতা বাড়তে আরম্ভ করেন। ইনি চূপচাপ বসে রইলেন ঝাড়া পাঁচটি মিনিট। ধবধবে সাদা কলারের উপর হাঁড়িপানা তাঁর বিরাট মুখের দিকে তাকিয়ে দেখি তাতে অস্তুত উজনখানেক কাটাকুটির দাগ। লেকচার আরম্ভ না হওয়া পর্যন্ত ফিস্‌ফিস্‌ করে কথা কইতে বারণ নেই। আমি ‘উরজুলকে শুখালুম, ‘মুখে ওগুলো কিসের দাগ?’

‘ফেনসিঙের। সিনেমাতে দেখ নি, লম্বা সরু লিকলিকে তলওয়ার দিয়ে

একে অগ্নের কলিজা ফুটো করার পায়তারা কষে ? পষ্ট বোঝা যাচ্ছে, তলওয়ার নাকের কাছে এলেও ইনি পিছু-পা তো হনই নি, মাথাটা পর্যন্ত পিছনের দিকে ঠেলে দেন নি। প্রত্যেকটি কাটাতে কাটা ষ্টিচ লেগেছিল ঠুকে শুধোতে পারো !

আমি বললুম, 'উনি না দর্শনের অধ্যাপক !'

'হ্যাঁ, কিন্তু ঠুর বাপ-পিতামো ছিলেন কটর প্রশান ঐতিহ্যের পাড় জেনারেল গুপ্তি। তাঁদের বর্ষের মত শক্ত হৃদয় ভেঙে ইনি দর্শনের অধ্যাপক হয়ে গেলেন। কৈশোরে বোধ হয় সে মতলব ছিল না। তাই ছুঁদে ছুঁদে ফেনসারদের চেলেজ করে এসব অস্ত্র-লেখার কলেকশন্ আপন মুখে নিয়ে বাকী জীবন দর্শন পড়াচ্ছেন। তাইতে বাপ-দাদার ততোধিক মনস্তাপ যে, এমন পয়লানষরী তলওয়ারবাজ হয়ে গেল মেনিমুখো মেস্টার-মেলের একজন।'

আমি বললুম, 'পেন্ ইজ মাইটিয়ার দেন সর্ড !'

'ছোঃ ! ভ্রলোক জীবনে এক বর্ণ কাগজে কলমে লেখেন নি—সাত ভলুমি কেতাব দুরে থাক, এক কলমের প্রবন্ধ পর্যন্ত না। কলমই ওর নেই। বোধ হয় টিপসই দিয়ে—'

অধ্যাপক ছাদ-ছোঁয়া গ্যালা'রর উপর-নিচ ডান-বা'র উপর চোখ বুলিয়ে আরস্ত করলেন—ওঃ, সে কি গলা ! যেন নাভিকুণ্ডলী থেকে প্রণবনাদ বেরুচ্ছে, 'মাইনে ডামেন্ উনটু হেরেন্ !'—'আমার মহিলা ও মহোদয়গণ !' তার পর দম নিয়ে বললেন, 'অন্তবারের মত এবারেও আমি রেকটরকে'—তার পর গলা নামিয়ে বিড়বিড় করে বললেও সমস্ত ক্লাসই স্তনতে পেল—'আস্ত একটা গাধা—'

আমার তো আক্কেল গুডুম। রেকটর যিনি কিনা বিশ্ববিদ্যালয়ের সর্বময় কর্তা, তাঁকে গর্দভ বলে উল্লেখ করা—তা সে বিড়বিড় করেই হোক আর রাসভ-কণ্ঠেই হোক—এ যে অবিশ্বাস্ত !

অধ্যাপক বলে যেতে লাগলেন, 'রেকটরকে আমি অহরোধ জানালুম, আমাকে এই টাম থেকে নিষ্কৃত দিতে। অবাচান বলে কিনা, আমাকে না হলে তার চলবে না। এ উত্তর আমি ইতিপূর্বেও শুনেছি। তার পূর্বের রেকটর—' আবার বিড়বিড় করলেন, 'বলদ, বলদ ! শ্রেফ বলদ—তাকেও আমি একই অহরোধ করেছিলুম, এবং একই উত্তর পেয়েছিলুম। তার পূর্বের রেকটর—কিন্তু কাহিনী সম্প্রসারিত করার প্রয়োজন নেই—এবং তার পূর্বেরও সবাই একই উত্তর দেয়। বস্তুত, মাইনে ডামেন্ উনটু হেরেন্, গত বাইশটি বৎসর ধরে আমি এই একই উত্তর শুনে আসছি। মনে হচ্ছে, অরিজিনালিটি রেকটর সম্প্রদায়কে

এড়িয়ে চলেন। তা সে যাক, তাদের বক্তব্য, আমাকে ছাড়া চলবে না, আমি ইনডেসপেন্‌সিবল।’

এবারে তিনি স্বয়ং সিন্ধী বলদের মত ফৌস করে নিশ্বাস ফেলে বললেন, ‘তবে কি সাতিশয় সস্তাপের সঙ্গে স্বীকার করতে হবে, জার্মনি এমনই চরম অবস্থায় পৌঁছেছে যে, এদেশে আর দার্শনিক নেই? কিন্তু এই আমার শেষ টার্ম। আমি মনস্তর করে ফেলেছি।’ তার পর চোখ বন্ধ করে খুব সস্তব প্রথম বক্তৃতায় প্রথম কি বস্তু দিয়ে আরম্ভ করবেন তার চিন্তা করতে লাগলেন। উরজুল আমার কানেক কাছে মুখ এনে ফিস্‌ফিস্‌ করে বললেন, ‘তঁার শেষ টার্ম। এ ভয় তিনি নিদেন পঁচিশ বছর ধরে দেখাচ্ছেন—প্রতি টার্মের গোড়ায়।’ বুড়াব চোখ বন্ধ হলে এক হয়, কান দিবা সজাগ। চোখ খুলে বললেন, ‘নো, আবার নো। এই আমার শেষ টার্ম—কেউ ঠেকাতে পারবে না।’

তাব পর গ্রীক দর্শন নিয়ে আবস্ত করলেন। তাঁর পড়াবার পদ্ধতি অঙ্কুরণ করা অসম্ভব। কারণ, তাঁর পড়ানোটা সম্পূর্ণ নিভর কবিতা তাঁর স্মৃতিশক্তির উপর। সে স্মৃতিশক্তি বিদিত্ত। কোন্‌ সালের, কোন্‌ বইয়ের, কোন্‌ অধ্যায়ে, এমন কি মাঝে মাঝে কোন্‌ পাতায় এক ওখা সারবেশিত হয়েছে সেগুলো বলে যেতে লাগলেন কোনো প্রকারের নোট না দেখে। প্রত্যেকটি সেন্টেন্স স্বয়ংসম্পূর্ণ। ভাষা সরল। এবং মাঝে মাঝে প্লাতো, আরিস্ততল বোঝাতে গিয়ে হঠাৎ মারেন ছুঁখাজার বছরের ডুব-সাতার। এ যুগের কে তাঁর সর্বোত্তম ব্যাখ্যা করেছেন, কোথায়, কোন্‌ পারছেদে—তাঁর সর্বিশদ বর্ণন। আমি হতভম্ব।

খন্টা পড়তে আস্তে আস্তে উঠলেন। ফ্রলাইন উরজুল তাঁকে পুনরায় ওভার-কোট পরিয়ে দিলেন। ধীরে মন্থবে কারডরে নামলেন।

আমি উবজুলকে বললুম, ‘এ কী কাণ্ড! গণ্ডাখানেক রেকর্টরকে ইনি গাথা-বলদের সঙ্গে—?’

‘ওঃ! এঁরা সবাই এসব জানেন। এঁরা সবাই তাঁর ছাত্র।’

‘ওকে ছুটি দেয় না কেন?’

‘সর্কলেরই বিশ্বাস, সঙ্গে সঙ্গে তিনি পাল তুলবেন বলে। মাধ্যাকর্ষণ নয়, দর্শনাকর্ষণ তাকে ইহলোকে আটকে রেখেছে।’...

এখানে রোল-কল হয় না। টার্মের গোড়াতে ও শেষে আপন আপন ‘স্টুডেন্টস বুক’ অধ্যাপকের নাম দু’বার সই করিয়ে নিতে হয়।

গোড়ার দিকে ভিড় ছিল বলে হাঙ্কা হলে পর আমি আমার ‘বুক’ নিয়ে পাতলুম। এযাবৎ অন্ত কারো সঙ্গে তিনি বাক্যবিনিময় করেন নি। আমাকে



দেখে চেয়ারে আরামসে হেলান দিয়ে বললেন, ‘আঃ! বাঃ বাঃ! তার পর? আচ্ছা। বলুন তো আপনি কি জার্মান বেশ বুঝতে পারেন?’

আমি বললুম, ‘অল্প, অল্প।’

‘বেশ, বেশ। তা—তা, আপনি কোন্ দেশ থেকে এসেছেন?’

‘ইণ্ডিয়া।’

কেন যে এতখানি তাজ্জব হয়ে তাকালেন বুঝতে পারলুম না। বললেন, ‘ইণ্ডিয়া? কিন্তু ইণ্ডিয়াই তো দর্শনের দেশ। আপনি এখানে এলেন কেন?’

আমি সবিনয় বললুম, ‘নিশ্চয়ই, কিন্তু আধুনিক দর্শনে জার্মানির সেবা ও দান তো অবহেলার বিষয় নয়।’

কী আনন্দে, কী গর্বে অব্যাপকের সেই কাটাকুটি-ভরা মুখ যে প্রসন্ন হাশ্বে ভরে গেল, সেটি অবর্ণনীয়। শুধু মাথা দোলান আর বলেন, ‘বস্তুত তাই, প্রকৃতপক্ষে তাই।’

এবাবেও যখন তিনি ‘আপনি’ বলে সম্বোধন করলেন তখন আমি যেন ‘তুমি’ শুনতে পেলুম। তাঁর বিরাট সাদা মাথাটা আমার দিকে ঠেলে কাছে এনে বেদনা-ভরা গলায় বললেন, ‘কিন্তু জানো, ভারতীয় দর্শন—অবশ্য সব দর্শনই দর্শন—শেখবার স্লযোগ আমি পাই নি। ব্যাপারটা হয়েছে কি, আমার যৌবনে ভারতীয় দর্শনের জার্মান-ইংরিজি অনুবাদ পড়তে গিয়ে দেখি সব পবস্পবিনিবোধী বাক্যে পরিপূর্ণ। আমি বললুম, “এ কখনই হতে পারে না। ভারতের জ্ঞানী ব্যক্তির এরকম কথা বলতে পারেন না। যারা অনুবাদ কবেছেন তাঁরা কতখানি জার্মান জানেন জানি নে, কিন্তু দর্শন জানেন অত্যন্ত, এং ভারতীয় দর্শনে তাঁদের গুণগরিষ্ঠ যে দৃষ্টান্ত, দৃষ্টকোণ সেটা আদৌ বুঝতে পারেন নি।” ছেড়ে দিলুম পড়া, বিরক্তিতে। কিন্তু জানো, বছর দশেক পূর্বে আমার ছাত্র—’ তিনি রেকর্ডেরেব নাম করলেন—‘অমুক—ভারী ব্রিগিয়াট ছেলে—আমাকে বললে, এখন নাকি কম্পিউটেন্ট অনুবাদ বেরচ্ছে। কিন্তু ততদিনে আমি বড় বুড়িয়ে গিয়েছি। নতুন করে নতুন “স্কুলে” যাবার শক্তি নেই। বড় দুঃখ বয়ে গেল।’

আমি একটু ভেবে যেন সাহসনা দিয়ে বললুম, ‘তার জগৎ আর অত ভাবনা কিসের, শূন্য? হৃদয় পরজন্মে বিশ্বাস করে। আপনি এবারে জন্ম নেবেন কাশীর কোন দার্শনিকের ঘরে।’

এবারে তাঁর যে কী প্রসন্ন অট্টহাস্ত! শুধু বলেন, ‘ঐ তো! ঐ তো! বাঃ, বাঃ! বেশ, বেশ। যাক, শেষ হুশিষ্ণা গেল।’

তারপর শুধালেন, 'বক্তৃতা সব বুঝতে পারো তো ?'

আমি বললুম, 'আজ্ঞে, জর্মন ভালো জানি নে বলে মাঝে মাঝে বুঝতে অস্ববিধে হয়।'

অধ্যাপক বললেন, 'তখন হাত তুলো ; আমি সব ভালো করে বুঝিয়ে বলবো।'

আমি কাঁচু-মাচু হয়ে বললুম, 'আমার জর্মন জ্ঞানের অভাববশত সমস্ত ক্লাস সাফার করবে—এটা কেমন যেন—'

গুরু গুরুগঞ্জীর কণ্ঠে বললেন—প্রত্যেকটি শব্দ যেন আমার বুকের উপর হাতুড়ি দিয়ে ঠুকে ঠুকে—'আমি একশজনকে পড়াবো না একজনকে পড়াবো, কাকে পড়াবো আর কাকে পড়াবো না, সেটা স্থির করি একমাত্র আমি।'

\*

\*

\*

আমার দুর্ভাগ্য, আমি খুব বেশী দিন তাঁর কাছ থেকে শিক্ষালাভের সুযোগ পাই নি। পরের টার্মেই তিনি ওপারে চলে যান।

তার পর প্রায় ৩৫ বৎসর কেটে গিয়েছে।

আমার ব্যক্তিগত সংস্কার যে, সৃষ্টিকর্তা মানুষকে পৃথিবী নামক জায়গাটিতে একবারের বেশী দু'বার পাঠান না। একই নিষ্ঠুর স্থলে একাধিকবার পাঠিয়ে একই দণ্ড দেওয়ার মধ্যে কোনও বৈদগ্ধ্য (রিফাইনমেন্ট) নেই। তবু যখন কোনো যুবাক্রমের মুখে ভারতীয় দর্শন সম্বন্ধে আলোচনা শুনে মনে হয়, এ-তরুণ এর কিছুটা গভীরে ঢুকতে পেরেছে, তখন আপন অজান্তে তার চেহারায় জর্মনগুরু বিরাট কাটাকুটি-ভরা, হাঁড়াপানা চেহারার সাদৃশ্য খুঁজি ॥

### মা-মেরীর রিস্ট-ওপ্লাচ

একদা রম্য রচনা কি রীতিতে উত্তমরূপে লেখা যায়, এই বাসনা নিয়ে কলেজের ছেলের বয়সীরা আমাকে প্রশ্ন শুধাতো; অধুনা শুধায়, ঐতিহাসিক উপন্যাস কি প্রকারে লেখা যায়? আমি বাঙালী, কাজেই বাঙালীর স্বভাব ধানিকটে জানি—পাচু, ভূতো আর পাচজন যে ব্যবসা করে—যথা পাব্লিশিং হাউস কিংবা লণ্ডনী—পয়সা কামিয়েছে, সে সেইটেই করতে চায়, নতন ব্যবসার ঝুঁকি নিতে সে নারাজ। অতএব হাল-বাজারে যখন ঐতিহাসিক উপন্যাস ছেড়ে দিয়ে কালোবাজারের চেয়েও সাদা-বাজারে লাভ বেশী, তবে চলো ঐ লালকেন্দ্রা কতেহ্ করতে; মা-মেরীতে বিশ্বাস রাখলে কড়ি দিয়েও কিনতে হবে না,

সায়ের মুনশীও ঐ আশ্বাস দিয়েছেন।

যারা পণ্ডিত লোক, ইতিহাস জানেন ও উপন্যাস লেখার কায়দাটাও যাদের রপ্ত আছে, তাঁরাই ঐতিহাসিক উপন্যাস লিখতে পারেন। আমি ও আমার মত আর পাঁচজন পারে না, আমরা পণ্ডিত নই। কিন্তু পণ্ডিত না হয়েও দিব্য বুদ্ধিতে পারি, ঐতিহাসিক উপন্যাস লিখতে যাওয়ার বিপদটা কি?—পাখীর মত উড়তে না জেনেও চমৎকার বুদ্ধিতে পারি মহুমেন্টের উপর থেকে লাফ দিয়ে পাখীর মত ওড়বার চেষ্টা করলে হালটা মোটামুটি কি হবে।

এই তো হালে একটি সাপ্তাহিকের পাতা ওঁটোতে ওঁটোতে অলস নয়নে পড়লুম, ‘তুমি ওমরাহ নও।’

সর্বনাশ! এটা কি প্রকার হল? ‘ওমরাহ’ তো ‘আমীরের সাদামাটা বহুবচন—যে রকম ‘গরীব’ থেকে ‘গুরবাহ’; তাই বলি ‘গরীব-গুরবো’। সেই আইনেই বলি ‘আমীর-ওমরাহ’ (‘আমীর-ওমরো’ও শুনেছি; আকারান্ত শব্দ বাঙলায় ‘এ’ ‘ও’-তে আকছারই পরিবর্তিত হয়, যেমন ‘ফিতে’ ‘জুতো’—এর কোনো পাকা নিয়ম নেই)। আরবী বা ফার্সী শব্দের একবচন এবং বহুবচন পাশাপাশি বসিয়ে আমরা অনেক সময় বাঙলায় কালেকটিভ নাউন তৈরি করি—যেমন ‘আমীর-ওমরাহ্’ অর্থাৎ ‘আমীরসম্প্রদায়’ কিংবা ‘গরীব-গুরবো’ ‘দীনসম্প্রদায়’ ‘দীনজন’। তা সে যাই হোক, ‘ওমরাহ’ কথাটা বরহক্ বহুবচনেই আছে। কাজেই যে রকম আপনি ‘আমীরসম্প্রদায় নন’ ব্যাকরণে ভুল, তুমি ‘ওমরাহ নও’ ভুল।

( ঠিক সেই রকম ‘আলিম্’ পণ্ডিতের বহুবচন ‘উলেমা’—জমিয়ৎ-ই-উলাম-ই-হিন্দ; অনেকেই না জেনে ইংরিজীতে লেখেন ulemas। )

কাজেই প্রথম চোরাবালি শব্দ নিয়ে। ঠিক ঠিক অর্থ না জানলে আমাদের মত অপণ্ডিত জন খায় মার। ঠিক সেই রকম গুপ্তযুগের উপন্যাস লিখতে গিয়ে না ভেবে ফুটিয়ে দিলুম রজনীগন্ধা, কৃষ্ণচূড়া—শব্দ দুটো থেকে বিশেষ করে যখন সংস্কৃতের স্তম্ভ বেরিয়েছে—অথচ দুটো ফুলই এদেশে এসেছে অতি হাল আমলে। এবং শুধু শব্দার্থ জানলেই হয় না—রূঢ়ার্থে তার ব্যবহার জানতে হয়। তসবী১-

১ কত না হস্ত চুমিলাম আমি

তসবীমালার মত,

কেউ খুলিল না কিস্মতে ছিল

আমার গ্রন্থি যত।

খানা কথাটির দুটো শব্দই আমরা চিনি—যে ঘরে বসে বাদশা তসবীমালা জপ করেন। মোগল আমলে কিন্তু ঐ ঘর ছিল অতিশয় গোপন ( top secret ) মন্ত্রণালয়।

কেউ যদি লেখেন ‘অতঃপর সম্রাট ঔরঙ্গজেব সমস্তা সমাধানের জন্য সমস্ত রাত কুরান শরীফ খেঁটেও কোনো হদীস পেলেন না’, তবে বাঙালী পাঠক এ-বাক্যে কোনো দোষ পাবেন না। কারণ হদীস বা হাদীশ বলতে বাক্বালা পাঠক প্রিসিডেন্স বা পূর্ব উদাহরণ বোঝে। কিন্তু কুরানে হদীস খোঁজা আর বেদে মনুসংহিতা খোঁজা একই রকমের ভুল। কুরানে আছে পয়গম্বরের কাছে প্রেরিত ঐশী বাণী—আপ্তবাক্য। আর হদীসে আছে পয়গম্বর কি ভাবে জীবন যাপন করতেন, কাকে কখন কি করতে আদেশ বা উপদেশ দিয়েছিলেন ইত্যাদি ( এগুলোও অতিশয় মূল্যবান—কিন্তু আপ্তবাক্য নয় )। কাজেই এগুলোর ( হদীসের ) সন্ধান কুরানে পাওয়া যাবে কি করে? বস্তুত কোনো অর্বাচীন সমস্তা ও তার সমাধান কুবানে না পেলে আমরা হদীসে ( শাস্ত্রে ‘স্মৃতি’র সঙ্গে তুলনীয় ) যাই। সেখানে না পেলে ইজমাতে এবং সর্বশেষে কিয়াসে। কিন্তু শেষের দুটো স্মৃতিশাস্ত্রের গভীরে—ঐতিহাসিক উপন্যাসে প্রতিবিম্বিত হওয়ার সম্ভাবনা অত্যন্ত। তা সে যাই হোক, মুসলমান ধর্ম সম্বন্ধে যে কিছুটা জ্ঞান বাঞ্ছনীয় সে বিষয়ে সন্দেহ নেই।

কিন্তু তার চেয়েও বেশী প্রয়োজন, মুসলমানদের দৈনন্দিন জীবনের সঙ্গে পরিচয়। ঐতিহাসিক উপন্যাসে সেটা প্রধানত বিন্যয়বোধক বাক্যে। তুলনা দিয়ে বলতে পারি, ফরাসী উপন্যাসের ইংরিজী অনুবাদে ‘মঁ দিয়ো’ ‘পার প্লা’ ‘ভাঁজ প্লা’-গুলো ইংরেজ ফরাসীতেই রেখে দেয়; জার্মান উপন্যাসের অনুবাদে ‘মাইন গট’ ‘হার গট’ ‘ডনার ভেঁটার’ মূলের মত রেখে দেয়। এগুলোর অনুবাদ সম্পূর্ণ অসম্ভব নয়। অবশ্য স্মরণ রাখা উচিত, মঁ দিয়ো, মাইন গট এবং মাই গড একই জিনিস, একই বাক্য হলেও ইংরেজের পক্ষে ‘মাই গড’ বলা নিন্দনীয়; নিতান্ত বিপাকে না পড়লে ইংরেজ ‘মাই গড’ বলে না। পক্ষান্তরে ফরাসী জার্মান কথায় কথায় ‘মঁ দিয়ো’ ‘মাইন গট’ বলে থাকে। তাই ইংরিজী অনুবাদের সময় মূলের আবহাওয়া রাখবার জন্য অনুবাদক এগুলো অনুবাদ করেন না।

অলহমতুলিল্লা, মাশালা, ইয়া আল্লা, তওবা তওবা, বিসমিল্লা এগুলো অবস্থা-অর্থাৎ তসবীমালা জপ করে এক সাধু অথ সাধুর হাতে তুলে দেন, কিন্তু কেউই দ্বন্দ্ব করে মালার হুতোটি কেটে মুক্তোগুলোকে মুক্তি দেন না।

ভেদে ব্যবহৃত হয়। ‘আপনার ছেলে এম-এ পাস করেছে? তওবা তওবা!’ (বা তোবা তোবা!) বললে যে ভুল হয় সেটা সাধারণ জনও বোঝে। তাই এসব বাক্যে সন্দেহে স্পষ্ট ধারণা না থাকলে অনেকটা কারো প্রথম বংশধর জন্মালে আপনি যদি উচ্চকণ্ঠে ‘বল হরি, হরিবোল বলে ওঠেন’ তা হলে যেরকম হয়। এসব ভুল সাধারণ সামাজিক উপস্থাসে থাকলে পাঠক শুধু একটুখানি মুচকি হাসে, কিন্তু ঐতিহাসিক উপস্থাস যিনি লেখেন তাঁর কাছ থেকে পাঠক একটু বেশী প্রত্যাশা করে।

‘শাস্ত্রদেব’র মত উচ্চাঙ্গ সঙ্গীতের গভীরে ধারা গিয়েছেন তাঁরাই জানেন, পাঠান-মোগল যুগের সঙ্গীত তথা এদের আগমনের পূর্বে ভারতীয় সঙ্গীতের প্রকৃত স্বরূপ কি ছিল; এ নিয়ে যারা গবেষণা করেন তাঁদের কতখানি ফার্সী ভাষার সন্ধে পরিচিত হবার প্রয়োজন। ঐতিহাসিক উপস্থাসিকের অতখানি ফার্সী জানার প্রয়োজন নেই, কিন্তু তিনি যদি রানী রিজিয়ার দরবারে সেতার বাজাতে আরম্ভ করেন তবে বোধ হয় সঙ্গীতজ্ঞদের অনেকেই আপত্তি জানাবেন। আমি বিশেষজ্ঞ নই, তাই পণ্ডিতেরা যখন কিছু বলেন তখন সেটা মনে রাখবার চেষ্টা করি। মৌলানা আজাদ আমাকে বলেন, ‘সেতার তৈরি কবেন আমীর খুসরো। এটা বীণার অল্পকরণে তৈরি, কিন্তু বীণার চেয়ে সহজ।’

আমি উত্তরে বললুম, ‘আমি আরেক পণ্ডিতব কাছ থেকে শুনেছি, বাণ্যযন্ত্র-নির্মাণের পক্ষে সেতার-নির্মাণ বাণীর চেয়ে কঠিনতর। কিন্তু বাজানেওলার পক্ষে সেতার বাজানো সহজতর। ঐ পণ্ডিত আমাকে বলেন, “অনেক সময় যে জটিল বাদ্যযন্ত্র নির্মাণ করা হয় সেটা বাজানেওলার পক্ষে বাজানো সহজ করে দেবার জ্ঞান।” ( শাস্ত্রদেব হয়তো খাঁটি খবর রাখেন। )

এসব ঝামেলার মাঝখানে পাঠান বা মোগল দরবারের গানের মজলিস বর্ণনা করা যে বিপদসঙ্কুল, সে কথা পাঠকমাজ্রেই বুঝতে পাবেন।

ঠিক তেমনি মোগল আমলের ফিস্তির বর্ণনা। কোরমা, কালিয়া, কোক্তা কবাব (শিক-কবাব প্রাক-মুসলিম যুগেও ছিল—শূগাপক মাংস—কিন্তু সেটা আঁকাবাঁকা শিকের ভিতর ঢুকিয়ে করা হত, না শূলের ডগায় ঝুলিয়ে ঝলসানো হত, তা জানি নে,) যে সব কটাই যাবনিক খাণ্ড তা জানি, কিন্তু মোগল ক্ষিপ্তিতে বাঁধাকপির পাতার ভিতর কিমা দিয়ে যে দোলমা তৈরি হয়, সেটা কি চলবে? কপি জাতীয় জিনিস এদেশে এল কবে? এমন কি যে সিম জিনিসটা ঘরোয়া বলে মনে হয় সে সন্দেহেও একখানি চিরকুটে দেখি ঋষিতুল্য দ্বিজেন্দ্রনাথ ঠাকুর পণ্ডিত ক্ষিতিমোহন শাস্ত্রীকে শুধোচ্ছেন, ‘সংস্কৃতে আপনি সিম জিনিসটার

উল্লেখ পেয়েছেন কি ?

যোগল ছবিতে তাদের জামাকাপড় গহনাগাটি পরিষ্কার দেখতে পাই। কিন্তু সব কটার নাম তো জানি নে। মা-দুর্গার নাকের নথ দেখে দ্বিজেন্দ্রনাথ চিত্রকারকে শুধান, 'নথ কি মুসলমান আগমনের পূর্বে ছিল ?'

কিন্তু আপত্তি কি ? গদাযুদ্ধে নামার সময় ভীমের পক্ষেতে যদি ফাউন্টেনপেন দেখা যায়, তবে কী আপত্তি ! জেরুজালেমের এক মেরী নৃত্তির বাঁ-কজিতে দেখি, ছোট্ট দামী একটি রিস্টওয়াচ। ভক্তের চোখে মা-মেবীর বাঁ-হাতখানা বড় গ্যাড়া-গ্যাড়া দেখাচ্ছিল, তাই। জানি নে, বারোঘাষি দুর্গাপূজায় মা-দুর্গা নাইলন পরতে আরম্ভ করেছেন কি না !

### অনুবাদ সাহিত্য

কিছুদিন ধবে লক্ষ্য করছি, অনুবাদ যে অনুবাদ সেটা স্বীকার করতে প্রকাশক, সম্পাদক, স্বয়ং লেখকেরও কেমন যেন একটা অনিচ্ছা। কেন, এ প্রশ্ন শুধাতে একজন প্রকাশক সোজা হুজি বললেন, 'বাঙালী অনুবাদ পড়তে ভালবাসে না, তাই অসাধু না হয়ে যতক্ষণ পারি ততক্ষণ তথ্যটা চেপে রাখি।' কিছুকাল পূর্বে আমিও একটি বড়-গল্প অনুবাদ করি 'ও তাঁর প্রথম বিজ্ঞাপনে সেটি যে অনুবাদ সে কথা প্রকাশিত হয় নি। আমি সেই সম্পাদককে বেনিফিট অব ডাউট দ্বয়ে মনকে সাধুনা দাঁড় এই বুকিয়ে যে, দ্বিতীয় বিজ্ঞাপনে এই গাফিলতি মেরামত করা হবে। ঐ সময়ে আমারই সহকর্মী ( কারণ হ'লনাই 'দেশ'-সেবক, এবং তিনি অগ্রার্থেও ) শ্রীযুত বিদুর ঐ নিয়ে কড়া মন্তব্য করে যা বলেন তাঁর নির্ধাস, যত বড় লেখকই হোন না কেন, তিনি যদি অনুবাদ-কর্ম করেন তবে সেটা যেন পরিষ্কার বলে দেওয়া হয়। অভিযয় হক কথা। তবে এটা আমি গায়ে মাখছি নে, কারণ আমি 'যত বড়' কেন অ্যাট্টুন বড় লেখকও নই। আমি বরঞ্চ গোড়াতেই চেয়েছিলুম যে ফলাও করে যেন বলা হয়, এটি অনুবাদ। এবং সেই মূল প্রখ্যাত লেখকের অনুবাদ প্রসাদাং তাঁর সঙ্গ পেয়ে আমিও কিছুটা খ্যাত হয়ে যাবো—'রাজেন্দ্র সংগমে, দীন যথা যায় দূর তীর্থ-দরশনে।'১ কিংবা কালিদাস রঘুবংশের অবতরণিকায় যে কথা বলেছেন—বজ্র কর্তৃক মণি সছিন্ন

১ এই সুবাদে একটি ঘটনার কথা মনে পড়লো। গুরুদেব আমাকে কয়েক পাতা প্রক মেরামত করতে দেন। সেটা তৈরী হলে তাঁর কাছে নিয়ে যেতে

হওয়ার পর আমি নৃত্যে সুরু করে বেতক্লিক উৎরে যাবো।

এবং এস্থলে এটাও স্মরণ রাখা উচিত, কালিদাস বা মধুসূদন কেউই বাঙ্গালির আক্ষরিক কেন, কোনো প্রকারেরই অহুবাদ করেন নি। সম্পূর্ণ নিজস্ব, মৌলিক কৃতিত্ব দেখিয়েও তাঁরা অতখানি বিনয় দেখিয়েছেন। মডার্ন কবিতা যে আমার পিস্তি চটিয়ে দেয়, তার অগ্রতম কারণ তাঁদের অনেকেই অত্রংলিহ দস্ত। ‘আধুনিক’ গাওয়াইদের কণ্ঠেও সেই সুর শুনতে পাই। আর মডার্ন পেনটাররা কি করেন—অস্বস্ত তাঁদের দু’জনার ব্যবহার সম্বন্ধে তো অনেক কথাই বেরিয়েছে।

কিন্তু সেকথা থাক। আমাব প্রশ্ন, অহুবাদ পড়তে বাঙালী ভালবাসে না কেন?

আমার কিন্তু কথাটা কেন জানি বিশ্বাস কবতেই ইচ্ছে যায় না।

বাংলা ভাষার কচিকাঁচা যুগে কালীপসর সিংহ মহাভারতের অতি বিশুদ্ধ আক্ষরিক অহুবাদ করেন। আজ পর্যন্ত যে তার কত পুনর্মুদ্রণ হল তার হিসেব হয়তো আজ বসুমতীই দিতে পারবেন না। পাঠকদের শতকরা ক’জন নিছক পুণ্য-সঙ্ঘার্ষে এ অহুবাদ পড়েছে? এমন কি রাজশেখর বসুর অহুবাদও—যদিও একটি বারো বছরের ছেলেকে বলতে শুনেছি, ‘ঐ বসুমতীরটাই ভালো। বেশ ছড়িয়ে ছিটিয়ে লেখা—ধীরেস্থে পড়া যায়। রাজশেখর বাবুরটায় বড় ঠাসাঠাসি।’ ‘বেতালপঞ্চবিংশতি’ ‘বত্রিশ সিংহাসন’ এ যুগের ছেলেমেয়েরাও তো গোগ্রাসে গেলে। ( বিষ্ণুশমার ‘পঞ্চতন্ত্রের আরবী অহুবাদ ইরাক থেকে মরক্কো পর্যন্ত আজও ‘আরব্য রজনী’র সঙ্গে পাল্লা দেয়। ) ঙ্গলান ঘোষের জাতক জনপ্রিয় হওয়ার পূর্বেই বাজার থেকে উধাও হয়ে গেল—( পরম পরিতাপের বিষয় যে এখনো তার পুনর্মুদ্রণ হল না ) অথচ তার থেকে নেওয়া বাচ্চাদের জাতক তাদের ভিতর খুব চলে। জ্যোতিষ্ঠাকুরের সংস্কৃত নাটক ও ফরাসী কথা-সাহিত্যের অহুবাদ এককালে বিদগ্ধ বাঙালীই পড়তো। ওদিকে এসবের বহু পূর্বে আলাওল অহুবাদ করলেন—যদিও আক্ষরিক নয়—জয়সীর ‘পদ্মাবৎ’। এবং তার পর, গিন্বে দেখি তিনি ৩ক্ষিতিমোহন ও ৩বিধুশেখরের সঙ্গে গল্প করছেন। আমি ধামের আড়ালে গা-ঢাকা দিয়ে শুনি, তিনি বলছেন, ‘বনমালী ( কিংবা সাধুও হতে পারে, কিন্তু সে গুরুদেবের সঙ্গে ছিল অল্প দিন ) তো গেল আমার সঙ্গে এলাহাবাদ। আমি বললুম, “ওরে বনমালী, প্রয়াগে এসেছিস ; স্থান করে নিল।” কিন্তু মশাই কি বলবো, সে ও-পাশই মাড়ালো না। বোধ হয়, আমার সঙ্গে থেকে থেকে দেবদ্বিজ ওর আর ভক্তি নেই। কিংবা ঐ ধরনেরই।’ মাইকেলের কথা জ্ঞা হলে সব সময়ে ফলে না।

পর পর বেরুলো 'ইউনুক-জ্বালাধা', 'লায়লা-মজহু' ইত্যাদি। মোল্লার বাড়িতে এবং পূব-বাঙলার খেয়াঘাটে, বটতলায় এখনো তাদের রাজত্বের অবসান হয় নি। ওদিকে কাশীরাম, ক্ত্তিবাস। 'আরব্যোপন্যাস', 'হাতিমতাই', 'চহারদরবেশ' উনবিংশ শতাব্দীতেই বাঙলা দেশে নাম করেছে। তারপর 'রবিনসন ক্রুসো', 'গালিভার্স ট্রেল' এবং ফরাসী থেকে 'লে মিজেরাবল' এদেশে কী তোলপাড়ই না সৃষ্টি করলো।

আমি অতি সংক্ষেপে সারছি। কিন্তু আমার বয়েসী কোন্ পাঠক 'তীর্থসলিল' 'তীর্থরেণু'র কথা ভুলতে পারবেন? সত্যেন দত্ত অহুবাদের যাদুকর। স্বয়ং রবীন্দ্রনাথ সত্যেন দত্তের শোকসভাতে বলেছিলেন, 'যে-দিন দেখলুম সত্যেন আমার চেয়ে ঢের ভালো অহুবাদ করতে পারেন ও ছন্দের উপর তাঁর দখল আমার চেয়ে অনেক বেশী, সেই দিনই অহুবাদ-কর্ম থেকে অবসর নিলুম। তারপর ভাল কবিতা চোখে পড়লেই সত্যেনকে অহুবাদ করতে বলতুম।' (এস্থলে যদিও অবাস্তর তবু স্বরণে আনি, রবীন্দ্রনাথ নিজের মৌলিক রচনা কিছুক্ষণের জন্ত ক্ষান্ত দিয়ে সত্যেন দত্তের 'চম্পা' কবিতাটির ইংরেজি অহুবাদ করেন।)

আর বর্তমান যুগের হীরেন দত্ত মশায়ের 'তিন সঙ্গী' যারাই পড়েছেন, তাঁরাই স্বীকার করবেন, এরকম অনবদ্য অহুবাদ হয় না।

এর একটু তথাকথিত 'নিম্নপর্ষায়ে' নামলেই দীনেন্দ্রকুমারের 'রহস্তলহরী'। বাংলাদেশের হাজার হাজার নারী-নরকে এঁর অহুবাদ আনন্দ দিয়েছে। দীনেন্দ্র-কুমার লিখতেন অতি সরল, ছলছল-গতির বাংলা—পাঠককে কোনো জায়গায় হৌচট খেতে হত না। তাঁর মৌলিক গ্রন্থ 'পল্লীচিত্র'—নামটি আমার ঠিক মনে নেই—পড়লে তাঁর বাংলা-শৈলী ও ভাবার সরলতা ও আপন বৈশিষ্ট্য পাঠককে আরাম ও চমক দুই-ই দেয়। (অরবিন্দ ঘোষ যখন বরোদায় চাকরি নিয়ে বাংলা শেখার জন্ত গুরুর সন্ধান করেন, তখন দীনেন্দ্রকুমারকে সেখানে পাঠানো হয়। পরবর্তী যুগে যখন তিনি তাঁর অভুলনীয় মধুর বাংলায় পাঠকের কোঁড়হল সদাজাগ্রত রেখে তাঁর জীবনস্মৃতি—বিশেষ করে বরোদার ইতিহাস ও শ্রীঅরবিন্দের সাহচর্য সম্বন্ধে লেখেন, তখন তিনি দুর্ভাগ্যক্রমে দু'একটি বিতর্কমূলক তথ্য বলে কেলেণ। আমার ব্যক্তিগত মতে তিনি সম্পূর্ণ সত্যভাষণই করেছিলেন। ও আমার অগ্রজ, কাঙাল হরিনাথ, দীনেন্দ্রকুমার, মীর মুশ্বরফ হুসেন সম্বন্ধে কুণ্ঠিয়ায় সরজমিনে গবেষণা করে ঐ সিদ্ধান্তেই পৌঁছন। ফলে তখনকার দিনের মাসিক-সাহিত্য মহলের এক বলবান ক্লিক দীনেন্দ্রকুমারকে, জার্সি হাউণ্ডেড্ হিম আউট অব বেঙ্গলী লিটারেচার। সেই অল্পময় জীবনস্মৃতি শেষ করার সুযোগও তখন



তিনি পাননি। অথচ আমি যখন তাঁর লিখিত শ্রীঅরবিন্দের সহকর্মা ধাসেরাও যাদব অংশ বরোদার যাদব গোষ্ঠী ও অন্যান্য মারাঠীদের অহুবাদ করে শোনাই তখন তাঁরা অশ্রবিসর্জন করে বলেন, 'বাংলাদেশই শুধু সে যুগের মারাঠী বিপ্লবীদের অরণে রেখেছে। বাঙালী প্রাদেশিক, এ কুসংস্কার আমাদের ভাঙলো।' এর পর হঠাৎ যখন দীনেন্দ্রকুমারের ধারাবাহিক বন্ধ হয়ে গেল, তখনো তাঁরা উদ্গ্রীব হয়ে গুনতে চাইলেন পরের পর্বের কথা। আমি কোন লজ্জায় স্বীকার করি কেন তাঁর লেখা বন্ধ হয়ে গেল। )

কোথা থেকে কোথা এসে পড়লুম! কিন্তু এই বিষয় নিয়ে আমার বহুদিনের মনস্তাপ—আজ বেমোকায় বেরিয়ে গেল, পার্ক ক্ষমা করবেন।

আমার মনে একটা সন্দেহ জাগে। প্রাচীন যুগের সব অহুবাদই যে উত্তম ছিল, একথা ঠিক নয়। কিন্তু এঁদের বেশীর ভাগই উত্তম সংস্কৃত ও তৎকালীন প্রচলিত বাঙলা ভাষার সঙ্গে সুপরিচিত ছিলেন। এবং পণ্ডিতজন যত বাঁকা বাংলাতেই অহুবাদ করুন না কেন, তাঁদের শব্দভাণ্ডারে দৈন্য ছিল না বলে অহুবাদ মূল থেকে দূরে চলে যেত না। জ্যোতির্বিজ্ঞানার্থ-কুণ্ড পিয়ের লোতির 'ইংরেজবর্জিত ভারত-' এর অহুবাদ পড়লেই পাঠক আমার বক্তব্য বুঝতে পারবেন। লোতির শব্দভাণ্ডার ছিল অফুরন্ত (উত্তর-মেরু-সমুদ্রের আলো-বাতাসের বর্ণনা দিতে গিয়ে এক জায়গায় তিনি পর পর তিনটি শব্দ দিয়েছেন, ডায়াকনাস, এফিমেরাল, কাইমেরিক—এর অহুবাদ তো দীন শব্দভাণ্ডার নিয়ে হয় না!)। জ্যোতির্বিজ্ঞান জ্ঞানভেদে অভ্যুত্তম সংস্কৃত—ভাসের নাটক তখনো ছাপায় প্রকাশিত হয় নি বা তাঁর হাতে পৌছয় নি—ভাসকে বাদ দিলে তিনি সংস্কৃতের প্রায় সব নাট্য-লেখকের অহুবাদ করেছেন—তাই সে ভাষা থেকে তিনি অনায়াসে শব্দচয়ন করে মূলের বৈচিত্র্যের মহাদা রক্ষা করতে পারতেন। অক্ষম অহুবাদের তত্তে সে-স্থলে অহুবাদ হয়ে যায় একেঘেয়ে—পড়তে গিয়ে পাঠকের ক্লান্তি এসে যায়।

অধুনা একাধিক যোগ্য ব্যক্তি অহুবাদ-কর্মে লিপ্ত হয়েছেন। এঁদের কেউ কেউ ইংরিজী ভাষা ও সাহিত্য সম্বন্ধে বিশেষজ্ঞ। এঁরা আমার চেয়ে অনেক বেশী যুক্তিতর্ক দিয়ে প্রমাণ করতে পারেন, ইংরিজী সাহিত্য বহু ভাষা থেকে বহু বস্তু অহুবাদ করে কি ভাবে পরিপুষ্ট হয়েছে, নব নব অহুপ্রেরণা পেয়েছে, নব নব অভিযানে বেরিয়েছে—সেই আদিযুগের শুভক্ষণ থেকে।

আমি অহুবাদ করতে গিয়ে পদে পদে নিজের কাঁচ লাক্ষিত হয়েছি। এই লেখাটি তারই অভিজ্ঞতাপ্রসূত।

## বাবুর শাহ্,

এদেশে তিন রকমের ইংরেজ এসেছিল। বড় দলের কাজ ছিল পৃথিবীর সামনে আমাদের হয়ে প্রমাণ করে এদেশে খেত (আমি বলি খবল কুষ্ঠ) রাজত্ব যুক্তি ও ন্যতির উপর খাড়া করা। এক কথায় যাকে বলে, ‘হোয়াইট ম্যানস বার্ডেন’ যে কী ভীষণ ভারী এবং ইংরেজ স্বদেশের বেকন-আগুা ঘোড়দোড়র জুয়োখেলা, গোকশেয়ালি শিকার করা স্বেচ্ছায় বিসর্জন দিয়ে এই ‘নচ্ছার’ দেশে এসে পৃথিবীর ইতিহাসে যে কী অভূতপূর্ব দৃষ্টান্ত দেখিয়েছে, সেটা সপ্রমাণ করা। অতি দৈবে-সৈবে দু’একজন তীক্ষ্ণদৃষ্টিসম্পন্ন সহৃদয় মহাজন এ ভণ্ডামি ধরতে পেরেছিলেন। তাঁরই একজন প্রখ্যাত হস্তরসিক জেরম কে জেরম। তিনি মারাত্মক ব্যঙ্গ করে বলেছিলেন—পড়ে মনে হয়, তিনি যেন সিকনি ঝাড়ছেন—‘বার্ডেন যদি হেভিই হয় তবে ওটা বইছিস কেন, মাইরি? আমি তো খবর পেয়েছি, ইণ্ডিয়ানরা সেই সেবা, সেই হোলি ক্রু:সডের জন্ম খ্যাঙ্ক্যা-টি পর্যন্ত বলে না। তবে ফেলে আয় না ঐ লক্ষ্মীছাড়া বোঝাটা ঐ হতভাগাদেরই ঘাড়ে।’

কিন্তু প্রাণ্ডুক্ত ঐ বড় দলের ইংরেজদের একটি ‘আপুবাক্যা’ নিয়ে আজ আমার আলোচনা। এরা মোকা বেমোকায় বলতো, ‘পাঠান-মোগল আদৌ ইতিহাস লিখতে জানতো না—শুধু লড়াই আর লড়াই।’

অল্প দল সংখ্যায় নগণ্য। এঁরা এসব কথায় কান না দিয়ে সংস্কৃত, আরবী, ফার্সী শিখতেন, বাঙলায় বাইবেল অনুবাদ করতেন, এবং প্রাচ্যভাষায় লিখিত জ্ঞানবিজ্ঞানের বই ইংরিজীতে অনুবাদ করতেন। ফার্সী ইতিহাস যে শুধু ‘লড়াই আর লড়াই’ নয় (আহা! তাই যদি হত আর আমরা তাই পড়ে ক্ষেপে গিয়ে সেই আমলেই ইংরেজকে ঠ্যাণ্ডাতে আরম্ভ করতুম!) সেটার বিরুদ্ধে নীরব প্রতিবাদ তাঁরা জানিয়েছেন ফার্সী ইতিহাস অনুবাদ করে।

এক তৃতীয় শ্রেণীর পিচেশও এদেশে এসেছিল। এরা প্রথম শ্রেণীর মত অশিক্ষিত বর্বর নয়, আবার দ্বিতীয় শ্রেণীর মত নিরপেক্ষ সাধুজনও নয়। এরা অল্পবিস্তর সংস্কৃত আরবী ফার্সী চর্চা করে, অল্প বিদ্যা যে ভয়ঙ্করী সেইটে আপন অজানতে প্রমাণ করে দিত এই বলে, ‘ওসব তাবং মাল আমাদের পড়া আছে; সব রাবিশ।’

দুর্ভাগ্যক্রমে এদেশের ইংরিজী ‘শিক্ষিতরা’ এদেরই বিশ্বাস করে বসলেন।

আমার বক্তব্য, নিজের মুখেই ঝাল চেখে নিলে পারেন। বিশেষত যখন কিছু দিন ধরে ‘শেষ মোগলদের’ সম্বন্ধে ঐতিহাসিক উপন্যাস বেশ কিছুটা জনপ্রিয়

হয়ে দাঁড়িয়েছে। এতে আমি ভারী খুশী হয়েছি, কারণ অনেক স্থলে সাধারণ পাঠক এই করেই উচ্চতর পর্যায়ে উপনীত হয়। আমারই ছাড়াওটা একটি ম্যাট্রিক-কেল ছোকরা—কিন্তু ব্যাপিড রীডিঙের ফলে সে দিব্য শিলিং-শকার, পেনি-খিলার পড়তে পারতো—আমাব কাছ থেকে পেম সাত্রাজ্যের ঐতিহাসিক উপন্যাস ‘আই ক্লাউডিউস’ পড়ে এমনই ‘ক্ষেপে যায়’ যে, সে তারপর দুনিয়ার ছত রোমান ইতিহাস পড়তে আবল্ল কর, এতক জুলিয়াস সীজারের ‘ব্রিটন বিজয়’ পর্যন্ত।

গালে বাবুর বাদশাব আত্মজীবনী বেরিয়েছে—বাঙলা অল্পবাদে। অবশ্য সে অল্পবাদ এসেছে তিন ঘাটের জল খেয়ে। বাবুবেব মাতৃভাষা ছিল তুর্কী—চণ্ডতাই-তুর্কী অথাৎ তুর্কোমানিস্তানের তুর্কী, টার্কিব (যাব বাজরানী আঙ্কারা) ভাষা ওসমানলি তুর্কী। আমাব যতদব জানা আছে, মোগল আমলে যদিও দবদারী ভাষা ছিল ফার্সী, তবু শেষ বাদশা নাহাহুব শাহ পর্যন্ত অন্তঃপূবে তুর্কীতেই কথা-বার্তা বলেছেন, উদ্বৃত্ত কবিতা লিখেছেন—দিল্লীব বিখ্যাত বিখ্যাত মশাবেবায় (কবি-সম্মেলন) দত্ত মাবফৎ আপন কবিতা পাঠিয়ে প্রতিদ্বন্দ্বিতা করেছেন (সে আমলের প্রখ্যাত কবি ছিলেন উদ্বৃত্ত সব শ্রেষ্ঠ কবি গালিব)—এবং বাজকার্য করেছেন কাসীতে।

বাবুবেব সেই আত্মজীবনী অন্বদিত হয় ফার্সীতে, ফার্সী থেকে ইংরেজীতে ও বিবেচনা করি, এট বাঙলা অল্পবাদ সেই ইংরেজী থেকে। তাতে করে যে খুব মারাত্মক ক্ষতি হবে সে ভয় আমাব নেই, কারণ অল্পবাদে সবচেয়ে বেশী জখম হয় গীতিবস, এবং বাবুবেব সাহিত্যশ্রেষ্ঠ গীতিরসপ্রদান নয়। এবং লড়াইয়ের কথা যদিও এটাতে আছে, তবু সেইটেই প্রধান কথা নয়। আসল কথা বাবুবেবের পর্যবেক্ষণশক্তি। ভারতবর্ষ—প্রধানতঃ দিল্লী-আগ্রা অঞ্চল—তিনি খুঁটিয়ে খুঁটিয়ে দেখেছেন এবং অতিশয় নির্ভর সঙ্গ তাব বর্ণনা দিয়েছেন। আমি যখন কাবুলে ছিলাম তখন বাবুর বর্ণিত, কাবুল পাজ্জীর (পাজ্জীর অর্থ পঞ্চ-ক্ষীর, সংস্কৃত ‘ক্ষীর’ শব্দ ফার্সীতে ‘শীর’, কিন্তু অর্থ দুধ, আর পাজ্জ অর্থ পঞ্চ—ঐ জায়গায় পাঁচটি নদী

১ ‘সুনেছ, রাজা কবিতা লেখে, এ আবার কেমন রাজা!’ এই বলে তখনকার দিনের ইংরেজ বাদশা-হাসালামৎকে নিয়ে ব্যঙ্গবিদ্রূপ করতো। পরবর্তী যুগের এক জহরী ইংরেজ এই নিয়ে মন্তব্য করে লেখেন, ‘ঐসব বর্বর ইংরেজ জানতো না যে, ওয়ারেন হেস্টিংসও কবিতা লিখতেন, এবং বাহাদুর শাহ তুলনায় অতিশয় নিরেস।’

বয় ; আমাদের পায়েসকে কাবুলীরা বলে শীর-বিরজ্—বিরজ্ অর্থ চাল ) ইত্যাদি আমি আপন অভিজ্ঞতার সঙ্গে মিলিয়ে দেখেছি। বসন্ত বাবুর বর্ণিত কাবুল ও আমার দেখা কাবুলে বিশেষ পার্থক্য ছিল না। হালে ধারা কাবুল দেখে ফিরেছেন তাঁরা বলেন, গত দশ বৎসরে নাকি কাবুলের চেহারা একদম পালটে গিয়েছে।

কাবুলীরা বাবুরকে ঘৃণা করে। কারণ ইব্রাহিম লোদী ছিলেন আফগানিস্থানের পাঠান। তাঁকে পরাজিত করে হিন্দুস্থানের তথৎ ছিনিয়ে নেন তুর্কমানিস্থানের মোগল বাবুর। আমাকে এক সন্ধ্যায়, সুশিক্ষিত বিশ্বপর্ষটক পাঠান কূটনৈতিক বেদনাবিকৃত কণ্ঠে বলেন, ‘আপনি কি কল্পনা করতে পারেন, ডক্টর, এই বর্বর বাবুর কি করেছিল? কল্পনা করতে পারেন, সেই নরদানব ইব্রাহিম লোদীর অস্ত্রপূরের পুণ্যশীলা অস্ত্রধম্পশ্রাদেব খোলা বাজারে ক্রীতদাসী হিসাবে বিক্রয় করেছিল! এ শুধু বর্বর যাযাবর তুর্কীদের পক্ষেই সম্ভব।’

কাজেই আশ্চর্য হবার কিছু নেই যে, কয়েক বৎসর আগে পর্যন্ত বাবুরের কবরের উপর না ছিল আচ্ছাদন ( একদা নাকি ছিল, কিন্তু সেটা লুট হয়ে, কিংবা ভেঙে পড়ে যাওয়ার পর আফগানরা স্বভাবতই সেটা মেরামত করে দেবার কোন প্রয়োজন অনুভব করে নি ), না ছিল কোনো অলঙ্কার-আভরণ; কয়েক ফালি পাথর দিয়ে তৈরী অতিশয় সাদামাটা একটি কবর। হালে নাকি আফগান সরকার বাবুরের ঐতিহাসিক মর্যাদা অনুভব করতে পেরেছেন—জাত্যভিমান কিঞ্চিৎ সংযত করার ফলে—এবং কবরের সুব্যবস্থা করেছেন।

আজকের দিনের বাঙালী ইনফ্রেশন করে কয়, সেটা চোখের জলে নাকের জলে শিখেছে। রোকা একটি টাকার ক্রয়মূল্য আজ কতখানি, সে তা বিলক্ষণ জানে। বাঙালী তাই বাবুরের ইনফ্রেশন-জ্ঞান দেখে আনন্দিত হবেন। দিল্লী-জয়ের পর বাবুরের আমীর-ওমরাহ্ বিস্তর ধনদৌলত লুট করে বললেন, ‘এ বারে চলো কাবুল ফিরে গিয়ে নবাবী করা যাক।’ বাবুর তখন তাদের বুঝিয়েছিলেন যে, তাদের সিন্ধুকে কাঁড়া কাঁড়া টাকা থাকলেই সঙ্গে সঙ্গে কাবুল উপত্যকার শরাব-কবাবের উৎপাদন বৃদ্ধি পাবে না। যেখানে আণ্ডার দাম আগে এক পরসী ছিল সেখানে ওদের এখন দিতে হবে আষ্ট গণ্ডা ( কিংবা ঐ ধরনের কিছু-একটা—বইখানা আমার হাতের কাছে নেই )। কারণ সেপাই-পেয়াদারাও কিছু কম মাল লুট করে নি, তারাও এখন নিত্মি নিত্মি আণ্ডা খেতে চাইবে।

এর পর যে বইখানা পড়ে বাঙালী পাঠক আনন্দ পাবেন সেটি কাঁসীতে লেখা বাঙালার ( খুব সম্ভব প্রথম পূর্ণাঙ্গ ) ইতিহাস। ‘বাহারিস্তানে গায়েরী’<sup>২</sup> —

<sup>২</sup> বাঙলা আজগুবী অর্থ—‘আজ’ মানে ‘হতে’ ‘from’; ‘গায়েরী’ মানে

অজানা বসন্তভূমি। লেখক দিল্লী-আগ্রা-বিহারের শুকনো দেশ দেখে দেখে বাঙলার দেহলিপ্রান্তে এসে পেলেন, চতুর্দিকে শ্রামলে শ্রামল আর নীলিমায় নীল। তাঁর চোখ জুড়িয়ে গেল।

এর কথা আরেক দিন হবে।

### ফেউনাগ্ট্ জাওয়ারক্রথ

বৈষ্ণরাজ জাওয়ারক্রথকে নিয়ে আবার সুইস জর্মন কাগজে বাদ-প্রতিবাদ আরম্ভ হয়েছে। প্রথম দলের বক্তব্য, সত্যই বৃদ্ধ বয়েসে তাঁর মস্তিষ্কবিকৃতি ঘটেছিল; অত্র দলের বক্তব্য তিনি পূর্ব-বালিনের সোভিয়েৎ কূটনীতির বলির পাঠা হয়েছেন। বালিনের সবচেয়ে বড় হাসপাতাল 'শারিতে' (charite—চারিটি—খয়রাতি) প্রতিষ্ঠানের তিনি অধ্যক্ষ ছিলেন, এবং বালিন ভাগাভাগির পর শারিতে পড়েছিল পূর্ব-বালিনে, রাশান আওতায়।

এই কলকাতা শহরের অস্তুত একজন খ্যাতনামা চিকিৎসককে আমি চিনি, যিনি জাওয়ারক্রথের শিষ্য। তিনি ম্যানিকে তাঁর কাছে বৃকের যক্ষ্মার অপারেশন শেখেন—জাওয়ারক্রথ বহু বৎসর ম্যানিক হাসপাতালেরও বড় কর্তা ছিলেন। এছাড়া তাঁর অগ্গা শিষ্যও হয়তো কলকাতায় আছেন। অবশ্য বৃকের, মাথার ও ক্যানসারের সার্জারি নিয়েই যাদের কারবার তাঁরাই জাওয়ারক্রথের গবেষণার সঙ্গে অজ্ঞাধিক পরিচিত।

জর্মন সার্জন-সমাজ মনে করেন, পৃথিবীর তিনজন সার্জনের নাম করতে হলে জাওয়ারক্রথের নাম কালাহুক্রমে তৃতীয়। অত্র দুজন বোধ হয় হিপপোক্রাতেস ও নেপোলিওনের সার্জন—কিন্তু আমি কি চিকিৎসা-শাস্ত্র, কি সে শাস্ত্রের ইতিহাস কোনোটাই হিন্দুবিষয় মাত্র জানি নে বলে হলফ খেয়ে কিছুই বলতে পারবো না। তহুপরি এ ধরনের নির্ঘণ্ট নির্ণয় সুব সময়েই কিঞ্চিৎ উদ্যম হয়ে থাকে—যেরকম পৃথিবীর সপ্তমাশ্বর্ষ নির্ণয়ে ভিন্ন লোক ভিন্ন নির্ঘণ্ট দেয়।

অতএব অতিশয় সারবান আপত্তি উঠতে পারে, চিকিৎসা-শাস্ত্রের কিছুই যখন আমি জানি নে, তখন হাতের নাগালের বাইরে যে শল্যরাজ জাওয়ারক্রথ বিরাজ করছেন, তাঁর প্রতি আমি উদ্বাহ হয়েছি কেন? উত্তর অতি সরল। এই শল্যরাজ মৃত্যুর পূর্বে একখানি নাতিবৃহৎ আত্মজীবনী লেখেন—বস্তুত পুস্তকখানি প্রকাশিত হয় তাঁর মৃত্যুর পর এবং সেটি আদৌ শল্যরাজ বা বৈষ্ণ-সম্প্রদায়ের 'অজানা' 'লুপ্ত' 'অদৃশ' 'বিধিকৃত'। অর্থাৎ অজানা থেকে আগত বলে অস্তুত।

উদ্দেশ্যে রচা হয় নি; রচনা হয়েছে আপনার আমার মত মামুলী জনের জন্য। এমন কি সে পুস্তকে ক্যানসার সম্বন্ধে তাঁর দীর্ঘ জীবনব্যাপী গবেষণার ঐশ্বৰ্য্যে পরিপূর্ণ যে প্রবন্ধটি উদ্ধৃত করেছেন, সেটিও সাধারণ জনের উদ্দেশ্যে লিখিত, কারণ তিনি সেটি সর্বসাধারণের উপকারার্থে জার্মান রেডিও থেকে বেতারিত করেন। অতি সরল জার্মানে, সর্বপ্রকারের চিকিৎসা সংক্রান্ত পারিভাষিক শব্দ সম্বন্ধে বর্জন করে তিনি এই বেতার-ভাষণটি নির্মাণ করেছিলেন বলে সেটি জার্মান-বালকেও বুঝতে পারে—বাঙলায় অনুবাদ করলে বঙ্গবালকও বুঝতে পারবে।<sup>১</sup>

কিন্তু এইটাই সর্বপ্রধান বা সর্বশেষ তত্ত্ব নয়। তাঁর আত্মজীবনীর সাহিত্যিক মূল্য আছে, এবং তাঁর লেখার ভিতর দিয়ে ক্ষণে ক্ষণে তাঁর হাশ্বকৌতুকোজ্জ্বল নীল চোখ দুটি প্রকাশ পায়। তার সামান্য একটি উদাহরণ দি।

ব্যঙ্গরস অতিশয় প্রাচীন রস—করণ ও বীর রসের সমন্বয়সী সে। প্রাচীনতম গ্রীক সাহিত্যে তার ভূরি ভূরি নিদর্শন রয়েছে। কিন্তু অস্ফায়া সে-রসের উৎস বলে আমাদের রসপ্রিয় মনও সেটা সব সময় গ্রহণ করতে পারে না। বিস্ময়ক হাশ্বরস—যেটা সৃষ্টি করার জগৎ কাউকে পীড়া দিতে হয় না, নট আট দি কস্ট অব এনি ওয়ান—আপন আনন্দে উচ্ছল এবং সেটা ব্যঙ্গরসের বহু পববর্তী যুগেব রস। এবং আমার ব্যক্তিগত শাবাসী সেই হাশ্বরসের, সেই ব্যঙ্গরসের উদ্দেশ্যে যেখানে রসস্রষ্টা নিজেকে নিয়ে নিজে হাসেন, নিজেকে ব্যঙ্গ করেন, লাক্স অ্যাট হিজ ওন কস্ট। তারই একটি উদাহরণ দি :

জাওয়ারকথ বলছেন, তাঁর সময়কার এক বিখ্যাত চিকিৎসাশাস্ত্রের অধ্যাপক

১ এবং এর অনুবাদ করার বাসনা আমার ছিলও—অবশ্য সাবধানের মার নেই বলে ক্যানসার-বোগ-বিশেষজ্ঞ আমার ভ্রাতুষ্পুত্রীকে দিয়ে সেটি সেনসর করিয়ে নিতুম। এ বেতারভাষণটি এখনো আর্দে গাজীমিয়ার বস্তানীতে আশ্রয় নেয় নি, অর্থাৎ আউট-অব-ডেট হয়ে যায় নি। ঐ ভ্রাতুষ্পুত্রীর আদেশে আমি সর্বাধুনা প্রকাশিত জার্মান-বিশ্বকোষে সুবিস্তর লিখিত ক্যানসার প্রবন্ধটি পড়ি। এবং যদিও সব জিনিস বুঝতে পারি নি ( বিশেষ করে কুআপ্টুম থিয়োরি দিয়ে ক্যানসার রোগের কারণ নির্ণয়ের আধুনিক প্রচেষ্টা ! ) তবু এটা লক্ষ্য করলুম যে ক্যানসারের পূর্বাভাস সম্বন্ধে জাওয়ারকথ অজ্ঞজনকে যে সব দিকে লক্ষ্য রাখতে বলেছেন, সর্বাধুনিক জার্মান-বিশ্বকোষও তাই বলেছেন।...উল্লেখযোগ্য যে, ক্যানসার গবেষণা আরম্ভ করার পূর্বে জাওয়ারকথ বার্গিনের ইণ্ডলজি ডিপার্টমেন্টে গিয়ে খবর নেন, প্রাচীন ভারতীয় বৈজ্ঞানিক ক্যানসার সম্বন্ধে কি বলে গিয়েছেন।

ছাত্রদের মৌখিক ( ভাইভা ) পরীক্ষা নেওয়ার পর প্রতিবারেই অতিশয় গভীর কণ্ঠে বলতেন, 'এই পৃথিবীতে বিস্তর গর্দভ নিজেদের ডাক্তার রূপে পরিচয় দিয়ে নির্ভয়ে অগুনতি লোক মেরে বেড়াচ্ছে ; তার উপর যদি আরো একটা গর্দভ বাড়ে তাতে করে কণামাত্র ক্ষতি-বৃদ্ধি হবে না। তুমি পরীক্ষা পাস করলে।' জাওয়ারক্রথও তাই তাঁর যুগের শিক্ষার্থীদের সমক্ষে উচ্চ ধারণা পোষণ করতেন না। কিন্তু অন্তত একবার তাঁরও শিক্ষা হয়ে যায় এ বাবদে। জাওয়ারক্রথ লিখছেন, 'সকাল দশটায় তিনটি ছেলে আসবে আমার কাছে ভাইভা দিতে। আমি নার্সকে বললুম, ক্যাণ্ডিডেটরা এলে অমুক রোগীকে পাঠিয়ে দিয়ো—তার পেটে ছিল টিউমার। ওরা এলে আমি কাগজপত্র দস্তখত করতে করতে একজনকে বললুম, রুগীকে পরীক্ষা করে বলতে তার কি হয়েছে। আমি কাজে ডুব মারলুম। দশ মিনিট পরে শুভালুম, "কি হল?" ছেলেটা ভয়ে ভয়ে বললে, "কিছুই তো পেলুম না, স্তর।" আমি হুকার দিয়ে বললুম, "গেট আউট"—আর নামে দিলুম ঢাবা কেটে। তারপর একই আদেশ দিলুম দু'নম্বর ক্যাণ্ডিডেটকে। একেও যখন শুভালুম, কি পেল সে—সে প্রায় কাঁদো কাঁদো হয়ে একই উত্তর দিল। ছাড়লুম আরেক হুকার, কাটলুম আবেক ঢাবা। এবারে তিন নম্বরের পালা। সে-ও যখন ফেল মারলে তখন আমি ছাড়লুম শেষ হুকার। এ ছেলেটি কিন্তু সঙ্গে সঙ্গে চাওয়া না হয়ে শাস্ত কণ্ঠে বললে, "তা হলে আপনি দেখান না, স্তর, কি হয়েছে।" কী! এত বড় আশ্পদা! দেখাচ্ছি। লক্ষ দিয়ে গেলুম রুগীব কাছে, গোট দিলুম হাত। ও হরি! কোথায় টিউমার! ভুলে অঙ্ক লোক পাঠিয়েছে নার্স! তখন শুরু হয় আমার আর্তরব। "আরে, আরে, কোথায় গেল সেই দুই ক্যাণ্ডিডেট। নিয়ে এসো ওদের।" এস্থলে যে-ক্যাণ্ডিডেট বিখবিত্যাত জাওয়ারক্রথকে চ্যালেঞ্জ দিয়েছিল, তাকে বোধ হয় আর কোনো পরীক্ষাতে না ফেলে সঙ্গে সঙ্গে পয়লা নম্বর ডিগ্রী দেওয়া উচিত।

এ বকম আরো বহু মজার মজার কথা আছে এই অসাধারণ পুস্তকে ; বসন্ত পুরো বইখানাই হাস্যরসের কুমকুমে কুমকুমে ভর্তি। পাঠকের চট্টলহৃদয়ে একটুখানি চাপ পড়লেই আবীরে আবীরে ছয়লাপ। কিন্তু এর ফাঁকে ফাঁকে আবার ট্রাজেডির করণ রসও আসে বলে সে রস যেন জল এনে দেয় চোখের পাতায়, বুক ভরে দেয় নিবিড়তর ব্যাধায়—আরো বেশী।

একবার একটি মহিলা তাঁর কাছে এসে বললেন, তাঁর নিশ্চয়ই ক্যানসার হয়েছে। ডাক্তার তাঁকে পাঠিয়ে দিলেন ভিন্ন ভিন্ন ল্যাবরেটরিতে যেখানে আধুনিকতম বৈজ্ঞানিক পদ্ধতিতে রোগের জাতগোত্রের বিচার হয়। নানাবিধ

পরীক্ষা নিরীক্ষার পর তাঁরা গর্ভে গর্ভে এক বাক্যে সম্মুখে বললেন, 'ক্যানসার নয়'।

সব শুনে মহিলাটি মাথা নত করে বললেন, 'না, হেঁচক প্রকেশসর, এটা ক্যানসারই বটে।'

মহিলাটি কয়েক দিন পর আবার এসে ক্যানসারের ফরিয়াদ করলেন। আবার গোড়ার থেকে তাবৎ পরীক্ষা-নিরীক্ষা করা হল, আবার নিঃশব্দ নেতিবাচক উত্তর এল। এই করে করে ছ'মাস ধরে মহিলাটি আসেন—তাঁর মনে কোনো সন্দেহ নেই, তাঁর উদরবেদনা ক্যানসারজনিত।

শেষটায় জাওয়ারক্রথ স্থির করলেন, কাটাই যাক পেট। মাদামকে তখন বলতে পারবেন, স্বচক্ষে দেখেছি পেটে কোনো ক্যানসার নেই। কিংবা হয়তো তিনি ভেবেছিলেন, অনেক বর্ষায়সী মহিলার এই অপারেশন-মেনিয়া থাকে; হয়তো তাঁরা আপন জানা-অজানায় সেক্টার অব অ্যাক্টাকশন বা কোতূহলের কেন্দ্র হতে চান। তাকে অস্ত্রোপচারের জগু তৈরি করা হল।

তারপর কবিবাজ জাওয়ারক্রথ যা বলেছেন, তার মোদা কথা : 'আমরা তো নিশ্চিন্ত মনে পেট খুললুম। সর্বনাশ! এ কি দেখি! পেট ভাঙি ক্যানসার! এবং এখন যে চরমে পৌঁচেছে সে অবস্থায় অপারেশনের কোনো প্রশ্নই ওঠে না। সস্তপ্ত চিন্তে আমরা পেট সেলাই করে দিলুম। মহিলা সাধুতে ফিরলে আমি তাঁকে বললুম, 'হ্যাঁ, ক্যানসারই ছিল, আমরা সেটা কেটে সরিয়ে দিয়েছি।'

জাওয়ারক্রথ তার পর বলেছেন, 'মহিলাটি প্রথম যেদিন আমার কাছে এসেছিলেন, তার সঙ্গে সঙ্গে যদি অপারেশন করতুম, তবে হয়তো তাঁকে বাঁচাতে পারতুম। কিন্তু প্রশ্ন, আধুনিকতম বৈজ্ঞানিক যন্ত্রপাতি যখন নগুর্থক উত্তর দেয়, তখন শুধুমাত্র রোগীব অনুমানের উপব নিভর করে পেট কাটা যায় কি প্রকারে?'

জাওয়ারক্রথ সম্বন্ধে ভবিষ্যতে আপনাদের কাছে আরো নিবেদন-করার বাসনা রইল। কিন্তু আমার বিশ্বাস, কোনো বাঙলাভাষী সার্জন সেটা করলেই ভালো হয়; আমার মত আনাড়ী তা হলে অনধিকার-প্রবেশ থেকে নিষ্কৃতি পায়।

কলকাতা ও বোম্বাইয়ে যে সব ক্যানসার-প্রতিষ্ঠান আছে, তাঁরা মাঝে মাঝে ধবরের কাগজে বিবৃতি প্রকাশ করে সাধারণ জনকে সাবধান করে দেন, শরীরে কোন্ কোন্ আকস্মিক বা মন্দগতিতে বর্ধমান পরিবর্তন দেখলে ক্যানসারের সন্দেহ করতে হয়। এগুলি আমি সর্বদাই শ্রদ্ধা ও মনোযোগ সহকারে পড়ি।

ঠিক ঐ একই সুবাদে প্রকেশসর ডক্টর গেহাইম্বাট জাওয়ারক্রথ অবতরণিকা হিসাবে কয়েকটি কথা বলেছেন এবং আপন বক্তব্য বোঝাতে গিয়ে এমন একটি



অত্যাংকুষ্ট বিবল তুলনা দিয়েছেন, যেটি ব্যবহার করতে পারলে যে কোন যশস্বী সাহিত্যিকও ল্লাবা অল্পভব করবেন। বৈষ্ণবরাজ যা বলেছেন, তার নির্ধাস : অধিকাংশ যোগই কোনো না কোনো সাবধান-বাণী, ইঙ্গিত, ওয়ার্নিং দিয়ে আসে। যেমন, সামান্ত মাথা ধরলো—সেইটে ওয়ার্নিং—পরের দিন জয় হল। কিন্তু ক্যানসার কোনো ওয়ার্নিং তো দেয়ই না, বরঞ্চ সে নিতান্ত নিরপরাধীর মত দেখা দেয়। যেমন, আপনার জ্বিতে একটি দানা দেখা দিল। সেটাতে কোনো বেদনা নেই, আপনার কোনো অস্থবিধা হচ্ছে না, আপনি ভাবলেন, এরকম তো কত দানা এখানে সেখানে দেখা দেয় আবার মিলিয়ে যায়, এটা নিয়ে দুশ্চিন্তা করার বা চিকিৎসকের কাছে যাবার কোনো প্রয়োজন নেই। তারপর সেটা অত্র ধীরে ধীরে বড় হতে লাগলো, কিন্তু কোনো বেদনা বা অস্বস্তি নেই বলে আপনি তখনো কোনো প্রতিকার করলেন না। তারপর একদিন ঢোক গিলতে, খাবার গিলতে আপনার অস্থবিধা হতে লাগলো। আপনি তখন গণন ডাক্তারের কাছে, কিন্তু হয়, ততদিনে বড্ড দেরি হয়ে গিয়েছে, তখন আর অপারেশন করা যায় না। আপনি যদি, দানা যখন ছোট ছিল, তখন আসতেন, তবে সার্জন আপনাকে অনায়াসে ক্যানসারমুক্ত করতে পারতেন—অবশ্য পরীক্ষা-নিরীক্ষা করার পর। তাই জাওয়ারকথ বলেছেন, ‘দানাটি আদৌ অপরিচিত শত্রুরূপ বেদনা যত্রণা সঙ্গে নিয়ে এল না। ক্যানসার এল যেন আপনার কোনো বন্ধুজনের চেহারার সঙ্গে হুবহু মিলিয়ে একটি মুখোশ তৈরি করে সেটা পরে। তার পর কাছে এসে হঠাৎ মুখোশ সরিয়ে ফেল আপনাকে মারলো ছোরা!’

এর পরই অব্যাপক কতকগুলো চিহ্নের উল্লেখ করেছেন—এগুলোকে তিনি ওয়ার্নিং বলেন নি বটে, কিন্তু সেগুলো দেখলেই তৎক্ষণাত ডাক্তারের কাছে যাওয়া উচিত। জ্বিতে বা অন্ত কোথাও দানা বা ঐ জাতীয় বস্তু বা পরিবর্তন, কণ্ডর অকারণে করুণ হয়ে যাওয়া, আপনার পেটের অস্থ ছিল না—হঠাৎ আরম্ভ হল দিনের পর দিন পেট খারাপ হতে, ইত্যাদি ইত্যাদি। কিন্তু এটা আমার অনধিকারপ্রবেশ। আপনার উচিত, আমাদের যে কোনো ক্যানসার-প্রতিষ্ঠান থেকে তাঁদের স্থলিখিত প্রামাণিক বিবৃতি সংগ্রহ করা। বিবৃতিতে সব ক’টা চিহ্নের পরিপূর্ণ (exhaustive) লিস্ট থাকে। আমি এযাবৎ যা লিখেছি, সেটা ভুলে গিয়ে ঐ বিবৃতি মন দিয়ে পড়বেন। কারণ, এগুলো আমাদের জন্মই লেখা—ডাক্তারদের জন্ম নয় ॥

## হিডজিভাই পি মরিস

একদা 'স্ট্যান্ড' পত্রিকা একটি নতুন ধরনের অল্পসঙ্কানের সূত্রপাত করে সাহিত্যের মহা মহা মহারথীদের স্ত্রোয়, তাঁরা সর্বজন-সম্মানিত, সর্বশিক্ষিতজনের অবস্থাপাঠ্য কোন্ কোন্ পুস্তক, যে কোনো কারণেই হোক, পড়ে উঠতে পারেন নি। উক্তরে এমন সব তথ্য আবিষ্কৃত হল যাকে 'মোহনে'র ভাষায় লোমহর্ষক বলা যেতে পারে : যেমন, কথার কথা কইছি— বার্নার্ড শ পড়েন নি অলিভার টুইস্ট, কিংবা মনে করুন— রবীন্দ্রনাথ পড়েন নি 'একেই কি বলে সভ্যতা' ?

কাজেই বিখ্যাত সাহিত্যিকদের স্মরণ করিয়ে দিচ্ছে এই অখ্যাত সাহিত্য-সেবক যে তাঁরা যেন তড়িৎদ্রুত শ্রীযুত বিশী মহাশয়ের শান্তিনিকেতন সম্বন্ধে বই-খানা পড়ে নেন।

এই পুস্তকে 'কাব্যের উপেক্ষিতা' জাতীয় দু'চারটি চরিত্রের উল্লেখ করে বিশী মহাশয় বৎ প্রাক্তন শান্তিনিকেতনবাসীদের সাধুবাদ পেয়েছেন। তাঁদেরই একজন হিডজিভাই মরিস।

তাঁর পুরো নাম হিডজিভাই পেস্তন'জ মরিসওয়াল। গুজরাতীদের প্রায় সকলেরই পারিবারিক নাম থাকে ; যেমন গান্ধী, জিন্দা ( আসলে ঝিঁড়া ভাই ), হটিসিং ইত্যাদি। পার্সীদের অনেকেরই ছিল না বলে কেউ কেউ তাঁদের ব্যবসার নাম পারিবারিক নাম রূপে গ্রহণ করতেন। যেমন ইঞ্জিনীয়াব, কন্ট্রাক্টর ইত্যাদি। এই নিয়ে পার্সীরা ঠাট্টা করে একটি চরম দৃষ্টান্ত দেন— সোডাওয়াটার-বটলপ্‌নারওয়াল।

বোম্বাইয়ের পত্নীত্‌ পারবার বিখ্যাত। এ' বা ফরাস' 'পতা' ( I etit ) ফার্মে কাজ করতেন বলে প্রথমে পত্নীত্‌ওয়াল ও পরে পত্নীত্‌ নামে পরিচিত হন। ঠিক সেইরকম মরিস কোম্পানিতে কাজ করে আমাদের অধ্যাপক মরিসওয়াল পরে শুধু মরিস নামে বোম্বাই অঞ্চলে নাম করেন।

অত্যন্তম' ফরাসী ও লাভিন শেখার পর না জানি কোন্ যোগাযোগে তিনি একাধিক সঙ্কন পাঠকের কাছ থেকে অল্পবোধ পেয়েছি, ক্যানসার সম্বন্ধে জাওয়ারক্‌থের প্রাক্তন প্রবন্ধটি যেন আমিই অল্পবাদ করি। আমি করজোড়ে কমা ভিক্ষা করছি, কারণ অল্পস্বভাবশত আমার দেহে শক্তি মনে উৎসাহ বড়ই হ্রাস পেয়েছে। তবে এটাও নিবেদন, আমৃত্যু দুটি প্রবন্ধ অল্পবাদ করতে পারার দুর্দাশা আমি কখনো সম্পূর্ণ ত্যাগ করবো না ; ক্যানসার সম্বন্ধে প্রবন্ধটি ও অধ্যাপক ভিন্টারনিত্স রচিত ক্ষুদ্রাকার রবীন্দ্র-জীবনী।

শাস্তিনিকেতন পৌছে সেখানে অধ্যাপনা আরম্ভ করেন।

দুটো বিষয়ে তিনি ছিলেন খাটি বাঙালী—সেটিমেন্টাল এবং আদর্শবাদী। আমার আশ্চর্য লাগতো, কারণ অসহযোগ আন্দোলনে যোগ দিয়ে যেসব গুজরাতি ছেলেরা—এবং পাঠিকারা অপরাধ নেবেন না, মেয়েরাও—শাস্তিনিকেতন আসে, তারা পর্যন্ত টাকা আনা পাই হিসেব করতো; শুনেছি, ছাত্রেরা আকছারই আদর্শবাদী হয়। (নইলে অত নিঃস্বার্থ ট্রাম-বাস পোড়ানোর সংকল্পটা করে কে? কিন্তু এ সম্বন্ধে আর কথা না। হুক কথা কইলে পুলিশে ধরবে।) তাই গুজরাতি মরিস সাহেবের আদর্শবাদ আমাকে বিস্মিত করেছিল।

সামান্য বাঙলা শেখার পরই মরিস সাহেবের প্রেম উপচে পড়ল রবীন্দ্র-সঙ্গীতের প্রতি এবং তিনি সম্মোহিত হলেন

“তাহাতে এ জগতে ক্ষতি কার

নামাতে পারি যদি মনোভার” শুনে।

অল্পজ্ঞ আলোচনা করেছি, ভারতের বাইরে কোনো ভাষাই ‘ত’ এবং ‘ট’-র উচ্চারণে পার্থক্য করে না; এমন কি ভারতীয়দের ভিতর খাঁদের গায়ে প্রচুর বিদেশী রক্ত তাঁরাও এ-দুটোতে গুবলেট করেন। উদাহরণ স্বলে, গুজরাতের বোরা সম্প্রদায়—এখানকার রাধাবাজারে এঁদের ব্যবসা আছে—ব্রহ্ম উপত্যকার আসাম-বাসী ও পার্সী সম্প্রদায়।

তাই মরিস সাহেবের উচ্চারণে ছত্র দু’টি বেরুতো :

“টাহাতে এ জগটে ক্ষতি কার

নামাতে পারি যদি মনোভার।”

আমরা আর কি করে গুঁকে বোঝাই যে ‘ত’ ‘দ’-এর অল্পপ্রাণ ছাড়াও গুরুদেবের গান আছে।

মরিস সাহেব নূতন বাঙলা শেখার সময় যে না বুকে বিশীদাকে ‘বেটা ভূত’ বলেছিলেন তার চেয়েও আরো মারাত্মকতম উদাহরণ আমি শুনেছি। তিনি আমাদের ফরাসী শেখাতেন, এবং অক্লেয় বিধুশেখর, ক্ষিত্তিমোহন এবং আরো কিছু অধ্যাপকও তাঁর ক্লাসে যেতেন। আমার হৃদি পেত যখন গুরু মরিস ছাত্র বিধুশেখরকে ‘আপনি’ বলে সম্বোধন করতেন ও ছাত্র বিধুশেখর তাঁকে ‘তুমি’ বলে। একদিন হয়েছে কি, ফরাসী ব্যাকরণের কি একটা কঠিন প্রশ্নের উত্তর দিয়ে ফেলেছেন অধ্যক্ষ বিধুশেখর। মরিস সাহেব বললেন, ‘চমৎকার। শাস্ত্রী মশায়। সটি, আপনি একটি আস্টো ঘুঘু।’

শাস্ত্রী মশাইয়ের তো চক্ষুস্থির। একটু চূপ করে থাকার পর গুরু, গুরু—

যত্নপি ছাত্র, তথাপি গুরু-কণ্ঠে শুধালেন, 'মরিস, এটা তোমাকে লেখালে কে ?'

নিরীহ মরিস বোধ হয় কণ্ঠনিদাদ থেকে বিষয়টার গুরুত্ব খানিকটে আমেজ করতে পেরে বললেন, 'ডিন্ডা ( দিনদা, দিনেন্দ্রনাথ ঠাকুর )। উনি বলেছেন ওটার অর্ট "অসাধারণ বৃদ্‌ডিমান"। টবে কি ওটা ভুল ?'

শাস্ত্রী মশাই শুধু ঈষৎ কণ্ঠিন কণ্ঠে বললেন, 'আচ্ছা, আমি দিনেন্দ্রনাথকে বোঝাবো।'

দিহুবাবু নাকি বিদেশীকে ভাষা শেখাবার সময় কর্তব্যবোধহীন চপলতার জ্ঞান বোধ কিছুটা ভালোমন্দ শুনেছিলেন শাস্ত্রী মশাইয়ের কাছ থেকে।

ঐ সময় প্যারিস থেকে অধ্যাপক সিলভা লেভি সস্ত্রীক শান্তিনিকেতনে আসেন। উভয়েই একাধিকবার বলেন, মরিস সাহেব উল্লেখ না করা পর্যন্ত তাঁরা কখনো বিশ্বাস করতে পারেন নি, ফ্রান্স না গিয়ে মাহুশ কি করে এরকম বিস্ময় ফরাসী শিখতে পারে। আমি ব্যক্তিগতভাবে তাঁর কাছে বড়ই কৃতজ্ঞ যে তিনি আমাকে রলার 'যীশুজীবনী' পড়ান। এ বই আমার মহত্বপূর্ণ করেছিল এবং করছে।

বলা বাহুল্য এই সরল সজ্জন যুবা পণ্ডিতটি সকলেরই হৃদয়ে স্থান পেয়েছিলেন। গুরুদেবের তো কথাই নেই, মরিস সাহেব ঋষিতুল্য বিজ্ঞাননাথেরও অশেষ স্নেহ পেয়েছিলেন। বড়বাবু বিদেশী পণ্ডিতদের সঙ্গে বাক্যালাপ কালক্ষয় বলে মনে করতেন ; বলতেন, 'এরা সব তো জানে কোন্‌ শতাব্দীতে প্রজ্ঞাপারমিতা কিংবা একাক্ষরপারমিতা প্রথম লেখা হয়, প্রথম ছাপা হয়। ওসব জেনে আমার কি হবে ? তার চেয়ে নিয়ে আগো না ওদের কোনো একজন, যে কান্টের দর্শন সমর্থন করতে পারে, আর আমি নেব বিরুদ্ধ মতবাদ, কিংবা সে নেবে বিরুদ্ধ মতবাদ, আমি নেব কাণ্টপক্ষ—তার যেটা খুশী।' মরিস সাহেব তাঁকে তখন অমুনয়-বিনয় করে সম্মত করাতেন বিদেশী পণ্ডিতকে দর্শন দিতে। অবশ্য দু' মিনিট যেতে না যেতেই বড়বাবু সব ভুলে গিয়ে কোনো কিছু অগ্র তত্ত্ব নিয়ে আলোচনায় তন্ময় হয়ে যেতেন। আমাদের মতন ছেলে-ছোকরাদের কিন্তু তাঁর কাছে ছিল অবাধ গমন। আমার মনে পড়তে খুস্টের কথা ; তিনি যেহোভার মন্দির থেকে তাড়িয়ে দিয়েছিলেন বিস্তর তথাকথিত কুলাঙ্গার ভি আই পি-কে, এবং আদেশ দিতেন 'লেট দি চিলড্রেন কাম্‌ আনটু মী'।

মরিস সাহেব প্রথমটায় সম্মত ছিলেন না ; আর সকলের চাপাচাপিতে তিনি প্যারিসের সরবনে গিয়ে ডক্টরেটের জ্ঞান প্রস্তুত হতে রাজী হলেন।

প্যারিসের গ্রাশনাল লাইব্রেরীতে তাঁর সঙ্গে আমার অপ্রত্যাশিত ভাবে দেখা।

আমাকে আপনি বলে সঙ্ঘোদন করতে আমি দুঃখ প্রকাশ করলুম। তিনি বললেন, 'তুমি এখন বড় হয়েছ; জর্মনিতে ডক্টরেট করবে। আমিও এখানে তাই করছি। আমরা এখন এক-বয়েসি।' আমার বয়েস তখন চব্বিশ, তাঁর বত্রিশ। তারপর আমাকে রেস্তোরাঁয় উত্তমরূপে খানদানী ডিনার খাওয়ালেন। বিনয় এবং সঙ্কোচের সঙ্গে পরের দিন বললেন, 'তোমাকে ভালো করে এন্টারটেন করতে পারলুম না। তোমাকে বলতে লজ্জা নেই, আমার এ মাসের টাকাটা এখনো দেশ থেকে আসে নি।' আমি তারস্বরে প্রতিবাদ জানালুম। বহু বৎসর পরে ঐ সময়কার এক প্যারিসবাসী ভারতীয়ের কাছে শুনতে পাই, মরিস সাহেব অগ্রাগ্র দুঃস্থ ভারতীয় ছাত্রদের টাকা 'ধার' দিয়ে দিয়ে মাসের বেশী ভাগ দেড়লে হওয়ার গহ্বর-প্রান্তে পড়ি পড়ি করে বেঁচে থাকতেন। আসলে তাঁর পরিবার বিস্ত্রশালী ছিল।... তাঁর সঙ্গে এই আমার শেষ দেখা। কিন্তু এখনো তাঁর সেই শাস্ত সংযত প্রসন্ন বদনটি আমার চোখের সামনে ভেসে ওঠে।

কিন্তু তার পূর্বের একটি ঘটনা চিরকাল ধরে আমার ও আমার সতীর্থদের চিত্তে কৌতুক রস এনে দেবে, প্রতিবার সেটার স্মরণে।

গুরুদেব শারদোৎসবের মোহড়া নিচ্ছেন। তিনি স্বয়ং, দিল্লীবাবু—এমন কি জগদানন্দবাবুর মত রাশভারী লোক—অজিন ঠাকুর এঁরা সব অভিনয় করবেন। এক প্রান্তে বসে আছেন শুদ্ধান্ত বিষণ্ণবদন মরিস সাহেব। আমি হোম্‌টীস্কু না করলে তাঁর মুখে যে বিষণ্ণতা আসতো তিনি যেন তারই গোটাদেশক 'হেলপিং' নিয়েছেন। মোহড়ার শেষে দিল্লীবাবু কাচুমাচু হয়ে গুরুদেবকে অহুরোধ জানালেন, মরিস সাহেবকে ড্রামাতে একটা পাট দিতে।

গুরুদেবের ওষ্ঠাধর প্রান্তের মুহূহাশ্র সব সময় ঠাহর করা যেত না। এবারে গেল। কিন্তু ইতিমধ্যে সব পাটেরই বিলি ব্যবস্থা হয়ে গিয়েছে। গুরুদেব বললেন, 'ঠিক আছে। একে শ্রেষ্ঠীর পাট দিচ্ছি।' হয় মূল নাটকে শ্রেষ্ঠীর পাট আদৌ ছিল না, ঐটে মরিস সাহেবের জগ্ন 'ইস্পিসিলি' তৈরি হয় কিংবা হয়তো তখন মাত্র বড় বড় পাটগুলোর বণ্টন ব্যবস্থা আছে।

তা সে যা-ই হোক, শ্রেষ্ঠীর অভিনয় করবেন 'নটরাজ' মরিস—শাস্ত্রী মশাই তাঁর নাম দিয়েছিলেন মরোচি (ব্রহ্মার পুত্র, কশ্যপের পিতা ও তিনি সৃষ্টিকরণও বটেন)—মরিসও সগর্বে কাঁচা-হাতে সেই নামই সহ করতেন। এবারে শুনুন, পাটটি কি?

রাজা : ওগো শ্রেষ্ঠী!

শ্রেষ্ঠী : আদেশ করুন, মহারাজ!

রাজা : এই লোকটিকে হাজার কার্ষাপণ গুনে দাও ।

শ্রেষ্ঠী : যে আদেশ !

বাস্ ! ঐটুকু ! আমার শব্দগুলো ঠিক ঠিক মনে নেই, কিন্তু স্পষ্ট মনে আছে মরিসকে ঐ পাঁচটি শব্দ বলতে হবে ; গুরুদেব সায়েবের বাঙলা উচ্চারণ সম্বন্ধে বিলক্ষণ ওকীব-হাল ছিলেন বলে । কিন্তু মরিস সাহেব বেজায় খুশ, জান্ ওরুর্—ড্যাম্‌গ্যাড—হোক না পাট ছোট, তাতেই বা কি ? বলেন নি স্বয়ং গুরুদেব, “The rose which is single need not envy the thorns which are many ?”

কিন্তু এইবারে শুরু হল ট্রবল । গুরুদেবের ভাষাতেই বলি, মরিসকে শুভে হল কষ্টকশ্যায়, গোলাপ-পাপড়ির আচ্ছাদিত পুষ্ণযায় নয়—যাঁও থর্ন মাত্র একটি । গুরুদেব যতই বলেন ‘আদেশ করুন, মহারাজ’ মরিস বলেন, ‘আদেশ করুন, মহারাজ’ মহা মুশকিল । মরিস আপন মরাচ-তাপে ঘর্মাক্তবদন । শেষটায় গুরুদেব বরাত দিলেন দিগ্বাবুকে, তিনি যেন সাহেবের ‘ত’ ‘ট’র জট ছাড়িয়ে দেন । আকটার অল—তিনিই তো খাল কেটে ঘরে কুমির এনেছেন ; বিপদ, একস্কিউজ মি—বিপদটা তো টাঁরই টৈরি ।

মরিস সাহেব ছন্নের মত হয়ে গেলেন । সেই প্রফেট জরথুষ্ট্রের আমল থেকে কোন্ পার্সী-সম্ভান এই ‘ত’ ‘ট’য়ের গর্দিশ মোকাবেলা করেছে—এই আড়াই হাজার বছর ধরে—যে আজ এই নিরীহ, হাড়িসার মরিস বিদেশ-বিভূইয়ে একা একা এই ‘ত’য়ের তাবৎ ‘ন’য়ের দানব—আই মীন ডানব, টাবড ডানবের সঙ্গে লড়াই দেবে ?

মরিস ছন্নের মত আশ্রমময় ঘুরে বেড়ান—দৃষ্টি কখনো হেথায় কখনো হোথায়, আর ঠোঁট দুটি বিড়বিড় করে কি যেন বলছে । আমি বললুম, ‘নমস্কার, স্তার !’ সম্বিতে এসে বললেন, ‘আ ! সায়েড (সৈয়দ) —’ ও হরি ! এখনো ‘সায়েড’ ! তবে ওটা আদেশ এখনো মোকামে কায়ম আছে, রাজাদেশেরই মত—‘শোনো তো ঠিক হচ্ছে কি না “আদেশ করুন, মহারাজ” ।’ আমি সমস্ত গিচুতে চূপ করে রইলুম । বার দশেক আদেশ আদেশ করে বিদায় সম্ভাষণ না জানিয়ে এগিয়ে গেলেন ।

একটা ডরমিটরি-ঘরের কোণ ঘূবতেই হঠাৎ সমুখে মরিস—বিড়বিড় করছেন ‘আদেশ আডে—’ রেললাইনের কাছে নির্জনে ‘আদেশ—’ দূর অতি দূর ষোয়াইয়ের নালা থেকে মাধা উঠছে সায়েবের, আবার অদৃশ্য হয়ে যাচ্ছে । চক্রালোকে, খেলার মাঠে মরিস, আসন্ন উবার প্রদোষে শ্মশানপ্রান্তে কার ঐ

ছায়ামূর্তি? মরিস। হিন্দী কবি সত্যি বলেছেন, গুরু তো লাখে লাখে, উত্তম চেলা কই। আশ্রমের ছেলেবুড়ো এখন সবাই সায়েবের গুরু। এত্তক শিশু-বিভাগের কানাই, সাগর কেউ বাদ পড়ে নি। পড়ে থাকলে তাদের দোষ। সবাইকে টেস্ট করতে অনুরোধ করেন তাঁর আডেশ আডেশামুয়ায়ী হচ্ছে কি না। ইতিমধ্যে এক সন্ধ্যায় মোহড়া শেষে দিশুবাবু গুরুদেবকে ভয়ে ভয়ে অনুরোধ জানালেন ‘আদেশে’র বদলে অল্প কোনো শব্দ দিতে, যেটাতে “ত” “দ” নেই। গুরুদেব বললেন, ‘না; মরিসকে “ত” “দ” শিখতেই হবে।’

এর পর দ্বিতীয় পর্ব। হঠাৎ সন্ধ্যার সামনে এক দিন বেরিয়ে গেল ‘আদেশ’ অত্যন্তম ‘দ’ সহ। আমি ‘ইয়াজ্ঞা’ বলে লক্ষ্য দিলুম। কেউ ‘সাদু সাদু’, কেউ বা ‘কনগ্রাচুলেশনস’ বললেন। কিন্তু হা অদৃষ্ট! আমরা বন থেকে বেরুবার পূর্বেই হর্ষধ্বনি করে ফেলেছি! সায়েব পরক্ষণে আডেশ-এ ল্যাপস করেছেন। তারপর তাঁর ক্ষণে আসে ‘দ’ ক্ষণে ‘ড’। কলকাতার বাজারে মাছ গুঠা-না-গুঠার মত বেটিঙের ব্যাপার! এই করে করে চললো দিন সাতেক। সমুখে আশার আলো।

এর পর তৃতীয় পর্ব। দ্বিতীয় পর্বের মত এটাও অপ্রত্যাশিত। সায়েব এখন টাচাছালা, ভোরবেলার নিম্পাপ নিকলক শিশিরবিন্দুর গ্রায় ‘দ’ বলতে পারেন। পয়গধর জরথুষ্ট্র এবং তাঁর প্রভু আছর মজদাকে অশেষ ধন্যবাদ!

আমরাও আমাদের সঙ্কটটা ভুলে গেলুম। মোহড়ায় প্রতিবার ঋষি মরীচি বৈদিক পদ্ধতিতে ‘দ’ উচ্চারণ করেন।

মরিস সাহেব স্টেজে নামলেন পার্সী দস্তুর বা যাজকের বেশ পরে। সব-কিছু ধবধবে সাদা। শুধু মাথার টুপিটি দাদাভাই নোরজী স্টাইলের লেটার-বক্স প্যাটার্নের কালোর উপর সফেদ বৃত্তাদার। গুরুদেব এই বেশই চেয়ে বলেছিলেন, ‘তোমরা পার্সীরা বাপু এ দেশের শ্রেষ্ঠী। তোমরা যা পরবে তাই হবে শ্রেষ্ঠীর বেশ।’

নাট্যালা গম গম করছে। ওঃ, সে কী অভিনয়! গুরুদেবকে দেখাচ্ছে দেবদূতের মত। অজিনের চেহারা এমনিতেই খাপসুরত, এখন দেখাচ্ছে রাজ-পুত্রের মত। গুরুমশাই জগদানন্দ রায়ের কী বেজাফালন! আশ্রমে বেতের বেসাতি বিলকুল বে-আইনি। এ মোকায় জগদানন্দবাবু যেন হুতোপবীত-দ্বিজ লুক্কিত যজ্ঞোপবীত ফিরে পেয়েছেন। তাঁর কঠিনদর্শন মুখচ্ছবি ঈষৎ স্নিগ্ধতা ধরেছে।

মরিস সাহেব প্রবেশ করলেন রক্তমঞ্চে।

রাজা দিলেন ডাক।

মরিস সাহেব—হে ইঙ্গ, তোমার বস্ত্র কেন তৎপূর্বেই অবতীর্ণ হল না ?

উৎকর্ষা, উত্তেজনায় মরিস বলে ফেলেছেন, ‘আ ডে শ।’

অট্টহাস্তে ছাদ যেন ভেঙে পড়ে। তিনি কিন্তু ঐ একই উত্তেজনায় নাগপাশে বদ্ধ বলে সে অট্টহাস্ত শুনতে পান নি।

সে সন্ধ্যার অভিনয়ের জন্ত অধ্যাপক হিড্‌জিভাই মরিসই পেয়েছিলেন সর্বশ্রেষ্ঠ অভিনন্দন। আমাদের বিবেকবুদ্ধি সেই আদেশই দিয়েছিল—খুব সম্ভব আদেশই।<sup>১</sup>

### ‘আধুনিক’ কবিতা

‘স্থলীল পাঠক—’

ছেলেবেলায় এ ধরনের সম্বোধন পড়ে রুদয়ে বড় আনন্দ হত। মনে হত, কত মহান লেখক এই কালীপ্রসন্ন সিঙি, যিনি কিনা মহাভারতের মত বিরাট গ্রন্থ অমূল্য করেছেন, তিনি আমাকেই সম্বোধন করে কথা বলেছেন! এটা যে নিছক সাহিত্যিক টং, বলার একটা আড়, সেটা কিছুতেই বিশ্বাস করতে পারতুম না। বিশেষ করে যখন আমার ধারণা হল—সেটা হয়তো তুল—ঘে দরদ-ভরা কথা কয়ে যখন তিনি আমার সহানুভূতি আকর্ষণ করতে চান, তখনই ‘পাঠক’ বলে সম্বোধন করেন। এবং আরো বেশী করে ‘সজ্জন পাঠক’ বলে সম্বোধন করতেন সিঙি মশাইয়ের মত দরদী লেখককুল যখন তাঁরা এমন কোনো অভিজ্ঞতার বর্ণনা করতে যেতেন, যেটার মোক্ষম মার বেশীর ভাগ পাঠকই খেয়েছে। এ অধম প্রাচীনপন্থী। সে এখনো পাঁচকড়ি দে পেলে গোপনে পড়ে। এবং বটতলাতে কিছুক্ষণ হল একথানা ‘সচিত্র প্রেমপত্র’ কিনে সে বড় ভরসা পেয়েছে। যৌবনে ভাষার উপর দখল ছিল না—এখনই বা হল কই?—মরমিয়া প্রেমপত্র লিখতে পারতো না বলে রায়ের ভাষায়, “উনিশটি বার প্রেমেতে সে ঘায়েল করে থামলো শেষে।” আর ভয় নেই! এখন এই অমূল্য গ্রন্থ থেকে নকল করে ফিলিমস্টার থেকে মেয়ে-পুলিস সকলেরই ‘সজ্জন নয়নে হৃদয়-হৃদয়ে ঘা’ দেওয়া যাবে।

১ মরিস সর্বদাই ঋণং বিষয় বদন ধারণ করতেন—খুব সম্ভব এটাকেই বলে ‘মেলানকলিয়া’। প্যারিস থেকে ফেরার পথে তিনি জাহাজ থেকে অন্তর্ধান করেন। আমার মত আর পাঁচজন তার কারণ জানে না। শুনেছি, তিনি উইল করে তাঁর সর্বস্ব বিশ্বভারতীকে দিয়ে যান।



বইখানার প্রথম চার লাইন পড়লেই বুঝতে পারবেন, মাইকেল রবীন্দ্রনাথ এর থেকে কতখানি পিছিয়ে আছেন :—

‘প্রিয়তমা চারুশীলা পিতৃগৃহে গিয়ে  
আছ তো হৃথেকে তুমি গোষ্ঠিজন নিয়ে ?  
তুমি মোর জীবনের সর্বোৎকৃষ্ট ধন ।  
তুমি মোর হৃদয়ের শাস্তিনিকেতন ।’

জানি, জানি - বাধা দেবেন না, জানি আপনারা বলবেন, এই মডার্ন যুগে এসব পণ্য অচল । কিন্তু আপনারা কি এ তত্ত্বটাও জানেন না যে, ক্যাশান হর-হামেশা বদলায় এবং আকছারই প্রাচীন যুগে ফিরে যায় ? পিকাসোসো ফিরে গেছেন প্রাগৈতিহাসিক গুহাবাসীর দেয়াল-চব্বিতে, অবনটাকুর মোগলযুগে, নন্দলাল অজন্তায়, যামিনী রায় কালীঘাটের পটে । কাব্যে দেখুন, ছুবোধ্য মালার্মে র্যাবো যখন অল্পবাদের মারফৎ ইংলণ্ডে জয় করে বসে আছেন, তখন হাউসম্যান লিখলেন সরল প্রাজল ‘প্রপশার ল্যাড’ । বলা হয়, ইংলণ্ডে কবির জীবিতাবস্থায় তাঁর একখানা বইয়ের এত বিক্রির অল্প উদাহরণ নেই । কোনো ভয় নেই । বাঙলা দেশের মডার্ন কবিতাও একদিন ‘পাখি সব করে রবে’র অনবচ্ছিন্ন শাখত ভঙ্গিতে লেখা হবে ।

আমি মডার্ন কবিতা পছন্দ করি নে, তাই বলে মডার্ন কবিতার কোনো ‘রোজোঁ দেত্রু’ রাজন ফর এগজিস্টেন্স অথাৎ পুচ্ছটি তাব উচ্ছে তুলে নাচাবার ‘রোজোঁ’ রাজন, গ্যায়হক্ক নেই এ কথা কে বলবে ।

প্রথমেই নিন মিলের অত্যাচার । এবং এই মিলটা আমাদের খাটি দিশী জিনিস নয় । সংস্কৃতের উত্তম উত্তম মহাকাব্যে, কাব্যে মিল নেই । যদিশ্রাং থাকে, তবে সেটা আকস্মিক চর্চটনা, প্রায় কবির অনিচ্ছায় ঘটেছে । সংস্কৃতে প্রথমে মিল পাই—আমার জানা মতে—মোহমুদগবে । এবং তিনিও সেটা বহিরাগত ভাষা থেকে নিয়েছিলেন, এমত সন্দেহ আছে । সংস্কৃতে সহোদরা ভাষা গ্রীক লাগিনে কি মিল আছে ? এ দেশেই দেখুন, উর্দু’তার জননী সংস্কৃত ভাষা থেকে বহু দূরে চলে গিয়েছে, জোকবা-জাক্বা পরে প্রায় মুসলমান হয়েছে ( প্রায় বললুম কারণ এখনো বহু হিন্দুর মাতৃভাষা উর্দু’ ; উর্দু’কবি-সম্মেলনে তাঁরা সম্মানিত সক্রিয় অংশীদার । কিঞ্চ, পণ্ডিত নেহরু, তেজবাহাদুর সপ্র ইত্যাদির মাতৃভাষা ছিল উর্দু’), তথাপি আজও উর্দুতে বিনা মিলে দৌহা রচনা করা হয়, সংস্কৃত স্তম্ভিতের অল্পকরণে । ‘মিল’ শব্দটা কি শুদ্ধ সংস্কৃত ? সংস্কৃতে একে বলে ‘অন্ত্যাহুপ্রাস’—স্পষ্ট বোঝা যায়, বিপদে পড়ে মাথায় গামছা বেঁধে ম্যাহু-

ফেকচার্ড এরজাংস্ মাল। অতএব যদি মডার্ন কবিরা সে-বস্তু এড়িয়ে চলেন তবে পাঠক তুমি গোস্সা করে ক্যান? ঠা তো মাইকেলেরই মত আমাদের প্রাচীন ঐতিহ্য পুনর্জীবিত করছেন। এই যাবনিক স্বেচ্ছাচারের যুগে সেটি কি চাঙ্চিখানি কথা!

তারপর ছন্দ? ছন্দহীন কবিতা হয় না, আপনাকে বলেছেন কোন্ অলঙ্কার-শাস্ত্রের গোস্সাই? উপনিষদ পড়েছেন? তার ছন্দটি কান পেতে শুনেছেন? ছন্দে বাঁধা কবিতা আসতে পারে তার কাছে? বস্তুত বেদমন্ত্রে ছন্দ মেনে মেনে হায়রান হয়ে ঋষিকবি উপনিষদে পৌঁছে কি যুগপৎ তাঁর আধ্যাত্মিক ও কাব্যিক মোক্ষ লাভ করলেন না? এ অধম অশিক্ষিত—তথাপি গুণীজনের কাছে শোনা উপনিষদের একটি সামান্য সাদামাটা প্রশ্ন নিন :—

‘স্বয়ং অস্ত গচ্ছে, চন্দ্রও অস্ত গচ্ছে, আগ্ন নির্বাপিত ( অর্থাৎ আশ্বিন জালিয়ে যে একে অগ্নকে দেখবো তার উপায় নেই ), কথাও বন্ধ ( অর্থাৎ চিৎকার বরে ডাকবারও উপায় নেই )। তখন কোন্ জ্যোতি নিয়ে মানুষ ( বেঁচে ) থাকে, বলুন তো যাজ্ঞবল্ক্য?’

এবার সংস্কৃতটা শুনুন :—

‘অস্তমিতি আদিতো, যাজ্ঞবল্ক্য, চন্দ্রমশ্বস্তমিতে, শাস্তেঃগৌ, শাস্তায়ং বাচি, কিংজ্যোতিরৈবায়ং পুরুষঃ?’

প্রচলিত মন্দাক্রাস্তা বা শাদূলবিজ্জীড়িত ছন্দে এই অতুলনীয় সন্দীতমন্ত্রিত-স্পন্দিত ছত্র বেঁধে দিলে কি প্রভু যীশুর ভাষায় লিলিফুলের উপর তুলি নিয়ে বঙ বোলানো হত না?

এতেও যদি আপনাদের মন না ভরে তবে পড়ুন ইংরিজী অনুবাদে বাইবেল—রাজা দায়ূদের গান, সুলেমান বাদশার গীতি ( সং অব্ সংজ, সং অব্ সলোমন )। সে তো গণ্ডে, এবং স্বয়ং বার্নার্ড শ বলেছেন, ঐ সলোমনের গীতিটি পৃথিবীর সর্বশ্রেষ্ঠ প্রেমের কবিতা।

আবার আপনি যদি মুসলমান হন তা হলে তো কথাই নেই। আপনি জানেন প্রাক-পয়গম্বর যুগেও আরবদের ছিল বহু বিচিত্র ছন্দে, মিলেব কঠোরতম আইনে বাঁধা অত্যাংকুষ্ট কাব্যসৃষ্টি। গণ্ড ছিল না, কিংবা প্রায় না থাকারই মত। তথা প আল্লা-তালা পয়গম্বরকে যে কুরানের বাণী পাঠালেন সে তো গণ্ডে। অথচ আরবী-ভাষা নিয়ে ধারা সামান্যতম চর্চা করেছেন তাঁরাই শপথ করে বলবেন, এঁর ছন্দোময় গণ্ড যে কোনো বাঁধা কাব্যকে হার মানায়। পয়গম্বরকে যখনই তাঁর বিরুদ্ধপক্ষ কোনো প্রকারের মিরাকুল ( অলৌকিক কীর্তি ) দেখাতে আহ্বান

করতো তখনই তিনি সবিনয় বলতেন, ‘আমি নিরক্ষর আরব। তৎসঙ্গেও আল্লা-  
তাল্লা আমার কণ্ঠ দিয়ে যে কুরান পাঠালেন তার কাছে কি আসতে পারে  
তোমাদের শ্রেষ্ঠতম কাব্য? এইটেই হল সবচেয়ে বড় মিরাক্‌লু!’

অতএব মর্ডান কবিরা যদি ছন্দ স্বীকার করেন তবে আপনি চটেন ক্যান?

তৎসঙ্গেও মর্ডান কবিতার দুশ্‌মনরা হয়তো বলবেন, তারা হৃন্দর হৃন্দর  
জিনিসের সঙ্গে বিৎকুটে সব জিনিসের তুলনা দেয়—যেমন তালগাছের ডগায় চাঁদ  
দেখে লিখলে, এ যেন আকাশের সূচিকণ সূক্ষ্মণ তাল। কিংবা প্রিয়র বিহুনি  
দেখে কবির মনে এল পানউলীর দোকানে ঝোলানো অগ্নিমুখ নারকোলের  
পাকানো দড়ি—যার ডগায় লাগিয়ে আমি আকছারই বিড়ি ধরাই। সেই দড়ি  
হাওয়ার হুলে কবির কূর্তা পুড়িয়ে দিয়ে পিঠে ছাঁকা দিয়েছে, ঠিক তেমনি প্রিয়ার  
বিহুনি দেখা মাত্রই তাঁর বুকটা ছ্যাং করে ওঠে।

এটা পড়ে তাজ্জব মানছেন কেন?

রাজা শূত্রকের ‘মৃৎ-শকটিকা’ পড়েন নি? জর্মনরা সংস্কৃতের সমজ্ঞার এস্তেক  
গ্যোটে হাইনে সংস্কৃত না জেনেও ভারতীয় নাট্যের স্বরণে উদ্বাহ হয়ে নৃত্য  
করতেন। শূত্রকের এই নাটকটি জর্মন ভাষাতে ক’বার যে ভিন্ন ভিন্ন রসিকজন  
দ্বারা অনূদিত হয়েছে বলা কঠিন, ক’বার যে জর্মনিতে মঞ্চস্থ হয়েছে সেটা বলা  
তার চেয়েও কঠিন। সেই নাট্যে আছে, ক্ষুধিত সূত্রধার বাড়ি ফেরার সময় গভীর  
হুশিচন্ডায় মগ্ন—বাড়িতে তো চালভাল কিছুই নেই, গৃহিণী কি আদৌ রন্ধন করতে  
পেরেছেন? বাড়ি ঢুকেই সূত্রধার সানন্দে সবিস্ময়ে দেখেন, সাদা মাটির উপর  
লম্বা লম্বা কালো কালো আঁজি আঁজি দাগ—কালিমাথা হাঁড়ি মাটিতে ঘষে ঘষে  
গৃহিণী সাক্ষরো করেছেন। অতএব ধূম্র দেখলে যে রকম বহির উপস্থিতি স্বীকার  
করতেই হয়, হাঁড়ি পারফার করা হয়ে থাকলে রান্নাও যে হয়েছে সে বিষয়ে কি  
সন্দেহ? সূত্রধার তখন সোজাসে উপমা দিয়ে বললেন, ওহো! সাদা মাটির  
উপর এই কালো কালো আঁজি যেন তুষারধবলা গৌরীর ললাটে কৃষ্ণাঞ্জল-তিলক।

কী মারাত্মক গণ্ডময় হাঁড়িকুড়ি, মাটিতে সেগুলো ঘষার ফলে নো রা কালো  
আঁজির সঙ্গে শিবানী গৌরীর অসিত তিলকের তুলনা। এ যে রীতিমত হেরেসি,  
এ হেন তুলনা চার্বাকের বেদ নিন্দার চেয়েও ধর্ম্ম কটু-ভাষণ।

এর পরও আপনি আপত্তি করে বলবেন মর্ডান কবিতা ন দেবায় ন ধর্ম্মায়?

বুদ্ধিমান তথা না-ছোড়-বান্দা পাঠক, আমি বিলক্ষণ জানি, আপনার প্রধান  
আপত্তি কোন্‌খানে—ছোটখাটোগুলো উপস্থিত না হয় বাদই দিলুম। আপনি  
বলবেন ওদের কবিতা পড়ে মাথামুণ্ডু কিছুই বুঝতে পারি নে। আশ্মো পারি নে

—খাপ্পা না মেরে হক্ক কথাই কই। সে তো আপনার দোষ, আমার দোষ ? আপনি আমি পয়সাওয়ার ছেলে হয়ে জন্মালে সত্যকার অপটুডেট, chic, dernier cri, লেটেস্ট মডেলের হাইয়ার এডুকেশন পেতুম ; আপনি, আমি আমরা নিদেন যদি অধ্যাপক হতুম, তারো নিদেন যদি আমরা তাঁদের শিষ্য হবার সুযোগ পেতুম, তবে তো আজ এ প্রশ্ন তুলতুম না। কিন্তু এহ বাহ।

‘বুঝতে পারি নে’ কথাটার অর্থ কি ? আপনি ভৈরবী বা পূরবী শুনে যদি রস না পান তবে কি গায়ককে এ প্রশ্ন শুধান, ‘ভৈরবীর অর্থ আমায় বুঝিয়ে দাও ?’ আরো সহজ দৃষ্টান্ত দি। পদ্মাবক্ষে আপনি সূর্যোদয় দেখে মুগ্ধ হলেন, মাঝি হলো না। সে যদি আপনার তময় ভাব দেখে শুধায়, ‘কত্তা’, সূর্যযি তো উঠলেন, কিন্তু আপনি এমন বে-এক্সেয়ার হলেন কেন ? এ সূর্যযি ওঠাতে কি আছে আমাকে বুঝিয়ে দেন’, তাহলে আপনি কি বোঝাবেন ? তাজমহল দেখে হাক্সলি মুগ্ধ হন নি, কিন্তু তিনি তো গাইডকে এ প্রশ্ন শুধোন নি, ‘তাজমহলের অর্থ আমায় বুঝিয়ে বেলো’। কিংবা ভরতনাট্যম দেখে আপনি যদি ‘অর্থ’ বুঝতে চান, তবে হয়তো অভিনয়শিল্পের অর্থ আপনাকে বোঝানো যাবে কিন্তু বিশ্বক নাট্যরসের ( যেমন যন্ত্রসঙ্গীতের ) ‘অর্থ’-ই বা কি, আর বোঝাবেই বা কে ? চিত্রে একদা লোকে কোনো বস্তুর সঙ্গে তার সাদৃশ্য দেখে কিছুটা অর্থ পেত কিন্তু এখন কু্যাবিজম, দাদাইজমে কেউ সাদৃশ্য খোঁজে না, অর্থও খোঁজে না। কাঠের একটা গুঁড়ি নিয়ে বিখ্যাত ভাস্কর ছ’মাস ধরে প্রাণপণ খাটলেন ; প্রদর্শনীর মধ্যকক্ষে সেটি স্থাপিত করে তলায় নাম লিখলেন, কাঠের একটা গুঁড়ি। কাঠের গুঁড়ি, কাঠের গুঁড়ি ; ভৈরবী, ভৈরবী। তার আবার অর্থ কি ?

মনে হচ্ছে আপনি তত্ত্বের কিছুই জানেন না। তত্ত্বের নিগূঢ়তম মস্তকের অর্থ শোধান না গুরুকে ? যদি তিনি প্রকৃত গুরু হন তবে আপনার হাড় ক’খানা আর আস্ত থাকবে না। আর অত গভীরে যাবার কি প্রয়োজন ? এই যে পৃথিবীর কোটি কোটি নর-নারী উপাসনা করে ভিন্ন ভিন্ন ভাষায়, তার ক’টা ভাষা লোকে বোঝে ? আপনি উত্তরে হয়তো বলবেন, আমরা রস নিয়ে বিচার করছি। তা হলে স্মরণে আনুন, সেই বুড়ি—দাড়িওয়ালা কথকঠাকুরের কথকতা শুনে হাউ-হাউ করে কেঁদেছিল—কথকতার এক বর্ণ না বুঝেও। তার স্মরণে কি এসেছিল সেটা অবাস্তর। তার কান্নাটা সত্য। তার রসবোধটা সত্য।

অলঙ্কার-শাস্ত্র অধ্যয়ন করে তলিয়ে দেখুন, অর্থ বোঝা মাত্রই রসোৎপন্ন হয় না—অর্থ পেরিয়ে যে ব্যঞ্জনা যে ধ্বনি যে অনির্বচনীয়তার সৃষ্টি হয়, রস সেই গভীর গুহায়। উপনিষদে আছে সত্য ( এবং সত্যই অহুভূতির ক্ষেত্রে রস—

কারণ সৎ আনন্দ এবং চিং নিয়ে সচ্চিদানন্দ ) আছেন সোনার পাত্রে লুকানো। সাধারণ জন সোনার পাত্র দেখেই মুগ্ধ, ভিতরে তাকিয়ে দেখে না। কাব্যে, সঙ্গীতে সর্বত্রই অর্থ জিনিসটা স্ববর্ণপাত্র, তাই দেখে লোক মুগ্ধ। রস কিন্তু ভিতরে। তার সঙ্গে পাত্রের কি সম্পর্ক? পাত্রস্থিত অমৃতরসের সঙ্গে যে ধাতু (অর্থ) দিয়ে পাত্র নির্মিত হয়েছে তার কি সম্পর্ক? কিছুই না। তাই, এ সব বুঝেই কবি দ্বিজেন্দ্রলাল গেয়েছিলেন,

‘জননী বঙ্গভাষা, এ জীবনে চাহি না অর্থ।’

### মূর্খের উপাসনা অপেক্ষা পণ্ডিতের নিজা শ্রেয়ঃ

আমাকে অনেকেই প্রশ্ন শুধায়, হিন্দু, ধর্ম, হিন্দু শাস্ত্র নিয়ে যে অফুরন্ত কাহিনী কিংবদন্তী আছে—যেরকম যমদূত একবার ভুল করে মৃত্যুর নির্ধারিত দিবসের পূর্বে এক নায়েবকে নরকে নিয়ে যাওয়ার ফলে কি রকম তুমুলকাণ্ড ঘটেছিল—মুসলমানদের ভিতরও তেমনি আছে কি না। আছে, কিন্তু সেগুলো প্রধানত লোকশিক্ষার জ্ঞান এবং অনেকগুলোতেই প্রচুর হাঙ্গুরসংঘ আছে। এসব গল্পের প্রাচুর্য ইরানেই বেশী, এবং তুর্কীতে খুবই কম। তুর্কীরা নাকি বড় বেশী সিরিয়াস। অতএব গোড়া। অতএব রসকযহীন।

আমার একটি গল্প মনে পড়ল এবং সেটা সকলেরই কৌতূহল জাগাবে। কারণ কি হিন্দু, কি মুসলমান, কি ইহুদি, কি খৃষ্টান—সকলেই জানতে চায় মহা-প্রলয় (আরবীতে কিয়ামৎ) কবে আসবে? সর্ব ধর্মের শাস্ত্র-গ্রন্থেই তার কিছু কিছু ইঙ্গিত আছে, কিন্তু পাকাপাকি কোনো-কিছু জানার উপায় নেই। একদা নাকি খৃষ্টানদের বিশ্বাস ছিল, খৃষ্টজন্মের ১০০০ বৎসর পূর্ণ হলে মহাপ্রলয় আসবে স্তনতে পাই, অনেক লোকেই নাকি তার কিছুদিন পূর্বে সর্বস্ব বিক্রয় করে দান-ধয়রাতে উড়িয়ে দেয়।

১০০০ খৃষ্টাব্দ পূর্ণ হওয়ার দিনে শেষটায় যখন মহাপ্রলয় হল না তখন এরা পন্থিয়ে ছিলেন কি না জানি নে, তবে ভবিষ্যতের জ্ঞান সাবধান হওয়া ভালো। এখন ১৯৬৬। যদি রটে যে, ২০০০-এ মহাপ্রলয়, তবে এখন যারা যুবা এবং বালক তারা যেন ঐ সময়টায় একটু ভেবেচিন্তে দান-ধয়রাত করেন।

মহাপ্রলয় কবে আসবে, সে সম্বন্ধে আরবদের ভিতর একটি কাহিনী প্রচলিত আছে।

আল্লা-পাক নাকি একদিন প্রধান কিরিশ্চা ( বাঙলায় কেবলমাত্র লেখা হয় ; অর্থ এঞ্জেল, দেবদূত ) জিব্রাইলকে ( ইংরাজিতে গেব্রিয়েল ) ডেকে আদেশ দেবেন, যাও তো, মানুষের ছদ্মবেশ ধরে পৃথিবীতে । যে কোনো একজন মানুষকে শুধোও, জিব্রাইল এই মুহূর্তে কোথায় আছেন ? জিব্রাইল পৃথিবীতে নেমে একজন মর্ত্যবাসীকে সেই প্রশ্ন শুধোলেন । লোকটা কিঞ্চিৎ বিরক্ত হয়ে বললো 'এরকম বেকায়দা প্রশ্ন করে লাভটা তোমার কি ? আমার এসব জিনিসে কোনো কৌতূহল নেই, তবে যখন নিতান্তই শুধোলে তবে—দাঁড়াও, বলছি ।' লোকটি দুই লহম্বা চিন্তা করে বলল, 'হঁ, ঠিক বলতে পারবো না—তবে এ বিষয়ে কোনো সন্দেহ নেই, সে ( আরবীতে ইংরাজীর মত he-র সম্মানার্থে ) কোনো 'তিনি' শব্দ নেই এখন পৃথিবীতে । বেহেশতে নয় ।' জিব্রাইল স্বর্গে ফিরে আল্লাকে উত্তরটা জ্ঞানালে তিনি বলবেন, 'ঠিক আছে ।' তার পর কেটে যাবে আরো বহু সহস্র বৎসর । তার পর আবার আল্লা-পাক ঐ একই প্রশ্ন একই ভাবে শুধোবার জন্য জিব্রাইলকে পৃথিবীতে পাঠাবেন । এবারে যে মর্ত্যবাসীকে শুধোনো হল, সে বিরক্ত হল আরো বেশী । বললে, 'কি আশ্চর্য ! এখন মানুষ এরকম সম্পূর্ণ বাজে বেকার প্রশ্ন করে । হিসেব কষলে যে এরকম প্রশ্নের উত্তর দেওয়া যায় না তা নয়, তবে দেখো, এসব ব্যাপারে আমার কোন উৎসাহ নেই । আচ্ছা... ' এক সেকেণ্ড চিন্তা করে লোকটা বললে, 'স্বর্গে তো নয়, স্পষ্ট বোঝা যাচ্ছে... ', কের দু'সেকেণ্ড চিন্তা করে বললে, 'পৃথিবীতেই যখন, দাঁড়াও, হাঁ, কাছেপিঠেই কোথাও—আমি চললুম ।' জিব্রাইল বেহেশতে ফিরে এসে আল্লাকে সব কিছু বয়ান করলেন । আল্লা বললেন, 'ঠিক আছে ।' তার পর কেটে যাবে আরো কয়েক হাজার কিংবা কয়েক লক্ষ বৎসর । আবার জিব্রাইল সেই হুকুম নিয়ে ধরাভূমিতে আসবেন । এবার যাকে শুধালেন সে তো রীতিমত চটে গেল— 'এসব বাজে বাজে প্রশ্ন... ইত্যাদি ।' জিব্রাইল বেশ কিছুটা কাত্তি-মিনতি করাতে সে নরম হয়ে বললো, 'তাহলে দেখি ! হঁঃ, স্বর্গ নয়, পৃথিবীতে ।' তারপর আরেক সেকেণ্ড চিন্তা করে বললে, 'কাছে-পিঠে কোথাও ।' তারপর আরো দু'সেকেণ্ড চিন্তা করে তাজ্জব মেনে বলবে, 'কী আশ্চর্য, যে এরকম মস্তুরা করো । তুমিই তো জিব্রাইল—তবে শুধাচ্ছে কেন ?' এবারে জিব্রাইল সব খবর দিলে আল্লা-পাক হুকুম দেবেন মহাপ্রলয়ের শিঙা বাজাতে ।

কথিকাটির তাৎপৰ্য কি ?

প্রথমত, মানুষ তখন জ্ঞান-বিজ্ঞানের চর্চা করে করে এমন জায়গায় গিয়ে পৌঁছাবে যে স্বর্গের খবর পর্যন্ত তার কাছে আর অজানা থাকবে না ।

দ্বিতীয়ত, কিন্তু, তার তাবৎ জ্ঞান-বিজ্ঞান বিত্যাচর্চার একমাত্র উদ্দেশ্য হবে সাংসারিক, বৈষয়িক, প্রা্যকটিকাল জিনিস নিয়ে।<sup>১</sup> ইহলোক ভিন্ন পরলোক, পাপপুণ্যের বিচার, সে স্বর্গে যাবে না নরকে জলে পুড়ে থাক হবে—এ সম্বন্ধে তার কোনো কোঁতুহল থাকবে না, কারণ স্বয়ং জিব্রাইলকে হাতের কাছে পেয়েও সে এসবের কোনো অঙ্গুসন্ধান করলো না। এমন কি সৃষ্টিকর্তা আল্লা—দীন হুনিয়ার মালিক—যাকে পাবার জন্য কোটি কোটি বৎসর ধরে শত শত কোটি মর্ত্যের মানুষ স্বর্গের দেবদূত আমৃত্যু দেবদুর্লভ সাধনা করেছে, তাঁর প্রতিও সে উদাসীন।

তৃতীয়ত, যেহেতু সে সৃষ্টিকর্তার অস্তিত্ব, তাঁর ইচ্ছা-অনিচ্ছা সম্বন্ধে সম্পূর্ণ উদাসীন অতএব করনা করা কঠিন নয় যে, সে তখন বিশ্বভুবন তার খেয়াল-খুশী মর্মে মাস্কি নিয়ন্ত্রণ করার প্রচেষ্টায় লেগে যাবে। তারই ফলে হয়তো বেকরবে শত শত আইয়মান কোটি কোটি ঈশ্বরসৃষ্ট জীবকে বিনাশ করতে।

\* \* \*

ভরসা হচ্ছে, বিশ্ববিবর্তনে যত্বপি সেই চিরু দেখতে পাচ্ছি, অর্থাৎ মানুষ ক্রমেই সত্যসন্দেরের অল্-হুক্ অল্-জমীল) সাধনার পথ থেকে দূরে চলে যাচ্ছে তবু এখনে বোধ হয় পরিপূর্ণ জড়বাদে পৌঁছতে কিঞ্চিৎ বিলম্ব আছে। পক্ষান্তরে ইসলাম একথাও বলেন, কিয়ামৎ যে-কোনো মুহূর্তে আসতে পারে। তার অর্থ, মানুষ হয়তো হঠাৎ এক লম্ফে পরিপূর্ণ জড়বাদে পৌঁছে যেতে পারে।

পরগম্বর বলেছেন, “আল্লার থেকে মানুষকে দূরে নিয়ে যায় শয়তান।” সেই শয়তান জড়বাদের প্রতিভূ এবং প্রতীক। অতএব প্রত্যেক সত্য-জ্ঞানার্থেমীর প্রধান কর্তব্য জড়বাদ অর্থাৎ শয়তানের কীতিকলাপ কি প্রকারে বাহ্যজগতে স্বপ্রকাশ হয় সে সম্বন্ধে সচেতন থাকা—তথা শয়তান প্রলোভন নিয়ে উপস্থিত হলে আগ্রহারা না হয়ে জ্ঞানদৃষ্টি দ্বারা তার স্বরূপ চিনতে পারা। শুধুমাত্র আচার-

১ ইমাম গজ্জালী মুসলিম জগতের অগ্রতম শ্রেষ্ঠ—কেউ কেউ বলেন সর্বশ্রেষ্ঠ—মনীযী। তিনি একাধারে দার্শনিক, শাস্ত্রী ও সুফী ( রহস্যবাদী ভক্ত ) ছিলেন। আরব্যোপন্যাস যুগের বিখ্যাত বাগদাদ নগরীর বিশ্ববিদ্যালয় সে যুগের মধ্যপ্রাচ্যের সর্বোত্তম জ্ঞানকেন্দ্র ছিল। ইমাম গজ্জালী তার রেক্টর ( শেখ ) ছিলেন। অধুনা তাঁর একখানা বইয়ে দেখি, তিনি মনস্তাপ করছেন যে, তাঁর কালের ( মুত্য়া ১১১১ খৃষ্টাব্দে ) লোক শুধু প্রা্যকটিক্যাল বিজ্ঞা শেখে। আমি ভরসা পেলুম।

অল্পাধীন সম্পন্ন করে সরল জীবন যাপনই যথেষ্ট নয়; জ্ঞানাহুসন্ধান নিত্য-প্রয়োজনীয় অবশ্যকর্তব্য। এই মর্মে আরেকটি কাহিনী আছে :—

একদা শয়তানের রাজা, ধাড়ি শয়তান এক বাচ্চা শয়তানকে তালিম দিচ্ছিল, সৎপথগামীদের কোন্ কোন্ পদ্ধতিতে বিপথগামী করা যায়। ধাড়ি শয়তান অতিশয় ধুরন্ধর গুরু এবং বিশ্বপঘটক (জাহানদৌদ) রূপে অপঘাপ্ত অভিজ্ঞতা সঞ্চয় করে সম্যক অবগত আছে, কোন্ প্রকারের মানুষ কোন্ পদ্ধতিতে চলে, কাকে সমঝে চলতে হয়, আর কেই বা অগা আহাম্মুখ। ঐ অল্পচ্ছেদে এসে ধাড়ি বললে, 'কিন্তু বৎস, হুঁশিয়ার। আচারনিষ্ঠ সাধুজনকে বরঞ্চ আমাদের পথে (মানবীয় ভাষায় কুপথে) নিয়ে যাবার চেষ্টা করো কিন্তু জ্ঞানী পণ্ডিতকে সমঝে-বুঝে চলো। ওরা বড়ই ভীষণ প্রাণী। সৃষ্টির আদিম কাল থেকে ওরাই আমাদের আদিম দুশমন।'।

শাগরেদ ক্ষুদে শয়তান আশ্চর্য হয়ে বললে, 'সে কি কথা। আচারনিষ্ঠ জন তো সদাই জপতপ নিয়ে ব্যস্ত থাকে; আমার কথা ভাববার তার ফুরসৎ কই? আর পণ্ডিতদের কথা যখন বললেনই, প্রভু, তবে নিবেদন করি, আজকের দিনে তাদের অবস্থাটা একটু পৃথিবীর দিকে তাকিয়ে দেখুন। খেতে পায় না, পরতে পায় না আর আকাট-মুখ নিকমারী বড় বড় চাকরির পদবী নিয়ে ওদের মাথায় ডাঙা বোলায়। নিজে মেস্টার, ওদিকে ছেলেটাকে কলেজে পাঠাতে পারে না। এসব হাভাতেদের লোভ দেখিয়ে পথ ভোলাতে কতক্ষণ?'

খেড়ে হেসে বললে, 'খুব তো মুখে মুখে হাই-জাম্প লঙ-জাম্প দেখালি। কাজের বেলা কি হয় সেটা বোঝা যাবে পরশু দিন প্র্যাকটিক্যাল ক্লাসে।'

পরশু দিনের দিন প্র্যাকটিক্যাল। সে বড় কঠিন তালিম। তাবৎ হুগার এলেম হাতেনাতে বাংলাতে হয়। আমাদের ইস্টুডেন্টরা টুকলি-নকল করলে আমরা যে রকম সেটাকে 'শয়তানী' নাম দিয়ে চোটপাট করি, এখানে তেমনি সাধু সরল পন্থায় কম উদ্ধার করতে গেলে সেটাকে 'সাধুমী' বলে গুরু কান মলে দেয় শিষ্যের।'

খেড়ে আদেশ দিলেন, 'ঐ যে হোথা একটি সরল সাধু জপ করছে ওকে আমাদের পথে নিয়ে আসার ডিমন্স্ট্রেশনটি করো তো, বৎস।'

বাচ্চা শয়তান প্রমাদ গুনলো। এই সৌম্যদর্শন, কৃচ্ছসাধনজনিতপাণ্ডুর তথাপি মধুরবদন সাধুকে ধর্মপথ থেকে বিচলিত করা কি তার মত চ্যাংড়া শাগরেদের কর্ম। না জানি, আজ কপালে কি আছে।

ক্লাসে যে নোট দেওয়া হয়েছিল, সেগুলো সে দকে দকে স্মরণে আনলো। তার



পরে বিএলজব্ব, ইব্লিস, ডিথাবলুস, শয়তান-উস্শয়াতীন সবাইকে মনে মনে হাজার হাজার আলাব-বন্দেগী জানিয়ে গেল বেশ ধারণ করতে।

আহা! সে কী চিত্তহারিণী ভূষা! ধেড়ে, আগা, সব শয়তানকে লড়তে হয় ফিরিশ্তা অর্থাৎ দেবদূতদের সঙ্গে—তাই ঠুঁদের চালচলন বেশ ভূষা তারা খুব ভালো করেই চেনে। এ যুগে হিটলার পোলাও আক্রমণ করার পূর্বে মৃত্যুদণ্ডপ্রাপ্ত কিছু জর্মনদের পরিয়ে দেন পোলিশ সৈন্যের উদ্য। সেই উদ্য পরে তারা ‘আক্রমণ’ করে একটি জর্মন বেতারকেন্দ্র—পোলিশ-জর্মন সীমান্তে। সেই ‘আক্রমণ’র ও ‘আক্রমণে নিহত পোলিশ সৈন্য’ব ছবি হিটলার বিশ্বময় প্রকাশ করে সপ্রমাণ করেন যে, পোলরাই প্রথম জর্মনি আক্রমণ করে!

হিটলার, হিমলার, আইম্যান, হোস এঁ বা তো খাস শয়তানের তুলনায় শিশু।<sup>২</sup> ছদ্মবেশ ধারণে এনারা এমন আর কি ‘কৈশল’ দেখাবেন।

বাচ্চা শয়তান ধারণ করলো দেবদূত—ফিরিশ্তার বেশ।

অন্ধ থেকে বেৎছে দিব্যজ্যোতি এবং নন্দনকাননমন্দান্সৌরভ; তার প্রতি পদক্ষেপে ঝংকৃত হচ্ছে অপরাধিনিদ্দিত সঙ্গীত-নিরুণ—সঙ্গে এসেছে বসন্তপবনের মূহ হিরোল মলয়ানিল বিলোলানন্দোল্লাস!

বাচ্চা শয়তান সম্মুখীন হল সাধুর। বললে, ‘তোমার তপস্বী পবিত্র হয়ে আলা-তাল! আমাকে পাঠিয়েছেন তোমাকে সশরীরে স্বর্গে নিয়ে যাবার জন্ত। তুমি আমার স্বন্ধে আরোহণ করো।’

বলা মাত্রই সে বুরাকের বেশ ধারণ করলো।

বুরাক অনেকটা পক্ষীরাজের মত। সর্বাঙ্গ অতুল্যম অশ্বগায় এবং উভয় স্বন্ধে দুটি পক্ষ।<sup>৩</sup>

২ অনেকে মনে করেন এ-অধম নাৎসি দলের নির্ভেজাল দুশমন। তাই বলতে বাধ্য হচ্ছি, যুদ্ধের গোড়ার দিকে হিটলার যে ইংরেজকে বেবড়ক চড় কনায় সেটা এ অধমের চিত্তে সাতিশয় বিমলানন্দ দিয়েছিল। আমার মতে হিটলারের সব চেয়ে মারাত্মক ভুল হয়, তিনি ফ্রান্সের পতনের পর যখন ইংলণ্ড আক্রমণ করলেন না। না হয় তিনি নিলক্ষকাম হতেন। তাতেই বা কি! মহৎ কর্ম করতে গিয়ে নিফল হওয়া অপকর্মে (রুশ আক্রমণ) সফল হওয়ার চেয়ে শ্রেয়ঃ!

৩ মুসলমানী ও পার্সী রেক্তারীতে নাতুমানাসিক হিন্দু পাঠকও এই ছবি দেখে থাকবেন। পয়গম্বর হজরত মুহম্মদ সাহেব এই বুরাকে চড়েই সৃষ্টিকর্তা সন্নিধানে যান। বিরুদ্ধ পক্ষ বলেন, তিনি সশরীরে যান নি; তাঁর রূহ, অর্থাৎ আত্মা

কিন্তু বাচ্চা শয়তান ক্লাসের থিয়োরটিকাল সর্ব আদেশ মেনে চলতে চলতে ভয়ে বেপথু-কশ্মরমান, এই সামান্য ফাঁদটা সাধু না ধরে ফেলেন !

কিন্তু খেড়ে শয়তান দূর থেকে নিশ্চিন্ত মনে সব-কিছু দেখছে। সে বিলক্ষণ জানে, এসব আচারনিষ্ঠ জন বড় দস্তী হয়। এরা ভাবে, সংসারের সর্বভোগ যখন ত্যাগ করেছি, তখন আর স্বর্গের সর্বস্বথ আমি পাবো না কেন ?

এই দস্তই তাঁদের সর্বনাশ আনে, সে তত্ত্ব শয়তান দেখেছে, যুগ যুগ ধরে।<sup>৪</sup>

ভগব্দী সাধু ক্ষণমাত্র চিন্তা না করে চেপে বসলেন সেই ভেজাল ব্রাকের স্কন্ধে।

তারপর কি হল, সেটা বর্ণনা করতে আমার বাধে। কারণ সেটাতে আছে বীভৎস রস। সংক্ষেপে বলি, সাধুর যখন জ্ঞান হল তখন তিনি বিষ্ঠাকুণ্ডে। বাচ্চা শয়তান একবার তাঁকে কাঁধে পেয়ে পেয়েছে বাগে। ক্লাসের নোট-মাফিক তাঁকে সর্বস্বয়গা দিয়ে অজ্ঞানাবস্থায় ফেলে দিয়ে গেল পুরীষ-গহবরে।

স্বশীল পাঠক! তুমি বলবে, আচারনিষ্ঠ সঙ্কনের এই অসদৃশ্য হ'ল কেন? আমিও গল্পের এই পর্যায়ে কাহিনী কীর্তনিয়া মৌলানাকে ঐ একই প্রশ্ন শুধাই।

তিনি শাস্তকণ্ঠে বললেন, 'পুচ্ছাংশ দেখিয়াই সর্বাঙ্গ বিচার করা যায় না। অবহিত চিন্তে সর্বাঙ্গস্বন্দর কাহিনীটি প্রণিধান করহ।'

এবারে খেড়ে শয়তান বাচ্চাকে বললে, 'ঐ যে দেখা যাচ্ছে দূরে এক আলিম। এবারে বাবাজী, সাবধান।

বাচ্চা কিন্তু ভয় পাওয়ার মত কিছুই দেখলো না। পণ্ডিত বটে লোকটি, কিন্তু নামাজ রোজায় যে তাঁর মাঝে মাঝে ক্রটি হয়ে যায়, সে তো জানা কথা। বইয়ের নেশায় তাঁর কাটে অষ্টপ্রহর। এটাকে বাগে আনতে আর কতক্ষণ ?!

গিয়োছিল। অর্থাৎ ব্রাক ইত্যাদি রূপকার্থে নিতে হবে।

৪ কবি রবীন্দ্রনাথ রুচ্ছসাধনে দস্ত দেখে সর্বত্যাগী ভৈরব-শঙ্করকে উদ্দেশ্য করে বলছেন—

'আমাকে চেনে না তব শ্মশানের বৈরাগ্যবিলাসী  
দারিত্র্যের উগ্র দর্পে খলখল ওঠে অট্টহাসি  
দেখে মোর সাস্ত্র।'

সর্বত্যাগী শঙ্কর হিন্দুর উপাস্ত্র। কিন্তু তাঁর সর্বস্ব ত্যাগের অঙ্কায়করণ ও তৎসহ তাই নিয়ে দস্ত, সেই ত্যাগের luxury, যেমন মূর্খ চেলারা করেন, কবি সেইটে-এই কবিতায় বুঝিয়েছেন।

পূর্ববৎ দেবদূত-বেশ ধারণ করে বাচ্চা শয়তান পণ্ডিতের সামনে এসে দাঁড়ালো। পূর্ববৎ তাঁকে স্বর্গে নিয়ে যাবার প্রস্তাব জানালো।

পণ্ডিত তখন রকে বসে বদনা থেকে জল ঢেলে মুখ ধুচ্ছিলেন।

ভুললে চলবে না, ইনি পণ্ডিত। শরীরে স্বর্গে যাওয়ার প্রস্তাব শুনেই তাঁর চড়াকসে মনে পড়ে গেল ইতিপূর্বে কে কে আল্লার সমীপবর্তী হওয়ার সৌভাগ্য লাভ করেছেন। মুসা (Moses), ঈসা (যীশু), হজরৎ পয়গম্বর—বাস্।

তাই পণ্ডিত উত্তমরূপেই জানতেন, তিনি এমন কিছু পুণ্যশীল মহাপুরুষ ‘প্যাকম্বর’ নন যে আল্লা তাঁকে স্বর্গে যাবার জঞ্জ ডেকে পাঠাবেন।

‘বটে রে, ব্যাটা!’ মনে মনে বললেন পণ্ডিত। ‘মস্কর করার জায়গা পাও না! আজ তোমারই একদিন, আর আমারই একদিন।’

স্বহাস্ত-আস্ত্রে মৌলবী বললেন, ‘কী আনন্দ, কী আনন্দ! স্বর্গে যাবার জঞ্জ তো আমি হামেহাল তৈরি। কিন্তু, ভদ্র, এ যুগে বড় ভেজাল চলছে। কি করে জানবো, তুমি সত্যই দেবদূত। শুনেছি দেবদূতেরা মুআজ্জিজা কেলামৎ (miracle) দেখাতে পারেন। তুমি কিছু একটা দেখাতে পারলেই আমি তোমার সঙ্গে যেতে প্রস্তুত।’

বাচ্চা শয়তান বলল, ‘আপনি কি মিরাকুল্ দেখতে চান, বলুন।’ তার মনে বড় আনন্দ, অর্ধেক কেলা ফতেহ্ করে ফেলেছে।

পণ্ডিত বললেন, ‘শুনেছি, দেবদূত অনায়াসে ক্ষুদ্র, বৃহৎ, সব আকার গ্রহণ করতে পারেন। তুমি পারো?’

‘নিশ্চয়!’

‘তাহলে তুমি ক্ষীণ কলেবর গ্রহণ করে আমার ওই বদনার নালি দিয়ে ভিতরে ঢুকতে পারো?’

বাচ্চা শয়তান উল্লাসে মনে মনে নৃত্য করছে, পণ্ডিত এর চেয়ে অল্প কঠিন কর্ম করতে ইচ্ছা জানানি নি বলে। তাকে ভো অনায়াসে তিনি আরবীস্তানের বিরাট মরুভূমি, কিংবা ইউফ্রাতেস নদী, কিংবা আকাশের স্বর্ষ বা দিবাভাগে পূর্ণচন্দ্রে হতে বলতে পারতেন।

পাছে তিনি মত পরিবর্তন করে ফেলেন, তাই সে তমুহুর্তেই পণ্ডিতের বদনার নালির ভিতর দিয়ে ঢুকে পড়লো।

যেই না ঢোকা, পণ্ডিতের আর কোনো সন্দেহ রইল না ব্যাটা বদমাশ। তিনি ভালো করেই জানেন, আল্লার আপন দূত একটা বদনাতে ঢুকতে যান না। তিনি বহুবিধ শাস্ত্র পড়েছেন, তাতে এমন মিরাকুল্, কেলামতের উল্লেখ নেই।

সঙ্গে সঙ্গে তিনি পাশের পিঁড়িটা বদনার উপর চেপে তার উপর আরো ভালো করে চেপে নিজে বসে পড়লেন এবং বদনার নালিতে ঢুকিয়ে দিয়েছেন একটা খেজুর। বেশ মোলায়েম ফল; টায়ে টায়ে বদনায় সেটে যায়।

এবং চিংকার :—

‘গিন্নী, গিন্নী! নিয়ে এসো তাড়াতাড়ি উহুনটা। ব্যাটাকে আজ সেন্দ করে হালুয়া বানাবো। ব্যাটা আমার সঙ্গে মস্করা করতে এসেছে! শা—, হা— জা—, বা—’<sup>৫</sup>

হেঁট হেঁট রৈরৈ কাণ্ড! বুড়ো শয়তান দূর থেকেই বুঝেছে বেপারটা সঙ্গীন।

সঙ্গে সঙ্গে পণ্ডিত-মৌলবীর পায়ে এসে পড়লো।

বাচ্চাটাকে বাঁচাবার জন্তু সন্ধি-আপোস করতে চায়।

সন্ধির শর্ত হল, শয়তান এবং তন্তু গোষ্ঠী ঐ মৌলবী-পণ্ডিত গোষ্ঠীর কাউকে প্রলোভিত করতে পারবে না।

\*

\*

প্রথম গল্পের সঙ্গে এ গল্পের কি সম্পর্ক?

যতক্ষণ অবধি পণ্ডিত-মৌলবী-মৌলানা-রাব্বী-ফাদার-দস্তুর সুক্সমাত্র প্র্যাকটিকাল বিষয়ে মত হবেন না, ততদিন মহাপ্রলয় আসবে না।

\*

\*

কিন্তু পাঠক, তোমার মস্তিষ্কে, হৃদয়ে যে প্রশ্ন আমরা তাই। কী দরকার সেই মহা-মহাপ্রলয় ঠেকিয়ে? যেখানে পৌঁচেছি, চাল নেই, তেল নেই, মাছ নেই—

২।১০।৬৫

৫ পণ্ডিত মাত্রই কি ভারত, কি আরব সর্বত্র আমাদের আজকের দিনের বিচারে বড় অল্লীল গালাগাল দেন। ‘তোমার সঙ্গে আলোচনা বন্ধ্যাগমন’ আমাকে একাধিক পণ্ডিত বলেছেন। আমি তখন শান্তিপুরে নব্যন্যায় শিক্ষার ‘বন্ধ্যাগমন’ করছি। দোষ আমারই, তাঁদের নয়। কাইরোতেও একই অবস্থা।

## আলবের্ট শ্বোয়াইৎসার

“আজিকে একেলা বসি শোকের প্রদোষ-অন্ধকারে,  
মৃত্যুতরঙ্গিনীধারা-মুখরিত ভাঙনের ধারে  
তোমাতে শুধাই,—আজি বাধা কি গো ঘুচিল চোখের  
হৃন্দর কি ধরা দিল অনিন্দিত নন্দনলোকের  
আলোকে সম্মুখে তব,—উদয়শৈলের তলে আজি  
নবশূঁষ বন্দনায় কোথায় ভরিলে তব সাজি  
নবছন্দে, নূতন আনন্দগানে ?”

এই কবিতাটি রচিত হ'বাব পব প্রায় চাঁল্লিশ বৎসর কেটে গিয়েছে। আমার চেনা-অচেনা অনেক প্রখ্যাত পুণ্যপ্লোক জন ইহলোক ত্যাগ করেছেন, কিন্তু রবীন্দ্রনাথের এ প্রশ্নটি তাদের উদ্দেশে শুধাই নি। হয়তো ভুল হয়ে গেছে। কিন্তু আজ আর এ প্রশ্ন না শুধিয়ে থাকা গেল না।

কারণ এই মহাপুরুষ জীবনে সত্য হৃন্দর শিবের যে সাধনা করেছিলেন সেটা সর্বযুগেই বিরল। এবং তাব চেয়েও আশ্চর্য, তিনি একই পথে আজীবন সাধনা করেন নি।

আলসেসের কাইজারবের্ক অঞ্চলে ১৮ই জানুয়ারী ১৮৭৫ খৃষ্টাব্দে তাঁর জন্ম। সে অঞ্চল তখন জর্মান ছিল বলে তিনি জর্মান। ধর্মতত্ত্ব প্রটেস্ট্যান্ট বা এভানজেলিক) পড়ে তিনি চব্বিশ বছর সহপাদরূপে জঁস্বর-মাহুয়া-গিজার সেবায় নিজেকে নিয়োজিত করেন। কিন্তু বছর তিন যেতে না যেতেই খৃষ্টবর্মের মূলতত্ত্ব নিয়ে তাঁর মনে যে-সব প্রশ্নের উদয় হয় সেগুলো নিয়ে চিন্তা, গবেষণা ও সাধনা গিজার সেবায় নিযুক্ত থেকে হয় না। তাই তিনি বিখ্যাত স্ট্রাসবুর্ক বিশ্ববিদ্যালয়ে লেকচারার হয়ে কাজে যোগ দেন। এই অঞ্চল বয়সেই তিনি যে গবেষণা করেন সেটা খৃষ্টধর্মের ইতিহাসবিদদের দৃষ্টি আকর্ষণ করে। এবং সে গবেষণার প্রধান উদ্দেশ্য পাণ্ডিত্য সঞ্চয় বা পাণ্ডিত্য প্রকাশ আদৌ নয়। তাঁর প্রধান উদ্দেশ্য ছিল কি প্রকারে খৃষ্টের বাণী ও তৎপরবর্তী খৃষ্টবর্মের প্রথম উপনিবেশের এমন একটি অর্থপূর্ণ সর্বাঙ্গহৃন্দর ছবি পাওয়া যায় যেটা আজও এবং আবার নূতন করে খৃষ্টসমাজে নূতন প্রাণ, নূতন ভক্তি, চরিত্রসংগঠন ও সমাজবাস করাব জন্তু নূতন নীতি নির্মাণ করে দেবে।

এদেশে রামমোহন তাই করেছিলেন। অর্থাৎ উপনিষদের স্বর্ণযুগ পুনরায়

আলোকিত করতে চেয়েছিলেন।

সউদী আরবের রাজা ইব্ন সউদ যে-সম্প্রদায়ভুক্ত তার প্রতিষ্ঠাতা ওয়াহ-হাবও তাই করেছিলেন।

খোয়াইৎসাব্ এই সব তত্ত্বচিন্তায় ধ্যানধারণায় নিযুক্তকালীন প্রচুর সময় ব্যয় করেন সন্ধীতশ্রষ্টা য়োহান্ সেবাষ্টিয়ান্ বাথ্-এর উপর। এখানেও সেই নবাবিষ্কারের কথা। এটা সত্য যে, বহু বৎসর দু-চারিটি কেন্দ্র ভিন্ন অল্প সর্বত্র বাথ্, অনাদরে থাকার পর সন্ধীতশ্রষ্টা মেডেলজোন্ পুনরায় রসিকজ্ঞানের দৃষ্টি বাথ্-এর দিকে আকৃষ্ট করেন। এর পরেই বাথ্-এর অন্ততম প্রধান ভাষ্যকার খোয়াইৎসাব্। গির্জার অর্গেনসন্ধীত তাঁরই প্রচেষ্টা ও প্রচারের ফলে পুনরায় নবজীবন লাভ করে। ( অর্গেন ও অর্গেল এদেশের সন্ধীতকে উনবিংশ শতাব্দীতে প্রচুর প্রভাবান্বিত করে। এই নিয়েই কিঞ্চিং গবেষণা কিছুদিন পূর্বে এদেশে হয়। তাঁর অন্ততম প্রমু তখন ছিল, অর্গেনকে কেটে হারমোনিয়ামরূপে প্রবর্তিত করে জনপ্রিয় হন কি করে, এর প্রতি আকাশবাণীর এত রাগ কেন, যদিও খান আবদুল করীম খানের মত মহাপুরুষ যখন এরই সঙ্কতে গেয়েছেন? এ নিয়ে আরো আলোচনা হলে ভাল হয়। আবার ক্লতজর্জাচন্ডে শাক্‌দেবের শরণ নিচ্ছি। এবং এর সঙ্গে আরেকটি নিবেদন, ইয়োরোপীয় সন্ধীতের সঙ্গে পারচয়কামী নবীন ভারতীয় শাগরেন্দকে একাধিক ইয়োরোপীয় বাথ্ নিয়ে আরম্ভ করতে বলেন। বাথ্-এর রস পাওয়া আমাদের পক্ষে সহজতর। এ বিষয় নিয়েও তুলনাত্মক সন্ধীত-মহলে আলোচনা হওয়া উচিত। ) এমন কি বলা হয় খোয়াইৎসাব্ স্বহস্তে উক্তম অর্গেনও নিমাণ করতে শেখেন।

উপরের দুটি সাধনা—থুষ্টের জীবনানুসন্ধান ও বাথ্,—ভিন্ন তাঁর প্রধান অহুসন্ধান ছিল রাষ্ট্রবিজ্ঞানে, রাষ্ট্রচালনায়, ধর্মনীতিকে পুনরায় দৃঢ় ভূমিতে স্থাপন করা।

\*

\*

সাধনা, অধ্যয়ন, ধ্যানধারণা, বাথ্-এর ভগবদসন্ধীত এ সমস্ত নিয়ে যখন খোয়াইৎসাব্ তন্ময়, যখন তাঁর খ্যাতি জগন্নির বাইরে বহুদূরে চলে গিয়েছে, তখন এই মহাত্মা হঠাৎ একদিন ত্রিশ বৎসর বয়সে, অধ্যাপনা ছেড়ে দিয়ে ভর্তি হলেন মেডিকেল কলেজে। কারণটি সরল অথচ স্বদূরে নিহিত।

করাসী-কঙ্গ অঞ্চলে যে-সব অনাচার হয়ে গিয়েছে তার খেসারতি মেরামতি করতে হবে। কঙ্গর গভীরতম জঙ্কলে যে শত শত আফ্রিকাবাসী কুষ্ঠরোগে দিন দিন ক্ষয় হচ্ছে তাদের সেবা করতে হবে।

তার পূর্বে কিন্তু তা হলে তো চিকিৎসাশাস্ত্র অধ্যয়ন করতে হয়। ঠিক সেই জিনিসটিই সমাধান করে ১১১৩ খৃষ্টাব্দে মিশনারি ডাক্তাররূপে িনি ফরাসী-কঙ্গর দুর্গম অরণ্যের লাবারেনে-অঞ্চলে গিয়ে কুর্পরোগীদের জন্ম হাসপাতাল খুললেন। তাঁর জী দেশে নার্সের ট্রেনিং নিয়ে সেখানে সেবিকার কাজ গ্রহণ করলেন।

কিন্তু এই কঙ্গবাসী কুর্পরোগীদের অর্থসামর্থ্য কোথায়? খোয়াইংসারু আবার সর্বশ্রেষ্ঠ ওষধি, সর্বাধুনিক যন্ত্রপাতি, সর্বোত্তম সহকর্মী নিয়ে চিকিৎসা করতে যান! তার জন্ম অর্থ কোথায়?

এর পরের ইতিহাস দীর্ঘ। তাতে আছে আদর্শবাদ, নৈরাশ্র, অকন্মাৎ অযাচিত দান এবং সর্বোপবি খোয়াইংসারের অকুর্ষ বিশ্বাস: “মাহুয়ের জীবন বিধিদত্ত রহস্যাবৃত—এর প্রতি প্রত্যেকটি মাহুয়ের ভক্তি বিশ্বয় ভয় থাকা উচিত।” এই অটল বিশ্বাস নিয়ে তিনি কিছুদিন পর পর সেই দুর্গম জঙ্গল অতিক্রম করে, ইয়োরোপে এসে অত্যুৎকৃষ্ট স্বরচিত আপন অভিজ্ঞতাপূর্ণ ( বিশেষ করে অঙ্ককার-কঙ্গর ) পুস্তক প্রকাশ করে. প্রাচীন দিনের বাধ-এব সঙ্গীত বাজিয়ে অর্থোপার্জন করতেন। প্রথম যুদ্ধের সময় তাঁর কাজে বাধা পড়ে; কারণ তিনি জাতে জর্মন হয়েও বাস করছেন ফরাসী কলনিতে—কিন্তু সেটা দীর্ঘস্থায়ী হয় নি। দ্বিতীয় বিশ্বযুদ্ধের সময় তিনি এতই ভুবনবিখ্যাত যে দুই যুযুধান সৈন্যদলই তাঁর হাসপাতালকে এড়িয়ে বাঁচিয়ে যুদ্ধ করে।

কিন্তু ১১১৩ থেকে ১১১৫—এই দীর্ঘ বাহান্ন বৎসরের একনিষ্ঠ সাধনা তো ক্ষুদ্র একটি প্রবন্ধে শেষ করা যায় না। যদি কখনো সে সাধনার সিকি পরিমাণ খবরাখবর সংগ্রহ করতে পারি তবে পুনরায় চেষ্টা নেব।

### মরহুম ওস্তাদ কৈশ্বাজ খান

বিসমিল্লাতেই অতিশয় সবিনয় নিবেদন—আরজু করে রাখি, এ অধম উচ্চাঙ্গ সঙ্গীতের মারপ্যাচ বিলকুল বোঝে না, ভারত থেকে আরম্ভ করে খুর্জটিপ্রসাদ স্ক

২ খোয়াইংসারু ভারতীয় চিন্তাধারা সম্বন্ধে ১১৩৫ নাঙ্গে Die Weltanschauung der indischen Denker নামক একখানা বই লেখেন। এ বই সম্বন্ধেও অনেক-কিছু বলার আছে। আমি বহু বৎসর পূর্বে পড়েছি। সেখানি ফের পেলে কিছু লেখার দুরাশা আছে।

যে সব গুণীজ্ঞানী সঙ্গীতশাস্ত্র নির্মাণ করে গেছেন তাঁদের প্রতি আমার অগাধ ভক্তি, কিন্তু তাঁদের বর্ণিত রাগরাগিণীর পুত্রকন্যা গোষ্ঠীকুটুম কে যে কোন্ মেলে পঙ্কন, কিছুতেই মনে রাখতে পারি নে। শুধু তাই নয়, সবচেয়ে মারাত্মক তত্ত্ব, আমি পূর্ণ একটি বছর রেওয়াজ করেও তবলার গভীরে কেন—কানি পর্যন্ত পৌঁছতে না পেরে নিরাশ হয়ে সাধনাটি ছেড়ে দি, অতি চুঃখে অতি অনিচ্ছায়। অবশ্য নিতান্ত সত্যের অপলাপ হবে—তাই এটাও ক্ষীণ কণ্ঠে বলে রাখি, ক্রমতের রেওয়াজ করতে গিয়ে আমার হাতের কড়াতে আর্ডারাইটিস হয়।

দ্বিতীয়ত, এ ক্ষুদ্র রচনাটি মজলিস-রোশন সমঝদারদের জন্ম নয়, নয়, নয়। আমি খান সাহেবকে পেয়েছিলুম মানুষ হিসাবে, বন্ধু হিসাবে। তিনি আমাকে মুগ্ধ করেছিলেন, সম্বোধিত করেছিলেন তাঁর মধুর ব্যক্তিত্ব দিয়ে—যদিও তিনি খুব ভালো করেই জানতেন, আমি তাঁর জয়-জয়ন্তীতে যত না রস পাই, তার চেয়ে বেশী পাই তাঁর কাফি হোলিতে।

তাই দয়া করে মেনে নিন, এ লেখাটি সাধারণ পাঁচজনের জন্ম, যারা যুগধর্মী শ্রষ্টাদের দৈনন্দিন জীবন, তাঁদের সুখ-চুঃখ, মান-অভিমান সম্বন্ধে জানতে চায় মাত্র—কারণ তারা আমারই মত স্বরকানা, তালকানা হওয়া সত্ত্বেও গান শুনতে ভালোবাসে এবং যেহেতু সঙ্গীতের গভীরে পৌঁছতে পারে না, তাই শ্রষ্টাদের জীবনটা, তাঁদের চালচলন, ওঠনবৈঠন নিয়েই সন্তুষ্ট। অশুখামার সঙ্গে আমাদের তুলনা করুন, আমাদের কোনো আপত্তি নেই।

১৯৩৫ সালে, এই সময়ে, আজ হতে ঠিক ত্রিশ বৎসর আগে এ-অধম বরদা শহরে চাকরি নিয়ে পৌঁছয় এবং স্টেট্ গেস্ট্ হাউসে অতিথিরূপে স্থান পায়। মহারাজা স্বর্গত সয়াজীরাওয়ার সঙ্গে দেখা শেষ হওয়া মাত্রই আমার মনে যে আদম্য বাসনা জাগলো সেটা নিতান্ত স্বাভাবিক।

ওস্তাদের ওস্তাদ রাজাশুগ্রহপ্রাপ্ত শ্রীযুত ফৈয়াজ খান বাস করেন এই বরদা শহরেই। তাঁর কণ্ঠসঙ্গীত শুনতে না পেলে এই চিনিয়াতে জন্মানুমই বা কেন, আর এই বরদা শহরে এলুমই বা কেন? তার চেয়ে বাঁ-হাতের তেলোতে জল নিয়ে সেটাতে ডুবে আত্মহত্যা করলেই হয়।

খবর নিয়ে শুনতে পেলুম, তাঁর বাড়িতে রোজ সন্ধ্যায় মহ্ ফিল-জলসা বসে, আর প্রায় প্রতি সকালে শাগরেদান সহ রেওয়াজ।

ইতিমধ্যে একটি অভিশয় অজানা-অচেনা বঙ্গসন্তানের সঙ্গে আলাপ হল। তার নাম বলবো না, কারণ ছেলেটি এখনো বড় লাজুক। তবে সে যদি চিঠি লিখে আপত্তি না জানায় তবে অল্প সুবাদে তার নাম প্রকাশ করে দেব। উপস্থিত



ধরে নিন, তার নাম পরিতোষ চৌধুরী। ওস্তাদের শিষ্য—অবশ্য ন'সিকে পাকা কথা বলতে হলে, ওস্তাদের বড় ভাইয়ের কাছেই সে রেওয়াজ করে বেশী। কারণ একাধিক সমঝদার আমাকে বলেছেন—আমার টুটি চেপে ধরবেন না।—যে যদিও দাদাটি নিজে সভাস্থলে গাইতেন না, তবু সঙ্গীতশাস্ত্র তিনি জানতেন ওস্তাদ ফৈয়াজের চেয়ে বেশী। তাঁরাই বলেছেন, ওস্তাদ তাই শাগরেদদের কণ্ঠ স্বর স্থূললিত গম্ভীর মধুর করার ভার নিতেন নিজে—অহা 'কাজে'র জ্ঞান ভিড়িয়ে দিতেন দাদার কাছে, বিশেষ কবে অচলিত, প্রায়-লুপ্ত বাগরাগিণীতে যাদের দিল্‌চসপী- শব্দ অত্যধিক।

চৌধুরী তার গুলু খান সাহেবকে কি বলেছিল জানি নে, এক রবিবার সকালে তিনি সশরীরে আমার ডেরায় এসে উপস্থিত। আমি হতভম্ব। কোথায় তাঁকে বসাবো, কী আপায়ন করবো, আমার মাথায় কিছুই খেলছে না। মহারাজ সয়াজীরাও এলেও আমি এতখানি গর্ব এবং নিজেকে এত গুরুত্বায় অহুভব করতুম না।

আর ওস্তাদ—বিশ্বাস করবেন না—বার বার শুণু আমার হাত ছুঁখানা ধরে নিজের বুক চেপে ধরেন। তিনি আমার চেয়েও বে-এক্‌জয়ার! ছাব বার বার দরবারী (কানাড়া নয়!) কায়দায় আমাকে নির্দেশ করেন।

বহুদিন ধরে সে বেইমান পানগুলো খুঁজেছি যে আমায় দশমনী কবে তাঁকে বলেছিল, আমি গুরুত্বের ছেলে এবং মুসলিম বিশ্বের জ্ঞান-বিজ্ঞান কেন্দ্রভূমি কাইরোতে এ্যাসন্ মুসলিমশাস্ত্র অধ্যয়ন করেছি যে স্বয়ং মহারাজা আমাকে সেখান থেকে বরদা রাজ্যে নিয়ে এসেছেন।

আমি আদৌ অস্বীকার করছি নে আমি গুরুবংশের ছেলে, এ ভারতে সে রকম শতলক্ষ আছে। কিন্তু তার চেয়ে আমার গুরুতর আপত্তি, আমার ক' পুরুষ পূর্বে কে যে শেষ-গুরু হয়ে গেছেন, সেটাও প্রত্নতত্ত্বের বিষয়। এবং আমার সর্বাপেক্ষা মারাত্মক আপত্তি: কাইরোতে আমি যেটুকু আবাবা শিখেছি সেটি আমি আপনাকে ছ' মাসে শিখিয়ে দিতে পারি।

এ বিগয়টা আমি উল্লেখ করলুম কেন? এই যে গানেব রাজার রাজা, এই কৈয়াজ খান কী অদ্ভুত সরল ছিলেন সেটা বোঝাবার জ্ঞান। পরে আমি চিন্তা করে বুঝেছি, তিনি সঙ্গীতের সর্বোচ্চ শিখরে উঠে গিয়েছিলেন বলে সরল বিশ্বাসে ভাবতেন, সয়াজীরাও যখন আমাকে খাতির করেন তখন আমিও নিশ্চয়ই আমার শাস্ত্রের সর্বোচ্চ শিখরে। তাঁর সঙ্গীতজ্ঞানের জ্ঞান তিনি যখন রাজবল্লভ হয়েছেন, তখন আমিও তাই। একই লজিক।

এর পর কতবার আমাদের দেখাশোনা হয়েছে—গানের মজলিস-মহ্‌ফিলের তো কথাই নেই। আমি প্রতিবার তাঁকে বোকাবার চেষ্টা করেছি, 'দেখুন ওস্তাদ! কত রাজা আসবে যাবে, কত শম্‌স্ উল্-উলিমা ( মহামহোপাধ্যায় ) কত পাণ্ডিত্য দেখিয়ে যাবেন—এমন কি এই যে আমাদের বরদার দেওয়ান সাহেব, যার হাছাই-তাছাইয়ের অস্ত নেই—তিনিও চলে যাবেন এবং সঙ্গে সঙ্গে আরেক দেওয়ান এসে উপস্থিত হবেন, কিন্তু আপনার মত লোক আবার কবে আসবে কে জানে? আমি বৈচে থাকলে আরো রাজা দেখব, আরো দেওয়ান দেখব, কিন্তু আপনার মত কাকে পাবো?'

আর কী স্মদর্শন পুরুষ ছিলেন তিনি! চেহারা রং গোঁপ সব মিলিয়ে তিনি যেন তাঁরই গানের '( বন্দে ) নন্দকুমারম্'—শুধু নন্দকুমার ছিলেন শ্রাম, আর ইনি গোরচাঁদ।

আমাকে শুধোলেন, 'কবে এসে একটু গান—'

আমি বাধা দিয়ে বললুম, 'তওবা, তওবা। আপনি আসবেন এখানে। আমি যাবো যে কোনো সন্ধ্যায়, আপনার ইজাজৎ পেলেই।'

তিনি কিছুতেই রাজী হলেন না।

কতবার তিনি সন্ধ্যে সাতটায় এসে ভোর পাঁচটায় উঠেছেন। আমাকে কতবার তিনি বেহেশৎ দেখিয়েছেন। তাঁর ওকাতের ( মৃত্যুর ) পর আর কেউ দেখায় নি।

বিশ্বাস করবেন না, আমি নন্দকুমার গানটি ভালোবাসি জেনে একদিন তিনি আমাকে—আবার বলছি আমার মত অতি-সাধারণ শ্রোতাকে—পুরো দেড় ঘণ্টা ধরে ঐ গানটি শুনিয়েছিলেন।

কিন্তু কত লিখব! আমার স্মৃতির কত বড় অংশ জুড়ে এখনো তিনি বিরাজ করছেন।

তাই একটি ছোট্ট ঘটনার উল্লেখ করে শেষ করি।

একটি বরদাগত বাঙালী মহিলার অহুরোধে আমার বাড়িতে মহ্‌ফিল বসেছে। ওস্তাদ সেদিন বড় মৌজে।

হুপুরে বরদায় ১১৪ ডিগ্রী গরম পড়েছিল। রাতহুপুরেও অসহ্য গরম, বর্ষা নামতে তখনো হুঁমাস বাকি। ওস্তাদ অনেক-কিছু গাওয়ার পর শুধোলেন, 'আদেশ করুন, কি গাইব।' সেই মহিলাটি অনেক চাপাচাপির পর ক্ষীণ কণ্ঠে অহুরোধ জানালেন, 'মেঘমল্লার।'

ওস্তাদ সঙ্গে সঙ্গে গান ধরলেন।

যেন তিনি তাঁর সমস্ত সাধনা, সমস্ত ঘরানা ( হয়তো ভুল হল, কারণ 'রঙিলা' ঘরানা মেঘমল্লারের প্রতি কোনো বিশেষ দিল্চস্পী ধরেন কিনা আমার জানা নেই ), সমস্ত স্বজনীশক্তি, বিবিদস্ত গুরুদত্ত সর্বকলাকৌশল সেই সঙ্গীত সম্বোধন ইন্দ্রজালে ঢেলে দিলেন। আমরা নির্বাক নিম্পন্দ হয়ে যেন সর্ব লোমকণ দিয়ে সে মাধুরী শোষণ করছি।

এমন সময় বাইরে নামল কয়েক ফোঁটা বৃষ্টি!

মহাকিলে হলখুল পড়ে গেল। কে কি ভাবে ওস্তাদকে অভিনন্দন জানিয়েছিল, কে স্নহমাত্র কুমড়ো-গড়াগড়ি দিয়েছিল, কে ওস্তাদের দিকে নিম্পলক দৃষ্টিতে তাকিয়েছিল মাত্র—এ সবের বর্ণনা দেওয়ার শক্তি আমার নেই। অলৌকিক ঘটনার বর্ণনা তো শুধু তিনিই দিতে পারেন যার লেখনীতে অলৌকিক শক্তি আছে।

অগ্ন দিন ওস্তাদ আমাদের অভিনন্দন, প্রশংসাবাদ, মরহাবা যতখানি খুঁকে খুঁকে সেলাম জানিয়ে গ্রহণ করতেন, আজ তিনি সেরকম করলেন না। দু-একবার সেলাম জানিয়ে গালে হাত দিয়ে চূপ করে বসে রইলেন। আমার একটু আশ্চর্য লাগলো।

অবশ্য তার পরও তিনি গেয়েছিলেন ভোর অবধি।

শেষ ভৈরবী গেয়ে তিনি আমার কাছ থেকে বিদায় নিতে এলেন। আমি বললুম, 'ওস্তাদ, বড় ক্লাস্ত হয়ে পড়েছেন; একটু বিশ্রাম নেবার জগ্ন বহুন।'

অনেকক্ষণ চূপ করে বসে থাকার পর যে কী বিমগ্নতা মুখে যেখে আমার দিকে তাকালেন তার অর্থ আমি কিছুই বুঝতে পারলুম না। করুণ কণ্ঠে বললেন, 'আচ্ছা, সৈয়দ সাহেব, লোকে আমাকে এরকম লজ্জা দেয় কেন বদন তো? আমি কি গান গেয়ে বৃষ্টি নামাতে পারি?'

আমি ক্ষণমাত্র চিন্তা না করে বললুম, 'সে জানেন আল্লা। আমি শুধু জানি, অন্তত আজ রাতে তিনি আপনার সম্মান রাখতে চেয়েছিলেন।'

২।১০।৬৫

**'পঞ্চাশ বছর ধরে করেছি সাধনা।'**

**'কটা ভাষা?' 'হা কপাল! বাঙলাই হল মা।'**

প্রথমেই নিবেদন জানাই, আকাশবাণীর বিরুদ্ধে আমার ব্যক্তিগত কোনো ফরিয়াদ নেই। কেন নেই, যখন চৌদ্দআনা পরিমাণ লোকের আছে এ-সব তর্কের ভিতর

আমি ঢুকতে নারাজ। বিশেষত যখন খুব ভালো করেই জানি, এই বিশ্ব-সংসারটা রিফর্ম করার গুরুভার আল্লা-তালা আমার স্বন্ধে চাপানি। আমি শুধু আজ আকাশবাণী বাবদে একটি কাহিনী নিবেদন করবো। শোনা গল্প। সত্য না-ও হতে পারে। তবে ক্যারেকটরিষ্টিক—অর্থাৎ গল্পটি শুনেই চট করে চোখের সামনে ভেসে ওঠে আকাশবাণীব একটি বিশেষ স্ক্রুলাঙ্কের ছবি।

‘স্বনন্দ’ রাগে বিতৃষ্ণায় বিকৃত কণ্ঠে তাঁর জর্নালে ইন্টারভ্যু নামক প্রতিষ্ঠানটির ব্যঙ্গ করেছেন। হায় রে কপাল! তিনি কখনো ইন্টারভ্যুর রাজার রাজা ‘অডিশনিং’ নামক খাটাশটির দাঁত ভ্যাংচানি দেখেছেন—ঈভন ফ্রম এ ভেরি লগ্ড সেফ ডিসটেঞ্চ? তা হলে বুঝতেন ঠ্যালা ঝারে কয়। আমি স্বয়ং একাধিক ‘অডিশনিং’ বোর্ডের বড়কর্তা ছিলাম বেশ কিছুকাল ধরে। আমার জানার কথা! কিন্তু আমি এ স্খ্বাদে সম্পূর্ণ অগ্র ধরনের একটি কাহিনী কীর্তন করবো।

একদা ‘গ্রামে গ্রামে এই বার্তা রটি গেল’ যবে যে, কী বড় কী ছোট তাবৎ সঙ্গীতকাররা পরীক্ষা (এরই ‘ভদ্র’ নাম অডিশনিং) দিয়ে তবে গান গাইবার প্রোগ্রাম পাবেন, তখন পরীক্ষকদেরই একজন আপত্তি তুলে বললেন, ‘বাজারে ষাঁদের গ্রামোফোন রেকর্ড রয়েছে, এবং/কিংবা স্টুডিও-রেকর্ড রয়েছে তাঁদের আবার অডিশনিং-এর কি প্রয়োজন? ষাঁদের নেই তাঁদের কথা খালাদ।’ কিন্তু তখনকার দিনের আকাশবাণী রাঙাধিরাজ স্বাধিকারমত্ত। মোক্কা যখন পেয়েছেন তখন ছাড়বেন কেন?

তখন ধরুন, এই লখনৌ শহরে ছোট বড় তাবৎ গায়ওয়াইয়া বাজানেওলারা একজোটে স্থির করলেন, তাঁরা পরীক্ষা দেবেন না। তাঁদের আপত্তি, যারা পরীক্ষা নেবে তারাই বা সঙ্গীত-জগতের কী এমন বাঘ-সিঁড়ি?

আবার বলছি, এটা গল্প।

অবস্থা যখন চরমে, তখন দুনিয়ার হালচাল বাবদে সম্পূর্ণ বেখেয়াল, লখনৌয়ের সবচেয়ে বড় ওস্তাদ একদিন ভোরবেলা শিষ্ণু-সমাবৃত হয়ে রেওয়াজ করতে করতে হঠাৎ শুধোলেন, ‘হ্যাঁ মিয়া, “অডিশনিং অডিশনিং” চারো তরফ লোগ শোরগোল মচা রহে হৈ, সো ক্যা ব্লা?’ (পাঠক, আমার উর্জ্জান সঞ্চিত হয়েছে কলকাতার পানওয়ালাদের দোকান থেকে—অপরাধ নিয়ো না, বরায়ে মেহেরবানী!) মোক্কা কথা তিনি জানতে চাইলেন, চতুর্দিকে যে এই অডিশনিং অডিশনিং রব উঠেছে, সেটা আবার কি বলাই (আপদ, গেরো)।

শিল্পেরা প্রাঞ্জল ভাষায় সে ‘বলাইয়ের’ জন্ম, বয়োবৃদ্ধি ও বর্তমান পরিস্থিতি

গুরুকে বুঝিয়ে দিলেন, এবং তাঁদের কেউই যে এই অপমানকর প্রতিষ্ঠানের সম্মুখীন হবেন না সেটাও জানিয়ে দিলেন।

গুরু তাজ্জব মেনে বললেন, ‘সে কি ? ইম্‌তিহান-পরীক্ষা দিতে তোমাদের কি আপত্তি ? ভেবে দেখো আমি যখন বিরাট জলসায় গান ধরি তখন কি শেষ কাতাবের পানওয়ালাটা পর্যন্ত আমার পরীক্ষা আরম্ভ করে দিয়ে ভাবে না, আমি রসস্বষ্ট করতে পারবো কি না, তার দিল ভিজিয়ে নরম করতে পারবো কি না ? সোজা কথায় বলতে গেলে, মহ্‌ফিলের সবাই প্রতিবারেরই আমার পরীক্ষা নেয়। হাঁ, আল্‌বক্তা, তারা না বলে পরীক্ষা নেয়, এরা বলে কয়ে নিচ্ছে। তাতে কীই বা এমন ফারাক ?’

শিয়েরা অচল অটল।

ওস্তাদ হেসে বললেন, ‘মৈঁ তো জাউংগা জরুর !’

শিয়েরা বজ্রাহত। আর্তরব ছেড়ে পাঞ্জাবী, যুক্তপ্রদেশী, বাঙালী, হিন্দু, মুসলমান তাবৎ শাগরেদ আর্জু করলে, ‘আমরা যাচ্ছি নে ঐ সব পী—দের সামনে পরীক্ষা দিতে, আর আপনি যাবেন হজুর ?’

হজুর বললেন, ‘য়েকীনান্— নিশ্চয়ই।’

শিয়েরা তখন ‘ফারাম’ (form)-এর ভয় দেখালে। তাতে মেলা অভদ্র প্রপ্ন আছে। ওস্তাদ বললেন, ‘সে তো আদমশুমারীর সময়ও আমার বুড়টা বাবাকে শুধিয়েছিল, তিনি অশ্রু কোনো পন্থায় কিছু আমদানি করেন কি না ? ওসব বাদ দাও। ফাবাম ভর দো।’

\*

\*

অডিশনিং-এর দিন টাঙা চড়ে গুরু চললেন, স্টুডিয়োর দিকে। সঙ্গে মাত্র একটা চেলা। বাকি চেলারা চালাকি করে আকাশবাণীকে জানায় নি যে তাঁদের ওস্তাদ অডিশনিঙে আসছেন—ওদের শেষ ভরসা এপয়েন্টমেন্ট নেই বলে শেষ-মেগ যদি সবকুছ বরবাদ-ভুলুল হয়ে যায়। অবশ্য এ-কথাও ঠিক, ওস্তাদ ওদের পরীক্ষা দেবার জন্ত হুকুম দেন নি। নইলে ওরা নিশ্চয়ই অমান্ত্র করতো না।

লখনৌয়ের—কথার কথা বলছি—আকাশবাণী সেদিন কারবালার ময়দানের মত খাঁ-খাঁ করছে। এমন সময় নামলেন গুরু টাঙা থেকে।

আকাশবাণীর ‘চ্যাংড়াদের’ যত দোষ দিন, দিন—প্রাণভরে দিন, কিন্তু একথা কখনো বলবেন না, এরা ওস্তাদের সম্মান করে না। আমার চোখের সামনে কত বার দেখেছি, প্রোগ্রাম-এসিস্টেন্ট কুলীনশ্রু কুলীন ব্রাঞ্চসন্ধান কী রকম মুসলমান গুরুর পায়ের কাছে কুমড়ো-গড়াগড়ি দিচ্ছে, মুসলমান পীরের ছেলে হিন্দু

গুরুর পায়ে ধরে বসে আছে। এঁদের অসম্মান করে—অবশ্য সেটা ওদেরই রুচির অভাব—ওপরওলারা যারা সঙ্গীত বাবতে দীর্ঘকর্ণ।<sup>১</sup>

ছোকরা কর্মচারীরা তো তনুহুতেই ওস্তাদকে তাদের চোখের পাতার উপর তুলে নিয়ে চুকিয়ে দিলো অডিশনিং রুমে—যেখানে ‘পরীক্ষকরা’ বেকার উকীলদের মত অহুপস্থিত মাছি মারছিলেন আর নিফল আক্রোশে আর্টিফিশেল দাঁতে দাঁতে কিড়মিড় খাচ্ছিলেন।

ওস্তাদকে দেখে তাঁরা স্তম্ভিত। এ কী কাণ্ড! যে-সব আনাড়ী ছোকরা গাওয়াইয়ারা দিনকে দিন বেতারকেন্দ্রের ছারপোকা-ভর্তি বেঞ্চিতে বসে দশ রুপেয়ার প্রোগ্রামের জন্তু ধরা দেয় তারা পর্যন্ত আসে নি অডিশনিঙে—আর এই ওস্তাদের ওস্তাদ লখনোয়ের ফুৎব্‌মিনার, তানসেনের দশমাবতার তিনি এসে গেছেন—এ যে অবিদ্বান, বিলকুল গয়ের মুম্বিন্‌ তিলিস্‌মাং।

একথা অনস্বীকার্য তাঁরা ওস্তাদকে প্রচুরাধিক ইজ্জৎ দেখিয়ে ইস্তিক্বাল (অভ্যর্থনা) জানালেন, সর্বোত্তম তাকিয়াটি তাঁর পিছনে চালান দিলেন। ওস্তাদের মুখ যথারীতি পানে ভর্তি ছিল। একটি ছোকরা ছুটে গিয়ে ওগলদান্

১ প্যারিসে একবার একটি উৎকৃষ্ট সঙ্গীতাহুঠান কর্তাদেব নেকনজর পায় নি শুনে ভলতেয়ার সেই সঙ্গীতশ্রষ্টাকে একটি চৌপদী লিখে সাংসনা জানান, ‘হায়, বড়লোকদের যে কানও বড় হয়’ (অর্থাৎ গাধা)। আমি ব্যক্তিগতভাবে একটি উদাহরণ জানি। গুণী, ওস্তাদ রবিশঙ্কর তখন দিল্লি-আকাশবাণীর সঙ্গীতাদিনায়ক। গান্ধীর জন্মদিনে সেক্রেটারি তাঁকে ডেকে ছুঁম দেন, ঐ উপলক্ষে তিনি গান্ধীর তাবৎ জীবনী—দক্ষিণ-আফ্রিকা, ববদটল, উপবাস, সলট্-মার্চ—প্রতিফলিত করে যেন নূতন কিছু ‘কম্পোজ’ করেন। বিহ্বল, প্রায়াক্ত উদ্ভ্রাস্তদৃষ্টি রবিশঙ্কর চলেছেন করিডর দিয়ে—আমার সঙ্গে আচমকা কলিশন। সন্ধিতে এসে আমাকে দেখে করণ হাসি হেসে তাবৎ বাৎ বয়ান করে শুধোলেন, ‘এ কখনো হয়?’ আমি বললুম, ‘আপনি যখন বাজান তখন আমার মত সঙ্গীতে আনাড়ীরও মনে হয়, আপনার পক্ষে কিছুই অসম্ভব নয়। তবে কি না—হেঁ, হেঁ—সেক্রেটারি বোধ হয় বিলিভী সিমফনি, পাস্তোরাল-টাস্তোরাল বই পড়ে (শুনে নয়) আমেজ করছেন, এ দেশেই বা হবে না কেন?’ রবি শুধোলেন, ‘করি কি?’ আমি সবিনয়ে বললুম, ‘একটা বাবদে আমার মত আকাটও একটা সজেশন দিতে পারে।’ ‘কি কি?’ ‘ঐ সলট্-মার্চের জায়গায় এসে আপনি যন্ত্রের তারগুলোতে করকচ-ছুন মাথিয়ে নেবেন।’

( পিঞ্চদান ) নিয়ে এসে সামনে ধরলো ।

কেউ কিছু বলার পূর্বেই ওস্তাদ বললেন, ‘সব যব্ জম্গয়ে তব কুছ হো জায়—’ অর্থাৎ সঙ্গীতামোদীরা যখন একজোট হয়ে গিয়েছি তখন হোক কিঞ্চিৎ গাওনা-বাজনা ! সবাই স্বস্তির নিশ্বাস ফেললেন । নইলে কে তাঁকে সাহস করে পরীক্ষা দিতে বলতো ? ওস্তাদ সবিনয় শুধোলেন, ‘কি গাইবো ?’ তারদ্বয়ে চিৎকার উঠলো, ‘সে কি, সে কি ? গজব কী বাৎ ! আপনার যা খুশী !’ ( সাধারণ পরীক্ষার্থী জানে, এদের মামুলী পেশা বিংকুটে, অচেনা রাগ বৎখৎ তালে গাইবার আদেশ দেওয়া । )

ইতিমধ্যে বেতারকেন্দ্রের যে পয়লা-নম্বরী সারেকীওয়ালা ও ওস্তাদ তবলচী অভিশনিং বয়কট করে কেদ্দিনে চা খাচ্ছিল তারা টাটু, ঘোড়ার মত ছুটে এসেছে সঙ্কত দিতে—কর্তারা এদের অভাবে যে দুটি আকাট যোগাড় করেছিলেন, তারা বহু পূর্বেই গা-ঢাকা দিয়েছে ।

ওস্তাদ ধরলেন তোড়ি । আলাপের সময় প্রত্যেকটি ধ্বনি যেন বকুলগাছ থেকে এক একটি ফুল হয়ে এদিক ওদিক ছিটকে পড়তে লাগলো । যখন তালে এলেন তখন যেন ফুল নিয়ে সাতলহরা মালা গাঁথতে লাগলেন, প্রিয়্যার কুস্তলদামে পরাবেন বলে ।

আর সমস্তক্ষণ মুখে কী খুশীর ছটা ! জান্টা যেন ফুঁতিতে ভরপুর ! ক্ষণে সারেকীওয়ার দিকে মুখ বাড়িয়ে তার বাজনার তারিফ করে বলেন, ‘ক্যা বাৎ, ক্যা বাৎ !’ ক্ষণে তবলচীর দিকে দুই হস্ত প্রসারিত করে হুকুর দেন, ‘শাবাশ, শাবাশ, আফরীন, আফরীন !’ যেন ওরাই সব জমিয়ে চলছে ! ঠর কোন কৃতিত্ব নেই !

গান থামলো । আনন্দে বিস্ময়ে সবাই এমনই স্তম্ভিত যে পুরো এক মিনিট পরে হর্ষধ্বনি ও সাধুবাদ রব উঠলো ।

ইতিমধ্যে ‘পরীক্ষক’দের একজন ওস্তাদের সঙ্গী ছোকরা শাকরেরদের কাছ থেকে অগ্র সকলের অজ্ঞানতে সেই ‘ফারাম্’খানা চেয়ে নিয়েছে । ঠ্রটেতে পাস না ফেল, কোন হারে দক্ষিণা বেঁধে দিতে হবে সে-সব লিখে দিতে হয় ।

হঠাৎ তার চোখে পড়লো, যেখানে প্রশ্ন, ‘আপনি কোন্ কোন্ রাগ-রাগিণী জানেন ?’ তার উত্তরে লেখা মাত্র একটি শব্দ : ‘তোড়ি’ ।

বিস্ময় ! বিস্ময় !! এ কখনো হয় !!! পবনশ্রুত কীচা গাওয়াইয়াও তো লিখতো ডজন দুই । ওস্তাদ জানেন কত শত, এ তো রসজ্ঞদেরও করনার বাইরে ।

অতিশয় বতরিবৎ এবং প্রচুর মাক চেয়ে সেই ‘পরীক্ষক’টি বৃদ্ধ ওস্তাদকে শুধোলেন—অল্প অবিখ্যাসের স্মিতহাসি হেসে, ‘ওস্তাদ, এ কখনো হয় যে, আপনি একমাত্র তোড়ি ছাড়া আর কিছুই জানেন না?’

সকলের মুখেই প্রসন্ন মুহু হাস্ত। সারেক্বী-তবলা মাথা নিচু করে জাজিমের দিকে তাকিয়ে।

যে কোনো বিঘ্নোতেই তোমাব যদি অভিমান থাকে তবে, পণ্ডিত পাঠক, এই বেলা তুমি কান পেতে শোনো,—আমাব জীবনে তাঁর উত্তবটি নির্বিড়ঘন আঁধারে ধ্রুবতাবাব মত জলে—তিনি কি উত্তব দিলেন।

ঠেণ্ডী মাস লে কর দাঘনিখ্যাস ফেলে ওস্তাদ বললেন, ‘পচাশ সালশে তোড়ি গা রহাছ’—অভী ঠিক তব্হসে নহী নিকলতী।’

অর্থাৎ পঞ্চাশ বছর ধরে তোড়ি গাইছি। এখনও ঠিকমত বেবয় না। অগ্র রাগ-রাগিণীর কথা কেন বৃথা শুধোও ॥

১৬।১০।১৫

### ইণ্টারভ্যু

‘ইণ্টারভ্যু’ নামক চবম বেইজ্তাব মস্কবা যে কত নব নব কপে প্রকাশিত হয় তাব বণনা আবেক দিন দেব। ‘দেশে’ এই মর্মে একাধিক চিঠি পেরিয়েছে, এবং আগে-ভাগে কাকে চাকরি দেওয়া হবে সেটা ঠিক কবে নিয়ে যে চোট্টামীর ইণ্টারভ্যু-প্রহসন কথা হয় তাবও বণনা এ-চিঠিগুলোতে ও আমাব সত্বথের মূল প্রবন্ধে আছে। ৩.১ এ বাবদে শেষ কথা বলেছে আমার এক তুখোড় তালেবব ভাগিনা। ভাঙর নোকবি করে, টাউস যা গাড়ি ব্যাঙ্ক দিয়েছে তার ভিতর একপক্ষে মা সহ, তাব তিন মাসী অগ্র পক্ষে তার তিন মামী বাঁতমত বৃহ নির্মাণ করে কাশ্মীর-শিয়ালকোট-কচ্ছের রণেব<sup>১</sup> রণমোহড়া দিতে পারেন ( বলা বাহুল্য মামীরাই হাবেন, কারণ তাঁরা এসেছেন তিন ভিন্ন ভিন্ন পরিবার থেকে )। ভাগিনাটিকে প্রায়ই ইণ্টারভ্যু নিতে হয়—অর্থাৎ সিট্‌স্ অন দি রাইট্ সাইড্ অব দি টেবল্। একাদিন বেজায় উত্তেজিত হয়ে সে আমাকে একটি কর্মখালির বিজ্ঞাপন পড়ে শোনালে। তাতে ওমেদারের বয়স কত হবে, কি কি পাস থাকা

১ আমার যদুব জানা, কচ্ছবাসীবা জায়গাটার নাম কচ্ছী বা গুজরাভী বা কাঠিয়াওয়াড়ীতে বানান করে কচ্ছের ‘রণ’—‘রান’ বা ‘রাণ’ নয়।



চাই, এপেনাডক্সের দৈর্ঘ্য তার কতখানি হবে, তার পরিবারে নিদেন কটা খুন হয়ে থাকে চাই ইত্যাদি বেসিক বাৎ ছিল। ভাগিনা তারপর জরুকিত করে খানিকক্ষণ খুঁত খুঁত করে বললে, 'খাইছে! ফোভোগেরাপ্টা ছাওনের বাৎ বেসিক ভুল্যা গ্যাছে। হইডার তলায় লেখা থাগ্‌বা, "None need apply whose appearance does not resemble the above photograph" কি কন, মা'মু?' আমি আর কি বলবো? এটা করলে তো মতান্তর সাধুজনোচিত আচরণ হত। এর চেয়ে ঢের ঢের নাষ্টি (ইচ্ছে করে নাষ্টি উচ্চারণে করতে, সে উচ্চারণে যেন ঘোরাটার খোলতাই হয় বেশী যেমন 'পিশাচ' বা 'পিচাশ' না বলে সর্বোৎকৃষ্ট হয় 'পিচেশ' বললে!) উদাহরণ আমি একটা জানি।

ফার্সীর লোকটার নেওয়া হবে। আমাকে স্পেশালিস্ট হয়ে যেতে হবে। আমি বে-কছর না মঞ্জুর করে দিলুম। যদিও চাকরির বিজ্ঞাপন দেখে মনে হল না, এর ভিতরে কোনো নষ্টামী আছে। তবু, আমি এই 'জামাই ঠকানো'র—স্বন্দের ভাষায়—কিষ্কিরি-মস্করার হিস্তেদার হতে চাই নে। দু'দিন পর মৌলানা আজাদ ফোন করে জানতে চাইলেন, আমি যেতে আপত্তি করছি কেন? তখন বুঝলুম, উনিই আমার নাম স্পেশালিস্ট-রূপে প্রস্তাব করেছিলেন এবং এখন আমি সেটি গ্রহণ করতে অস্বীকৃত হচ্ছি বলে কতৃপক্ষ তাঁকে সেটা জানিয়ে ফরিয়াদ করেছেন—। মৌলানার পাণ্ডিত্যের প্রতি আমার অস্বাভাবিক শ্রদ্ধা ছিল। তাই কাচুমাচ্ হয়ে এই ইন্টারভিউ বাবদে পরীক্ষক হিসেবেই, আমার পূর্ব পূর্ব নো'রা (নাষ্টি!) তজরুবা-অভিজ্ঞতা জানালুম। দেখি, মৌলানা সমূচাহ্ গুয়াকিফ-হাল। কোনো প্রকারের তকা'তকি না কবে বললেন, 'আপনি গেলে ওরা সোজা পথে চলবে। যদি অগায় আচরণ দেখেন, আমাকে জানাবেন।' ইন্টারভিউতে যে-সব অনাচার হয় তার কোনো বিচার নেই বলে, আমি টো'বলের কি এদিকে কি ওদিকে কোনো দিকে বসতে চাই নে (পেছায় না পেলে শ্রীযুক্ত কালিদাস ভাষ্যকে শুধোন!); কিন্তু এক্ষেত্রে মৌলানা আমার কাছ থেকে অনাচার-সংবাদ পেলে যে ওদের কান মলে দেবেন সেই ভরসায় গেলুম।

আমার সঙ্গে আরেকটি স্পেশালিস্ট ছিলেন। বাকীরা পাকা মেসার। তাদের একমাত্র কামনা, কাম খতম করে বাড়ি ফেরার। বিশেষত 'লেডে'র ব্যাশার—চাকরিটা মিষ্করুলা পেল না মৃদম খান পেল সে নিয়ে তাদের 'মাতাবাতা' হবে কেন, ছাই!

তবু ভদ্রতার খাতিরে তাঁরা দু-একটি প্রশ্ন শুধালেন। সে ভারী মজা। যেমন,

‘আপনার মাদ্রাসায় ইংরিজীও পড়ানো হত?’—কথাবার্তা অবশ্য আংরেজীতেই হচ্ছে। কারণ প্রমুক্তকর্তারা ফারসী ও ফরাসীর তফাৎ জানেন না।

‘জী, হ্যাঁ।’

‘কি পড়েছেন?’

‘জী, রাস্কিনের “সিসেম অ্যাণ্ড লিলিজ”, মিলটনের “এরিয়োপেজি—”,

‘শেকস্পীয়র?’

‘জী।’

‘কি?’

‘হ্যামলেট।’

এবারে প্রমুক্তকর্তা দ্বারা উত্তেজিত হয়ে বললেন, ‘বাবা, বাবা! বেশ, বেশ। সুপ্রস্তাব!’

তার পর তিনি সোৎসাহে আরম্ভ করলেন, হ্যামলেটের আত্ম-আর্তনাদ—সলিলকি—“To be or not to be—”। তাকিয়ে আছেন কিন্তু আমার দিকে, ওমেদারের দিকে না—আমার অপরাধ? ইংরিজী খবরের কাগজেও একটা অত্যন্ত বেকার খবর বেরিয়েছে, আমার কি একটা বই কি যেন একটা প্রাইজ পেয়েছে, এবং স্বয়ং রাষ্ট্রপতি নাকি আমাকে প্রাইজটি দেবেন স্বহস্তে। আমাকেই ইম্প্রেস করা এখন তাঁর জীবনত্বের চরম কাম্য—বলা তো যায় না, এখন থেকেই যদি রীতিমত আমাকে তোয়াজ করে ইম্প্রেস করা যায় তবে তো আমি হয়তো প্রাইজ নেবার সময় কানে কানে রাষ্ট্রপতিকে বলে দেবো, ‘হুঁজুরের আঙুর সেক্রেটাৰি অনন্তভূত-পরাশরলিঙ্গম্কে এখন একটি প্রমোশন দেওয়া উচিতত্ত্ব উচিত!’ অবশ্য সেটা সেরকম মোকা নয়। কিন্তু বলা তো যায় না—যদি হয়েই যায়। নেপোলিয়ন (আজকালকার ‘জানীরা’ থাকে নাপোলেওঁ বলেন, যেন আমাদের মত সে-যুগের রাম-পণ্ডকরা খাঁটি উচ্চারণ জানতো না বলে বাংলাতে তঁদলুযায়ী সঠিক বানান লিখতে পারে নি।) বলেছেন, অসম্ভব বলে কিছুই নেই। নিশ্চয়ই তিনি জানতেন, কখন কি ভাবে কাকে লুব্রিকেট-তেলাতে হয়!

তা সে যাই হোক, আমাকে ন’সিকে ইম্প্রেস করে হকচকিয়ে দেবার পর ওমেদারের দিকে তাকিয়ে বললেন, ‘বাকিটা কও কি?’ “Or to take arms against a sea of—” বাকিটা বলে যাও তো?’

কালো চামড়ার তৈরী সর্বোৎকৃষ্ট স্প্রিং-সম্বলিত, পঞ্চাধিক ক্যুশনবিজড়িত গভীর আরাম-কেন্দ্রার তলা থেকে তিনি হাশ্বরসের তুফানে ওঠা-নাবা করতে

করতে বার বার বলেন, 'তার পর কি, go on ! ইউ সেড্ ইউভ্ রেড্ হ্যামলেট, against a sea of troubles—আরো সাহায্য করলুম তোমাকে। বাকিটা বলে যাও।' আবার তিনি সোকাতে বৃন্দাবনের রসরাজহুলভ হিন্দোল-দোলে তুলতে লাগলেন।

আমি তাঙ্কব ! বেচারী ওমেদার এসেছে ফার্সী ভাষার মেস্টারির চেষ্টায়। ঐ পাঠা, বেচারী একটুখানি ইংরিজী শিখেছিল বটে, কিন্তু সেইটেই তার ফর্ট, সেইটেই তার pièce de résistance, সেইটেই তার বলতে গেলে, কিছুই নয়—ইংরিজীর মাধ্যমে ফার্সী পড়াতে গেলে যতখানি ইংরিজী জানবার প্রয়োজন তার চেয়েও সে বেশী জানে, সেটা তো ইতিমধ্যে তার কথাবার্তাতেই প্রমাণ হয়ে গেছে। তা সে যাকগে। ওমেদার বেচারী তো যেমে-নেয়ে ঢোল। আমি তখন তার দিকে চেয়ে মুচকি হেসে বললুম, 'ওরকম নার্ভাস হবেন না। আপনি কতখানি ইংরিজী জানেন না-জানেন তার গুরুত্ব সামান্যই। ওটা আপনি ভুলে যান। এপারে চলুন ফার্সীতে। সেইটে কিন্তু আসল। ঐ যে আপনার সামনে ফার্সী বই কয়েকখানা রয়েছে তারই যে কোনো একখানা থেকে কয়েক লাইন পড়ুন—প্রথম আপন মনে চুপে চুপে, পরে আমাদের শুনিয়ে। অহুবাদ ? না, না, অহুবাদ করতে হবে না। আপনার পড়ার থেকেই তো বুঝে যাবো, আপনি ফার্সী বোঝেন কি না। আর যেটা পড়বেন তার দু-একটা শব্দ আপনার জানা না থাকলে কোনো ক্ষতি নেই। সবাই কি আর সব ফার্সী শব্দ জানে ? তা হলে হুনিয়াতে অভিধান লিখত কে, পড়ত কে ? তা সে যাক। আমার আর কোনো প্রশ্ন-ট্র্ন নেই।'

এবারে ছেলেটার—হ্যাঁ, আমার ছেলের বয়েসি—মুখে শুকনো হাসি ফুটলো ; একটুখানি ভর্সা পেয়েছে। সেই হ্যামলেটওলা লোকটিও আসলে কিন্তু মাহুষ ভালো। পাঁচটা ক্যাশন্ হুলিয়ে ঠাঠা করে হেসে উঠলেন। বললেন—তঁারই হ্যামলেটের স্বরণে—'জিস্ ডিলেড হয় নি। হা হা, হা হা।'

ছেলেটি হৃন্দর উচ্চারণে গড় গড় করে ফার্সী পড়ে গেল। কান্দীবী ব্রাহ্মণ-সস্তান ; এবং পরে দেখা গেল, আরো হিন্দু ওমেদার ছিল। ফার্সীর আবহাওয়াতে আপন ঠাকুন্দার কাছে লেখাপড়া শিখেছে। চেয়ারমেন বললেন, 'আপনি এখন যেতে পারেন।' ছেলেটি সবাইকে মুসলমানী কায়দায় সেলাম জানালে, আমার দিকে তাকিয়ে কৃতজ্ঞতার একটু শুকনো হাসি হাসতে গিয়ে থেমে গেল—কি জানি ওটা ঠিক হবে কি না, যদি ওতে করে নখর কাটা যায়। আমি মনে মনে বললুম 'মারো ঝাডু, জা নোকরি ওর উসকী ইণ্টারভু পর্।'।

উহঁ ! এটা শেষ নয়, এটা আরম্ভ মাত্র। ছেলেটির সেলামপর্ব শেষ হওয়ার পূর্বে আমার সন্ধের দ্বিতীয় স্পেশালিস্টটি বললেন, 'একটু বহ্নন'—এবং সঙ্গে সঙ্গে আপন পকেট থেকে একটি চিরকুট বের করে তার হাতে দিয়ে বললেন, 'পড়ুন।'

হায় বেচারি ক্যাণ্ডিডেট ! ভেবেছিল, তার গর্বস্বস্তনা শেষ হল। এখন এ আবার কি ফাঁসি ! বেচারী পর্চাখানির দিকে একদৃষ্টে তাকিয়ে রইল অনেকক্ষণ। স্পেশালিস্ট দশ সেকেন্ড অন্তর অন্তর গুঁতোচ্ছেন, 'পড়ুন। পড়ছেন না কেন ?' ছেলেটি হাঁচট হাঁচকর খেতে খেতে খানিকটে পড়লো। স্পেশালিস্ট বললেন, 'অনুবাদ করুন।' বাম পাঠা ! পড়ার কায়দা থেকেই তো পরিষ্কার হয়ে গেছে যে পাঠ্যবস্তু তার এলেমের বাইরে, তবে স্টাডিস্টের মত মড়ার উপর খাঁড়ার বা কেন ?

ছেলেটা নড়বড় পায়ে বেরিয়ে গেল।

আমি পর্চাটির জন্ত স্পেশালিস্টের দিকে হাত বাড়ালুম। তিনি 'কুছ নহী, কুছ নহী' বলে সেটি পকেটে পুরে নিলেন। দুসরা ক্যাণ্ডিডেট এল। এবারে হামলেটের বঙ্গল গ্রের কবিতা। সর্বশেষে আবার ঐ অভিনয় সেই পর্চা নিয়ে। আমি স্পেশালিস্টের উদ্দেশ্য মনে মনে বললুম, 'তুমি ব্যাটা খোটা মুসলমান, আশ্রা হালা বাস্তাল পাতি ল্যাড়ে ! দেখাচ্ছি তোমাকে।' এবারে ক্যাণ্ডিডেট পর্চাটি যেই কেরত দিতে যাচ্ছে অমনি, তৈরী ছিলুম বলে, আমি সেটা নিয়ে নিলুম। ওয়া ! যত পড়ি, আগা-পাক্সলা ঘুরিয়ে দেখি, ততই কোনো মানে ওংরায় না। ইতিমধ্যে আরেক ওমেদার এসে গেছে এবং চসার না পৌঁও কি যেন আরম্ভ হয়ে গিয়েছে। আমার দৃষ্ট ঐ পর্চাটির দিকে নিবন্ধ।

ইয়ান্না ! অব্ সমব্লন বা। যে হু'লাইন কবিতা ছিল সেটা অনেকটা আমাদের।

হরির উপরে হরি

হরি বসে ভায়

হরিকে দেখিয়া হরি

হরিতে লুকায় !

'হরি' শব্দের কটা মানে হয়, আমি সত্যই জানি নে—কান ছুঁয়ে বলছি। কিন্তু ছিঃ ! কারো বাংলা জ্ঞানের পরীক্ষা যদি নিভাস্তই নিতে হয় তবে এই ধরনের 'জামাই-ঠকানো' কবিতাই কি ন্যায়াতম, প্রশস্ততম ? !

কিন্তু এহ বাহ !

পরে, অন্তত আমি বুঝতে পারলুম দই খাচ্ছেন কোন্ রমাকান্ত আর বিকার

হচ্ছে কোন্ গোবন্দনের ?

জু-একটি পাকা মেঘরও হয়তো বুঝতে পেরেছিলেন ব্যাপারটা কি। লেখা-পড়ায় এক-একটি আন্ত বিচ্ছেদসাগর বলেই ঠন্দের নাসিকায় থাকে সারমেয়বিনিমিত্ত গন্ধসন্ধানী অক্ষিসন্ধি।

ক্যাণ্ডিডেটের পরে ক্যাণ্ডিডেট—কেউ ভালো, কেউ মন্দ, কেউ মাঝারি, সংসারে যা হয়—ইন্টারভ্যু স্বয়ংবরে আমাদের মত ইন্দুমতীর সামনে স্বপ্রকাশ হলেন। কিন্তু সবাই মার খেলেন, ঐ পর্চাটুকুর সামনে, ঐ চিরকুটটি সর্বাইকার ওয়াটারলু।

ইতিমধ্যে কী আশ্চর্য, কী ত্রিলিঙ্গাং—একটি ওমেদার পর্চাটি পাওয়া মাত্রই সেটি গড়গড়িয়ে পড়ে গেল, আগস্ত! যেন তার প্রিয়র আড়াইশ' নবরী প্রেমপত্র।

\*

\*

ইন্টারভ্যু শেষে লাঞ্চ। সরকারী লাঞ্চকে আমি বলি লাঞ্ছনা। অবশ্য সর্বোচ্চ মহলে নয়। সেখানে লাঞ্চের অজুহাতে আপনার জন্ম পেলেটে করে রোলস্-রয়েস্ গাড়ি আসতে পারে তত্ত্বঙ্গী পরী-পয়্ করী চালিতা। ড্রাইভারিগীটি ফাউ, থোন্ ইন্ ফর গুড মেঝার।

পালাবার চেষ্টা করার সময় ধরা পড়লুম সেই পঞ্চ-ক্যাশন-মর্দন মহাজনের হাতে। বললেন, 'হেঁ হেঁ হেঁ হেঁ, আপনাদের ঐ স্পেশালিস্টটি আপন ওমেদারকে একটু ভালো করে রিহার্সেল করালেন না কেন? ও যদি সাত বার টোক গিলতো, এগারো বার হৌঁচট খেয়ে খেয়ে চিরকুটটির কবিতা পড়তো, তবে হয় তো, আমাদেরও বিশ্বাস জন্মাতো, সে ঐ কবিতাটি ইতিপূর্বে কখনো দেখে নি।'।

## অর্থৎ অর্থৎ

একটা 'ফরেন'-ওলার কথাই বলি।

ইন্টারভ্যুতে আমিও ছিলাম। সেই ছাব্বিশ বছরের 'ফরেন'—বাঁচু ড্যাম কালা আদমী ছোকরাটা তার বাপের বয়সী ওমেদার অধ্যাপককে যা বেহায়া প্রা শুধোতে লাগলো তাতে আমি স্তম্ভিত। কারণ সেই অধ্যাপকের কিছু কিছু লেখার সঙ্গে আমার পরিচয় ছিল। এ যুগে আর কটা হিন্দু ফার্সী লিখে তারতবর্ষের সাতশ,' বছরের ইতিহাস অধ্যয়ন করে? ইনি তাঁদেরই একজন। অর্থৎ ওই

‘করেন’-পন্টক কাঁসার এক বর্ণও জানেন না। শুধু ইতিহাসের অধ্যাপক—ঠিক ইতিহাসও নয়, ইণ্ডিজির—বলেই গুণধর বোর্ডে এসেছেন, এবং যে-মোগল ইতিহাস সম্বন্ধে তিনি নিরেট আকাট, সেই সম্বন্ধে চোখাচোখা প্রশ্নবাণ ঝাড়ছেন। সেগুলো তৈরি করে নিয়ে এসেছেন গতকাল লাইব্রেরি থেকে, দু’তিনখানা মোগল ইতিহাসের ইংরেজী অম্ববাদ পড়ে—প্রধান উদ্দেশ্য, বাদবাকী মেঘরদের তাক লাগিয়ে দেওয়া। সে সব মেঘররা এসেছেন অপরাপর যুনি থেকে। কলে সে সব যুনিতে তিনি একস্টেনশন লোকচারে নিমজ্জিত হবেন, এগ্জামিনার হবেন, বহুবিধ কনকারেন্সে নিমজ্জিত হবেন, তাঁর প্রিয় ছাত্রের অধ্যাত্ত খীসিসে তাঁরা একস্টারনেল পেরীক্ষক হিসেবে ডিটো মারবেন, তিন্মো এ-বাগে তাই করবেন, গয়রহ, ইত্যাদি, এটসেটরা। কি কি প্রশ্ন শুধিয়েছিলেন, আমার ঠিক মনে নেই, তবে রেডুক্‌সিয়ো আড্ আব্ হুডুমে পরিণত করতে যদি অম্বমতি দেন তবে কাল্পনিক দু-একটি পেশ করতে পারি : ‘আকবর যখন আহমদাবাদ আক্রমণ করছিলেন তখন সাবরমতী নেয়ে হাওয়া পুব না দক্ষিণ থেকে বইছিল ?’ ‘সিলেটের শাহজলাল মসজিদে পূর্বে যে জালালী কবুতর ছিল তারা এ’ন চলে যাচ্ছে কোথায় ?’

এবং এমনই খাজা ইংরিজী উচ্চারণে যে আমি একবার দু’প্রশ্নের ফাঁকে তাঁকে কানে কানে বললুম, ‘I am glad, Oxbridge has not been able to damage your original pronunciation.’

আমি সবিনয়ে নিবেদন করছি, আমি সে অধ্যাপককে বাঁচাতে পারি নি। সেই প্রাচীন গল্প তা হলে আবার বলি। বার্নার্ড শ’র একটি নাট্য করে থিয়েটার থেকে গম্ গম্ তুলে ধরেছে, অষ্টাদের সপ্রশংস চিৎকার, ‘নাট্যলেখককে স্টেজে বেরুতে বলো, আমরা তাঁকে দেখব।’ শ’ এলেন। মিনিট পাঁচ ধরে চললো তুমুল হর্ষরব, করতালি, যাবতীয়। সবাই যখন শান্ত হলেন, এবং শ’ তাঁর ধন্যবাদ জানাবার জগ্ মুখ খুলতে যাবেন এমন সময় সর্বশেষ সস্তা গ্যালারি থেকে একটা আওয়াজ এল ‘বু ব্ ব্ ব্!’ শ’ ওই দিকে তাকিয়ে বললেন, ‘ব্রাদার, ঠিক বলেছ; এ নাট্যটা রদী। কিন্তু তোমাতে-আমাতে, মাত্র দুজনতে, এই শত শত লোকের পাগলামি ঠেকাই কি করে!’

\*

\*

তার পরই আমি বিদেশে চলে যাই। না, স্তর! Sorry, কোনো সোভিয়েট, মার্কিন, বার্লিন ডেলিগেশনে নয়। তা সে যাক্। ফিরে এসে বোম্বায়ে আমার বন্ধু প্রসাদদাস মানিকলাল গুন্ডের বাড়িতে উঠলুম। ওই অক্সব্রিজগলার কথা কি

করে উঠলো জানি নে, কারণ লেখাপড়ির ব্যাপারে আমরা charleton-ধাঙ্গা-বাজীদের নিয়ে কখনো আলোচনা করতুম না।

শুরু বললে, 'সে বড় মজার ব্যাপার। তোমার ওই ব্রাদার চৌধুরী শর্টনে: শর্টনে: উঠতে লাগলেন খ্যাতির শিখর পানে। আজ এই কলেজে, কাল অল্প য়ুনিভার্সিটিতে—আন্ত একটা হুমানের মত চড় চড় করে পদোন্নতির অশখগাছের মগ-ঢালে, ব্যেস পইত্রিশ পেরুতে না পেরুতে। ইতিমধ্যে তাঁর নিজস্ব উম্মা গ্যোবেল্‌সী শানাই তাঁর গুণের রাগ-রাগিণী বাজাতে বাজাতে এটাও জাহির করেছে যে, ওই চৌধুরী স্বচেষ্টায় করাঙ্গী, জর্মন, রুশ গয়রহ ভাবাও আয়ত্ত করে কেগেছেন।'

শুরু ফিক করে একটুখানি হেসে বললে, 'সে বড় মজার। তোমার ওই চৌধুরীর তখন এমনই আস্পন্দা বেড়ে গেছে যে, সে ছাপিয়ে দিলে বূর্নফের একটি অর্চালিত ছোট লেখার অহুবাদ ইংরিজীতে—চটি বই, ব্রশ্চার বলতে পারো। আসলে সে সেটা করেছিলো এক আনাড়ি ছোকরার সাহায্যে, যার ফরাসী জ্ঞান ছিল অত্যন্ত কাঁচা—কিন্তু ছোকরা ধাঙ্গা মারতে জানতো চৌধুরীর চেয়েও হুই বাঁও বেশী।

শুরু বললে, 'ওঃ! সে বই নিয়ে এ দেশে কী তুলকালাম, ফাঁ ফাঁর! অবশ্ব তার চোন্দ আনার উৎপত্তি চৌধুরীর গ্যোবেল্‌সী কলসী থেকে। এবং এখনো এ দেশের লোকের বিশ্বাস এ রকম অহুবাদ হয় না। মাত্র হু'একটি প্রাণী জানে যে, কি করে যেন ওই অহুবাদ প্যারিসে পৌঁছে গেলে তাদের এক পত্রিকায় বেরোয়—  
"The originality of the translator has come out with extraordinary success in those passages where he has failed to understand the original!" অবশ্ব তাতে করে চৌধুরীর রত্তিভর লোকসান হয় নি, কারণ এই ফরাসীতে লেখা সমালোচনা—তাও প্রকাশিত হয়েছে পণ্ডিতীয় কাগজে—এ দেশে পড়ে কটা লোক! তা সে যাক।

'ইতিমধ্যে এ-দেশে একটি পোলিটিশিয়ানের প্রাণ হঠাৎ ডুকরে কেঁদে উঠলো জননী ভারতের লুপ্ত ইতিহাস উদ্ধার করার জন্ত। আসলে তুমি তো জানো, এ সব নির্জলা ব্লাক্। তন্ত্রলোক চান, তিনি যেন 'কলচর'-জগতেও সম্মানিত হোন। অবশ্ব পরের হাত দিয়ে তামাক খেয়ে। সেই "পরে"রও অভাব হল না। এ অকলের শেঠীয়াদের টাকের ঠিক জায়গায় হাত বুলোতে পারলে গৌরীশঙ্করের শিখরে মরুত্থান নির্মাণের জন্তও পিল পিল করে টাকা বেরিয়ে আসে।

তারপর জানায় জানায় কুলোকুলি। তোমার এই প্যারা চৌধুরী—  
আমি বললুম, 'শট অপ্।'

'আহা, চটো কেন? তারপর সাড়ম্বর স্থাপিত হল, "জম্বুদ্বীপ-সমন্বিতাসমুদ্র—"  
যাকগে যাক্, আমার নামটা ঠিক মনে নেই, ওই "কলচর" "মলচর" নিয়ে কি  
যেন একটা প্রতিষ্ঠান, আর চৌধুরী হলেন তার "সর্বাধিকারী" "মহাস্ববির" না  
কি যেন একটা।...কিছুদিন পর—ইতিমধ্যে অবশ্য প্র্যান মাস্কিক দু-দশখানা  
ভালো-মন্দ-মাকারি "কলচরল" বই "জম্বুদ্বীপসমন্বিত—" দুচ্ছাই আবার ভুলে  
গেলুম প্রতিষ্ঠানের নামটা—বই বেরিয়েছে। সর্বাধিকারী চৌধুরী প্রতিষ্ঠানের  
কর্তাকে বোঝালেন—

(ক) ঋগ্বেদের যে সব অহুবাদ গত এবং এই শতকে ইংরিজী-বাংলা-ফরাসী-  
জর্মনে বেরিয়েছে, সেগুলো ইতিমধ্যে বিলকুল বেকার গুট অব্ ডেট হয়ে গিয়েছে,  
(খ) একটি নূতন অহুবাদ দরকার, (গ) সেটিকে সর্বাঙ্গসুন্দর করতে হলে বড় বড়  
পণ্ডিতদের সাহায্য নিতে হবে, (ঘ) এবং তাঁদের দক্ষিণ এবং ছাপা বাবদ লাগবে  
আশী হাজার টাকা।

আমি ভাজ্জব মেনে বললুম, 'কি বললে, আশী হাজার টাকা? বলো কি!'

'বিলক্ষণ! আশী হাজার টাকা! ব্যাপারটা হল গিয়ে, ওই যে প্রতিষ্ঠাতা  
পলিটিশিয়ান কলচরড্ হতে চান, তিনি শেয়ারবাজার, টেভয় টিন্ থেকে ওমরা  
ভুলো, শিবরাজপুর মেজানীজ সব বোবেন, কিন্তু—কিন্তু বড় বড় পণ্ডিতদের,  
তেজীমন্দী বাবদে বিলকুল না-ওহাকিফহাল। ঢেলে দিলেন টাকাটা। তার পর  
বেকতে লাগলো কিস্তিতে কিস্তিতে বেদের নবীন ইংরিজী অহুবাদ। যে রকম  
আমাদের হরিবাবুর বাংলা কোষ বেরিয়েছিল। উত্তম প্রস্তাব! কিন্তু, ঙ্গাদার,  
নিরবচ্ছিন্ন শাস্তি এই দক্ষ সংসারে কোথায়? হঠাৎ পুণার এক পণ্ডিত আমাদের  
কলচর-প্রতিষ্ঠাতার কাছে এসে উপস্থিত হয়ে অহুবাদের খুনিয়া খুনিয়া সব ভুল  
দেখাতে লাগলেন। যেমন মনে করো—কথার কথা কইচি, আমি তো ওখানে  
ছিলুম না—"রবিকর" অহুবাদে হয়েছেন, "শূষ যে খাজনা দেন" কিংবা "রাজকর"  
অহুবাদে হয়েছেন, "রাজা যে রশ্মি দেন"।...এ রকম বিদকুটে বরবাদ অহুবাধ  
কেন হল কিছুই বোঝা গেল না। সামান্ততম বৈদিক ভাষা যে জানে সেও তো  
এরকম ভুল করবে না। হ্যাঁ, আলবৎ, 'ক্রন্দসী' 'রোদসী' ধরনের অচলিত শব্দ

১ 'চলন্তিকা' বলেন 'সজ্জান' থেকে সেয়ানা। বড়বাবু বলেন, শ্রেনদৃষ্টি রাখে  
যে জন তার থেকে শেয়ানা, জানা।



নিম্নে সাতিশয় সাধু মতাস্তর হতে পারে, কিন্তু এ ধরনের আকাট, বর্ষর—? রহস্তটা তবে কি ?

আমিও সায় দিয়ে বললুম, ‘রহস্তটা তবে কি ?’

‘ওই কলচরকারী প্রতিষ্ঠাতা বেদবেদান্ত বাবদে বেকুব হতে পারেন, কিন্তু তিনি “ইছুরের গন্ধ পান”—শয়তানীর স্বাস পান। নইলে সাদা-কালো-গেঙ্কয়া বাজার কনটোল করছেন বুধাই। তিন দিন যেতে না যেতে স্বয়ং চৌধুরীই এসে যা বললেন তার থেকে স্পষ্ট বোঝা গেল, তিনি কি ভারতীয়, কি ফরাসী, কি ইংরেজ, কি জার্মান কোনো পণ্ডিতকেই অহুবাদ-কর্মে নিযুক্ত করেননি। তাবৎ কর্ম করিয়াছেন একটি দুঃস্থা জার্মান রমণীকে দিয়ে। সে বেচারী সংস্কৃতেরও এক বর্ণ জানে না—বেদের ভাষা মনোজের ভাষায় কহাঁ কহাঁ মুল্কে! সে শ্রেফ জার্মান পণ্ডিত গেন্টনার-কৃত কয়েক বৎসর পূর্বে প্রকাশিত বেদের অনবদ্য জার্মান অহুবাদ ইংরিজীতে অহুবাদ করে গেছে। মেয়েটি ভালো জার্মান জানে বটে, কিন্তু তার ইংরিজী কাঁচা। কিন্তু সেইটেই মূলতত্ত্ব নয়। আসল বিপদ হয়েছে, বেদের অনেক বস্তু অস্পষ্ট, রহস্তময়, স্বার্থ কেন—বহু অর্থহৃচক। সেগুলো জার্মান পণ্ডিত গেন্টনারও করেছেন সস্তর্পণে, আবছা-আবছা রেখে—যেন সাক্ষাভাষায় এ নারী তাই তার অহুবাদে—আদৌ সংস্কৃত জানে না বলে—রবিবর, রাজকর, নরকর, হাতীর কর (কথার কথা কইচি!) গুবলেট করে বসেছে। তখন পরিষ্কার হল রহস্তটা।

তত্ত্ব বিগলিতার্থ, চৌধুরী দশ-বিশজন পণ্ডিত লাগিয়ে, তাদের ত্রায়া দক্ষিণা দিয়ে অহুবাদ করান নি। মেমসাহেবকে দিয়ে কন্ঠি করিয়ে নিয়েছেন।

আরো অর্থাৎ এবং সেখানেই অর্থ, মেমসাহেবকে তিনি দিয়েছেন এক হাজার টাকা, ছাপার খরচা বাদ দিয়ে তিনি পকেটস্থ করেছেন সত্তর হাজার টাকা। হল ?

\*

\*

চৌধুরী এখন ফটুকা-বাজারে ভালো পরিসা কামায় ॥

অতাপিও সেই খেলা খেলে গোরা রায় ।

মধ্যে মধ্যে ভাগ্যবানে দেখিবারে পায় ॥

এই ‘দেশ’ পত্রিকাতেই আমার এক সতীর্থ কিছুদিন পূর্বে ‘করেন ডিক্রী’-ধারীর দস্তুর প্রতি ক্ষণতরে ঈষৎ ভ্রুকুটিকুটিল দৃষ্টি নিক্ষেপ করে মর্মঘাতীঃআপন মূল

বক্তব্যে চলে যান। হয়তো সে-স্থলে এ বিষয় নিয়ে সবিস্তর আলোচনা করার অবকাশ ছিল না, অর্থাৎ তিনি শেখ চিল্লীর মত মূল বক্তব্যের লাভ এবং ঙ্গৎ অবাস্তর বক্তব্যের ফাউ দুটোই হারাত্তে চান নি।

ওঃ! গল্পটি বোধ হয় আপনি জানেন না, কারণ শেখ চিল্লী জাতে খোঁট্টা এবং বাঙলা দেশে কখনো পদার্পণ করেন নি। যত্বপি শ্রীযুক্তা সীতা এবং শাস্তা এবং খুব সম্ভব তাঁদের অগ্রজও মিয়া শেখ চিল্লীর সঙ্গে আমাদের পরিচয় করিয়ে দেবার চেষ্টা করেছেন উপকথার মারফতে—স্বর্গত রামানন্দের পরিবার যে খোঁট্টাই দেশে বাল্যকাল কাটিয়েছেন সে কথা আগে জানা না থাকলেও তাঁর শতবার্ষিকী উপলক্ষে লিখিত প্রবন্ধাদি পড়ে বহু বাঙালীই জেনে গিয়েছেন। কিন্তু এস্থলে আমার যে গল্পটি স্মরণে এল সেটি বোধ হয় তাঁরা ইতিপূর্বে সবিস্তর বয়ান করে আমাকে পরবর্তী যুগের ‘চোর’ প্রতিপন্ন করার স্ৰব্যবস্থা করে যান নি—এই ভরসাতেই সেটি উল্লেখ করছি। করে গেলেও বুটমুট ‘বেপবার’ ভয় নেই—কারণ গল্পটি ক্লাসিক পর্যায়ের, অর্থাৎ এর বিষয়বস্তু সর্বসাধারণের কার্যকলাপে নিত্য নিত্য সপ্রকাশ হয় বলে এটি নিত্যদিনের ব্যবহার্য গল্প।

মা-সরস্বতীর বর পাওয়ার পূর্বে কালিদাস যে আক্কেল-বুদ্ধি ধারণ করতেন, হিন্দী-উর্দুভাষীদের শেখ চিল্লীও সেই রকম আস্ত একটি ‘পন্টক’ (‘কন্টক’ থেকে ‘কঁটা’)—সেই সূত্রানুযায়ী ‘পন্টক’ থেকে কি উৎপন্ন হয় সে তত্ত্ব সূচতুর পাঠককে বুঝিয়ে বলতে হবে না; আসলে এই গূঢ় তত্ত্বটি আবিষ্কার করার ফলেই শ্রীযুত স্মনাতি চট্টো অস্বদেশীয় শব্দ তাত্ত্বিকদের পণ্ডিত্তিতে আপন তথৎ-ই-তাউসে গ্যাট হয়ে বসবার হকক কজা করেন।

সেই শেখ চিল্লীকে তাঁর মা হাতে একটি বোতল আর পয়সা দিয়ে বাজার থেকে তেল কিনে স্মানবার আদেশ দিলেন এবং পুত্রের পেটে কি পরিমাণ এলেম গজগজ করছে সেটা জানতেন বলে পই পই করে স্মরণ করিয়ে দিলেন, আসল তেলটা পাওয়ার পর সে যেন ফাউ আনতে না ভোলে। শেখ চিল্লী এক গাল হেসে বললেন, ‘তা-ও কখনো হয়!’

আমি জানি, আজকের দিনের পাঠক কিছুতেই বিশ্বাস করবেন না যে, কোনো জিনিসের দাম বাজারে কস্মিনকালে কখনো কমে। কিন্তু করতেই হবে, এই হালের স্কুমার রায়ের যুগেও ‘বাড়তি’ ‘কমতি’ ছিল—এমন কি বয়সের বেলাও। আমি যে যুগের বন্ধান দিচ্ছি সেটা তারও বহু পূর্বেকার। তাই মিয়া চিল্লীর আস্মাজানের অজ্ঞানতেই বাজারে তেলের দর হঠাৎ কমে গিয়েছিল। হয়তো কোনো ‘রাধা’কে নাচাবার জন্ত নবাব সাহেবেৎ ‘ন মন তেলে’র প্রয়োজন

হওয়াতে তিনিও শায়ের্তা খানের মত তেলের দর সস্তায় বেঁধে দিয়ে বাজার শায়ের্তা করেছিলেন। সেটা এ যুগের 'সল্দেশ' শায়ের্তা করতে গিয়ে স্বহস্তে স্বপৃষ্ঠে ভূতের কিল খাওয়া নয়।

তা সে যা-ই হোক, তেল সস্তা হয়ে যাওয়ার দরুন মূল তেলেই বোতল কানায় কানায় ভরে গেল। শেখ চিল্লীর ঘটে বুদ্ধি কম ছিল সত্য কিন্তু তার স্মৃতিশক্তিটি আমাদের 'দাদখানী তেল, মহরির বেল'-এর মত ছিল না! তিনি দোকানীকে বললেন, 'ফাউ ?'

দোকানী বললে, 'কী আপদ, বোতলে জায়গা কোথায় ?'

শেখ বললেন, 'বটো। চালাকি পেয়েছ ? এই তো জায়গা।' বলে তিনি বোতলটি উপুড় করে, বোতলের তলার গর্তটি দেখিয়ে দিলেন। মেরি মাগডেলেন যে খুঁটের পদদ্বয় তৈলাক্ত করেছিলেন সেটাকেও হার মানালেন শেখ—অবশ্য স্বহস্তে। দোকানী মুচকি হেসে সেই গর্তটি এক কাঁচা তেল নিয়ে ভরে দিয়ে শেখের ফাউয়ের খাঁইও ভরে দিল।

বোতলটি অতি সন্তর্পণে 'স্টাটুস কুয়ো' বজায় রেখে ধরে ধরে শেখ বাড়ি পৌঁছে মাকে বললেন, 'এই নাও আম্মা, তোমার ফাউ।' তারপর বোতলটি উন্টে খাড়া করে ধরে বললেন, 'আর ভিতরে তোমার আসল।'

আম্মা-জানের পদদ্বয় অবশ্য খুঁটের তুলনায় অল্পই অভিষিক্ত হল !

\*

\*

দেশ থেকে যে বোতলটি নিয়ে এ-দেশের ছাত্র বিদেশে বিচার তেল—না ভুল বললুম, ডিগ্রীর তেল—কিনতে যায়, সেটি নিয়ে সে কোন শেখ চিল্লীর মত কি বেসাতি করে সে তত্ত্বটি অনেকেরই জানা নেই। না জানারই কথা, কারণ ইংরেজ আমলের পূর্বে এ-দেশে কখনো এই 'ফরেন' ভূতের উপদ্রব হয় নি। মুসলমান আমলে কি হয়েছিল সেটা পরের কথা। তার পূর্বে কোনো ভারতসম্মান 'ফরেন' ডিগ্রীর জন্ত কামচাটকা থেকে কাঙ্গালান্না কোথাও গিয়েছে বলে শুনি নি। তবে জালক পড়লে পাই, ঐ যুগে তক্ষশিলা ছিল বৌদ্ধ জ্ঞানবিজ্ঞান-চর্চার কেন্দ্র এবং বারাণসী ছিল সনাতন ধর্ম-জ্ঞানবিজ্ঞান-চর্চার জন্ত সর্বপ্রসিদ্ধ তীর্থ। তাই জাতকের একাধিক গল্পে পাই, বৌদ্ধ কিংবা বৌদ্ধভাবাপন্ন বারাণসী গৃহী পুত্রকে তক্ষশিলায় বিদ্যার্জনের জন্ত পাঠাতেন। তদ্রূপ কাশী সর্বকালেই সনাতন ধর্ম ও জ্ঞানবিজ্ঞানের কেন্দ্রভূমি থাকা সত্ত্বেও হয়তো বিক্রমাদিত্যের যুগে সার ভারতের কোনো কোনো অঞ্চল থেকে কিছু ছাত্র উজ্জয়িনীতে বিদ্যাভ্যাস করতে গিয়েছে।

মুসলমান আমলে রাজকাৰ্য তথা জ্ঞানবিজ্ঞান চৰ্চা ফাৰ্ছীতে হত। ( বৌদ্ধধৰ্ম লোপ পাওয়ার কলে বৌদ্ধ বিশ্ববিদ্যালয়গুলো লোপ পায় ; কিন্তু কাশী ও পরবর্তী যুগে বৃন্দাবনে হিন্দুশাস্ত্র চৰ্চায় ব্যাপক ব্যবস্থা ছিল এবং এখনো আছে। ) কিন্তু ফাৰ্ছী যদিও প্যারিসের ভাষা, তবু এ-দেশের কোনো ফাৰ্ছী শিক্ষার্থী তেহরান বা মেশেদ শহরে ফাৰ্ছী শিখতে যেত না। ধৰ্মচৰ্চায় জগ্ন ছাত্রেরা পড়তো আরবী, কিন্তু তারাও মক্কা, মদিনা বা কাইরোতে গিয়ে 'ফরেন' ডিগ্রী নিয়ে আসতো না। অবশ্য কোনো কোনো ছাত্র এ-দেশে পাঠ সমাপন করে মক্কায় গিয়ে হজ্জ্ করার সময় কাবার চতুর্দিকে যে পাণ্ডিত্যপূৰ্ণ বক্তৃতা দেওয়া হয়, সেগুলো শুনে নিত। অধীনের মাতামহ তাই করেছিলেন।

বিদেশে না যাওয়ার কারণ এ-দেশেই আরবী-ফাৰ্ছীর মাধ্যমে উত্তম জ্ঞান-বিজ্ঞান চৰ্চায় ব্যবস্থা ছিল। এবং পাঠান-মোগল যুগেও কাবুল, কান্দাহার বা মজার-ই-শরীফে কোনো বড় কেন্দ্র গড়ে ওঠে নি—উঠেছিল দেওবন্দ, রামপুর, সুরট অঞ্চলের রাঁদেয়ে, হায়দ্রাবাদে, ঢাকায়, সিলেটে। বস্তুত কাবুল অঞ্চলের মেধাবী ছাত্র মাত্রই আমানুল্লাহর আমল পর্যন্ত দিল্লী অঞ্চলেই পড়াশুনো করতে আসত। আমি কাবুলে যাই ১৯২৭ খ্রীষ্টাব্দে। তখন যে কয়টি আরবী-ফাৰ্ছীজ্ঞ পণ্ডিতের সঙ্গে সেখানে আমার আলাপ-পরিচয় হয় তাঁরা সকলেই উজ্জ্বল জ্ঞানভেদ, কারণ সকলেই বিদ্যালয় করতেন ভারতে। ঠিক যে রকম বৌদ্ধ যুগে চীনা তথা অগ্ৰাণ্য বৌদ্ধধর্মাবলম্বী ভ্রমণেরা এদেশে শিক্ষালাভের জগ্ন আসতেন, এখনো অল্পবিস্তর আসেন।

এমন কি, যে কাইরোর আজহর বিশ্ববিদ্যালয় প্রায় এক হাজার পনরো বছর ধরে ধীরে ধীরে মুসলিম শাস্ত্রচৰ্চায় সর্বশ্রেষ্ঠ সর্ববৃহৎ সর্বাঙ্গীণ বিদ্যালয় কেন্দ্ররূপে স্বীকৃত হয়েছে, সেখানেও ভারত থেকে কখনো খুব বেশী ছাত্র যায় নি। আমি যখন ( ১৯৩০-৩৫ ) কাইরোতে ছিলাম তখন পাক ( বর্তমান ) ভারত উভয়ে মিলিয়েও ত্রিশ-পঁয়ত্রিশ জনারও বেশী ছাত্র ছিল না। পক্ষান্তরে, সেখানে আরবী দর্শনের যে পাঠ্যপুস্তক সম্মানিত ছিল, সেটি জর্নৈক ভারতীয় মৌলানা দ্বারা লিখিত।

[ এস্থলে সম্পূর্ণ অবাস্তর নয় বলে উল্লেখ করি, সাত শ বছর আরবী-ফাৰ্ছী কঠিন একনিষ্ঠ সাধনা করে ভারতীয় মৌলবীরা জ্ঞানবিজ্ঞান ধৰ্মচৰ্চায় খ্যাতি অর্জন করেছিলেন সত্য, কিন্তু আরবী দূরে থাক, ফাৰ্ছী সাহিত্যেও কোনো কৃতিত্ব দেখাতে পারেন নি। তার এক মাত্র কারণ মাতৃভাষা ভিন্ন অল্প কোনো ভাষায় সাহিত্যের কুৎস্নিনার গড়া অসম্ভব। তাই যখন দেখি, মাত্র এক শ বছর ইংরেজী

চর্চায় পর এদেশে, কেউ কেউ সে সাহিত্যে টিপি তৈরি করে ভাবছেন সেটি মিনার, তখন বড়ই বিষয় বোধ হয়। তাঁরা কি সত্যই ভাবেন, সেই সাত শ বছরের ভাষা শুণীজ্ঞানীরা—এবং তাঁরা রাজার্থীমুকুল্য পেয়েছিলেন চেরাপুঞ্জির বর্ষণের চেয়েও বেশী—এঁদের তুলনায় অভিশয় কুকুটমস্তিকধারী ছিলেন? তাই যখন দেখি র'য়্যাবোর বদলে হ্র'য়্যাবো—তা হলে 'rare' অর্থাৎ 'বিরল' হবে 'হ্রাহ্র', France হবে 'ফ্র'য়্যাস এবং যেখানে 'r' অক্ষরের সঙ্গে উ-কার যুক্ত, যেমন 'প্রকৃত', সেখানে গতি কি? কারণ 'প'র নিচে 'হ' এবং তারও নিচে উ-কার দিয়ে তৈরি কোন 'হাঁসজারুই' ( হাঁস + সজারু + রুই ) জাতীয় অক্ষর তো বাঙলা ছাপাখানায় নেই—তখন শুধু সবিনয় সকাতির সভয়ে প্রশ্ন শুধোতে ইচ্ছা করে, 'আপনারা তরুণরা, যে নানাবিধ ভাষা শিখছেন সেটা বড়ই আনন্দের কথা, এক্ষ একবার একটু ভেবে নিলেই তো হয় যে মাইকেল, জ্যোতি ঠাকুর, বীরবল, ধনিবিদ সুনীতি চট্টো, শহীদুল্লা এঁরা কেউই এই বিদকুটে ফরাসী 'র' ধ্বনি যে আলাদা সেটা লক্ষ্য করলেন না, এটা কি প্রকারে সম্ভবে?' এবং শেষ নিবেদন—জানি আপনারা পেত্যয় যাবেন না, ফরাসী জর্মন এমন কি ইংরাজি 'r'ও বাঙলা 'র'-এর মত নয় সেটা সত্য, কিন্তু তাদের 'r'র সঙ্গে যে আমাদের 'র' মিলছে না সেটা আমরা 'র'-এর উচ্চারণ করার সময় মুখগহ্বরের অল্প জায়গা থেকে করি বলে নয়—তাদের আপত্তি আমরা 'r' উচ্চারণের সময় সেটিকে 'ট্রিল' করি বলে, অর্থাৎ আমরা যখন বলি 'প্যারি' ( প্যারিস ) তখন ফরাসী স্তন্যে পায় যেন আমরা 'r'টা তিনবার উচ্চারণ করে বসে আছি। বিচক্ষণ ফরাসী গুরু তদুত্তেই বলেন, 'কিন্তু মসিয়ো Paris শব্দে মাত্র একটি "r" আপনি তিনটে "r" উচ্চারণ করলেন যে?' আমি আরো জানি—আপনারা আরো পেত্যয় যাবেন না যদি বলি, ফরাসী জর্মন উভয় অভিনেতাই [ এবং উচ্চারণের ক্ষেত্রে ধনিবিদ পণ্ডিতের চেয়ে এঁরাই সর্বসাধারণের কাছে অধিকতর সম্মান লাভ করেন—ইংলণ্ডেও বার্নার্ড শ-কে যে বি বি সি উচ্চারণ-বোডে সম্মানে নিমন্ত্রণ করা হত তাঁর কারণ তাঁর সাহিত্যিক খ্যাতি নয়, নাটো উচ্চারণ বাবদে তাঁর ওয়াকিকফালজ ] চেষ্টা করেন বাঙালীর 'র'র মত আপন 'r' উচ্চারণ করতে !!! —কিন্তু ট্রিল না করে! অর্থাৎ জর্মনে যাকে বলে হাল—উজ্জল—ফরাসীতে

১ কথাটা জর্মনে hell, কিন্তু বাঙলায় আমি 'হেল' না লিখে হাল কেন লিখলুম সে বিষয় নিয়ে হৃদয় ভবিষ্যতে আলোচনা করবার আশা রাখি। কারণ জর্মনক পত্রলেখক ইটিকে আমার 'হিমালয়ান ব্লাণ্ডার' পর্যায়ে ফেলেছেন।

যাকে বলে ক্ল্যার—ক্লিয়ার, পরিষ্কার, স্বচ্ছ ‘r’ উচ্চারণ করাটাকে আদর্শ ‘r’ উচ্চারণ মনে করেন। তাই মোটামুটি ভাবে বলা যায় করাশী বা জর্মন এমন কি ইংরিজী ‘r’ উচ্চারণ করার সময় যদি জিভটাকে মুখের ভিতর ঝুলিয়ে রেখে—অর্থাৎ সেটাকে তালু, মুখা বা দাঁতের পিছনে ছুঁতে না দিয়ে, এবং কাজে কাজেই কোনো প্রকারের ট্রিল বা ফ্ল্যাপ করবার সুযোগ না দিয়ে—বাঙলা ‘র’ ধ্বনি উচ্চারণ করা হয় তবে ঐ তিন ভাষায় ধ্বনিবিদ্ পণ্ডিতরাই আদর্শ “r” উচ্চারিত হয়েছে বলে মনে করেন। তার পর অবশ্য যদি কেউ সেটাকে খাঁটি প্যারিসিয়ান করতে চান তবে সেটা গলা থেকে আরবী ‘গাইন’ ঘেঁষা করবেন, দক্ষিণ-ফ্রান্সের মত করতে হলে ফার্সী ‘খে’ ঘেঁষা করবেন এবং জর্মন বলার সময় কলোন-বন্ অঞ্চলের ‘r’ উচ্চারণ করতে হলে সেটাকেও ঐ ফার্সী ‘খে’ ঘেঁষা করবেন। কিন্তু সর্বক্ষণ সাবধান থাকতে হবে যে, ট্রিলিং ছুঁকমটি যেন করা না হয়। বীরভূম অঞ্চলে যখন ‘রাম’-এর পরিবর্তে ‘আম’ উচ্চারণ শোনা যায় তখন ঐ ট্রিলটি করা হয় না বলে—এবং রেডুকংসিয়ো আড্ আব্‌স্‌ডুম হয়ে যাওয়ার ফলে ‘র’-এর সর্বনাশ হয়ে ‘অ’ ধ্বনিতে পরিবর্তিত হয়। ইংরিজীতেও তাই, কিংবা প্রায় তাই হয়—যখন ‘r’ কোনো স্বরবর্ণের পরে আসে। যথা ‘hard’ ; এস্থলে ‘r’ শুধু আগের a-টিকে দীর্ঘ করে। ‘r’-এর পরিপূর্ণ ব্যঞ্জনধর্ম লোপ পায় কিনা সে বিষয়ে সন্দেহের অবকাশ আছে বলে কোনো কোনো ধ্বনিবিদ্ উচ্চারণ দেখাবার সময় তাই ‘r’ হরফটি উন্টো করে দিয়ে লেখেন এবং ছাপাখানায়ও হরফটি উন্টো করে ছাপা হয়—লাইনো বা টাইপ রাইটারে অবশ্য সেটা সম্ভব নয়। আর ‘r’ বলার সময় যদি বাঙলার মত সেটাকে ট্রিল করতে চান, তবে প্রাণভরে করা যায় ইতালির ‘r’ উচ্চারণ করার সময়। ইংরিজিতে যে স্থলে ‘Irregular’ বলার সময় প্রথম যে ছুটো ‘r’ একসঙ্গে এল, সে ছুটোকে দু’বার উচ্চারণ করতে তো দেয়ই না, একবারই—বাঙলার হিসেবে—প্রাণভরে করতে দেয় কই? সেখানে ইটালিয়ান ‘birra’ ( বিয়ার ) বলার সময় যদি ‘r’-টা প্রেমসে ট্রিল না করেন—কম-সে-কম দু’বার—তবে বিয়ারের বদলে সেই যে ফুটোয় ভর্তি এক রকম পনির হয় বেয়ারা তারই ফুটোগুলো শুধু প্লেটে করে হয়তো নিয়ে আসবে! এবং শেষ কথা : করাশী জর্মন ধ্বনিবিদ্ যে তাঁদের ‘r’ পরিষ্কার ক্ল্যার হাল উজ্জল রাখতে চান, তার অগ্রতম কারণ, গ্রীক এবং লাতিন যে ‘r’ আছে সেটা সংস্কৃত ‘র’-এরই মত পরিষ্কার উজ্জল—এবং জানা-অজানাতে ইয়োরোপীয় পণ্ডিত মাত্রই গ্রীক-লাতিন থেকে খুব দূরে চলে যেতে চান না।

এরই উদাহরণ ‘গুড্‌বাই, মি: চিপ্‌স্‌ ফিল্মে আছে’। ]

সত্য জ্ঞানলাভের জন্য তৃষ্ণার্ত জন যুগে যুগে বিদেশ গিয়েছে, বিধর্মীর কাছে গিয়েছে। পয়গম্বর বলেছেন, ‘জ্ঞানলাভের জন্য যদি চীন যেতে হয় তবে সেখানে যেকোনো—বলা বাহুল্য, তাঁর আমলে চীন দেশে কোনো মুসলমান ছিলেন না এবং তাই ধরে নিতে পারি বিধর্মী ‘কাফের’র কাছ থেকে জ্ঞানসঞ্চয় করতেও তিনি আপত্তিজনক কিছু পান নি।

কিন্তু এই যে ‘ফরেন’ যাওয়ার হিড়িক আরম্ভ হল প্রায় শ’ খানেক বছর আগে এবং স্বরাজ পাওয়ার পর—কিমার্শ্বমতঃপরম্—এখনো বাড়তির দিকে, তার বেশীর ভাগই ছিল ‘ইস্টাষো’ নিয়ে আসার উদ্দেশ্যে—পেটটাকে এলেমে ভর্তি করার জন্য নয়। পাঠান এবং মোগল রাজারা এ-দেশেই বাস করতেন, এইটেই তাঁদের মাতৃভূমি, কাজেই বিদেশের ইস্টাষোর প্রতি তাঁদের কোনো অহেতুক মোহ ছিল না—যদিও বিদেশাগত ছয়রী গুলীকে তাঁরা আদর করে দরবারে স্থান দিতেন। কিন্তু ইংরেজ কলকাতায় বসেও চোখ বন্ধ করে তাকিয়ে থাকতো লণ্ডনের দিকে, Kedgeree (‘কেজরী’—খিচুড়ি—কুশর, কুশরার ?—) খাওয়ার সময় চিন্তা করতো আল্লায় মালুম কিসের!

অতএব সেখানে থেকে যদি কপালে একটি ‘ইস্টাষো’ মারিয়ে নিয়ে আসা যায় তবে পেটে আপনার এলেম গজ্গজ্ করুক আর নাই করুক, আপনি ‘ফ্রেশ্ ক্রম্ ক্রিস্টিয়ান হোম’, আপনিও এখন গোরা রায়। তাই স্বরাজ লাভের পরও

অতাপিও সেই খেলা খেলে গোরা রায়।

দিবাভাগে মন্দ ভাগ্যে তার মার খায় ॥

## সাবিত্রী

দক্ষিণ ভারতের একটি সানারিয়ারামে আমার এক বন্ধুকে নিয়ে যেতে হয়েছিল। ব্যামো গোড়াতেই ধরা পড়েছিল বলে কেস্ খারাপ হতে পায় নি। আমাকেও তাই কোন প্রকারের সেবা-শুশ্রূষা করতে হত না। হাতে মেলা সময়। তাই কটেজে কটেজে—এ-সব কটেজে থাকে অপেক্ষাকৃত বিদ্রশালীরা আর বিরাট বিরাট লাটের একাধিক জেনরেল ওয়ার্ড তো আছেই—ডাক্তাররা সকাল বেলাকার রোগী-পরীক্ষার রৌদ সেরে বেরিয়ে যাবার পরই আমি বেরতাম আমার রৌদে। বেচারাদের অধিকাংশকেই দিনের পর দিন একা-একা শুয়ে

স্বপ্নে কাটাতে হয় বলে কেউ তাদের দেখতে এলে সঙ্গে সঙ্গে তাদের মুখ যে কী রকম খুশীতে উজ্জ্বল—এবং যে-ক’টি ফোঁটা রক্ত গায়ে আছে, সব ক’টি মুখে এসে যেত বলে রাঙা—হয়ে যেত, সেটা সত্যই অবর্ণনীয়।

করে করে প্রায় সবাইকেই আমি চিনে গিয়েছিলুম—তরুণ-তরুণী, যুবক-যুবতীই বেশী।

একটি কটেজে আমি কখনো যাই নি, ডাক্তার ভিন্ন আর কাউকে কখনো যেতেও দেখি নি। রোগীর পাশে সর্বক্ষণ দেখা যেত একটি যুবতী—বরঞ্চ তরুণী-দেঁধা যুবতী বললেই ঠিক হয়—মোড়ার উপর বসে উলের কাজ করে যাচ্ছেন; তাই বোধ হয় কেউ তাঁদের বিরক্ত করতে চাইতো না।

একদা রৌঁদ শেষে, পথিমধ্যে হঠাৎ আচমকা বৃষ্টি। উঠলুম সেই কটেজ-টাতেই।

যুবতীটি ধীরে ধীরে মোড়া ছেড়ে আমার দিকে এগিয়ে এসে অতি ক্ষীণ স্নান হাসি হেসে বললেন, ‘আসুন, বসুন। কী ভাগ্য বৃষ্টিটা নেমেছিল। নইলে আপনি হয়তো কোনদিনই এ-কটেজে পায়ের ধূলি দিতেন না।’

কী মিষ্টি গলা! আর সৌন্দর্যে ইনি রাজরানী হওয়ার উপযুক্ত। কিন্তু সে কী শাস্ত সৌন্দর্য! গভীর রাত্রে, ক্ষীণ চন্দ্রালোকে, আমি নিস্তরঙ্গ, নিস্তরঙ্গ সমুদ্রে দেখেছি এই শাস্ত ভাব—দিক্-দিগন্ত জুড়ে। আমরা প্রাচীন যুগের বাঙালী। চট করে অপরিচিতার মুখের দিকে তাকাতে বাধা বাধা ঠেকে। এঁর দিকে তাকানো যায় অসঙ্কোচে।

রোগীও স্নপুরুষ, এবং এই পরিবেশে খাটে শুয়ে না থাকলে বলতুম, রীতিমত স্বাস্থ্যবান। শুধু মুখটি অস্বাভাবিক লালচে—যেন গোরা অফিসায়ের মুখের লাল।

জীর কথায় সায় দিয়ে হেসে বললেন—গলাটা কিন্তু রোগীর—‘রোজ চারবেলা দেখি আপনাকে এ-পথ দিয়ে আসতে যেতে। পাশের কটেজে শুনি আপনার উচ্চহাস্য। শুধু আমরাই ছিলাম অস্পৃশ্য! অথচ দেখুন, আমি মুখজ্যো বামুন—’

আমি গল্প জমাবার জন্ত বললুম, ‘কোন্ মেল? আমার হাতে বাঁড়ুজ্যো ফুলের মেল একটি মেয়ে আছে।’

এবারে দুজন্যর আনন্দ অবিমিশ্র। এ লোকটা তাহলে পরকে ‘আপনাতে’ জানে। তিন্মুহূর্তে জমে গেল।

ধানিকক্ষণ পরে আমি বললুম, ‘আপনারা দুজন্যই বড় খাটি বাঙলা বলেন, কিন্তু একটু যেন পুরনো পুরনো।’



মুখ্যো বললেন, ‘আমি ডাক্তার—অবশ্য এখন অবস্থা “কবরাজ! ঠেকাও আপন যমরাজ।” তা সে যাকগে! আসলে কি জানেন, আমরা দুজনাই প্রবাসী বাঙালী। তিনপুরুষ ধরে লক্ষ্মোয়ে। আমার মা কাশীর, ঠাকুরমা ভট্ট-পল্লীর। সেই ঠাকুরমার কাছে শিখেছি বাঙলা—শাক্তীঘরের সংস্কৃতবেঁ বা বাঙলা। সেইটে বুনিয়াদ। সবিতা আমাদের প্রতিবেশী। আমার ঠাকুরমার ছাত্রী। আমরা দুজনা হবছ একই বাঙলা পড়েছি, শিখেছি, বলেছি। তবে ম্যাট্রিক পর্যন্ত উর্ শিখেছি বলে মাঝে মাঝে দু-একটি উর্ শব্দ এসে যায়—আমার ভাষাতে, সত্যি তার না। আপনার খারাপ লাগে?’

আমি প্রতিবাদ করে বললুম, ‘তওবা, তওবা! আমি বাঙালী মুসলমান; আমরা ইঁওহী দু-চারটে কালতো আরবী-কার্সী শব্দ ব্যবহার করি।’

পাশ কিলে, আপন দুই বাছ আমার দিকে প্রসারিত করে দিলেন। আমি আমার হাত দিলুম। দু’হাত চেপে ধরে, চোখ বন্ধ করে, গভীর আত্মপ্রসাদের দীর্ঘশ্বাস ফেলে বললেন, ‘বাঁচালেন। আপনি মুসলমান!’

আমি একটু দিশেহারা হয়ে চূপ করে রইলুম।

জিজ্ঞেস করলেন, ‘আপনি যত্রতত্র খান এখানে? ডাক্তার হিসেবে বলছি, সেটা কিন্তু উচিত নয়।’

আমি বললুম, ‘আমি যত্রতত্র যা-তা খাই, এবং ভবিষ্যতেও থাকো। অপরাধ নেবেন না।’

‘বাঁচালেন!’ এবারে আমি আরো দিশেহারা। আমি তাঁর পরামর্শ অমান্য করছি দেখে তিনি খুশী।

‘বাঁচালেন! জানেন, প্রথম দিনই আপনার চেহারা দেখে, অদ্ভুত সাদৃশ্য লক্ষ করলুম আমার এক মুসলমান বন্ধুর সঙ্গে।’

জীর দিকে তাকিয়ে বললেন, ‘তোমায় বলি নি, সবিতা?’

সবিতা একক্ষণ ধরে শুধু উল বুলে যাচ্ছিলেন। মাথা তুলে সখতি জানিয়ে বললেন, ‘এমন কি, চলার ধরনটি, গলার স্বরও?’

মুখ্যো বললেন, ‘সেই বন্ধুটি যদি আজ এ-লোকে থাকতো, তবে আজ আমার এ-দুর্দশা হত না! সে কথা থাক। মূল বক্তব্য এই: ঠাকুরমা প্রাস ভামাম পরিবার, প্রাস সেই সখার পরিবার—সবাইকে লুকিয়ে, বিস্তর ছলনা-জাল বিস্তার করে আমি ছেলেবেলা থেকে খেয়েছি ওর মায়ের তৈরী মর্গী-মটন। সে ক্ষেত আমাদের বাড়িতে নিশ্চিন্ত মনে। আপনি বোধ হয় জানেন না—’

‘বিলক্ষণ জানি, স্বর্গত হরপ্রসাদ শাক্তী—আপনার ঠাকুরমার পাড়ার লোক -

বাড়িতে দিল্লী-বিদেশী সবাইকে খাওয়াতেন। তাঁর ছেলে, স্বর্গত বিনয়তোষ তিনিও নিষ্ঠাকারী ছিলেন। ঝাড়া আটটি বছর প্রতি রোববারে, তাঁর সামনে বসে, তাঁর সঙ্গে মধ্যাহ্নভোজন করেছি আমি, মুসলমান।’

ডাক্তার বললেন, ‘তারপর ঠাকুরমা মা আর সবাই গত হলেন। রইল ঐ দোক্ত-ইয়ার-সখা বেদানু-বখ্শ্। একই বছরে দুজনায় ডাক্তারি পাস করলুম। ইতিমধ্যে আমার বিয়ে হয়েছে। সবিতা রাঁধে ভালো, কিন্তু তার মা তাকে বলে দিয়েছিলেন, ‘অস্তুত রান্নার ব্যাপারে বাপের বাড়ির ঐতিহ্য ভুলে গিয়ে, স্বামী যেভাবে খেতে চায় ঠিক সেইভাবে খাওয়াবি।’ তাই সবিতা বেদারের মায়ের কাছ থেকে শিখলো বিরয়ানী থেকে ফালুদা, বুরহানী থেকে আজওয়ান রুটি। অতএব স্ত্রীর, কাল দ্বিপ্রহরে এখানে একটু হবিষ্যায় করবেন—’ হেসে বললেন, ‘অবশ্যই, মোগলাই! আসলে কি জানেন, এই যে চোখের সামনে সবিতা উদয়াস্ত উল বোনে, এটা, it gets on my nerves! আর সবিতা একটা পারফেক্ট আর্টিস্ট। রন্ধনে। তার অহুশীলন নেই, রেওয়াজ নেই। আপনাক শোক হয় না? আমার তো ওসব খাওয়া বারণ। নিজের জন্ম—’

আমি সবিতার দিকে তাকিয়ে আমার মাকে দেখতে পেলুম; বাড়িতে কেউ না থাকলে মা হাঁড়ি পর্যন্ত চড়াতো না। তেল-মুড়ি খেয়ে শুয়ে পড়তো। আর এই সবিতা নাকি বিশ্বাস বিবর্ণ মাছসেদ্ধ, কপিসেদ্ধ, পাতলাসে পাতলা যেন কড়াই-ধোয়া-জল সূপ নামে পরিচিত গরবয়ন্ত্রণা স্বামীকে খেতে দিয়ে নিজে গণ্ডার-গ্রাসে খাবে বিরয়ানী, বুরহানী কাবাব-মুসল্লম!

আমি বললুম, ‘ফিন্‌সে তওবা! তা-ও কখনো হয়। কিন্তু আমি একা-একা খাব?—কেমন যেন?’

আর্তনাদ করে বললেন, ‘আপনি বিশ্বাস করতে পারেন না, রান্নাঘর থেকে সবিতার রেওয়াজের গন্ধ আমার নাকে আসবে—আচ্ছা, আপনি না-হয় আড়ালেই থাকেন, শুধু আমি পদগুলো কম্পোজ করে দেব। আপনাকে এ-নিমন্ত্রণ সাহস করে জানালুম, আপনি যত্নতত্র খান শুনে। নইলে—’

আমি বললুম, ‘ডাক্তার, আমি জানি আপনাদের অনেকক্ষণ ধরে কথা বলা বারণ। কাল সকালের রৌদ সেরেই আসবো। ছুপুরে খাব।’

সবিতা রাস্তা অবধি নেমে এসে বললেন—মাথা নিচু করে, প্রায় হাতজোড় করে, ‘এই দু’বছর ধরে আমরা এখানে আছি। এই প্রথমবার তিনি পুরো আধ ঘণ্টা ধরে খুশিতে আনন্দে সময় কাটালেন। আপনি দয়া করে আসতে ভুলবেন না। বড় ডাক্তার বলেছে, উনি ক্ষুর্তিতে থাকলে তাড়াতাড়ি সেরে উঠবেন। আমি

ওঁকে বাঁচাতে চাই। আপনি আমার প্রতি দয়া করুন—'

হঠাৎ ধপ্ করে রাস্তার পাশে হাঁটু গেড়ে আমার পায়ের উপর তার মাথা ঠুকে দিল। এত দুঃখের ভিতরও আমি দেখলুম, বহুর জলের মত একমাথা গোছা গোছা গাদা গাদা কালো চুল ঘোমটার বাঁধ সরিয়ে আমার দুই গোড়ালির হাড় পেরিয়ে, মাঝ-হাঁটু অবধি ছাপিয়ে দিল। এ-চুল আমি দেখেছি, অতিশয় শৈশবে, আজ মনে হয়, যেন আধাঙ্গুপে, যেন কুয়াশার ভিতর দিয়ে, আমার মায়ের মাথায়।

সতীসার্থী যুবতীকে স্পর্শ করা গুনাহ্। জাহান্নামে যাক গুনাহ্।

দু'হাত দিয়ে তাকে তুলে ধরলুম। বললুম, 'মা! ঈশ্বরে বিশ্বাস রেখো।'

সীমস্তিনী বললে, 'আমি আল্লাকে ইয়াদ করি।' ॥

## আধুনিক

থেকে থেকে 'মর্ডান' মেয়েদের বিরুদ্ধে খবরের কাগজে নানা জাতের চিঠি বেরোয়। সেগুলোর মূল বক্তব্য কি, তার সবিস্তার বয়ান দেবার প্রয়োজন নেই এবং সেগুলো যে সর্বৈব ভিত্তিহীন সে-কথাও বলা যায় না। হালে পাড়ার বুড়ারা আমাকে দফে দফে মডার্নীদের 'কুকীর্তি'র কাহিনী কয়ে গেলেন। সেই স্ববাদে আমার একটি ঘটনার কথা মনে পড়ে গেল।

ত্রিশ বছর আগেকার কথা। তখনও এদেশে 'পেট-কাটা' 'নখরাঙানো' মডার্নীদের আবির্ভাব হয় নি, এ তো জানা কথা, কিন্তু 'মর্ডান' মেয়ে সর্বযুগে সর্বদেশেই থাকে। আমার মনে হত, সে যুগের মডার্নতম দেখা যেত চাঁদপুর—নারায়ণগঞ্জ—গোয়ালন্দী জাহাজে। এরা ঐসব অঞ্চলের ব্রাহ্মণ-বৈষ্ণব-কায়স্থদের মেয়ে—তবে বৈষ্ণব বৈষ্ণবী—কলকাতায় আসতো যেতো কলেজে পড়বে বলে। এক একটির চেহারা ছিল অপূর্ব। তরী, শ্রামাঙ্গী, স্বাস্থ্যবতী—আপন আনন্দে খার্ড ক্লাস ডেকের যত্রতত্র ঘুরে বেড়ায়, চায়ের স্টলে বসে খেতেও ওদের বাধে না। প্রাচীনরা ওদের দিকে একটু ঝাঁক নয়নে তাকালেও একপা আমি কিছুতেই স্বীকার করবো না, ওরা বেহায়্যা বা বেশরম ছিল।

সে-আমলে ইন্টার ক্লাস প্যাসেঞ্জারের জন্তু দুটো জ্বলে ঘেরা কামরা—বা খাঁচা থাকতো। ওকটা পুরুষ, একটা মেয়েদের। খুব যে আরামের ছিল তা নয়, তবে যে-সব লাজুক বউঝিরা পরপুরুষের সামনে কখনো বেরোয় নি তারা সেখানে

খানিকটে আরাম বোধ করতো।

সেকেণ্ড ক্লাসের কামরাতেই শুয়ে শুয়ে শুনতে পেলুম, থার্ড ক্লাস ডেক ও দুটো খাঁচা অঞ্চলে হঠাৎ আন্দোলন উদ্ভেজনা আরম্ভ হয়ে গিয়েছে। বয়েস আমার তখনো কম, তাই কোঁতুহল ছিল বেশী। কেবিন থেকে বেরিয়ে এসে শুধোই, ব্যাপারটা কি ?

হট্টগোল হচ্ছে বটে, কিন্তু যাকেই প্রশ্ন শুধোই সে-ই পাশ কাটিয়ে যায়। এস্তেক চা'র স্টলের দোকানটি পর্যন্ত এমন ভাব করলে যেন আমার প্রশ্নটা আদৌ শুনতে পায় নি।

সুর্-রিয়ালিজম দাদাইজম খারা জানেন তাঁরা বুঝতে পারবেন, আমি যদি তখনকার অবস্থার বর্ণনাটা দিতে গিয়ে বলি, ডেকের সর্বত্র যেন 'ছি ছি' আঁকা, কানে আসছে 'ছি ছি' স্বর, নাকের ভিতরও যেন 'ছি ছি' ঢুকছে।

টুয়েটিনাইন খেলা বন্ধ হয়ে গিয়েছে, দশ-পঁচিশের দান একদিকে অবহেলে পড়ে আছে, এদিকে ওদিকে ছোট ছোট দলের ঘোটালা, আর সারেক্স জাহাজময় হস্তদস্ত হয়ে ছুটোছুটি করছে। কিন্তু সর্বোপরি ঐ ছি ছি ভাব।

তখন হঠাৎ চোখে পড়ল, মেয়েদের ইন্টার ক্লাসের খাঁচা বেবাক ফাঁক—খানিকক্ষণ পূর্বেও যেটাকে কাঠাল-বোঝাই দেখে গিয়েছি—অবশ্য আড়ময়নে। আরো ভালো করে তাকিয়ে দেখি, খাঁচাটার এক কোণায় আপাদমস্তক চাদরে ঢাকা কি যেন একটা বস্তু—মাগুসই হবে—পড়ে আছে মেঝেতে। মনে হল, সেটা গোণ্ডরাচ্ছে, কিন্তু ঐ 'ছি ছি'-র ভিতর দিয়ে ঠিক ঠিক ধরতে পারলুম না।

এমন সময় খানসামার সঙ্গে দেখা। পূর্বেই লোকটির সঙ্গে আলাপ হয়েছিল—সে সিলেটি।

ইতিউক্তি করে বললে, 'কেলেঙ্কারি ব্যাপার। ইন্টার ক্লাসের ঐ মেয়েটি গর্ভযন্ত্রণায় কাতরাচ্ছে।'

আমি অবাক হয়ে বললুম, 'সে কী ব্যাপার। একে কেউ সাহায্য করছে না কেন? ষ্টিমারে, তো গণ্ডায় গণ্ডায় বুড়ী-হাবড়ী রয়েছে যারা কুড়িবুড়িতে আণ্ডাবাচ্চা বিইয়েছে?'

খানসামার পো ঈষৎ লাজুক প্রকৃতি ধরে। আবার গাই-গুঁই করে বললে, 'ব্যাপারটা কি হয়েছে, হজুর, মেয়েটার বিয়ে হয় নি।'

'তা হলে এল কোথেকে? সঙ্গীসার্থী নেই?'

'যা শুনেছি, তাই বলছি হজুর। কেউই সঠিক খবর জানে না। মেয়েটার সঙ্গে একটা ছোকরা ছিল ওরই বয়সী। সে মাঝে মাঝে ওকে চা-টা পৌঁছে

দিয়েছে। ছেলেটা আমার কাছেই মূর্গী-কারি খেয়েছে। মেয়েটা কোনো কিছুই খেতে রাজী হয় নি। শুধু চা-টি খেয়েছে অনেক চাপাচাপির পর—বোধ হয় জাতঘরের হিন্দু মেয়ে।’

আমি অসহিষ্ণু হয়ে বললুম, ‘তা তো বুঝলুম, কিন্তু ছেলেটা কোথায়? সেই তো জিম্মেদার।’

‘গর্ভযন্ত্রণার প্রথম লক্ষণ দেখা দিতেই সে গা-ঢাকা দিয়ে মাঝখানের স্টেশনে নেমে পড়ে পালিয়েছে। লোকে অহুমান করছে, মেয়েটাকে সে নিয়ে যাচ্ছিল কলকাতায় কোনো একটা ব্যবস্থা করার জন্ত। দেশ থেকে বেরুতে দেরি হয়ে যায়, তাই হঠাৎ এ গর্দিশ এসে পড়েছে।’

আমি বললুম, ‘সেও বুঝলুম, কিন্তু মেয়েটা বিপদে পড়েছে, আর কেউই সাহায্য করছে না! এটা একটা কথার কথা হল?’

অসহায় ভাব দেখিয়ে বললে, ‘হিন্দুদের ব্যাপার, কি করে বুঝি বলুন! দু’ একটি মুসলমান আছে। তারাও হিন্দুদের ঐ সব দেখে বোধ হয় সাহস পাচ্ছে না।’

আমি বললুম, ‘জাহাজে ডাক্তার নেই? প্যাসেঞ্জারের ভিতরেও?’

‘তারই সন্ধান চলছে, ছজুর।’

তারপর খানসামা বিজ্ঞভাবে দাড়িতে হাত বুলাতে বুলাতে যেন আপন মনে বললে, ‘যত সব নাদান বেকুবের কারবার। আরে বাপু, মেয়েটার মাথায় এক খাবড়া সিঁচুর আগে লেপটে দিলেই তো পারতো!’

(জানি নে, তাতে করে কি হত! হালে এ্যারোপ্লেনে নাকি এমতাবস্থায় এ্যারহোস্টেন্ সাহায্য করতে রাজী হয় নি)।

আপন ক্যাবিনে ফিরে যাচ্ছি। এমন সময় এক সহদয় প্যাসেঞ্জার আমাকে পাকড়ে বললে, ‘আপনি চলুন না, শ্রার।’

ভাজ্জব মেনে বললুম, ‘আমি।’

‘কেন? আপনি তো ডাক্তার!’

বুঝলুম, আমার ট্রাকে বা রিজার্ভেশন কার্ডে দেখেছে, লেখা, Dr.। কাতর কণ্ঠে বোঝাতে চেষ্টা করলুম, সেটা ভিন্ন বস্তু, বেকার, ‘ফরেন’। এটা দিয়ে মাছিটার ছেঁড়া পাখনাও জোড়া দেওয়া যায় না। লোকটি বড়ই সরল। তাকে কিছুতেই বোঝাতে পারি নে, চিকিৎসার ডাক্তার এক প্রাণী, আমার ডক্টরেট জিসংসারে কারো কোনো কাজে লাগে না। এ ধরনের গেরো আমার জীবনে আরো দু’হবার হয়ে গিয়েছে।

ইতিমধ্যে জাহাজে নতুন চাকল্য। কোথেকে পাওয়া গেছে এক না-পাস কম্পাউণ্ডার। সে বোধ হয় 'শ্মশান-চিকিৎসার্টা' করতে রাজী হয়েছে। তবে বলছে, একটি মেয়েছেলের সাহায্য পেলে ভালো হত।

তারপর যা দেখলুম, সে দৃশ্যটি আমার জীবনে ভুলবো না।

ঐ যে পূর্বে বলছিলুম, জাহাজে তখনকার দিনের কলেজের দু'পাচটা 'আধুনিকা' নিঃসঙ্কোচে ঘুরে বেড়াতো, তাদেরই একটি—লম্বা, ছিপছিপে শ্রামবর্ণ, পরনে সাদামাটা শাড়ি ব্লাউজ—গমগম করে কম্পাউণ্ডারের দিকে এগিয়ে গেল, দু হাত দিয়ে ভিড় ঠেলে ঠেলে। তখন চতুর্দিক থেকে উঠেছে তার দিকে 'ছ্যা ছ্যা ছি ছি' রব। সকলের টার্গেট তখন ঐ আসন্নপ্রসবা নয়—তখন এই ভদ্রকন্না।

আমি জীবনে দু'জন পরমহংস দেখেছি।

আর এই দেখলুম, একটি পরমহংসী। ঠোটে ঠোটে চেপে নয়, সর্ব দিককার, সব ব্যঙ্গ, সব বিদ্রূপ উপেক্ষা করে প্রসন্ন বদনে সে এগিয়ে যাচ্ছে !!

### ফরাইজ্

'বাপের বাড়ি', 'শ্মশুরবাড়ি', 'পিতৃগৃহ', 'পতিগৃহ', 'মুখ্যগৃহ', 'গোপ গৃহ' ইত্যাকার বৃহৎ প্রকার 'গৃহ'র নবীন নামকরণের প্রস্তাব পত্রাস্তরে হয়ে যাচ্ছে। এই স্ববাদে মুসলমানদের ভিতর কি রীতি প্রচলিত আছে সেটার উল্লেখ বোধ হয় সম্পূর্ণ অবাস্তর হবে না। কারণ হিন্দু এবং মুসলমান ধর্মের লোকাচারে, বিষয়-সম্পত্তি বণ্টন বাবদে যতই পার্থক্য থাক না কেন, উভয় ধর্মাবলম্বীরই ভাষা বাঙলা এবং মুসলমান মেয়েও বলে 'বাপের বাড়ি' 'শ্মশুরবাড়ি'। তবু একটা ব্যাপারে সামান্য তফাত আছে।

অন্ন হোক, বিস্তর হোক, পিতার মৃত্যুর পর মুসলমান মেয়ে বাপের সম্পত্তির কিছুটা হিস্তে পায়। অর্থাৎ পৈতৃক ভদ্রাসনেও তার আইনত অংশ বিদ্যমান থাকে। একেই বলে 'ফরাইজ্'।

কার্যত কিছু সে এ-ফরাইজ্ দাবি করে না। এমন কি পতিগৃহে তার লোভী স্বামী যদি তাকে গ্রায্য হক পাওয়ার জন্য ক্রমাগত টুইয়ে দিতে থাকে তবু সে সেটার দাবি করে না, মোকদ্দমা করতেও রাজী হয় না—আর স্বামী নিজের থেকে কোনো দাবি-দাওয়া করতে পারে না, কারণ হক তার জীব, তার নয়।

বোন কেন মোকদ্দমা করে না, তার একাধিক কারণ আছে। লোকাচারে বাধে ( এতে হয় তো কিছুটা প্রতিবেশী হিন্দুর প্রভাব আছে ), এবং দ্বিতীয়ত তার অল্প স্বার্থ আছে। সে যদি তার গ্ৰাঘ্য পাওনা নিয়ে নেয়, তবে সে অর্থ হয়তো খৰ্চা হয়ে যাবে, এবং স্বামীর মৃত্যুর পর সে যদি কোনো কারণে অসহায় হয়ে যায়—দেবর ভাসুর তাকে অবহেলা করে—তবে তার অল্প আশ্রয় থাকে না। পক্ষান্তরে সে যদি ফরাইজ্ না নেয়, তবে সে তারই হকের জোরে বাপের বাড়িতে এসে আশ্রয় নিতে পারে। এমন কি স্বশুর ভাসুর স্বামীর জীবিতাবস্থায়ও যদি তার উপর অত্যধিক চোটপাট হয় তবে সে ফরাইজের হকে বাপের বা ( বাপ মরে গিয়ে থাকলে ) ভাইয়ের বাড়িতে এসে আশ্রয় নিতে পারে।

আরো একটা কারণ আছে। মুসলমান মেয়ে মাত্রই আশা করে, সে যেন বছরে অন্তত একবার তার বাপ-মা, ভাইবোন, ছেলেবেলার পাড়াপ্রতিবেশীকে দেখতে যেতে পায়। এস্থলে স্বরণ করিয়ে দি, বিয়ের সঙ্গে সঙ্গে মুসলমান মেয়ের নাম পদবী বদলায় না। মুসলমান বিবাহ অনেকটা সিভিল ম্যারিজের মত কনট্রাক্ট ম্যারিজ—সেক্রেমেন্টাল নয়। অপরাধ যদি না নেন, তবে উল্লেখ করি, আমার পিতার নাম ছিল সৈয়দ সিকন্দর আলী। অথচ আমার মা চিরকালই নাম সই করেছেন, আমতুল মগ্নান খাতুন চৌধুরী। মিসেস আলী, মিসেস সৈয়দ—বা বেগম আলী এসব হালে ইংরেজের অঙ্করণে হয়েছে।

\*

\*

এবারে গরীব দুঃখী চাষীবাসীদের একটি উদাহরণ দি। পূব বাঙলার।

মনে করুন চাষা কেরামতুল্লা মারা গেছে। তার মেয়ে জয়নবের বিয়ে হয়েছে বেশ দূরে ভিন্ গাঁয়ে। জয়নবের বাল্যাবস্থায় তার মা মারা যায় বলে কেরামতুল্লা দুসরা শাদী করেছিল। সে পক্ষের ছেলে আকরম বিধবা মাকে নিয়ে, বিয়ে করে মোটামুটি স্বখে-স্বচ্ছন্দেই আছে। সং বোনকে আর স্বরণেই আনে না। তার মাও সতীনের মেয়ে জয়নবকে ছ' চোখে দেখতে পায় না। অতএব জয়নব বেচারী বাপের বাড়ির মুখ দেখতে পায় না। জয়নবের স্বশুরবাড়ির গায়ের লোকে তাই নিয়ে ঠাট্টা-মস্করা করে। ওদিকে লোভী স্বামীও বলে, 'ফরাইজ্, চেয়ে নে।'

জয়নব বেচারী তখন যদি দৈবযোগে বাপের গায়ের কাউকে পেয়ে যায় তখন তাকে দিয়ে ভাইকে খবর পাঠায় তাকে যেন এসে বাপের বাড়িতে কয়েকদিনের ক্ষণ নিয়ে যায়—একেই বলে 'নাইওর' যাওয়া। ভাই খবর পেয়েও গা করে না—আর সংমার তো কথাই নেই। বেচারী জয়নব একাধিকবার খবর পাঠিয়ে

হয়রান হয়ে গেল। ওদিকে বাপের গাঁয়ের লোক তো আর তার স্বভবের গাঁয়ে নিতিন্তি আসে না যে নিতিন্তি নিতিন্তি খবর পাঠাবে!

তখন সে ধরে অস্ত্র পছা। নদীতে জল আনতে গিয়ে স্বেযোগ পেলেই সমস্ত কাটায় বিস্তর। এবং স্বভাবতই তার গাঁয়ের সব মান্বিদের সে চেনে। তাদের কাউকে দেখতে পেলে পাড়ে বসেই চিৎকার করে তার করিয়াদটি জানিয়ে দেয়। সবিস্তারে বলতে হয় না—সবাই সব খবর জানে।

তাতেও যদি ওষুধ না ধরে, তখন সে ধরে রক্তমূর্তি।

শাসিয়ে দেয়, তাকে নাইওর না নিয়ে গেলে সে ফরাইজের মোকদ্দমা করবে

এইবার ভাইয়ের কানে কিঞ্চিৎ জল যায়। তাও পুরোমাত্রায় না। ইতিমধ্যে গাঁয়ের মুফক্বীদের কানেও তাবৎ করিয়াদ পৌঁচেছে—বিশেষত সেই সব বুদ্ধদের কানে যারা বিয়ের ঘটকালি করেছিলেন। তাঁরা তখন ছোকরাকে বুঝিয়ে বলেন, 'তোর আছে কুলে আড়াই বিষত জমি—আচ্ছা, তার না হয় কিছুটা গেল; কিন্তু তোর বসত-বাড়িতেও যে ছুঁড়ির হিশ্তে রয়েছে। সেইটেও তুই লাটে তুলবি নাকি? যা, যা, বোনকে নিয়ে আয়।'

আমি এতক্ষণ যা বললুম, এসব পূব-বাঙলার লোকসঙ্গীতেও আছে। তারই একটির শেষ দুই লাইনে আছে,

“থাকো গো বোন, থাকো গো বোন,

কিলগুঁতা খাইয়া,

আষাঢ়<sup>১</sup> মাসে লইয়া যাইমু

পঞ্জীরাজ ওড়াইয়া ॥”

ভাই নৌকা নিয়ে আসার খবর পাওয়া মাত্রই বোন লেগে যায় নানারকম মিষ্টি পিঠে বানাতে। শাশুড়ী গজর গজর করে, কিন্তু জা-রা তো একই গোয়ালের গাই তারা সাহায্য করে।

নৌকা এল, বোন সগর্বে হাঁড়ি-ভর্তি মিঠে পিঠে নিয়ে নৌকায় চাপলো। গাঁয়ের মেয়েরা এখন আর তাকে খোঁটা দিতে পারবে না। এ তো সতীর নিঃসঙ্গ হিমালয়-যাত্রা নয়।

\*

\*

১ লেখকের মনে ঈষৎ সন্দেহ আছে, এস্থলে ভাই বোধ হয় বোনকে কিঞ্চিৎ ধাক্কা দিচ্ছে। বোনকে সচরাচর নাইওর নেওয়া হয় অজ্ঞান মাসে ধান কাটার পর। কিন্তু আমি সঠিক বলতে পারবো না। কারণ দেশ ছেড়েছি দুই যুগ পূর্বে।



বুদ্ধিমত্তা মেয়ে বলে বাপের বাড়ি গিয়ে জয়নব পাড়াময় চর্কিবাজি মেয়ে দিন কাটায় না। অবশ্য সর্বপ্রথম মিঠে পিঠে নিয়ে আত্মীয়-স্বজন, সইটইদের সঙ্গে দেখা করতে যায়, কিন্তু তারপরই লেগে যায় নূতন ধানচাল যা উঠেছে তার দুঃস্ব-ব্যবস্থা করতে। অবশ্য একথাও ঠিক, কেউ তা সে যে কোনো জীপুফুই হোক যদি সূবো-শাম বেবোরে ঘুমোয় তবে লোকে প্রবাদটা বলে, 'দেখো খোদার ধাসিটা ঘুমুচ্ছে যেন "নাইওরী-মাগীটার" মত !'

এই করে করে 'নাইওর' বাস যখন শেষ হয়, তখন বাপের বাড়িতে আবার মিঠে পিঠে তৈরী আরম্ভ হয়—এগুলো সে নিয়ে যাবে শ্বশুরবাড়িতে। ভাই অস্তুত একখানা শাড়ি, একটি কুর্তা কিনে দেবে বোনকে—জামা-ক্রক ভায়েভায়িকে !

জয়নব কিন্তু ধান ভানা কোটাতে এমনই সাহায্য করে যেন ভাই, সৎমা স্ত্রী চীপ-লেবারের প্রলোভনে তাকে আসছে বছর নিজের থেকেই 'নাইওর' নিয়ে আসে—ফরাইজের মোকদ্দমার শাসানি যেন মাঝি-মাল্লা মারফত না পাঠাতে হয় শ্বশুরবাড়ি ফিরে জয়নব আবার দেমাক করে, 'আমি মাগনা থাই নে পরি মে। যদিন ওখানে ছিলুম সৎমাকে কুটোটি পঘস্ত কুড়োতে দি নি !'

\*

\*

এতক্ষণ যা নিবেদন করলুম এটা হিন্দুদের বেলাও প্রযোজ্য। প্যাটার্ন মোটামুটি একই, তবে তফাৎটা কোথায় ?

তফাৎ ঐ ফরাইজের হক্ক, ডুরেস, ব্র্যাকমেল ( অবশ্য বেআইনী নয় ) দিয়ে সে বাপের বাড়ি যাবার হক্ক আজীবন জিইয়ে রাখে। স্বামীর সঙ্গে না বনলে সেই হক্কের জোরে অনির্দিষ্ট কালের জন্য বাপের বাড়ি চলে আসে। অবস্থা চরমে পৌঁছলে সেখানে বসে স্বামীর বিরুদ্ধে প্রতিজ্ঞাবদ্ধ শ্রায্য স্ত্রীধনের মোকদ্দমা লাগায়। কিংবা যদি স্বামীর মৃত্যুর পর ভাশুর-দেওর তাকে অসম্মান করে তবে সে চলে আসে বাপের বাড়িতে, ঠুঁকে দেয় ওদের বিরুদ্ধে মোকদ্দমা। এগুলোই আসল ভস্ব বলে পুনরাবৃত্তি করলুম।

\*

\*

এ সব সম্ভব বাপের বাড়ির ফরাইজের জোরে।

ভাই সেটি সে কখনো হাত-ছাড়া করে না। লোভী স্বামী যতই চোটপাট করুক না কেন।

হিন্দু মেয়েরা একটু চিন্তা করে দেখবেন ॥

## চোখের জলের লেখক

ইংরিজির শব্দভাণ্ডার অতুলনীয়। তন্মধ্যে একটি শব্দ ‘গ্যাগা’—এর সঠিক উচ্চারণ না জানা থাকলেও ক্ষতি নেই। ‘গ্যাগা’ শব্দের অর্থ, লোকটার ব্রেন্-বক্সে যা আছে—যদি কিছু আদৌ থাকে—সেটা এমনই হযবরল গোবলেট পাকানোর জগা-খিচুড়ি যে কেউ কিছু বললে তার গলা দিয়ে যে ধ্বনি বেরয় সেটা ‘গাগা’, ‘গ্যাগো’ ‘গ্যাগ্যা’ গোঙরানো ঢপের—কাজেই শব্দটির যে কোনো উচ্চারণই মঞ্জুর। অর্থাৎ গাগার সঙ্গে ইম্বেসাইল, ইডিয়ট ( ‘পপ্টক’ বললুম না, কারণ হনৌতিবাবুর শব্দটির কপি-রাইট মেরে দিয়ে সেটার পাইরেটিং সংস্করণ বের করার দরুন পাড়ার ছোঁড়ারা আমাকে ‘কপ্টক’ থেকে ‘কাঁটা’, ‘পপ্টক’ থেকে ‘পাঠা’ বের না করে আড়াল থেকে আমাকে ‘পন্থক্’ বলতে আরম্ভ করেছে ) গোবর-গণেশ যে কারো সঙ্গে তুলনা করলে শেযোক্তদের অপমান করা হয়।

সেই গ্যাগাদের গ্যাগা—গ্যাগায়েষ্টের মত আমি শুধু অর্থহীন কতকগুলো ধ্বনি বের করলুম যখন আমার এক নিত্যলাপী গুণী বললেন, জর্টনেক অধ্যাপক<sup>২</sup> নাকি প্রকাশ্য সভায়লে রায় প্রকাশ করেন, স্বর্গত, প্রাতঃস্মরণীয় শিল্পীরাজ শরৎচন্দ্র চট্টোপাধ্যায় নাকি থাড্ডেকেলাস্ ‘চোখের জলের লেখক’! আচ্ছা, পাঠক তুমিও কও, সেস্থলে তুমি কি করতে! শরৎচন্দ্র কাঁদিয়েছেন! শরৎচন্দ্র হাসান নি! সামাজিক নিষ্ঠুরতার কাঁটাবনের উপর দিয়ে আমাদের কান ধরে হিড়হিড় করে টেনে নিয়ে যান নি!—কাঁদাবার জগ্ন নয়, যন্ত্রণায় চিন্কার করার জগ্ন। ব্যঙ্গ, শ্লেষ, বিক্রপ-বাণে আমাদের জর্জরিত করেন নি?

এই পুণ্য বঙ্গভূমিতে শতাব্দিক বর্ষ ধরে দুটি দল আছে। রামমোহন বনাম সতীদাহের দল, বিদ্যাসাগর বনাম নিরশু উপবাসের দল, রবীন্দ্রনাথ বনাম — তা সে যাই হোক। সেই দল চেষ্টি করেছিলেন শরৎচন্দ্রকে নেতা বানিয়ে রবীন্দ্রনাথকে অতিষ্ঠ করে তুলতে। তাঁরা মাথা পরিমাণ কৃতকার্য হয়েছিলেন সন্দেহ নেই, কিন্তু শেষ পর্যন্ত দেখা গেল, শরৎচন্দ্র দলের বাইরে। শরৎচন্দ্র যেমন ‘দত্তা’র ‘রাসবিহারী’ চরিত্র ঝাঁকেন, ঠিক তেমনি ‘নারীর মূল্য’ও লিখতে জানেন। (আশা করি বলার প্রয়োজন নেই যে শরৎচন্দ্র এই অনূল্য গ্রন্থ কাঁদাবার জগ্ন লেখেন নি; পাঠক, আপনি সে বই পড়ে কি ভেবেছেন সঠিক বলতে পারবো না; আমার মনে হয়েছে, আমি যেন দু গালে চড় খাচ্ছি এবং জানি যখন এ-ই আমার

---

১ যে-কোনো কারণেই হোক, বন্ধুবর নাম উল্লেখ করলেন না, আমিও শুখোই নি।

প্রাণ্য তাই আমি তখন কাঁদি নি— কারণ কাঁদবার হুকুও সঞ্চয় করতে হয়। )

এদিকে কিন্তু রবীন্দ্রনাথের ‘অন্ধভক্তের’ দল—ডেকে আন্ বললে যারা বেঁধে আনে—( যদিও আমি রবীন্দ্র-শিষ্য হিসেবে শপথ করে বলতে পারি, তিনি ডেকে আনতেও বলেন নি ) লাগলেন শরৎচন্দ্রের পিছনে। তার জের আজও চলছে। অবশ্য এস্থলে আমি করজোড়ে ক্ষমা ভিক্ষাকরে নিবেদন করি, পূর্বোল্লিখিত অধ্যাপক এ-‘দলে’র নাও হতে পারেন। তিনি হয়তো তাঁর স্বাধীন ধর্মবুদ্ধি অহুযায়ী তাঁর বক্তব্য বলেছেন।

কিন্তু এগব ‘বৃথা বাক্য’। স্বয়ং রবীন্দ্রনাথ একটি ‘তুলনামূলক’ কবিতা লিখতে লিখতে হঠাৎ লিখেছেন, ‘বৃথা বাক্য থাক্’। গুরুবাক্য স্মরণে এবং সেই নীতি অহুযায়ী আমারও মন তাই এতক্ষণ ধরে বৃথা বাক্য ভুলে গিয়ে শুধু জাঁকুঝাঁকু করছে, মেজদার স্মরণে—যিনি দুর্দান্ত শীতের রাতে লেপের ভিতর কচ্ছপটির মত শুয়ে আছেন আর শ্রীকান্ত তাঁর জন্ম পাতা উন্টে দিচ্ছেন, হঠাৎ ব্যাঘ্ররূপী ‘বউরূপী’র আবির্ভাব, ভিরমি কাটলে পর মেজদা ফীণ কর্তে বললেন, ‘দি রয়েল বেঙ্গল টাইগার’—ইতিমধ্যে খড়ম পেটাতে পেটাতে ( আহা, কী সুন্দর ছবিটি । ) কটুবাক্য, ‘খোটার ব্যাটার কাঁঠাল পাকা দিয়া’—এবং স্বশেষে পিসীমার সাত পাকের সোয়ামীর প্রতি অত্যন্ত প্রাকটিকাল সময়োপযোগী সদুপদেশ,—কাটা ছাজটি ভবিষ্যতের সুব্যবহারার্থে তরিবৎ করে তুলে রাখার জন্ম—সেকালে বোপ হয় ভাগলপুরে ব্যাঙ্কে ভল্টের ব্যবস্থা ছিল না। কিন্তু সাবধান! আমাকে সর্বক্ষণ সচেতন হয়ে থাকতে হবে যেন ফাঁদে পান না দি ;—শরৎচন্দ্র যে বাঙলা দেশকে হাসিয়েছেন তার উদ্ধৃতি দেবার প্রলোভন সঞ্চরণ না করলে বর্তমানে যাদের হাতে শরৎ-গ্রন্থাবলীর কপিরাইট তাঁরা আমাকে জেলে পুরবেন—পাতার পর পাতা নিছক পুনর্মুদ্রণ তাঁরা বরদাস্ত করবেন কেন? অথচ আমার বক্তব্য তো স্পষ্টতম হবে, যদি আমি একটি মাত্র বাক্যব্যয় না করে নিছক উদ্ধৃতির পর উদ্ধৃতি দিয়ে যাই।

তর্কস্থলে স্বীকার করছি কাঁদানো সহজ। হাসানো কঠিন। টেকো ভদ্রলোক তাঁর বাদবাকি কুলে আড়াইগাছা চুল দিয়ে মাথার সামনের দিকের চালটা যেন খড় দিয়ে ছাওয়ার নিফল প্রচেষ্টা করেছেন—তাই দেখে রকে বসে আমার তিন ভাগনে যে ‘সেব্রামীর’ টিপ্পন কাটলে সেটি অনায়াসে অলিম্পিকে পাঠানো যায় এবং সেটি আমি ঘরের ভিতর থেকে স্পষ্ট শুনতে পেলুম। কিন্তু, হায়, ওদের সঙ্গে যোগ দিতে পারলুম না, কারণ, সরলতম কারণ, আমার আপন টাকটি— থাক, ‘বৃথা বাক্য থাক্’। কিন্তু ঠিক ঐ সময় অল্প একটি ভদ্রলোক রাস্তা দিয়ে বাবার সময় রক্ থেকে যদি শব্দ আসতো, ‘আহা বেচারি, কাল রাত্রে তার ছেলোটি

—জানিস, কি হয়েছে?’—বাকিটা শুনে পেলাম না বলে হেঁকে শুধালুম, ‘কেন রে, কি হয়েছে?’ টাইকয়েডে একটা চোখ গেছে।’ আমি তখন রকেরই একজন হয়ে গেলুম।

কিংবা সরলতর উদাহরণ দি।

ঐ বৈঠকখানায়ই বসে আছি। বাড়ির বউঝিরা রান্নাঘরে কিস কিস কন্ধে গালগল্প করতে করতে—রাঁধে মেয়ে কি চুল বাঁধে না—হঠাৎ সবাই একসঙ্গে হেসে উঠলো। আমি যত গাংগা-ই হই না কেন, উঠে গিয়ে শুধবো না, ‘হ্যাঁ বউমা, তোমরা হাসছিলে কেন?’

কিন্তু তারা যদি হঠাৎ একসঙ্গে ডুকরে কেঁদে ওঠে তবে আমি হস্তদস্ত হস্বে ছুটে গিয়ে জানতে চাইবো তারা এরকম ধারা হঠাৎ কেঁদে উঠলো কেন? অর্থাৎ হাসি একে অল্পের কাছ থেকে দূরে নিয়ে যায়, কান্না কাছে টেনে আনে।

\*

\*

শরৎচন্দ্র ‘চোখের জলের লেখক’? আর বিদ্যাসাগর? বিধবা-বিবাহ আন্দোলনের সময় তিনি যে সব ব্যঙ্গ-বিদ্রূপ করেছেন, তখন আমরা ঠাঠা করে হেসেছি?—না? তাঁর ‘শকুন্তলা’ পড়তে পড়তে আমি তো হেসেই গড়াগড়ি! রবীন্দ্রনাথের হাস্যরস নিশ্চয়ই অত্যন্ত অপ্রচুর ছিল। নইলে তিনি লিখবেন কেন, ‘কেহ দুঃখ পায় ইহা তিনি (শ্রীকণ্ঠবাবু) সহিতে পারিতেন না—ইহার কাহিনীও তাঁহার পক্ষে অসম্ভব ছিল। এই বালকদের কেহ যখন কোঁতুক করিয়া তাঁহাকে পীড়ন করিতে চাহিত তখন বিদ্যাসাগরের “সীতার বনবাস” বা “শকুন্তলা” হইতে কোনো একটা করুণ অংশ তাঁহাকে পড়িয়া শোনাইত, তিনি দুই হাত তুলিয়া নিবেদ্য করিয়া, অহুনয় করিয়া কোনো মতে থামাইয়া দিবার জন্ত ব্যস্ত হইয়া পড়িতেন।’

আশ্চর্য! আমি তো গ্রন্থ দু’খানা পড়ে হেসেই কুটিকুটি। তবে হ্যাঁ, আমি পূর্বেই স্বীকার করেছি আমি গ্যাংগা।

সাহিত্যিক বিদ্যাসাগর মশাইকে লোকে চেনে তাঁর ‘চোখের জল’র বইয়ের জন্ত। অবতার বিদ্যাসাগরকে বাঙালী চেনে তিনি মানুষের চোখের জল মুছিয়ে দিতেন বলে। বিদ্যাসাগর মশাই দুটোই পারতেন। কিন্তু সবাই তো তা পারে না। সমাজের অত্যাচার অন্যায় দেখে সত্য সাহিত্যিক মানুষকে কাঁদায়। তাঁদের ভিতরে যারা সত্যকার মানুষ তখন তাঁদের অনেকেই সে-সব অন্যায়ের বিরুদ্ধে নান্দা তলওয়ার নিয়ে জেহাদ ঘোষণা করে। কারণ আমাদের অধিকাংশই জড়। সাহিত্যিক স্পর্শকাতর। সে যখন করুণ বর্ণনা দিয়ে আমাদের কাঁদায়,

তখন আমাদেরই মত জড়ভরতদের কেউ কেউ ঐ সম্বন্ধে সচেতন হয়।<sup>২</sup>

ড্রাইফুসের প্রতি নষ্টাধম ফরাসী মিলিটারী মদমস্ত হয়ে যে অবিচার করে তার প্রতিকারের জন্ত তাঁর সতীসাক্ষী স্ত্রী প্যারিসের বড় বড় রাজনৈতিক শক্তিশ্বর শাসক সম্প্রদায়ের ঘারে ঘারে গিয়ে করুণ আর্তনাদ করেছে। কিন্তু সে বেচারী তো আমাদের 'তুলনাহীনা' লেখিকা আশাপূর্ণা নয়। শেষটায় চরম দীনজন যে রকম ভিক্ষুকের কাছে ভিক্ষা চায়, ঠিক সেই রকম সে গেল সাহিত্যিক এমিল জোলার কাছে। তাঁর তখন বয়স হয়ে গিয়েছে। তিনি মাফ চাইলেন। শেষটায় বেচারী তার কাগজপত্র জোলার টেবিলে ফেলে রেখে চলে গেল।

এই পৃথিবীর পরম শোভাগ্য সেরাত্রে জোলার কোন কিছু করার ছিল না। এটা এটা নাড়াচাড়া করতে করতে হঠাৎ সেই রমণীর কাগজপত্র চোখে পড়লো। অলস-ভরে পড়া আরম্ভ করে, বুড়া হঠাৎ সোজা হয়ে বসল—তারপর গেল ক্ষেপে। তখন লিখল জাকাজ (J'accuse) 'আই একুজ'। 'ফরাসী সরকারকে আমি একুজ করি'।

তারপর কি হল সেটা বলতে গেলে ঐ বইখানা ছাড়িয়ে আরো দুখানা বই লিখতে হয়।

মনে নেই, ক'বছর নির্বাসনের কারাযন্ত্রণা ভোগ করে 'কঁদানো'র লেখক জোলার রূপায় ড্রাইফুসের প্রতি স্মবিচার হল।

শেষ কথা : বহু বহু প্রকৃত লেখক, 'চোথের জলের লেখক' নন কিংবা শুধু 'হাসাবার' লেখক নন। দুইই।

তবে কে কোথায় হাসবে, কে কোথায় কঁাদবে, বলা কঠিন। সেই "অরক্ষণীয়া" মেয়েটি যখন পড়ি-মরি হয়ে 'সেজেঞ্জে' কনে দেখবার পক্ষের সামনে বেরুতে যাচ্ছিল তখন একটি ছোট মেয়ে হাসি খামাতে না পেরে বলেছিল, পিসিমা সং সেজেছে।

আমি গ্যাগা। আমি মোল বছর বয়সে কঁদেছিলুম ॥

৪১২।৬৫

২ বিদ্যেসাগর ছদ্মনামে হান্স—বরঞ্চ বলা উচিত—ব্যঙ্গরসও করে গেছেন। কিন্তু তাঁর খ্যাতি সেজন্য নয়। বস্তুত তাঁর সে সব ছদ্মনামে লেখা পুনরাঙ্ক 'আবিষ্কৃত' হয় বছর বিশ-ত্রিশ পূর্বে।

## ছাত্র বনাম পুলিশ

( ১ )

‘দেখি ! বের করো অভিজ্ঞান-পত্র—আইডেনটিকেশন কার্ড !’

কী আর করে বেচারী—দেখাতে হল কার্ডখানা। নামধাম ঠিকানা তো রয়েছে, তদুপরি রয়েছে বেচারীর ফোটোগ্রাফ, তার নিচে ছোকরার দস্তখত, এবং দুটোর দু’কোণ জুড়ে যুনিভার্সিটির স্ট্যাম্প। হোমিওপ্যাথিক পাসপোর্ট আর কি !

হায় বেচারী ! যখন যুনিভার্সিটিতে প্রবেশ করার ওক্লে সগর্বে কর্তৃপক্ষের সম্মুখে ফোটোগ্রাফের নিচে দস্তখত করেছিলে তখন কি জানতে এটা ‘দস্তখত’ নয়, এই ‘কুকর্ম’ করে তার ‘দস্ত’ ( হাত ) ‘ক্ষত’ হয়েছিল—এ ‘পান’টি আমার নয়, বিত্তেসাগর মশাইয়ের। তাঁর প্রোতেজে মাইকেল পান করতেন প্রচুর, স্বয়ং বিত্তেসাগর ‘পান’ করতেন অত্যল্পই !

প্রাপ্তক সুরস প্রেমমালাপ হচ্ছিল জর্মানির কোন এক বিশ্ববিদ্যালয়ের ছাত্র এবং পুলিশম্যানে ( চলতি জর্মনে ‘শুপো’ )। ছোকরা রাস্তায় দাঁড়িয়ে রাত দুটোর সময় কঁাকর ছুঁড়ছিল একটি বিশেষ জানলার শাসিকে নিশান করে, এবং যেহেতু তৎপূর্বে—অর্থাৎ শনির সন্ধ্যা সাতটা থেকে রাত দুটো অবধি চেন-শ্রোকারদের মত এ্যাটুখানি, মানে ইয়ে, ঐ যাকে বলে বিয়ার—পান করেছিল বলে তাগটা স্বভাবতই টালমাটাল হয়ে পাশের যার-তার জানলার শাসির উপর পড়ছিল। অবশ্য একথা অবিসম্বাদিত সত্য যে, সে কাপুরুষের মত শুপোর হাতে আত্মদমপণ করে নি—আপ্রাণ পলায়ন-প্রচেষ্টায় নিষ্ফল হয়ে তবে ধরা পড়ে।

ব্যাপারটা সবিস্তার কি ?

অতি সরল। জর্মন ছাত্রছাত্রী ডিগ্রী লাভের পূর্বের তিন বৎসর ভূতের মত থাকে। কিন্তু শনির সন্ধ্যা থেকে রবির সকাল পর্যন্ত দল বেধে ‘পাবে’ ব’সে প্রেমসে বিয়ার পান করে। এবং যেহেতু বাড়াবাড়ি না করলে ঋষ্টধর্ম মত্তপান সম্বন্ধে উচ্চবাচ্য করে না, তাই কোনো কোনো ধর্মানুরাগী ছেলে ভোর সাতটার ‘মেস’ ( উপাসনায় ) যোগ দিতে যায় ‘পাব’ থেকেই, সোজা গির্জার দিকে—শনির সন্ধ্যা থেকে রবির ভোর ছ’টা, সাড়ে ছ’টা অবধি বিয়ার পান করার পর। অবশ্যই মত্তাবস্থায় নয়—তবে ইংরিজীতে যাকে বলে ঈষৎ মডলিন।

তা সে যাক। এ লেখনের বিষয়বস্তু—পুলিশ বনাম স্টুডেন্ট ( ‘স্টুডেন্ট’ বলতে জর্মনে একমাত্র যুনিভার্সিটি স্টুডেন্টই বোঝায়—স্কুলবয়কে বলে ‘শ্যালার’ )। এই দুই দলের মধ্যে হামোহাল—অবশ্য সাধারণত সন্ধ্যার পর থেকে ভোর পর্যন্ত

এবং বিশেষ করে শনির দিনগত রাতে—একটা অঘোষিত বৈরিতা বিরাজ করছে, যুনিভার্সিটি স্ট্রটের প্রথম দিন থেকে। আমি যা নিবেদন করতে যাচ্ছি তার ঐতিহাসিক পটভূমিটি কিন্তু কিংবদন্তীমূলক, অর্থাৎ পুরাণ জাতীয়। সেইটুকু সয়ে নিল। তার পরই মাল।

আমরা সকলেই জানি কতকগুলো উপাধি মানুষের নামের অচ্ছেদ্য অংশ : যেমন (১) রেভারেণ্ড, (২) কর্নেল, বা (৩) ডক্টর ( শুধু চিকিৎসক অর্থে নয় ; যে কোনো বিষয়ে পি এচ ডি ; ডি এস সি জাতীয় ডক্টরেট পাস করা থাকলে ) । প্রথম শ্রেণীর উপাধিগুলো বিবিদ্যন্ত, দ্বিতীয়গুলো রাজদত্ত এবং তৃতীয়গুলো যুনিভার্সিটি-দত্ত ।

রাজ্যতে চার্চে লড়াই বহু যুগ ধরে চলেছে। এ-লড়াইয়ে শেষের দিকে এলেন যুনিভার্সিটি। তার পূর্বে শিক্ষা-দীক্ষার ভার ছিল প্রধানত পাদ্রীদের হাতে। কিন্তু মহামতি লুথারের আন্দোলনের ফলে বহু পিতা পুত্রকে আর ‘কুসংস্কারাচ্ছন্ন’ যাজক সম্প্রদায়ের কাছে মানসিক, হাদিক এমন কি আধিভৌতিক উন্নতির জগ্ন পাঠাতে চাইলেন না। এ ছাড়া আরো বিস্তর কারণ ছিল, কিন্তু সেগুলো এস্থলে অবাস্তর না হলেও নীরস। মোদা কথা, চার্চ ও রাজার লড়াইয়ের মধ্যখানে যুনিভার্সিটিগুলো তক্কে তক্কে রইল আপন আপন স্বয়ংসম্পূর্ণ-স্বাধীনতা-স্বরাজ্য লাভের জগ্ন। তাদের মধ্যে অনেকেই ছিল লুথারপন্থী এবং তাদের মূল নীতি ছিল অনেকটা—‘যখন পোপের “গুরু-বাদ” ত্যাগ করে স্বয়ং স্বাধীনভাবে বাইবেল পড়তে চাও, এবং তব্বার অহুপ্রাণিত হয়ে একমাত্র স্বাধীন চিন্তার উপর নির্ভর করে জীবন যাপন করতে চাও, তবে বিশ্ববিদ্যালয়গুলোকে দিতে হবে স্বয়ং-সম্পূর্ণ স্বাধীনতা, ( অটোনমাস ইণ্ডিপেনডেন্স )—নইলে তারা স্বাধীন চিন্তা, স্বাধীন বিচার-বিশ্লেষণ করবে কি প্রকারে ?’

যে করেই হোক সে স্বাধীনতা যুনিভার্সিটি-টাউনগুলোর ( অর্থাৎ যে শহরগুলোতে বিশ্ববিদ্যালয়ই সর্বপ্রধান সর্বজনমাগ্ন প্রতিষ্ঠান ) রাস্তাঘাটেও সক্রিয় হয়ে উঠলো। অর্থাৎ নিতান্ত খুন, ধর্ষণ জাতীয় পাপাচার না করলে স্বয়ং বিশ্ববিদ্যালয়ই ছাত্রদের বিশ্ববিদ্যালয়ের আপন জেলে (?) পুরে দিতো—বিচারের ভার নিতেন বিশ্ববিদ্যালয়ের ল’ বা আইন, জুরিসপ্রুডেন্সের প্রফেসরগণ—‘ছাত্র আসামী’ এঁদেরই একজন বা একাধিকজনকে আপন উকাল নিয়োগ করতো—এবং সবকুছ ক্রী-গ্যাটিস-গ্যাণ্ড-কব্-নাথিং !

সে-সব দিন গেছে। তবু স্তনেছি, হাইডেলবের্গ বিশ্ববিদ্যালয়ের কিংবা অগ্ন কোনো একটা হতে পারে—আমার ঠিক মনে নেই—জেলখানাটি নাকি এখনো





স্বল্পতম প্রাচীনতমের নিঃসন্দেহ সর্বোৎকৃষ্ট বর্ণনা দিয়েছেন মার্ক টুয়েন্। সে বর্ণনাটি এমনই সব-জাতের-বাড়া চৌম্বকীয় আকর্ষণীয় বর্ণনা যে তারই টানে আমারই চেনা এক সহযাত্রী জার্মান-সীমান্তে পৌঁছেই নাক-বরাবর চলে যান ঐ জেল দেখতে—সী প্রাসাদ, ড্রেসডেনে সঞ্চিত রাখায়েলের মাদোম্মা নস্ত্রাৎ করে!

আলীপুরের যে সব 'কবিরা' গ্রহরীকে পাঠা নাম দিয়েছেন, কিংবা চোখ বন্ধ করে রাধার দুটি রাঙা পায়ের ধ্যানে মজে গেছেন, তারা কিন্তু বিলক্ষণ জানতেন, তাঁদের জন্ম মৃত্যু জেলের চতুর্দিকে ঘোরাকেরা করছে—শহীদ হওয়ার সম্ভাবনা কবি, অকবি সকলেরই প্রায় সমান। কিন্তু জার্মান-বিশ্ববিদ্যালয়-জেলে ছাত্রেরা যেত অল্প কয়েক দিনের জন্ম, ফাঁসির তো কথাই ওঠে না। তাই মার্ক টুয়েনের পক্ষে সম্ভব হয়েছে অপূর্ব হাঙ্গরসে রঞ্জিত করে সেই জেলটির বর্ণনা দেবার। কাজেই উপস্থিত আলীপুরের কথা ভুলে যান।

\*

\*

বিশ্ববিদ্যালয়ের জেলে ফাঁসি-কাঠ না থাকতে পারে, ক্যাবারে কাঁ কাঁ'র ব্যবস্থা না থাকতে পারে, কিন্তু লেখনী-মস্ত্রাধারের অভাব!—এটা কল্পনাভীত। যদিপ্রাৎ ঐ জার্মানীরই সর্বোৎকৃষ্ট দশ লিটার বিয়ার প্রসাদাৎ কল্পনাটা করেই ফেলি, তখন চোখের সামনে, বিকল্পে ভেসে উঠবে পেন্সিল্—এ-কথা তো ভুললে 'চলবে না, এদেশের কেতাবপত্রে মহামান্ন কাইজারের ( ভারতীয় কাইসর-ই-হিন্দ পদক, লাতিন সীজার ইত্যাদি) নাম পড়ার বহু পূর্বেই ভারতীয় ছেলেবুড়া ব্যবহার করেছে, Koh-i-noor, made by L. & C. Hardmuth in Austria, graphite<sup>২</sup> drawing pencil, compressed lead.

তাই সেই পেনসিল অরূপণ হস্তে ব্যবহৃত হয়েছে ছাত্র-'কয়েদী'র দল দ্বারা বংশপরম্পরায়—সাদা দেয়ালের উপর। শুধু কবিতা না বহুবিধ অন্যান্য চীজ্!

কিন্তু তৎপূর্বে তো জানতে হয়, এরা জেলে আসতো কোন্ কোন্ 'অপরায়' করে। এর অনেকগুলোই আমি স্বচক্ষে দেখেছি, এবং সাতিশয় সন্তোষ

২ এসব বাবদে জার্মানী অস্ত্রিয়া একই ধরা হয়। হিটলার নিজে অস্ত্রিয়ান হয়েও জার্মানীর ফ্যারার হয়েছিলেন, এ সব তো জানা কথা। উভয় দেশের ভাষাও এক।

সহকারে স্বীকার করছি, সবল সক্রিয় হিন্দুদারও হয়েছি বহু ক্ষেত্রে, অর্থাৎ স্ত্রোপো-স্টুডেন্টেন, পুলিশ ভর্সস্ ছাত্র 'যুদ্ধে'—কিংবা যুদ্ধ আসন্ন দেখে দ্রুততম গতিতে পলায়নে। কিন্তু সেটা অন্য অধ্যায়।

॥ ২ ॥

'পাজীটা এখনো এল না যে, ব্যাপারটা কি? বলেছিল না, তাব কাকা আসছে ডান্‌সিগ থেকে, ওর জন্ম নিয়ে আসবে কয়েক বোতল অত্যাঙ্কট ডান্‌সিগার গোর্ট, ভাসার (ডান্‌সিগের স্বর্ণবারি—সোমালী সোমরস), আমরা সবাই হিন্দু পাবো।'

'একটা ফোন করলে হয় না?'

'হঁ! সেই আনন্দেই থাকো! টেলিফোন! বুড়ির বাড়িতে এখনো দড়ি টেনে ভিতরের ঘন্টা বাধাতে হয়। ইলেকট্রিক বেল্‌ পযন্ত নেই। তবে, হ্যাঁ, গার্ল ফ্রেন্ডের যখন তখন আপন কামরায় নিয়ে যেতে দেয়। তত্পরি বুড়ি বন্ধ কালা। শুনেছি, পায়ের উপর গরম ইস্ত্রিটা হঠাৎ হাত থেকে ফসকে পড়ে গিয়েছিল—শুনতে পায় নি!'

রসালাপ হচ্ছিল শনির সঙ্ঘায় 'পাব'-এ। জনসাতেক মেঘর জমায়েৎ ছন্ন একটা গোল টেবিল ঘিরে বিয়ার পান করছেন। সেটার উপর কোনো টেবিল-ক্লথ নেই। আছে গত একশ বছরের স্টুডেন্ট খদ্দেরদের নাম, যারা প্রতি শনিবারে এই টেবিলটা ঘিরে গুলতানি করেছে—ছুরি দিয়ে খোদাই করা। আমাদের পলের বাপ ভিল্‌ হেল্মের নামও এই টেবিলে আছে। সমস্ত টেবিলটা নামে নামে সম্পূর্ণ ভর্তি হয়ে গিয়েছে—আর নতুন নাম খোদাই করার উপায় নেই।

এদের গুলতানির বর্ণনা বা ইতিহাস দেওয়া আমার উদ্দেশ্য নয়। কারণ সবাই জানেন, সেই সোক্রাতেসের যুগ থেকে ইয়োরোপের গুণীজ্ঞানী থেকে চোরচোটার সবাই মগালয়ে বসে বিশ্রান্তাগাপ করেছেন, এবং সহজেই অমুম্যেয়, চোরচোটার প্রাতের 'আইডিয়া'র সংজ্ঞা খঁজতে গিয়ে ছোরাছুরি করে নি, আর সোক্রাতেস প্রতিবেশীর তালাটি কি প্রকারে নিঃশব্দে বে-কার করা যায় তাই নিয়ে মগলপান করতে করতে শিষ্যদের সঙ্গে কূট যড়যন্ত্রে ত্রিষাযা যামিনী যাপন করেন নি। অর্থাৎ যে যার বৈদগ্ধ্য, জ্ঞানবুদ্ধি, যাতে তার চিত্তাকর্ষণ তাই নিয়ে কথাবার্তা কইতে ভালোবাসে। তবে হ্যাঁ, মগলপানের মেক্দার-

বাড়ার সঙ্গে সঙ্গে আলোচনার বিষয়বস্তু যে জীবৎ নিম্নস্তরে নেমে যায় সেটা অনেকেই লক্ষ্য করেছেন। জার্মানির স্টুডেন্টদের বেলায়ও তাই।

আমার ছিল মেজাজমজি অত্যন্ত ধারাপ। ঠিক সেদিনই খবর পেয়েছি ইংরেজ গোল্ড স্ট্যাণ্ডার্ডকে তালাক দিয়েছে। তারই ফলে আমার কুলে বন্ধরের ধরচার জন্ম ব্যাঙ্কে গচ্ছিত টাকার এক-তৃতীয়াংশ ( বেশী হতে পারে, কমও হতে পারে, এতকাল পর সঠিক বলা কঠিন) কর্পূর হয়ে গেল। অর্থাৎ এখন যে য়ুনিভার্সিটি রেস্টোরার সবচেয়ে সস্তা ডিনারটি ( সে যুগে লাম ছিল এদেশী পয়সায় কুলে বারো আনা ) খাবো, তারো উপায় রইল না। কাল সন্ধ্যা থেকে রাত্তিরের খাওয়াটা নিজেকেই রাখতে হবে। ওদিকে দেশের ইয়াররা ভাবছেন, 'লেখাপড়ায় আস্ত একটা গর্দভ ঐ ছেলে জার্মানি গিয়ে তোপা মজাটা লুটে নিলে, মাইরি।'

ইতিমধ্যে এসব 'পাবে' শনির সন্ধ্যায় যা-সব হয় সে-সবই হয়ে গেছে। ঠেঁয়াল করে গরম গরম সসেজ এসেছে, দু'চারটে আনাড়ি বাজিয়ে ব্যাজোর উপর উৎপাত করে যৎসামান্য কামিয়ে গিয়েছে, পিকচার পোস্টকার্ড জুতোর ক্রিতে বিক্রির ছলে ভিথিরি তার রোঁদ মেরে গেল।

করে করে রাত একটা বাজলো। বিশ্বয়বোধক চিহ্ন দেবার জন্ম ঐ চিহ্নেরই বিন্দুটির বিন্দুবৎ প্রয়োজন নেই। শনির রাত্রি জার্মানিতে আরম্ভ হয় বারোটায়—যত্বপি গ্রিনিজ কয়তা ঝাড়ে ঐ সময়টায় নাকি তার পরের দিন আরম্ভ। কিন্তু রাত একটার পর সাধারণ মতালয় বন্ধ। এর পর করা যায় কি? আমি বিশেষ করে তাদেরই কথা ভাবছি যাদের তখনো তেষ্ঠা মেটে নি—জার্মানদের বিশ্বাস তারা বিয়ার পান করে তৃষ্ণা নিবারণার্থে। সাধারণ মতালয় যখন বন্ধ তখন খোলা রইল অসাধারণ মতালয়। সেগুলো একটু ইয়ে অর্থাৎ বিশেষ শ্রেণীর মহিলায় ভর্তি আর কি। তবে স্টুডেন্টরা দল বেঁধে যখন সেখানে ঢুকে আপন গালগলে মত্ত হয় তখন ঐ পূর্বোক্ত 'ইয়েরা' ওদের জ্বালাতন দূরে থাক্—ডিস্টার্বও করে না। ওদের পকেটে আছেই বা কি?

ইতিমধ্যে সেই যে আমাদের টেওডর হাকে নিয়ে কাহিনী পত্তন করেছি, তার হঠাৎ পুনরায় শোক উত্থলে উঠলো ঐ ডানৎসিগ নগরীর শ্রম্যাত স্বর্ণবারির জন্ম। বার বার বলে, 'দেখলে ব্যাটার কাণ্ডখানা! রাত একটা তুক আমাদের বসিয়ে রাখলে একটা সুরালয়ে—যখন কিনা প্রত্যেক বাপের প্রত্যেক স্পুস্তুরের কর্তব্য আপন আপন স্থনিয়িত স্নেহময় নীড়ে নিদ্রাদেবীর শাস্ত্যঞ্চলে আশ্রয় নেওয়া।'

কে একজন বললে, 'এই ঋনিকক্ষণ আগেই না তুইই বললি, পেটারের

বাড়িটা আসলে আডাম এবং ঈভ তৈরী করেছিলেন খুবখুবের খুবখুবের ?

টেওডরের কিছু তখন কারো টিপ্পনীতে কান দেবার মত মরজি নয়—সে তখন যৌদ্ধে। হঠাৎ উদ্বেজিত হয়ে, যেন এক নবীন রিলেটিভিটি আবিষ্কার করার উৎসাহে শেখিয়ে বললে, ‘আর পেটার ব্যাটা নিশ্চয়ই আরামসে ঘুমুচ্ছে। চলো, ব্যাটাকে গিয়ে জাগানো যাক।’

এস্থলে কারো পক্ষে রণে ভঙ্গ দেওয়া জর্মন-স্টুডেন্ট-মহু-শাস্ত্রে গোমাংস ভক্ষণের চেয়েও গুরুতর পাপ। তুমি তা হলে আস্ত একটা কাপুরুষ! পুলিশকে—অর্থাৎ দুশমনকে—ডরাও। তোমার কলিজা বক্রির, তোমার সীনা চিড়িয়ার। অতিষ্ঠ হয়ে আপনি শুধোবেন, ‘রাত্রি একটাই হোক, আর তিনটেই হোক, কেউ কাকে জাগালে পুলিশের পূর্বতর অধস্তন চতুর্দশ পুরুষের কিবা ক্ষতিকর, জখম-লোকসান? ওদেশে কি রেতে-বেরেতে টেলিগ্রাফ পিয়ন আসে না?’

দাঁড়াও পাঠকবর, জন্ম যদি তব বন্ধে, তিষ্ঠ ক্ষণকাল! এসব ক্রমশঃ প্রকাশ্য।

বলা বাহুল্য রাত তেরোটার সময়—গ্রিনিজ যদিও সেটাকে দিবাভাগ বলেন—আপনি যদি বাড়ির, অবশ্য অগ্র বাড়ির, দোস্ত দুশমন—যে-ই হোক কাউকে জাগাবার চেষ্টা করেন, তা সে সীমেন-হালেক্সে-শুকেটের নব্যতম বিজ্ঞলি-বেল্ বাজিয়েই হোক, আর পৌরাণিক যুগীয় ঘণ্টাকর্ণ কানে যে-ঘণ্টা ঝুলিয়ে রাখতো যাতে করে সে তার জন্মবৈরী শ্রীহরির নাম-কীর্তন শুনতে না পায়—সেই ঘণ্টাটিই বাজান, বাড়িউলী দরজা খুলে শনির রাতে ঐ জ্বাকুহুমসঙ্কাল টেওডরের নয়নযুগল দেখতে পাবে—আমরা আর-সবাই না হয় পাশের গলিতে গা-ঢাকা দিয়েই রইলুম—তখন তার কণ্ঠ থেকে—ভুল বললুম, নাভিকুণ্ডলী থেকে যেসব মুরঙ্গ-মুবলীধ্বনি বেরুবে তার ঈষদ্তমাংশ শুনতে পেলে, ঐ যে ষানিকক্ষণ আগে কি-সব ‘ইয়ে’দের কথা বলছিলুম তারা পর্বস্ত নোকের সামনে নজ্জা পাবে। অতএব ঐ কবোক্ষ অঙ্ককারেও আমাদের কাছে জাজ্জল্য-মান হল যে ফ্রন্টাল এটাকের স্ট্রাটেজি বিলকুল ঠুই অব্-ডেট্।

আমাদের হৃদয়ে তৎসম্বন্ধে আশার একটি ক্ষীণ প্রলীপ মিদিত্ মিদিত্ করছে। পেটারের কামরাটা দোতলায়, এবং একদম রাস্তার উপরে। অতএব আমরা সেদিক বাগে যেতে যেতে হেথাহোথা ক্ষুদ্রাকারের হুড়ি, কাঁকর, সোডার ছিপি ইত্যাকার মারণাস্ত্র কুড়িয়ে নিয়ে হুসজ্জিত হয়ে পৌছলুম পেটারালয়ে—বকিম সর্কার পথ দুর্গম নির্জন পেরিয়ে।

পেটার থাকে মাউল কাডে (সার্থক নাম, বাবা,—‘ইহরের পথ’)।

টেওডরই আমাদের হিগেনবুর্গ বলুন, লুডেনডর্ক বলুন, আমাদের রাইখ মার্শাল। কিন্তু কাৰ্শ্কেজে দেখা গেল, যদিও সে পেটারের ঘরে আসে সপ্তাহে নিদেন দশ দিন, তবু তার জানলা যে ঠিক কোন্টা সেটা ঠাহর করতে পারছে না—আশা করি তার কারণ আর বুঝিয়ে বলতে হবে না। অবশেষে হান্স-ই লোকেট করলে জানলাটা। হান্স বটনির ছাত্র—পেটারের জন্মদিনে তাকে একটা অদৃষ্ট-পরিমাণ সাতিশয় বিরল ফণীমনসা উপহার দেয়। একটা জানলার বাইরের চৌকাঠ-পানা কালি কাঠের উপর হান্স সেটি আবিষ্কার করলে—রাজ্যের হিম খাওয়াবার জন্য পেটার সেটি ঐ সিল্ না লেজ্, কি যেন বলে ইংরাজীতে—তারই উপর রেখে দিয়েছিল। কালিদাসের যুগে ঘারে আঁকা থাকতো ভিন্ন ভিন্ন চিহ্ন যেমন শঙ্খচক্র—হেথায় কেক্টাস্।

পয়লা রৌণ্ডে টেওডর ছুঁড়ে মারল সোডার ছিপি। লাগলো গিয়ে ডান-পাশের জানলাটায়। আমরা ফিসফিস করে পেটারকে সাবধান করতে কহুর করি নি, কিন্তু কেবা শোনে কার কথা, সে তখন জাঁদরেল জনরৈল সিং, আমরা নিতান্ত ডালভাত দাবাখেলার বড়ে-পেয়াদা। দূসরা রৌণ্ডে টেওডর বোধহয় ‘কইন্স’ করেছিল একটা রো কোঁটোর ঢাকনা। এটা ধন-ন্-ন্ করে গিয়ে লাগলো বা-পাশের জানলাটায়। আমরা তাকে কিছু বলতে যেতেই সে ধমক দিয়ে বললে, ‘চোপ! এই হল আর্টিলারির আইন। প্রথম মারবে তাগের চেয়ে দূরে, তার পর তাগের চেয়ে কাছে, শেষটার ম্যাথম্যাটিকলি মেজার করে ঠিক মধ্যখানে।’ হবেও বা। ও তো প্রশান যুংকার ঘরের ছেলে—জানার কথা। এবং আমাদের তুলনায় তার পকেট-শস্তাগার পরিপূর্ণ। কারণ আমরা জর্মনীর ধোপ-দ্রস্ত রাস্তায় কুড়িয়ে পেয়েছি কীই বা এমন কামান-ট্যাঙ্ক। পক্ষান্তরে যুয়ুধান টেওডর ঘিনপিং উপেক্ষা করে ‘পাবে’র সামনের ‘বিন্’ থেকে মেলা অস্ত্রশস্ত্র সংগ্রহ করে এনেছে। তাই এবারে ছুঁড়লে ছোট্ট একটি মার্কিং ইঙ্কের খালি শিশি। লাগলো গিয়ে তেতলার একটা জানলায়। তখন বুকতে পারলুম জর্মনী প্রথম বিশ্বযুদ্ধে কেন জিততে পারে নি। দ্বিতীয়টা তখনো হয় নি। সে সময় হিটলার যদি আমাকে কনসল্ট করতো তবে আমি নিশ্চয়ই তাকে বারণ করে দিতুম—বিশেষত এই অভিজ্ঞতার পর।

তার চেয়েও পষ্ট বুরতে পারছি, টেওডর এখন যে অবস্থায় পৌঁচেছে সেখানে আপন নাক চুলকোতে চাইলে গুস্তা মারবে পিঠে। কিন্তু সে-তব্বটি তখন তাকে বলতে গেলে সেই সুপ্রাচীন জর্মন কাহিনীরই পুনরাবৃত্তি হবে মাত্র; এক মাতাল রাত চৌকাঠায় বাড়ি ভুল করে বার বার চেঁচা করছে চাবি দিয়ে সদর দরজা

খোলবার এবং সঙ্গে সঙ্গে কটুকটব্য। সেই শব্দে শেষটায় দোতলায় একজনের ঘুম ভেঙে গেল। নিচের দিকে মাতালকে দেখে বললে, 'হেই, তুমি ভুল বাড়ির ভালা খোলবার চেষ্টা করছো'। মাতাল উপরের দিকে তাকিয়ে একগাল হেসে বললে, 'হে হে হে হে! তুমিই ভুল বাড়িতে ঘুমুচ্ছে।'

এই একতরফা লড়াই—আইনে যাকে বলে ইন্ আবসেন্শিয়া—কিংবা বলতে পারেন ডন্ কুইকস্টের জল-যন্ত্র-আক্রমণ আধখনটাটাক চলার পর টেওডর ছাড়লে—বলতে গেলে তার প্রায় শেষ সিক্স পোণ্ডার—সার্ডিনমাছের খালি একটা টিন। বন্ বন্ করে শব্দ হল। কিন্তু পরে মনে হয়েছিল সে যেন ওস্তাদ এনায়েৎ খানের সেতার—কারণ সঙ্গে সঙ্গে সব-কিছু ছাপিয়ে কানে গেল পুলিশের ভারি ভারি বুটের শব্দ। এটা হল কি প্রকারে? সচরাচর শানবাঁধানো রাস্তার উপর রোঁদের পুলিশের বুটের শব্দ সেই নিখুম নিশীথে অনেক দূরের থেকে শোনা যায়, এবং টেওডর ছাড়া আমাদের আর সঙ্কলের আধখানা কান খাড়া ছিল তারই আশঙ্কায়। অতএব দে ছুট, দে ছুট! কোন্ মুর্খ বলে যুদ্ধে পলায়ন কাপুরুষের কর্ম! ইংরেজ আফ্রিকীদের সঙ্গে যুদ্ধে পালালে পর এ-দেশের জোয়ানদের বুঝিয়ে বলতো, 'এর নাম বাহাদুরীকে সাখ্ পিছে হঠনা!'

কিন্তু ছুটতে ছুটতে আমি শুধু ভাবছি, এতগুলো বুটের শব্দ এক সঙ্গে হল কি করে? রোঁদে তো বেরোয় প্রাতি মহল্লায় হার্টের, sorry, হার্টলেস্ সিংগ্‌ল্‌টন। তা সে যা-ই হোক, এখন তো প্রাণটা বাঁচাই।

পূর্বেই বলেছি, পেটারের গলিটার নাম মুমিকমার্গ। আসলে কিন্তু বন্ শহরের আঁকাবাঁকা হাঁহুলি বাঁকের মোড়, পায়ের 'বেঁকি'-গয়নার প্যাচ-খাওয়া আড়াই বিঘৎ চওড়া নিরানবুইটি 'রাস্তাকেই' মুমিকমার্গ বলা যেতে পারে—তার জন্ম কল্পনাশক্তিটিকে বহু হুদূরে সম্প্রসারিত করতে হয় না।

কিন্তু একটি তত্ত্ব সর্বজনবিদিত। এই গলিঘুঁচি কোথায় যে হঠাৎ বেঁকে গেছে, কোথায় যে রাস্তার একপাশে বহু প্রাচীন কালেই পঞ্চমপ্রাপ্ত একটি কারখানার অঙ্ককাব অঙ্কনে অশরীরী হওয়া যায়, অর্থাৎ লুকানো যান্ন (হংসমিথুনের কথা অবশ্য আলাদা), কোথায় যে একটা গারাজের আংটাতে পা দিয়ে সামান্য তকলিকেই ছাতে ওঠা যায়, এ সব তথ্য পুলিশ যতখানি জানে আমরাও ঠিক ততখানিই জানি। এমন কি লেটেস্ট খবরও আমরা রাখি: অমুক দেউড়ির ঠিক সামনের রাস্তার বাঁতিটি বরবাদ হয়ে গিয়েছে, এখনো মেরামত হয় নি, কিংবা অমুক জায়গায় পরশুদিন থেকে এক ডাঁই পিপে জুটেছে—পিছনে দিবা অন্ধকার। অর্থাৎ পুলিশ তার আপন হাতের তেলো যতখানি

চেনে, আমরাও আমাদের ভেলো তত্ত্বানিই চিনি।

স্বীকর্মার্গ ধরে খানিকটে এগোলেই দেখানে ভেরান্তা। আমাদের স্ট্র্যাটেজি অতি সনাতন, সুপ্রাচীন। সঙ্গে সঙ্গে আমরা দুই ভাগে বিভক্ত হয়ে ছ'দিকে ছুট লাগলাম। আবার ভেরান্তা পেলে আবার ছ' ভাগ হব। ধরা যদি পড়িই তবে বলহুত্ব ধরা পড়বো কেন? এবং যুদ্ধের নীতিও বটে, 'আক্রমণের সময় দল বেঁধে; পলায়নে একলা-একলি।' যুদ্ধে বন শহরে পুলিশ গিস্ গিস্ করে না— আর এই রাত চোদ্দটায় ফাঁড়ি-খানা ক'টাই বা স্পেয়ার করতে পারে? কাজেই প্রতি ভেরান্তায় তারা যদি আমাদেরই স্ট্র্যাটেজি অহুসরণ করে তবে যাদের 'মেন পাওয়ার' কম বলে, কয়েকটা রাত্তা কোলো অপ্ করতে পারবে না বলে শেষ পর্যন্ত হয়ত কেউই ধরা পড়বে না। কিন্তু এই 'গুপো' নন্দনগণ ঘড়েল। এবশ্রকার বহু যুদ্ধে তারা জয়ী এবং পরাজয়ী হয়ে যে অভিজ্ঞতা সঞ্চয় করেছে সেটা তাদের শেখায় অত্র স্ট্র্যাটেজি।

পাঠক, তুমি কখনো পোষা চিতে বাঘ দিয়ে হরিণ-শিকার দেখেছ? না দেখারই সম্ভাবনা বেশী, কারণ সেই রাজারাজড়াদের আমলেও এ খেলাটি অস্বদেশে ছিল বিরল। আমাকে দেখিয়েছিলেন বরোদার বড়ো মহারাজ।

মহারাজার খাস রিজার্ভ করেস্টে ছিল বিস্তর হরিণ। তাদের পিছনে লেলিয়ে দেওয়া হত একটা পোষা, ট্রেন্ড্ চিতে বাঘ। বাঘ দেখা মাত্রই হরিণের পাল দে ছুট দে ছুট। এবং মাচান্ডের উপর থেকে স্পষ্ট দেখতে পেলুম, একটু হুবিধা পাওয়া মাত্রই তারা ছ' ভাগ হয়ে গেল, তার পর আবার ছ' ভাগ, ফের ছ' ভাগ—ক'রে ক'রে হরিণের পাল আর পাল রইল না, হয়ে গেলো চিত্তিরমিত্তির।

কিন্তু আমাদের নেকড়ে মহাশয়টিও অতিশয় সুবুদ্ধিমান। এ ভাগ, ও ভাগকে খামোখা ভাড়া করে সে বর্বরস্ত্র শক্তিক্ষয় করলো না। সে প্রথম থেকেই ভাগ করে নিয়েছে একটা বিশেষ হরিণ। প্রতিবারে পাল যখন ছ' ভাগ হয়, তখন সে ঐ বিশেষ হরিণটার ভাগেরই পিছন নেয়। পরে চিতার ট্রেনার আমাকে বলেছিল, 'সব চেয়ে যে হরিণটা ধুমসো, চিতে সব সময়ই একমাত্র ঐটের পাল নেয়—এদিক ওদিক ছোটাছুটি করে শক্তিক্ষয় করে না, কারণ চিতে জানে ঐটেই হাঁপিয়ে পড়বে সকলের পয়লা। ধরতে পারলে পারবে ঐটেকেই—সব সময় যে পারে তাও নয়।'

বন শহরের গুপো সম্প্রদায় ঠিক তাই করলে। আমাদের মধ্যে যে ছুটি ছিল সব চেয়ে হোঁৎকা ওরা প্রতি ছ' ভাগ হওয়ার সময় ওদেরই পিছু নিল। শেবটার

ধরতে পেরেছিল অবশ্য একজনকে। সে কিন্তু টেওডর নয়, এবং জস্ট টু কীপ কম্পানি, ছুঁড়ে ছিল মাত্র নিভাস্ত খুদে ছ'চারটি কঁকর। তার কথাই আপনাদের খেদমতে ইতিপূর্বে পেশ করেছি।

আগের জমানায় পুলিশ তাকে দিয়ে দিত য়ুনিভার্সিটির হাতে—সে যেত য়ুনিভার্সিটির জেলে। শুনেছি, এন্ডেক স্বয়ং প্রিন্স আউটো এডওয়ার্ড লেওপোল্ড ফন্ বিস্‌মার্ক অবধি গেছেন। এবং সে তখন জেলের দেয়ালের উপর পেন্সিলযোগে আপন জিবাংসা, কিংবা অল্পশোচনা, কিংবা মধ্যখানে, কিংবা কটুবাক্য—যথা যার অভিরুচি—কতু গড়ে কতু ছন্দে, সেও কী বিচিত্র, কখনো আলেক্‌জেন্ড্রিয়ান কখনো—সে কথা আরেক দিন না হয় হবে—লিখতো : আমার আমলে আমাদের যেতে হত শহরের জেলে—একদিনের তরে ( সেও এক মাসের ভিতর দিনটা বাছাই করে নেওয়া 'আসামী'র এক্সেয়ারেই ছেড়ে দেওয়া হত, বাইরে থেকে আপন থানা আনানো যেত, এবং যেহেতু যেসব সহযুগ্মানবর্গ সে যাত্রায় পালাতে সক্ষম হয়েছিলেন তাঁরা নেমকহারাম নন, তাঁরাই চালা তুলে উত্তম লক্ষ ডিনার বাইরে থেকে পাঠাতেন ) ; কিংবা ( ভারতীয় মূত্রায় ) সোয়া ভিন টাকা জরিমানা দান—যথা অভিরুচি।

কিন্তু প্রশ্ন, এতগুলো পুলিশ সে রাত্রে হঠাৎ এক জোট হল কি করে ?

খাঁটি বন-বাসিন্দারা আমাদের যুদ্ধে নিরপেক্ষ। কিন্তু লক্ষ্যভ্রষ্ট কঁকর বা সোডার ছিপি যদি তার জানলায় লেগে গিয়ে তার নিস্ত্রাভঙ্গ করে তবে সে জানলা খুলে কটুবাক্য আরম্ভ করার পূর্বেই আমরা অকুস্থল ত্যাগ করি। কেউ কেউ আবার হঠাৎ এক ঝটকায় জানলা খুলে আমাদের মাথার উপর ঢেলে দেয় এক জাগ্ হিমশীতল জল। আমরা অবশ্য এজাতীয় অহেতুক উপদ্রবের জঙ্ক সদাই সতর্ক থাকি।

কিন্তু আজ ছিল আমাদের পড়তা খারাপ। টেওডরের সঙ্কলের পয়লা বুলেট, বা সোডার ছিপি, যাই বলুন, পড়ে একদম পাশের ফ্ল্যাটে এক নবাগত বিদেশীর জানলায়—কেন যে বিদেশীগুলো বন-শহরটাকে বিবাক্ত করার জন্ত আসে, আল্লায় মালুম—সে কিন্তু জানতো, বন শহরের ধাস বাসিন্দারা এই ( মোর্ দ্যান্ ) হান্‌ড্রেড্ ইয়ার ওয়ারে ভদ্র হুইটজারল্যাণ্ডের মত সেই যুদ্ধারম্ভের রাত্রি থেকেই নিরপেক্ষ, জোর কটুকটব্য ( অর্থাৎ ডিপ্লোমাটিক প্রেস্টেট )। কিংবা এক জাগ্ জল। তা সে এমন কীই বা অপকর্ম ? ইউরোপীয়রা তো চান করে একমাত্র বধন আহাজ-ডুবি হয়। জল ঢেলে সে তো পুণ্যসঙ্ঘ করলো, ডাক্তারদের আহ্বাতাজন হল। কিন্তু আজকের এই বিদেশী পাপিষ্ঠটা কটুবাক্য করে নি, জল



চলে নি, করেছে কি, সে-স্বাটে কোনছিল বলে চুপিসাড়ে ফাঁড়ি-খানাকে জানিয়ে দিয়েছে। ওদিকে আবার ইয়ার টেওডরের অশুনতি সখা এই শহরে। এবং বছর দুই ধরে সে প্রাগুক্ত পদ্ধতিতে শহরের এ-মহল্লায়, ও-মহল্লায় শনির রাতে— এবং সেটা যত গভীর হয় ততই উম্মা—আজ একে, পরেব শনিতে অল্প কাউকে জাগাবার চেষ্টা করে যাচ্ছে। পুলিশ বিস্তর গবেষণার পর লক্ষ্য করলো যে লর্ডই ওয়ার্কিং মেথড বা মডুস অপেরাণ্ডি ছবছ এক—বড় বড় ব্যান্ড-ডাকাতরা যে রকম পুলিশের এই জাতীয় গভীর গবেষণার ফলেই শেষ পর্যন্ত ধরা পড়ে। তাই তারা সেই ডেঞ্জরস্ ক্রিমিনাল টেওডরের প্রতীক্ষাতেই ছিল।

আর আপনাদের সেবক এই অধম? সে কি কখনো ধরা পড়েছিল?

॥ ৩ ॥

অধীর পাঠক! শাস্ত হও, তোমার মনে কি কুচিন্তা সে আমি জানি; ইতিমধ্যে ঐ বাবদে দু'খানা চিঠিও পেয়েছি, আমার কিন্তু কিন্তু-কিন্তু ভাবটা যাচ্ছে না। আমি জানি, তোমার জ্ঞানতৃষ্ণা প্রবল, তাই জানতে চাও আমি কখনো ধরা পড়ে শ্রীধরবাস করেছিলুম কিনা। আমার সে 'দুরাবস্থা'র<sup>৩</sup> বর্ণনা শুনে তোমার হৃদয়মনে কোন্ প্রতিক্রিয়া সৃষ্ট হবে সেই নিয়ে আমার হুঁতাবনা। তাহলে একটি ছোট্ট কাহিনী দিয়ে আমার সঙ্কোচটা বোঝাই।

মাত্র কয়েকদিন আগে, এই ১৬ই অগ্রহায়ণ, আমরা স্বর্গত গুরুদাস বন্দ্যোপাধ্যায়ের মৃত্যুদিন পালন করলুম। এঁর বহু বহু সদগুণ ছিল, তার অল্পতম, তিনি নিজে সাহিত্য নাট্য সৃষ্টি করুন আর নাই করুন সে যুগের সবাই মেনে নিয়েছিলেন যে তাঁর মত শাস্ত্রজ্ঞ রসজ্ঞ জন বাঙলা দেশে বিরল—এবং শুকুমাত্র রসজ্ঞ হিসাবে অদ্বিতীয়। তাই কাঁচা পাকা সর্ব লেখকই তাঁকে তাঁদের বই পাঠিয়ে মতামত জানতে চাইতেন। ওদিকে গুরুদাস ছিলেন কর্মব্যস্ত পুরুষ। সেই ডাঁই ডাঁই বই পড়ে স্বহস্তে উত্তর লেখার তাঁর সময় কই? তাই একখানা পোস্টকার্ডে<sup>৪</sup> বা ছাপিয়ে নিয়েছিলেন তার মোটামুটি মর্ম এই :—‘মহাশয়, আপনার

৩ এ-যুগের ছেলে-ছোকরারা বিভ্রাসাগর পড়ে না বলে বলতে দোষ নেই যে একলা এক পিঠা-পুত্র বিভ্রাসাগর মশায়ের কাছে তাদের দুঃখের কাহিনী শেষ করলে এই বলে, ‘আমাদের দুরাবস্থাটা দেখুন।’ বিভ্রাসাগর নাকি মুচকি হেসে বললেন, ‘তা সেটা আকার ( আ-কার ) থেকেই বুঝতে পারছি।’

পাঠানো পুস্তকের অল্প কৃতজ্ঞতা জানাই। আমি উহা মনোযোগ সহকারে পড়িয়াছি। সভ্য বলিতে কি পড়িতে পড়িতে—'এখানে এসে থাকতো একটা লম্বা লাইন, এবং তার উপরে ছাপা থাকতো, 'হাস্ত সধরণ করিতে পারি নাই' এবং লাইনের নিচে ছাপা থাকতো 'অশ্রু সধরণ করিতে পারি নাই।' তিনি নাকি পাঠানো বইখানা পড়ে যথোপযুক্তভাবে হয় লাইনের উপরের 'হাস্ত সধরণ' বা নিচের 'অশ্রু সধরণ' কেটে দিতেন। তিনি ছিলেন অজ্ঞাতশব্দ, তাই নিশ্চয়ই কোনো বদরসিক কাহিনীটির সঙ্গে আরো জুড়ে দিত যে, অধিকাংশ স্থলেই তিনি নিজে বইখানি পড়তেন না, তাঁর সেক্রেটারি সেটি পড়ে বা না পড়ে উপরের 'হাস্ত' কিংবা নিচের 'অশ্রু' কেটে দিত।<sup>৪</sup>

তাই আমার কিন্তু-কিন্তু, তুমি লাইনের উপরের না নিচের, কোন্ বাক্যটি কাটবে—আমার কাহিনী শুনে। তা সে যাকগে, বলেই ফেলি। কোন্ দিন আবার দুম করে মরে যাবো।

পূর্বেই নিবেদন করেছি, চিতে বাধ হরিণের পালের গোদাটাকেই সব সময় ধরবার চেষ্টা করে তারই পিছনে ধাওয়া করে যখন সব কটা এদিক ওদিক ছড়িয়ে পড়ে—শহরের পুলিশও ঠিক সেই রকম আমাদের মত 'পিলাচ-সম্প্রদায়ের' সব চেয়ে হেঁৎকাটাকেই ধরবার চেষ্টা করতো, আমরা যখন তাড়া খেয়ে হরিণের টেকনিকই অহুসরণ করে ইদিকের ওদিকের গলিতে ছড়িয়ে পড়তুম। কিন্তু কিছুদিন পরে আমরা লক্ষ্য করলুম, একই গোদাকে বার বার শিকার করে পুলিশ যেন আর খাটি স্পোর্টসম্যানের নির্দোষানন্দ লাভ করছে না। তখন তারা দুসরা কিংবা তেসরা মোটুকাটাকে ধরবার চেষ্টা করতে লাগলো। তাদেরও ট্রেনিং হচ্ছে, আন্মোগোরও। কখনো তারা জেতে, কখনো আমরা জিতি। সেই যে

৪ ভিক্টর য়ুগো (Hugo) সম্বন্ধে বলা হয়, একবার এক অধ্যাতনামা কবি য়ুগোকে তাঁর কবিতার বই পাঠিয়ে তাঁর মতামত জানতে চাইলেন। সঙ্গে সঙ্গে য়ুগোর সানন্দ অভিনন্দন এসে পৌঁছল সেই কবির হাতে, তাঁর কাব্যসৃষ্টির অজস্র প্রশংসাবাদ করে য়ুগো শেষ করেছেন এই বলে, 'হে নবীন কবি, আমি তোমাকে সান্দর আলিঙ্গন করে, ফ্রান্সের কবিচক্রের আমন্ত্রণ জানাই।' তিন দিন পরে বুক-পোস্টে পাঠানো কবির সেই কবিতার বই কেবলত এল তাঁর কাছে। উপরের পিঠে পোস্ট অফিসের রবর স্ট্যাম্পে ছাপ, 'ষথেষ্ট টিকিট লাগানো হয় নি বলে গ্রহণকারী বেয়ারিং হারে ফালতো পয়সা দিতে নারাজ অতএব প্রেরকের কাছে কেবলত পাঠানো হল।'

শুলিখোর শিকারী বয়ান দিচ্ছিল, 'ভারপন্ন আমি তো কইর করলুম বন্দুক, আর কুস্তাকেও দিলুম শিকারের দিকে লোলয়ে। ভারপন্ন বন্দুকের গুলি আর কুস্তাকে কী রোগ। কভী কুস্তা কভী গোলী, কভী গোলী কভী কুস্তা।' আমাদের বেলাও তাই, 'কভী ইস্‌টুডেন্ট কভী পুলিশ, কভী পুলিশ কভী ইস্‌টুডেন্ট।' আমার অবশ্য কোনই ডর ভয় ছিল না। কারণ আমি তখন এমনিতেই ছিলুম বেহদ্‌ রোগা টিঙটিঙে—পাঁচ ফুট সাড়ে ছ'ইঞ্চি নিয়ে একশ' পাঁচ পোণ্ড ওজন—অর্থাৎ হৌংকা মোট্‌কা জর্মন সহপাঠীদের তুলনায় তো আখটিপ নস্তি! তত্পরি আমি সর্বদাই স্তনির্মল বহুর দেই তিরস্কারটি মনে রাখি, 'বাঙালী হয়েছো, পালাতে শেখ নি!'

কিন্তু বিশ্বাস করুন আর নাই করুন, এই রাতে দেখি, পুলিশ অস্ত্র ব্যবস্থা করেছে। এতদিন যেই আমি একা হয়ে যেতুম, পিছনে আর বুটের শব্দ শুনতে পেতুম না। সেরাজে দেখি, পুলিশ নিতান্ত আমাদেরই ধরবার জন্ত যে মনস্থির করেছে তাই নয়, আগের থেকে, বেশ স্তিচিস্তিত ফাইভ ইয়ারস প্র্যানিং করে যেন জাল পেতেছে। আমি তাড়া খেয়ে ঘোড়াকেই যাই, পিছনে তো বুটের শব্দ শুনতে পাই-ই, তত্পরি দেখি, ঐ দূরে গলির মুখে আরেকটা পুলিশ দাঁড়িয়ে রয়েছে—যেন বিরহজর্জরিত ফিলমের নায়ক প্রোথিতভতৃকা নায়িকাকে আলিঙ্গনার্থে দাঁড়িয়ে আছেন। কিন্তু আমি মহাভারত পড়েছি, জানি, এ আলিঙ্গন হবে ধার্তরাষ্ট্র। অতএব মারি গুলী অস্ত্র বাগে।

অনেকক্ষণ ধরে এই খেলা চললো। ইতিমধ্যে আমি কয়েক সেকেন্ডের তরে সব পুলিশের দৃষ্টির বাইরে; এবং সঙ্গে সঙ্গে ঢুকলুম একটা 'পাব'। ঝটকা মেরে 'বার' থেকে অস্ত্র কারো অর্ডারী এক কাপ কফি যেন ছিনিয়ে নিয়ে গিয়ে বসলুম, 'পাব'-এর স্তদূরতম প্রান্তে। সঙ্গে সঙ্গে ঢুকলো একটা পুলিশ।

খাইছে। এবারে এসে পাকড়াবে। বৈষ্ণবরাজ চরক বলেন, 'এ অবস্থায় হরিনামের বটিকা খেয়ে স্তয়ে পড়বে!'

সে কিন্তু হাঁপাতে হাঁপাতে প্রথমটায় 'বার' কীপারের মুখোমুখি হয়ে, আমার দিকে পিছন কিরে এক গেলাস বিয়ার কিনে একটা অতি দীর্ঘ চুমুক দিলে। আমি বুকলুম, মাইকেল সত্যই বলেছেন, সীতাদেবীকে রাবণের রাক্ষসী প্রহরিনীরা কোনো গাছতলায় বসিয়ে বেপরোয়া বোরাঘুরি করতো,

'হীনপ্রাণা হরিনীরে রাখিয়া বাধিনী

নির্ভয় হৃদয়ে যথা করে দূর বনে'

গল্পময় ইংরিজীতে বাকে বলে নিতাস্তই 'ক্যাট অ্যাণ্ড মাউস প্লে'। বরক

রবীন্দ্রনাথেরটাই ভালো, 'এ যেন পাখি লয়ে বিবিধ ছলে শিকারী বিড়ালেক খেলা'।

এবারে সে গেলাস হাতে করে 'বার'-এর দিকে পোছন করে আমার দিকে মুখ করে তাকাল।

আমিও অলস কোঁতুহলে একবার তার দিকে তাকালুম। 'পাব'-এ নতুন নিরীহ খন্দের ঢুকলে ঘেরকম অগ্নি নিরীহ খন্দের তার উপর একবার একটি নজর বুলিয়ে অগ্নি দিকে চোখ ফেরায়।

আমি যদিও তখন মাথা নিচু করে কাপের দিকে তাকিয়ে আছি—যেন মাইক্রোস্কোপ দিয়ে বৈজ্ঞানিক অণুপরমাণু পর্যবেক্ষণ করছেন—তবু স্পষ্ট বুঝতে পারলুম, লোকটা কি ভাবছে। তারপর শুনলুম, 'গুটে নাখটু'! আমি মাথা তুলে দেখি পুলিশ তার বিয়ার শেষ করে 'পাব'ওলাকে 'গুড নাইট' জানিয়ে চলে যাচ্ছে। ( জার্মানীর অলিখিত আইন, 'বিয়ার খাবে ঢক ঢক করে, ওয়াইন খাবে আ-স্তে, আ-স্তে।' )

ঠিক বুঝতে পারলুম না কেন? তবু হাঁপ ছেড়ে বাঁচলুম বলি নি। এদের তো রাবণের গুটি। এবার যিনি আসবেন, তিনি এঁয়ার মত বাপের সুপুতুর নাও হতে পারেন। আবার বাইরে যাবারও উপায় নেই। জাল গুটিয়ে সবাই চলে গেছেন, না ঘাপটি মেরে বসে আছেন, কে জানে?

ঘণ্টাখানেক পর যখন 'পাব' নিতাস্তই বন্ধ হয়ে গেল, তখন দেখি সব ফাঁকা। তবু সাবধানের মার নেই। অকুস্থলের উন্টে মুখে রঙয়ানা দিয়ে অনেকখানি চক্কর খেয়ে বাড়ি ফিরলুম 'তড়পত হুঁ জৈসে জলবিন মীন' হয়ে।

\*

\*

তার দু-তিনদিন পর সকালবেলা যখন পাতাড়ি নিয়ে ঘুমি ( ভার্সিটি ) যাচ্ছি, তখন একজন পুলিশ হঠাৎ সামনে দাঁড়িয়ে বুটের গোড়ালি গোড়ালিতে ক্লিক করে আমাকে সেলুট দিলে। আমি হামেশাই পুলিশের সামনে ভারী স্ববিনয়ী—বার তিনেক 'গুটেন মর্গেন গুটেন মর্গেন গুটেন মর্গেন' বললুম, যত্নপি একবারই যথেষ্ট।

কোন প্রকারের লৌকিকতা না করে সোজা শুখোলে, 'তুমি ইণ্ডিয়ান?'

তালেবর পুলিশ মানতে হবে! বলেছে 'ইণ্ডার'। 'ইণ্ডিয়ানার' বা রেড ইণ্ডিয়ান বলে নি। এদেশের অধিকাংশ শিক্ষিত লোকও সে পার্থক্যটি জানে না। বললুম, 'হ্যাঁ।'—

শুখোলে, 'এখান থেকে ইণ্ডিয়া কতদূর?'

আমি বললুম, 'এই হাজার পাচেক মাইল হবে। সঠিক জানি নে, তবে।'

জাহাজে যেতে ১২।১৩ দিন লাগে।’

বললে, ‘বাপ-মা এই পাঁচ হাজার মাইল দূরে পাঠিয়েছে বাদরামি শেখবার জন্তে ?’

এতক্ষণে আমার কানে জল গেল। বুঝলুম, উইথ রেকারেনন্স টু দি কনটেকসট বে, লোকটা সেই রাজের আমাদের দলের দুর্ভিক্ষ এবং পরবর্তী লুকোচুরির কথা পাড়ছে। আমি তবু নাক-টিপলে-ছুধ-বেরোয়-না গোছ হয়ে বললুম, ‘কিসের বাদরামি ?’

জর্মনে ‘স্ভাকা’ শব্দের ঠিক ঠিক প্রতিশব্দ নেই। কিন্তু যে কটি শব্দ পুলিশমান প্রয়োগ করলে তার অর্থ ঐ দাঁড়ায়। তারপর নামলো সম্মুখসমরে! বললে, ‘সেরাজে কয়েক সেকেন্ডের জন্ত চোখের আড়াল হয়ে যেতে পেরেছিলে বলে তোমাকে ধরি নি। এবারে কিন্তু ছাড়বো না।’

‘অনেক ধন্যবাদ!’ তারপর আমিও রণাঙ্গনে নেমে বেহায়ার মত বললুম, ‘সে দেখা যাবে।’

যেন একটু দরদী গলায় বললে, ‘কিন্তু কেন, কেন এসব করো?’

আমিও তখন একটু নরম গলায় বললুম, ‘এদেশে কি শুধু যুঁজতে পড়তেই এসেছি? ওদেশে বসেও তো এ-দেশের বই কিনে পড়া যায়। আমি এসেছি সব শিখতে, আর-সব স্টুডেন্টরা যা করে, তাই করি।’

‘সব ছেলে এরকম বাদরামি করে?’

আমাকে বাধা হয়ে স্বীকার করতে হল সবাই করে না।

‘তবে?’

তখন বললুম, ‘ব্রাদার, শোনো। এই স্টুডেন্ট বনাম পুলিশ লড়াই সর্বপ্রথম আরম্ভ হয় চতুর্দশ শতাব্দীতে হাইডেলবের্গে। এখানে আরম্ভ হয় ১৭৮৬তে। তারপর কয়েক বছর যুঁজি বন্ধ ছিল—কেন, সঠিক জানি নে, বোধ হয় নেপোলিয়ন তার জন্ত দায়ী—কের যুঁজি খোলার সঙ্গে সঙ্গে ১৮১৮ থেকে। এবারে তুমিই কও, বৃকে হাত দিয়ে, এই আমরা আজ যারা স্টুডেন্ট, আমরা যদি আজ লড়াই কাস্ত দি তবে ভবিষ্যৎ-বংশীয় স্টুডেন্টরা ইতিহাসে লিখে রাখবে না “অতঃপর বিংশ শতাব্দীর তৃতীয় দশকে এক দল কাপুরুষ ছাত্র আগমনের ফলে—তাহাদের মধ্যে একটা অপদার্থ ইণ্ডিয়ানও ছিল—সেই সংগ্রাম বন্ধ হইয়া যায়—স্টুডেন্টরা পরাজয় স্বীকার করিয়া লইল।” তারপর ভারতীয় নাটকীয় পদ্ধতিতে ‘হা হতোম্বি হা হতোম্বি’ করার পর বললুম, ‘এই কে মহাকবি হাইনে, তিনি পঞ্চম এখানে—’

এই করনুম ব্যাকরণে ভুল। বাধা দিয়ে শুধালে, 'তুমি তার মত কবিতা লিখতে পারো ?'

নিশারশে সে জিতেছিল না আমি জিতেছিলুম, সেটা সমস্তায়ময়, সেটাকে 'ডু' বললেও বলা যেতে পারে, কিন্তু দিবাভাগে এই তর্ক-যুদ্ধে আমি হার মেনে বললুম, 'বাকিটা আর একদিন হবে, ব্রাদার। এখন তোমার নামটা বলো। সেই শনির রাতে যেখানে আমাদের প্রথম চারি চক্ষুর মিলন হয়েছিল সেখানেই দেখা হবে। আমি কোন করে ঠিক করে নেব। এখন চলি, আমাদের ক্লাস আছে।'

সে হেসে যা বললে সেটাকে বাঙলায় বলা চলে, 'ডুছু খাবে টামাকও ছাড়বে না।'

\*

\*

এবারে ধরতে পারলে ছাড়বে না—সে তো বুঝলুম। ওদিকে এক মাস পরে আমার পরীক্ষা। তিনটে ভাইভা। শনির রাত জেগে তামাম রববার শুধু মুখস্থ আর মুখস্থ। হাসি পায় যখন এদেশে গুনি, এখানে বড্ড বেশী মুখস্থ করানো হয়; মুখস্থ না করে কে কবে কোন্ দেশে কোন্ পরীক্ষা পাশ করেছে। তা সে পেসতালদজির দেশেই হোক আর ফ্র্যাংবেলের দেশ, এই জর্মনিতেই হোক। তাই আমাকে আর যুদ্ধে না ডেকে আমাদের ফীল্ড মার্শেল আমাকে রিজার্ভে রাখলেন। মাত্র এক রাতে ডাক পড়েছিল, তবে সেটা শহরের অগ্ন প্রান্তে। আর এক দিন, সেই দৈত্যকুলের প্রহ্লাদ-পোটির সঙ্গেই একটা 'পাব'-এ বসে ছু-দণ্ড রসালাপ করেছিলুম। লোকটি সত্যই অমায়িক।

\*

\*

এদেশে পরীক্ষার পূর্বে এত সাতায়ন রকমের কাগজপত্র মায় থীসিস্, ডীনের দক্ষতরে জমা দিতে হয় যে, সবাই শরণ নেয় আনকোরা হালের যে ছ'দিন আগে পাস বা ফেল করেছে। তারাই শুধু এসব হাবিজাবির লেটেস্ট খবর রাখে। সে রকম হুজনা অনেকক্ষণ ধরে বসে, দফে দফে, একাধিক বার মিলিয়ে নিয়ে এক বাঙালি কাগজ, কর্ম, সার্টিফিকেট আমাকে দিয়ে বললে, 'এইবারে যাও বৎস, ডীনের দক্ষতরে। সব মিলিয়ে দিয়েছি। আর, শোনো, সব কাগজের নিচে রাখবে একখানা পাঁচ মার্কার (তখনকার কালে পাঁচ টাকার একটু কম) নোট। এটা কেরানীর অন্টায় প্রাপ্য—কিন্তু পূর্ণ শত বৎসরের ঐতিহ্য।'

হুকু হুকু বৃকে—প্রায় নার্ভাস ব্রেক ডাউনের সীমান্তে পৌঁছে—দাঁড়ালুম গিয়ে ডীনের দক্ষতরে, কাউটারের সামনে। পাঁচ টাকার চেয়ে বেশীই রেখেছিলুম।

যে কেরানী এসে সম্মুখে দাঁড়ালেন তাঁর এ্যাকডা হিঙেনবুর্গা গোক, আর

বয়েসে বোধ হয় তিনি যুনির সমান। সাতিশষ গম্ভীর কণ্ঠে আমার গুড়, মনিওর-  
কি একটা বিড়বিড় করে উত্তর দিয়ে দকে দকে কাগজ গুনলেন, টাকাটা কি  
কায়দায় যে সরালেন ঠিক ঠাইর করতে পারলুম না। কিন্তু মুখে হাসি ফুটলো  
না। বরঞ্চ গম্ভীর কণ্ঠে গম্ভীরভর করে শুধোলেন, ‘অমুক সার্টিফিকেটটা কই?’

আমি তো সেই দুই যোগানদারদের উপর রেগে টঙ। পই পই করে আমি  
শুধিয়েছি, ওরা আরো পই পই করে বলেছে, সব কাগজ ঠিকঠাক আছে, এখন এ  
কা গেরো রে বাবা! বুলুম, কি একটা সার্টিফিকেট আনা হয় নি। কিন্তু সে-  
সার্টিফিকেট কিসের, কোনোই অহুমান করতে পারলুম না। যোগানদারদের  
মুখেও শুনি নি।

ভয়ে ভয়ে শুধালুম, ‘কি বললেন, শুর!’

এবার যেন নাভিক্ষুণ্ডলি থেকে কৈয়াজখানি কণ্ঠে কি একটা বেরলো।

গুরু-মুর্শাদ, ওস্তাদ-মুরব্বীদের আশীর্বাদ-দোওয়া আমার উপর নিশ্চয়ই ছিল ;  
হঠাৎ অর্থাৎ মাথার ভিতরে যেন বিদ্যুতের মত বিলিক মেঝে গেল। আর সন্ধে  
সন্ধে আপন অজান্তে এক গাল হেসে বলে ফেলেছি, ‘চেষ্টা তো দিয়েছি, শুর, ছ  
বচ্ছর ধরে প্রায় প্রতি শনির রাত্রে—মাফ করবেন শুর—বলা উচিত রবির  
ভোরে। তা ওরা ধরতে না পারলে আমি কি করবো? বললে পেত্যায় যাবেন  
না, শুর—’

ইতিমধ্যে বুড়ো হঠাৎ ঠাঠা করে হেসে উঠেছেন। যেমন তাঁর গাম্ভীর তেমন  
তাঁর হাসি। বিশেষ করে তাঁর বিরাট গোপ জোড়ার একটা দিক নেমে যায়  
নিচে, তো অল্পটা উঠে যায় উপরের দিকে। সে হাসি আর ধামে না। ইতিমধ্যে  
ছোকরা কেরানীরাও হাসির রগড় দেখে তাঁর চতুর্দিকে এসে দাঁড়িয়েছে। এবারে  
খেমে বললেন, ‘ধরা দেবার চেষ্টা করলে, আর ওরা ধরতে পারলো না, এটা কি  
রকম কথা?’

আমি বললুম, ‘যে-পুলিশ আরেকটু হ’লে ধরতে পারতো, তাকে সাক্ষী  
স্বরূপ হাজির করতে পারি যে, আমি চেষ্টার ক্রটি করি নি, এই জেলে যাবার  
সার্টিফিকেট যোগাড় করার।’

সংক্ষেপে বললেন, ‘খুলে কও।’

আমি সেই প্রকৃতির লোক যারা নার্সাস ব্রেকভাউনের ভাঙন থেকে পড়ি-পড়ি  
করতে করতে বেঁচে গিয়ে হঠাৎ নিষ্কৃতি পেয়ে হয়ে যায় অহেতুক বাচাল—সেও  
আরেক রকমের নার্সাসেনেস্! গড় গড় করে বলে গেলুম, পুলিশের সেই জাল  
পাতার কাহিনী—বিশেষ করে আমার উপকারার্থে—‘পাব’-এর ভিতরকার ব্যান-

ও সর্বশেষে সেই পুলিশম্যানের সঙ্গে পথিমধ্যে আমার যম-নচিকেতা কথোপকথন। বক্তৃতা শেষ করলুম, দীর্ঘনিশ্বাস ফেলে, 'এর পর এই পরীক্ষার পড়া নিয়ে বঙ্ক ব্যস্ত ছিলুম বলে সলিড্ কিছু করে উঠতে পারি নি, স্তর। শুধু ঐ যে, দিন পনেরো আগে হঠাৎ এক সকালে দেখা গেল লর্ড মেয়ারের বিরাট দফতরের উচ্চতম টাওয়ারে একটা ছেঁড়া ছাতা বাঁধা, বাতাসে পংপং করছে, কাছার ব্রিগেড পর্যন্ত নামাতে পারে নি, ঐ উপলক্ষে অধীন কিঞ্চিং, অতি যৎকিঞ্চিং সাহায্য করতেন—'

একজন ছোকরা কেরানী আঁতকে উঠে বললে, 'সর্বনাশ! ওটার তালাশী যে এখনো শেষ হয় নি!'

বুড়ো বললেন, 'আমরা তো কিছু শুনছি না।'

বুড়োর কাছ থেকে বিদায় নিয়ে বেরুতে গেলে তিনি কাউন্টীরের স্ল্যাপ্‌টা তুলে আমার সঙ্গে দোর পর্যন্ত এলেন—পরে শুনলুম, এ-রকম বিরাট সম্মান ইতিপূর্বে নাকি মাত্র দু'একজন বিদেশীই পেয়েছেন। আমি কিছু শুধাবার পূর্বেই তিনি যেন বুঝতে পেরে তাঁর মাথাটি আমার কানের কাছে নিচু করে, এবং সঙ্গে সঙ্গে বুড়ো আঙুলের ডগা বৃকে ঠুঁকে ঠুঁকে ফিস ফিস করে বললেন, 'আমি তিনবার, আমি তিনবার।' তারপর অত্যন্ত সিরিয়াসলি শুধোলেন, 'বছর তিনেক পূর্বে এক ডাচ স্টুডেন্ট বললে—বুঝতেই পারছো, এ রসিকতাটা আমি শুধু বিদেশী ছাত্রদের সঙ্গেই করে থাকি, হুদু মাত্র জানবার জন্ম, তারা কতখানি সত্যকার জর্মন ঐতিহ্যের যুনি ছাত্র হতে পেরেছে—স্টুডেন্টরা নাকি ক্রমেই হারছে।' কণ্ঠে রীতিমত আশঙ্কার উৎপীড়ন।

আমি তাঁর প্রসারিত হাত ধরে হাওশেক করতে করতে বললুম, 'তিন বছর পূর্বে, ইয়া। কিন্তু তারপর জানেন তো, আমি আর আপনাদের মত মুক্কবীকে কি বলবো, ক্রমঃতম মেঘেরও রূপালী সীমন্তরেখা থাকে—এল জর্মনিতে অভূতপূর্ব বিরাট বেকার সমস্যা, যেটা এখনও চলছে। ফলে ছেলেরা ম্যাট্রিক পাস করে এদিক ওদিক কাজে ঢুকতে না পেরে বাধ্য হয়ে ঢুকছে যুনিতে, আগে যেখানে ঢুকতো একজন, এখন চোকে দশজন। ওদিকে সরকারের পয়সার অভাবে পুলিশের গুপ্তি না বেড়ে বরঞ্চ কমতির দিকে। আমরা এখন দলে ভার। বস্তুতঃ আমরা এখন নিশাচরবৃত্তি পরিত্যাগ পূর্বক দিবাভাগেই তাদের সম্মুখ-সমরে আহ্বান করতে পারি—করি না, শুধু শতাধিক বৎসরের ঐতিহ্য ভঙ্গ হবে বলে।' তারপর একটু খেমে গম্ভীরতর কণ্ঠে বললুম, 'আর যদি কখনো সে দুদিনের চিহ্ন দেখি, তবে সেই হুদুর ভারত থেকে ফিরে আসবো—আ মি। সামনের পরীক্ষায়



পাস করি আর কেলই মারি, সেই পরাজয় প্রতিরোধ করার জন্য যুঁজিতে ঢুকে ছাড়া হব আবার—আ মি ।’

‘আমো ।’ ॥

### রাসপুত্তিন

এক একটা দুঃখ মানুষ আমৃত্যু বয়ে চলে। আমার নিজের কথা যদি বলার অহুমতি দেন, তবে নিবেদন করি, অধ্যাপক বগদানকের আমাকে বলা তাঁর নিজের জীবনের কিছু কিছু অভিজ্ঞতা আমি যে কেন তখনই লিখে রাখি নি সেই নিয়ে আমার শোক, এবং এ-শোক আমার কখনো যাবে না। তারই একটি ১৯১৭-র কম্যুনিষ্ট বিপ্লব। তিনি অকুস্থলে উপস্থিত ছিলেন এবং সমস্ত ঘটনাটি বর্ণন করতে তাঁর লেগেছিল পুরো ন’টি ঘণ্টা। শাস্তিনিকেতনে আশ্রমের ইস্কুলের শোবার ঘণ্টা পড়ে রাত ন’টার সময়; আমি কলেজে পড়তুম বলে অধ্যাপকের ঘরে ঐ সময়ে যেতে কোনো বাধা ছিল না। পর পর তিন রাত্রি ধরে রাত বারোটা-একটা অবধি তিনি আমাকে সে ইতিহাস বলে যান। অবশ্য অনেকই বলতে পারেন, ঐ যুগপরিবর্তনকারী আন্দোলন সম্বন্ধে বিস্তর প্রামাণিক পুস্তক লেখা হয়ে গিয়েছে এবং অধ্যাপক বগদানকের পাঠটা খোয়া গিয়ে থাকলে এমন ‘কাই বা ক্ষতি। হয়তো সেটা সত্য, কিন্তু ঐ বিষয়ে আমি যে কটি সামান্য বই পড়েছি তার সব কটাই বড়ই পাণ্ডিত্যপূর্ণ, বৈজ্ঞানিক। বগদানক তাঁর কাহিনী বলেছিলেন একটি ষোল বছরের ছোকরাকে—ঘটনার মাত্র চার-পাঁচ বৎসর পরে এবং সেটি তিনি তাই করেছিলেন সেই অহুঘায়ী রসময়, অর্থাৎ সাহিত্যরসে পরিপূর্ণ। এখানে বলে রাখা প্রয়োজন মনে করি, অধ্যাপকের বর্ণনভঙ্গিটি ছিল অসাধারণ, তাই পরবর্তী যুগে তাঁর ইরান ও আফগানিস্থান (এ ছুটি দেশে তিনি দীর্ঘকাল বাস করেন) সম্বন্ধে লিখিত গবেষণামূলক পাণ্ডিত্যপূর্ণ প্রবন্ধরাজি পণ্ডিত-মণ্ডলীতে সাহিত্যিক খ্যাতিও পায়। মাতৃভাষা রাশানে তিনি লিখেছেন কমই— তাঁর পাণ্ডিত্যপ্রকাশ-যুগে রাশাতে এ ধরনের গবেষণার কোনোই মূল্য ছিল না বলে সেগুলো সেখানে ছাপানোই ছিল অসম্ভব। তিনি প্রধানত লেখেন করাসী ইংরাজী ও ফার্সীর মাধ্যমে। এবং সব চেয়ে বেশী সম্মান পান ফার্সী পণ্ডিতজন মধ্যে।<sup>১</sup>

১ এঁর উল্লেখ শ্রীযুত প্রসন্ন মুখোপাধ্যায় তাঁর ‘রবীন্দ্র-জীবনীতে’ করেছেন ‘আমিও ‘দেশ-বিদেশে’ বইয়ে অল্পবিস্তর আলোচনা করেছি

তিনি যে দ্বিতীয় কাহিনী বলেন, সেটি রাসপুতিন সন্থকে। প্রথমটির তুলনায় এটি অনেক দৃশ্য। রাসপুতিনকে নিহত করা হয়, পুরনো ক্যালিফোর্নার অল্পবয়সী ১৬ই ডিসেম্বর, নতুন ক্যালিফোর্নার অল্পবয়সী ৩০ ডিসেম্বর ১৯১৬ খৃষ্টাব্দে। এর প্রায় কুড়ি বৎসর পর রাসপুতিনকে নিয়ে আমেরিকায় একটি ফিল্ম তৈরী হয় (এবং আমার যতদূর মনে পড়ে লায়োনেল বেরিমোর রাসপুতিনের অংশ কৃতিত্বের সঙ্গে অভিনয় করেন) এবং ঐ সময় রাসপুতিন-হস্তা রাশার শেষ জারের নিকটীয় গ্র্যাণ্ড ডিউক ইউরুপফ (আরবা হীক্রেতে ইউরুফ, ইংরিজীতে জোসেফ) ইয়োরোপে। ১৯১৭-র রুশ বিপ্লবের মধ্যে তিনি ও তাঁর স্ত্রী সেই সব ভাগ্যবানদের দুজনা, যাঁরা প্রাণ নিয়ে রাশা থেকে পালাতে সক্ষম হন। তিনি লণ্ডন আদালতে মোকদ্দমা করেন ফিল্ম নির্মাতাদের (বোধ হয় M G M) বিরুদ্ধে যে, তাঁরা যে ফিল্মে ইঙ্গিত দিয়েছেন, রাসপুতিন তাঁর অর্থাৎ ইউরুপফের স্ত্রীকে পঞ্চম তাঁর কামানলের দিকে আকর্ষণ করতে সক্ষম হয়েছিলেন সেটা সম্পূর্ণ মিথ্যা। তিনি মোকদ্দমাটি হেরে যান বটে, কিন্তু ঐ মোকদ্দমাটি তখন এমনই cause celebre কল্প সেলেব্র রূপে—যেমন আমাদের ভাওয়াল সন্ন্যাসীর মোকদ্দমা—প্রখ্যাতি লাভ করে যে তার অল্প দু'এক বৎসর পর ঐ মোকদ্দমায় প্রধান অংশগ্রহণকারী একজন উকিল মোকদ্দমাটি সন্থকে একটি প্রামাণিক—এবং আমি বলবো—সাহিত্যিক উচ্চপর্যায়ের প্রবন্ধ লেখেন। তিনি যদিও ইউরুপফের বিরুদ্ধ পক্ষের উকিল ছিলেন, তবু আদালতে ইউরুপফ দম্পতির ধানদানী সৌম্য আচরণের অরূপণ প্রশংসা করেন। তারপর হয়তো আরো অনেক কিছু ঘটেছিল কিন্তু তার খবর আমার কানে পৌঁছয় নি। হঠাৎ গত মাসের 'আনন্দবাজার'র এক ইস্ততে দেখি, ইউরুপফ ফের মোকদ্দমা করেছেন—এবার কিন্তু আমেরিকায়, কলাম্বিয়া বেতার প্রতিষ্ঠানের বিরুদ্ধে রাসপুতিন ও তাঁর জীবন নিয়ে নাট্যপ্রচার করার জন্ম—এবং আবার মোকদ্দমা হেরেছেন। সেই স্ববাদে আমার মনটা চলে গেল ১৯২১-২২ খৃষ্টাব্দে, যখন অধ্যাপক বগ্‌দানফ রাসপুতিন-কাহিনী আমাকে ঘণ্টা তিনেক ধরে শোনান।

পরবর্তী যুগে ফিল্ম বেকলো, তার পর লণ্ডনের উকিল তাঁর বক্তব্য বললেন, এবং 'আনন্দবাজার' বিদেশ থেকে যে সংবাদ পেয়েছেন, তা-ই প্রকাশ করেছেন। এদের ভিতর পরস্পর বিরোধ তো রয়েইছে, কিন্তু আমার পক্ষ থেকে এ-স্বলে আসল বক্তব্য এই যে, বগ্‌দানফ বলেছিলেন, সম্পূর্ণ না হোক অনেকখানি ভিন্ন কাহিনী। আমি আদৌ বলতে চাই নে, তাঁর বিবরণী, জবানী বা ভার্সন—যাই বলুন—সেইটেই নির্ভুল আশ্ববাক্য; বস্তুত তিনি নিজেই আমাকে বার বার

বলেছিলেন, 'মাই বয়! সেন্ট পেটেরসবুর্গে তখন এত হাজারো রকমের গুজোঁ হ নিত্য নিত্য ডিউক সম্প্রদায় থেকে আস্তাবলের ছোকরাটা পর্যন্ত গরমাগরম এ-মুখ থেকে ও-মুখ হয়ে রাশার সর্বত্র ছড়িয়ে পড়ছে যে আমারটাই যে অভ্যাস পেই বা বলি কোন্ সাহসে? তবে এটা সত্য আমার জীবনের সর্বপ্রধান কাজ "টেক্‌স্ট-ক্রিটিসিজ্‌ম্"—তখনো ছিল, এখনো আছে—অর্থাৎ কোনো পুস্তকের পেলুম তিনখানি পাণ্ডুলিপি, তাতে একাধিক জায়গায় লেখক বলেছেন পরম্পরবিরোধী তিনরকম কথা। আমার কাজ, যাচাই করে সত্য নিরূপণ করা, কিংবা সত্যের যতদূর কাছে যাওয়া যায় তারই চেষ্টা দেওয়া। অতএব, বুঝতেই পারছো, রাসপুতিন সম্বন্ধে গুজোঁবগুলো আমি সরলচিত্তে গোত্রাসে গিলা নি, আমার বুদ্ধিবৈবেচনা প্রয়োগ করে যেটা সর্বাপেক্ষা সত্যের নিকটতম সেইটাই বলছি।'

অধ্যাপক রাসপুতিনের প্রথম জীবনাংশ সংক্ষেপে সারেন। ১৮৭১ খৃষ্টাব্দে এই চাষী পরিবারের ছেলে রাসপুতিনের জন্ম সাইবেরিয়াতে। 'রাসপুতিন' তাঁর আসল নাম নয়—সেটা পরে অন্য লোকে তাঁর উচ্ছৃঙ্খল আচরণ, বিশেষ করে কামাদি ব্যাপারে, জানতে পেয়ে তাঁর উপর চাপায়। লেখাপড়ার চেষ্টা তিনি ছেলেবেলায় কিছুটা দিয়েছিলেন সত্য, কিন্তু সেদিকে ছিলেন, ক্লাসের মাঝুর্লী চাষার ছেলেরও অনেক নিকৃষ্ট। এর পর তিনি তাঁর সমাজের ভ্রমঘরেই বিয়ে করেন—আর পাঁচটা ছেলের মত। কিন্তু তার কিছুকাল পরেই হঠাৎ তাঁর ঝাঁক গেল 'ধর্মের' দিকে, কিন্তু প্রচলিতার্থে আমরা ধর্মীচরণ বলতে যা বুঝি সেদিকে নয়। হিন্দু ধর্মে যে-রকম একাধিক মতবাদ, শাখা-প্রশাখা—২শের প্রচলিত (অর্থডক্স) সনাতন খৃষ্টধর্মেও তাই। তারই একটার দিকে আকৃষ্ট হলেন গ্রেগরি (রাসপুতিন)। এখানে উল্লেখ প্রয়োজন বলে মনে করি, অধ্যাপক বগদানফ ছিলেন অতিশয় 'গোঁড়া'—আমি সম্ভ্রানে শব্দটি ব্যবহার করছি—রাশার সরকারী ধর্ম 'গ্রীক অর্থডক্স' চার্চে বিশ্বাসী এবং আচার্য্যিঃ খৃষ্টান। শান্তিনিকেতনে তাঁর কামরায় (তখনকার দিনের অতিগিলালা, এখন বোধ হয় 'দর্শন-ভবন') দেয়ালে ছিল ইকন এবং তার নিচে অষ্টগ্রহর জলতো মঙ্গলপ্রদীপ এবং তারই নিচে তিনি অহরহ দাঁড়িয়ে স্বদেহে আঙ্গুল দিয়ে ক্রুশ চিহ্ন অঙ্কিত করতে করতে—ঠিক আমাদের বুদ্ধিদের মত—বিড়বিড় করে ক্রতগতিতে মন্তোচ্চারণ করতেন। বলা বাহুল্য রাসপুতিন যে খ্‌লিস্তি (khlisti) সম্প্রদায়ে প্রবেশ করলেন সেটাকে অধ্যাপক অপছন্দ করতেন। এ সম্প্রদায় উন্নত নৃত্য, সংগীত (এবং লোকে বলে যোনাভিচার) ইত্যাদির মাধ্যমে পরমাত্মাকে মানবাত্মায় অবতীর্ণ করিয়ে স্বয়ং পরমাত্মায় পরিবর্তিত হওয়ার চেষ্টা

করে। এ মার্গ বিশ্বসংসারে কিছু আজগুবি নূতন চীজ নয়। তবে এঁরা বলতে কত্নর করতেন না যে, স্ত্রী পুরুষের যৌনসম্পর্ক সম্বন্ধে এঁরা উদাসীন, অর্থাৎ এ বাবদে কে কি করে সেটা ধর্তব্যের মধ্যে নয়। রাসপুতিন এটাকে নিয়ে গেলেন তাঁর চরমে। তিনি প্রচার করতে লাগলেন, ‘পাপ না করলে ভগবানের ক্ষমা পাবে কি করে? অতএব পাপ করো!’ এ ছাড়া তাঁর আরেকটি বক্তব্য ছিল, তিনি পরমান্বার অংশাবতার, এবং তাঁর সঙ্গে দেহে মনে আত্মায় আত্মায় যে কেউ সম্মিলিত হবে তারই চরম মোক্ষ তদুগেই। তাঁর শিষ্যাগণের সঙ্গে তাঁর সেই সম্মিলিত হওয়াটা কোন পদ্ধতিতে হতো সেটা বলতে ম্লীলতায় বাধে, এবং একথা প্রায় সর্ববাদিসম্মত যে তিনি তাঁর শিষ্য-শিষ্যাগণকে নিয়ে একই কামরায় যে সব ‘সম্মেলন’ ঘটাতেন সেটা শুধু তিনি নিজেতেই সীমাবদ্ধ রাখতেন না, শিষ্য-শিষ্যাগণ নিজেদের মধ্যে ও সম্মিলিত হতেন। ইংরিজীতে একেই ‘অর্জি’ ‘সেটারনেলিয়া’ ইত্যাদি বলে থাকে।

এটা সত্য, রাসপুতিনের কথা আমিই উত্থাপন কবেছিলুম এবং অধ্যাপকও রাসপুতিন সম্বন্ধে তাঁর যা জানা ছিল সেটি সবিস্তর বলেছিলেন, কিন্তু তিনি রাসপুতিনের ধর্মসম্প্রদায় সম্বন্ধে বলতে গিয়ে তাঁর পূর্ণ বক্তব্যের প্রায় অর্ধাংশ ব্যয় কবেন ঐ সম্প্রদায় নিয়ে, এবং বিশ্বের অন্যান্য ধর্মে কোথায় কোথায় এ-প্রকারের ‘অর্জি’ স্বীকৃত এবং কাহে পরিণত হয়েছে তাই নিয়ে। এ বাবদে তাঁর শেষ বক্তব্য আজও আমার ম্পষ্ট মনে আছে : ধর্মের নামে এ ধরনের অনাচার কেন যুগে যুগে হঠাৎ মাথা চাড়া দিয়ে ওঠে, কিংবা গোপনে গোপনে বিশেষ কয়েকটি পরিবারের মধ্যে সীমাবদ্ধ হয়ে প্রাচীন ধারাটি অক্ষুণ্ণ রাখে, এ তত্ত্বটি সাতিশয় গুরুত্ব দারণ করে এবং এর অব্যয়ন প্রচলিত ভিন্ন ভিন্ন ধর্মশাস্ত্রীয় পুস্তক অধ্যয়ন করে হয় না, এর দ্বন্দ্ব প্রথমত প্রয়োজন নূতন এবং পরে সমাজতত্ত্বের গভীর অধ্যয়ন (এর পূর্বে Anthropology ও Sociology এ দুটো শব্দ আমি কখনো শুনিই নি)।

আমি তখন বুর্তে পারি নি, পরে পারি যে আর পাঁচজনের মত তিনিও রাসপুতিনের রগরগে কাহিনী কৌতন করতে প্রস্তুত ছিলেন বটে, কিন্তু তাঁর আসল উদ্দেশ্য ছিল ওরই মাধ্যমে—ফাঁকি দিয়ে শটকে শেখানোর মত—আমাকে সাধারণ ভারতীয় ছাত্রের পাঠ্যবস্তুর গণ্ডি থেকে বের করে পুরাতত্ত্ব, নূতনত্ব, সমাজতত্ত্ব প্রভৃতি ভিন্ন ভিন্ন বিষয়ের সঙ্গে প্রথম পরিচয় করিয়ে দেওয়া। বলা বাহুল্য, এসব আমার সম্বন্ধে নিছক ব্যক্তিগত কথা হলে আমি এগুলো উল্লেখ করতুম না, আমার অন্ততম উদ্দেশ্য, এই স্ববাদে তখনকার দিনের স্বয়ং রবীন্দ্রনাথ-চালিত বিশ্বভারতীর (স্কুল ও কলেজ—যথাক্রমে ‘পূর্ব’ ও ‘উত্তর বিভাগ’) অধ্যাপকগণ

কি প্রকৃতি ধারণ করতেন তারই যৎকিঞ্চিৎ বর্ণন।

অধ্যাপক বলেছিলেন, এ ধরনের উচ্ছ্বল আচরণ অবাধে করা যাচ্ছে এবং ততুপরি সেটা ধর্ম নামে প্রচারিত হচ্ছে, এটা যে জনপ্রিয় হবে—অন্তত জনগণের অংশবিশেষে—সেটা তো অতিশয় স্বাভাবিক। কিন্তু এই যে এক অজানা-অচেনা অর্ধলুপ্ত খ্রিস্টিয় সম্প্রদায় হঠাৎ নবজীবন লাভ করে খুল জ্বারের প্রাসাদ পর্বস্ত পৌঁছে গেল, এটা তো আর একটা আকস্মিক অকারণ-কর্তাবিহীন কর্ম নয়। এরকম একটা নবআন্দোলন আনয়নকারী পুরুষের কোনো-না-কোনো অসাধারণ গুণ, আকর্ষণ বা সম্মোহনশক্তি থাকা নিশ্চয়ই প্রয়োজন।

পূর্বেই বলেছি, অধ্যাপক ছিলেন কট্টর 'অর্থডক্স গ্রীক চার্চ'-এর অঙ্ক ভক্ত। কিন্তু এস্থলে এসে তিনিও স্বীকার করলেন, বাসপুতিন একাধিক অলৌকিক শক্তি ধারণ করতেন। তিনি যে কঠিন কঠিন ছুরারোগ্য রোগ, কোনো প্রকারের ঔষধ প্রয়োগ না করে প্রশম করতে পারতেন সেটারও উল্লেখ করলেন। কি প্রকারে? কেউ জানে না।

ইতিমধ্যে জ্বর-প্রাসাদের উপর মৃত্যু যেন তার করাল ছায়া বিস্তার করেছে। হৌচট খেয়ে পড়ে গিয়ে বালক যুবরাজ আহত হন। তাঁর রক্তক্ষরণ আর কিছুতেই বন্ধ হচ্ছে না। ভিয়েনা বার্লিন থেকে বড় বড় চিকিৎসক এসেছেন। আমি অধ্যাপককে শুদিয়েছিলুম, 'চিকিৎসা শাস্ত্রে কি বাধা তখনো এতই পশ্চাত্পদ?' তিনি বলেছিলেন, 'বলা শক্তি। তবে সাহিত্যেও বেলা চেখফ্‌ যা বলেছেন এগুলোও হয়তো সেটা প্রযোজ্য: তোমার প্রিয় লেখক চেখফ্‌ বলেছেন, "হ্যাঁ, আলবৎ আমরা রুশ সাহিত্য পড়ি। কিন্তু সেটা ঐ যেরকম আমরা 'কুটির শিল্প'কে মেহেরবানী করে সাহায্য করি। হাসল মালের জুগ যাই ফরাসী সাহিত্যে।" হয়তো চিকিৎসার বেলাও তখন তাই ছিল।'

দাসী না ডাঃস্-সমাজের দুই প্রান্তের হুজনা—কে প্রথম বাসপুতিনকে নিয়ে গেল জ্বারের রাজপ্রাসাদে?

সে কি? যুবরাজ মৃত্যুশয্যা, আপন 'কটেজ ইনডাসট্রি'র রাশান ডাক্তাররা তো হার মেনেছেনই, ভিয়েনা-বার্লিনের রাজ-বৈদ্যরাও, খাবা কি না কাইজারের, এমপেরার ফ্রান্স্‌স্‌ যোজ্জেকের প্রাসাদের গণ্যমান্যদের চিকিৎসা করে করে বিশ্ববিখ্যাত হয়েছেন তাঁরা পর্যন্ত রাশা ছেড়ে পালাতে পারলে বাঁচেন। কারণ রুশ যুবরাজের যে রোগ হয়েছে সেটার নাম হ্যামোফিলিয়া—আমরা গরীবদের, না জানি কোন্‌ পুণ্যের ফলে, আমাদের হয় না—ব্যামোটা শব্দার্থেই রাজসিক, শুধু রাজা-

রাজাদের ভিতরেই সীমাবদ্ধ। পূর্বে ছিল এই বিশ্বাস; পরে দেখা গেল, গরীবদেরও হয়। আমরা বললাম, 'সেই কথাই কও। ভগবান যে হঠাৎ ধামোখা এহেন দুর্ব্যাহার্য ব্যাধি শুধু বড়লোকদের জন্মই রিজার্ভ করে রেখে দেবেন, এটা তো অকল্পনীয়। ব্যায়োগুলো তো আমাদের মতন গরীবদের জন্মই তৈরি হয়েছে। ভগবান স্বয়ং তো রাজাদের দলে। কিংডম অব্ দি হেভন্ বা স্বর্গরাজ্যে যার বাস তিনি তো ফেভার করবেন তাঁর জাতভাই তাঁদেরই, যাদের কিংডম অব্ দি আর্থ বা পৃথিবীরাজ্য আছে।<sup>২</sup> তাই যদি হয়, তবে স্বর্গরাজ্যই হোক, আর কৃষ্ণর্গই হোক, ভিয়েনা-বালিনের অধিনীকুমারদ্বয় যেখানে রুগীকে হরি নামের গুলি দিয়ে তাড়াতাড়ি কেটে পড়ার তাগে, সেখানে দাসী 'কার্সী পড়বে' ? হয়তো ঠিক সেইখানেই, কিন্তু অন্য কারণও আছে।

আমরা এ-দেশে যত কুসংস্কারাচ্ছন্নই হই না কেন, একাধিক বাবদে অন্তত সে যুগে, অর্থাৎ ঐ-শতাব্দীর প্রারম্ভে জারের রাশা আমাদের অনায়াসে হার মানাতে পারতো। সে রাশার গ্রীক অর্থডক্স্ চার্চ ছিল শব্দার্থেই অর্থডক্স্ গোড়া, কটর, কুসংস্কারাচ্ছন্ন। আর চাষাভূষীদের তো কথাই নেই। তন্নমন, জড়িবাড়ি, মাদুলী-কবচ থেকে আরম্ভ করে নিরপরাধ 'প্রভু যীশুর হত্যাকারী' ইহুদিদের স্ত্রয়োগ পেলেই বেধড়ক মার, এবং সেখানেই শেষ নয়—আপন রক্তের, আপন ধর্মের জাতভাই যারা এসব কুসংস্কার থেকে একটুখানি মুক্ত হয়ে, অসুষ্ঠ পরিমাণ স্বাধীনভাবে প্রভু যীশুর বাণী জীবন দিয়ে গ্রহণ করার চেষ্টা করতো যেমন 'দুখবর', 'স্তান্দিত' সম্প্রদায়—তাদের উপর কী বীভৎস অত্যাচার।<sup>৩</sup> এবং চাষাভূষীদের এই অত্যাচার-ইচ্ছনে কাষ্ঠ সরবরাহ করতেন জার-সম্প্রদায় এবং তাঁদের অহুগ্রহে লালিত-পালিত বিলাস-ব্যসনে গোপন পাপাচারে আকর্ষণ-নিমগ্ন অর্থডক্স্ চার্চ তার আপন 'পোপ'—হোলি সিনড্কে নিয়ে। যে ইউক্লিপ্ এক

২ স্বয়ং স্বামীজী নাকি বলেছেন, 'যে ভগবান আমাকে এ-দুনিয়ায় এক মুঠো ভাত দেয় না, সে নাকি মৃত্যুর পর আমাকে স্বর্গরাজ্য দেবে—why, even an imbecile would not believe it; much less I!' তবে এটা প্রক্ষিপ্তও হতে পারে। তবু এ-কথা অতিশয় সত্য, তিনি এই পৃথিবীতেই স্বর্গরাজ্য স্থাপনা করতে চেয়েছিলেন। বকিম নাকি বলতেন, মানুষকে ভগবান হতে হবে, আর তিনি নাকি বলতেন, মানুষকে মানুষ হতে হবে।

৩ সে অত্যাচার-সংবাদে কাতর হয়ে তলস্তয় 'রেসারেকশন' বই লিখে, টাকা তুলে এদের অনেককে কানাডা পাঠিয়ে দেন।

কয়েক বৎসর পর রাসপুতিনের ভবলীলা সাক্ষ করেন, তিনি বা তাঁর ভাই, আয়োক গ্র্যাণ্ড ডিউক প্রকাশ 'ডুমা' বা মন্ত্রণাসভায় প্রস্তাব করেন এবং বহু বিনিদ্র যামিনী ষাপন করে স্বহস্তে নির্মিত পরিকল্পনা সঙ্গে সঙ্গে পেশ করেন, ইহুদিদের সবংশে বিনাশ করার জ্ঞা কি প্রকারে, স্তরে স্তরে, শল্য প্রয়োগদ্বারা তাদের পুরুষদের সম্ভান প্রজনন ক্ষমতা হরণ করা যায়? বগদানক সাহেব বলেছিলেন, 'মাই বয়, হি সাবমিটেড্ ইট ইন্ অল্ সিরিয়াসেনেস্।' অবশ্য তৎসঙ্গেও মার্জিত রুচিসম্পন্ন ভদ্রসম্ভান অধ্যাপক বগদানক ইহুদিদের ঘৃণা করতেন—হৃদয়ের অন্তস্তল থেকে, ঐ জাতীয় আর পাঁচটা বর্বর ক্রশের মত। বিশ্বভারতীতে তখন একটি হুম্মরী, বিদেশিনী, ইহুদি অধ্যাপিকা ছিলেন; কি প্রসঙ্গে তাঁর কথা উঠতে বগদানক তিক্ত অবজ্ঞায় মুখ বিকৃত করে বললেন, 'আই উড্ নট্ টাচ হার উইথ এ পেয়ার অব টংস!'—সাঁড়াশি দিয়েও তিনি তাঁকে স্পর্শ করতে রাজী হবেন না।

এ কথা সবাই বলেছেন, রাজধানী সেন্ট পেটের্‌স্‌বুর্গে (তখন অবশ্য রাশা জর্মনীর সঙ্গে প্রথম বিশ্বযুদ্ধে লিপ্ত বলে তাদের সভ্যতায় জর্মনদের যে শতকরা আশী ভাগ অবদান, মায় তাদের ভাষায় প্রবেশপ্রাপ্ত জর্মন শব্দ, যেমন সেন্ট পেটের্‌স্‌বুর্গের জর্মন অংশ 'বুর্গ'—'প্রাসাদ', 'কাসল্'—সমূলে উৎপাটিত করে নামকরণ করেছে 'পেত্রোগ্রাদ'। সর্বশেষে এর নামকরণ হয় 'লেনিংগাদ', কিন্তু ততদিনে রাজধানী চলে গেছে মস্কোতে। জারের 'উইংটার পেলেস' প্রাসাদে বিরাজ করতো কেমন যেন এক অদ্ভুত বহুশ্রময় (প্রধানত ধার্মিক—mysticism) বাতাবরণ। সম্রাজ্ঞী—জারিনা—ছিলেন অতিশয় ক্রসংস্কারচ্ছন্ন, আচার-অহুষ্ঠানে সদালিপ্ত, প্রতি মুহূর্তে পুত্রের পুনর্বীর রক্তক্ষরণ রোগে আক্রান্ত হবার ভয়ে উদয়ান্ত শশঙ্কিত; বিশেষ করে যখন হৃদয়ঙ্গম করলেন যে, প্রচলিত চিকিৎসা পদ্ধতি এই কঠিন পীড়ার সম্মুখে সম্পূর্ণ পরাজয় স্বীকার করে নিয়েছে, তখন যে তিনি পাগলিনীর মত রাজ্যের যত প্রকারের টোটকামোটক, তাবিজমাদুলার সন্ধানে লেগে যাবেন সেটা অবাস্তব হলেও অবোধ্য নয়—এমন কি কটর বৈজ্ঞানিকও সেখানে সহায়ত্বভূতি দেখাবে। একেই তো শীত-প্রাসাদে বিরাজ করতো রহস্যময় বাতাবরণ, যেন সেখানে যে-কোনো মুহূর্তে যে-কোনো প্রকারের অলৌকিক কাণ্ড ঘটে যেতে পারে, ততুপরি নানাশ্রেণীর কুটিল ভাগ্যাসেষী সেই প্রাসাদে কোনো প্রকারের চতুরতা দ্বারা অর্থ সঞ্চয়ের জ্ঞা গমনাগমন করছে, সেখানে যদি নিত্যসজ্জিনী দাসীটিও যদি বলে যে, সে একজন 'হোলিমান', 'সাদুতপস্বীকে চেনে যার হৃদয়ে প্রভু যীশুর সামান্তাংশ প্রবেশ করার ফলে ('সেই শাশত সত্তার একটি কণা আমাতে অবতার রূপে অবতীর্ণ হয়েছে')—রাসপুতিনের

আপন ভাষায় ) তিনি প্রভুরই মত বহু ছুরারোগ্য ব্যাধি, কোনো ঔষধ প্রয়োগ না করে অবলীলাক্রমে আরোগ্য করতে পারেন, তবে মহারানী যে নিমজ্জমানার গ্রাফ সেই তুণখণ্ডকেও দৃঢ়হস্তে ধারণ করবেন সেটা তো তেমন-কিছু অসম্ভব আচরণ নয়।

অগ্রপক্ষ বলেন, দাসী নয় ডিউক।

রাসপুতিন দিগ্বিজয় করতে করতে পেত্রোগ্রাদ—সম্ভব হলে রাজপ্রাসাদ—জয় করবেন বলে মনস্থির করেছেন। এদিকে সেখানকার যাজক সম্প্রদায়ের কেউ বা তাঁর জনপ্রিয়তার সংবাদ শুনে, কেউ বা তাঁর ধর্মের নবজাগরণ প্রচেষ্টার ধ্যান্তি শুনে, কেউ বা তাঁর অলৌকিক কর্মক্ষমতার জনরবে আকৃষ্ট হয়ে সেটা সচক্ষে প্রত্যক্ষ করার জ্ঞা, এক কথায় অনেকেই অনেক কারণে তাঁর সঙ্গে যোগসূত্র স্থাপনা করতে উদগ্রীব। রাসপুতিন সশিষ্য শিষ্যা পেত্রোগ্রাদে প্রবেশ করে—সে প্রবেশ প্রায় খুঁটির পূতপবিত্র জেরজালেমের পুণ্যভূমিতে প্রবেশ করার সমতুল—সাড়থরে প্রতিষ্ঠিত হলেন এক প্রভাবশালী শিষ্যের গৃহে। শিষ্যই যোগসূত্র স্থাপিত হল পেত্রোগ্রাদের সর্বোৎকৃষ্ট ধর্মশিক্ষাশালার স্থাপিত অধ্যক্ষের সঙ্গে। ইনি আবার মহারানীর আপন ব্যক্তিগত পুরোহিত—অর্থাৎ এরই সামনে মহারানী প্রতি সপ্তাহে একবার ‘কনফেশ’ করেন, ঐ সপ্তাহে তিনি যে সব পাপচিন্তা করেছেন, কমে সত্যপথ থেকে বিচ্যুত হয়েছেন সেগুলি স্বীকার করে শাস্ত্রাদেশ অনুযায়ী প্রায়শ্চিত্তাদেশ গ্রহণ করেন—প্রায়শ্চিত্ত সাধারণতঃ উপবাস ও মালাজপের গাঁওতেই আবদ্ধ থাকে।<sup>৪</sup> এই কনফেশন গ্রহণ করে যে পুরোহিত প্রায়শ্চিত্তাদেশ প্রদান করেন তাঁর পদটি স্বভাবতই সাতিশয় গান্ধার্য ও গুরুত্ব ধারণ করে। তিনি সম্রাজ্ঞী-

৪ এই কনফেশন বা পদস্থলন স্বীকারোক্তি একাধিক ধর্মে প্রচলিত আছে। এদেশে জৈনদের ভিতর সেটি নিষ্ঠা সহকারে মানা হয়, এবং এরই নাম ‘পর্যুষণ’। তবে আমাদের যতদূর জানা, পর্যুষণ বৎসরে মাত্র একবার হয় এবং সম্প্রদায়ের সকলেই সেটা একই সময়ে করেন বলে বর্ষার শেষে সেটা পর্বদিবস রূপে সাড়থরে অনুষ্ঠিত হয়। বৌদ্ধ শ্রমণরাও বর্ষাকালে পর্যটন নিষিদ্ধ বলে কোনো সংঘে আশ্রয় নিয়ে বর্ষাযাপন-শেষে পাপ স্বীকারোক্তি করে পুনরায় পর্যটনে নেমে পড়েন। মুসলমানরা হজের সময় করে থাকেন, এবং মৃত্যু আসন্ন হলে ‘তওবা’ করেন। ‘তওবা’ শব্দার্থে ‘প্রত্যাবর্তন’। অর্থাৎ তওবাকারী আপন পাপ সহজে অনুশোচনা করে ধর্মমার্গে প্রত্যাবর্তন করলো।



হৃদয়-কন্দরের অন্তরতম রহস্য জানেন বলেন—এমন কি স্বীকারোক্তির সময় তিনি প্রশ্ন জিজ্ঞাসার অধিকারও ধরেন—তাকে থাকতে হয় অতি সাবধানে।

তঁার প্রধান কোঁতূহল রাসপুতিন কোন্ কোন্ কারণে কি ভাবে হৃদয়ে ভগবানের প্রত্যাদেশ পেয়ে সমস্ত জীবনধারা পরিবর্তিত করে 'নবজন্ম' পেলেন। গ্রীক অর্থডক্স চার্চ, ক্যাথলিক তথা অগ্নাগ্ন সম্প্রদায়ের ইতিহাসে এই 'নব-জীবন' লাভ, গৃহী খৃষ্টানের সন্ন্যাস-গ্রহণের জন্ম এই কনভার্সনের উপ-ইতিহাস এক বিরাট অংশগ্রহণ করে আছে। খৃষ্ট সাধু মাত্রই এটি মনোযোগ সহকারে বারংবার পাঠ করে তার থেকে প্রতি দন নবীন উৎসাহ, তেজস্বী অনুপ্রেরণা সংগ্রহ করেন। মহারানীর আপন যাজক বর্ম-একাত্তিমির অব্যক্ষকপে এই উপ-ইতিহাসে অতিশয় অহুরক্ত ছিলেন, সেই পুস্তক তঁার শিখ্যমণ্ডলার সংখ্যে সটীক প্রতিদিন পড়িয়ে শোনাতেন এবং যত্নবতই সেই পুস্তকের ভিন্ন ভিন্ন সাধুসন্তদের নিয়ে গভীর এবং সূক্ষ্ম আলোচনা করতেন। কিন্তু কোনো গাণ্ডারী কি ভাবে অকস্মাৎ দৈববাণেশ পেয়ে স্ববস্ত্র ত্যাগ করে দমসকে প্রবেশ করে, কিংবা জনসেবায় আত্মনিয়োগ করে, অথবা পাণ্ডিত্য থাকলে সে সে পবেশ ক'বে নির্জনে নিভৃত্তে বাইবেল বা অথ কোনো দমসকের এক নবীন টীকা নিম্নাণে বাকী জীবন কাটিয়ে দেয় এ সম্বন্ধে তঁার কোন ব্যক্তিগত অভিজ্ঞতা ছিল না, এবং অতি সহজেই অনুমান করা যায় যে, এ একমাত্র একটা স্বাভাবিক 'কনভার্সন'র নায়ক যদি তাঁর আপন কর্মস্থলে ঐহিক প্রসপীচন করে তাঁর প্রসঙ্গত তাঁর সঙ্গে যোগসূত্র স্থাপনা করবেন। পূর্বেই বলেছি, রাসপুতিনের পিতৃপিতৃ যেন একটা বৈদ্যুতিক আকর্ষণী শক্তি ছিল, তাঁর স্বাভাবিক অবস্থায়ও তিনি সাধারণ কেন, অসাধারণ জনকেও মন্ত্রমুগ্ধবৎ মোগাচ্ছন্ন করতে পারতেন। গুপ্ত দমসকে তাঁর শিক্ষাদীক্ষা জ্ঞান-প্রজ্ঞা ছিল অতিশয় সামিত, কিন্তু প্রভু যীশুর যে কটি মঙ্গল উপদেশ তিনি বহু কষ্টে কষ্টে করতে পেরেছিলেন সেগুলি তিনি অতিশয় দৃঢ়-বিশ্বাসের বীধশীল সরলতায় প্রকাশ করতে পারতেন। সঙ্গে সঙ্গে এ সত্যটিও নিবেদন করা উচিত যে, রাশায় ধর্মশিক্ষার সর্বশ্রেষ্ঠ কেন্দ্রে যে পণ্ডিতকুলমান্য সর্বোত্তম শাস্ত্রজ্ঞ অধ্যয়ন অব্যাপনা করেন তিনি এই অশিক্ষিত হলাপরমস্তুানের কাছে আসবেন না শাস্ত্রের টীকাটিক্সন' অবগাথে। তিনি আসবেন অথ উদ্দেশ্য নিয়ে। এ স্থলেও প্রভু যীশুর সঙ্গে রাসপুতিনের সাদৃশ্য আছে। ইসরায়েলের স্বার্থপণ্ডিতরা যখন প্রভু যীশুর সঙ্গে তর্কযুদ্ধের জন্ম প্রস্তুত তখন তিনি যেন তাচ্ছিল্যভরে বলেছিলেন, আমি শাস্ত্রকে কার্বে পরিপূর্ণ ভাবে দেখাবো।

এসব কারণ অনুসন্ধান অপ্রয়োজনীয়। যা বাস্তবে ঘটে সেটা সর্ব তর্কের

অবসান এনে দেয়। পণ্ডিতের পণ্ডিত রাসপুতিনকে দেখে, তাঁর আচার-ব্যবহার, তাঁর প্রতি শিষ্ণু-শিষ্ণাদের সহজ ভক্তি ও হৃদয় বিখাস ইত্যাদি পর্যবেক্ষণ করে বিস্মিত হলেন, কিন্তু মুগ্ধ হলেন যখন রাসপুতিনের কাছ থেকে শুনলেন, তাঁর আবেগভরা কণ্ঠে তিনি বলে যেতে লাগলেন, কি ভাবে এক দৈবজ্যোতি তাঁর সম্মুখে আবির্ভূত হল আর তিনি ক্ষণমাত্র চিন্তা না করে স্বর্গীয় প্রভুর পদপ্রান্তে আত্মসমর্পণ করলেন।

এ প্রকারের আকস্মিক পরিবর্তন ইতিহাস শাস্ত্রজ্ঞ অধ্যক্ষ পড়েছেন, পড়িয়েছেন প্রচুর কিন্তু এ-জাতীয় পরিবর্তনের একটি সরল সজীব দৃষ্টান্ত স্বচক্ষে দেখা, স্বকর্ণে শোনা সে যে এক সম্পূর্ণ ভিন্ন, অভিনব, ব্যক্তিগত অভিজ্ঞতা। যে-কোনো অব্যাপক, যে-কোন শিক্ষক এ প্রকারের অভিজ্ঞতাকে অসীম মূল্য দেন, কারণ পরের দিন থেকেই ছাত্রমণ্ডলীতে বেষ্টিতাবস্থায় তিনি অর্ধবিখ্যাসী তর্কবাগীশদের উদ্দেশে সবল, আত্মপ্রত্যয়জাত হৃদয় কণ্ঠে বলতে পারেন, ‘পবিত্র রুশ দেশের পবিত্রতর সম্ভদের যে অলৌকিক পরিবর্তনের কথা তোমরা পড়ছো, সেগুলো কাহিনী নয়, ইতিহাস, এবং শুধু পত্রে লিখিত জীর্ণ ইতিহাস নয়, নিত্যদিনের বাস্তব প্রত্যক্ষ সত্য; সে জিনিস ভাগ্যবান চক্ষুস্থান দেখতে পায়!’ অস্বদেশীয় প্রচলিত নীতিবাক্য আছে :

“অছাপিও সেই লীলা খেলে গোরা রায়।

মধ্যে মধ্যে ভাগ্যবানে দেখিবারে পায়।”

এবং তিনি দৃঢ়প্রতিজ্ঞ হলেন, এই সাধুপুরুষকে তিনি রাজপ্রাসাদে নিয়ে গিয়ে উদ্ভাস্ত সম্রাজ্ঞীর সম্মুখীন করবেন। সর্ব ধর্মের সব ইতিহাস বলে, সাধুজনের পক্ষে অসম্ভব কিছুই নেই। সম্রাজ্ঞীকে এই সাধু তাঁর অলৌকিক শক্তি প্রয়োগ করে এনে দেবেন সান্ত্বনা, আত্মপ্রত্যয় এবং ধর্মবিখাস স্থাপন করবেন দৃঢ়তর ভূমিতে।

অতি সহজেই তিনি রাসপুতিনের গুণমুগ্ধ রাজপরিবারের একাধিক নিকটতম আত্মীয়-আত্মীয়ার সহানুভূতি ও সহযোগ পেলেন। রাসপুতিন রাজপ্রাসাদে প্রবেশ করলেন।

কেউ কেউ বলেন, সেটা ছিল আকস্মিক যোগাযোগ। অধিকতর বিখ্যাসীরা বলেন, ‘না, যুবরাজের কঠিনতম সঙ্কটময় অবস্থান, যখন রাজবৈদগ্ধগণ তাঁর জীবন রক্ষা সম্বন্ধে সম্পূর্ণ হতাশ্বাস, তখন রাসপুতিন তাঁকে অল্পরোধ করার পূর্বেই স্বতঃ-প্রবৃত্ত হয়ে শিষ্ণুগণকে প্রত্যয় দেন, তিনি যুবরাজকে সম্পূর্ণ নিরাময় করতে পারবেন।

এ তো কোনো হাশ্বকর আশ্বপ্রত্যয় নয়। অভিজ্ঞতম প্রবীণ চিকিৎসকও বার বার মস্তকান্দোলন করে স্বীকার করেন, কত অগুণিত রোগী যমদূতের দক্ষিণহস্ত ধরে যখন পরপারে যাত্রার জন্ত প্রথম পদক্ষেপ করেছে, ক্লট সরল ভাষায় ঐ সব রোগীদের সম্বন্ধে যখন বল পূর্বেই সব বিশেষজ্ঞ একই বাক্যে আপন দৃঢ় নৈরাশ্র প্রকাশ করেছেন, ঠিক সেই সময় হঠাৎ অকারণে, চিকিৎসকের কোন প্রকারের সাহায্য না নিয়ে সেই জীবন্মৃত ব্যক্তি শ্মশান-সঙ্কট উত্তীর্ণ হয়ে ধীরে ধীরে পুনরায় লুপ্ত স্বাস্থ্য ফিরে পায়।

\*

\*

সম্রাট এবং মহিষী উভয়েই নাকি সাধুর প্রথম দর্শন লাভ করার সঙ্গে সঙ্গে মুগ্ধ হয়ে যান। বিশেষ করে রাজমহিষী।

অধ্যাপক বগদানফের মতে, অর্থাৎ তিনি যে জন্মরব সর্বাপেক্ষা নির্ভরনীল বলে গ্রহণ করেছিলেন সেই অল্পযায়ী রাসপুতিন নাকি স্বতঃপ্রবৃত্ত হয়ে মহারানীকে আশ্বাস দেন, যুবরাজ বোগমুক্ত হবেন, এবং তিনিই তাঁকে স্বাভাবিক অবস্থায় ফিরিয়ে নিয়ে আসবেন। রাজমহিষী স্বয়ং তাঁকে নিয়ে কগীর কক্ষের দিকে অগ্রসর হলেন। বিশেষজ্ঞ চিকিৎসকগণ উচ্চকণ্ঠে, তারস্বরে প্রতিবাদ জানালেন। যে-ব্যক্তিকে সম্রাজ্ঞী নিয়ে যাচ্ছেন সে-ব্যক্তি যে চিকিৎসাশাস্ত্রে সম্পূর্ণ অজ্ঞ এবং অনভিজ্ঞ, সে-কথা সে-ই একাধিকবার স্পীকার করেছে, এমতাবস্থায় যখন তাঁরা আশা করছেন যে, যে-কোন মন্তুগা বা ইত্তর প্রাণীর ছায়া যুবরাজও প্রকৃতিদত্ত শক্তিবলে—যে শক্তি সর্বজনের অলক্ষিতে জীবদেহে বেঁচে থাকার জন্ত সর্বব্যাপির বিকল নিরন্তর সংগ্রাম দ্বারা আপন কর্তব্য করে যান—হয়তো নিরাময় হয়ে যেতে পারেন সেই সঙ্কটজনক অবস্থায় এই নবাগত হয়তো আপন অজ্ঞতাবশত সেই শক্তির প্রতিবন্ধক হয়ে তার কর্মক্ষমতা নষ্ট করে দিতে পারে।

তৎসম্বন্ধে মহারানী রাসপুতিনকে রোগীর কক্ষে নিয়ে গেলেন।

চিকিৎসকরাও সঙ্গে সঙ্গে প্রবেশ করলেন। রাসপুতিন বললেন, তিনি কোনো তৃতীয় ব্যক্তির সম্মুখে চিকিৎসা করবেন না। তৃতীয় বলতে সম্রাজ্ঞীকেও বোঝায়, তিনি নিঃশব্দচিত্তে দৃঢ় পদক্ষেপে দেহলীপ্ৰাস্ত উত্তীর্ণ হলেন।

অতি অল্পক্ষণ পরেই রাসপুতিন দোর খুলে রানীর দিকে সহাস্র ইঙ্গিত করলেন। রানীমা কক্ষে প্রবেশ করে স্তম্ভিত। যেন কত যুগ পরে তিনি দেখলেন রাসপুতিনের দেওয়াল কি যেন একটা জিনিস হাতে নিয়ে যে কোনো হুস্থ বালকের মত যুবরাজ খেলা করছেন।

রাসপুতিন প্রকৃতই যুবরাজকে তাঁর রক্তমোক্ষণ রোগ থেকে নিরাময়

করেছিলেন কি না সে-বিষয়ে মতানৈক্য আছে—তবে এটাও স্মরণে আনা কর্তব্য বিবেচনা করি যে, এই শতাব্দীর প্রথম ভাগে গবেষণা, পাণ্ডিত্য, সত্যাত্মসন্ধান বললেই বোঝাতো—অবিশ্বাস। এই মূলমন্ত্র ঐ সময়ে এমনই হৃদরপ্রসারী হয় যে, তৎকালীন লিপিত পুস্তক, এনসাইক্লোপিডিয়াতে একাধিক যশস্বী লেখক স্বয়ং বুদ্ধ, মহাবীর, এমন কি তাঁদের আপন খৃষ্টের অস্তিত্ব পর্যন্ত সন্দেহাতীতরূপে সপ্রমাণ না হওয়ায় ( দু’ হাজার, আড়াই হাজার বৎসরের পরের একতরফা বা ‘এক্সপোর্টে’ তদন্তে ! ) তাঁদের জীবনী এবং বাণীকে কাল্পনিক কিংবদন্তী আখ্যা দিয়েছেন, এবং কেউ কেউ তাঁদের অস্তিত্ব পর্যন্ত সম্পূর্ণ অবিশ্বাস করেছেন। অতএব সে যুগের পুস্তক যে রাসপুতিনের মত চিকিৎসানিষ্কঙ্কন যুবরাজকে রোগমুক্ত করেছেন সে কথা হয় অস্বীকার করে, কিংবা নীরব থাকে। তবে এ কথা সকলেই স্বীকার করেছেন, রাসপুতিনের প্রাসাদ গমনাগমনের পর থেকেই যুবরাজের স্বাস্থ্যোন্নতি দিনে দিনে সুস্পষ্টরূপে লক্ষিত হয়।

আর সে যুগের সম্রাজ্ঞীদের ভিতর ধনে-ঐশ্বৰ্যে খ্যাতি-প্রাপ্তপন্ডিতে নিঃসন্দেহে সর্বাগ্রগণ্য না হলেও ষাঁকে ইয়োরোপের রাজস্ববর্গ রাজপরিবার সবাঃপক্ষা সম্বন্ধে চক্ষে দেখতেন সেই জারিনা? তিনি তো কৃতজ্ঞতার প্রতিদানস্বরূপ রাসপুতিনের পদপ্রান্তে কী যে রাখবেন তার সন্ধানই পাচ্ছেন না, কারণ সাধারণজনের মত ভবন-যানবাহন রজতকাঞ্চনে তাঁর লোভ ছিল না—তাঁর আসক্তি কিংবা তাঁর পুনরুল্লেখ মিশ্রয়োজন—ওদিকে জারিনা আবার জাতমিষ্টিক, অলৌকিক ক্রিয়াকর্মে তিনি বিশ্বাস করেন এবং ষাঁদের এসব মিরাকল দেখাবার শক্তি আছে বলে তিনি বিশ্বাস করেন তাঁদের কাছে তিনি তাঁর দেহ-মন-আত্মা সর্বস্ব নিয়ে পরিপূর্ণ আত্মসমর্পণ করতে প্রস্তুত।

জিতেন্দ্রিয় পরোপকারী সাধুসঙ্গনদেরই না কত প্রকারের কুৎসারটে—দু’ হাজার বৎসর হয়ে গেল এখনো খৃষ্টবৈরীরা বলে, তিনি মাঝি অসচ্চরিত্রা যুবতীদের সঙ্গে মেলামেশা করতেন ও মছপানে তাঁর আসক্তি ছিল ঈষৎ মাত্রাধিক—সে-স্থলে রাসপুতিন! যিনি কিনা, তাঁর কামানল নির্বাণিত করার চেষ্টা তো করেনই না, তদুপর ঐ বিশেষ রিপূর চরিতাথতাকে তুলে ধরেছেন সর্বোচ্চ ধর্মের পর্ষায়ে এবং ফলে শিষ্টিশিষ্টিাগণসহ বহুবিধ অনাচারে লিপ্ত হন—এসব ‘অর্জি’ ‘সেটারনেলিয়া’র উল্লেখ আমরা পূর্বেই করেছি—তাঁর পূর্ববর্তী মফস্বল-জীবনের তুলনায় রাজধানীতে তাঁর বর্তমান কেলেকারির বিবরণ তথা পল্লবিত জনরব চতুর্দিকে যে অধিকতর ছড়িয়ে পড়বে তাতে আর কী সন্দেহ! কিন্তু ক্রমে ক্রমে মোক্ষমতর মারাত্মক কলঙ্কাহিনী রটেতে আরম্ভ করলো চতুর্দিকে; এসক

দলবদ্ধভাবে কৃত দুর্কর্মের 'অর্জি' এখন নাকি রাজপ্রাসাদের অভ্যন্তরে— এবং সেখানে তো সব-কিছুই নির্বিঘ্নে সম্পন্ন হয়—পর্ষস্ত ছড়িয়ে পড়েছে! সম্ভ্রান্ততম ডিউক ডাচেস, অর্থাৎ সম্রাটের নিকটতম আত্মীয়-আত্মীয়সারাও নাকি এই সব অনাচারে অংশ নিচ্ছেন। এবং সর্বশেষে যে কলঙ্কাহিনী পেত্রোগ্রাদে জন্মলাভ করে সর্ব ক্রমের সর্ব সমাজের উচ্চতম থেকে অধস্তন শ্রেণী পর্ষস্ত প্রচারিত হয়ে আপামর জনসাধারণকে দিল রুচতম পদাঘাত সেটি আর কিছু নয়, স্বয়ং জারিনা তাঁর দেহ সমর্পণ করেছেন রাসপুতিনকে। অগ্ন্যাগ্ন সম্ভ্রান্ত মহিলাদের তো কথাই নেই।

গ্র্যাণ্ড ডিউক ইউসপফের ছাঁটি যোকদ্মাই ছিল এই বিষয়টিকে কেন্দ্র করে। এই সব কলঙ্কাহিনীর সঙ্গে তাঁর স্ত্রীকে জড়িয়ে প্রথমে ফিল্ম তৈরি করা হয়েছে, পরে টেলিভিশনে দেখানো হয়েছে, অথচ তাঁর মতে, তাঁর সতীসাহবী স্ত্রী পূর্বোল্লিখিত পাপাশুষ্ঠানের সঙ্গে মোটেই বিজড়িত ছিলেন না। সে কথা পরে হবে।

আমি এতক্ষণ আশ্রাণ চেষ্টা দিয়ে রুশ রাজনীতি এড়িয়ে গিয়েছি কিন্তু এখন থেকে আর সেটা সম্ভবপর হবে না, কারণ, এই সময়েই কূটরাজনৈতিক ব্যাপারে সম্পূর্ণ অজ্ঞ হলধর-সন্তান রাসপুতিন হিন্দ্রে নিজে আবস্ত করেছেন দেশ-বিদেশের গুরুত্বপূর্ণ কঠিন কঠিন সংকটসমগ্রায়। ইতিমধ্যে যে সব সরল ধর্মযাজকগণ তাঁর প্রতি আকৃষ্ট হয়েছিলেন তাঁরা ধীরে ধীরে বিশ্বততম স্ত্রে তাঁর 'কৌতুকলাপের' সম্পূর্ণ বিবরণ অবগত হয়ে তাঁর সঙ্গে সর্ব সম্পর্ক ছিন্ন করে ফেলেছেন। কিন্তু স্বয়ং জারিনা এবং রাশার 'পোপ' হোলি সিন্ড যতক্ষণ তাঁর সম্মোহন-ক্ষমতায় অর্ধচেতন ততক্ষণ তাঁকে তো মুহূর্তেক তরে দুশ্চিন্তা করতে হবে না। পাঠক, স্মরণ করুন সেই সুপ্রাচীন আরবী প্রবাদ : 'কুকুরগুলো খেউ খেউ করে, কিন্তু কাকোলা ( ক্যারাভান ) চলে এগিয়ে।' রাসপুতিন এই কুকুরগুলোর খেউ খেউকে ধোড়াই পরোয়া করেন।

কিন্তু রাসপুতিন কি করে এরকম নির্বিকারচিত্তে উপেক্ষা করলেন রুশ দেশের জনগণের রাজনৈতিক নবজাগরণকে! জার দ্বিতীয় নিকলাস যত না রক্ষণশীল, সম্রাটের সার্বভৌমিকত্ব স্বত্ব সচেতন ছিলেন, তাঁর চেয়ে শতগুণ স্বাবির জড়ভরত ছিলেন তাঁর আমির-ওমরাহ। ওদিকে রুশ-সিংহ যখন সদন্তে মূর্খিক জাপানের সঙ্গে সংগ্রাম করতে গিয়ে তার কাছে অপ্রত্যাশিতভাবে নির্মমরূপে পরাজিত হল, তখন আর 'হোলি' রাশার অন্তঃসারশূন্যতা গোপন রাখা সম্ভব হল না। জনমত নির্ভরকণ্ঠে জারের স্বৈরতন্ত্রের বিরুদ্ধে স্বায়ত্তশাসন দাবি করলো। ১৯০৪

খৃষ্টাব্দে যে বৎসর রাসপুতিন সম্রাটস গ্রহণ করেছেন, ঠিক সেই বৎসরেই জার প্রথম 'বিধানসভা' ( এরই নাম পূর্বোল্লিখিত 'ডুমা' ) নির্মাণের অনুমতি দিলেন। সে এক সত্যকার সার্কাস—নইলে তার কোন সম্মানিত সদস্য সেখানে অজ্ঞোপচার দ্বারা ইহদিকুলকে শিখণ্ডীরূপে পরিণত করবার প্রস্তাব গুরুত্বপূর্ণ গান্ধীধর্মশ্রুত পদ্ধতিতে পেশ করতে পারেন ?

কিন্তু 'ডুমা' প্রতিষ্ঠান বন্ধ্য হয়ে রইল কি না রইল সে তত্ত্ব রাসপুতিন-জীবনকে স্পর্শ করতে পারে নি যতদিন না রাজপ্রাসাদচক্রের দু-একজন খুরস্কর অতিশয় রক্ষণশীল রাজনৈতিক মনস্তির করলেন যে, রাসপুতিনকে দিয়ে তাঁরা এমন সব রাজকর্মচারী নিযুক্ত করিয়ে নেবেন, যারা ডুমার প্রতি পদক্ষেপের পথে লোহপ্রাচীরবৎ দণ্ডায়মান হয়ে থাকবে। কূটনীতিতে আনাড়ি রাসপুতিনের হাত দিয়ে তামাক খাওয়াটা কিছুমাত্র দুঃসাধ্য হ'ল না, কিন্তু এসব অপদার্থ নিয়োগের পশ্চাতে কে, সে তথ্যটিও গোপন রইল না। বস্তুত স্বয়ং রাসপুতিন প্রত্যেক পার্টিতে জালা জালা মদ আর প্রকাণ্ড প্রকাণ্ড স্মিট কেঞ্চও ( তাঁর জন্ম বিশেষ করে কেকে তিন ডবল চিনি দেওয়া হত—এ বাবদে হিটলারের সঙ্গে তাঁর সম্পূর্ণ মিল ) চাষাড়ে পদ্ধতিতে প্রচুর শব্দ আর বিরাট আশুবাদানসহ চিবুতে চিবুতে দস্ত করতেন, 'এই যে দেখছো স্কাফ'থানা, এটি আপন হাতে বুনেছেন স্বয়ং জারিনা, ( কিংবা হয়তো তাঁর আদরের ডাকনাম সোহাগভরে উল্লেখ করতেন—আমার যেন মনে পড়ছে, তাই ), কিংবা 'জানো হে, ভরনাভাকে পাঠালুম তবল্দের বিশপ করে।' প্রভু রাসপুতিনের অন্ধভক্ত, অত্যধিক মত্তপানবশত অধর্মন্ত শিষ্ণেরাও নাকি দ্বিতীয় সংবাদটি শুনে অট্টেতন্ত হবার উপক্রম! কারণ প্রভুর নিত্যসঙ্গী ঐ ভরনাভা যে একেবারে আকাট নিরক্ষর! সে হবে বিশপ!

মরীয়া হয়ে অগ্ন্যতম প্রধান পাত্রী নিযুক্ত করলেন গুপ্তঘাতক। রাসপুতিন শুধু যে অনায়াসে সংকট অতিক্রম করলেন তাই নয়, এ 'স্ববাদে' রাজপ্রাসাদে তাঁর প্রভাব এমনই নিরক্ষর হয়ে গেল যে, স্বয়ং জার পর্যন্ত আর এখন উচ্চবাচ্য করেন না। অবশ্য সমস্ত ইয়োরোপই বিলক্ষণ অবগত ছিল যে, জার অতিশয় দুর্বল চরিত্রের 'যাক্গে, যেতে দাও না'—ধরনের নিবীথ 'শাসক'। কার্যত তাঁকে শাসন করেন জারিনা। এবং তাঁর সম্মুখে রাসপুতিনের বিরুদ্ধে টুঁ শব্দটি করার মত সাহস তখন কারো ছিল না।

রাসপুতিনকে হত্যা করার চেষ্টা নিফল হওয়ার পরই তিনি জারিনাকে সর্বজনসমক্ষে গস্ত্রীয় প্যাকসরীকণ্ঠে ভবিষ্যদ্বাণী করে বলেন ( বা শাসান ), 'আমার মৃত্যুর এক বৎসরের মধ্যে গোষ্ঠীহৃদ্ধ রমানক পরিবার ( অর্থাৎ সপরিবারে

তখনকার জার) নিহত হবে।' নিহত তাঁরা হয়েছিলেন, এবং অতিশয় নিষ্ঠুর পদ্ধতিতেই, কিন্তু সেটা ঠিক এক বৎসরের ভিতরই কিনা, বলতে পারবো না, দু' বৎসরও হতে পারে।

কিন্তু জারিনা? তাঁর শোচনীয় অবস্থা তখন দেখে কে? কুসংস্কারচ্ছন্ন অতিপ্রাকৃতে অন্ধবিশ্বাসী এই মূঢ় রমণীর যত দোষই থাক, একটা কথা অতিশয় সত্য, তিনি তাঁর পুত্রকঙ্কাকে বৃকে চেপে ধরে রেখেছিলেন পাগলিনী-পারা। উদযাস্ত তাঁর আর্ত সশব্দ দৃষ্টি, না জানি কোন্ অজানা অন্ধকার অন্তরাল থেকে কোন্ অজানা এক নূতন সংকট অকস্মাৎ এসে উপস্থিত হবে, তাঁর কোনো একটি বৎসকে ছিনিয়ে নেবার জ্ঞান।

অতএব প্রাণপণ প্রহরা দাঁও রাসপুতিনের চতুর্দিকে। তিনিই একমাত্র মুশ্কিল-আসান। এই 'হোলিমান' আততায়ীর হস্তে নিহত হলে সর্বলোকে সর্বনাশ!

কিন্তু বিশ্বসংসারের সকলেই রাসপুতিনের সাবধানবাণী বা শাসানোতে বিশ্বাস করেন নি এবং ভয়ও পান নি। বিশেষ করে রাজপ্রাসাদের সর্বোচ্চস্তরের রাজরক্ষধারী একাধিক ব্যক্তি। এঁরা ক্রমাগত জার-জারিনাকে রাসপুতিন সম্বন্ধে সাবধান হতে বলেছেন, এবং ফলে তাঁদের প্রতি বর্ষিত অপমানসূচক কটুবাক্য মাত্রায় বৃদ্ধি পাচ্ছে প্রতিদিন। রাজপ্রাসাদে এঁরা হচ্ছেন অপমানিত—অথচ রাসপুতিনের 'শুভাগমনে'র পূর্বে এঁরাই ছিলেন সেখানে প্রধান মন্ত্রণাধাতা। এখন তাঁদের এমনই অবস্থা যে, বাইরের সমাজে তাঁরা আর মুখ দেখাতে পারেন না। তাঁদের পদমর্যাদা, অভিজাত রক্ত প্রকাশ্য ব্যঙ্গবিদ্রূপ থেকে তাঁদের বাঁচিয়ে রেখেছে সত্য, কিন্তু ভিতরে বাইরে, স্ফুট-অস্ফুট নিত্যদিনের এ অপমান আবর্জিতক সহ্য করা যায়! ওদিকে 'হোলি রাশা' যে কোন্ জাহান্নমের দিকে এগিয়ে যাচ্ছেন কে জানে।

অপমানিত সর্বোচ্চ অভিজাতবংশজাত তিনজঁন বসলেন মন্ত্রণাসভায়।

স্থির হল, ইউহুপফই হত্যা করবেন রাসপুতিনকে। তাই আজও লোকে বলে, 'তোমার স্ত্রীকে রাসপুতিন ধর্ষণ করেছিল বলেই তো তুমি প্রতিশোধ নিতে চেয়েছিলে, নইলে রাশাতে কি আর অগ্র লোক ছিল না?' ইউহুপফ এটা অস্বীকার করেন। আবার কেউ কেউ বলেন, প্রধানদের আদেশানুযায়ীই তিনি ঐ কর্মে লিপ্ত হন, আবার কেউ কেউ বলেন, তিনি সম্পূর্ণ স্বেচ্ছায় নিজেকে ভলন্টিয়ার করেন যদিও তাঁর স্ত্রী ধর্ষিতা হন নি। এ সম্বন্ধে ইউহুপফের আপন জবানী পাঠক বিশ্বাস করতে পারেন, নাও করতে পারেন; আমি শুধু বগ্‌দানক

সাহেবের জবানীটি পেশ করছি। না হয় সেটা ভ্রান্তই হল, তাতেই বা কি? তত্পরি আমার স্মৃতিশক্তি আমার কলম নিয়ে কি যে খেলা খেলছে, জানবো কি করে?

এবং আশ্চর্য! হত্যা করবেন আপন বাড়িতেই তাঁকে সম্মান নিমন্ত্রণ করে! পুলিশকে ভয় করতেন এঁরা খোড়াই। কিন্তু জারিনা? তিনি যে শেষ পর্যন্ত হত্যাকারী কে, সে খবরটা প্রায় নিশ্চয়ই জেনে যাবেন, এবং তার ফলাফল কি হতে পারে, না পারে, সে নিয়েও বিস্তার আলোচনা হয়েছিল, কিন্তু শেষ পর্যন্ত দেখা গেল এ ছাড়া গতান্তর নেই—নাশ পস্থা বিঘতে।

ইউসুফক পক্ষ যে রাসপুতিনের শত্রু তিনি এটা জেনেশুনেও ইউসুফকের বাড়িতে নিমন্ত্রণ রক্ষার্থে এলেন কেন? কেউ বলে, ইউসুফকের সুলদরী স্ত্রী ইরেনে তাঁকে 'বিশেষ' প্রলোভন দেখিয়ে ফাঁদে ফেলেন, কেউ বলে, রাসপুতিন সত্যই আশা করেছিলেন, যুগোমুখি আলাপ-আলোচনার ফলে হয়তো প্রাসাদের এই শত্রুপক্ষের সঙ্গে বন্ধুত্ব স্থাপিত হতে পারে, কেউ বলে, রাসপুতিন প্রাসাদ জয় করেছিলেন বটে কিন্তু ইউসুফকের মত অভিজাতবংশের কেউ কখনো তাঁকে নিমন্ত্রণ করা দূরে থাক, বাড়িতে পর্যন্ত ঢুকতে দিতেন না। ইউসুফক জয় অর্থই পেত্রোগ্রাদ-অভিজাতকূল জয়। তার অর্থ, নূতন শিগা, নূতন ...একটা সম্পূর্ণ নূতন ভাণ্ডার!

প্রায় সবাই বলেছেন, মদে দেওয়া হয়েছিল প্রচুর পটাসিয়াম সায়েনাইড, কিন্তু অধ্যাপক বলেছিলেন, মধুভরা বিরাট কেকের সঙ্গে মিশিয়ে। আমার মনে হয় দ্বিতীয় পন্থাতেই আততায়ীর ধরা পড়ার সম্ভাবনা কম। মহামাণ্ড অতিথি রাসপুতিনকে অবস্থাই দিতে হত বংশানুক্রমে সযত্নে রক্ষিত অত্যাংকুষ্ট খানদানী মণ্ড; এবং ভদ্রতা রক্ষার জগু অতিথি-সেবককেও নিতে হত সেই বোতল থেকেই। এইটেই সাধারণ রীতি। কিন্তু পার্টিতে সবাই তো আর কেক খায় না—তাও আবার তিন-ডবল মধুভর্তি স্পেশাল 'রাসপুতিন কেক'—তত্পরি, বিরাট কেকের দু-আধা দুই পদ্ধতিতে নির্মাণ করে জোড়া দেওয়া অতি সহজ।

তা সে কেকই হোক আর খানদানী মদই হোক—রাসপুতিন তাঁর বীভৎস অভ্যাসমত সে-বস্তু খেয়ে গেলেন প্রচুরতম পরিমাণে, এবং তাজ্জব কী বাৎ! তাঁর কিছুই হল না। চোখের পাতাটি পর্যন্ত নড়লো না। আমার স্পষ্ট মনে আছে এস্থলে অধ্যাপকও আপন বিষয় প্রকাশ করে বলেছিলেন, 'মাই বয়! দেয়ার উয়োজ ইনাক পয়জন টু নক অফ সিক্স বুল্জ।' অর্থাৎ ঐ বিষে ছ'টা আঙ্গ বলাদ ঘায়েল হয়! কিন্তু রাসপুতিন নির্বিকার! ইউসুফকরা



জ্ঞানতেন না, রাসপুতিনকে ইতিপূর্বে একাধিকবার বিষপ্রয়োগে হত্যা করার চেষ্টা নিষ্ফল হয়। ম্যাঞ্জিশিয়ানরা যে রকম ব্লেন্ড খায়, রাসপুতিন ঠিক সেই রকম হরেক জাতের বিষ খেতে তো পারতেনই, হজমও করতেন অক্লেশে।

ঘড়যন্ত্রকারীরা পড়লেন মহা ধন্দে। তাঁদের সব প্ল্যান ভাঙল।

তখন ইউগ্রুপক অগাণ্ড ঘড়যন্ত্রকারীদের ফিস ফিস করে বললেন, 'এ রকম সুর্যোগ আর পাওয়া যাবে না। আমি ওকে গুলি করে মারবো।'

পিছন থেকে ঠিক বাড়ের উপর, অর্থাৎ সবচেয়ে মারাত্মক জায়গায়, একেবারে কাছে এসে ইউগ্রুপক গুলি ছুঁড়লেন। রাসপুতিন বক্তাক্ত দেহে অজ্ঞান হয়ে মেঝেতে লুটিয়ে পড়লেন।

সে তো হল। কিছ্ব ঘড়যন্ত্রকারীরা এখন সম্মুখীন হলেন এক সম্পূর্ণ অপ্রত্যাশিত নূতন সমস্যার। জখমহীন মৃতদেহ যত সহজে হস্তান্তর করা যায়, রক্তাক্ত দেহ নিয়ে কর্মটা তো অত সহজ নয়। এখন কি করা কর্তব্য সেটা স্থির করার জন্ত দলের আর বারা সন্দেহ না জাগাবার জন্ত পাটিতে যোগ না দিয়ে উপরের তলায় অপেক্ষা করছিলেন তাঁদের সঙ্গে ইউগ্রুপকাদি যোগ দিলেন। তার পূর্বে তিনি লাশটা টেনে টেনে সেলারে (মাটির নিচে কয়লা এবং আর-পাঁচটা বাজে জিনিস রাখার গুদাম) রেখে এলেন। পাছে হঠাৎ কেউ ডাইনিংরুমে ঢুকে লাশটা আবিষ্কার করে ফেলে।

, স্থির হল, রাসপুতিনের লাশ ইউগ্রুপকের বাড়ির কাছে নেভা নদীতে ডুবিয়ে দেওয়া হবে। সেটা ডিসেম্বর মাস।<sup>৫</sup> নেভার উপরকার জল জমে বরফ হয়ে গিয়েছে। সেইটে ভেঙে লাশ ভিতরে ঢুকিয়ে গায়েব করে দেওয়া কঠিন কর্ম নয়।

এইবার সবাই হলেন—যাকে বলে বজ্রাহত! এবং ভুলবেন না, এঁদের অধিকাংশই ফৌজের আপিসার। এঁদের কাউকে হকুচকাতে হলে রীতিমত কস্ত করতে হয়, আর মৃত্যুভয়? ছো:!<sup>৬</sup>

৫ রাসপুতিনের মৃত্যুদিনস ১৫১৬ ডিসেম্বর ১৯১৬ বলা হয়, আবার ৩০ ডিসেম্বরও বলা হয়। তার কারণ অর্থডক্স রুশ ক্যালেন্ডার ও কন্টিনেন্টের প্রাচীন ক্যালেন্ডারে ১৩১৪ দিনের পার্থক্য।

৬ অধ্যাপক আমাকে গল্পছিলে একদা বলেন, প্রথম বিশ্বযুদ্ধের পূর্বে রাশান অফিসারদের সবচেয়ে প্রিয় খেলা (প্যাস্টাইম) ছিল প্রচুর মগধানের পর লটারিযোগে ছজন অফিসারের নাম স্থির করা। তারপর একজন একটা ঘরে

তা নয়! সবাই সেলারে ঢুকে দেখেন, রাসপুতিনের লাশ উধাও! ঘাড়ের সবচেয়ে মারাত্মক জায়গায় গুলি খেয়ে যে-লোকটা পাড়ে গিয়ে 'মরলো', সে যে শুধু আবার বেঁচে উঠলো তাই নয়, আপন পায়ে হেঁটে বাড়ি ছেড়ে উধাও হয়ে গেল।

অবশ্য এ-কথা ঠিক, ইউসুফ সেলারের দরজা বাইরের থেকে তালাবন্ধ করেন নি, এবং খামোকা বেশী লোক ঘাতে না জানতে পারে তাই সে রাত্রে অধিকাংশ চাকর-বাকরকে ছুটি দিয়ে রেখেছিলেন।

রাসপুতিন যদি এখন কোনো গত্যন্তিকে জারিনার কাছে পৌঁছে সব বর্ণনা দেন—এবং নিশ্চয়ই তিনি করবেন তবে ইউসুফের অবস্থাটা হবে কি?

কিন্তু তিনি অতশত ভাবেন নি—অগ্ন্যাগ্নদের জবানী তাই। তাঁরা বলেন, তিনি পাগলের মত পিস্তল হাতে নির্জন রাস্তায় ছুটতে ছুটতে হঠাৎ দেখেন, চতুর্দিকের সেই শুভ্র শুভ্রতাময় বরফের ভিতর দিয়ে টলতে টলতে রাসপুতিন এগিয়ে যাচ্ছেন। রক্তক্ষরণও বন্ধ হয়ে গিয়েছে। এবারে ইউসুফ আর কোনো চান্স নিলেন না। পিস্তলে যে কটা গুলি ছিল সব কটা ছুঁড়লেন তাঁর ঘাড়ের উপর। তারপর সবাই মিলে তাঁকে টেনে নিয়ে, নেভা নদীর উপরকার জমে-যাওয়া বরফ ভেঙে লাশটা ঢুকিয়ে ঠেলে দিলেন ভাটির দিকে।

কিন্তু জারিনা সে-দেহ উদ্ধার করতে সমর্থ হয়েছিলেন। চার্চেরই মত একটি বিশেষ উপাসনাগারসহ নির্মিত চেপলে তাঁর দেহ সম্বন্ধে গোর দেওয়া হল একটি রমণীয় পার্কের ভিতর। মহারাণী প্রতি রাত্রে যেতেন সেই গোরের পাশে, নীরবে অঝোরে অশ্রুবর্ষণ করার জন্ত, রাসপুতিনের আত্মার সদ্গতি কামনা করে ॥

২২।১।৬৬ ॥

ঢুকে সবচেয়ে নিরাপদ আশ্রয় স্থান বেছে নিয়ে ঘরের সব আলো নিবিয়ে দেবে; সন্ধে সন্ধে ঘরে ঢুকবে অগ্ন অফিসার, হাতে সবচেয়ে ছোট সাইজের পিস্তল নিয়ে। প্রথম অফিসার আশ্রয়স্থল থেকে কোকিলের মত ডাক ছাড়বে, “হু”; অগ্নজন সন্ধে সন্ধে সেই অন্ধকারে শুদ্ধমাত্র ধ্বনির উপর নির্ভর করে পিস্তল মারবে। তখন সেই অন্ধকারে ‘শিকার’ জায়গা বদলাবে, কিন্তু “হু” ডাক না ছাড়া পর্যন্ত পিস্তল মারা বারণ। কতক্ষণ পরে হু’জনের পার্ট বদলায়, আমার মনে নেই।

## বিষ্ণুশর্মা

মিশরের পসারী—গন্ধবণিক—যে রকম ভারতের শঙ্খচূর্ণ<sup>২</sup> এবং অগুরু আতর বিক্রি করে, ঠিক তেমনি কাইরোর পুস্তক-বিক্রেতা বিষ্ণুশর্মার ‘পঞ্চতন্ত্র’ ও ‘বুদ্ধজীবনী’ বিক্রি করে। কিন্তু সে ‘বুদ্ধজীবনী’ কে লিখেছেন, কেউ জানে না।

অবশ্য পঞ্চতন্ত্র সেখানে অল্প নামে পরিচিত। আরবীতে বলে ‘কলীলা ওয়া দিম্না’। এ দুটি—কলীলা ও দিম্না—দুই শৃগালের নাম। সংস্কৃতে করটক ও দমনক। কোনো কোনো পণ্ডিত বলেন, গোড়াতে পঞ্চতন্ত্রের ঐ নামই ছিল। পরবর্তী যুগে ওটিকে পাঁচ ভাগে বিভক্ত করে পঞ্চতন্ত্র নাম দেওয়া হয়। পাঁচ সংখ্যায় কেমন যেন একটা ম্যাজিক আছে কিংবা চোখের সামনে আপন হাতের পাঁচটা আঙুল যেন কোনো ইতস্তত প্রক্ষিপ্ত তথ্য, গল্প, প্রবাদ-সমষ্টিকে পাঁচের কোটায় স্লেতে চায়। বাইবেলের ‘প্রাচীন নিয়মে’ ( ওল্ড টেস্টামেন্ট ) হয়তো এই কারণই ‘পেন্টাটেশ’=‘পঞ্চগ্রন্থ’ আছে। এমনিং আমরা পাঁচ-শালার পরিকল্পনা করি।

তা সে যাই হোক, আমাদের এই তৃতীয়/দ্বিতীয় শতাব্দীতে রচিত পঞ্চতন্ত্র ষষ্ঠ শতাব্দীতে প্রাচীন ইরানে পহলেভি ( সংস্কৃতে পহলভী ) ভাষাতে অনূদিত হয়। তার একটা বাইরের কারণও ছিল। প্রাচীন ইরানের সঙ্গে প্রাচীন গ্রীস রোমের সম্পর্ক বহুকালের। কখনো যুদ্ধের মারফতে, কখনো শান্তির। শান্তির সময় উভয়ে একে অন্নের উপর সাংস্কৃতিক প্রভাব বিস্তার করেছে। কিন্তু দ্বিতীয়/তৃতীয় শতাব্দীতে ইরানীরা গ্রীসের উপর বিরক্ত হয়ে ( ফেড্ অপ্ ) পূর্বের দিকে মুখ

১ এই শঙ্খচূর্ণ নিয়ে কয়েক বৎসর পূর্বে এদেশে একটা ‘কেলেকারি’ হয়ে যায়। যেসব শাখারী পূর্ব বাঙলা থেকে এসে পশ্চিম বাঙলায় আশ্রয় নিয়েছে তাদের দরকার শঙ্খের। শঙ্খ প্রধানত বিক্রি হয় মাদ্রাজ অঞ্চলে এবং তার অগ্রাঙ্গ খরিদার আরব দেশ, মিশর ইত্যাদি। তারা শাখ গুঁড়ো করে ওষুধ বানায়। আমাদের গরীব শাখারীরা যে দাম দিতে প্রস্তুত ছিল ( মৌজাহাজি, না পশ্চিমবঙ্গ সরকারের মারফৎ, আমার ঠিক মনে নেই ) আরবরা তার কিঞ্চিৎ বেশী দাম দিতে রাজী ছিল বলে মাদ্রাজ তাবৎ শঙ্খ বিক্রি করে দেয় ওদের। ফলে বহু শাখারী বেকার হয়ে যায়।

২ কোনো কোনো পণ্ডিতের ধারণা আরবীর এই ‘ওয়া’=‘ম্যাও’=এবং থেকে বাঙলা ‘ও’ এসেছে।

কেরালে। কলে ষষ্ঠ শতাব্দীতে পঞ্চতন্ত্র রাজা খুসরৌ অহুশিরওয়ানের<sup>৩</sup> আমলে পহ্লভীতে এবং অন্নকালের ভিতরই পহ্লভী থেকে সিরিয়াকে অনূদিত হল।

এই প্রথম—সর্বপ্রথম কিনা বলা কঠিন—একখানা আর্থ ভাষায় লিখিত পুস্তক আর্থেতর ভাষায় অনূদিত হল,<sup>৪</sup> কারণ সিরিয়াক ভাষা হীক্ৰ, আরাময়িক ও আরবীয় মত সেমিতি ভাষা। ইরাক সিরিয়া অঞ্চলে প্রচলিত এই সিরিয়াক ভাষা ও সাহিত্য (৩য় থেকে ১৪ শতাব্দী পর্যন্ত এর আয়ু) বরাবরই ইরানের সঙ্গে লেনদেন রাখতো বলে পহ্লভীতে কোনো উত্তম গ্রন্থ অনূদিত হলে সেটি সিরিয়াকেও অনূদিত হত। (পঞ্চতন্ত্রের সঙ্গে সঙ্গে আরেকখানি ভারতীয় ধর্মগ্রন্থ বা গ্রন্থাংশ পহ্লভী হয়ে সিরিয়াকে অনূদিত হয়, এর পরবর্তী যুগে মধ্যপ্রাচ্য ও ইয়োরোপে পঞ্চতন্ত্রের চেয়ে ঢের বেশী সম্মান পায়—তার কথা পরে হবে।)

বিষ্ণুশর্মা রচিত পঞ্চতন্ত্রের কপাল ভালো। পহ্লভীতে যিনি এ পুস্তক অহুবাদ করেন তিনি ছিলেন রাজ-বৈজ্ঞানিক, অতএব সুপণ্ডিত। সিরিয়াকে যিনি তন্ত্রাভুবাদ করেন তিনিও জ্ঞানীজন, কারণ এ গ্রন্থ অহুবাদ করার পূর্বেই তিনি কিয়ৎপরিমাণ গ্রীক দর্শন ও কৃতিত্বসহ সিরিয়াকে অহুবাদ করেছিলেন।

পহ্লভী অহুবাদটি লোপ পেয়েছে, কিন্তু ষষ্ঠ শতাব্দীতে অনূদিত সিরিয়াক অহুবাদটি (“কলিলগ্ ও দমনগ্”) এখনো পাওয়া যায়।

এর প্রায় ছ’শ বৎসর পর—মোটিমুটি হজরৎ মুহম্মদের জন্মের দেড় শ’ বৎসর পর—জর্নৈক আরব আলঙ্কারিক পঞ্চতন্ত্র আরবীতে অহুবাদ করেন। আরবী সাহিত্যের তখন কৈশোরকাল। এই পুস্তক অহুবাদ করার সময় অহুবাদক আবুল্লা ইব্ন অল্-মুকাফ্ফার প্রধান উদ্দেশ্য ছিল তরুণ আরব সাহিত্যিকদের

৩ এই খুসরৌর আমলেই চতুরঙ্গ খেলা ভারত থেকে ইরানে যায়।

৪ তার অর্থ অবশ্য এ নয় যে, এই সর্বপ্রথম সেমিতি জগতে ভারতীয় সাহিত্য পরিচিত হল। বস্তুত এর অনেক পূর্বেই জাতকের বহু গল্প কাকেলা [ ক্যারাভান ] ও চট্টির কথকদের [ স্টরি-টেলার ] মারফতে গ্রীস রোম পর্যন্ত চলে গিয়েছে। বৌদ্ধ ভ্রমণরা খৃষ্টজন্মের পূর্বেই মধ্যপ্রাচ্যে ছড়িয়ে পড়েছিলেন। তারও পূর্বে লোহিত সমুদ্রের কুল ধরে ধরে মধ্যপ্রাচ্যের সঙ্গে আমাদের বাণিজ্য সম্পর্ক স্থাপিত হয়েছে; এমন কি প্রাচীনতম মোনজোডডোর সঙ্গে ইরাকের সম্পর্ক ছিল সে বিষয়ে কোনো সন্দেহ নেই। কিন্তু উপস্থিত এগুলো আমাদের আলোচনার বাইরে। এবং বৌদ্ধধর্ম চীনে প্রবেশ করলে যে সব গ্রন্থ অনূদিত হয় সেও এ আলোচনার বাইরে।

শলী বৌ স্টাইল শেখানো—বিশেষ করে যারা ‘ব্যাল-ল্যাংগ্‌’ বা রম্যরচনায় হাত পাকাতে চান।<sup>৫</sup> পহ্লভী সিরিয়াক হয়ে আরবীতে পৌঁছতে গিয়ে বিষ্ণুশর্মা নামটি কিন্তু এমনই রূপান্তরিত হয়ে যায় যে আরবরা ভাবে, ইনি বিদ্যাপতি, এবং সেই অল্পসারে তাঁর নাম লেখা হয় বীদবা বীদপা বীদপাই ( আরবীতে ‘প’ অক্ষর নেই, কিন্তু মাঝে মাঝে কাছাকাছি অল্প দুই অক্ষর দিয়ে ‘প’ ও ‘চ’ বোঝাবার চেষ্টা করা হয় )। আরবী অহুবাদ হয় অষ্টম শতাব্দীতে এবং তার হীক্‌ অহুবাদ দ্বাদশ শতকে। ত্রয়োদশ শতাব্দীতে জর্দনক ক্যাথলিক কার্ডিনালের জন্ম এটি লাতিনে ‘ডিরেক্টরিয়ুম ভিটো হুমাঞ্জো’ ( অর্থাৎ মোটামুটি ‘মানব-জীবনের জন্ম হিতোপদেশ’—‘পঞ্চতন্ত্র’ ও ‘হিতোপদেশ’ যে সংশ্লিষ্ট সে কথা মধ্যপ্রাচ্যে জানা ছিল ) নাম নিয়ে ইয়োরোপে প্রচারিত হয়, এবং এই অহুবাদের উপর নির্ভর করে পরবর্তী কালে ইয়োরোপের প্রায় তাবৎ অর্বাচীন ভাষাতে ‘বীদপাই-এর নীতিগল্প’ বা ‘কলীলা ও দিম্না’ রূপে অনূদিত হয়ে প্রখ্যাতি লাভ করে।

‘জাতক’, ‘পঞ্চতন্ত্র’ ‘হিতোপদেশ’র বিজয়-যাত্রা সম্বন্ধে মৌলিক গবেষণা করছেন স্বর্গত ঈশান ঘোষ। তাঁর অতুলনীয় জাতক অহুবাদের ভূমিকায় তিনি লেখেন, ‘পঞ্চতন্ত্রের কথাগুলি পৃথকভাবে কথিত নহে। এক একটি তন্ত্রে এক একটি কথাকে কেন্দ্রীভূত করিয়া তাহার আশেপাশে অল্প বহু কথা সংযোজিত হইয়াছে। উত্তরকালে অস্বদেশে বেতাল পঞ্চবিংশতি ও হিতোপদেশ প্রভৃতি আরবে নৈশোপাখ্যানমালা এবং যুরোপে Decameron, Pentameron, Heptameron, Canterbury Tales প্রভৃতি গ্রন্থের রচনাতেই এই পদ্ধতি অহুসৃত হইয়াছে। পঞ্চতন্ত্রের কথাগুলি উক্তরূপে এক স্বত্রে নিবন্ধ না থাকিলে বোধ হয় দেশদেশান্তরে ভ্রমণের সময় ছত্রভঙ্গ হইয়া যাইত।’ এ অহুচ্ছেদ ঈশান

৫ অধীন এই উদ্দেশ্য নিয়েই বছর বোল পূর্বে ‘পঞ্চতন্ত্র’ সিরিজ ‘দেশ’ পত্রিকায় আরম্ভ করে। নইলে বিষ্ণুশর্মার অহুকরণ করার মত দস্ত আমার কখনো ছিল না। এর অল্প পরেই Indian Council for Cultural Relations-এর সঙ্গে সংযুক্ত থাকাকালীন মরহুম মৌলানা আজাদের নেতৃত্বে আমরা একখানা আরবী ত্রৈমাসিক ( ‘সকাফৎ-উল-হিন্দ’, ‘ভারতীয় সংস্কৃতি’ ) প্রকাশ করি ও ঐ সময় মিশরাদি একাধিক দেশ থেকে অহুরোধ আসে যে, যেহেতু অহুকার ‘কলীলা ওয়া দিম্না’ ও ‘পঞ্চতন্ত্রে’ প্রচুর তফাৎ, অতএব আমরা যেন একখানি নূতন অহুবাদ প্রকাশ করি। আমরা সে কাজ সানন্দে প্রাণ্ডুক্ত পত্রিকায় আরম্ভ করি।

ঘোষ শেষ করেছেন, এই বলে—‘হিন্দুই হউন, বৌদ্ধই হউন, পঞ্চতন্ত্রকার অতি শুভক্ষণে লেখনী ধারণ করিয়াছিলেন। লোকমুখে বা গ্রন্থাকারে তাঁহার কথাগুলি সভ্য অসভ্য সর্ব দেশে যেরূপভাবে পরিষ্কাত হইয়াছে, পৃথিবীতে অন্য কোনো পুস্তকের ভাগ্যে সেরূপ ঘটে নাই।’<sup>৬</sup>

অজহর বিশ্ববিদ্যালয় অঞ্চলে যে পুস্তক-বিক্রেতা আমাকে ‘কলীলা ওয়া দিমনা’ বিক্রি করে, সে ইঙ্গিত দেয়, আরেকখানি ভারতীয় পুস্তক কণ্ট খুইঁানরা ( এঁরা নিজেদের ফারাওয়ের বংশধর বলে দাবি করেন ) কিছুদিন পূর্বে আরবীতে পুনঃপ্রকাশ করেছেন।

তখন কণ্ট বন্ধুদের কাছে অনুসন্ধান করে জানতে পারি, এর আরবী নাম ‘সুৱরহ বার্বাম ওয়া যুআসফ’। এ পুস্তকের প্রধান নায়ক দু’জন খৃষ্টধর্মে সেন্টরূপে স্বীকৃত হয়েছেন—ক্যাথলিক উভয়কে স্মরণ করেন ২৭ নভেম্বর ও যুআসফকে গ্রীক চার্চ স্মরণ করেন ২৬ অগস্ট ( সেন্টস্ ডে )।

তখন অনুসন্ধান করে দেখি, ‘যুআসফ’ নাম এসেছে ‘বোধিসত্ত্ব’ থেকে ও ‘বার্বাম’ এসেছে ‘বুদ্ধ ভগবান’-এর ‘ভগবান’ থেকে!

এ পুস্তকের কাহিনী পঞ্চতন্ত্রের চেয়েও বিস্ময়জনক ॥

২।৪।৬৬

---

৬ ঈশান ঘোষের বাঙলা জাতক কী জর্মন, কী ইংরিজি, কী হিন্দী সব জাতকানুবাদের চেয়ে শত গুণে শ্রেষ্ঠ। অসাধারণ পরিশ্রম ও অতুলনীয় পাণ্ডিত্যের সঙ্গে ঈশান এই অনুবাদ সম্পন্ন করে বঙ্গবাসীকে চিরঞ্জে আবেদন করে গেছেন। এ অনুবাদ প্রকাশিত হলে পর পালিপাণ্ডিত্যে আরেক ধনুধর বিশ্বভারতীর অধ্যক্ষ বিধুশেখর শাস্ত্রী এর সমালোচনা করেন। পরম লজ্জা ও পরিতাপের বিষয় ঈশানের অনুবাদ বহু বৎসর পূর্বে নিঃশেষ হওয়া সত্ত্বেও এর পুনর্মুদ্রণ হয় নি। স্মরণে পাই, সাহিত্য আকাদেমি স্বর্গত হরিচরণ বন্দ্যোপাধ্যায়ের বাঙলা কোষ পুনর্মুদ্রণ করেছেন। তাঁরা যদি ( বিধুশেখরের আলোচনা সহ ) এই গ্রন্থের পুনর্মুদ্রণে সহায়তা করেন তবে গোড়জন তাঁদের কাছে কৃতজ্ঞ থাকবে।

## বার্লাম ও যোসাফট

ইয়োরোপীয় ও মধ্যপ্রাচ্যের চার-পাঁচটি ভাষা নিয়ে প্রায় বাটটি ভাষায় অনুদিত 'বার্লাম ও যোসাফট' ইয়োরোপে ষষ্ঠ শতাব্দীর গোড়া থেকে খৃষ্টান মঠে তথা সাধুসম্মত ও পণ্ডিতমণ্ডলীর মধ্যে সমাদৃত হয়ে ক্রমে ক্রমে অসাধারণ জনপ্রিয় হয়ে দাঁড়ায়। তার প্রধান কারণ, অতি স্নমধুর সরল গল্পচ্ছলে এই পুস্তকে বর্ণিত খৃষ্টধর্মের মাহাত্ম্য ও প্রাধান্য ইতিপূর্বে প্রাচ্য-প্রতীচ্যের কোনো ভাষাতেই রচিত হয় নি—এমন কি, খৃষ্টধর্মের প্রাচীনতম প্রধান বাহক গ্রীক, লাতিন এবং হীক্রেতেও না। তাই দেখতে পাই, ইংলণ্ডে ছাপাখানা নির্মিত হওয়ার পর উইলিয়াম ক্যাকস্টন যে-সব পুস্তক ছাপান, তার মধ্যে এই পুস্তকটিও ১৪৮৩ খ্রীষ্টাব্দে ইংরেজী অনুবাদে আছে। অবতরণিকারূপে এখানে এ-পুস্তক সম্বন্ধে আরো বহু বিস্তর চিত্তাকর্ষক ও মূল্যবান তথ্য তথ্য নিবেদন করা যায়, কিন্তু আমাদের ধারণা, পুস্তকের উপাখ্যানটি এস্থলে অতিশয়তম সংক্ষেপে বর্ণনা করে নিলেই সর্বোত্তম পন্থা অবলম্বন করা হবে—পাঠক নিজের থেকেই অনেক-কিছু কল্পনা করে নিতে পারবেন।

তারতবর্ষে এক পরাক্রমশালী নরপতি পুত্রহীন অবস্থায় অতিশয় মনোকষ্টে দীর্ঘকাল জীবনযাপন করার পর এক অভূতপূর্ব সর্বহুলক্ষণসম্পন্ন পুত্রসন্তান লাভ করেন। মহাসমারোহে তাঁর নামকরণ করা হল যোসাফট (গ্রীক অনুবাদে Josaphat) এবং রাজ্য সে-যুগের শ্রেষ্ঠতম শ্যালডীয় (Chaldaean) জ্যোতিষীদের নিয়ন্ত্রণ করে রাজপুত্রের জন্মকুণ্ডলী নির্মাণ করার আদেশ দিলেন। তাঁরা সবাই একবাক্যে রাজাকে জানালেন, নবজাত কুমারের ভবিষ্যৎ সর্ব গৌরব ধারণ করে এবং তত্ত্বজ্ঞান লাভ করে তিনি হবেন বিরলতম মহাত্মাদের মধ্যে বিরল, কিন্তু তিনি পিতৃ-পিতামহের সনাতন ধর্ম পরিত্যাগ করে সত্যধর্মের সন্ধানে গৃহত্যাগ করবেন। বলা বাহুল্য, নৃপতি নিস্তান্ত ক্ষুব্ধ হলেন এবং এই মর্মস্কল ভবিষ্যাবাগী ঘাতে সফল না হয়, তার জগ্ন মন্থণা গ্রহণ করে আদেশ দিলেন, রাজপুত্রকে যেন পরম রমণীয় এক রাজপ্রাসাদের ভিতর চিত্তাকর্ষণীয় সদানন্দময় পরিবেশে রাখা হয়। প্রাসাদ থেকে বাইরে এসে তিনি যেন কোনো অবস্থাতেই জরামৃত্যুর (ইংরেজী অনুবাদ আছে misery and death, জর্মনে আছে ঐ একই—Elend und Tod, খুব সম্ভব জরার প্রকৃত প্রতিশব্দ ইয়োরোপীয় কোনো ভাষাতেই নেই বলে তৎপরিবর্তে 'মিজরি' ইত্যাদি ব্যবহৃত হয়েছে) সংস্পর্শে না আসতে পারেন; রাজা অহুমান করে নিয়েছিলেন, সন্দাহীজন যে

পরিবেশে আনন্দ লাভ করেছে, সেটা পরিবর্তন করে সে অল্প পরিবেশের সন্ধানে যাবে 'কোন হুঃখে' ?

কাহিনীর এই অংশটুকু শোনামাত্রই যে-কোনো ভারতীয়, সিংহলী, তিব্বত-চীন-জাপান-শ্রামবাসীর মনে উদয় হবে, এ-যেন বড় চেনা-চেনা ঠেকছে, এ কি যুবরাজ সিদ্ধার্থের জীবনী নয় ? তাই যদি হয়, তবে সে-কাহিনী সর্বধর্মের সর্ব-সম্মানকে উৎসাহ এবং আনন্দ দান করলেও সেটি খৃষ্টধর্মের পবিত্র ধর্মগ্রন্থরূপে সম্মানিত হবে কি প্রকারে ? কাহিনীর পরের অংশটুকু শুনেই সেটা আন্তে আন্তে পরিষ্কার হবে। কিছুটা আগেও বলা হয়েছে, সেটা আমি ইচ্ছে করেই আগে বলি নি, কারণ, তা হলে সিদ্ধার্থকে চিনতে পাঠকের অসুবিধা হত।

কাহিনীতে আছে, রাজপুত্র জন্মগ্রহণ করার পূর্বেই ভারতবর্ষে খৃষ্টধর্ম ছড়িয়ে পড়েছিল (এটা অবশ্যই সত্য নয়, এবং এরকম আরো পরিবর্তন পরিবর্তন পাঠক পাবেন ; কি উদ্দেশ্য নিয়ে সেগুলো করা হয়েছিল, পাঠক ক্রমশ বুঝতে পারবেন)। কিন্তু যুবরাজের পিতা সে ধর্মের ঘোরতর শত্রু ছিলেন এবং রাজ্যে তার প্রসার বেড়ে যাচ্ছে দেখে রাজ্যদেশ প্রচারিত করেন যে প্রজাসাধারণ, পাত্র-অমাত্য যে কেউ এই নবীন ধর্ম গ্রহণ প্রচার প্রসার করবে, সে দণ্ডনীয় হবে। কিন্তু তৎসঙ্গেও রাজারই এক অন্তরঙ্গ সখা এবং মন্ত্রী খৃষ্টধর্ম গ্রহণ করে নির্জনে ধ্যান-ধারণা করার জন্ত মরুভূমিতে চলে যান (মিশরের খৃষ্টান সাধুরা দ্বিতীয় তৃতীয় শতাব্দীতে প্রায়শ লীবিয়া-মরুভূমিতে অন্তর্ধান করতেন)। রাজ্যদেশে তাঁকে খুঁজে মরুভূমি থেকে কিরিয়ে আনলে পর তিনি রাজসভায় তাঁর আচরণ বোঝাতে চেষ্টা করেন ও ক্ষমাভিক্ষাও করেন। রাজা আরো ক্রুদ্ধ হয়ে তাঁকে নিজ রাজ্য থেকে নির্বাসিত করেন।

এদিকে রাজপুত্র যৌবনে পদার্পণ করে আর প্রাসাদে বন্দী হয়ে থাকতে

১ ধর্মের ইতিহাসে এটা কিছু নতুন নয়। কাঠয়াওয়াড়ের হিন্দু লোহানী রাজপুত্রদের ইসমাইলীয়া (ইসলামেরই এক) সম্প্রদায়ের প্রতি আকৃষ্ট করার জন্ত কাহিনী নির্মিত হয় যে, হিন্দুদের যে কঙ্কি অবতারের আবির্ভূত হওয়ার আশ্বাস দেওয়া হয়েছে, ইতিমধ্যে মক্কা নগরে হজরৎ আলীরূপে তিনি অবতীর্ণ হয়ে গেছেন। সত্যপীরও তুলনীয়।

কয়েক সপ্তাহ পূর্বে যে কন হকমান্‌স্টালের কবিতার বাংলা অনুবাদ নিয়ে আলোচনা হয় তিনিও এই গ্রন্থের গল্প মূলসুত্ররূপে নিয়ে তাঁর স্বজনীশক্তির প্রকাশ দেখিয়েছেন। নাম 'ইয়েডেরমান' = 'এভরিবডি'।



চাইলেন না ; তাঁর ইচ্ছা, তিনি বাইরের বিশাল জগতে বেরিয়ে গিয়ে সেখানে নব নব অভিজ্ঞতা সঞ্চয় করেন এবং সেই মর্মে পিতার অল্পমতি ভিক্ষা করলেন। অতিশয় অনিচ্ছায় তিনি সম্মত হলেন। ফলে রাজপুত্র ক্রমে ক্রমে এক এক জন করে অন্ধ, কুষ্ঠরোগী, জরাগ্রস্ত বৃদ্ধ ও সর্বশেষে একটা মৃতদেহ দেখতে পেয়ে ব্যাথাভূর হয়ে এর কারণ সম্বন্ধে কাতর প্রশ্ন জিজ্ঞেস করতে থাকেন এবং উত্তরে শুনতে পান, এসব দুঃখ-দুর্দৈব মাল্লুমাত্তেরই ললাটে লেখা আছে। অত্যন্ত বিচলিত ও অভিকৃত হয়ে তিনি অল্পসঙ্কানের ফলে আরো জানতে পান, এসব দুঃখ-দুর্দৈব থেকে চিরতরে নিষ্কৃতি পাবার পন্থা জানেন শুধু এক শ্রেণীর সাধুসম্বন্ধ— তাঁরা সংসার ত্যাগ করে নির্জনে ধ্যান-ধারণায় মগ্ন থাকেন। রাজপুত্রের প্রবল ইচ্ছা হল, এঁদেরই মুখ থেকে তিনি তত্ত্বকথা শুনবেন, কিন্তু তাঁর সে-ইচ্ছা পূর্ণ করা অসম্ভব, কারণ তাবৎ সাধুসম্বন্ধকে রাজা দেশে দেশ থেকে নির্বাসিত করে দেওয়া হয়েছে।

ইতিমধ্যে এক অতিশয় পুতপবিত্র তথা ধর্মজ্ঞ সাধু মণিকারের চন্দ্ৰবেশ পরে রাজসভায় আবিভূত হলেন এবং রাজপুত্রের সঙ্গে একাধিকবার সাক্ষাৎ করে ধর্মের নিগূঢ় তত্ত্বকথা তাঁকে বোঝাতে লাগলেন। সে সময় তিনি নানা গল্প, নানা কাহিনী কীর্তন করে সংসারের অসারতা ও প্রকৃতধর্ম কি, সে-সব সপ্রমাণ করেন।

(এই গল্পগুলো গ্রন্থের চিত্তাকর্ষক অংশ গ্রহণ করে আছে। এগুলোর অধিকাংশেরই উপলব্ধিহীন যে ভারতবর্ষ সে বিষয়ে কোনো সন্দেহ নেই ; কিন্তু যদিও ঊনবিংশ শতাব্দীতে সে নিয়ে ইউরোপে প্রচুর গবেষণা করা হয় তবু সবগুলোর মূল তখনো খুঁজে পাওয়া যায় নি, হয়তো কখনো পাওয়া যাবে না। তবে কয়েকটি নিঃসন্দেহে জাতক থেকে নেওয়া হয়েছে [ আশ্চর্য ! স্বয়ং বোধিসত্ত্ব যে-সব গল্প জাতকে বলে গেলেন, যোসাফটরূপে তাঁকে আবার সেগুলোই উপদেশ-রূপে শুনতে হল। ] এবং কিছু মহাভারত থেকেও। এদেশে কোথায় কি পরিমাণ গবেষণা হয়েছে সেকথা বলা কঠিন—এই গ্রন্থ নিয়ে কোনো গবেষণা আমার চোখে পড়ে নি। এ কর্ম করার সর্বাপেক্ষা শাস্ত্রাধিকার ছিল স্বর্গত ঈশান ঘোষের। তিনি তাঁর জাতক-অল্পবাদের উপক্রমণিকায় এ পুস্তক নিয়ে কিঞ্চৎ আলোচনা করেছেন, কিন্তু সেখানে স্থান সংকোপ এবং এর গল্পগুলো ইয়োরোপের ভিন্ন ভিন্ন পাঠে বড়ই ভিন্ন ভিন্ন—এমন কি জাপানী ‘শক ত্রিংশু-রকু’ও যে এ-আলোচনার স্থান পায় সে তত্ত্ব কয়েক বৎসর পূর্বে জর্মন গবেষক-গোষ্ঠী উল্লেখ করে গেছেন এবং এ দেশে বসে সেগুলো সংগ্রহ করা অসম্ভব না

হলেও হুকটিন।)

যে-মণিকার রাজপুত্রকে উপদেশ দিলেন তিনিই এ গ্রন্থের বার্লাম। রাজপুত্র মনস্থির করলেন, তিনি বার্লামের শিষ্যত্ব গ্রহণ করবেন। এ সংবাদ শুনে রাজা কোভে ক্রোধে উন্নতপ্রায়। সর্ব প্রথমেই তিনি বার্লামকে বন্দী করবার আদেশ দিলেন, কিন্তু তিনি ততক্ষণে নগর ত্যাগ করেছেন। রাজা যখন দেখলেন পুত্র কিছুতেই সংকল্প ত্যাগ করবেন না তখন তিনি ধূর্ত পন্থা অবলম্বন করলেন। নাকোর নামক এক অচেনা জনকে তিনি নিযুক্ত করলেন, সে এসে সভাস্থলে খৃষ্টধর্মের স্বপক্ষে দুর্বল, ভ্রমাত্মক যুক্তি প্রয়োগ করে তর্কযুদ্ধে সভাপণ্ডিতদের কাছে হেরে যাবে; এই করে খৃষ্টধর্ম সর্বজনসমক্ষে লাঞ্চিত হলে যুবরাজ নিশ্চয়ই বার্লামের অহুসরণ করার ব্যর্থতা বুঝতে পারবেন। কিন্তু রাজপুত্র সংবাদ পেয়ে গোপনে নাকোরকে এমনই তিরস্কার করলেন যে, সে শেষ পর্যন্ত রাজসভায় বাগিতাসহ অব্যর্থ যুক্তিজাল বিস্তার করে প্রতিপক্ষকে পরাস্ত করল। এর পর নাকোরও খৃষ্ট সাধুরূপে নির্জন ভূমিতে অস্থর্ধান করে। রাজা তখন জাহুরের শরণাপন্ন হলেন। সে তখন পাখিব ভোগ-বিলাসের মায়াজাল বিস্তার করে যুবরাজকে প্রলোভিত করার চেষ্টা দিয়ে নিফল তো হলই পক্ষান্তরে যুবরাজ তাঁকে একটি কাহিনী বলে স্বধর্মে দীক্ষিত করলেন। এর সঙ্গে মার-এর মিল দেখা যাচ্ছে, তবে বৌদ্ধশাস্ত্রে সে ধ্যানী বোধিসত্ত্বকে প্রচুর মারণাস্ত্র দিয়ে ভয়ও দেখায়।

সর্বশেষে রাজপুত্র বোধিসত্ত্ব বা যোসাষ্টিরূপে রাজপুরী ত্যাগ করে বার্লামকে খুঁজে পেলেন। তাঁকে সখা ও সঙ্গীরূপে গ্রহণ করে উভয়ে ধ্যান-ধারণায় নিমজ্জিত হলেন।

\*

\*

এ গ্রন্থে বৌদ্ধধর্মের কাহিনী নিয়ে তার সঙ্গে খৃষ্টধর্ম জুড়ে দিয়ে সে ধর্মের যে জয়জয়কার করা হল তার প্রণেতা কে জানবার উপায় নেই। পঞ্চতন্ত্রের মত এ-গ্রন্থও রাজা খুসরোর আমলে পহ্লবীতে অনূদিত হয় এবং ওরই মত, তারপর, সীরিয়াকে। তার থেকে হয় গ্রীক অহুবাদ এবং উপক্রমণিকায় বলা হয় ‘একটি উপকারী কাহিনী...আবিসিনিয়ার প্রত্যস্ত প্রদেশ—যার নাম ভারতবর্ষ (!)—সেখান থেকে এটি আনয়ন করেন সাধু জন।’ ওদিকে আরবী অহুবাদও হয়ে গিয়েছে এবং সেখানে গ্রীক অহুবাদের চেয়েও স্পষ্টতররূপে ধরা পড়ে যে এর মূল ভারতে ও বৌদ্ধধর্মে। এর পর লাতিন অহুবাদ এবং তার থেকে ইয়োরোপীয় সর্বভাষায়।

‘বিষ্ণুশর্মা’ প্রসঙ্গে নিবেদন করছি যোসাকট এসেছে ‘বোধিসত্ত্ব’ থেকে ( আরবীতে আঙুলে ‘ব’ ও ‘য়’-তে মাত্র একটি বিন্দুর পার্থক্য আছে বলে হয়ে যায় যোসাকট ) এবং বার্লিম ( বুদ্ধ ) ‘ভগবান’ থেকে ।

অতএব এক বুদ্ধদেব যদি ছুই মূর্তি ধারণ করে খৃষ্টধর্মে সেন্ট বা সন্তরূপে পূজা পান তবে নিশ্চয়ই আমাদের আনন্দের কথা ॥

৯।৪।৬৬

### রবি-মোহন-এন্ড্রুজ

কয়েক দিন পূর্বে একখানা চটি বইয়ে রবীন্দ্রনাথ, মহাত্মাজী ও এন্ড্রুজ সঙ্ঘে একটি বিবরণীতে দেখি, আর সবই আছে, নেই শুধু একটি কথা :—এন্ড্রুজের পরলোকগমনের পর তাঁর স্মৃতিরক্ষা সঙ্ঘে সচেতন হলেন কে, এবং সেই মহৎ চিন্তা মূম্বয়রূপ দেবার জন্ম সর্বপ্রথম উদ্যোগী হলেন কে, এবং এন্ড্রুজ ফাণ্ডের আজ্ঞা সামান্য যেটুকু অবশিষ্ট আছে—যদি আদৌ থাকে—তার জন্ম রুতজ্ঞতা জানাবো কাকে ?

অসহযোগ আন্দোলন আরম্ভ হয় যে সময়, তখন রবীন্দ্রনাথ পশ্চিমে। শুনেছি, সে-সময় তিনি নাকি সে-আন্দোলনের প্রশংসাই করেছিলেন। ফেরার সময় বোধায়ে নেমে তাঁর মত পরিবর্তন হয়, এবং আন্দোলনের বিরুদ্ধে স্পষ্ট ভাষায় একাধিক প্রবন্ধে আপন মতামত ব্যক্ত করেন ( দ্বিজেন্দ্রনাথ কিস্তি বরাবরই গাঁধীকে উৎসাহ-হিম্মৎ যুগিয়ে যান )। এন্ড্রুজ ছিলেন রবীন্দ্রনাথ ও গাঁধীর

১ ‘গুরুচণ্ডালী’ নিয়ে আলোচনা একাধিক স্থলে দেখেছি। চলতি ভাষা আরম্ভ হওয়ার পূর্বে এটাকে অমার্জনীয় অপরাধের অনুরূপস্বরূপে সম্মান করা হত—যদিও যে দ্বিজেন্দ্রনাথকে কবি রবীন্দ্রনাথ বাংলা ভাষার সর্বশ্রেষ্ঠ বিশেষজ্ঞরূপে সম্রদ্ধ সম্মান জানাতেন, তিনি স্বয়ং সে অহুঁশাসন তাঁর কঠিনতম সংস্কৃত শব্দে পরিপূর্ণ বাংলা দর্শনগ্রন্থে পদে পদে লঙ্ঘন করতেন, এবং সকলকেই সে উপদেশ দিতেন। চলতি ভাষা চালু হওয়ার পর, পরলোকগমনের মাত্র কয়েক বৎসর পূর্বে স্বয়ং রবীন্দ্রনাথও লেখেন ‘গুরুচণ্ডালী এখন আর অপরাধ নয় ( ‘বাংলা-অলঙ্কারের পিনাল-কোড থেকে গুরুচণ্ডালী সরিয়ে দেওয়া হল’—ধরনের অভিব্যক্তি )। অবীন দ্বিজেন্দ্রনাথের আদেশ বালাবস্থা থেকেই মেনে নিয়েছে, যতপি সে সদাই ‘লড়াই শুরু হল’ এবং ‘যুদ্ধ আরম্ভ হল’ তথা ‘মোকদ্দমা শুরু হল’ এবং ‘তর্কবিতর্ক আরম্ভ হল’ এ’দ্বয়ে পার্থক্য মেনে চলেছে।

উভয়েরই অতিশয় অন্তরঙ্গ বন্ধু—(এবং স্বিজেরনাথের প্রতি তাঁর শ্রদ্ধা সহকর্মা বিধুশেখর বা ক্ষিত্তিমোহনের মতো তো ছিল বটেই, বেশী বললেও বাড়িয়ে বলা হয় না)—তাই অনেকেই তাঁকে 'শান্তিনিকেতন-সাবরমতী-সেতু' নাম ধরে উল্লেখ করতেন।

এন্ড্রুজের ধর্ম ছিল দীননারায়ণের সেবা। ধর্মসম্বন্ধে রাজনৈতিক আন্দোলন-বিবর্তন সর্বদাই দীনের উদ্দেশ্যে নিয়োজিত হয়; তাই সাক্ষাৎ রাজনীতি এড়িয়ে চললেও এন্ড্রুজ গান্ধী-আন্দোলনের প্রতি সহানুভূতিশীল ছিলেন। তাই এই মহান আন্দোলনের ব্যাপারে ভারতবর্ষের দুই মনীষীর মধ্যে মতানৈক্য যে সর্ব-প্রকারের ক্ষতিসাধন করতে পারে, সে-বিষয়ে তিনি সচেতন হন; তিনি মন স্থির করলেন, পত্র-পত্রিকার মারকৎ উভয়ের মধ্যে যে বাধাহীন হচ্চে, তার চেয়ে অনেক ভালো হয়, উভয়ে একসঙ্গে মিলিত হয়ে যদি ভাবের আদান-প্রদান করেন। বলা বাহুল্য গান্ধী-রবীন্দ্রনাথের সৌহার্দ্য জন্মায়, যখন গান্ধী এর কয়েক বৎসর পূর্বে রবীন্দ্রনাথের সহায় আমন্ত্রণে আফ্রিকা ত্যাগ করে সদলবলে শান্তিনিকেতন আশ্রমে যোগ দেন ও স্কুলের প্রধান শিক্ষকরূপে সেখানে ছয় মাস থাকেন (তখনো কলেজ-বিভাগ বা বিশ্বভারতীর জন্ম হয় নি)।

এ-আলোচনা হয় কলকাতায়, এবং এক এন্ড্রুজ ছাড়া সেখানে চতুর্থ ব্যক্তি ছিলেন না।

কিন্তু কবির মত চিত্রকরও শুধু যে নব নব স্বজন কর্মে লিপ্ত থাকেন তাই নয়, নব নব গোপন তত্ত্ব, সৌন্দর্য আবিষ্কার করে রসিকজনের সম্মুখে রাখতে চান। কবি রবির ভ্রাতৃপুত্র 'ছবি-রবি' অবন ঠাকুর তাই মনে মনে ভাবলেন, রবীন্দ্রনাথ ও গান্ধীর মত মনীষী এ দেশে নিত্য নিত্য জন্মায় না; নিতৃত্তে এ দৌহার মিলনের অন্তত সামান্য কিছুটাও যদি না দেখতে পেলুম, তবে এ-জীবনে দেখলুমটা কি? কথাটা ঠিক; হিমালয় আলপ্‌স্‌ মিলন হয় না,—কিন্তু এ-মিলন তো তারো বড়ো।

উপযুক্ত তাবৎ কাহিনী আমি অগ্ন্যত্র সবিস্তর দিয়েছি বলে এস্থলে সংক্ষেপে সারি, কারণ অগ্ন্যত্র কীর্তন ভিন্ন। 'অবন-ঠাকুর' চূপসে দরজার চাবির ফুটো দিয়ে এক লহমার তরে স্থিরদৃষ্টিতে দেখে নিলেন ভিতরকার 'ছবিটি'। সেইটেই তিনি এঁকে পাঠিয়ে দিলেন শান্তিনিকেতনের কলাভবনে—যেখানে ঐ তিনজনের কুজন্য, অর্থাৎ কবি ও এন্ড্রুজ স্থায়ীভাবে বাস করেন।

কিন্তু মূল কথায় ফিরে যাই—এটুকু শুদ্ধমাত্র এ-তিন মহাপুরুষের অন্তরঙ্গতা বোঝাবার জন্য পটভূমি নির্মাণ।

\*

\*

১৯৪২ খৃষ্টাব্দে (খুব সম্ভব) গ্রীষ্মকালে অকস্মাৎ মহাত্মাজী অবতীর্ণ হলেন বোম্বাইয়ের জুহুবাঁচে। যুদ্ধ এবং জনরবে ভারতবর্ষ তথা তাবৎ পৃথিবী তখন গমগম করছে। প্রায় সম্পূর্ণ পূর্ব ও উত্তর ইয়োরোপ জয় করার পর হিটলার তখন সদর্পে ককেশাসের তেল পানে ধাওয়া করবেন বা করেছেন—এমন সময় টলটলায়মান ইংরেজের চরম ছরবছার স্বযোগ নিয়ে ডমিনিয়ন বিয়গু দি সীজ-এর অগ্রতম ভারতবর্ষ আরেকটা স্বাধীনতা আন্দোলন আরম্ভ করবে কি? এই ছিল তখন দেশবিদেশে সর্বমুখে একমাত্র প্রশ্ন।

এমন সময় গান্ধী নামলেন জুহুবাঁচে। এবং তার চেয়েও বিশ্বয়জনক ব্যাপার;—যে গান্ধীকে আপাতদৃষ্টিতে সরল, ভালোমাহুয বলে মনে হয়, তিনি যে সাংবাদিকদের এড়াবার জন্য কত ছলুর-হেকমৎ রপ্ত করে বসে আছেন, সে তস্বটি হাড়ে হাড়ে বিলক্ষণ জানে ভুক্তভোগী সাংবাদিকরা—সেই গান্ধীই ডেকে পাঠিয়েছেন, নিজে যেচে, প্রেস-কনফারেন্স! তিনি নাকি সর্বপ্রশ্নের উত্তর দেবেন।

এদিকে তিনি জুহুবাঁচে নেমেই ধবর পাঠিয়েছেন বোম্বায়ের আশ্রমিক সঙ্ঘকে। তিনি রবীন্দ্র-সঙ্গীত শুনবেন।

বোম্বায়ে বিস্তর শান্তিনিকেতনের প্রাক্তন ছাত্রছাত্রী আছে—তাদের প্রায় সবাই গুরুদেবের দু'দশটা গান গাইতে পারে, আর মহারাষ্ট্রবাসী হলে তো কথাই নেই, তারা গুরুদেবের কালোয়াতী গান পর্যন্ত গাইতে পারে, দু'একজন নিধুবাবু চণ্ডে গুরুদেবের টঙ্কা তক দখল করে বসে আছে। কিন্তু সব সময় সবাই তো আর বোম্বায়ে থাকে না। তবু ছিলেন সর্বাধিকারী স্বর্গত বচুভাই গুঞ্জ; ইনি শান্তিনিকেতনে প্রচলিত—অর্থাৎ সেখানে 'দৈনন্দিন এবং পালপর্ববে গীত—সব কটার এবং আরো প্রচুর অচলিত সুর আপন বিরাট দিলরুবাতে বাজাতে পারতেন। তারপর ছিলেন পিনাকিন ত্রিবেদী, গোবর্ধন মপারা, সুলীলা আসর ইত্যাদি। আমিও ছিলাম বচুভাইয়ের অভিধিক্সে। কিন্তু সেটা ধর্তব্যের মধ্যে নয়। কারণ আমার মত 'বেতলাকে' কাবু করতে পারেন এমন বেতাল-সিদ্ধ এখনো জন্মান নি!

আশ্রমিক সঙ্ঘ, এবং অধিনায়করূপে বচুভাই পড়লেন হুশ্চিন্তায়। গান্ধীজী কোন্ কোন্ গান শুনতে চাইবেন, বা কেউ গাইলে শুনতে ভালোবাসবেন স্

সম্বন্ধে কারোরই কোনো পূর্ব অভিজ্ঞতা বা আপন ধারণা নেই—বস্তুত শান্তিনিকেতনে বাসকালীন এবং বিশেষ করে সে-স্থল ছাড়ার এত যুগ পরেও যে তাঁর রবীন্দ্র-সঙ্গীতের প্রতি অল্পরাগ রয়েছে সে-তত্ত্ব প্রাক্তন ছাত্রদের প্রায় কেউই জানতো না। অবশ্য অনেকেই জানতো ‘জীবন যখন শুকায়ে যায়—’ গানটি তাঁর বড়ই প্রিয় (এবং সেই কারণেই নিউমেনের ‘লীড কাইনড্‌লি লাইট এমিড্‌স্ট দি এন্সার্ক্লিং প্লুম।’ )।

আমি বললুম, ‘এটা তো স্পষ্ট বোঝা যাচ্ছে, গাঁবীজী যে-সময়টা আশ্রমে কাটান, ঠিক সেই সময়ে রচিত রবীন্দ্রসঙ্গীতই পাবে পয়লা নম্বর—বা ফার্স্ট প্রেফারেন্স তারপর নিশ্চয়ই স্বদেশী গান (এখন যাকে গাল-ভরা নামে ডাকা হয় ‘দেশায়নুলক সঙ্গীত’), তার পর মন্দিরে উপাসনার সময় যে কটি ব্রহ্মসঙ্গীত গাওয়া হয়। এর পরও আছে—কিন্তু অদূর আমার এলেম যায় না, যেমন মনে করো গুরুদেব তাঁর আপন পছন্দের যে-সব গান বাছাই করে তাঁকে শুনিয়েছেন তাঁর হৃদীস পাবো কোথায়!’ সবাই এক বাক্যে আমার বক্তব্য স্বীকার করে বললে, ‘এই তিন দফেতে যে-সব গান পড়ে তারই সব কটা এত অল্প সময়ে কোরাসে তৈরি করা প্রায় অসম্ভব। অতএব এই নিয়েই উপস্থিত সম্বন্ধে থাকাকি যাক।’ আমি তখন স্কেল টি-স্কোয়ার সেট-স্কোয়ারসহ—কথার কথা কইছি—লেগে গেলুম জরিপ করতে, মহাত্মাজী যে-সময়টায় শান্তিনিকেতনে ছিলেন ঠিক সেই সময়ে গুরুদেব কোন কোন গান রচেন (এস্থলে একটি ফরিয়াদ জানিয়ে রাখি : ধারাই গুরুদেব নিয়ে কোনো কাজ করতে চান, তাঁরাই চান, গুরুদেবের কবিতা যে রকম কালানুক্রমিক পাওয়া যায়, গানের বেলাও ঠিক সেই রকম হওয়া উচিত, বরঞ্চ বেশী উচিত। আমার এক মিত্র ‘রবীন্দ্রনাথের ধর্ম’ নিয়ে প্রবন্ধ লিখতে গিয়ে এরই অভাবে দিশেহারা হয়ে এগুতে পারছেন না। তাঁর মূল প্রশ্ন, একটা বিশেষ সময়ের পর—মোটামুটি ১৯১৮—রবীন্দ্রনাথ কি একেবারেই আর কোন ধর্মসঙ্গীত রচনা করেন নি? করে থাকলে কটি?) অবশেষে কষ্টে কষ্টে মোটামুটি একটি ফিরিস্তি তৈরি হল। বেশীর ভাগ গায়কই গুজরাতী; তাদের পছন্দের ধর্মসঙ্গীত—যেগুলো কারো না কারো ভালো করে জানা ছিল—সেগুলোও কোরাসে শিখে নেওয়া হল। সঙ্কলেরই এক ভরসা—গাঁবীজীর স্বরজ্ঞান খুব একটা টনটনে নয়, মহারাষ্ট্রের মত গাঁবীর জন্মভূমি কাঠিওয়াড়-গুজরাতে গান-বাজনার প্রাচীন সর্বব্যাপী কোনো ঐতিহ্য নেই।

“শেষের সেদিন ভয়ঙ্কর” শেষটায় এল। ওরা ধরে নিয়েছিল আমি সঙ্কে ধাব। আমার এক কথা ‘ক্ষেপেছ! আমি না পারি গাইতে, না জানি

বাজাতে। আমাদের কোনোপ্রকারের শোভাবর্ধনই হবে না—“শোভা” জিনিসটাই গান্ধীজী আদৌ পছন্দ করেন না।’

\* \* \*

মহাত্মাজী বললেন, ‘গাও !’

ওরা কাঁচুমাচু হয়ে বললে, ‘কি গান...?’

‘তোমাদের যা জানা আছে।’

এসব আমার শোনা কথা। তার উপর ইতিমধ্যে দীর্ঘকাল কেটে গিয়েছে। সঠিক মনে নেই, প্রাক্তনদল সঙ্কলের পয়লাই রঙের টেকা, অর্থাৎ ‘জীবন যখন শুকায় যায়—’ মেরেছিল, না সেটাকে তাঁর আদেশের জন্ত জীইয়ে রেখেছিল। কিছু মোদা, তারা এক একটা গান শেষ হলে যখন থামে, তখন তিনি মাথা নেড়ে সম্মতি জানান, এবং আরো গাইবার ইঙ্গিত করেন। তারা দু’একবার চেষ্টা দিয়েছিল গান্ধীজীর আপন পছন্দ জানাবার জন্ত—ফলোদয় হয় নি।

সর্বশেষে মহাত্মাজী দু’একটি প্রশ্ন শুধান। কেউ উত্তর দিতে পারে নি। মারাঠী মপারা বাড়ি ফিরে তো আমাকে এই মারে কি তেঁই মারে। আমি থাকলে নাকি চটপট উত্তর দিয়ে দিতুম। আমি বললুম, ‘এগুলোর উত্তর তো বচুভাইও জানে, তদুপরি সে ওয়াডওয়ান অর্থাৎ গান্ধীজীর মতই কাঠিওয়াড়ের লোক—গুজরাভী—না, খাস কাঠিওয়াড়িতেই উত্তর দিয়ে তাঁর জান ঠাণ্ডা করে দিতে পারতো !’ সে নাকি নার্ভাস হয়ে গিয়েছিল। ‘আমি হতুম না, কি করে জানলে ! ঐ সিংগির সামনে !’

কিন্তু এত বাহ !

আসলে পূর্বোল্লিখিত প্রেস-কন্ফারেন্স গান্ধীজী ডাকিয়েছিলেন ঐ দিনই, ঐ সময়ই, ঐ স্থলেই।

এখন আমি যা নিবেদন করবো, সেটা ঐ সময়কার খবরের কাগজ নিয়ে চেক্‌আপ্ করে সন্দেহ-পিচেশ তথা গবেষক-পাঠক ধরে ফেলতে পারবেন, আমি কা “দাকরণ” “গুল্মগীর”। আলঙ্কারিকার্থে কিন্তু আমি “যত্ন” পতি বা “রাখাল” রাজা হওয়ার মত তাদের লক্ষ্যশের একাংশ শক্তি ধরি নে বলে আমি নাচার ; বেচারার পক্ষে গুল্ মারাই একমাত্র চারাহ্ !

যতদূর মনে পড়ে সেই এণ্ডেমেণ্ডে বিজড়িত ভারতের সর্বজাতের সাংবাদিক-গণই সোদিন রবীন্দ্র-সঙ্গীত শোনবার সৌভাগ্য লাভ করেছিল।

গান শেষ হলে মহাত্মাজী ওঁদের বললেন, ‘তোমাদের কি কি প্রশ্ন আছে-

স্বখোও! আর যায় কোথায়! ছুনিয়ার যত রকম প্রশ্ন; আবার নূতন করে অসহযোগ আন্দোলন আরম্ভ হবে কি, এই কি তার জগ্ন উৎকৃষ্টতম মোকানয়—মিঃপক্ষ চতুর্দিকে বেধড়ক মার খাচ্ছে, আরম্ভ হলে কি প্রকারে হবে, ট্যাক্স বন্ধ করে না নয়া কোনো টেকনীকে, ১৯২০-এর মত ছাত্রদের ডাকা হবে কি না, ইত্যাদি ইত্যাদি ?

গান্ধীজী তাঁর চিরাচরিত বৈষম্য উত্তর দিয়ে যেতে লাগলেন—যত্বপি আমার মনের উপর তখনকার, অর্থাৎ পরের দিনের খবরের কাগজ পড়ার পর যে দাগ পড়েছিল সেটা বোধ হয় এই যে, মোক্ষম প্রশ্নগুলো মহাত্মাজী এড়িয়ে গিয়েছিলেন। অবশ্য ঐ সময়ে ভবিষ্যতের তাবৎ প্যান ফাঁস করে দেওয়া যে সম্বন্ধি কৰ্ম হত না, সে বিষয়ে কোনো সন্দেহ নেই।

হঠাৎ মহাত্মাজী ছু হাত তুলে প্রশ্নারা নিরুদ্ধ করে বললেন, 'আমি বেনে। বেনে কাউকে কোনো জিনিস মুফতে দেয় না। আমিও খয়রাৎ করার জগ্ন তোমাদের ডাকি নি। রবীন্দ্র-সঙ্গীত তো শুনলে। এয়ার আমার কথা শোনো। পোয়েট গত হওয়ার পূর্বে (তখনো বোধ হয় এক বছর পূর্ণ হয় নি) আমাকে আদেশ করেন, আমাদের উভয়ের বন্ধু এন্ড্রুজের স্মৃতিরক্ষার্থে যা কর্তব্য তা যেন আমি আপন কাঁধে তুলে নি। এখন দেখতে পারছি, আসন্ন ভবিষ্যৎ বড়ই অনিশ্চিত। তাই আজই আমি "এন্ড্রুজ মেমোরিয়াল ফাণ্ড"-এর জগ্ন অর্থসঞ্চয় আরম্ভ করলুম। দাও।'

মপারা রিপোর্ট দিতে গিয়ে আমায় বলেছিল, 'গান্ধীজী অনেকক্ষণ ধরে এন্ড্রুজ সম্বন্ধে বলেছিলেন, in a very touching manner। আর তার পর মহাত্মাজীর সামনে পড়তে লাগল, টাকা, পুরো মনিব্যাগ, গয়না, রিস্টওয়ানচ, আংটি, কত কী! যেন বানের জলে ভেসে আসছে ছুনিয়ার কুলে মূল্যবান জিনিস। অনেকে এমনই যথাঃসর্বশ্ব দিয়ে ফেলেছিল যে, বোঝায়ে ফেরার জগ্ন টিকিট কাটার পয়সা পর্যন্ত তাদের কাছে অবশিষ্ট ছিল না। কিন্তু জানেন তো, রেলও এখন আর পুরোপুরি ইংরেজের নয়। ভিলেপার্লে থেকে চার্চ গেট স্টেশন—সবাই জানে, কেন এদের টিকিট নেই।'

ফাণ্ডের টাকা যখন জমে উঠছে, তখন কে একজন বললে, 'মহাত্মাজী, এখন এসব কেন? স্বরাজ পাওয়ার পর এসব কাজ তো রাতারাতি হয়ে যাবে।'

আজ সত্যই আমার হাসিকান্নায় মেশানো চোখের জল নেমে আসে— এই ব্যক্তিটির ঐ মন্তব্যটির স্বরণে। তারই মত আমরা সবাই তখন ভাবতুম,



ইংরেজই সর্ব নষ্টের মূল। বিহারে ভূমিকম্প হলে ইংরেজই দায়ী, মেদিনীপুরে সাগর জাগলে ওটা ঐ ইংরেজেরই দৃষ্টি। ইংরেজকে খেদিয়ে দিয়ে স্বাধীন হওয়া মাত্রই—

When we shall have attained liberty, all those will be mere trifles !

গান্ধীজী সন্ধে সন্ধে মোক্ষম গরম, কড়া গলায় জবাব দেন, 'But Tagore did not wait to be born till India has attained her liberty !'

পরাধীন ভারতে যদি কবি জন্ম নেন, তবে তাঁর সখার স্মৃতিরক্ষার ভার পরাধীন ভারতের স্বন্ধেই !

তাই বলছিলুম, হাসি পায়, কান্নাও পায়—তখন আমরা কী naif ( শ্রায় 'দ্ব্যাকার' মত )-ই না ছিলুম, যে বিশ্বাস করতুম—স্বরাজ পাওয়ার পরই 'পাঁচ আঙুল বিয়ে' আর 'ডেগ-এর ভিতর গর্দান ঢুকিয়ে ভোজন !'

তাই কি রবীন্দ্রনাথ সাবধানবাণী বলেছিলেন, ( উদ্ধৃতিতে হুল থাকলে ক্ষমা চাইছি ) 'একদিন ( স্বরাজ লাভের পর ) যেন না বলতে হয়, ইংরেজই ছিল ভালো !'

\*

\*

কিন্তু কোথায় গেল সেই 'এন্ড্রুজ ফাগু' যার মোটা টাকাটা তুলেছিলেন গান্ধীজী ?

তা সেটা যেখানে থাক, থাক ! দুঃখ এই, সেই চটি বইয়ে এবং অগ্ৰত্বে 'এ্যান্ড্রুজ ফাগু'র কথা উঠলে কেউ আর গান্ধীকে স্মরণ করে না, তিনি যে সেই স্বদূর বোধস্বয়ে রবীন্দ্র-সদ্ব্রাত শুনিয়ে ফাগুের গোড়াপত্তন করেছিলেন সেটা সবাই ভুলে গেছে !!

## ‘ইজরায়েল বিশ্বের প্রবাদ-সত্য রূপে গণ্য হবে’

—বাইবেল

ঘরে ঢুকতেই বললেন, এদিকে এসো। অসাধারণ পণ্ডিত লোক। আমি তাঁকে বড্ডই শ্রদ্ধা করি, বলতে কি, ভালোবাসি। তিনিও আমাকে স্নেহ করেন। সত্যকার পণ্ডিত কখনোই মুর্থকে অবহেলা করে না।

ঘরে আর কেউ নেই। তবু তিনি ফিসফিস করে বললেন, ‘তোমরা কাল বৌদ্ধধর্মের সৃষ্টিরহস্য নিয়ে আলোচনা করছিলে না?’

‘আজ্ঞে হ্যাঁ।’

‘তা তোমার আটকাচ্ছিল কোথায়?’

‘আজ্ঞে, আমি শুধাচ্ছিলুম, আল্লা যদি না-ই থাকবেন তবে এই দুনিয়াটা পয়দা করলে কে? আপনারাও তো—’

বাধা দিয়ে বললেন, ‘আমাদের কথা বাদ দাও—তোমার মুশ্কিলটা কোথায় সেইটে খলে কও।’

‘শরণকরসাধু’ হীনযানগন্থী বৌদ্ধ : সৃষ্টিকর্তার অস্তিত্বে বিশ্বাস করেন না। তিনি বলছিলেন, সৃষ্টির আদিও নেই অন্তও নেই। অতএব সৃষ্টিকর্তারও প্রয়োজন নেই। তারপর বললেন, যদি তর্কস্থলে ধরেও নেওয়া হয় সৃষ্টিকর্তা আছেন, তবুও তো শেষ-সমস্তার সমাধান হয় না। প্রশ্ন উঠবে, সৃষ্টিকর্তাকে সৃষ্টি করলেন কে? শুধুন আজগুবী কথা! তারপর তিনি তাঁর গেরুয়া আলখালার ভিতর থেকে নোটবুক বের করে আঁকলেন একটা চক্র—সার্কল। বললেন এই সার্কলের যেমন কোনো জায়গায় আরম্ভও নেই, শেষও নেই, সৃষ্টিও ছবছ তেমনি। তারপর আপনি ঘরে ঢুকলেন। পাছে আপনাকে ডিসটার্ব করা হয় তাই আমরা আরো ধানিকক্ষণ ফিসফিস করে কথা বলার পর উনি চলে গেলেন।

ওরিয়েন্টাল সেমিনারি অর্থাৎ প্রাচ্য-বিদ্যালয়তন। তারই একটা কামরায় আমরা তিনজনা কাজ করি। একজনের বিষয়বস্তু ইরানী ফাইন্যান্স-পের্সেলিন—বিশ্বকলাসৃষ্টিতে তার স্থান। অগ্রজন বাইবেলের ওল্ড-টেস্টামেন্টের হীক্স পার্টের নয়া সম্পাদনা করছেন। আর আমি—তা সে যাক্গে। দু’জনাই বছর দশেক পূর্বে সর্বোত্তম শ্রেণীর ডক্টরেট নিয়েছেন; একজন আবার বিশ্ববিদ্যালয়ের শিক্ষক।

শুধোলেন, ‘চক্রর এঁকে সাধু বললেন সৃষ্টি এরই মত আদিঅন্তহীন। তা, এতে আবার দুর্বোধ্য কি আছে? তবে হ্যাঁ, আরো সোজা করে বলা যেতে

পারতো। আচ্ছা, স্বচন্দ্র বিশেষত্ব কি—অন্তত তাদের কোন্ বৈশিষ্ট্য নিয়ে বিশ্বের লোক হাসিঠাট্টা করে ?’

এক গাল হেসে বললুম, ‘সে আর বলতে! কিপ্টেমী!’

‘বিলক্ষণ! সেই গল্পটা জান তো—লণ্ডনের এক ইংরেজ কোম্পানি স্কটল্যান্ডের এবার্ডীন শহরে খুললে ট্রামওয়ায়ে। হাড়কিপ্টে স্বচন্দ্র ট্রাম চড়বে না, কিছুর্তই। কোম্পানি লাটে ওঠার উপক্রম। তখন লণ্ডন থেকে পাঠানো হল স্পেশালিস্ট—তাকে বের করতে হবে দাওয়াই, স্বচন্দ্রকে কি প্রকারে ট্রামে চোকানো যায়। তিনি এবার্ডীনে এসেই ট্রাম ভাড়া প্রাপেক্ষ থেকে এক ঝটকায় এক পেনি কমিয়ে করে দিলেন টাপেক্স। পরের দিন তাঁর আপিসের সামনে মহাপ্রলয়ের ভিড়। তিনি তো ড্যাম্ গ্রাড্—নিশ্চয়ই তাঁকে ধন্ববাদ জানাতে এসেছে, ভাড়া কমিয়ে দেবার জন্ত। ইয়ান্না, তওবা, তওবা! এরা যে তাঁরই জানলা তাগ করে পচা ডিম হাজা টমাটো ছুঁড়ছে আর চিংকার করছে, “কোথেকে এসেছে এই নচ্ছার! আগে আমরা পায়ে হেঁটে, ট্রাম ভাড়ার তিন পেনি বাঁচাতে পারতুম, এখন কুলে হু’পেনি। নিকালো রাঙ্কেলকো এবার্ডীনেসে।” আচ্ছা, হলো। এবার বলো তো ইহুদিদের বৈশিষ্ট্য কি? পারলে না? আমিই বলছি, হুবহু একই গাধার এ-কান ও-কান। কিপ্টেমীতে।’

ইহুদিদের কিপ্টেমী সম্বন্ধে আমি কোনো গল্পই জানি নে, অতখানি বে-খবর বেরুসিক আমি নই, কিন্তু বিশেষ কারণে আমি চূপ করে রইলুম। সে-কারণ একটু পরে পাঠক নিজের থেকেই বুঝে যাবেন।

তিনি বলে যেতে লাগলেন, ‘একবার এক ইহুদি আর স্বচন্দ্রে ঝগড়া লেগেছে, কে কতক্ষণ ধরে ডুবদাতার দিতে পারে—হু’জনা হুই সুইমিং পুলে কাজ করতো আর হুই পুলের মধ্যে ছিল উৎকট রেযারেষি। শেষ পর্যন্ত বাজি ধরা হল এক শিলিঙ। বাজে লোকের কৌতুহল এড়াবার জন্ত তারা নদীর এক নিভৃত জায়গায় দিল ডুব।’

তিনি চূপ মারলেন। আমি ভাবলুম, ওস্তাদ কথকের মত তিনি পজ্ দিয়েছেন আমার মনের উপর গল্পটা কি প্রতিক্রিয়া সৃষ্টি করে সেইটে দেখবার জন্ত। কিন্তু কই? তা তো নয়। তিনি দেখি, পকেট থেকে ছুরি বের করে আপন মনে দিব্য পেনসিল কাটতে আরম্ভ করেছেন। তখন থাকতে না পেয়ে আমি শুধালুম, ‘তারপর?’

উদাস স্বরে বললেন, ‘কি করে বলবো ভাই কও। হু’জনার কেউই তো উঠলো না জলের তলা থেকে।’ তারপর হস্তদস্ত হয়ে বললেন, ‘ই্যা, বলতে ভুলে

গিয়েছিলুম, ভাগিন্স, তারা বাজিটা পাকাপোক করার জন্ত তাদের এক উকীল বন্ধুর কাছে কাগজ-কলমে লিখিয়ে নিয়ে—অবশ্য সবকুছ মুফতমে—তারই জিম্মায় রেখে এসেছিল; নইলে শহরের লোক কশ্মিনকালেও জানতে পেতো না, এ ছুটো শাস্ত, অজ্ঞাতশত্রু লোক হঠাৎ ইহসংসার থেকে কি করে কল্পুর হয়ে গেল। হাঁ! এক শিলিঙ—বাপরে! চাট্টিখানি কথা!’

‘কিন্তু—’

‘এর মধ্যে “কিন্তু” “but” “mais” “aber” কিছুই নেই, ভাই। কিন্তু সেই যে, অস্তহীন চিরচক্রের দৃষ্টান্ত দিলেন সিংহলের মহাস্ববির, বলছিলেন কিনা, সেটা আরো সোজা করে বলা যেতে পারতো। ভাই তোমাকে পয়লা বাজিয়ে নিলুম, তুমি ইহদি স্কচ সহজে চালু গল্পগুলোর খবর রাখো কিনা। সবাই বলে, ওরিয়েন্টালা—এবং বিশেষ করে ইণ্ডিয়ানরা—নাকি সর্বক্ষণ মুখ গুমড়ো করে, নাসিকাগ্রে মনোনিবেশ করে আত্মচিন্তায় মগ্ন, রসকষের বালাই নেই। যতো সব! হ্যাঁ, অস্তহীন চিরচক্র সহজ করে বোঝাতে হলে বলতে হয়—স্কচ বিল শোধ করবে না আর পাওনাদার ইহদিও তাকে ছাড়বে না। সে ধাওয়া করেছে স্কচের পিছনে। শহরটাও ছোট। তখন কি হয়? অস্তহীন চিরচক্র। এখনো যদি না বুকে থাকো তবে লেখাপড়া ছেড়ে দিয়ে কোনো ইহদির দোকানে এপ্রেন্টিসি করগে।’

আমি বললুম, ‘একটি কথা শুধোতে পারি—অপরাধ যদি না নেন, ব্যক্তিগত কথা।’

তিনি বললেন, ‘মাই লাইক ইজ এন ওপ্‌ন বুক। যা-খুশি শুধোতে পারো।’

‘আচ্ছা, আপনি তো, বোধ হয় ইজুরায়েলাইট—’

বাধা দিয়ে মূহু হাসি হেসে বললেন, ‘অত ভদ্রতা করে, অগ্র লোক হলে বলতুম ভগামি করে, ইজুরায়েলাইট না বলে যুডে (Jude = ইহদি) বলতে পারো, তার চেয়েও অবজ্ঞাসূচক Jut বলতে পারো, এমন কি পাঁচজন জর্মন আড়ালে যে “কীজার য়োট” (মোটামুটি, “স্বগ্য ইহদির বাচ্চা”) ব্যবহার করে সেও করতে পারো। আমি নির্বিকার।’

আমি জিত কেটে বললুম, ‘ছি ছি, কি যে বলেন—’

কের বাধা দিয়ে বললেন,, ‘শোনো, ভদ্র! তুমি কি বললে, কি না বললে কিছুটা এসে যায় না। এই দেখ আমার নাকটা—কি রকম বেকে গিয়ে জকের মত বুলে আছে, তারপর আমার কান ছ’খানা—মাথার সঙ্গে লেপটে না গিয়ে একটা ডান দিকে আরেকটা বাঁ দিকে যেন উড়ে যাবার পণ করেছে, দাঁড়াও,

তোমাদের দেশের হাতীয়া বোধ হয় এ রকম কান হয়, ভারপর আমার চুল—  
কানের কাছে কি রকম যেন কৌকড়া কৌকড়া, নিগ্রোদের মত, আমাদের মিশর-  
বাসের সামান্য অবশিষ্ট—’

‘থাক না। প্রীজ।’

একটু হাসলেন, তাতে কোনো তিক্ততা ছিল না। বললেন, ‘এক ফার্স  
দুরের থেকে লোক চিনতে পারে, ঐ আরেক ব্যাটা ইহুদি আসছে। তুমি  
ইজরায়েলাইট বললে, না যুডে বললে তাতে কি যায় আসে? তা সে যাক্ গে।  
তুমি কি যেন শুধোচ্ছিলে?’

‘আপনি তো ইহুদি—’

‘বলে ইহুদি! রীতিমত ধানধানী মনিয়ি আমি। কেন, নাম থেকে বুঝতে  
পারছেন না? তোমাদের কুরান শরীফেও যে প্রফেট ইয়াকুবের ( জেকব্ )  
উল্লেখ আছে তাঁর তৃতীয় পুত্রের নাম লেভি। কিংবা বাইবেলের প্রথম অধ্যায়,  
জেনেসিসেও পাবে এ-গোষ্ঠীর খবর। কিন্তু থাক্, প্রপিতামহের শুকনো হাড়  
চিবিয়ে বেঁচ থাকা যায় না। তবে এ-কথা ঠিক, আমাদের পরিবারের বংশাঙ্কমে  
ইহুদি ধর্ম ও হীক্ৰদাহিত্যের চর্চা আছে।’

‘তা হলে আপনি ইহুদিদের কঙ্কসী নিয়ে, আপন চেহারার ইহুদিলাক্ষণ নিয়ে  
অত ঠাট্টা-মস্করা করেন কি করে?’

মিটমিট করে হেসে বললেন, ‘কেন, শোন নি, স্কচদের সম্বন্ধে যে-সব নৃতন  
নৃতন গল্প বেরোয় তার অধিকাংশের জন্মস্থল এবারডান, জনক স্কচরা স্বয়ং?  
তব্বটার সত্যি মিথ্যে জানি নে, কিন্তু ইহুদির কঙ্কসী, সে নোংরা—স্নান করে না,  
ঘে-দেশে বাস করে সেটাকে মাতৃভূমিরূপে স্বীকার করে না, আরো কত কা—  
এসব নিয়ে যে-সব গল্প আছে তার একটা বিরাট ভাণ্ডার আছে আমার কাছে।  
পেয়েছি উত্তরাধিকারসূত্রে ঠাকুরদার কাছ থেকে এবং এর অধিকাংশই ইহুদিদের  
তৈরি—কোনো সন্দেহ নেই সে-বিষয়ে। বাবার এসবতে শধ নেই। তিনি  
পড়ে আছেন হীক্ৰশাস্ত্র নিয়ে, আর অবসর সময়ে ঐ একই অভিনিবেশ সহকারে,  
জর্মন সাহিত্যচর্চা। কারো সঙ্গে মেশেন না বড় একটা, কিন্তু তোমাকে যতটুকু  
চিনতে পেরেছি তার থেকে মনে হয়, তোমাকে বাড়ি নিয়ে গেলে তিনি খুশী  
হবেন। প্রাণ ভরে তাঁর কাছ থেকে জর্মন সাহিত্যের খুঁটিনাটি খুঁটিয়ে খুঁটিয়ে  
বের করতে পারবে। আসবে একদিন ডিনারে? বেশ! মাকে শুধিয়ে দিন  
ঠিক করে তোমাকে বলবো।’

‘আচ্ছা, বলুন তো, এদেশে নাকি একটা পোলিটিকাল পার্টি দিন দিন শক্তি

সঞ্চয় করে চলেছে, আর তারা নাকি নির্বিচারে সব ইহুদিদের এ-দেশ থেকে তাড়িয়ে দিতে চায়—যাত্রা পাঁচ শ' সাত শ' বছর ধরে জর্মনিতে আছে তাদেরও, যারা এক বর্ণ হীক্স জানে না, সিনাগগে যায় না, নাস্তিক্যবাদের পক্ষ সমর্থন করে প্রামাণিক গ্রন্থ লিখেছে তাদেরও। দোষটা কি ওদের ?

এই তার মুখ একটুখানি গম্ভীর হল। সেটা যেন মুছে ফেলে মুচকি হেসে বললেন, 'এ তো কিছু নূতন নয়। বাইবেলের "এস্টার" পুস্তিকা পড়েছ ?'

আমি অভিমানের স্বরে বললুম, 'আমি অগা। কিন্তু এস্টার পড়ি নি, এ-সন্দেহ কেন করছেন ? তবে হ্যাঁ, ওল্ড-টেস্টামেন্ট পড়া উচিত, তারই নির্মাতা কোনো ইহুদি রাক্ষির কাছ থেকে। আমি পড়েছি খৃষ্টান—তাও লুথেরীয় অর্থাৎ কি না প্রটেস্ট্যান্ট—পাত্রির কাছে। ওনরা তো এস্টারের ঐতিহাসিকতায় আদৌ বিশ্বাস করেন না।'

'সে-কথা পরে হবে। উপস্থিত অন্তত এটুকু মেনে নিতে পারো, সেখানে যে চিন্তাধারা প্রকাশ পেয়েছে তার অনেকখানি খাটি সত্য—তা সে যার মুখ দিয়েই বলানো হয়ে থাক না কেন এবং ইরানের রাজা গ্রীস-মিশর-বিজয়ী Xerxes ইহুদি-বালা এস্টারকে বিয়ে করে থাকুন, আর না-ই করে থাকুন। সেখানে Xerxes (বাইবেলের 'অহস্ভেরুস')-এর মন্ত্রী তাঁকে একদিন বললেন, "মহারাজের বিশাল সাম্রাজ্যে এক শ্রেণীর লোক সর্বদাই পাওয়া যায় (ইহুদি) যাদের আইনকানুন অন্য সব জাতদের থেকে ভিন্ন, এমন কি রাজাদেশও তারা মানে না; অতএব এক বিশেষ দিনে এদের সবংশে নির্বংশ করা হোক।"... তখনও প্রভু যীশুর জন্ম হয় নি, খৃষ্টধর্মের সঙ্গে বৈরীভাবের প্রশ্নই ওঠে না, আর, ঐ যে নয়া পলিটিক্যাল পার্টির কথা বলছিলে, যারা জাতে অ্যারিয়ান—তাদের ভিতর আবার নীল চোখ, ব্লু চুল-ওলা সর্বশ্রেষ্ঠ নর্ডিক জাত সম্বন্ধে প্রচার করতে গিয়ে তারা পিঠপিঠ বলে ইহুদিরা মানুষ্য পর্ষায়ের নিম্নে (untermensch = under-man) সে পার্টি তো পশু দিনের—নিতান্ত শিশু। তা সে যাক্ গে—এই আড়াই হাজার বছরের ইতিহাস জেনে তোমার যে কি লাভ হবে জানি নে। তোমাদের দেশে—'

'হালে আমাদের দেশে ইহুদিরা এসেছে ইয়োরোপ থেকে। তার বহু শতাব্দী পূর্বে ঝড়ের মারে একখানা নৌকায় করে সাতজন পুরুষ আর সাতজন স্ত্রীলোক এসে পৌঁছয় বোম্বাইয়ের ত্রিশ মাইল দক্ষিণে, অধুনালুপ্ত চেমুল বন্দরের কাছে। ১

১ মারাঠিতে 'চ' অক্ষরের উচ্চারণ 'ৎস'-এর মত। তাই টলেমি এ বন্দরকে তিমুলা, সিমুলা ছুই উচ্চারণেই লিখেছেন। চিংপাবন ব্রাহ্মণদের (টিলক,

শাস্ত্রাদি সব লোপ পায় বলে লোকে এদের ইহুদি পরিচয় পায় নি ; শুধু শনিবারে 'এরা বিশ্রাম নিত বলে ( ইহুদির সাক্ষাৎ ) এবং তেলী'র ব্যবস্থা করতো বলে ( বোধ হয় মধ্য-প্রাচ্যের অলিভ তেল তৈরির কায়দা এরা তিল-সর্বের উপর চালায় ) এদের নাম হয়েছিল "শনিবার-তেলী" । একশ' বছরও বোধ হয় হয় নি, তর্কাতীত সিদ্ধান্ত হয়েছে, এরা জাত-ইহুদি । কিন্তু এদের পিছনে তো কেউ কখনো লাগে নি—এস্টার কেতাবের পাইকিরি কচু কাটার নৃশংস প্রস্তাব কহাঁসে কঁহা !'

'জানি, তাই বলছিলুম, তোমার কি লাভ ? আর এদেশের আর্থেরা বলেন, ইহুদি লাভ, টাকা, সোনারূপো ভিন্ন অন্য চিন্তা অন্য বস্তু বোঝে না । রূপোর কথাই যদি উঠলো তবে একটি ইহুদি কথিকা—কঞ্জুসীবাবদ—ঠিক পপুলার গল্প নয়, হাক্‌শাস্ত্র বাক্যের মত বলি,—শ্রবণ করো, এবং তারপর—'

ইঙ্গিত বুকে বললুম, 'ঘাচ্ছি আপন টেবিলে হীক্স ব্যাকরণ কঠঁস্থ করতে ।'

ব্যাগ খুলে একটা আপেল বের করে এগিয়ে দিয়ে বললেন, 'একদা জটনৈক অর্থ-পিচেশ মজ্জা-কিপটে কোটিপতি—কখনো কানা কড়িটি দান করেছে এ-কথা তার কোনো হাতই জানে না—এসেছে এক রাবির কাছে । জানলার কাছে নিয়ে গিয়ে রাবি তাকে বললেন, "বাইরের দিকে তাকিয়ে আমায় বলো, কি দেখতে পাচ্ছে ।"

ধনী বললে, "লোকজন—বিস্তর মাহুঘ ।"

রাবি বললেন, "উত্তম প্রস্তাব ।" তারপর একটা আয়নার সামনে তাকে দাঁড় করিয়ে শুধোলেন, "এবারে কি দেখছ ?"

"আমি নিজেই দেখতে পাচ্ছি—" বললে কিপটে ।

গোথলে ও যদি বেয়াদপি মাক করেন তবে উল্লেখ করি, অধীনের অধুনা প্রকাশিত 'হু-হারা' পুস্তকের চরিত্র কাণে ) অনেকেরই নীল চোখ, কটা চুল ; এদের ভিতরেও কিংবদন্তী, এঁরাও ঝড়ের মারে কৌকণ অঞ্চলে পৌঁছন ।

বরদার সমাজীরাও বেরকম রমেশ, অরবিন্দ, আশ্বেডকরকে পৃষ্ঠপোষকতা দেন, ঠিক তেমনি এই সাত স্ত্রীপুরুষের বংশধর পণ্ডিত কাহিমকরকে বোম্বাই থেকে ধরে এনে বরদা হাইকোর্টের জজ নিযুক্ত করেন । ভারতবর্ষের এঁরা প্রাচীনতম ইহুদি । এঁরা ইয়োরোপীয় বহু ইহুদির গায় 'ইহুদি' শব্দটাকে অত্যন্ত অপছন্দ করেন এবং নিজেদের 'বেনে-ইজরায়েল' [ বেনে—আরবী বিন—ইবন=পুত্র ; ইবন বৎতুতা তুলনীয় ] = 'ইজরায়েল-সন্তান' রূপে পরিচয় দেন । আমার পরম সৌভাগ্য বরদাবাসকালীন এই বিভাগাগরের সঙ্গে আমার অন্তরঙ্গতা হয় । এই

“ততোধিক উত্তম প্রস্তুত”—বললেন রাবি, “এইবারে শোনো, বংস, কান পেতে মন দিয়ে। জানলার শার্সি কাঁচের তৈরি, আয়নাও কাঁচের তৈরি—তফাৎ কি? আয়নার পিছনে রয়েছে অতিশয়, হাঙ্কার চেয়েও হাঙ্কা সা মা স্ত্র একটু রূপোর প্রলেপ—ধর্ত্যব্যের মধ্যেই নয়। কিন্তু বংস, যেই না এল সামান্যতম রূপো, অগ্নি তুমি আর অন্ত মাহুযকে দেখতে পাও না, দেখতে পাও শুধু নি জে কে ॥”

২৩৪।৬৬

মাটির মাহুযটির বৎপরোনাস্তি অনাড়ম্বরে প্রকাশিত বেনে-ইজরায়েল পুস্তিকা ইয়োরোপীয় পণ্ডিতসমাজে, বিশেষ করে রাবিদের ভিতর যেন টর্পেডোর মত পড়ে। বস্তুত তারপর যে যা লিখেছেন বিশেষ করে ভিন্ন ভিন্ন এনসাইক্লোপিডিয়ায়—তার বেশীর ভাগ জুজ কাহিম্করের কাছ থেকে নেওয়া। সপ্রশংস কৃতজ্ঞতা সহ। বরদার দ্বিতীয় ইহুদি ছিলেন জর্মন। এ-লেখনের ডঃ লেভিক মত, ডঃ কোন্-ভীনার (‘কোন্-ভীনারের মা’ পশু—পঞ্চতন্ত্র, ১ম)।—ইয়োরোপীয় ইহুদি ও কাহিম্করের কৌকণী ইহুদিদের পাল-পরবেক ক্যালেন্ডার ভিন্ন ভিন্ন—আজ্ঞাকে বে-শুমার শোকরিয়া। আমি কখনো বা জুজ সাহেবকে নিয়ে কোন্-ভীনারের গৃহে, কখনো বা কোন্-ভীনারকে নিয়ে জজের বাড়িতে বহু বিচিত্র বহুরা ভক্ষণ করে—একই পরব ছু’-ছবার যথা গোস্বামী মতে ইত্যাদি পালন করে, ধর্ম রক্ষা করতুম। বেনে-ইজরায়েলদের সম্বন্ধে আমার যেটুকু সামান্য জ্ঞানগম্য সেটুকু সমুচহ জজের ধরায়।

২ এ লেখনের সঙ্গে কোনো সম্পর্ক না থাকা সত্ত্বেও আমার অন্তরঙ্গ পাঠকদের না জানিয়ে কিছুতেই থাকতে পারলুম না যে ২৬ মার্চ (১৯৬৬) সন্ধ্যাবেলা প্যারিস বেতার থেকে ইন্দিরাজীর ফরাসীতে প্রদত্ত ম’সিয়ে ছ গলের অভ্যর্থনার প্রত্যুত্তরের রেকর্ডিং। অনবদ্য রিসেপশনে—কলকাতা ‘ধ’-এর চেয়ে কোটিগুণে শ্রেয়। ইন্দিরাজীর ফরাসী উচ্চারণ অতি সুন্দর, পরিষ্কার। অনভ্যাসবশত মাঝে মাঝে থেমে যাচ্ছিলেন বটে, কিন্তু উচ্চারণে বিদেশী আড় প্রায় সম্পূর্ণ অনুপস্থিত। যুদ্ধের সময় আমি চার্চিলের ফরাসী ভাষণ বেতারে শুনেছি। ইংরিজীর জোরালো একসেন্ট দ্বারা আট্টপৃষ্ঠে বাঁধা ফরাসী উচ্চারণ। দাঁত-মুখ ধিঁচিয়ে, বেতার-যন্ত্রে কান স্টেটে না শুনলে মনে হবে, গাঁক-গাঁক করে ইংরেজ সাবলটর্ন কুচকাওয়াজের ‘ছকুমদার’ ঝাড়াচ্ছে। ফরাসীতে অহুনাসিকের ছয়লাপ। ইংরেজের কাছে সে বহু গোমাংস। অতএব বাংলার ‘চাঁদ’ যেন ইংরেজের মুখে ‘চ্যানড্’ হয়ে বেরুচ্ছিল। ইন্দিরাজীর ফরাসী উচ্চারণ চার্চিলের চেয়ে ইনফিনিটি পার্সেন্ট শ্রেয়।



## এমেচার ভার্গস স্পেশালিস্ট

সব ব্যাপারেই আজকাল স্পেশালিস্ট। সেদিন মার্কিন মুহুর্তে এক স্পেশালিস্টই আবিষ্কার করেন যে শোভাযাত্রা, বয়স্কট বা ধর্মঘটে ধারা কালো ঝাণ্ডা তুলে হই হই করে, তাদের অনেকেই ভাড়াটে। এ তথ্য আমাদের কাছে নতুন নয় ; দিল্লিতে থাকাকালীন স্বর্গত অশ্বিনী গুপ্ত আমাকে দিল্লিতে যে ‘হাঙার স্ট্রাইক’র জন্ম প্রতিষ্ঠান আছে, যিনি হাঙার স্ট্রাইক করবেন তাঁর জন্ম শামিয়ানা, তাকিয়া-বালিশ, নির্জলা না হলে নিষ্পানি—তদভাবে জিন্ ( যদি তিনি মঞ্চপ হন ), কারণ বলতে গেলে একমাত্র জিনই সহজলভ্য কড়া ড্রিকের তিতর জলের রক্ত ধরে, আহারাঙ্গি, হ্যা, আহারাঙ্গিই বলছি কারণ লুকিয়ে লুকিয়ে হাঙার স্ট্রাইকার যদি খেতে চান তবে গভীর রাত্রে তার সুব্যবস্থা—সেদিকে আমার ভৌতা দৃষ্টি আকর্ষণ করেন। এবং যিনি আজো এ-প্রতিষ্ঠানটি চালিয়ে যাচ্ছেন, তিনি মার্কিনী স্পেশালিস্ট নন, নিতান্ত দিল্লী মাল—এবং সর্বোপরি তিনি ‘এমেচার’।

এসব তো মঙ্কার কথা—যদিও দুটোই ভাষা ‘ইমানসে’ সত্য। তবে দিল্লির প্রতিষ্ঠানটি নাকি ‘সদাচার কলাচারের’ উৎপাতে এদানিং বড়ই উৎপীড়িত ( ‘তংগ্ আ গয়ে’ ) ; তার অর্থ অবশ্য এ-নয় যে ‘হাঙার স্ট্রাইক’ করার কারণের কিংবা/এবং অকারণের অজুহাত অছিলার অভাব ঘটেছে, কিংবা ‘হাঙার-এর’ হাঙরদের ক্ষুধা নিবৃত্তি ঘটেছে—আসল কারণ ওটা নাকি রেশনন্ড হয়ে গিয়েছে, ‘অর্থাৎ হাঙার স্ট্রাইক’, ‘ফাস্ট্ আন্ টু ডেথ’ এসব করতে হলে সেগুলো এখন করবেন সরকার স্বয়ং ! আনাড়ি এমেচারদের হাতে আর এ-সব টপ প্রায়োরিটির বস্তু ছেড়ে দেওয়া যায় না। দেশ-বিদেশে বড্ড বেইজ্জতী হয়। আইরল্যান্ডের কে যেন ম্যাকহুইনি না কি যেন নাম সে নাকি বাষট্টি বা বিরানব্বই দিন নাগাড়ে উপোস মেরেছিল—এমতাবস্থায় ভারত যদি বাহান্ন দিনের রেকর্ড দেখায় তবে সেটা হবে সত্যই ‘শরম্কাী—’ থুড়ি ‘লজ্জাকী, ঞর আকসোস—’ থুড়ি ‘পশ্চাত্তাপকাী বাৎ’।

তৎসঙ্গেও এমেচারকে ঠেকানো যায় না—বারট্রাও রাসুলের মত নিরহকার লোক পর্যন্তও চেষ্টা দিয়ে হার মেনেছেন।; স্বয়ং রবি ঠাকুর এই এমেচারি কর্মে

১ এ বাবদে তাঁর বিদকুটে রায় : সর্ব পণ্ডিত যখন কোনো তথ্য এক বাক্যে স্বীকার করে নেন, তখন তুমি এমেচার সেখানে ফপরালালী করতে যেয়ো না। আর যেখানে তাঁরাই একমত হতে পারছেন না সেখানে তুমি নাক গলাতে যাও কোন্ দুঃসাহসে ? এর বিগলিতার্থ তুমি এমেচার ঠোট দুটি সেলাই করে বসে

বড়ই হুখ পেতেন। আমি তোমা-ভুলসী স্পর্শ করে একশ' বার কিরে কার্টতে রাজী আছি, তাঁকে মধ্যম শ্রেণীর হোমেওপ্যাথ ডাক্তার বললে তিনি সেটাকে কবিতায় নোবেল প্রাইজ পাওয়ার চেয়ে লক্ষ গুণে দ্বাধনীয় বলে মনে করতেন। ঠিক তেমনি স্পেশালিস্ট সত্যেন বোস তাঁকে দিলেন টুইয়ে—বিজ্ঞান শিখতে নয়, সেও না হয় বুঝি—শেখাতে! অর্থাৎ 'মেস্টারি' করতে। তাহলে পাঠ্য-পুস্তকের প্রয়োজন। বাজারে যেগুলো মেলে সেগুলো লিখেছেন বটে বিশেষজ্ঞরা—একশ' বার মানি—কিন্তু যে বাড়লা ভাষায় লিখেছেন সেটা, ঐ যে ফরাসীতে বলে, 'ইল্জ এক্টিভ ফ্রাঁসে কন্ লে ভাশ্ এস্পানিয়োল'—তেনারা ফরাসী লেখেন স্প্যানিশ গাইয়ের মত।<sup>২</sup> রবি ঠাকুর আর যা করুন, তাঁর বাড়লাটা অস্বত বোধগম্য হবে। থাক না দু-পাঁচটা ভুল এদিক ওদিক। সেগুলো মেরামত করার জন্ত তো ঐ হোথায় সত্যেন বোস বসে।

যৌবনে রবীন্দ্রনাথ একদিন শব্দতত্ত্ব নিয়ে তর্কাতর্কির দায়ে মজে যান। বৃদ্ধ বয়সে—বোধ হয় সুনীতিবাবু এবং/কিংবা গোসাইজীর প্ররোচনায়—তাবৎ বাড়লা ভাষাটা নিয়ে খুব একচোট তলওয়ার খেলা দেখিয়ে দিলেন। আহা সে কী স্বচ্ছ সুন্দর তরল ভাষা—যেন বোতল থেকে তেল ঢালা হচ্ছে। কে বলবে, বিষয়বস্তু নিরস শব্দতত্ত্ব—হু হু করে পাতার পর পাতা সিনেমার ডেলি ক্যালেন্ডারের পাতার পর পাতা ওড়ার মত পেরিয়ে যেতে যেতে হঠাৎ ছুম করে সম্বিতে ফিরে

থাকো। এমন কি কেউ যদি বলে, Fine Weather—eh? তুমি হাঁ না বলতে পারবে না। তুমি ওয়েদারের জানো কি? প্রথম ঐনিজকে স্তম্ভাবে আবহাওয়ার দক্ষতরে। তারা যদি বলে 'ফাউল' তবে ফাউল—তা তুমি যেখান থেকে কথা বলছে! সেখানে থাক না মলয় পবন আর স্বর্ষাস্তের লালিমায় রঙিন গোলাপী আকাশ! এত্নেক তোমার নাম যদি 'অতুল' হয়, তবে তোমার বিপদ প্রত্যাসন্ন। শিশির ভাড়াড়ী বলতেন অ (ধর-এ যে 'অ' উচ্চারণ), আর রবি ঠাকুর বলতেন 'ওতুল'—কিন্তু তিনিও আবার 'ওতুলনীয়' না বলে বলতেন 'অতুলনীয়'। অর্থাৎ বারট্রাণ্ড রাস্লে'র অহুশাসন মানলে তোমাকে নাম বদলে 'মাকাল-টাকাল' কিছু একটা 'দশদিশি নিরব্ধা' নাম রাখতে হবে।

২ আমার টায়-টায় মনে নেই তবে রাজশেখর লেখেন, 'নেত্রজনের উপস্থিতিতে অসিতলীনের উপর কুলহরনীর প্রতিক্রিয়া' স্তম্ভে মনে হয় সকলের সজাগ দৃষ্টির সামনে (এখানে পাঠক আমার তরফ থেকে একটা ভঙ্গনোচিত গলাখাকরি অহুমান করে নেবেন! ধন্যবাদ!) কোনো একটা বেহেড্

আসবেন। এমেচার আর্টিস্ট যেন লাজুক হাসি হেনে ঘন ঘন করতালির মধ্যখানে শেষ বক্তব্য নিবেদন করছেন। কি বলছেন? বলছেন, তিনি শব্দতাত্ত্বিক নন—নিতান্ত এমেচার—তাই খুব সম্ভব হেথা হোথা বিস্তর গলাদ থেকে যাবে।

তারপর তিনি যে মুষ্টিযোগের শরণ নিয়েছেন সেইটে তিনি কালিদাসের কাছ থেকে উত্তরাধিকারসূত্রে পেয়েছেন। সেটা তাঁর শক্তি (fort)ও বটে, দুর্বলতাও—যদি অপরাধ না নেন—বটে কিন্তু এস্থলে তিনি যে তুলনাটি ব্যবহার করেছেন সেটি উপমা কালিদাসসত্ত্বেও হার মানায়। তিনি বলছেন, ‘কোনো কোনো বিখ্যাত রূপশিল্পী শরীরতত্ত্বের যথাতথ্যে ভুল করেও চিত্রকলায় প্রশংসিত হয়েছেন, (যেমন সেকানের ওয়েস্ট কোট-পরা ছোকরাটির হাত আজাহুলমিত না বলে আগুলফ-লম্বিত বললেই ঠিক হয়—কিন্তু তৎসঙ্গেও ছবিটি রসে ভর্তি—যাকে আজকের দিনে ‘রসোস্তীর্ণ’ বলা হয়।) ঠিক তেমনি কবির ভাষা সম্বন্ধে এ-বইয়ে দু-পাঁচটা ভুল বা অর্ধসত্য পরিবেশিত হয়ে থাকতে পারে, কিন্তু এসব ভুল মেনে নিয়েও দেখা যায় এরকম তুলনাহীন প্রবন্ধ হয় না। কারণ তথ্য-পরিবেশনে অসম্পূর্ণতা থাক আর নাই থাক, সবস্বন্ধ মিলিয়ে প্রবন্ধটি বাঙলা ব্যাকরণ (খাঁটি বাঙলা ব্যাকরণ—বাঙলার ছন্দবেশ পরে সংস্কৃত ব্যাকরণ নয়।) এবং খাঁটি বাঙলা অলঙ্কার নিয়ে এক অভূতপূর্ব রচনা। যেমন তিনি বলছেন, চলতি বাঙলাতে গুরুচণ্ডালী এখন আর দোষের মধ্যে গণ্য নয়।

ঠিক এই জিনিসটেই আমরা অন্ত্যন্ত সাহিত্যিকের কাছে প্রত্যাশা করি। কারণ সাহিত্যিকের সঙ্গে ভাষার যে পরিচয় হয় সেটা আদৌ শব্দতাত্ত্বিক বা ভাষাতাত্ত্বিকের মত নয়। সে ভাষা ব্যবহার করে নূতন নূতন সৃষ্টির উদ্দেশ্য নিয়ে। তাই তার ভাষা সদা পরিবর্তনশীল। অত্যন্তম গ্রন্থ লিখে ভাষাবাবদে আপামর জনসাধারণ তথা বৈয়াকরণিকের অকুণ্ঠ প্রশংসা পেলেও লেখক তার পরবর্তী পুস্তকে সেই অল্পমোদিত ভাষার পুনরাবৃত্তি করতে চায় না, রবীন্দ্রনাথের তুলনায়, আপনার মালের রিসীভার অব স্টোলেন প্রপার্টি হতে চায় না। তাই তাকে প্রতিদিন নিত্য নবীন সমস্তার সম্মুখীন হতে হয় এবং সেখানে সে কোনো

বেলেগ্লাপনা। উহঁ, আপনার পাপ মন, পাঠক, আপনার পাপ মতি। ওয় অর্থ হচ্ছে—আবার বলছি টায়-টায় মনে নেই—The reaction of chlorine (ক্লোরিন) on acetylene (অসিতলীন) where nitrogen (নেত্রজেন) is present.

বৈয়াকরণিক, কোনো শব্দভাষিকের সাহায্য পায় না। তাই প্রাচীন লেখক—যখন নূতন শব্দভাণ্ডার নূতন বচনভঙ্গী নিয়ে পুনরায় একখান সার্থক গ্রন্থ লেখেন, তখন সাহিত্যের সঙ্গে সঙ্গে ভাষারও শ্রীবৃদ্ধি হয়। এ কর্ম শব্দভাষিক করতে পারেন না—অবশ্য তিনি যদি সাহিত্যিকও হন ও তাঁর তত্ত্বগ্রন্থখানি সাহিত্যের পর্যায়ে তুলতে পারেন তবে অল্প কথা।

তাই ভাষার নব নব রূপ দেখাবার জগ্ন সাহিত্যিককেও এমেচারি শব্দতত্ত্ব নিয়ে আলোচনা করতে হয়।

এবং শুধু সাহিত্যিকই না, যে-বাক্তিই জ্ঞান-বিজ্ঞান বা অল্প যে-কোনো চিন্ময় বিষয় নিয়ে চিন্তা করেন, আলোচনা করেন, তাঁকেই কিছু-না-কিছু শব্দতত্ত্ব নিয়ে আলোচনা করতে হয়। এই তত্ত্বটি আজ হর্স্যাং আমার চোখের সামনে জলজল করে ফুটে উঠলো, মুসলমানদের সম্বন্ধে ইমাম আবু হানীফার বিরাট ন'ভলুমী গ্রন্থের একটি জায়গা পড়ে।

ইমাম আবু হানীফা শিষ্যসমাবৃত হয়ে প্রতি প্রাতে বসতেন মুসলিম ধর্ম আলোচনায়। তাঁর রায় লিখে রাখা হত তো বটেই, তাঁর প্রধান শিষ্যদের কেউ ভিন্ন রায় (মিনিট অব ডিসেন্ট) প্রকাশ করলে দেটিও সযত্নে পাশাপাশি লিখে রাখা হত।

একদা প্রশ্ন উঠলো, 'নগরে জুম্মাঃ নমাজ অবশ্য পালনীয়; কিন্তু গ্রামে জুম্মার নমাজ হয় না'—এ-আদেশ শিরোধার্য করবো কি না? ইমাম সাহেব বললেন, 'শিরোধার্য করা, না-করার পূর্বে প্রথম দেখতে হবে "নগর" বলে কাকে, আর "গ্রাম" বলে কাকে?' জর্নেক শিষ্য বললেন, 'অভিধান দেখলেই হয়।' এবারে ইমাম যা বললেন, সেটি মোক্ষম তত্ত্বকথা—সর্বভাগাতে সর্বকালে প্রযোজ্য। তিনি বললেন, 'কোষকার দেবে সাধারণ প্রচলিত অর্থ। পক্ষান্তরে আমরা ধর্মশাস্ত্রের অধ্যয়ন করে জনসাধারণের জগ্ন অহুশাসন প্রচার করি (অর্থাৎ আমরা theologians); থিওলজিয়ানের দৃষ্টবিন্দু থেকে কোন্টা শহর—যেখানে জুম্মার নমাজ সিদ্ধ—এবং কোন্টা গ্রাম যেখানে জুম্মার নমাজ অসিদ্ধ—তার শেষ বিচার তো আমাদের হাতে।'

অত্যন্ত খাঁটি কথা। যেমন ধরুন গরুর বাখান, যেখানে রাখালরা শীতকালে থাকে। সেটাকে হয়তো গ্রামের পর্যায়েও ফেলা যাবে না। কিংবা উত্তম মন্ডগান পেয়ে হাজার লোকের কাফেলা (ক্যারাভান) কয়েক দিন বিশ্রাম করলো। সেখানে জুম্মার নমাজ সিদ্ধ না অসিদ্ধ?

ইমাম সাহেব বলছেন, থিয়োলজিকাল অর্থে কোন্টা গ্রাম, আর কোন্টা

শহর, তার সংজ্ঞার ( definition-এর ) জন্ত কোষকার তো আসবে আমাদেরই কাছে ।

ঠিক তেমনি আইনজ্ঞ পণ্ডিতরা সংজ্ঞা দেন কোনটা crime, আর কোনটাই বা tort ; তবে তো কোষকার সেটা তার অভিধানে লিপিবদ্ধ করে । সে তো আর বিশ্বের জ্ঞান-বিজ্ঞানের প্রত্যেকটিতে বিশেষজ্ঞ নয় যে, নিছক আপন বুদ্ধির উপর নির্ভর করে প্রত্যেক শব্দের সংজ্ঞা দেবে, বর্ণনা দেবে, প্রতিশব্দ দেবে ।

ঠিক এই জিনিসটি বাঙলা দেশে এখনো আরম্ভ হয় নি ।

সবাই তাকিয়ে আছেন কোষকারের দিকে । সে পরিভাষা বানিয়ে দেবে । আর সে বেচারী তাকিয়ে আছে ভিন্ন ভিন্ন জ্ঞান, বিজ্ঞান, দর্শন, চিকিৎসা, আইন ইত্যাদির পণ্ডিতদের দিকে । তাঁরা সংজ্ঞা দেবেন—এবং তাঁদের অধিকাংশই শব্দ বা ভাষা-তাত্ত্বিক নন, সে বাবদে নিতান্তই এমেচার—তবে তো কোষকার সেগুলো লিপিবদ্ধ করবে ॥

### মিজোর হেপাজতী

নেফা অঞ্চল বাদ দিলে আসামে যে কটি পার্বত্য অঞ্চল গুরুত্ব ও বৈশিষ্ট্য ধারণ করে, তার ভিতর পড়ে খাসিয়া, গারো নাগা ও লুসাই । এর সঙ্গে ত্রিপুরার কুকি অঞ্চলেরও নাম করতে হয়, কিন্তু নানা কারণে সেখানকার কুকিরা এযাবৎ কোনো সমস্তার সৃষ্টি করে নি—এবং যেহেতু ত্রিপুরা আসামের অংশরূপে গণ্য হয় নি, তাই সে-দেশ এ প্রবন্ধের আলোচ্য নয় । কিন্তু মণিপুর সম্বন্ধে এস্থলে কিছু না বললে তাদের ও গোড়ীয় বৈষ্ণবধর্ম তথা বাঙালী ধর্মপ্রচারকদের প্রতি অবিচার করা হয় ।

আসামের অন্যান্য পার্বত্য জাতির মত মণিপুর অচলিত নয় । মহাভারতের অর্জুন-চিত্রাঙ্গদার মণিপুর ও বর্তমান মণিপুর একই কিনা সে নিয়ে তর্কাতর্কি করার শাস্ত্রাধিকার আমার নেই—এবং যেহেতু মণিপুর অধীনের জন্মভূমির প্রত্যন্ত ভূমিতে অবস্থিত, সে তার প্রতিবেশীকে অহেতুক ক্ষুব্ধ করতে চায় না, কিন্তু এ কথা সত্য যে, যতপি সাধারণ মণিপুরীদের চেহারার ছাপ মঙ্গোলীয়, ওদের ভিতর হঠাৎ বিশুদ্ধ আর্য টাইপও পাওয়া যায়—এবং যেহেতু পার্শ্ববর্তী আর্য বাংলা-ভাষাভাষী সিলেট কাছাড়ে এ টাইপ দুর্লভ, তাহলেই প্রশ্ন উঠবে, কালকূজ অঞ্চলের এই আর্য টাইপ হঠাৎ মণিপুরে আবির্ভূত হল কি প্রকারে ? পশ্চিম-

বাংলার সঙ্গে মণিপুরের সরাসরি যোগসূত্র না থাকা সত্ত্বেও বাঙালী আজ মণিপুরী নৃত্যের কথা ও সে নৃত্য যে রাখাক্ষকে কেন্দ্র করে জন্ম ও শ্রীবৃদ্ধি লাভ করেছে, সে-কথা জানে—বসন্ত ভারতবর্ষে অধুনা যে চার রকমের শাস্ত্রীয় নৃত্যপদ্ধতি স্বীকৃত হয়, এ নৃত্য তারই অন্যতম—কিন্তু বৈষ্ণবধর্ম মণিপুরে প্রচার ও প্রসার লাভ করে অষ্টাদশ শতাব্দীতে, অতএব এ নৃত্যকে আড়াই হাজার বছরের ঐতিহ্য দিয়ে মহাভারতের সঙ্গে সংযুক্ত করা কঠিন।

কিন্তু এহ বাছ। আসল প্রশ্ন এই : ১৭০৫ খৃষ্টাব্দে রাজ্যদেশে মণিপুর যে বৈষ্ণবধর্ম 'রাষ্ট্রধর্ম'-রূপে গ্রহণ করল সেটা সম্ভব হল কি প্রকারে? আসামের আর পাঁচটা পার্বত্য জাতি যে রকম আর্থ জনপদ থেকে দূরে হাজার হাজার বৎসর ধরে আপন আপন প্যাটার্ন অব্ কালচার বনে যাচ্ছিল মণিপুরও করছিল তাই। তাদের মাঝখানে একমাত্র মণিপুরই বা বৈষ্ণব হয়ে গেল কেন? এ কথা সত্য যে শিলচর থেকে মণিপুর পৌঁছানো সহজতর। কিন্তু মৈমনসিং থেকে গারো পাহাড় যাওয়াও তো কঠিনতর নয়, গারোরা অতিশয় শাস্তিপ্রিয় এবং দু-একটি গারো মুসলমানের সঙ্গেও আমার আলাপ-পরিচয় হয়েছে। পঞ্চাস্তরে নেফার অধিবাসীদের সঙ্গে যোগসূত্র স্থাপনা করা কঠিনতর; অথচ লোকমুখে শোনা, সেখানকার কোনো কোনো উপজাতি সর্বভাবে অ-হিন্দু হয়েও মাথার এক দিকের ষানিকটা চুল কামায় ও চিরুশ্বরূপ দেখিয়ে বলে স্বয়ং শ্রীকৃষ্ণ নাকি তাদের অর্ধ-হিন্দুরূপে পরিণত করে বলেন যে, তিনি আবার এসে তাদের পূর্ণ-হিন্দু করে দেবেন—তারা এখনো সেই প্রতীক্ষায় আছে। তা সে যা-ই হোক, মহাপ্রভু শ্রীচৈতন্যের বাঙালী শিষ্যরাই যে মণিপুরে বৈষ্ণবধর্ম প্রচার করেন সে-বিষয়ে কোনো সন্দেহ নেই। মণিপুরী ভাষা বাংলা অক্ষরে লেখা হয়; পঞ্চাস্তরে পরবর্তী যুগে খৃষ্টান মিশনারিরা পার্বত্যবাসীদের খৃষ্টধর্মে দীক্ষিত করার পর তাদের

১ দক্ষিণ ভারতের ভরতনাট্যম নিয়ে যতখানি গবেষণা এই উত্তর ভারতেই হয়েছে, এই উত্তর ভারতের ঘনিষ্ঠতর মণিপুরী নৃত্য নিয়ে তার এক-দশমাংশও হয় নি। এ নৃত্য সত্যই রহস্যময়। মূল নৃত্য শাস্ত্র ও লাস্ত্রসাপ্তিত কিন্তু প্রারম্ভিক অবতরণ নৃত্য (এর টেকনিকাল নামটি আমি ভুলে গিয়েছি) অত্যন্ত প্রাণবন্ত, তুর্দাস্ত—তাণ্ডব নৃত্যের কাছাকাছি এবং পার্শ্ববর্তী অল্পপ্রত অঞ্চলের সংগ্রাম-নৃত্যের সঙ্গে সাদৃশ্য ধরে। হয় তো বৈষ্ণব হয়ে যাওয়ার পরও মণিপুরীরা তাদের প্রাচীন ঐতিহ্যগত পার্বত্য নৃত্য ত্যাগ করতে চায় নি বলে 'অর ছ ভ্র' রূপে—প্রস্তাবনারূপে—সেটিকে রক্ষা করেছে।

ভাষা রোমান বা অঙ্ককার দিনের ইংরিজী অক্ষরে লেখেন।\*

কিন্তু সব চেয়ে বড় ভাষকথা, মণিপুরবাসী বৈষ্ণবধর্ম গ্রহণ করতে ( এবং পরবর্তী যুগে কাছাড়-আশ্রয়গ্রহণকারী কিছু মণিপুরী ইসলাম গ্রহণ করতে ) কোনো সভ্যতা-সংস্কৃতিগত বা অর্থনৈতিক সমস্যা সৃষ্ট হয় নি। রাজনৈতিক সমস্যার কোনো প্রশ্নই ওঠে না, কারণ বাঙালী মিশনারিরা মণিপুরের সিংহাসনে কোনো বাঙালীকে বসাতে চান নি। অর্থনীতির দিক দিয়ে দেখতে গেলে মণিপুরবাসী ও পার্শ্ববর্তী কাছাড়বাসীর মধ্যে অব্যাবিনিময়ের ফলে উভয়েই উপকৃত হন। এই অর্থনৈতিক দিকটা পাঠক বিশেষভাবে মনে রাখবেন। আমার মনে হয়, নাগা এবং মিজোদের অর্থনৈতিক সমস্যাটা কেউ সবিশেষ চিন্তা করে দেখেন নি।

আমার বালাকালে সিলেট জেলার একাধিক জায়গায় নিয়ত বর্ধিষ্ণু খৃষ্টান মিশন ছিল এবং সে যুগে ভারতের তাবৎ প্রটেষ্ট্যান্ট মিশনারিদের ভিতর দক্ষিণ-শ্রীহটে কর্মরত ওয়েল্শ্, মিশনের ( এখনো মিজোদের ভিতর এই মিশনই সর্বপ্রধান এবং যে ক'জন মিশনারির খবর অধুনা পাওয়া যাচ্ছিল না তাঁরা খুব সম্ভব এই মিশনেরই। ) রেভারেন্ড পিংগোয়র্ন জোনস্, তাঁর অসাধারণ বাগ্মিতা—বাংলা, ইংরেজী, ওয়েল্শ্, তিন ভাষাতেই—চারত্রয় ও ধর্মামুরাগের জগু বিখ্যাত ছিলেন। আমি পাঠশালা যাবার সময় থেকেই তাঁর গির্জা ও সানুডে স্কুলের রীতিমত অমুরাগী অংশগ্রহণকারী ছিলাম বলে প্রায়ই টিলার উপরে অবস্থিত তাঁর ছিমছাম বাংলোতেও যেতুম। মিশনে বাস করতে আরো বিস্তর ছেলেমেয়ে—প্রধানত চা-বাগিচার সাহেব ও দিলী রমণীর মিলনজাত পুত্রকন্যা এবং কিছু কিছু খাসিয়া, গারো, নাগা ও লুসাই ( মিজো ) খৃষ্টান। খাস বাঙালী প্রায় চোখেই পড়ে নি। আমি বিশেষ করে এই পার্বত্য খৃষ্টানদের সম্বন্ধেই কৌতূহলী ছিলাম এবং হাইস্কুলে ঢোকার সময় একটি লুসাই ছেলের সঙ্গে হৃদয়তা হয়। সে সময় লুসাই ভাষা

২ এ যুগে মণিপুরে যে রকম হঠাৎ বিস্তীর্ণ এলাকা জুড়ে হিন্দুধর্ম প্রচারিত হয়, সে রকম উদাহরণ কা অদূর অতীত কা বর্তমানে আমি অগুজ কোথাও পাই নি। মালকানা রাজপুত্রদের অন্নসংখ্যক লোকই বিংশ শতাব্দীতে 'আর্থ-সমাজে' দীক্ষা নেয়। শিলঙ শহর প্রায় শত বৎসর ধরে হিন্দুপ্রধান। সেখানে ব্রাহ্ম ও ইসলাম মিশন স্থাপিত হয় কিন্তু শেষ পর্যন্ত খৃষ্টান মিশনারিরাই সব চেয়ে বেশী সাফল্য অর্জন করেন। এখনও আসামের সর্ব পার্বত্য অঞ্চলে খৃষ্টান মিশনারিই অগ্রগামী—এবং কোনো কোনো লাগোয়া সমতল ভূমিতেও।

শিখতে গিয়ে—যদিও শেখা হয় নি—আবিষ্কার করি যে, অস্তুত নুসাই ভাষাতে বাংলার বহু বহু শব্দের কোনো প্রতিশব্দ নেই ( পরে জানতে পারি, অলিখিত ভাষা মাত্রেরই সাধারণত এই হাল )।

জোনস্ সায়েব থাকতেন ছিমছাম বাংলায়, জানলায় পর্দা টানানো। সায়েব-মেম খানা খেতেন ছুরি-কাঁটা দিয়ে, ধবধবে সালা টেবিলরুখে ঢাকা খানা-টেবিলের পাশে। আমার বয়স তখন তেরো। কিন্তু তখনই মনে হয়েছিল, ধর্মযাজকের এতখানি বিলাস ভালো না—বিশেষ করে তিনি যখন মিশনের আর সবাইকে তাঁর মত ‘বিলাসে’ রাখতে পারেন না। ( পরবর্তী যুগে ইংলণ্ড এবং কন্টিনেন্ট ঘুরে বুরতে পারলুম, জোনস্ সায়েব তাঁর দেশের পাত্রী-ভাইদের তুলনায় কতখানি আত্মত্যাগ করে ওই বিদেশ-বিভূঁইয়ে কতখানি সরল অনাড়ম্বর জীবনযাপন করতেন ; তাঁর আত্মাকে স্মরণ করে আজ ক্ষমা ভিক্ষা কর )।

আমার এবং আমার হিন্দু-মুসলমান বন্ধুদের মনে পাত্রী সায়েবের ছিমছাম বাড়ি, আসবাবপত্র কোনো প্রলোভনের উদ্রেক করতো না। আমরা যেন কিছুটা বুঝে কিছুটা না বুঝে মনে মনে যুক্তি করতুম, ‘খুঁটান হলে এ সব পাওয়া যায় ; কিন্তু আমরা তো ধর্ম বেচতে চাই নে।’ তাই বোধ হয় ‘জোনস্ সায়েব তাঁর জোরদার বাগ্মিতা-শক্তি ধারাও কোনো বাঙালী হিন্দু-মুসলমানকে খুঁটধর্মে দোষিত করতে পারেন নি—করে থাকলেও অত্যন্ত দুঃস্থ দূর গ্রামাঞ্চলের তথাকথিত নিম্নতম শ্রেণীর মধ্যে। আমরা কখনো তার খবর পাই নি।

আমার কিন্তু মনে প্রশ্ন জাগতো, মিশনের এই খাসি নুসাইরা কি জোনস্ সায়েবের মত ফিটফাট বাড়িতে থাকতে চায় না ?

মগিপুর্বে যে সব বৈষ্ণব ‘মিশনারিরা’ গিয়েছিলেন তাঁরা নিশ্চয়ই সেখানে কোনো উচ্চতর মানের জীবনযাপন করেন নি। বস্তুত আজও মগিপুর্নের গ্রামবাসী সূর্মা উপত্যকার চাষার চেয়ে অনেক সচ্ছল। কাজেই এ নিয়ে কোনো ধ্বন্দ্ব সেখানে উপস্থিত হয় নি।

কিন্তু নাগা-নুসাইদের মধ্যে কি হল ?

যারা লেখাপড়ায় সামান্য ভালো—এ কথা মানতেই হবে, খুঁটান মিশনারিরা তাঁদের সামর্থ্যে যতখানি কুলোয় ততখানি অর্থ শিক্ষার জন্য পাহাড়ে পাহাড়ে চেলে দিয়েছিলেন এবং একদা সেখানে সাক্ষরের সংখ্যা বাংলার তুলনায় ছিল বেশী—তারা কোহিমা আইজলে পড়তে এল, পরে শিলঙে এবং কেউ কেউ কলকাতা পর্যন্ত। এবং যারা আপন গ্রাম থেকে বেরলো না, তারা অস্তুত পাত্রী সায়েবের বাড়ি, তাঁর তৈজসপত্র দেখেছে। শিলঙে যে দু-চারজন চাকরি



নিয়ে থেকে গেল তাদের কথা আলাদা, কিন্তু যারা বাড়ির চানে গাঁয়ে ক্বিরে গেল, এবং যারা গাঁয়েই ছিল এদের অনেকেই কি তাদের জীবনযাত্রার মান উন্নতত্ত্ব করে পাত্রী সায়েবের মানের কাছে আসতে চাইলো না ?

এ তো আমাদের চোখের সামনে নিত্য নিত্য ঘটছে। আমাদেরই গ্রামের ছেলে শহরে এসে আর গ্রামে ক্বিরে গিয়ে নিম্নমানের জীবনযাপন করতে চায় না। বস্তুত ফ্রান্স, জর্মানি সর্বত্রই ক্রন্দনরব উঠেছে, গ্রামের বুদ্ধিমান কর্মঠ ছেলে যাত্রাই আর গ্রামে ক্বিরে যেতে চায় না। পড়ে থাকে নিষ্কর্মাগুলো। দি ভিলেজ্জেস আর বীইং ডেনড্ অব দেয়ার ব্রেনস—শহর ক্বৈটিয়ে নিয়ে যাচ্ছে গ্রামের প্রতিভাকে। বিশ্বব্যাপী এই যে একতরফা ভাটা, এরই ফলে যে গ্রামোন্নয়ন করা যাচ্ছে না এ সম্বন্ধে ‘উনেস্কো’ বহুকাল ধরে সচেতন, বিস্তার গবেষণা করেছেন, দাওয়াই খুঁজে পাচ্ছেন না।

কিন্তু এই সমস্যা নিয়ে আমাদের মধ্যে মারামারি খুনোখুনি হয় না, কারণ, যে গ্রামের ছেলে শহরে থাকতে চায় তার জন্ম আশেপাশে বিস্তার ছোট-বড় শহর আছে—বোলপুর, শিউড়ি, বর্ধমান, শেঘটায় যদি তাতেও প্রাণ না ভরে, তবে কলকাতা। রেলের চাকরি করে ভাগলপুর, পাটনা হয়ে কত কী !

কিন্তু মিজো-লুসাইবাসী যাবে কোথায় ? আইজল, লুঙলে তাদের কি দিতে পারে ? তারপর শতাধিক মাইলের দাকা পেঙ্গিয়ে শিলচর—সে আমাদের সিউড়ি-বর্ধমানের তুলনায় কমপলিটান শহর বটে—কিন্তু তারই বা মরদ কতটুকু ? তার নিজেই হুঃখের অবধি নেই। আসাম সরকার তাকে—যাক, আবার না আরেকটা বাঙ্গাল খাদ্যদানো আরম্ভ হয়ে যায় ( ভালো তো কারো করতেই পারি নে, মন্দটা না-ই বা করলুম ! ), আর কেন্দ্রীয় সরকার ? কতবার বৃষ্টিয়েছি, এই শিলচরে বেতারের কেন্দ্র বানিয়ে নাগা-লুশাইদের কন্ট্রোল করো—কে বা শোনে কার কথা ( এস্থলে বলে রাখা ভালো আমার জন্মভূমি কাছাড় নয় )। থাক সে কথা। মিজো যদি বা শিলচর পেরুতে চায় তবে সামনে যে খাঁড়া পাঁচিল—হিল্ সেক্শন—তারপর সেই স্তূর্ গৌহাটি। এখানে খাসিয়াদের সঙ্গে তুলনা করলেই দেখা যাবে, একে তাদের চাষের পদ্ধতি উন্নত, শিলঙ গৌহাটির ভাষা তারা মোটামুটি জানে, জিনিসপত্র সেখানে বেচতে পারে, চাকরিনোকরি মিস্ত্রিগিরি করে পয়সা কামাতে পারে। আর শিক্ষিত সম্পদশালী বহু খাসিয়া শিলঙ শহরের পাত্রীর বাড়লোর চেয়েও ক্বিটকাট বাড়লোয় বাস করেন। তাই স্বভাবতই খাসিয়ারা অনেকখানি সন্তুষ্ট এবং তাই শান্ত।

কিন্তু মিজো যায় কোথায় ?

১৯১০।১৯১১ থেকে তাদের ভিতর আরম্ভ হয় খৃষ্টধর্ম প্রচার এবং ১৯৩১ নাগাদ অর্ধেক লুসাইবাসী হয়ে গেছে খৃষ্টান। তারপর কি হয়েছে জানি নে। নিশ্চয়ই বেড়েছে। কারণ মিশনারিদের কাজ বন্ধ হয় নি। আদমশুমারীর হিসাব দেখে লাভ নেই। ঐ সময় থেকেই আরম্ভ হয়, পরের সেনসাসে কার স্বার্থ অনুযায়ী কি দেখাতে হবে তাই নিয়ে ছিনিমিনি, ইংরিজীতে যাকে বলে 'হুকিং'।

পার্বত্যাঞ্চলবাসী অনেক সময় আমাদের হিসেবে নিষ্ঠুর কিন্তু তারা সরল। সরল বিশ্বাসে তারা মনে আশা পোষণ করেছিল, যারা তাদের খৃষ্টান করেছে তাদেরই জাততাই ইংরেজ সরকার একদিন তাদের বাসনা-কামনা পূর্ণ করে দেবে। 'জুম' খেত করে যে তার পয়সায় পাত্রীর বাঙলো বানানো যায় না সেটা তারা বোঝে না। আমার মনে হয়, ইংরেজ-রাজ থাকলেও আজ না হোক কাল বা পরন্তু মিজোদের রুদ্ধ আক্রোশ ইংরেজকেই আক্রমণ করতো। তবে ইংরেজ ধাক্কা মারতে ওস্তাদ—বাঙালীর মত চালাক জাতকেও কতবারই না একটা কুমীরছানাকে বারোটা করে দেখিয়েছে! কবিগুরু মত বিচক্ষণ জন এবং তাঁর চেয়ে দু'দে বহু পলিটিশিয়ান 'ব্রিটিশ জুটিসে' বহুকাল ধরে বিশ্বাস রেখে আশা করতেন, সময় এলে আমরা ইংরেজের কাছ থেকে জুটিস—সুবিচার পাবো।

অবশ্য এ-কথাও স্বীকার করি—যাঁরা আমার সঙ্গে একমত নন তাঁদের কাছে মাক চাইছি যে, দেশ-শাসন ব্যাপারে ইংরেজের অনেকগুলো সদগুণ আছে এবং সেই অনুপাতেই আসাম সরকার,—থাক, আবার কেন? তবে আসাম সরকার না হয়ে কেন্দ্রীয় সরকার মিজোদের ভার নিলেই যে মুশকিল আসান হয়ে যেত সেটা আমি বিশ্বাস করি নে। যাই বলুন, যাই কন, আসাম সরকার বাস করেন শিলঙে—খাসিয়ারদের মধ্যখানে। ব্রহ্মপুত্র উপত্যকার উত্তরে নেকা অঞ্চলেও রয়েছে আরো গণ্ডায় গণ্ডায় উপজাতি। তাদের অনেকেই প্রতি হাটবারে নেমে আসে সমতলে, ক্ষেতের জিনিস, এটা-সেটা (তখনকার দিনে চামর, মুগনাভি, হাতীর এবং 'গণ্ডারের দাঁত—ভয়ঙ্কর মূল্যবান জিনিস, মধ্যপ্রাচ্যে 'হারেম' পোষণের জন্ত মৃতসঞ্জীবনীর হ্রায় নিত্যকাম্য এক্সডিসিয়াক ইত্যাদি) বিক্রি করে প্রধানত ছুন, কেরোসিন<sup>৩</sup> (সর্বনাশ। আমাদেরই যা হাল, ওদের হচ্ছে

৩ এক সিলেটা মুসলমান ডাক্তার বহু বৎসর আইজল-লুঙলেতে কাটিয়ে এসে আমায় বলেন, মিজোর দু-দিন তিন-দিনের পাহাড়ের চড়াই-ওংরাই পথ পেরিয়ে লুঙলে আসতো কেরোসিন কিনতে। সে কেরোসিন আসতো শিলচর থেকে, বেশীর ভাগ পথ মাহুঘের কাঁধে, বাঁকে করে। একবার একজন বাহকের কলেরা

কি ? তবে হ্যাঁ, ডিগবন্দীদের অভি কাছে ) কিসে নিয়ে যাবার জন্ত । ব্রহ্মপুত্র-উপত্যকাবাসী আসামীদের অনেকেই তাদের চেনেন । কাছাড়বাসী ক'জন সমস্ত আসাম মন্ত্রিমণ্ডলীতে আছেন সঠিক জানি নে ; যে কজন আছেন একমাত্র তাঁরাই ব্রহ্মপুত্র-উপত্যকাবাসীদের তুলনায় নাগা-মিজোরদের বিলক্ষণ চেনেন, সহুপদেশ দিতে পারবেন, অবশ্য শর্ত, যদি কেউ চায় । এঁদের তুলনায় নাগা-মিজোরদের সম্বন্ধে কেন্দ্রীয় সরকারের জ্ঞান সীমাবদ্ধ—এ বিষয়টি খুঁটিয়ে খুঁটিয়ে আমাকে বুঝিয়েছিলেন নাগাদের প্রথম গ্র্যাজুয়েট, সে-সময় আপন মাতৃভূমি নাগা পাহাড়েই এস ডি ও শ্রীযুত কে ডি চুসা, ট্রেনে শেয়ালদা থেকে সিলেটের কুলাউড়া পর্যন্ত দিল্লি থেকে মুককচও ফেরার পথে । স্বযোগ পেলে সে কাহিনী আরেক দিন হবে । শ্রীচুসা অর্থনৈতিক দিকটারও উল্লেখ করেন ।

মিজোরা সরল বিশ্বাসে ভাবছে, আমরা—তা সে কেন্দ্রীয় সরকারই হোক, আর আসাম সরকারই হোক—বিধর্মী ( নাগারাও কড়া হুঁরে বলে, 'যারা আমাদের সঙ্গে আমাদের গির্জায় গিয়ে উপাসনা করে না তারা আমাদের ঘৃণা করে ।' সেটা না হয় করা গেল, কিন্তু খেতেও হবে তাদের সঙ্গে এবং স্বর্গস্থ প্রভু জানেন, একমাত্র চারপাই ছাড়া সর্ব চতুষ্পদই তারা খায় । সঙ্গে সঙ্গে পান করতে হবে শুকনো লাউয়ের পাখে ভর্তি ভাত পচিয়ে তৈরী লিটার লিটার বিয়ার । কোহিমার ছোকরা ইংরেজ শাসনকর্তা এ-তিনটির প্রথমটি করে পুণ্যসঞ্চয় করতেন, কাকি দুই বাবদেও তেনারা সমগোত্রীয়, এমন কি প্রয়োজন হলে village belle-কেও তাঁরা নিরাশ করতেন না—কারণ ব্যাচেলার ভিন্ন অল্প কাউকে সেখানে সচরাচর পাঠানো হত না ) এবং যেহেতু আমরা বিধর্মী তাই আমরা তাদের জ্ঞায় পাওনা দিচ্ছি না । আমরা সরে গেলেই তাদের সর্ব বাসনা কামনা পূর্ণ হয়ে যাবে । মোস্ট প্রিমিটিভ জুম চাষ করে যে এবসার্ড জীবনমান উচ্চ পর্যায়ে তোলা যায় না সেটা বোঝাবে কে ?

হয় নির্জন পথিমধ্যে । বাঁশের স্ট্রেকার বানিয়ে অল্প চারজন বেহারা রোগীকে নিয়ে লুঙলে পানে রওয়ানা দেয়—দশ টিন কেরোসিন পায়ে চলার 'পথের' উপর রেখে দিয়ে । গভায় গভায় কেরোসিনকামী খুঁটান অখুঁটান চলছে লুঙলের দিকে, কিন্তু তাদের ধর্মবোধ এমনই প্রবল যে তারা কেরোসিনের দিকে ফিরেও তাকাতে না । বেহারারা লুঙলে থেকে ফিরে এসে সমুচা সব কটা টিন যথাস্থানে পায়—তারাও জানতো, লোপাট হবে না, তাই লুকিয়ে রাখার প্রয়োজনও বোধ করত নি । সেই মিজোরাই এখন লুঙলেতে লুটতরাজ করলো !

অবশ্য মিজোদের অসন্তোষের অগ্রাঙ্ক কারণও আছে। আমি শুধু একটা কারণ দেখালুম—অস্তুত মার্কসিস্টরা খুলী হবেন—তাদের অনেকেরই মতে এইটাই একমাত্র কারণ। একমাত্র কারণই হোক আর প্রধানতম কারণই হোক, অর্থনৈতিক কারণটার সন্ধান নেওয়া সর্বক্ষেত্রেই বাঞ্ছনীয়। লেনিনের সম-সাময়িক ভিয়েনার অর্থডক্স অর্থনীতি পণ্ডিত স্তমপেটার এবং তাঁরই মত কট্টর বার্গিনের জমবার্ট কেউই এই দৃষ্টিবিন্দুটি অবহেলা করেন নি।

স্বীকার করে নিচ্ছি, আমার এ বিশ্লেষণ ভুল হতে পারে, কিন্তু তথ্যগুলো সঞ্চিত হয়েছে বিশ্বস্তজনের কাছ থেকে।<sup>৪</sup>

৪ (ক) মিজো প্রবন্ধটি লিখে ‘দেশ’ দপ্তরে পাঠিয়ে দেবার পর দুটি তাৎপৰ্য-পূর্ণ খবর বেরিয়েছে। প্রথমটিতে মাদ্রাজের প্রাক্তন গভর্ণর শ্রীযুত বিষ্ণুরাম মেধী বলেছেন—‘ঘাতে করে মাল চলাচল জাম্ না হয়ে যায় ( “transport bottle-neck” ), মিজো, নাগা এবং অগ্রাঙ্ক পার্বত্য অঞ্চলের সঙ্গে রেল-লাইন বসানো উচিত।’ তিনি General council meeting of the All-India Railwaymen’s Federation-এতে এ বিবৃতিটি দেন ও ২৭-৩-১৯৬৩ কাগজে এটি বেরোয়। মিজো নাগারা যে রেলের অভাবে বাদবাকি ভারত থেকে বিচ্ছিন্ন, সে-কথা আমি প্রবন্ধে নিবেদন করেছি।

(খ) পার্বত্য-অঞ্চল সম্বন্ধে ব্যাপক রিপোর্ট দেবার জগ্ন যে পাটস্‌কব্ কমিশন নিযুক্ত হয়েছিল তার রিপোর্টের কয়েকটি প্রধান সুপারিশ ৩১ মার্চ বেরিয়েছে। সম্পূর্ণ রিপোর্ট না পড়ে কিছু বলার উপায় নেই, কিন্তু যেটুকু বেরিয়েছে তার থেকে মনে হল ‘আধুনিক ঘটনার আলোকে’ রিপোর্টটি আউট অব ডেট—তামাদি না হলেও বর্তমানের প্রেক্ষাপট সহিতে পারবে না।

## গাড়োলন্ড গাড়োল

আগরের ডাক-নাম য়প্ বা ইয়প্—সারা দেশটা জুড়ে! ভোলা-নাম হার ডব্লিউ ইয়োল্ডেপ ( য়প্ ) গ্যোবলস্, রাষ্ট্রের প্রমাণাগাণ্ড-মন্ত্রী, রাজধানী বার্গিনের গাণ্ড-লাইটার ( অফলাধিকারী ) এবং ফুরার অ্যাডলফ্ হিটলারের শেষ জুয়ো-খেলার পাশা যখন ব্লাফো মেরে মেরে যাচ্ছে, তখন সর্বাঙ্ক, চৌটোল ওয়ারের জন্ম কুলে ভাগৎ 'ইকটে' করার জন্ম সর্বাধিকারী। পার্টির ব্রেন-বাক্সো। শক্র-মিত্র সবাই এক সুরে বলেছেন, 'হাঁ, প্রমাণাগাণ্ড করে কয়, সে-বস্তু দেখিয়ে গেছে ঐ ব্রেন-বাক্সোটা।' বাক্সোটির এক দিক দিয়ে ঢুকতো সাদামাটা তথ্য, হাফ-তথ্য, ভাংহা মিথ্যে, যুতলবণতৈলতগুলবস্বইঙ্কন বেরিয়ে আসতো অল্প দিক দিয়ে। এক-একখানা চাঁছাছোলা, নিটোল, অত্রণ, অনিন্দনীয় কলাসৃষ্টি। গাড়োল, এই 'কলা-সৃষ্টি' রহস্তটা একটু শুছিয়ে বলতে হয়—কারণ, এ-বাবদ তাবৎ টেকনিক্যাল টার্ম একমাত্র ফরাসীর মারফতে প্রকাশ করা সম্ভবে। তত্পরি গ্যোবলস্ সায়েবের সিলের লোত্ত থেকে জান-এর দুশমন তক স্বীকার করেছেন, ভৌতা হৌংকা টিউটন নাংসী পাঠানের ভিতর ঐ গ্যোবলস্ই ছিলেন একমাত্র জিনিয়াস, যার স্বন্ধে বিরাজ করতো সূক্ষ্মাতিসূক্ষ্ম মস্তিষ্ককুণ্ডলী পরিপূর্ণ লাভিন মাথা—তাই তাঁর লিখন-কখন উভয়েতেই ছিল, ফরাসীস্বলভ স্ফটিক স্বচ্ছতা।<sup>১</sup> এ-কলাসৃষ্টিকে অ্যাডল্ফ দা'র বলা যেতে পারে, মাস্টার পীস অব আর্ট বললে ঠিক ঠিক মানেটা ওয়ারায় 'না। অব্জে দা'র শব্দসমষ্টি আমি শুনেছি; এটা বোধ হয় morale-এর মত ইংরিজিতে চালু ভেজাল ফরাসী মাল ( আমরা যেরকম কলকাত্তাই উহুতে 'একঠো' 'দুঠো'র ভেজাল বরাবর ব্যবহার করে আসছি। ) অর্থ, যে-কলাসৃষ্টি

১ অক্সফোর্ডের ইতিহাস-অধ্যাপক ট্রেভর-রোপারের মত জর্মনির জাতশত্রু শতকে গোটেক; তত্পরি তিনি একটি আন্তঃস্বস্ত্র প্রব। তিনি বলেন, 'and it was the Latin lucidity of his ( Goebbels' ) mind, the un-German suppleness of his argument which made him so much more successful as a preacher than the frothblowing nationalists of the South.'

অবশ্য অধ্যাপককে বোঝা ভার। তিনি শতাধিক বার বলেছেন, জর্মনরা অতিশয় অগা জাত। উত্তরে বলি, অগারা পরিষ্কার যুক্তি বোঝে না; রহস্তের সন্ধানে কোটে মাথা। তাই জর্মন দার্শনিকদের ভিতর লাভিন ধরনের স্বচ্ছ লেখক শোপেনহাওয়ার ভৌতা লেখক হেগেল্-এর তুলনায় অবহেলিত।

কোনো কাজে লাগে না, যেমন 'পাপিয়ে মার্শে'তে তৈরী কাশ্মীরী ফুলদানি-পারা স্ট্রাইচাড়া বস্ত্র, যেটাতে ফুল রাখা যায় না বটে, কিন্তু দেখতে খাসা। গ্যোবলস্ সায়েবের বেতার বক্তৃতা বা সম্প্রদায়িক প্রবন্ধ বিলকুল বেকার নয়—টাই-টাই কাজে লাগতো। সৈনিক দিবে দেখতে গেলে তিনি টলস্টয়কে নিশ্চয়ই পরম আপ্যায়িত করতে পারতেন; পার্থক্য মাত্র এইটুকু যে, টলস্টয় তাঁর কলা দ্বারা নির্মাণ করতেন স্বর্গারোহণের সোপান, য়প্.প্. নির্মাণ করতেন রসাতলের খাউডায় সবগে নিপতিত হওয়ার ভরে অত্যুত্তম পিচ্ছল সাহুপ্রদেশ। আর ইহুদিকুলের কল্যাণার্থে গ্যাস-চেয়ার।

হিটলারের বক্তৃতা-গর্জনও রক্তের তাণ্ডব নৃত্যতুল্য প্রলয়কর, কিন্তু সেটাকে অত সহজে বিশ্লেষণ করা যায় না। সেটাও কলাস্ট্রি এবং সেটি য়প্.প্.-মার্কার চেয়ে লক্ষগুণে কার্যকরী। কড়া পাক।

হুজনার মুখে একই জিগির : ইহুদিকুল সর্বনেশে। এদের সমূলে বিনাশ করতে হবে।<sup>৭</sup>

কিন্তু হুজনের মনের ভিতর দু' প্রকারের যুক্তি। য়প্.প্.ের বিশ্বাস, ইহুদিরা সর্ব ব্যাপারেই সাতিশয় ধুরন্ধর। এদের সঙ্গে 'নর্ডিক আর্থ' অর্থাৎ জর্মনির কিছুতেই পাল্লা দিতে পারবে না। পক্ষান্তরে হিটলার এটা মানতে পারেন না—জান কবুল। তাঁর মতে, এই বহুধরায় যে-কটা ডাঙর ডাঙর জাত, গোষ্ঠী, বংশ—যা খুশি বলুন, ইংরেজীতে Race, জর্মনে Rasse—তার মধ্যে 'আর্থ'-রেস সর্বোত্তম। এবং সেই আর্থ রেসের ভিতর সর্বোত্তমেরও সর্বশ্রেষ্ঠ জর্মনির নর্ডিক, নীল চোখ, ব্লন্ড ( সোনালী, কোনো কোনো ক্ষেত্রে রূপালীও—যেটাকে বলা হয় প্রাটিনাম ব্লন্ড ) চুলধারী 'আর্থ' রেস। ইহুদিবিশ্বের সর্ববাবদে তারাই সর্বশ্রেষ্ঠ। কিন্তু সম্পূর্ণ স্বাস্থ্যসম্পন্ন শক্তিমান যুবাব শরীরেও যেমন ক্যানসার দেখা দিতে পারে, ঠিক তেমনি জর্মন সমাজে এসে ঢুকেছে ইহুদি গোষ্ঠী। এরা

২ হ্যারনবেরগের মোকদ্দমায় যখন আসামী নাৎসিদের বিরুদ্ধে বলা হলো যে তাঁদের ফ্যারার গুরুই ইহুদিদের ausrotten = 'সবংশে নির্বংশ' করবেন বলে একাধিকবার সর্বজনসমক্ষে পণ করেছিলেন, তখন আসামী পক্ষ বলে, 'ওসব কথার কথা। কেউ যখন বলে, "তোমার চামড়া দিয়ে ডুগডুগি বাজাবো" ( বাঙলায় বলতে গেলে এই অজুবানই জুংসই ) তখন অজু পক্ষ সেটা সিরিয়াসলি লক্ষ্যার্থে নিয়ে বিশ্বের ভাবৎ ডুগডুগি বানাবার যন্ত্রপাতি বিনষ্ট করতে মাথায় গামছা বাঁধে না।'

ছায়পোকাকার মত ভাষিন। ছায়পোকা বেশী বুদ্ধিমান না মাছ বেশী বুদ্ধি ধরে, এ প্রশ্ন বুদ্ধিমান-মাছই তুলবে না—বুদ্ধিমান বা মুর্থ ছায়পোকা তুলবে কি না, সেটা হিটলার বলেন নি।

য়প্প্ বললেন, 'এটা হল তুলনা। তুলনা যুক্তি নয়।'

ফ্যারার বললেন, 'তুলনা মাত্রই তিন ঠ্যাঙের উপর দাঁড়ায়। টায়-টায় যুক্তির স্থান নিতে পারে না সত্য, কিন্তু আপন বক্তব্য জোরদার ও প্রাঞ্জল করার জন্য তুলনার ব্যবহার করেছেন সর্বগুণীজ্ঞানীই।'

য়প্প্ বললেন, 'তর্কস্থলে যেনে নিলুম।' গ্যোবলস্ বড়ই প্রভুভক্ত ছিলেন। নইলে প্রভুর আশ্বহত্যার চকিণ ঘণ্টার ভিতর তাঁর ছ'টি শিশুপুত্রকন্যাদের ডাক্তার দিয়ে খুন করিয়ে সতীক আশ্বহত্যা করবেন কেন ?<sup>৩</sup> বললেন, 'তাই সই। কিন্তু আমি আপনাকে হাতেনাতে দেখিয়ে দেব, ইছদিরা অস্তুত ব্যবসার ক্ষেত্রে আর্থের চেয়ে বেশী বুদ্ধি ধরে।'

'কোনো ক্ষেত্রেই না।'

'বাজী ধরুন।'

'বিলক্ষণ। কত ?'

'এক লাখ।'

'গেমাথ টু—পাক্তী বাৎ।'

দুজনাতে ছদ্মবেশে বেরলেন। তার জন্ম বেশী বেগ পেতে হল না। এমনিতেই 'গ্টোটকাটা বার্গিন-কক্‌নিরা বলতো ফ্যারারের চুল নেবে পড়ে কপাল ঢাকে নি—এটা অকল্পনীয়; আর গ্যোবলস্ এক লহমার তরে বকর বকর বন্ধ করেছে—এটা ততোধিক অবিশ্বাস্য। হিটলার তাই চ্যাটচেটে পমেটম দিয়ে যেন প্রায় ঠৈরবচণ্ডীর মত চূড়া-খোঁপা বাঁধলেন—এবারে আর চুল ধসে পড়ে, কপাল ছাপিয়ে চোখ এস্তেক ঢেকে দেবে না। বাস্, এতেই হয়ে গেল ছদ্মবেশ। আর য়প্প্ ? তিনি বললেন, তিনি প্রতি দশ মিনিটে একটি মাত্র সেনটেনস বললেন। এ-রকম বিকট চূপচাপ লোককে কে চিনবে য়প্প্ বলে !

য়প্পেরই প্রস্তাবমত দুজনাতে ঢুকলেন এক পাচমিশিলা খাটি আধ দোকানে। চাইলেন একটা টী সেট। দোকানী একটি রমণীস্ব ট্রের উপর সব কিছু সাজিয়ে সামনে ধরলো। গ্যোবলস্ ভো তাঁর মুণ্ডটি ডান ধেকে বাঁয়ে,

৩ সবিস্তর কাহিনী পাঠক পাবেন, অধীনের 'ছ-হারা' পুস্তকে, 'হিটলারের শেষ দশ দিন' প্রবন্ধে।

কের বা থেকে ডাইনে নাড়িয়ে নির্বাক প্রশস্তি শুনিয়ে দিলেন। তারপর হঠাৎ যেন মনে পড়লো ঐরকম ভাবখানা করে বললেন, 'কিন্তু আমার বে-দোস্তকে আমি এই জন্মদিনের সওগাৎটা দেব তিনি তো ছাটা; আপনাদের কাছে কি লেকট-ছাওয়ারদের জন্তে কোনো-টা সেট আছে?' হিটলার বললেন, 'হাঁ।' তখন আর্চসন্তান আমাদের দোকানী তো বেবাক বে-বাক্—অবাক। 'লেকট-ছাওয়ারস টা সেট?' সে আবার কি গববযন্তণা রে বাপু। বাপের জন্মে নাম একেতক শোনে নি। অনেকক্ষণ ঘাড় চুলকে, বিস্তর আদেশা করে আপসাপসি করে সবিনয় জানালে, তার কাছে নেই।

হিটলার দিলদরাজ আদমী। এক গাল হেসে বললেন, 'মাথ্‌ট্‌, নিক্‌স্‌, মাথ্‌ট্‌ নিক্‌স্‌—বিলক্ষণ, বিলক্ষণ। তাতে এসে যায় না। আমরা অল্প দিন দুসরা জিনিসের জন্ত আসবো'খন—খাসা দোকানটি কিন্ত। কি বলো হার ডক্—থুড়ি। ঠক বীড়ার জেএন! গুটে নাথ্‌ট্‌। আসি তবে। হেঁ হেঁ, হেঁ হেঁ।'

এবারে য়প্‌প্‌ প্রভুকে নিয়ে ঢোকালেন এক ইহুদির দোকানে।

দোকানী ছিল না। তার চোদ্দ বছরের ছেলে ছুটে এসে অদৃশ্য শ্রাম্পুতে (কথাটা আজকাল বড্ডই 'কেশিনিবিল' হয়েছে; আশ্মা ব্যাভার করতে চাই) হাত কচলাতে কচলাতে একবারের জায়গায় তিন-তিনবার বলে বসলো, 'মুটন ময়েন, মুটন ময়েন, মুটন ময়েন। গুটন্‌ মর্গেনের অর্ধশিক্ষিত উচ্চারণ), মাইনে হেরেন!'

উত্তরে হিটলার বিড়বিড় করে কি একটা বললেন, ঠিক ঠাইর করা গেল না। দক্ষিণের কোনো কোনো ব্রাক্ষণ নাকি একদা রাস্তায় ('সড়ক' 'সরকে' বা 'সরণিতে')—ওঃ! কী স্টর্ম ইন এ টা 'সেট'!) বেরলে চিংকার করতেন, অল্পশ্রু যেন সরে যায়, তার ছায়া যেন গুঁর গায়ে না পড়ে—তবে এদের পঞ্চাশ বা ষাট লক্ষকে বামুন গ্যাস চেম্বারে<sup>৪</sup> খুন করে পুড়িয়েছে একথা কখনো শুনি নি। অতএব হিটলার যে ইহুদি ছোকরাকে হেল-ফেলো-উয়েল-মেট (hail-fellow-well-met) করেন নি, সেটা স্পষ্টই বোঝা যায়। ইহুদি

৪ এর অল্পতম বড়কর্তা হ্যোস হ্যারনবের্গ মোকদ্দমায় সাক্ষী দেন, এবং পন্থে ঐর কীসি হয়। দু'জন হাডে-পাকা মনস্তত্ত্ববিদ মার্কিন চিকিৎসক একে আগা-পাশতলা পুন লুন পরীক্ষা করেও ঐর ভিতর কোনো কিছু অ্যাব নরমাল পান নি। ইনি বলেন, 'হাজার খানেক মাহুষ গ্যাস দিয়ে মারতে আমার ১০ থেকে ১২ মিনিট সময় লাগতো, কিন্তু আসল মুশকিল ছিল এদের পুড়িয়ে নিশ্চিহ্ন করা—



ছোকরা কাঁচুমাচু হয়ে বললে, ‘আমার বলে দেওয়া উচিত, সরকারের হুকুম, কোনো “আর্থ” যদি ইছদির দোকানে ঢোকেন তবে দোকানদার যেন তাঁকে সতর্ক করে দেয়, এটা ইছদির দোকান, এখানে কেনাকাটা করলে আর্থই দায়ী। সাইনবোর্ডেও স্পষ্ট করে লেখা আছে, আপনারা হয়তো লক্ষ্য করেন নি।’

হিটলার বিড়বিড় করলেন, ‘শোন্ গুট শোন্ গুট’—অনেকটা যেন ঠিক আছে, ঠিক আছে, মেলা বকো না।

টা সেট চাওয়া হল। এল। গ্যোবলস্ স্মাটার সেট চাইলেন।

ছোকরা প্রথমটায় হকচকিয়ে গেল।

পরমুহূর্তেই সম্মিতে ফিরে এক গাল হেসে বললে, ‘এখুনি নিয়ে আসছি, স্মার!’ বলে যে সেট ট্রে’র উপর সাজিয়ে রেখে দেখিয়েছিল সেইটে ভুলে নিয়ে গুলদামঘরে অদৃশ্য হলো। দু-মিনিট পরেই আরেকটা আরো বাঢ়িয়া ট্রে’র উপর সাজিয়ে নিয়ে এল স্মাটার সেট।

তালেবর ছোকরা করেছে কি, এবারে ঐ আগেকার সেটই উন্টা করে সাজিয়েছে, অর্থাৎ টী-কাপগুলোর আঙটাগুলো রয়েছে খন্দেরের বাঁ দিকে; তার মানে, খন্দের বাঁ-হাত বাড়ালে আঙুল ঠিক আঙটার যথাস্থানে পড়বে।

গ্যোবলস্ বাক্যব্যয়ে না করে যথামূল্যে সেট কিনে নিলেন।

বেরিয়ে এসে বললেন, ‘দেখলেন ইছদির চালাকিটা?’

হিটলার অতিশয় সরল দরদী কণ্ঠে বললেন, ‘চালাকিটা আবার কোথায়? ‘বেচারী আর্থের স্মাটা সেট ছিল না স্টকে, তো সে আর করবে কি?’

\* \* \*

এবারে সিরিয়স কথা :—ব্যাটারা বলে, তারা নাকি আর্থোত্তম। আরে মোলো, আর্থোত্তম যদি হবিই, তবে সর্ব-আর্থের—তা সে গ্রীকই হোক, লাতিনই হোক কিংবা তাদের বহু পূর্বের মিটানির হিটাইটই হোক—সর্বপ্রাচীন সংহিতা চতুর্বেদ আছে ভারতীয় আর্থের ঋতিতে ভিন্ন অল্প কোন ‘আর্থ’ গোমাইয়ের পট্টাক প্রত্যক্ষে ?

দিনের পর দিন নাগাড়ে চব্বিশ ঘণ্টা চুল্লিগুলো চালু রেখেও কাজ খতম হত না। গ্যাস চেম্বারে ইছদির চালুক মেয়ে মেয়ে ঢোকানো থেকে, চুল্লি চব্বিশ ঘণ্টা চালু রেখে তাতে লাল পুড়িয়ে ছাই করে জ্বলে ভাসানো পর্যন্ত সব কাজ করতো কোনো কোনো স্থলে ইছদিরাই। তাদের ছেড়ে দেওয়া হবে এই প্রলোভনে : পরে অবশ্য তাদেরও ঘাড়ে গুলি করে মারা হত, পিছন থেকে, অতর্কিতে।

কিন্তু, আমরা তো দিয়েছি অশ্রু—প্রথম ইহদিরা যখন জীবনমৃত্যুবন্ধায় নিমজ্জমান তরলীতে করে বোঝাই উপকূলে পৌঁছয়। গ্যাস-চেহারের কথা এই দু বা আড়াই হাজার বছর ধরে আমাদের মাথায়ই খেলল না! তবে, ইয়, এধানির কেউ কেউ বলেন, আমরা যে অশ্রুদেশে ইজরায়েল প্রেসিডেন্টের শুভা-গমনোপলক্ষে উদ্বাহ হয়ে 'লুভ' করি নি সেটা গ্যাস-চেহারে পোরার চেয়েও সখৎ গুনাহ! তোবা! তোবা!!

### ভাষা

হাট-বাজার, শাক-সবজি, দান-খয়রাৎ, দুখ-দরদ, ফাঁড়া-গর্দিশ, মান-ইজ্জৎ, লজ্জা-শরম, ভাই বেরাদর, দেশ-মুজুক, ধন-দৌলত, রাজা-বাদশা, রুড়-তুকান, হাসি-খুশী, মায়্যা-মহব্বৎ, জঙ্ক-জানোয়ার, সীমা-সরহদ—ইত্যাদি ইত্যাদি।

এম্বলে লক্ষ্য করার প্রথম তব্ব এই যে, প্রত্যেক সমাসের প্রথম শব্দটি খাঁটি দিশী ভারতীয় শব্দ; হাট, শাক, দান, দুখ, মান, লজ্জা, দেশ ইত্যাদি এবং দ্বিতীয় শব্দটি যাবনিক ( আরবী, ফার্সী, তুর্কী, হীক্ৰ গয়রহ্ ), যেমন বাজার, সবজী, খয়রাৎ, দর্দ ইত্যাদি। এবং দুটি শব্দই প্রায় সমার্থমুচক।

তাহলে প্রশ্ন, এ 'কুকর্মের' কি প্রয়োজন?

আমরা যখন সাধারণের কোনো অজানা ভাষা থেকে উদ্ধৃতি দিই, তখন বাঙলা অল্পবাদটি দি তার পরে। তাই আমরা যদি ইংরাজী প্রবন্ধে সংস্কৃত বা বাঙলা উদ্ধৃতি দিই তবে ইংরাজী অল্পবাদটি দি পরে। অর্থাৎ বাক্যে বোঝাতে যাচ্ছি, তার ভাষা আসে পরে।

তা হলে মনে করুন, মুসলমানের আগমনের কিছুকাল পরে কোনো হিন্দু (বা নবদীক্ষিত মুসলমানও হতে পারে, কারণ হিন্দু ধর্মবর্জন করে মুসলমান হয়ে গেলে রাতারাতি তার আরবী ফার্সী রপ্ত হয়ে যায় না) গেল মুসলমান শাসন-কর্তার কাছে বিচারের আশায়। বললে, 'ধর্মবতার, হজুর!—দেশ—' বলেই ধমকে দাঁড়ালো। ভাবলে 'হজুর কি "দেশ" শব্দটা জানেন! হজুর তো হাট-বাজারে ঘোরায়ুরি করে দিশী শব্দ শেখবার ফুর্সৎ পান না'—( অথচ আমাদের হিন্দুটি পেটের দায়ে, কাজের তাড়ায় বিদেশাগত মুসলমানদের সঙ্গে য়েলামেশা

১ কিন্তু শাক-ভাত, শাক-পাত, শাক-পাতেড়, শাকার, শাক-মাছ অল্প সমস্তার অল্প। স্থানাভাব না হলে সেটিরও আলোচনা করা হবে।

করার বলে কিছু কিছু যাবনিক শব্দ শিখে গিয়েছে) তাই 'দেশ' বলে ধমকে গিয়ে বললে 'মুহুক'—ওটা হজুরের যাবনিক শব্দ। অতএব শেষ পর্যন্ত তার নিবেদন দাঁড়ালো, 'দেশ-মুহুক ছারখার হয়ে গেল। রাজা-বাদশা ( আবার রাজা বলে ধমকে গিয়ে যাবনিক "বাদশা" বললে) আমাদের মত কাঙাল-গরীবের ( গরীব আরবী ) দুখ-দরদ ( দরদ, দর্দ কার্সী ) কে বুঝবে? আমাদের মান-ইচ্ছা ( ইচ্ছা আরবী ) ধন-দৌলত ( দৌলত যাবনিক ) সব গেল। মেয়ে-ছেলের লজ্জা-শরম ( শর্ম যাবনিক )ও আর বাঁচে না। রাত্তায় বেরোলেই দেখতে পাবেন, কারো মুখে হাসি-খুশী ( খুশী কার্সী ) নেই। হজুর অল্পমতি দেন—তাই-বেরাদর ( বেরাদর কার্সী ) নিয়ে মগের মুহুক চলে যাই।'

মনে করুন, কথার কথা কইছি, হজুর সত্যকার হজুর ছিলেন। হকার দিবে প্রতিবিধান করলেন।

আমাদের বঙ্গসন্তানটি বাড়ি ফিরে গৃহিনীকে আনন্দে ভগমগ হয়ে বললে, 'বুরলে গিন্নী, হজুর যা আমায় খাতির—' ( বলেই ধমকে দাঁড়ালো; হজুরের দরবারে 'খাতির' কথাটি খুবই চালু, সেইটেই এতক্ষণ ধরে দরবারে সে শুনেছে, তাই হুম করে সেটা ব্যবহার করে ছুচিস্তায় পড়লো, গিন্নী তো যাবনিক শব্দটা বুঝবে না, গিন্নী তো হাট-বাজারে গিয়ে যবনের সঙ্গে মেলা-মেশা করে এসব শব্দ শেখে নি—তাই সঙ্গে সঙ্গে বললে ) 'যত্ন—হজুর যা খাতির-যত্ন করলেন কি বলবো। আবার দোকান ( ফের মুশকিল—দোকান কার্সী শব্দ, তাই বললে 'হাট' [ হট্ট ] হাট খুলবে,—কোনো চিন্তা করো না গিন্নী! নারায়ণ, নারায়ণ!'

এ যুগে আবার ফিরে আসবো। কিন্তু তার পরবর্তী যুগে দেখুন, ইংরেজ boss-কে বলছি, 'শ্রার। আমি উকিল—( বলেই ধমকে দাঁড়ালুম, উকিল যত্নপি আসলে আরবী শব্দ, এদানির ইটি খাঁটি বাঙলা, শ্রার কি বুঝবেন?—তাই হস্তদস্ত হয়ে বললুম ) ব্যারিস্টার ( উকিল-ব্যারিস্টার ) লাগিয়েছিলুম। ষটি-( ঐ ষ্ যা! শ্রার বুঝবেন কি? ) গেলাস ( glass—এবার শ্রার বুঝবেন! )—ষটি-গেলাস বন্ধক দিয়েছি—তেনাদের জন্ত এরেক ( ফের ইংরাজি 'ব্রাণ্ডি' ) ব্রাণ্ডি, বিড়ি-সিগারেট ( দ্বিতীয়টা ইয়োরোপীয় ) যা গেছে সে আর বলে কাজ নেই!'

এই সব বলে-কয়ে তো ছুটি নিয়ে দেশে গেলুম। প্রথমেই ঠাকুরমাকে পেলাম।

বললুম, 'ঠাকুমা, পরে সব শুছিয়ে বলবো, এই বেলা শুনে নাও সংক্ষেপে। বড় মাসীর গুণধর ছোট ভাইটি নিয়েছেন ক্যাট ( আবার সেই হাকামা—ঠাকুমা হতো 'ক্যাট' বুঝবে না, অতএব বললুম ), ক্যাট-বাড়ি। আমাদের কাউকে না

শুনিতে করেছেন বিয়ে। কিন্তু ঠাকুমা, মেয়েটি কী স্বন্দর! একেবারে ডল (doll—সর্বনাশ, ঠাকুমা তো বুঝবে না, তা হলে ‘পুতুল’ বলি)-পুতুলের মত। কিন্তু হলে কি হয়! গুরু আছেন, ধন্মা আছেন। ব্যাস! এল বেড়ে টাইফয়েড-জ্বর (টাইফয়েড তো জ্বরই বটে—তবু ঠাকুমা যদি না বোঝেন, অতএব ‘জ্বর’টা বলতে হল); তুমি ভাবছো আমরা কিছুই করি নি। ডাক্তার (আবার সেই বিপদ, তাই বলতে হল) বন্ধি (ডাক্তার-বন্ধি) নিয়ে এলুম। কিন্তু কিছুতেই কিছু হল না।’

তাই আবার নিবেদন করছি, যাকে বোঝাচ্ছি তার বোধ্য শব্দটি আসে পরে।

এটা কিছু নূতন তত্ত্ব, আমাদের দেশের আজগুবা ব্যাপার নয়। ইংলেণ্ডেও নরমান বিজয়ের পর ইংরেজ যখন বিদেশী ছজুরের কাছে গিয়ে ফরিয়াদ বা রিপোর্ট দিত, তখন বলতো, ‘He is very meek and humble (meek খাঁটি ইংরিজি, কিন্তু humble বিজয়ী নরমানদের শব্দ), Sir, but it is odd and strange (odd ইংরিজী, strange নরমান), that although we thought it meet & proper (meet ইংরিজী, proper নরমান) that we should search every nook and corner (nook ইংরিজী, corner নরমান), our sorrow and grief (sorrow ইংরিজী, grief নরমান) know no bound that we did not find him’

তফাৎ শুধু এইটুকু যে ইংরেজ তখন দিলী ও বিদেশী শব্দের মাঝখানে and বসিয়েছে—meek and humble, odd and strange; আমরা বাঙালীরা ‘and’ ‘এবং’ বসাই নি; আমরা বলেছি, হাসি-খুশী, মান-ইজ্জৎ, দেশ-মূলুক।

পাঠক কিন্তু ভাববেন না, আমাদের সব সমাসই এ রকম।

জল-পানি, বাজার-উটকো, মাল-মশলা, ঘটি-বাটি, টোল-চতুপ্পাঠী, মস্তব-মাদ্রাসা, ইঙ্কুল-কলেজ অশ্রু ধরনের সমাস ॥

### কবিগুরু ও নন্দলাল

রসার্চাৰ্ঘ্য নন্দলাল বঙ্গুর জীবন এমনই বহু বিচিত্র ধারায় প্রবাহিত হয়েছে, তিনি এতই নব নব অভিব্যানে বেরিয়েছেন যে তার পরিপূর্ণ পরিচয় দেওয়া অতি কঠিন, জ্ঞমসাধ্য ও সময়সাপেক্ষ।- তদুপরি যিনি সে পরিচয় দিতে যাবেন তাঁকে সর্বরসসৃষ্টিতে অপৰ্বাণ্ড কোঁতুল ও সে রস আন্বাদন করার মত অপ্রচুক

স্পর্শকাতরতা থাকার একান্ত, অত্যন্ত প্রয়োজন। মানবসমাজে নন্দলাল ছিলেন স্বল্পভাবী তথা আত্মগোপনপ্রয়াসী—তঁার নীরবতার বর্ম ভেদ করে তাঁকে সর্বজন সম্মুখে স্বপ্রকাশ করার মত ক্ষমতা, সে প্রকাশের জন্ত প্রয়োজনীয় শৈলী ও ভাবার উপর অধিকার এ-যুগে অত্যন্ত আলঙ্কারিকেরই আছে। আমাদের নেই; আমরা সে দুঃসাহস করি নে।

আমরা তাঁকে চিনেছি, গুরু রূপে, রসস্থষ্টির জগতে বহু বিচিত্র পরীক্ষা-নিরীক্ষায় সতত রত শ্রষ্টা রূপে এবং কবিগুরুর অগ্রতম শ্রেষ্ঠ শিষ্য ও সহকর্মী রূপে। রবীন্দ্রনাথ তাঁর বিশ্বভারতীতে প্রধানত পণ্ডিতদেরই আমন্ত্রণ জানিয়েছিলেন— আচার্য বিধুশেখর, কিত্তিমোহন, অ্যানড্রুজ, কলিন্স, শ্রামের রাজগুরু, উইনটারনিংস, লেভি, গোস্বামী নিত্যানন্দ, জগদানন্দ ইত্যাদিকে। এঁদের কেউই রসশ্রষ্টা ছিলেন না, এমন কি যে দিনেন্দ্রনাথ সঙ্গীতে, কাব্যে অসাধারণ সৃজনশক্তি ধরতেন তিনি পর্যন্ত তাঁর নিজস্ব সৃজনশক্তির দ্বার রুদ্ধ করে সর্বক্ষমতা নিয়োজিত করেছিলেন রবীন্দ্রসঙ্গীতের রক্ষণাবেক্ষণ কর্মে। একমাত্র নন্দলালই এই পরিপূর্ণ পাণ্ডিত্যময় বাতাবরণের মাঝখানে অপ্রমত্ত চিত্তে আপন সৃষ্টিকর্মে নিয়োজিত ছিলেন।

রবি নন্দ সম্মেলন যেন মণিকাঞ্চন সংযোগ। এ তত্ত্ব অনস্বীকার্য যে রস কি, চিত্তে, প্রাচীরগাত্রে তথা দৃশ্যমান কলার অগ্ৰাঙ্গ মাধ্যমে তাকে কি প্রকারে মূময় করা যায় এ-সম্বন্ধে নন্দলাল তাঁর গুরু অবনীন্দ্রনাথের কাছে উৎকৃষ্টতম শিক্ষাদীক্ষা লাভ করেন। তাই নন্দলাল শান্তিনিকেতনে আগমন করার পূর্বেই বঙ্গদেশ তথা ভারতে সুপরিচিত ছিলেন ও পশ্চিমের বহু সদাজাগ্রত রসিকজনের মুগ্ধ দৃষ্টি আকর্ষণ করতে সক্ষম হয়েছিলেন। কিন্তু কবিগুরুর নিত্যালাপী সখা, সহকর্মী ও শিষ্য রূপে শান্তিনিকেতনে আসন গ্রহণ করার পর তাঁর চিন্ময়ভূবন ধীরে ধীরে সমৃদ্ধতর হতে লাগলো ও রবীন্দ্রাহূত পণ্ডিতমণ্ডলীর সংস্পর্শে এসে তিনি এমন সব বিষয়বস্তুর সঙ্গে পরিচিতি হলেন যেগুলো সচরাচর সাধারণ আর্টিস্টকে আকৃষ্ট করে না। একটি মাত্র উদাহরণ বিবেচন করি : শ্রষ্টা রবীন্দ্রনাথ ভারতবর্ষের ইতিহাসের ধারা সম্বন্ধে একাধিক প্রবন্ধ লিখেছেন, বিশ্বভারতীর সাহিত্য সভায় তথা অগ্ৰাঙ্গ জ্ঞানচক্রে শতাধিকবার আলোচনা করেছেন, তর্কবিতর্ক উত্থাপন করেছেন। ১৯২১ থেকে পূর্ণ কুড়িটি বৎসর এসব সম্মেলনে নন্দলাল উপস্থিত থাকতেন, কিন্তু আমি তাঁকে কখনো ( ১৯২১-২৬ ) এ সবতে অংশগ্রহণ করতে দেখি নি।

অথচ ১৯৩৬-৩৭-এ বরোদার মহারাজা যখন তাঁকে সেখানকার কীর্তিমন্দিরে দেয়ালছবি ( মুরাল ) আঁকতে অহুরোধ করলেন তখন তিনি চার দেয়ালে এঁকে

দিলেন 'ভারতবর্ষের ইতিহাসের ধারা' : ১। 'গঙ্গাবতরণ' ( গঙ্গা বিনা যে ভারতে আর্ষসভ্যতার পত্তন ও বিকাশ হত না সে কথা বলাই বাহ্য্য ), ২। 'কুরুক্ষেত্র', ৩। 'নটর পূজা', ৪। 'মীরাবাই' ( 'সন্তন সঙ্গ বৈঠ বৈঠ লোক লাঙ্গ খোঁজ'—চিত্রে )। আর্ষ, হিন্দু, বৌদ্ধ, মধ্যযুগীয় ভক্তি এই চার দৃষ্টিবিন্দু থেকে নন্দলাল দেখেছেন ভারতের সমগ্র ইতিহাস।

কিন্তু এহ বাহ্য। আসলে যত্বপি চিত্রের মাধ্যমে রসস্বষ্টি সম্বন্ধে নন্দলাল পরিপূর্ণ শিক্ষাদীক্ষা গুরু অবনৌজনাথের কাছ থেকে পেয়েছিলেন, সে রস কাব্যে, সঙ্গীতে, নৃত্যে কি ভাবে প্রকাশ পায় সেটি তিনি দেখতে পেলেন দিনের পর দিন, বহু বৎসর ধরে শান্তিনিকেতনে। রসের প্রকাশে কোন কলার অধিকার কতখানি নন্দলাল সে সম্বন্ধে পরিপূর্ণ মাত্রায় সচেতন হলেন শান্তিনিকেতনে, রবীন্দ্রনাথের সাহচর্যে। কারণ রবীন্দ্রনাথ প্রকৃত আলঙ্কারিকের ( নন্দনতত্ত্বজ্ঞের ) ছায়া রস নিয়ে আলোচনা করার সময় নিজেকে সাহিত্য, সঙ্গীত বা নাট্যরঙ্গের মধ্যে সীমাবদ্ধ রাখতেন না। স্বনামধন্য স্টেলা ক্রামরিশের সঙ্গে তিনি দিনের পর দিন রস নিয়ে যে আলোচনা ( হোয়াট ইজ আর্ট ? ) করেন তাতে টলস্টয়ের অলঙ্কার শাস্ত্রও বাদ পড়তো না এবং তিনি বেটোকনের 'ক্রয়েংসার সনর্টা'-র বিরুদ্ধে যে মন্তব্য প্রকাশ করেন সেটিও উভয়ের মধ্যে আলোচিত হত। এসব আলোচনা সাধারণত হত বিশ্বভারতীর সাহিত্য সভায়—এবং নন্দলাল সে-স্থলে নিত্য-নীরব শ্রোতা। সে-সময় নন্দলালের চিন্তাকুটিল লগাটের দিকে দৃষ্টিনিক্ষেপ করলেই স্পষ্ট বোঝা যেত, আর্ট সম্বন্ধে তাঁর যা ধারণা, অভিজ্ঞতা, তাঁর যা আদর্শ সেগুলোর সঙ্গে তিনি এ-সব আলোচনার মূল সিদ্ধান্ত, মীমাংসাহীন জল্পনা-কল্পনা সব কিছু মিলিয়ে মিলিয়ে দেখেছেন।

স্পষ্টই প্রতীয়মান হয়, নৃত্য যতখানি গতিশীল ( ডাইনামিক ) চিত্র ততখানি হতে পারে না। পক্ষান্তরে নটনটী রঙ্গমঞ্চ থেকে অন্তর্ধান করার সঙ্গে সঙ্গেই তার ভাঙ্গমতী থেকে যায় শুধু স্বভিত্তে—বাস্তবে সে অবলুপ্ত। কিন্তু চিত্র চোখের সামনে থাকে যুগ যুগ ধরে—এবং চিত্রের মত চিত্র হলে প্রতিবারেই যে তার থেকে আনন্দ পাই তাই নয়, প্রতিবারেই সেই প্রাচীন চিত্রে নব নব জিনিস আবিষ্কার করি, নিত্য নিত্য নবীন রসের সন্ধান পাই। তাই কোনো নৃত্য-দৃশ্য যদি চিত্রে পার্থক্যরূপে পরিষ্ফুট করা যায়, তবে মঞ্চ থেকে অন্তর্ধান করার সঙ্গে সঙ্গে যে-চিত্রের চিত্রতরে অবলুপ্ত হওয়ার কথা ছিল, সে হয়ে যায় অক্ষর অমর। কিন্তু 'চিত্রে পার্থক্যরূপে পরিষ্ফুট' করার অর্থ, সে যেন কটোগ্রাফ না হয়—তা হলে মনে হবে, মর্ডক-নর্ডকী নৃত্যকলা প্রকাশ করার সময় হঠাৎ যেন মুহূর্তেক ভয়ে পাষণ-

পুস্তকিকায় পরিণত হয়ে গিয়েছিলেন। ঠারাই নন্দলালের 'নটীর পূজা' চিত্রটি প্রাচীরগাজে দেখেছেন, তাঁরাই আমার সামান্য বক্তব্যটি সম্যক উপলব্ধি করতে পারবেন। সে চিত্র তো স্টাটিক নয়, 'স্বস্তিত' নয়—বস্তুত তার দিকে অনেকক্ষণ একদৃষ্টে তাকিয়ে থাকলে মনে হয়, এই বুঝি নটী আরেকখানি অলঙ্কার গাজ থেকে উন্মোচন করে দর্শকের দিকে, আপনারই দিকে অবহেলে উৎক্ষেপ করবে, এই বুঝি মৃদঙ্গে ভিন্ন তাল ভিন্ন লয়ের ইঙ্গিত ভেসে উঠবে আর সঙ্গে সঙ্গে নটী তার নৃত্য দ্রুততর করে দেবে, লাস্ত্র-নৃত্য তাণ্ডবে পরিণত হবে, মন্দমহর 'নমো হে নমো' অকস্মাত্ অতিশয় দ্রুত 'পদযুগ ঘিরে' 'চন্দ্রভানু'র মদমত্ত নৃত্যে নবীন বেশ গ্রহণ করবে।

বস্তুত আপন মনে তখন প্রের জাগবে, নন্দলাল মঞ্চে বিভাসিত যে-নৃত্য স্বচক্ষে দেখেছিলেন, সে-নৃত্য কি সত্যই এতখানি প্রাণবন্ত, উচ্ছ্বসিত—শাস্ত থেকে মহর, মহর থেকে উন্নত—প্রাবল বেগে ধাবিত ছিল, না তিনি অন্ধন করেছেন তাঁর নিজস্ব কল্পলোকের মৃদয় নৃত্যের আদর্শ প্রকাশ।

\*

\*

স্বপ্নের পরিপূর্ণ আনন্দ-রূপের ধ্যানের বীজমন্ত্র নন্দলাল গ্রহণ করেন কবি-গুরুর কাছ থেকে। এবং তার সর্বোচ্চ বিকাশে সে বীজের যেন কোনো চিহ্নই নেই। সে যেন পত্রপুষ্পে বিকশিত মহীক্লহ।

এবং একমাত্র নন্দলালই তাঁর গুরুর উপরও প্রভাব বিস্তার করেছিলেন। সকলেই জানেন, পরিপূর্ণ বুদ্ধ বয়সে কবি রবীন্দ্রনাথ চিত্রের মাধ্যমে আপন স্বজনী-শক্তি প্রকাশ করেন। কিন্তু কবির প্রভাবে ছবির নন্দলাল তো কখনো কবিতা রচনা করেন নি। ॥

### খেলেন দই রমাকান্ত

ইহুদি যাজক সম্প্রদায়ের সুপ্রভ শ্রীযুত লেভির সঙ্গে তাঁর বাড়িতে থানা খেতে যাচ্ছি। তাঁর আছে গল্পের অফুরন্ত ভাণ্ডার। তারই একটা ছাড়লেন :

“জারের আমলে রববার দিন গির্জের গেছে গ্রামের সবাই। রুশ জাতটা একদা ছিল বড়ই ধর্মামুরাগী। কুলোকে বলে, কুসংস্কারাচ্ছন্ন, ভূতপ্রেত-ভাবিল-কবচে-বিখাসী উজবুকের ভায়রাভাই। এবং সাতিলয় পাষাণেরা বলে, সেই প্রাচীন কুসংস্কারই আজ তাদের টেনে নিয়ে যায় লেনিনের দর্গায় শির্গা চড়াতে।”

তা সে যাক্ গে—মোদ্দা কথা : তারা কায়মনোবাক্যে বিশ্বাস করে, তাদের গায়ের পাজি সায়েব যা বলেন তাই আপ্তবাক্য। যত্বপি এসব পাত্রিদের অনেকেই নিজের নামটি পর্যন্ত সই করতে পারে না—”

আমি শুধালুম, “নিরক্ষর জন গির্জায় ধর্মোপদেশ দেয় কি প্রকারে ?”

বললেন, “আশ্চর্য! রাসপুতিন যে কী মাথার ঘাম পায়ে কেলে কুলে আড়াই আউন্স বাইবেল গলাধঃকরণ করতে পেরেছিলেন সে না হয় পড়ো নি, তাই জানো না। নিচ্ছেভো—অর্থাৎ কুছ পরোয়া নেহী। সেই আড়াই আউন্স বাইবেল ডাইলুট করে তিনি মহারানী জারিনা মায় জার প্রাসাদ জয় করলেন। তাঁকেও নাম সই করতে হলে যেমে নেয়ে কাঁই হতে হত।

আর এরই উল্টো দিক—অর্থাৎ ভালোর দিকের সর্বশ্রেষ্ঠ উদাহরণ খুঁজতে হলে অন্তত তোমাকে তো আর উত্তর মেরু থেকে দক্ষিণ মেরু অবধি মাকু মারতে হবে না। তোমার নবী পয়গম্বর তো ছিলেন সম্পূর্ণ নিরক্ষর! তা সে যাক্ গে!

সে রববারে পাত্রি সায়েবের সারমন বা বক্তৃতার বিষয়বস্তু ছিল ইহুদিরা কী অন্সায়ভাবে প্রভু যীশুকে ক্রুশের উপর খুন করলো। এ বিষয়ে বক্তৃতা শিক্ষিত অশিক্ষিত সব পাত্রিই দেন। তফাৎ শুধু এইটুকু যে, শিক্ষিত পাত্রি জানেন, প্রভু যীশু ক্রুশের উপর থেকে তাঁর হত্যাকারীদের ক্ষমা করে গিয়েছিলেন। তাই তিনি বক্তৃতা দেবার সময় সতত সতর্ক থাকেন, অস্ত্র খুঁটানগণ যেন উত্তেজিত হয়ে ইহুদি নির্ধাতন আরম্ভ না করে। কিন্তু ঐ যে রুশ পাত্রির কথা বলছিলুম, তিনি সেদিন উঠে পড়ে লেগে গিয়েছেন, কি প্রকারে মৃত জনতাকে প্রতিহিংসাপরায়ণ করে তোলা যায়। অবশ্য তার জন্ম অত্যধিক বাগ্মিতাশক্তির কোনো প্রয়োজন নেই—কারণ রুশ দেশে আবহমান কাল থেকে ইহুদিবিরিতা বংশাত্মকমে চলে আসছে। কাজেই সারমন শেষেই বিক্ষুব্ধ চাবীরা একজোট হয়ে ধাওয়া করলো মাঠের অগ্ন প্রাস্তরের খাস ইহুদি গ্রামটার দিকে। দূর থেকে তাদের চিংকার হুকার শুনে ইহুদিরা ব্যাপার কি জানবার জন্ম গ্রাম থেকে বেরিয়ে এল। তাদের চিংকারে তখন পরিষ্কার শোনা যাচ্ছে—‘খুন করবো, ব্যাটারদের খুন করে রক্ত দিয়ে রক্তের দাদ নেব!’

সবাই একে অগ্নকে চেনে। তাই ইহুদি গাঁওবুড়ারা করজোড়ে শুধালে, ‘আমরা কি অপরাধ করেছি যে আমাদের খুন করবে, এতকাল ধরে পাশাপাশি গ্রামে বাস করছি—’

উত্তেজিত জনতা বললে, ‘চালাকি রাখো। তোমরা আমাদের প্রভুকে খুন করেছ, তার দাদ আমরা নেবই নেব।’



যেন পর দিনের ঘটনা! লেভি গল্প বলা ফাস্ত দিলেন। কারণ হঠাৎ পিটির পিটির করে বুষ্টি নামলো। এই পোড়ার দেশে মনহন নেই বলে বারো মাসের যে কোনো দিন আচম্কা বুষ্টি নামে। আমি বললাম, “চলুন, হ্যার ডক্টর, ট্রাম শেড্-এ আশ্রয় নি।”

বললেন, “ছোঃ! কিস্ হু জানো না। ইহুদিরা ছাতা কেনে না কেন, তার খবর রাখো? খৃষ্টানদের বিশ্বাস, ইহুদিরা এমনই দুর্দান্ত চালাক যে, বুষ্টির ফাঁকে ফাঁকে জামাকাপড় বাঁচিয়ে দিয়া চলাফেরা করতে পারে। তারপর কি বলছিলুম?—সেই রুশ ইহুদিদের কথা। তারা ছিল সত্যই চালাক। চট করে ভেবে নিশ্চয় দেখলে, ঐ সব জড়ভরত কেরেস্তান রুশদের বোঝানো হবে অসম্ভব, ঘটনাটা ঘটেছে হু’ হাজার বছর পূর্বে, রুশ দেশে নয়—বহু দূর-দূরান্তরের প্যালেস্টাইনে—যারা মেরেছিল, তারা সেই দেশ ছেড়ে কবে কোন্ আত্মিযুগে ছড়িয়ে পড়েছে পৃথিবীর সর্বত্র, বিয়ে করেছে জাতেবেজাতে—এখন যাদের ঠাণ্ডাতে যাচ্ছে।—”

আমি বললুম, “বুঝেছি। খেলেন দই রমাকাস্ত, বিকারের বেলা গোবন্দন।”

লেভি বললেন, “লাখ কথার এক কথা।”

অতএব ইহুদি ডাক্তারিয়ারা হস্তদস্ত হয়ে বললে, ‘ইহুদিরা প্রভু যীশুকে না হক খুন করেছিল। এ তো অতিশয় সত্য কথা—বিশ্ব-সংসার জানে। কিন্তু তাই, তোমরা করেছ ভুল। আমরা, এ গাঁয়ের লোক, ঠুকে মারি নি—তা কখনো পারি! মেরে ছ—’ বলে আঙুল দিয়ে দেখালে পাশের গাঁ। বলল, ‘মেরেছে ঐ ও—ই গাঁয়ের ইহুদি রাস্কেলরা!’ বুঝলে তো ভায়া?” বলে লেভি গম্ভীর হয়ে গেলেন।

আমি একগাল হেসে বললাম, “যা শত্রু পরে পরে। কিন্তু গল্পটা তো সে রকম ঝাঁঝালো না—আপনার সেদিনকার রাকি, জানলার শাসি আর আয়নাতে তফাৎ নিয়ে গল্পটার মত?”

লেভি বললেন, “ক্যারেকটারিস্টিক গল্পের ফান্‌কশন হচ্ছে কোনো বিশেষ জাত বা শ্রেণী বা যা-ই হোক না কেন, তার ক্যারেকটার, তার বৈশিষ্ট্য ফুটিয়ে তোলা। ভেড়ার বাচ্চা আর নেকড়ে বাঘের মধ্যে তর্কাতর্কি নিয়ে যে গল্প ঈসপ লিখেছেন, সেটাতে ঝাঁঝ কোথায়? কিন্তু গল্পটা সাতিশয় ক্যারেকটারিস্টিক—অর্থাৎ ভেড়া আর নেকড়ের ক্যারেকটার ওতে চমৎকার ফুটে উঠেছে—নইলে গল্পটা দেশ-দেশান্তরে ছড়িয়ে পড়লো কি করে, আর এত যুগ ধরে বেঁচে আছেই বা কি করে? আমি রুশ ইহুদিদের সম্বন্ধে যে গল্পটা বললুম—গল্প না হয়ে সত্য ঘটনাও হতে পারে—সেটা কিন্তু সর্ব-ইহুদিদের সম্বন্ধেই প্রযোজ্য। বিপদকালে তারা

এক হতে তো জানেই না, বরঞ্চ নিজেকে বাঁচাবার জন্য তার জাতভাই অল্প ইহুদিকে বিসর্জন দিতেও তার বাধে না।”

আমি বললুম, “উহু।”

“মানে?”

আমি বললুম, “আমার দেশ বাঙলার উত্তর প্রান্তে এক শ্রেণীর ব্রাহ্মণ আছেন, তাঁদের সম্বন্ধে বলা হয়, স্বার্থ থাক আর নাই থাক, তাঁরা একে অল্পের সাহায্য-কম্মিনকালেও করেন না। একটা নদী পেরুবার সময় নাকি পর পর পাঁচজন ব্রাহ্মণ একটা পাথরে ঠোকর খান, কিন্তু কেউই পরের জনকে হুঁশিয়ার করে দেবার প্রয়োজন বোধ করেন নি। শেষটায় একজন যখন ‘বাপ রে’ বলে অল্পদের সাবধান করে দিলে, তখন তাঁরা সবাই সম্মুখে চিংকার করে বললেন, ‘ব্যাটা নিশ্চয়ই আমাদের শ্রেণীর ব্রাহ্মণ নয়।’ তখন ধরা পড়লো, সত্যি, সে অল্প শ্রেণীর ব্রাহ্মণ—বর্ণচোরা আঁবের মত এঁদের সঙ্গে মিশে এঁদেরই একজন হতে চেয়েছিল। গল্পটা আপনাই সংজ্ঞা অহুযায়ী খুবই ক্যারেকটারিস্টিক বটে, কিন্তু আমার মনে এ বাবদে একটা ঘোঁকা রয়ে গেছে।”

লেভি বললেন, “তুমি দেখি হেরোডকেও হেরোডস শেখাতে চললে—অর্থাৎ যাকে বলে গুরুমারা বিঘ্নেতে ওস্তাদ হয়ে উঠছো। বুঝিয়ে বলো।”

আমি বললাম, “যে ব্রাহ্মণ শ্রেণীর গল্পটি আপনাকে বললাম, তাঁরা যে অতিশয় তীক্ষ্ণ বুদ্ধি ধরেন, সে-বিষয়ে কোন সন্দেহ নেই, এবং বুদ্ধিমান জীব মাজেই ঐক্যে বিশ্বাস করে। তাই আমি বহুকাল ধরে পর্যবেক্ষণ করে স্থির সিদ্ধান্তে পৌঁছলুম, এঁরা একে অল্পকে খুবই সাহায্য করে থাকেন—যে রকম ক্রীমেসনরা একে অল্পের প্রতি বড়ই সদয়—কিন্তু সে সাহায্যটি করেন অতিশয় সঙ্কোপনে। এবং অল্প শ্রেণীর ব্রাহ্মণরা যাতে করে এ-তত্ত্বটি আবিষ্কার না করতে পারেন, তাই তাঁরা নিজেরাই বাজারে একাধিক কামুফ্লাজ গল্প ছেড়েছেন এই মর্মে যে, তাঁদের ভিতর মারাত্মক ঐক্যভাব। তাই আমার মনে হয়, আপনি যে গল্প দিয়ে প্রমাণ করতে চাইলেন, ইহুদিরা সজ্ববদ্ধ হয় না, সেটা স্বয়ং ইহুদিরাই তৈরি করেছেন, খুষ্টানদের সন্দেহ না জাগানোর জন্য।”

ইহুদি আর স্বচমেনের একটা মহৎ গুণ—তাঁদের নিয়ে কেউ রসিকতা করলে সেটা তারা উপভোগ করতে পারে। লেভি আমার সত্য-সিদ্ধান্ত শুনে হেসে বললেন, “এটা আজ খানা-টেবিলে আমি পেশ করবো। দেখি, ঠাকুন্দা-বাবা কি বলেন। কিন্তু জানো, এর থেকে একটা গুরুতর সমস্যায় উপনীত হওয়া যায়। তুমিই সেদিন প্রশ্ন করেছিলে, ইহুদিরা যে প্যালােস্টাইনে ‘হোম’ বানাতে

চায়, সেটা ভালো না মন্দ? আমি বলেছিলুম, সময় এলে আলোচনা করা যাবে। তাই এখানে প্রঙ্গ শুধানো যায়, পৃথিবীর সব ইছদি এই হোম চায় কি না? এই দাবির পিছনে কি তারা ঐক্যবদ্ধ? তোমার প্যারা কবি হাইনে একদা এই আন্দোলনের সঙ্গে—ঠিক ঠিক বলতে গেলে ঐ আন্দোলনের আলোচনা-চক্রের সঙ্গে—সংযুক্ত হন। কিন্তু কিছুদিনের ভিতরই তিনি সে-চক্র থেকে নিজেকে মুক্ত করে ফেলেন। তার থেকে অবশ্য এ'টা বলা চলে না, প্যালেস্টাইনে ইছদি হোম নির্মাণের ব্যাপারে তাঁর কোনো গুৎস্বকা ছিল না। আসলে ব্যাপারটা অল্প ধরনের; সংখ্যালঘুদের ভিতর এক রকম লোক থাকে, যারা আপন সম্প্রদায়ের ক্ষুদ্র গণ্ডির ভিতর নিজেকে সীমাবদ্ধ করে রাখতে চায় না—তারা ভাবে, বাড়িতে বাপ-ভাই তো সে-গণ্ডি বানিয়ে রেখেছেনই, বাইরে গিয়েও তাঁদেরই জাতভাইদের সঙ্গে মিশে কি লাভ? আমার মনে হয়, হাইনের বেলা হয়েছিল তাই।” তারপর হঠাৎ রাত্তার উপরই ধমকে দাঁড়িয়ে বললেন, “তোমার দেশে তুমিও তো লঘু সম্প্রদায়ের লোক। তুমি দেশে কাদের সঙ্গে মেলামেশা করো?” উত্তর দেবার পূর্বেই তিনি বললেন, “এ-বিষয় নিয়ে অনেকক্ষণ আলোচনা চলতে পারে, অতএব এটা এখন মূলত্ববী ষাক, কারণ, বাড়ি পৌঁছে গিয়েছি।”

বাউমশুল আলের শেষ প্রান্তে ছোট্ট একখানা ছিমছাম তেতলা বাড়ি।

ল্যাচ কী দিয়ে দরজা খুলে বললেন, “স্বাগত জানাই তোমাকে। মদলা হোক, জয় হোক তোমার। তোমার বংশধর যেন অসংখ্য হয়।”

চতুঃপদ

## রবি-পুরাণ

রবীন্দ্রনাথের জন্মদিনে প্রচুর বক্তৃতা প্রচুরতর প্রবন্ধ এবং অল্প-বিস্তর বেতার কার্যকলাপের ব্যবস্থা এদেশের গুণী-জ্ঞানীরা করে থাকেন। সেই অবসরে কেউ কেউ আমাকেও স্মরণ করেন। আপাত-দৃষ্টিতে মনে হওয়া অস্বাভাবিক নয় যে এঁরা আমার কল্যাণ কামনা করেন; সরল জনের পক্ষে অহুমান করা অসম্ভব নয় যে এই করে হয়তো দেশে আমার নামটা কিঞ্চিৎ ছড়িয়ে পড়বে। কিন্তু আসলে ঠাঁরা আমাকে স্মরণ করেন তাঁরা আমার প্রাণের বৈরী। এঁরা আমাকে সর্বজন-সমক্ষে দাঁড় করিয়ে দিয়ে বলতে চান, 'দেখো, এ লোকটা কত বড় গণ্ডমূৰ্খ; কবি-গুরু সংস্পর্শে এসেও এর কিছু হল না। সাথে কি আর তুলসীদাস রামচরিত-মানসে বলেছেন,

“মূৰ্খ হৃদয় ন চেৎ, যদপি মিলয়ে

গুরু বিরিকি শত”

“শত ব্রহ্মা গুরুপদ নিলেও মূৰ্খের

হৃদয়ে চেতনা হয় না”

আমি মূৰ্খ হতে পারি কিন্তু এতখানি মূৰ্খ নই যে তাঁদের দুইবুদ্ধিজাত নষ্টামির চিন্তা ধরতে পারবো না।

তাই ঐ সময়টায় আমি গা-ঢাকা দিয়ে থাকি। নিতান্ত কারো সঙ্গে দেখা হলে বলি, এনজাইনা ধুম্বোসিস হয়েছে। এনজাইনা পিক্টরিন্ কিংবা করোনারি ধুম্বোসিস-এর যে কোনো একটার নাম শুনলেই স্বস্থ মাতৃবের হৃৎপিণ্ড বন্ধ হয়ে ঘাবার উপক্রম করে—আমার ঐ দ্বন্দ্ব সমাস শুনে আমাকে তখন আর কেউ বড় একটা ধ্যাটায় না।

অথচ রবীন্দ্রনাথ সঙ্কে হু'একটি কথা বলবার সাধ যে আমার হয় না, তাও নয়। অবশ্য তাঁর কাব্য, নাট্য কিংবা জীবনদর্শন সঙ্কে নয়। অতখানি কাণ্ড-জ্ঞান বা কমনসেন্স আমার আছে। আমার বলতে ইচ্ছে করে সেই জিনিস, ইংরিজিতে থাকে বলে লাইটার সাইড। এই যেমন মনে করুন, তিনি গল্পগুজোব করতে ভালোবাসতেন কি না, প্রিয়জনের সঙ্গে হাস্যপরিহাস করতেন কি না, ডাইনিঙ-রমে বসে চেয়ার টেবিলে ছুরিকাটা দিয়ে ছিমছাম ভাবে সান্নেহী কার্যদায় খেতেন, না রান্নাঘরের বারান্দায় হাপুস-হপুস শব্দে মাদ্রাজী স্টাইলে পাড়া সচকিত করে পর্বটি সমাধান করে সর্বশেষে কাবুলী কার্যদায় ধোঁৎ ধোঁৎ করে টেঁকুর তুলতে তুলতে বাঙালী কার্যদায় চটি কটকটিয়ে খড়কের সন্ধানে বেরতেন ?

কেউ তাঁকে প্রেমপত্র লিখলে তিনি কি করতেন? কিম্বা ডিহি শ্রীরামপুর ছুই নখর বাই লেন তাদের কফল-বিতরণী সভায় তাঁকে প্রধান অতিথি করার ক্ষমত্বুলোত্তুলি লাগালে তিনি সেটা এড়াবার ক্ষমত্ব কোন্ পন্থা অবলম্বন করতেন? কিম্বা কেউ টাকা ধার চাইলে?

ভালোই হল টাকা ধারের কথা মনে পড়ল।

‘দেহলী’র উপরে থাকতেন তিনি, নিচের তলায় তাঁর নাতি দিনেন্দ্রনাথ ঠাকুর, ওরফে দিহুবাবু।

তাঁরই বারান্দায় বসে আশ-কথা-পাশ-কথা নানা কথা হচ্ছে। হতে হতে টাকা ধার নেওয়ার কথা উঠলো। হঠাৎ রবীন্দ্রনাথ বললেন, ‘বুঝলি, দিহু, আমার কাছ থেকে একবার একজন লোক দশ টাকা ধার নিয়ে গলগল কর্তে বললে, “আপনার কাছে আমি চিরঋণী হয়ে রইলুম।” সভায় খাঁরা ছিলেন তাঁরা পম্বেষ্টার্টা ঠিক কি বুঝতে না পেরে চূপ করে রইলেন। আক্টার অল, গুরুদেবের পক্ষেও কালে-কন্মিনে কাঁচা রসিকতা করা অসম্ভব নাও হতে পারে।

ধানিকক্ষণ পরে দীর্ঘনিশ্বাস কেলে গুরুদেব বললেন, ‘লোকটার শতদোষ থাকলেও একটা গুণ ছিল। লোকটা সভ্যভাষী। কথা ঠিক রেখেছিল। চিরঋণী হয়েই রইল।’

শ্রীযুত বিধুশেখর শাস্ত্রী, নেপালচন্দ্র রায় ইত্যাদি মুসকীরা অট্টহাস্ত করে-ছিলেন। আমরা, অর্থাৎ চ্যাংড়ারা, থামের আড়ালে ফিক্কিক্ করেছিলুম।

এ গল্পটি আমি একাধিক লোকের মারফৎ পরেও শুনেছি। হয়তো তিনি গল্পটি একাধিক সভা-মঞ্জলিসে বলেছেন। এবং গল্পটি আর্দৌ তাঁর নিজের বানানো না অন্তের কাছ থেকে ধার নেওয়া সে-কথাও হলফ করে বলতে পারবো না। কারণ কাব্যানুশাসনের টাকা লিখতে গিয়ে আলঙ্কারিক হেমচন্দ্র বলেছেন, ‘নাস্ত্য চোরঃ কবিজনঃ নাস্ত্য চোরো বণিক্জনঃ’—অর্থাৎ ‘বড় বিত্তা’টি বিলক্ষণ রপ্ত আছে শ্রাকরার এবং কবি মাত্তেরই।

তা হক্। মহাকবি হাইনরিষ্ হাইনে তাতে কণামাত্র আপত্তি না তুলে বলেছেন, ‘যারা কবির রচনাতে “নির্ভেজাল” অরিজিনালিটি খোঁজে তারা চিবা ক মাকড়ের জাল, কারণ একমাত্র মাকড়ই তার জালটি তৈরি করে আপন পেটের মাল দিয়ে, বোল আনা অরিজিনাল; আমি কিন্তু খেতে ভালোবাসি মধু, যদিও বেশ ভালো ভাবেই জানি মধুভাণ্ডের প্রটিটি ফোঁটা ফুলের কাছ থেকে চোরাই করা মাল।’

কিন্তু রবীন্দ্রনাথ সম্বন্ধে প্রচলিত গল্পের ভিতর আমার সব চেয়ে ভালো লাগে

‘গুরুদেব-ভাণ্ডারে’ কাহিনী। অবশ্য আমার মনে হয়, গল্পটির নাম ‘ভাণ্ডারে-গুরুদেব’ কাহিনী দিলে ভালো হয়, কারণ কাহিনীটি সম্পূর্ণ নির্ভর করছে, ভাণ্ডারের একটি সংকর্মের উপর। তুলনা দিয়ে বলতে পারি, অধ্যাপক সত্যেন্দ্রনাথ বসু যখন তাঁর বৈজ্ঞানিক আবিষ্কার জগজ্জন সম্মুখে প্রকাশ করলেন তখন কালা আদমির কেবলানী বরণাস্ত না করতে পেরে ইংরেজ আবিষ্কারটার নামকরণ করলে ‘আইন-স্টাইন-বোস থিয়রি’। স্বয়ং আইনস্টাইন তখন নাকি প্রতিবাদ জানিয়ে বলেছিলেন, ওটার নাম হয় হবে শুধুমাত্র ‘বোস থিয়রি’ নয় ‘বোস-আইনস্টাইন থিয়রি’। এ-সব অবশ্য আমাদের শোনা কথা। ভুল হলে পুঞ্জোর বাজারের বিলাস বলে ধরে নেবেন।

রবীন্দ্রনাথের রাজনৈতিক চিন্তাধারা ইংরেজ পছন্দ করতো না বলে শান্তিনিকেতন আশ্রমটিকে নষ্ট করার জগু ইংরেজ একটি হুমু গুজোব বাজারে ছড়ায়—শান্তিনিকেতনের ইন্সুল আসলে রিকরমেটরি। অন্তত এই আমার বিশ্বাস।

খুব সম্ভব তারই কলে আশ্রমে মারাঠী ছেলে ভাণ্ডারের উদয়।

ইন্সুলের মধ্য বিভাগে বীথিকা-ঘরে ভাণ্ডারে সীট পেলে। এ ঘরটি এখন আর নেই তবে ভিতটি স্পষ্ট দেখতে পাওয়া যায়। তারই সম্মুখে দিয়ে গেছে শালবীথি। তারই এক প্রান্তে লাইব্রেরি, অপর প্রান্তে দেহলী। গুরুদেব তখন থাকতেন দেহলীতে।

দেহলী থেকে বেরিয়ে, শালবীথি হয়ে গুরুদেব চলেছেন লাইব্রেরীর দিকে। পরনে লম্বা জোকা, মাথায় কালো টুপি। ভাণ্ডারে দেখামাত্রই ছুটলো তাঁর দিকে। আর সব ছেলেরা অবাক। ছোকরা আশ্রমে এসেছে দশ মিনিট হয় কি না হয়। এরই মধ্যে কাউকে কিছু ভালো-মন্দ না শুধিয়ে ছুটলো গুরুদেবের দিকে।

আড়াল থেকে সবাই দেখলে ভাণ্ডারে ‘গুরুদেবকে কি যেন একটা বললে। গুরুদেব মূহু হাস্ত করলেন। মনে হল যেন অল্প অল্প আপত্তি জানাচ্ছেন। ভাণ্ডারে চাপ দিচ্ছে। শেষটায় ভাণ্ডারে গুরুদেবের হাতে কি একটা গুঁজে দিলে। গুরুদেব আবার মূহু হাস্ত করে জোকায় নিচে হাত চালিয়ে ভিতরের জেবে সেটি রেখে দিলেন। ভাণ্ডারে এক গাল হেসে ডরমিটরিতে ফিরে এল। প্রশ্নাম না, নমস্কার পর্যন্ত না।

সবাই শুধালে, ‘গুরুদেবকে কি দিলি?’

ভাণ্ডারে ভার মারাঠী-হিন্দীতে বললে, ‘গুরুদেব কোন্? ওহু তো দরবেশ হৈ।’

‘বলিস কি রে, ও তো গুরুদেব হায়।’

‘ক্যা “গুরুদেব” “গুরুদেব” করতা হৈ। হম্ উসকো এক অঠন্নী দিয়া।’

বলে কি ? মাথা ধারাপ না বন্ধ পাগল ? গুরুদেবকে আধুলি দিয়েছে।

জিজ্ঞেসাবাদ করে জানা গেল, দেশ ছাড়ার সময় ভাণ্ডারের ঠাকুরমা তাকে নাকি উপদেশ দিয়েছেন, সন্ন্যাসী দরবেশকে দানদক্ষিণা করতে। ভাণ্ডারে তাঁরই কথামত দরবেশকে একটি আধুলি দিয়েছে। তবে হ্যাঁ, দরবেশ বাবাজী প্রথমটায় একটু আপত্তি জানিয়েছিল বটে, কিন্তু ভাণ্ডারে চালাক ছোকরা, সহজে দমে না, চালাকি নয়, বাবা, একটি পুরী অঠন্নী।

চল্লিশ বছরের আগের কথা। অঠন্নী সামান্য পয়সা, এ-কথা কেউ বলে নি। কিন্তু ভাণ্ডারেকে এটা কিছুতেই বোঝানো গেল না যে তার দানের পাত্র দরবেশ নয়, স্বয়ং গুরুদেব।

ভাণ্ডারের ভুল ভাঙতে কতদিন লেগেছিল আশ্রম পুরাণ এ-বিষয়ে নীরব। কিন্তু সেটা এ-স্থলে অবাস্তর।

ইতিমধ্যে ভাণ্ডারে তার স্বরূপ প্রকাশ করেছে। ছেলেরা অস্থির, মাস্টাররা জ্বালাতন, চতুর্দিকে পরিত্রাহি আর্তরব।

হেড মাস্টার জগদানন্দবাবু এককালে রবীন্দ্রনাথের জমিদারী-সেরেস্ভায় কাজ করেছিলেন। লেঠেল ঠ্যাঙানো ছিল তাঁর প্রধান কর্ম। তিনি পর্যন্ত এই ছুঁদে ছেলের সামনে হার মেনে গুরুদেবকে জানালেন।

আশ্রম-স্মৃতি বলেন, গুরুদেব ভাণ্ডারেকে ডেকে পাঠিয়ে বললেন, ‘হ্যাঁ রে, ভাণ্ডারে, এ কি কথা শুনি ?’

ভাণ্ডারে চুপ।

গুরুদেব নাকি কাতর নয়নে বললেন, ‘হ্যাঁ রে ভাণ্ডারে, শেষ পর্যন্ত তুই এসব আরম্ভ করলি ? তোর মত ভালো ছেলে আমি আজ পর্যন্ত দেখি নি। আর তুই এখন আরম্ভ করলি এমন সব জিনিস যার জন্ম সঙ্কলের সামনে আমাকে মাথা নিচু করতে হচ্ছে। মনে আছে, তুই যখন প্রথম এলি তখন কি রকম ভালো ছেলে ছিলি ? মনে নেই, তুই দান-খয়রাত পর্যন্ত করতিস ? আমাকে পর্যন্ত তুই একটি পুরো আধুলি দিয়েছিলি ? আজ পর্যন্ত কত ছাত্র এল গেল কেউ আমাকে একটি পয়সা পর্যন্ত দেয় নি। সেই আধুলিটি আমি কত বস্ত্রে তুলে রেখেছি। দেখাবি ?’

\*

\*

তার ছ’এক বৎসরের পর আমি শান্তিনিকেতনে আসি। মারাঠী সন্ধীভক্ত



স্বর্গীয় ভীমরাও শাস্ত্রী তখন সকালবেলায় বৈভালিক লীড করতেন। তার কিছুদিন পর ত্রীমুখ অনাদি দস্তিদার। তারপর ভাণ্ডারে।

চল্লিশ বছর হয়ে গিয়েছে। এখনো যেন দেখতে পাই ছোকরা ভাণ্ডারে ঐবভালিকে গাইছে,

এ দিন আজি কোন্ ঘরে গো

“থুলে দিল দ্বার।

আজি প্রাতে নূরু ওঠা

সকল হল কার ॥

### শ্রীশ্রীরামকৃষ্ণ পরমহংসদেব

ধর্মের ইতিহাসে দেখা যায়, কোনো সভ্য জাতির বিস্তারশালী সম্রাজ্ঞ সম্রাটদের মাতৃভাষা কিংবা অন্য কোনো বোধ্য ভাষাতে যদি ধর্মচর্চা না থাকে তবে সে সম্রাটের ক্রিয়া-কর্ম ও পাল-পার্বণ নিয়েই মত্ত থাকে। এই তত্ত্বটি ভারতবাসীর ক্ষেত্রে অধিকতর প্রযোজ্য। কারণ, তারা স্বভাবতঃ এবং ঐতিহ্যবশতঃ ধর্মাহুরাগী। তার কোনো বোধ্য ভাষাতে সত্যধর্মের মূলস্বরূপ সঙ্কে কোনো নির্দেশ না থাকলে সে তখন সব কিছু হারাবার ভয়ে ধর্মের বহিরাচরণ অর্থাৎ তার খোলস ক্রিয়াকর্মকেই আঁকড়ে ধরে থাকে।<sup>১</sup>

কলকাতা অর্বাচীন শহর। যে সব হিন্দু এ শহরের গোড়াপত্তনকালে ইংরেজের সাহায্য করে বিস্তারশালী হন, তাঁদের ভিতর সংস্কৃত ভাষার কোনো চর্চা ছিল না। বাঙলা গল্প তখনো জন্মলাভ করে নি। কাজেই মাতৃভাষার মাধ্যমে যে তাঁরা সত্যধর্মের সন্ধান পাবেন তারও কোনো উপায় ছিল না। ওদিকে আবার বাঙালী ধর্মপ্রাণ। তাই সে তখন কলকাতা শহরে পাল-পার্বণে যা সমারোহ করলো তা দেখে অধিকতর বিস্তারশালী শাসক ইংরেজ-সম্রাটের পর্যন্ত সন্তুষ্ট হল। এর শেষ-রেশ ‘হুতোমে’ পাওয়া যায়।

জাতির উত্থান-পতনেও এ অবস্থা বার বার ঘটে থাকে। এবং সমগ্রভাবে

১ বর্তমান লেখকের মনে সন্দেহ আছে, শাক্য মূনির আবির্ভাবের ঠিক পূর্বেই এই পরিস্থিতি হয়েছিল। বৈদিক ভাষা তখন প্রায় অবোধ্য হয়ে ঝাড়িয়েছিল বলেই ক্রিয়াকর্ম-যাগযজ্ঞ-পণ্ডিতত্যা তখন সত্য-ধর্মের স্থান অধিকার করে বসেছিল। বুদ্ধদেব তখন এরই বিরুদ্ধে সত্যধর্ম প্রচার করেন ও সবজন-বোধ্য লোকায়ত্ত প্রাকৃত (পরে পালি নামে পরিচিত) ভাষার শরণ নেন।

বিচার করতে গেলে ভাতে করে জাতির বিশেষ কোনো ক্ষতি হয় না। গরীব-দুঃখীর তথা সমগ্র সমাজের ক্ষতি এর একটা অর্থনৈতিক মূল্য তো আছে বটেই, তদুপরি এক যুগের অত্যধিক পালপার্বণের মোহকে পরবর্তী যুগের ঐকান্তিক ধ্যান-ধারণা অনেকখানি ক্ষতিপূরণ করে দেয়।

কিন্তু বিপদ ঘটে, যখন ঐ ক্রিয়াকর্মের যুগে হঠাৎ এক বিদেশী ধর্ম এসে উপস্থিত হয়, তার চিন্তাধারা তার সত্যপথ সন্ধানের আন্দোলন-আলোড়ন নিয়ে। এবং এই ধর্মজিজ্ঞাসার সঙ্গে সঙ্গে যদি অগ্রাচ্ছ রাজনৈতিক, অর্থনৈতিক এবং সামাজিক (কৈং, মিল ইত্যাদি) প্রশ্নের যুক্তিতর্কমূলক আলোচনা-গবেষণা বিজড়িত থাকে তবে ক্রিয়াকর্মাসক্ত সমাজের পক্ষে তখন সমূহ বিপদ উপস্থিত হয়। বাঙালী সমাজের অগ্রণীগণ ইংরেজের সঙ্গে ব্যবসা-বাণিজ্য করতে গিয়ে অনেকখানি ইংরেজী শিখে ফেলেছেন এবং খৃষ্টধর্মের মূলতত্ত্ব, তার মহান আদর্শবাদ, সেই ধর্মে অল্পপ্রাণিত মহাজনগণের সমাজসংস্কার প্রচেষ্টা তাঁদের মনকে বার বার বিক্ষুব্ধ করে তুলেছে—তাঁদের মনে প্রশ্ন জেগেছে, আমাদের ধর্মে আছে কি, আছে তো শুধু দেখতে পাই অন্তঃসারণ্য পূজা-পার্বণ, আর ওদের ধর্মে দেখি, স্বয়ং ভগবান পিতারূপে মানুষের হৃদয়হারের কাছে এসে দাঁড়িয়েছেন। তাঁকে পেলে এই অর্থহীন জীবন আপন চরম মূল্য লাভ করে, দুঃখ-দৈন্য আশা-আকাঙ্ক্ষা এক পরম পরিসমাপ্তিতে অনন্ত জীবন লাভ করে।

হিন্দুশাস্ত্রের অতি সামান্য অংশও যারা অধ্যয়ন করেছেন তাঁরাই জানেন, এ সব কিছু নূতন তত্ত্ব নয়। বস্তুতঃ জীবনসমস্যা ও ধর্মে তার সমাধান এই অবলম্বন করেই আমাদের সর্বশাস্ত্র গড়ে উঠেছে। একদিকে দৈনন্দিন জীবনের অন্তহীন প্রলোভন, অন্য দিকে সত্যনিষ্ঠার প্রতি ধর্মের কঠোর কঠিন আদেশ—এ দুয়ের মাঝখানে মানুষ কি প্রকারে সার্থক গৃহী হতে পারে, সেই পন্থাই তো আমাদের শাস্ত্রকারগণ যুগে যুগে দেখিয়ে গিয়েছেন।

কিন্তু এ সব তত্ত্ব যারা জানতেন তাঁরা থাকতেন গ্রামে, তাঁরা পড়তেন পড়তেন টোল'চতুস্পাঠীতে এবং তাঁরা ইংরেজের সংস্পর্শে আসেন নি বলে ওদের ধর্ম যে নাগরিক হিন্দুকে নানা প্রশ্নে বিচলিত করে তুলেছে সে সংবাদও তাঁদের কানে এসে পৌঁছয় নি।

আর সব চেয়ে আশ্চর্য, এই সব 'টোলো' 'বিটলে বামুন'রা যে শুধু পাত্রী সাহেবদের সঙ্গে তর্কযুদ্ধে আপন ধর্মের মর্যাদা মহিমা অক্ষুণ্ণ রাখতে পারতো তা নয়, তারা যে কান্ট-হেগেলের চেলাদের সঙ্গে বিস্তৃত দর্শনের ক্ষেত্রেও সংগ্রাম করতে প্রস্তুত ছিল—এ তথ্যটিও নাগরিক হিন্দুদের সম্পূর্ণ অজানা ছিল।

‘ঘরের কাছে নিই নে খবর, খুঁজতে গেলাম দিল্লি শহর’ লালন কাকিয়ের অর্থহীন সীত নয়।<sup>২</sup> এঁরা সত্যই জানতেন না, আমাদের টোলে শুধু মার্চ নন, নৈমিত্তিকও ছিলেন, এবং মার্চরাও যে শুধু তৈলবট নিয়ে বিধান দিতেন তাই নয়, তাঁরা সে বিধানের সামাজিক মূল্যও যুক্তি-তর্ক দিয়ে প্রমাণ করতে পারতেন।

কলকাতায় চিন্তাশীল গুণীজন তখন এই পরিস্থিতি দেখে বিচলিত হয়েছিলেন।

সৌভাগ্যক্রমে এই সময় রাজা রামমোহন রায়ের উদয় হল। তাঁর ব্রাহ্ম-আন্দোলন যে বাঙালী জাতির কি পরিমাণ উপকার করেছে, এই ব্রাহ্মসমাজের কীর্তিমান পুরুষসিংহ রবীন্দ্রনাথ বাঙলা সাহিত্যকে যে কি পরিমাণ ঐশ্বর্যশালী ও বহুমুখী করে গিয়েছেন, তার সম্পূর্ণ হিসাব নিকাশ এখনো শেষ হয় নি। বাঙালী সাধক, বাঙালী লেখক, বাঙালী পাঠক সকলেই সে-কথা স্বীকার করেছেন। স্বয়ং শ্রীশ্রীরামকৃষ্ণ পরমহংসদেব বলেছেন—

এদানির ব্রাহ্মধর্ম যায় ছড়াছড়ি

তাহারেও বার বার নমস্কার করি ॥

‘ছড়াছড়ি’ শব্দে তখনকার দিনে প্রচলিত একটু ক্ষুদ্র তাচ্ছিল্য লুকানো রয়েছে। পরমহংসদেব সেটিকেও ‘নমস্কার’ করেছেন।

রাজা রামমোহন ঋষ্টধর্মে মহাপণ্ডিত ছিলেন, মুসলমান ধর্মের ‘জবরদস্ত মোলবী’ ছিলেন এবং সব চেয়ে বড় কথা, সে যুগে প্রতিষ্ঠা লাভ করতে হলে যে বস্তু সম্পূর্ণ অবাস্তব এমন কি অসুভায়, সেই হিন্দুধর্মশাস্ত্রে তাঁর অসাধারণ পাণ্ডিত্য, অতুলনীয় ব্যুৎপত্তি এবং গভীর অন্তর্দৃষ্টি ছিল।

রাজা জানতেন, সে যুগের হিন্দুকে তর্ক-বিতর্ক করতে হবে ঋষ্টধর্মের সঙ্গে। অর্থাৎ ঋষ্টান মিশনারীর সামনে ‘ক’ অক্ষরে ‘কৃষ্ণনাম’ শ্রবণে ‘একঘটি’<sup>৩</sup> চোখের জল ফেললেই আপন ধর্মের মাহাত্ম্য সুপ্রতিষ্ঠিত হবে না—খুব বেশী হলে, ভক্ত মিশনারী হয়ত তাকে ভক্ত বলে স্বীকার করবে মাত্র। তাই তাকে প্রমাণ করতে হবে যে, কলকাতার হিন্দুর ক্রিয়াকর্মের পিছনে রয়েছে, হিন্দুর বড়দর্শন, বুদ্ধ এবং মহাবীরের বিশ্বপ্রেম এবং সর্বপশ্চাতে রয়েছে অহরহ জাজ্জাল্যমান বেদ-

২ শ্রীশ্রীপরমহংসদেবের গাওয়া গান এরই কাছাকাছি :

আপনাতে আপনি থেকে মন যেও নাকো কার ঘরে

যা চাবি তা বসে পাবি, খোঁজ নিজ অন্তঃপুরে।

শ্রীশ্রীরামকৃষ্ণকথামৃত, অনিল গুপ্ত সংস্করণ, ১ম খণ্ড, ২১৩ পৃঃ।

৩ শ্রীরামকৃষ্ণের প্রিয় কথার আড়।

বেদান্তের অর্থও দিব্যদৃষ্টি।

দেশের আপামর জনসাধারণের ভিতর হিন্দু ধর্মের নব উন্মাদনা আনতে হলে রাজা রামমোহন হিন্দুধর্মের কোন্ কোন্ সম্পদ গ্রহণ এবং প্রচার করতেন সে কথা বলা শক্ত; কিন্তু এ-বিষয়ে কোনো সন্দেহ নেই যে, সে যুগের কলিকাতাবাসী সুসভ্য অথচ আপন শাস্ত্রে অজ্ঞ হিন্দুর সামনে তিনি সর্বশাস্ত্র মন্বন করে উপনিষদগুলিই তুলে ধরে প্রকৃত ঋষির গভীর অন্তর্দৃষ্টির পরিচয় দিয়েছিলেন। উপনিষদ থেকেই শব্দ-দর্শনের সূত্রপাত এবং শব্দের অর্থত্ববাদ অতিশয় অক্লেশে, পরম অবহেলায় খৃষ্টানের ট্রিনিটিকে সম্মুখ সংগ্রামে আহ্বান করতে পারে। উপনিষদের গুণকীর্তন এ ক্ষুদ্র এবং অক্ষম রচনার উদ্দেশ্য নহে,— অমুসন্ধিৎসু পাঠক তুর্কী পণ্ডিত অলবীরাণী, মোগল সূফী দারানীকুহ্ ( ঔরঙ্গজীবের জ্যেষ্ঠ ভ্রাতা )<sup>৪</sup> এবং জর্মন দার্শনিক শোপেনহাওয়ারের রচনাতে তার ভূরি ভূরি উদাহরণ পাবেন।

ধর্মের যে সব বাহ্যগুণ সত্যধর্ম থেকে অতি দূরে চলে গিয়ে অধর্মে রূপান্তরিত হয়েছে তার বিরুদ্ধে রাজা সংগ্রাম আরম্ভ করলেন সতীদাহের বিরুদ্ধে আন্দোলন আরম্ভ করে এবং সে সংগ্রামের জগ্ন তিনি অস্ত্রশস্ত্র সঞ্চয় করলেন হিন্দু স্মৃতি থেকেই। এ-স্থলে রাজা বিশ্বজনীন যুক্তিতর্ক ব্যবহার না করে প্রধানত ব্যবহার করলেন হিন্দুশাস্ত্রসম্মত শ্রায় এবং উদাহরণ। রাজা প্রমাণ করলেন যে তিনি দর্শনে যে রকম বিদগ্ধ, ক্রিয়াকর্মের ভূমিতেও অমুরূপ স্মার্ত মল্লবীর।

শাস্ত্রালোচনায় ঈশ্বর অবাস্তুর হলেও এস্থলে বাঙলা সাহিত্যামুরাগীর দৃষ্টি তার অতি প্রিয় একটি বস্তুর দিকে আকর্ষণ করি। রাজাকে তাঁর আন্দোলন চালাতে হয়েছিল কলকাতার বাঙালীদের ভিতর। এঁরা সংস্কৃত জানেন না। তাই তাঁকে বাধ্য হয়ে লিখতে হয়েছিল বাঙলা ভাষাতে। পণ্ড এ সব যুক্তি-তর্কের সম্পূর্ণ অল্পযুক্ত বাহন। তাই তাঁকে বাঙলা গদ্য নির্মাণ করে তার-ই মাধ্যমে আপন বক্তব্য প্রকাশ করতে হয়েছিল। রাজার পূর্বে যে বাঙলা গদ্য লেখা হয় নি

৪ দারা তাঁর অতুলনীয় ধর্মগ্রন্থ আরম্ভ করেছেন এই বলে : “হে প্রভু, তুমি তোমার হৃদয় মুখ কুফ্‌ব্ ( অবিহা ) কিছা ইমান ( বিছা ) ছ’পাশের কোনো অলকগুচ্ছ জুলফ ) দিয়ে ঢেকে রাখো নি।” এই শ্লোক ঈশোপনিষদের ‘অঙ্কং তমঃ প্রবিশন্তি যেহবিচ্ছামুপাসতে। ততো ভূয় ইব তে তমো য উ বিচ্ছান্নাং রতাঃ ॥’-রই অমুবাদ।

এ কথা বলা আমার উদ্দেশ্য নয়, কিন্তু হিন্দুধর্মের এই তুমুল আন্দোলন আকর্ষণ মঞ্চের কলে যে অমৃত বেরুল তারই নাম বাঙলা গল্প। পৃথিবীর ইতিহাসে এ জাতীয় ঘটনা বহুবার ঘটেছে; তথাগতের রূপায় পালি, মহাবীরের রূপায় অধ-মাগধী। হজরৎ মুহম্মদের রূপায় আরবী গল্প, লুথারের রূপায় জার্মান গল্পের সৃষ্টি। পূর্বেই নিবেদন করেছি, গণবোধ্য মাতৃভাষাতে শাস্ত্রালোচনা না থাকলে ক্রিয়াকর্মের আত্যস্তিক প্রসার পায়; তার বিরুদ্ধে নবধর্ম পত্তন কিম্বা সনাতন ধর্মের সংস্কার আন্দোলন আরম্ভ হয়;<sup>৫</sup> এবং সে আন্দোলনকে বাধ্য হয়েই গণভাষার আশ্রয় নিতে হয়।

রাজার প্রচলিত সংস্কার উপনিষদে আপনার দৃঢ়ভূমি নির্মাণ করার কলে কতকগুলি জিনিস সে অস্বীকার করল। তার প্রথম, সাকার উপাসনা। দ্বিতীয় বৈষ্ণবধর্মের তদানীন্তন প্রচলিত রূপ; এবং ক্রমে ক্রমে গণ-ধর্মের (Folk religion) প্রতি ব্রাহ্মদের অবজ্ঞা স্পষ্টতর হতে লাগল।<sup>৬</sup> প্রমাণ-স্বরূপ বলতে পারি, তখনকার দিনে কেন আজও যদি কেউ ব্রাহ্ম-মন্দিরের বক্তৃতা দিনের পর দিন শোনে তবু সে উপনিষদের পরবর্তী যুগের ধর্মসাধনার অল্প ইঙ্গিতই শুনেতে পাবে। তার মনে হবে, উপনিষদ-আশ্রিত ধর্মদর্শনের শেষ হয়ে যাওয়ার পর আজ পর্যন্ত হিন্দুরা আর কোনো প্রকারের উন্নতি করতে পারেন নি। এমন কি গীতার উল্লেখও আমি অল্পই শুনেছি। রামায়ণ, মহাভারত, পুরাণের কথা প্রায় কখনোই শুনি নি। বৃন্দাবনের রসরাজ-রসমতীর অভূতপূর্ব অশৌকিক প্রেমের কাহিনী থেকে কোনো ব্রাহ্ম কখনো কোনো দৃষ্টান্ত আহরণ করেন নি।

ধর্ম জানেন, আমি ব্রাহ্মদের নিকট অক্লান্ত নই। পাছে তাঁরা ভুল বোঝেন

---

৫ বস্তুতঃ, সম্পূর্ণ নূতন ধর্ম পৃথিবীতে কোনো মহাপুরুষ কখনোই আরম্ভ করেন নি। বুদ্ধদেব বলতেন, তাঁর পূর্বে বহু বুদ্ধ জন্ম নিয়েছেন, মহাবীর জৈনদের সর্বশেষ তীর্থঙ্কর বা জিন। খ্রীষ্ট বলেন, তিনি বিধির বিধান ভাঙতে আসেন নি—তিনি এসেছেন তাকে পূর্ণরূপ দান করতে। হজরৎ মুহম্মদ বলতেন, তাঁর পূর্বে বহু সহস্র পয়গম্বর আবির্ভূত হয়েছেন। বস্তুতঃ এঁদের কেউ বলেন নি, আমি প্রথম। প্রায় সকলেই বরঞ্চ বলেছেন, আমিই শেষ।

৬ একটা অবিখ্যাত গল্প শুনেছি, কোনো ব্রাহ্ম ভক্ত নাকি কদম্বরকে ‘অন্নীল বৃক্ষ’ নাম দিয়েছিলেন। কিন্তু এর থেকে অন্ততঃ এইটুকু বোঝা যায়, হিন্দুরা ব্রাহ্মদের ‘গৌড়ামি’ সম্বন্ধে তখনকার দিনে কি ধারণা পোষণ করতেন।

তাই বাধ্য হয়ে ব্যক্তিগত কথা তুললুম এবং করছোঁড়ে নিবেদন করছি, আমি মুসলমান, আমার কাছে হিন্দু যা ব্রাহ্মণ তা, আমি হিন্দু ব্রাহ্ম উভয় পন্থার (আমার ব্যক্তিগত বিশ্বাস পন্থা ভিন্ন নয়) সাধু-সন্তদের বার বার নমস্কার করি।

ব্রাহ্মধর্মের উৎপত্তি ও ক্রমবিকাশ যতই অধ্যয়ন করি ততই দেখতে পাই, ব্রাহ্মরা যেন ক্রমে ক্রমেই জনগণ থেকে দূরে সরে যাচ্ছিলেন। জনগণকে ব্রহ্মমন্ত্রে দীক্ষিত করে এক বিরাট গণ-আন্দোলন আরম্ভ করার প্রচেষ্টা যেন তাঁদের ভিতর ছিল না। এ যুগেও তার উদাহরণ পাই নি। ১১১৮ খ্রীষ্টাব্দ থেকে আজ পর্যন্ত আমি বহু ব্রাহ্ম পরিবারের আতিথ্য লাভ করেছি, ফলে গভীর হৃদয়তা হয়েছে, কিন্তু আজ পর্যন্ত কোনো ব্রাহ্ম পরিবারে হিন্দু চাকর-বাকরকে ব্রহ্মমন্ত্রে দীক্ষিত করার প্রচেষ্টা দেখি নি। মুসলমান-খ্রীষ্টানরা সর্বদাই করে থাকেন বলেই এটা আমার কাছে আশ্চর্যজনক বলে মনে হয়েছিল। আমার মনে হয়, ব্রহ্মমন্ত্র সর্বজনীন কিন্তু এ কথাও স্পষ্ট দেখতে পাচ্ছি ব্রহ্মজ্ঞানীরা যে কোনো কারণেই হোক সর্বজনকে আহ্বান জানাতে পারেন নি। মুসলমানের নমাজে মুটে-মজুর চাকর-বাকরের সংখ্যাই বেশী, হিন্দুর সংকীর্ণনে ভাবোন্মাসে নৃত্য করে 'নিয়ন্ত্রণী'র প্রচুর হিন্দু, আর মন্দিরে আরতির সময় শিক্ষিত হিন্দুকে তো আজকাল দেখতেই পাওয়া যায় না। অথচ পূর্ববঙ্গের ব্রাহ্ম-সম্মেলনে ব্রাহ্ম চাকর-নকর দেখেছি বলে মনে পড়ে না।

তার জন্ত আমি ব্রহ্মবাদীদের আদৌ ক্রটি ধরছি না। এঁরা অক্ষম ছিলেন, একথা আমি কখনো স্বীকার করবো না। আমার মনে হয়, এঁরা প্রধানতঃ সমাজের নেতৃস্থানীয়দের নিয়েই আপন আন্দোলন আরম্ভ করেছিলেন এবং তাঁদের মাধ্যমে যে আমাদের মত বহু হিন্দু-মুসলমান প্রচুর উপকৃত হয়েছিলেন সে বিষয়েও কোনো সন্দেহ নেই।

কিন্তু এ বিষয়েও কোনো সন্দেহ নেই যে হিন্দু-ধর্মের গণরূপ তখন একেবারেই অভিভাবকহীন হয়ে পড়ল। তার জন্ত ব্রাহ্মদের দোষ দিলে অভ্যস্ত অজ্ঞান হবে; দোষ হিন্দুদের। তাঁদের নেতৃস্থানীয়েরা তখন হয় দীক্ষা নিয়েছেন, কিম্বা ব্রাহ্মদের প্রতি সহানুভূতিশীল, আপন গরীব জাত-ভাই কি ধর্মকর্ম করছে এবং তার কল্যাণে সত্যধর্মের সন্ধান পাচ্ছে কি না এ বিষয়ে তাঁরা তখন উদাসীন। যেন গণধর্ম ধর্মই নয়, যেন ধর্মে একমাত্র শিক্ষিত জনেরই শাস্ত্রাধিকার।

অভিলষ্য মারাত্মক পরিস্থিতি। দেশের দেশের তা হলে সর্বনাশ হয়। শিক্ষিত-

জনকেও শেষ পর্যন্ত তার তিক্ত কল আত্মদ করিতে হয়।<sup>১</sup>

ঠিক এই সময়ে করুণাময়ের কুপায় শ্রীশ্রীরামকৃষ্ণ পরমহংসদেবের আবির্ভাব।

পরমহংসদেবকে সমগ্র এবং সম্পূর্ণভাবে ধারণা করা আমাদের মতো অতি সাধারণ প্রাণীর পক্ষে অসম্ভব, কারণ, আমরা সব কিছুই গ্রহণ করি আমাদের বুদ্ধি দিয়ে—যুক্তিতর্কের ছাঁচে কেলে। অথচ কেবলমাত্র বুদ্ধিবৃত্তি দিয়ে সাধু-সন্তদের ধারণা করতে গেলে আমরা পাই বরকের সেই অতি অল্প অংশটুকুর খবর, যেটি জলের উপর ভাসছে। অর্থাৎ বেশীর ভাগ বস্তুটি যে ষষ্ঠেক্রিয় তৃতীয় চক্ষু দিয়ে দেখতে হয় সেটি আমাদের নেই। তৎসঙ্গেও যারা তার বিচার করে তাদের নিয়ে মূহু হাস্য করে বাউল গেয়েছেন

ফুলের বনে কে চুকেছে সোনার জহরী

নিকষে ঘষয়ে কমল, আ মরি আ মরি।

যার যেমন মাপকাঠি। স্নাকরার ক্রাইটেরিয়ন তার নিকষ পাথর। সে তাই দিয়ে পদ্মফুলের গুণ বিচার করতে যায়। কিন্তু এর চেয়েও মারাত্মক অবস্থার বর্ণনা দিয়েছেন স্বয়ং পরমহংসদেব—একাধিক বার। মূনের পুতুল সমুদ্রে নেমেছিল তার গভীরতা মাপবে বলে। তিন পা যেতে না যেতেই সে গলে গিয়ে জলের সঙ্গে মিশে গেল।<sup>৮</sup>

তাই নিয়ে কিন্তু কিছুমাত্র শোক করার প্রয়োজন নেই। স্বয়ং রামকৃষ্ণদেবই বলেছেন, তোমার এক ঘটি জলের দরকার। পুকুরে কত জল তা জেনে তোমার কি হবে?<sup>৯</sup>

তাই মা ভৈঃ। যারা বলে আমাদের মত পাপীতাপীর অধিকার নেই পরমহংসের মত মহাপুরুষের জীবন নিয়ে আলোচনা করার—তারা ভুল বলে।

৭ রাজনীতির ক্ষেত্রে এই শিক্ষিত-অশিক্ষিতের ব্যবধানের জন্ত আমরা যে কি কর্মকল ভোগ করেছি, সে তথ্যের উত্থাপন এ-স্থলে অবাস্তব।

৮ আমাদের ব্যক্তিগত প্রার্থনা, তাই যেন হয়। বাউল গেয়েছেন, 'যে জন ডুবলো, সখী, তার কি আছে আর বাকি গো?' ঠাকুরও প্রায়ই গাইতেন 'ভোব ভোব, ভোব।'

৯। এক চীনা সাধক এরই কাছাকাছি এসে বলেছেন, 'মাই কাপ্, ইজ মল; বাট্ আই ড্রিক্ অকনার।'

অধিকার আমাদেরই—এক মহাপুরুষ অল্প মহাপুরুষের জীবনী লিখতে যাবেন কেন? সে অধিকার গ্রহণ করতে গিয়ে তুল-ত্রুটি হলে মহাত্মাদের কিছুমাত্র ক্ষতিবৃদ্ধি হবে না। হীন প্রাণকে নিয়ে আলোচনা করতে গেলেই সমূহ বিপদের সম্ভাবনা।

পরমহংসদেবের কাছে আসার পূর্বেই চোখে পড়বে, লোকটি কী সরল। এগিয়ে এলে বোঝা যায়, এঁর বাহির-ভিতর দুই-ই সরল। এঁর শরীরটি যেমন পরিষ্কার, এঁর মনটিও তেমনি পরিষ্কার। মেদিনীপুর অঞ্চলে যাকে বলে ‘নিধিরকিচ’—চাঁচা-ছোলা। যেন এইমাত্র তৈরী হয়েছে কাঁসার ঘটটি—কোন জায়গায় টোল পড়ে নি।

এঁর মত সরল ভাষায় কেউ কখনো কথা বলে নি। এঁর ভাষার সঙ্গে সব চেয়ে বেশী সাদৃশ্য খ্রীষ্টের ভাষা ও বাক্যভঙ্গী। আমাদের দেশের এক আলঙ্কারিক বলেছেন, ‘উপমা কালিদাস’। এর অর্থ শুধু এই নয় যে, কালিদাস উত্তম উপমা প্রয়োগ করতে পারতেন, এর অর্থ উপমামাত্রই কালিদাসের, অর্থাৎ উপমার রাজ্যে কালিদাস একচ্ছত্রাধিপতি। আমার মনে হয়, উপমাবৈচিত্র্যে পরমহংসদেব কালিদাসকেও হার মানিয়েছেন। কালিদাস ব্যবহার করেছেন শুধু সুন্দর মধুর তুলনা—যেগুলো কাব্যের অঙ্গসৌষ্টব বৃদ্ধি করে। রামকৃষ্ণের সেখানে কোনো বাছ-বিচার ছিল না। ইংরেজিতে একটা প্রবাদ আছে, ‘তার জাঁতায় যাই ফেলো না কেন, ময়দা হয়ে বেরিয়ে আসে।’ পরমহংসের বেলাও ঠিক তাই। কিছু একটা দেখলেই হল। সময়মত ঠিক সেটি উপমার আকার নিয়ে বেরিয়ে আসবে। এমন কি, যেসব কথা আমরা সমাজে বলতে কিন্তু-কিন্তু করি, পরমহংসদেব সর্বজনসমক্ষে অক্রেপে সেগুলো বলে যেতেন। ভগবানকে পেতে হলে কি ধরনের ‘বেগে’র প্রয়োজন সে সম্বন্ধে তাঁর তুলনাটির উল্লেখ এখানে না-ই বা করলুম।

ঠিক এইখানেই আমরা একটি মূল সূত্র পাব। তিনি জনগণের ধর্ম ( ফোক রিলিজিয়ন ) আচার-ব্যবহার, ভাষা—সব জিনিসকেই তার চরম মূল্য দেবার জন্য বন্ধপরিষ্কার হয়েছিলেন বলেই জনগণের ভাষা, ‘বাচনভঙ্গী সানন্দে ব্যবহার করে যেতেন। জনগণের অন্তায় অধর্ম তিনি স্বীকার করতেন না। কিন্তু যেখানে স্নেহমাত্র রুচির প্রশ্ন সেখানে তিনি ‘ধোপদুরন্ত’ ‘ফিটকাট’ হবার কোনো প্রয়োজন বোধ করতেন না। ভাষাতে সেদিনকার ‘ছুঁৎবাই’ রোগ আমরা পেয়েছিলুম ভিক্টোরীয় পুরিটানিজম থেকে—তখন কে জানতো পঞ্চাশ বছর যেতে-না-যেতেই লরেন্স জয়েস এসে আমাদের ছুঁৎবাইয়ের ‘ভগামি’ লগুভগু করে



দেবেন।<sup>১০</sup>

পরমহংসদেব গণধর্ম স্বীকার করে তার চরম মূল্য দিলেন। সাকার উপাসনা গণধর্মের প্রধান লক্ষণ। বাঙালী সেই সাকারের পূজা করে প্রধানতঃ কালীরূপে। কালীমূর্ত্তি দেখলে অ-হিন্দু রীতিমত ভয় পায়। পরমহংসদেব সেই কালীকে স্বীকার করলেন।

অথচ ‘দুরের কথা’ বিচার করলে আমার ক্ষুদ্র বুদ্ধি বলে, পরমহংসদেব আসলে বেদান্তবাদী। কর্ম, জ্ঞান, ভক্তি এ-তিন মার্গ তিনি অবস্থান্তরে একে একে বরণ করতে বলেছেন। কিন্তু সব কিছু বলার পর তিনি সর্বদাই বলেছেন, ‘কিন্তু যতক্ষণ পর্যন্ত ব্রহ্ম ব্যতীত সব কিছু মিথ্যা বলে অহুভব করতে পারো নি ততক্ষণ পর্যন্ত সাধনার সর্বোচ্চ স্তরে উঠতে পারবে না।’ ‘ব্রহ্ম সত্য, জগৎ মিথ্যা’ বড় কঠিন পথ। জগৎ মিথ্যা হলে তুমিও মিথ্যা, যিনি বলেছেন তিনিও মিথ্যা, তাঁর কথাও স্বপ্নবৎ। বড় দুরের কথা।

‘কি রকম জানো, যেমন কর্পূর পোড়ালে কিছুই বাকী থাকে না। কাঠ পোড়ালে তবু ছাই বাকী থাকে। শেষ বিচারের পর সমাধি হয়। তখন “আমি”, “তুমি”, “জগৎ”, এ সবার খবর থাকে না।’

অথচ গণধর্মে নেমে এসে বলছেন, ‘যিনি ব্রহ্ম, তিনিই কালী’। যখন নিজস্ব, তাঁকে ব্রহ্ম বলে কই। যখন সৃষ্টি, স্থিতি, প্রলয় এইসব কাজ করেন, তাঁকে শক্তি বলে কই। স্থির জল ব্রহ্মের উপমা। জল হেলছে হুলছে শক্তি বা কালীর উপমা। কালী ‘সাকার আকার নিরাকার’। তোমাদের যদি নিরাকার বলে বিশ্বাস, কালীকে সেইরূপ চিন্তা করবে।<sup>১১</sup> আর একটি কথা—তোমার

১০. বিদ্যাসাগর মহাশয় এ ছন্দের সমাধান না করতে পেরে ছ’রকম ভাষাই ব্যবহার করতেন। ‘সীতার বনবাসে’র ভাষা সকলেই চেনেন, কিন্তু যেখানে তিনি রামা-শ্রামাকে বিধবা বিবাহের শক্রদের বিপক্ষে ক্ষেপাতে চেয়েছেন, সেখানে ‘কশ্চিৎ ভাইপোস্ত’ এই বেনামীতে, ‘ফাজিল-চালাক’, ‘দিলদরিয়া তুখোড় ইয়ার’, ‘তার একটি বেগড়া মন্ত্রী আছে—এটি তারই ত্যাদডামি’, ‘লোকটা লক্ষ্মীছাড়া বন্ধুধর আনাড়ির চূড়ামণি বে-অহুঙ্কের শিরোমণি’। ইত্যাদি ‘গ্রাম্য’ বাক্য পরমানন্দে ব্যবহার করেছেন। তিনি যে সব আদিরসাত্মক গল্প ছাপায় (।) প্রকাশ করেছেন সেগুলো সমাজে বললে এখনও সমূহ বিপদের সম্ভাবনা।

১১. শক্তিকে নানা দেশের কবি এবং সাধকগণ নানারূপে কল্পনা করেছেন। কাব্যে বিবেকানন্দের কবিতাই শ্রেষ্ঠতম।

নিরাকার বলে যদি বিশ্বাস, দৃঢ় করে তাই বিশ্বাস করো কিন্তু মতুয়ার (dogmatism) বৃদ্ধি করো না। তাঁর সম্বন্ধে এমন কথা জোর করে বলাও না যে, তিনি এই হতে পারেন, আর এই হতে পারেন না। ব'লো আমার বিশ্বাস তিনি নিরাকার, আর কত কি হতে পারেন তিনি জানেন। আমি জানি না, বুঝতে পারি না।<sup>১২</sup>

### “মৃত্যুরূপা মাতা

নিঃশেষে নিবেছে তারাদল, মেঘ এসে আবারিছে মেঘ,  
স্পন্দিত, ধ্বনিত অন্ধকার, গরজিছে স্বর্ণবায়ু-বেগ !  
লক্ষ লক্ষ উম্মাদ পরাণ বহির্গত বন্দিশালা হ'তে,  
মহাবৃক্ষ সমূলে উপাড়ি ফুৎকারে উড়িয়ে চলে পথে ।  
সমুদ্র সংগ্রামে দিল হানা, উঠে চেউ গিড়িচুড়া জিনি'  
নভস্তল পরশিতে চায় । ঘোররূপা হাসিছে দামিনী,  
প্রকাশিছে দিকে দিকে তা'র মৃত্যুর কালিমা মাথা গায়  
লক্ষ লক্ষ ছায়ার শরীর !—দুঃখরাশি জগতে ছড়ায়,—  
নাচে তারা উম্মাদ তাণ্ডবে ; মৃত্যুরূপা মা আমার আয় !  
করালি ! করাল তোর নাম, মৃত্যু তোর নিঃশ্বাসে শ্রবাসে ;  
তোর ভীম চরণ-নিষ্কপ প্রতি পদে ব্রহ্মাণ্ড বিনাশে !  
কালি, তুই প্রলয়রূপিণী, আয় মা গো, আয় মোর পাশে ।  
সাহসে যে দুঃখ দৈন্ত চায়,—মৃত্যুরে যে বাঁধে বাহুপাশে  
কালনৃত্য করে উপভোগ,—মাতুরূপা তা'রি কাছে আসে ।”

( সত্যোক্তনাথ দত্তের অঙ্কবাদ )

ইংরেজীতে এর প্রথম ছত্র “The Stars are blotted out !”—আশ্চর্য  
বোধ হয় রবীন্দ্রনাথও অতি বাল্যবয়সে ( ১৪ ? ) কালী সম্বন্ধে একটি কবিতা  
লিখেছিলেন ।

১২ ডগমাটিজম্ না করে মনকে খোলা এবং জানা-অজানার মাঝখানেই  
যে সত্য পস্থা এর উৎকৃষ্ট প্রকাশ কেনোপনিষদে :—

“নাহং মগ্নে স্ববেদেতি নো ন বেদেতি বেদ চ ।

যো নস্তদ্বেদ তদ্বেদ নো ন বেদেতি বেদ চ ॥”

‘আমি এইরূপ মনে করি না যে, আমি ব্রহ্মকে উত্তমরূপে জানিয়াছি ; অর্থাৎ  
‘জানি না’ ইহাও মনে করি না, এবং ‘জানি’ ইহাও মনে করি না । ‘জানি না

জনগণপূজ্য শক্তির সাকার সাধনা ( 'পৌত্তলিকতা' শব্দটা সর্বথা বর্জনীয়—  
এটাতে ডাঙ্কিলা এবং ব্যক্তের স্পষ্ট ইঙ্গিত আছে ) স্বীকার করে পরমহংসদেব  
তৎকালীন ধর্মজগতের ভারসাম্য আনয়ন করলেন বটে কিন্তু প্রথম জড়সাধনার  
অন্ধকার দিকটা কি তিনি লক্ষ্য করলেন না ?

এইখানেই তাঁর বিশেষত্ব এবং মহত্ব। এই সাকার-সাধনার পশ্চাতে যে  
জ্যেষ্ঠ-অজ্যেষ্ঠ ব্রহ্মের বিরাট মূর্তি অহরহ বিরাজমান, পরমহংসদেব বার বার  
সেদিকে সকলের দৃষ্টি আকর্ষণ করেছেন। এই ভারসাম্যই ব্রহ্মজ্ঞানী কেশব সেন,  
বিজয়রক্ষণ এবং তাঁদের শিষ্যদের আকর্ষণ করতে পেরেছিল। তিনি যদি 'মতুয়া'  
কালীপূজক হতেন তবে তিনি পরমহংস হতেন না।

বস্তুতঃ একটি চরম সত্য আমাদের বার বার স্বীকার করা উচিত : যেখানেই  
যে কোনো মানুষ যে কোনো পন্থায় ভগবানের সন্ধান করেছে তাকেই সম্মান  
জানাতে হয়। এমন কি ক্ষুদ্র শিশু যখন সরস্বতীর দিকে তাকিয়ে তাঁর সাহায্য  
কামনা করে ( হায়, কলকাতায় সরস্বতী পূজার বাহু আড়ম্বর দেখে অনেক সময়  
মনে হয়, এরাই বুঝি এ যুগে দেবীর একমাত্র সাধক ) তাকেও মানতে হয়,—  
গাছের পাতা, জলের ফোঁটা যখন মানুষ মাথায় ঠেকায় তারও বিলক্ষণ মূল্য  
আছে। গীতাতে এ সত্যটি অতি সরল ভাষায় বলা হয়েছে। .

কিন্তু সাকার-নিরাকার নিয়ে আজ আর তর্ক করে লাভ কি ? বাঙলা দেশে  
আজ আর ক'জন লোক নিরাকার পূজা করেন তার খবর বলা শব্দ—কারণ সে  
পূজা হয় গৃহকোণে, নির্জনে। আর কলকাতায় বারোয়ারী সাকার পূজার যা  
আড়ম্বর তা দেখে বাঙলার কত গুণীজ্ঞানী যে বিস্ময় হন তার প্রকাশ খবরের  
কাগজে প্রতি বৎসর দেখি। এইমাত্র নিবেদন করেছি, এরও মূল্য আছে—তাই  
আমার এক জ্ঞানী বন্ধু বড় চুখে বলেছিলেন, 'কিন্তু কি ভয়কর স্টেটন করে এগুলো  
সে সত্যটি স্বীকার করি'।

সাকার নিরাকারের আধ্যাত্মিক মূল্য যা আছে, তা আছে, কিন্তু এই দ্বন্দ্ব  
সমাধানের সামাজিক মূল্য কি ?

হিন্দু, মুসলমান, খ্রীষ্টান, ব্রাহ্ম সকলেই বাঙালী সমাজে সমান অংশীদার।  
এঁদের ধর্মাচরণ যা-ই হোক না কেন, সমাজে তাঁরা মেলামেশা করেছেন অবাধে।

যে তাহাও নহে এবং জানি যে তাহাও নহে'—আমাদের মধ্যে যিনি এই বচনটির  
মর্ম জানেন, তিনিই ব্রহ্মকে জানেন।'—গম্ভীরানন্দ

চতুর্থ পাদটীকা পুনরায় প্রবেশ্য।

একবার ভেবে দেখলেই বোঝা যাবে এই সহজ মেলামেশা না থাকলে খ্রীষ্টান মাইকেল, মুসলমান মশররফ হুসেন, নজরুল ইসলাম এবং জসীমউদ্দীন বাঙলা কাব্যে ধ্যাতি অর্জন করতে পারতেন না। সমঝদার ও রসিক জনের গুণগ্রাহিতা ও উৎসাহ লাভ না করে কম কবিই এ সংসারে সার্থক কাব্য সৃষ্টি করতে পেরেছেন। এবং এঁদের সকলেরই উৎসাহী পাঠক এবং গুণগ্রাহী বন্ধু ছিলেন প্রধানতঃ হিন্দুরাই।<sup>১৩</sup>

আধ্যাত্মিক, সামাজিক, রাজনৈতিক যে কোনো মতবৈষম্যের কালে যদি ভিন্ন ভিন্ন সম্প্রদায় একই সমাজের ভিতর অন্তরঙ্গ ভাব বর্জন করেন তবে সেই অঞ্চল, সমগ্র সমাজের অপূরণীয় ক্ষতি—‘মহতী বিনষ্টি’ হয়; এই তত্ত্বটি সঘনো সে যুগে কয়জন গুণী সচেতন ছিলেন? মুসলমান সাকার মানে না, কিন্তু তাই বলে তো সে যুগে বাঙালী সমাজে হিন্দু-মুসলমানের মিলন ক্ষুণ্ণ হয় নি? তবে কেন ঐ কারণেই ব্রাহ্মে হিন্দুতে সামাজিক অন্তরঙ্গ গতিবিধি বন্ধ হবে?

পরমহংসদেব এই বিরোধ নির্মূল করতে চেয়েছিলেন বলেই সাকার-নিরাকারের অর্থহীন, অপ্রিয় আলোচনা বর্জন করেন নি। তাই বার বার দেখি; তিনি আপন হিন্দু ভক্তবৃন্দ নিয়েই সন্তুষ্ট নন। বার বার দেখি, তিনি উদ্গ্রীব হয়ে জিজ্ঞেস করছেন, বিজয় কোথায়, শিবনাথ যে বলেছিল আসবে, বলছেন কেশব আমার বড় প্রিয়। অথচ তিনি তো ব্রাহ্ম ভক্তদের ‘কালী-কার্ণেট কনভার্ট’ করার জন্ত কিছুমাত্র ব্যগ্র নন। তিনি সর্বান্তঃকরণে কামনা করেছিলেন, এদের বিরোধ যেন লোপ পায়।<sup>১৪</sup>

আমার ব্যক্তিগত দৃঢ় বিশ্বাস, এই দ্বন্দ্ব অপসারণে অদ্বিতীয় কৃতিত্ব পরমহংসদেবের।

১৩ পূর্ববর্তী যুগে পরাগুল, ছুটি খাঁর মত মুসলমান গুণগ্রাহী ছিলেন বলেই হিন্দুরা মহাভারত অল্পবাদ করেছিলেন; পরবর্তী যুগে হিন্দু সমঝদার ছিলেন বলেই সৈয়দ মরতুজা প্রমুখ বহুতর মুসলমান বৈষ্ণব পদাবলী রচনা করতে সক্ষম হয়েছিলেন। শ্রীযতীন্দ্রমোহন ভট্টাচার্যের বাংলা সাহিত্যে বৈষ্ণবতাবাপন্ন মুসলমান কবিগণ সঘনো অত্যুক্তি পুস্তিকা দ্রষ্টব্য।

১৪ এ বিষয়ে পরমহংসদেব কতখানি ‘নাছোড়বান্দা’ ছিলেন তার সব চেয়ে ভালো উদাহরণ অনুসন্ধিৎসু পাঠক পাবেন, অনিল গুপ্ত সংস্করণ, চতুর্থ খণ্ডের চতুর্থ ভাগে। পাঠক তখন ‘নাছোড়বান্দা’র সত্যপ্রয়োগ সঘনো নিঃসন্দেহ হবেন।

সামাজিক দৃষ্টি সত্বেও এতখানি সচেতন পুরুষ যে তাঁর অর্থনৈতিক সমস্যা সত্বেও অচেতন থাকবেন এ কখনই হতে পারে না। পক্ষান্তরে, আবার অন্য সত্যও সর্বজনবিদিত—কামিনী-কাঞ্চনে পরমহংসের তীব্র বৈরাগ্য। তাঁর থেকেই ধরে নিতে পারি, অর্থ-সমস্যা আপন সত্যায় (per se) তাঁর সামনে উপস্থিত হয় নি। যারা মুখ্যতঃ অর্থ কামনা করে, রামকৃষ্ণদেব তো তাঁদের উপদেষ্টা নন। যারা মুখ্যতঃ ধর্মজিজ্ঞাসু অথচ অর্থসমস্যায় কাতর তিনি তাঁদের সে দৃষ্টি সত্বেও সচেতন ছিলেন। কাজেই পরোক্ষভাবে তিনি সমাজের অর্থনৈতিক প্রব্লেমও সমাধান দিয়েছেন। যে যতখানি কাজে লাগাতে পেরেছে ততখানি উপকার পেয়েছে।

রামকৃষ্ণদেব বহুবার বলেছেন, ‘কলিকালে মানবের অন্নগত প্রাণ’। এর অর্থ আর কিছুই নয়—এর সরল অর্থ, ইংরেজের শোষণনীতির শোচনীয় পরিণাম বাঙালীর মধ্যবিত্ত সম্প্রদায় তখন হাড়ে হাড়ে বুঝতে পেরেছে। অন্নভাবে সে তখন এমনই কাতর যে অন্য কোন চিন্তার স্থান আর তাঁর মস্তকে নাই। তবু যারা ধর্মে অহুরক্ত তাঁরা বার বার পরমহংসদেবকে প্রশ্ন করেছেন, ‘উপায় কি’?

পূর্বেই বলেছি তিনি ছিলেন বেদান্তবাদী। তা হলে তাঁর কাছ থেকে উত্তর প্রত্যাশা করতে পারি যে জগৎ মায়া মিথ্যা অহুমিত হলেই অর্থের প্রয়োজন আপনার থেকেই ঘুচে যাবে। কিন্তু তিনি বলেছেন, পাখীর মতো দাসীর মতো সংসারের কাজ করে যাবে, কিন্তু মন পড়ে রইবে ভগবানের পায়ে তলায়। অর্থাৎ কলিযুগে সমাজের সে সচ্ছলতা নেই যে তোমাকে অন্ন জোটাতে আর তুমি নিশ্চিন্তমনে জ্ঞানমার্গে আপন মুক্তির সন্ধান পাবে। কলির মাছুষের কর্ম থেকে মুক্তি নেই।

ওদিকে যে সব ব্রাহ্ম ভক্তের অর্থাভাব ছিল না,—যাঁরা ব্রহ্মজ্ঞানের তপস্বী তাঁদের বার বার বলেছেন, ঈশ্বরকে ব্যাকুল হয়ে ডাকো। কলিযুগে ভক্তি ভিন্ন গতি নেই।

আর সকলকেই এ কথা বলেছেন, এই জন্মেই যারা সাধনার সর্বশেষ স্তরে পৌঁছতে চান—রাখাল, নরেন্দ্রের মত যারা জন্মাবধি জীবমুক্ত তাদের ক’জন বাদ দিলে আর ক’টি প্রাণী সে স্তরে পৌঁছতে পারবে সে বিষয়ে তাঁর মনে গভীর সন্দেহ ছিল—তাঁদের হতে হবে নিরঙ্কুশ জ্ঞানমার্গের সাধক। শুদ্ধ জ্ঞানের সাহায্যে ক্লয়ঙ্গম করতে হবে, ব্রহ্ম ভিন্ন নিত্যবস্তু কিছুই নেই।

পূর্বেই নিবেদন করেছি, শ্রীশ্রীরামকৃষ্ণ পরমহংসদেবকে সমগ্রভাবে উপলব্ধি করার ক্ষমতা আমার নেই। এ-কথা স্বীকার করেও যদি পশ্চাত্তরে কিছু বলি,

তবে বলবো, যে সাধক গীতোকৃত কর্ম, জ্ঞান এবং তন্ত্রের সমন্বয় করতে পেরেছেন তিনি সমগ্র পুরুষ—পরম পুরুষ। কোনো মহাপুরুষকে যদি দস্তভরে বাচাই করতে চাই, তবে এই তিনটির সমন্বয়েই সন্ধান করবো। তার কারণ গীতাতে এই তিন পন্থা উল্লিখিত হওয়ার পর আজ পর্যন্ত অত্র কোন চতুর্থ পন্থা আবিস্কৃত হয় নি। এ তিন পন্থার সমন্বয়কারী শ্রীকৃষ্ণের সহচর। তাঁর নাম শ্রীরামকৃষ্ণ।

\*

\*

যে পাঠক ধৈর্য সহকারে আমার প্রগল্ভতা এতক্ষণ ধরে শুনলেন তিনি কোঁড়হলবশতঃ স্বতঃই প্রশ্ন জিজ্ঞাসা করবেন, ‘এ তো হল মানুষের সংসর্গে আগত সমাজে সমুজ্জ্বল রামকৃষ্ণদেব। কিন্তু যেখানে তিনি একা—তাঁর সাধনার লোকে তিনি কতখানি উঠতে পেরেছিলেন? সোজা বাঙলায়, ‘তিনি কি ভগবানকে সাক্ষাৎ দেখতে পেয়েছিলেন?’

এর উত্তরে বলবো, মুক্তকণ্ঠে স্বীকার করি, এ প্রশ্নের উত্তর দেবার অধিকার আমাদের কারোরই নেই। এ প্রশ্নের উত্তর জ্ঞানবুদ্ধির অগম্য। রামকৃষ্ণের সমকক্ষ জনই এর উত্তর দিতে পারেন।

রামকৃষ্ণদেব বলেছেন, ‘সাধনার সর্বোচ্চ স্তরে পৌঁছানোর পরও কোনো কোনো মানুষ লোকহিতার্থে এ সংসারে ফিরে আসেন। যেমন নারদ শুক্তদেবাদি’। এ কথা ভুললে চলবে না।

স্পষ্টত দেখতে পাচ্ছি, এ-কথাটি স্বামী বিবেকানন্দের মনে গভীর দাগ কেটে গিয়েছিল। লোকহিতার্থে তিনি যে বিরাট শ্রীরামকৃষ্ণ মিশন নির্মাণ করে যান, এরকম সজ্জবদ্ধ প্রতিষ্ঠান প্রভু তথাগতের পর এযাবৎ কেউ নির্মাণ করেন নি।

\*

\*

এইবারে শেষ প্রশ্ন দিয়ে প্রথম প্রশ্নে ফিরে যাই।

পরমহংসদেব গীতার তিন মার্গের সমন্বয় করেছিলেন। প্রকৃত হিন্দু সেই চেষ্টাই করবে। কিন্তু তিনি যে ধুতিখানাকে লুক্কীর মত পরে আল্লা-আল্লাও করেছিলেন এবং আপন ঘরে টাঙানো খ্রীষ্টের ছবির দিকে তাকিয়ে থাকতেন সে কথাও তো জানি। এসবের প্রতি তাঁর অহুরাগ এল কোথা থেকে? বিশেষতঃ যখন একাধিকবার বলা হয়েছে, অ-হিন্দু মার্গে চলবার সময় পরমহংসদেব কান্নমনোবাক্যে সে-ই মার্গকেই বিশ্বাস করতেন।

অনেকের বিশ্বাস চতুর্বেদে বহু দেব-দেবীতে বিশ্বাস অর্থাৎ পলিথেইজমের বর্ণনা আছে। কিন্তু ম্যাক্সমুলার দেখিয়েছেন ঋগ্বেদের ঋষি যখন ইন্দ্রস্তুতি করেন তখন তিনি বলেন,—‘হে ইন্দ্র, তুমিই ইন্দ্র, তুমিই অগ্নি, তুমিই বরুণ, তুমিই

প্রজ্ঞাপতি, তুমিই সব।’

আবার যখন বরুণমন্ত্র শুনি, তখন সেটিতেও তাই,—‘হে বরুণ, তুমিই বরুণ, তুমিই ইন্দ্র, তুমিই অগ্নি, তুমিই প্রজ্ঞাপতি, তুমিই সব।’ অর্থাৎ ঋষি যখন যে দেবতাকে স্মরণ করেছেন তখন তিনিই তাঁর কাছে পরমেশ্বররূপে দেখা দিয়েছেন। এ সাধনা বহু-ঈশ্বরবাদের নয়। এর সন্ধান অল্প দেশে পাওয়া যায় না বলে ম্যাক্সমুলাার এর নৃতন নাম করেছিলেন, ‘হেনোথেয়িজম’।

পরমহংসদেব বেদোক্ত এই পন্থাই বরণ করেছিলেন অর্থাৎ সনাতন আয়িধর্মের প্রাচীনতম শ্রুতিসম্মত পন্থা বরণ করেছিলেন। তিনি যখন বেদান্তবাদী তখন বেদান্তই সব কিছু, আবার যখন আঞ্জা আঞ্জা করছেন তখন আঞ্জাই পরমাঞ্জা।

এই করেই তিনি সর্বধর্মের রসাস্বাদন করে সর্বধর্ম সমন্বয় করতে পেরেছিলেন। কোনো বিশেষ শাস্ত্রকে সর্বশেষ, অভ্রান্ত, স্বয়ংসম্পূর্ণ শাস্ত্র বলে স্বীকার করে তিনি অল্প সব কিছুর অবহেলা করেন নি।

অনেকের বিশ্বাস, হিন্দু আপন ধর্ম নিয়েই সন্তুষ্ট, অল্প ধর্মের সন্ধান সে করে না।

বহু শতাব্দীর বিজয়-অভিযান ঘাত-প্রতিঘাতের ফলে এ যুগের হিন্দু সম্বন্ধে এ কথা হয়ত খাটে। তাই পরমহংসদেব আপন জীবন দিয়ে দেখিয়ে দিলেন, সনাতন আয়িধর্ম এ পন্থা কখনো গ্রাহ্য করে নি।

সত্য সর্বত্র বিরাজমান, ঋগ্বেদের এই বাণী, শ্রীরামকৃষ্ণে তারই প্রতিধ্বনি। সর্বত্র এর অহুসন্ধান সচেতন থাকলে বাঙালী পরমহংসদেবের অহুসরণ অহুসরণ করে ধন্য হবে। বাকিটুকু দয়াময়ের হাতে। .

### পুষ্পধনু

রস কি ?

অর্থাৎ যখন কোনো উত্তম ছবি দেখি, কিম্বা সরস সঙ্গীত শুনি, অথবা ভালো কবিতা পড়ি, কিম্বা নটরাজের মূর্তি দেখি, তখন যে রসাহুভূতি হয় সে রস কি, এবং সৃষ্ট হয় কি প্রকারে ?

এ রসের কাছাকাছি একাধিক রস আছে। গোয়েন্দা কাহিনী পড়ে, ধাঁধার উত্তর বের করে, মনোরম সৃষ্টিদয় দেখে, প্রিয়াকে আলিঙ্গন করে যে সব রসের সৃষ্ট হয় তার সঙ্গে যে পূর্বোন্নিখিত রসের কোনোই মিল নেই সে কথা জোর করে বলা চলে না। এমন কি,—শোনা কথা—বার্ট্রাণ্ড রাস্‌ল্‌ নাকি বলেছেন,

গণিতের কঠিন সমস্যা সমাধান করে তিনি যে আনন্দ অহুস্তব করেন সেটি নাকি ছবছ কলারসের মতই। কিন্তু এ-সব রসে এবং অগ্নাস্ত রসে পার্থক্য কিসে আলোচনার এবেলা মেতে উঠলে ওপারে পৌঁছতে অনেক দেরি হয়ে যাবে। আমার জ্ঞানও অভিশয় সীমাবদ্ধ, প্রকাশশক্তি ততোধিক সীমাবদ্ধ। ( তাহলে অবশ্যই প্রশ্ন উঠবে, আমি আদৌ লিখতে যাচ্ছি কেন? উত্তরে সবিনয় নিবেদন, বছদিন সাহিত্য রচনা করার ফলে আমার একটি নিজস্ব পাঠকগোষ্ঠী জন্মিয়ে হয়েছে; এঁদের কেউই পণ্ডিত নন—আমিও নই—অথচ মাঝে-মাঝে এঁরা কঠিন বস্তুও সহজে বুঝে নিতে চান এবং সে কর্ম আমার মত বে-পেশাদারী—নন-প্রফেশনালই—করতে পারে ভালো। রচনার গোড়াতেই এতখানি ব্যক্তিগত সাক্ষ্যই হয়তো ঠিক মানানসই হল না, তবু পণ্ডিতজন পাছে আমার উপর অহমিকা দোষ আরোপণ করেন তাই সভয়ে এ ক’টি কথা কইতে হল )।

রস কি, সে আলোচনা অল্প লোকেই করে থাকেন। আলঙ্কারিকের অভাব প্রায় সর্বত্রই। কারণ রসের প্রধান কার্যকরণ আলোচনা করতে হলে অস্তুত দুটি জিনিসের প্রয়োজন। একদিক দিয়ে রসবোধ, অগ্নদিক দিয়ে বসকসহীন বিচার বিবেচনা যুক্তিতর্ক করার ক্ষমতা। তাই এর ভিতর একটি দ্বন্দ্ব লুকনো রয়েছে। যারা রসগ্রহণে তৎপর তারা তর্কের কিচিরমিচির পছন্দ করে না, আর যারা সর্বক্ষণ তর্ক করতে ভালোবাসে তারা যে ‘শুদ্ধ কাঠং তিষ্ঠতি অগ্নে’ হয়ে রসিকজনের ভীতির সঞ্চার করে সে তো জানা কথা।

সৌভাগ্যক্রমে এদেশে কিন্তু কখনো আলঙ্কারিকের অনটন হয় নি। ভয়ত থেকে আরম্ভ করে, দণ্ডিন ময়ট ভামহ হেমচন্দ্র অভিনব গুপ্ত ইত্যাদি ইত্যাদি অস্তুহীন নির্মল বিশ্বজনের প্রচুর ঈর্ষার সৃষ্টি করেছে। স্বয়ং রবীন্দ্রনাথের মুখে শুনেছি, তাঁকে যখন রাসুল্ প্রশ্ন শোধান, রস কি, হোয়াট ইজ আট, তখন তিনি এঁদের স্মরণে রাসুল্কে প্রচুর নূতন তত্ত্ব শোনান। অগ্ন লোকের মুখে শুনেছি, রাসুল্ রীতিমত হকচকিয়ে যান।

বিদেশী আলঙ্কারিকদের ভিতর জার্মান কবি হাইনরিখ হাইনের নাম কেউ বড় একটা করে না। কারণ তিনি অমিশ্র অলঙ্কার নিয়ে আলোচনা করেন নি। জার্মান কবিদের নিয়ে আলোচনা করার সময় মাঝে মাঝে রস কি তাই নিয়ে তিনি চিন্তা করেছেন, এবং রস কি তার সংজ্ঞা না দিয়ে তুলনার মারফৎ, গল্পচ্ছলে সব কিছু অতি মনোরম ভাষায় প্রকাশ করেছেন। ঠাকুর রামকৃষ্ণ যে রকম কোনো কিছু বলতে গেলে সংজ্ঞা নিয়ে মাথা ফাটাকাটি না করে গল্প বলে জিনিসটা সরল করে দিতেন অনেকটা সেইরকম!



বাগদাদেৰ শাহ-ইন্-শাহ, দীনছনিয়াৰ মালিক খলীফা হাক্কান-অন্-রশীদেৰ হায়েমেৰ সৰ্বশ্ৰেষ্ঠা সুলতানী, খলীফাৰ জিগয়েৰ টুকৰো, চোখেৰে রোশনী রাজকুমারীটি ছিলেন 'স্বপনচাৰিনী', অৰ্থাৎ ঘূমেৰ ঘোৰে এদিক ওদিক ঘূৰে বেড়াতেন।

গভীৰ নিশীথে একদা তিনি নিজাৰ আবেশে মৃদু পদসঞ্চাৰণে চলে গিয়েছেন প্ৰাসাদ-উত্তানে। সখীরা গেছেন পিছনে পিছনে। রাজকুমারী নিজাৰ ঘোৰে গুনগুন করে গান গাইতে গাইতে সম্পূৰ্ণ মোহাবস্বায় ফুল আৰু লতাপাতা কুড়োতে আৱন্তুত করলেন আৰু মোহাবস্বায়ই সেগুলো অপূৰ্ব সমাবেশে সাজিয়ে বানালেন একটি তোড়া। আৰু সে সামঞ্জস্যে প্ৰকাশিত হয়ে গেল একটি নবীন বাণী, নূতন ভাষা। মোহাবস্বায়ই রাজকুমারী তোড়াটি পালকেৰে সিথানে রেখে অঘোৰে ঘূমিয়ে পড়লেন।

ঘূম ভাঙতে রাজকুমারী দেখেন একটি তোড়া যেন তাঁৰ দিকে তাকিয়ে মৃদু মৃদু হাসছে। সখীরা বললেন, ইটি তাঁৰই হাতে তৈৰী। কিছুতেই তাঁৰ বিশ্বাস হয় না। এমন কি ফুলপাতাৰ সামঞ্জস্যে যে ভাষা যে বাণী প্ৰকাশ পেয়েছে সেটিও তিনি সম্পূৰ্ণ বৃত্তে পাৰছেন না—আবছা আবছা ঠেকছে।

কিন্তু অপূৰ্ব সেই পুষ্পস্তবক। এটি তাহলে কাকে দেওয়া যায় ? যাঁকে তিনি প্ৰাণ দিয়ে ভালবাসেন। খলীফা হাক্কান-অন্-রশীদ। খোজাকে ডেকে বললেন, 'বৎস, এটি তুমি আৰ্হপুত্ৰকে ( খলীফাকে ) দিয়ে এসো।'

খোজা তোড়াটি হাতে নিয়ে উচ্ছ্বসিত কণ্ঠে বললে, 'ও হো হো, কী অপূৰ্ব কুসুমগুচ্ছ! কী সুলতান গন্ধ, কী সুলতান রঙ! হয় না, হয় না, এ রকম সঞ্চয়ন সমাবেশ আৰু কোনো হাতে হতে পাৰে না।'

কিন্তু সে সামঞ্জস্যে যে বাণী প্ৰকাশিত হয়েছিল সে সেটি বৃত্তে পাৰলো না। সখীরাও বৃত্তে পাৰেন নি।

খলীফা কিন্তু দেখা মাজেই বাণীটি বৃক্ষে গেলেন। তাঁৰ চোখ বন্ধ হয়ে গেল। কেহ শিহৱিত হল। সৰ্বাত্মক রোমাঞ্চিত হল। অভূতপূৰ্ব পুলকে দীৰ্ঘ দাড়ি বয়ে দৱদৱ ধাৰে আনন্দাশ্ৰু বহিতে লাগলো।

এতখানি গল্প বলার পর কবি হাইনৰিষ হাইনে বলছেন, 'হায় আমি বাগদাদেৰ খলীফা নই, আমি মহাপুৰুষ মুহম্মদেৰ বংশধৰ নই, আমার হাতে রাজা সলমনেৰ আঙুটি নই, যেটি আঙুলে থাকলে সৰ্বভাষা, এমন কি গুপ্তফীৰ কথাও বোকা যায়, আমার লহা দাড়িও নই, কিন্তু পেরেছি, পেরেছি, আমিও সে ভাষা সে বাণী বৃত্তে পেরেছি।'

এস্থলে গল্পটির দীর্ঘ টীকার প্রয়োজন। কিন্তু পূর্বেই নিবেদন করেছি সে শক্তি আমার নেই। তাই টাপেটোপে ঠারেঠোরে কই।

রাজকুমারী=কবি; ফুলের তোড়া=কবিতা; ফুলের রঙ পাতার বাহার=তুলনা অহুপ্রাস; খোজা=প্রকাশক-সম্পাদক-ফিলিম-ডিষ্ট্রিবিউটর ( তাঁরা হুগন্ধ সূবর্ণের রসাস্বাদ করতে পারেন, কিন্তু 'বাণীটি' বোঝেন না ); এবং খলীফা=সহায় পাঠক।

### মরহুম মৌলানা

মরহুম ( স্বর্গত ) মৌলানা আবুল-কালাম মহী-উদ্দীন আহমদ অল্, আজাদ্ সজ্জান্ত বংশের যোগ্য সন্তান। এ বংশের পরিচয় এবং বিবরণ বাদশা আকবরের আমল থেকে পাওয়া যায়।

১৮৫৭ খৃষ্টাব্দের স্বাধীনতা সংগ্রামের সঙ্গে এঁর পিতা জড়িয়ে পড়েন। দিল্লীর উপর ইংরাজের বর্বর অত্যাচার আরম্ভ হলে পর তিনি তাঁর অগ্ন্যতম ভক্ত-রামপুরের নবাবের সাহায্যে মকাশরীফে গিয়ে আশ্রয় নেন। সেখানে তিনি এক আরব কুমারীকে বিবাহ করেন। আবুল কালাম এই বিবাহের সার্থক সন্তান।

তাঁর মাতৃভাষা আরবী, পিতৃভাষা উর্দু। পরবর্তী যুগে তিনি ফার্সী এবং তুর্কীতেও অসাধারণ পাণ্ডিত্য সঞ্চয় করেন। ইংরিজি থেকেও তিনি সে সঞ্চয়ে সাহায্য গ্রহণ করেছেন। তবে এদেশে ফেরার পর তিনি উর্দু সাহিত্যের এমনি একনিষ্ঠ সাধক ও প্রেমিক হয়ে যান যে শেষের দিকে আরবী বা ফার্সীতে নিতান্ত বাধ্য না হলে কথাবার্তা বলতেন না।

তাঁর বয়স যখন দশ তখন তাঁর পিতা ভারতবর্ষে ফিরে আসেন। সমগ্র ভারতবর্ষেই তাঁর বহু শিষ্য ও ভক্ত ছিলেন। এই কলকাতা শহরেই তাঁর প্রচুর অমুরাগী শিষ্য ছিলেন এবং তাঁদেরই অনুরোধে তিনি এখানে স্থায়ী বাসভবন নির্মাণ করেন। পুত্র আবুল কালাম এখানেই তাঁর শিক্ষা সমাপ্ত করেন। তাঁর পরলোকগমনের পর বেতারে যে একাধিকবার বলা হয়, তিনি মিশরের অল আজহর বিশ্ববিদ্যালয়ে উচ্চশিক্ষা লাভ করেন সে সংবাদ ভুল। উপরন্তু মৌলানা সাহেব নিজেকে সব সময়ই কলকাতার অধিবাসী ও বাঙালী বলেই পরিচয় দিয়েছেন। বাঙলা তিনি বলতেন না, কিন্তু বাঙলা কথোপকথনের মাঝখানে তিনি উর্দুতে প্রয়োগ করতেন এবং কিছুক্ষণ পর কারোরই খেয়াল থাকতো না যে তিনি অন্য ভাষায় কথা বলতেন।

চৌদ্দ বছর বয়সেই তিনি লিসান উল্-সিদক্ (সত্য-বচন) নামক কাগজের সঙ্গে সংযুক্ত হন এবং অতি অল্পদিনের মধ্যেই তাঁর খ্যাতি ভারতবর্ষের সর্বত্রই ছড়িয়ে পড়ে। চব্বিশ বৎসর বয়সে তাঁর ‘অল্ হিলাল’ (অর্ধচন্দ্র) পত্রিকা ইংরেজের মনে ভীতির সঞ্চার করতে আরম্ভ করে। প্রথম বিশ্বযুদ্ধ আরম্ভ হওয়ার পর তাঁর কাগজ ইংরেজের শত্রু তুর্কী এবং মুসলিম বিশ্ব-আন্দোলনের অকুণ্ঠ প্রশংসা করার কলে তাঁকে অন্তরীণ হতে হয়। মুক্তি পাওয়ার সঙ্গে সঙ্গে তিনি মহাত্মা গান্ধী ও অসহযোগ আন্দোলনের সঙ্গে সংযুক্ত হন এবং সে আন্দোলনের সঙ্গে সাদ্ জগলুল্ পাশার মিনারের স্বাধীনতা আন্দোলন এবং গাজী মুক্তাফা কামাল পাশার তুর্কীর নবজাগরণের সঙ্গে সেতু নির্মাণ করেন।

এর পরের ইতিহাস ভারতীয় মাত্রই জানেন।

শ্বেত সম্প্রদায়ের প্রতি বিদ্বেষ এবং বিশ্ব-মুসলিম প্রেম মৌলানা আজাদের পরিবারে অবিচ্ছিন্ন অংশরূপে গণ্য করা হত। তিনি জন্মগ্রহণ করেন মক্কায়— যেখানে হজ্জ উপলক্ষে বিশ্বের তাবৎ মুসলিম প্রতি বৎসর সম্মিলিত হয়ে প্রাচ্য ভূমি থেকে কি কবে শ্বেতাজ ও শ্বেত-শৈবরাচার দূরীভূত করা যায় তার পরিকল্পনা করতো এবং ভারত, মালয়, ইন্ডোনেশিয়া প্রভৃতি দেশকে আপন আপন কর্তব্য ও জিহাদারী ভাগ করে দেওয়া হত। এ-পরিকল্পনা কোনো বিশেষ দেশে সীমাবদ্ধ ছিল না বলে একে স্তাননালিজম না বলে প্যান-ইসলামিজম (বিশ্ব-মুসলিম-সংহতি) নামে পূর্ব-পশ্চিম সর্বত্রই স্থপরিচিত ছিল। দশ বৎসর বয়স পর্যন্ত মৌলানা এ-মতই অহরহ শুনেছিলেন।

কলকাতা আসার সঙ্গে সঙ্গেই মৌলানার পরিবর্তন আরম্ভ হয়। এ-কথা সত্য যে বিশ্ব-মুসলিমের প্রতি তাঁর দরদ কখনো শুকিয়ে যায় নি, কিন্তু ক্রমে ক্রমে তাঁর জীবনের সব চেয়ে বড় উৎসাহ ও উদ্দীপনার উৎস হয়ে উঠল স্বদেশ-প্রেম। উর্দু ভারতবর্ষের ভাষা। তাঁর মাতৃভাষা আরবীকে তাঁর জীবনানন্দ এবং রাজনৈতিক সাধনার মাধ্যমরূপে গ্রহণ না করে তিনি সর্বাঙ্কুরেণ বরণ করে নিলেন উর্দুকে। এ বড় সহজ কুরবানী বা আত্মবিসর্জন নয়। স্বাধীনতা সংগ্রামের যুগেই শুধু নয়, আজও দেখতে পাই বহু লোক স্বার্থলান্তের জন্য স্বদেশী ভাষা বর্জন করে বিদেশী ভাষার সাধনা করেন এবং আমাদের মত বাঙালী তাঁদের সঙ্গে যোগ দিচ্ছে না বলে আমাদের প্রতি রুষ্ট হন।

এবং সব চেয়ে বড় ট্রাজেডি, এই উর্দু গ্রহণের জন্য জীবনসাম্রাজ্যে মৌলানাকে আবার অকরণ কটুবাক্য শুনতে হলো সংকীর্ণ সাম্প্রদায়িক মণ্ডলীর কাছ থেকে। হিন্দী ভাষা কেন রাতারাতি ভারতবর্ষের তাবৎ ভাষার কর্তৃক

করে 'জাতীয় ভাষা' রূপে জগদল প্রতিমার মত ভারতের মন্দিরে মন্দিরে পূজা পাচ্ছেন না, অপেক্ষাকৃত অল্পমাত্র শিশু ভাষাগুলোকে কেন কচি কচি পাঠার মত তাঁর সামনে বলি দেওয়া হচ্ছে না, তার কারণ অল্পসন্ধান করে তাঁরা আপন 'দুর্ভিক্ষে' আবিষ্কার করলেন 'হিন্দী-বিবেচী' 'হিন্দীভাষাকা কটর দুঃমন' মৌলানা আজাদকে। যেহেতু মৌলানা উর্দুভাষী তাই তিনি লিঙ্কামন্ত্রীরূপে হিন্দীর প্রচার এবং প্রসার কামনা করেন না—এই হল তখন তাঁদের 'যুক্তি'। হিন্দী যে দুর্বল, কমজোর ভাষা সে-কথা স্মরণ করবার অস্বস্তিকর প্রয়োজন কেউ বোধ করলেন না। পণ্ডিত নেহরুও যে উর্দুভাষী এ-কথা বলতে তাঁরা সাহস পেলেন না—এ-কথা বললে উভয়ের হৃদয়তা বেড়ে যাবে যে!

মাত্র একবার মৌলানা লোকসভায় তাঁর বক্তব্য সুস্পষ্ট ভাষায় প্রকাশ করেছিলেন। এবং যাঁরা সেদিন এই সভায় ছিলেন তাঁরা সবাই দেখেছিলেন মৌলানার আবেগময়ী আন্তরিক বক্তৃতার ফলে প্রতিপক্ষ কি রকম লজ্জায় অপোষদন হয়েছিলেন—শত্রু-মিত্র কারো দিকেই মুখ তুলে তাকাবার সাহস পষন্ত সেদিন তাঁদের আর হয় নি।

জগন্নাথ পাশা, কামাল আতাতুর্কের সঙ্গে মৌলানার পত্র বিনিময় সব সময়ই ছিল, কিন্তু মৌলানা ক্রমে ক্রমে তাঁর সমস্ত শক্তি নিয়োগ করলেন দেশের স্বাধীনতা সংগ্রামে। সে ইতিহাস লেখবার শক্তি আমার নেই; আমি শুধু এ-মুহুর্তে স্মরণ করিয়ে দিতে দাই, মক্কা শরীফের প্যান-ইসলামী বালক যৌবনে পরিপূর্ণ জাতীয়তাবাদী হয়ে গেল। মৌলানার যে সব বিপক্ষ দল একদা মুসলিম জাহানের স্বপ্ন দেখতেন তাঁরা পষন্ত আজ কঠিন অভিজ্ঞতার স্বাদ পেয়ে বুঝতে পেরেছেন, সে স্বপ্ন গেছে—এখন তাঁরা পুরো পাকিস্তানী হয়ে গিয়ে জাতীয়তাবাদের আদর্শই বরণ করেছেন। দুঃখ এই, তাঁরা এ আদর্শটি কয়েক বৎসর আগে বরণ করে নিলেই তাঁদের মঙ্গল, আমাদের মঙ্গল, সকলেরই মঙ্গল হত।

এস্থলে কিন্তু আরেকটি বিষয় লক্ষ্য করা উচিত।

স্বরাজ্যভাঙের পর মৌলানা তাঁর জাতীয়তাবাদ বিশ্ব-মানবের কল্যাণে নিয়োগ করেছিলেন। দেশ পষটন মৌলানা অভ্যস্ত অপছন্দ করতেন, কিন্তু বিশ্বজনের সঙ্গে সক্রিয় যোগস্বাপনার জন্ত তিনি কয়েক বৎসর পূর্বে পাকিস্তান ইয়ান হয়ে ইয়োরোপে যান—পূর্বে বঙ্গবার বহু দেশে নিমন্ত্রিত হয়েও যান নি। এবং সব চেয়ে বড় কথা, জাতিসম্মেলন (ইউ. এন. ও.) এবং তার ভিন্ন ভিন্ন শাখার যে সব প্রতিনিধি ভারতে এসেছেন তাঁরা তাঁদের সর্বোত্তম সখারূপে চিনতে

শিখলেন মৌলানা আর্জাদকে। তাঁরা আশ্চর্য হয়ে দেখলেন, বে-মৌলানা ইংরেজের বিরুদ্ধে ভিক্ততম লড়াই করেছেন আজীবন, তাঁর ভিতর সে ভিক্ততা আর নেই। ইংরেজ হোক, মার্কিন হোক আর রুশই হোক, যে জন বিশ্বকল্যাণের জন্য সম্মুখীন হয়, তার বহু দোষ থাকলেও সে আজাদের বন্ধুজন। এবং আরো আশ্চর্য! ইংরেজ দেখে, মৌলানা ইংরেজী না বলেও ইংরেজের মিত্র, রাশা দেখে, তার ভাষা না জেনেও অস্ত্রের তুলনায় মৌলানা রাশাকে চেয়ে অনেক বেশী। তিনি তাদের সঙ্গে কথা বলতেন উর্দুতে, কিন্তু সে উর্দুতো উর্দু নয়, সে উর্দু বিশ্বপ্রেমের সর্বজনীন ভাষা, কিম্বা বলবো, বিশ্বপ্রেমের ভাষা উর্দুর মাধ্যমে স্বপ্রকাশ হল। একদা তিনি আরবী বর্জন করে উর্দু গ্রহণ করেছিলেন; তখন তিনি উর্দু বর্জন করে অল্প এক ভাষা গ্রহণ করেছেন, যার নামকরণ এখনো হয় নি, কারণ সে ভাষাতে কথা বলতে আমরা এখনো শিখি নি।

অথচ তাঁর জীবনের শেষ দিন পর্যন্ত তাঁরই নির্দেশ অনুযায়ী চলতো তিনখানি ত্রৈমাসিক। প্রথমখানি আরবীতে—আরবভূমির সঙ্গে ভারতের সাংস্কৃতিক যোগ-সূত্র স্থাপনা ও প্রাচীন যোগ দৃঢ়তর করার জন্য; দ্বিতীয়খানা ফার্সীতে—ইরান ও আফগানিস্তানের জন্য; তৃতীয়খানা ইংরিজিতে—বৌদ্ধজগতের সঙ্গে যোগস্থাপনা করার জন্য (বৌদ্ধভূমি এক ভাষায় আশ্রিত নয় বলে তিনি মাধ্যমরূপে ইংরিজি গ্রহণ করেছিলেন)। এই তিনটি পত্রিকাই ইণ্ডিয়ান কাউন্সিল ফর কালচারাল রিলেশনস দিল্লী থেকে প্রকাশিত হয় এবং মৌলানা ছিলেন তার প্রধান। শুধু প্রধান বললেই যথেষ্ট বলা হয় না—কোন দেশে ক'খানি পত্রিকা যাবে সেটুকু পর্যন্ত তাঁর নির্দেশানুযায়ী হত। আজ ভাবি, এ-সব কটি পত্রিকার নীতি-নির্দেশ, মানরক্ষা, তাদের সামঞ্জস্য রক্ষা করতে পারে এমন সর্বগুণ মেশানো আরেক পণ্ডিত পাওয়া যাবে কোথায়? ভারতবর্ষের ভিতরে, বাইরে?

বস্তুত আসলে এ-লোকটি হৃদয় এবং মস্তিষ্কের অন্তর্ভুক্ত ছিলেন পণ্ডিত। স্বাধীন মস্তিষ্ক ত্যাগ করে পরাধীন ভারতে না এলে তিনি যে রাজনীতির চতুঃ-সীমানায় যেতেন না, সে কথা আমি স্থিরনিশ্চয় জানি। স্বাধীনতা লাভের পরও তিনি জ্ঞানমার্গেই ফিরে যেতেন কিন্তু দেশে তখন (এবং এখনো) উপযুক্ত লোকের অভাব। মৌলানা কখনো কর্তব্য অবহেলা করতে চাইতেন না। এমন কি যখন তাঁর বিরুদ্ধ পক্ষ মুখর হয়ে উঠতেন, এবং আমরা ভাবতুম তিনি পদত্যাগ করলেই পারেন, তখনো তিনি কর্তব্যবোধের দায়েই আপন কাজ করে যেতেন—লোক-নিষ্কার তোয়াক্কা-পরোক্ষা না করে। পূর্বেই বলেছি, মাত্র একবার তিনি হিন্দী-ওলাদের কর্কশ-কণ্ঠে ব্যথিত হয়ে, আপন কাহিনী বিবেচন করেছিলেন। এ

অবসরে আরেকটি ঘটনা মনে পড়লো। সেটা কিন্তু কিঞ্চিৎ হান্তরসে মেশানো।

বিক্রম দল শিক্ষা-দফতরের বিরুদ্ধে হুনিয়ার তাবৎ অভিযোগ-করিয়ায় জটলা করে শেষটায় বললে, 'শিক্ষা-দফতরের দ্বারা কিছুই হবে না—তাদের মগজের বাজ্জিটি ( ব্রেন-বক্সটি ) একদম ফাঁপা।'

মৌলানা স্পর্শকাতর লোক—পণ্ডিতগণ সচরাচর তা হন। উদ্ভা প্রকাশ করে তিনি কিন্তু দাঁড়ালেন হাত্মমুখে। বার কয়েক ডান হাত দিয়ে মাথার ডান দিক চাপড়ে বললেন, 'না জী, এখানে তো আছে', তারপর হাত নামিয়ে নিয়ে দীর্ঘ আঙুলফলস্বিত আঁচকানের ডান পকেটে ষাষড়া মারতে মারতে বললেন, 'এখানে নেই, এখানে কিছুই নেই।' অর্থাৎ মগজে মাশ যথেষ্ট আছে, কিন্তু পকেটে কিছুই নেই। তার আরো সরল অর্থ, কেবিনেট শিক্ষাবিভাগকে যথেষ্ট পয়সা দেয় না।

পূর্বেই বলেছি, মৌলানা আসলে পণ্ডিত। কর্তব্যের তাড়নায় তিনি প্রবেশ করেছিলেন রাজনৈতিক মল্লভূমিতে অতি অনিচ্ছায়। তাঁর সে পাণ্ডিত্যের সঙ্গে পাঠকের পরিচয় করিয়ে দিতে আমার কুষ্ঠা বোধ হচ্ছে, কারণ তাঁর সে পাণ্ডিত্য-সায়রে সস্তরণ করার মত শক্তি আমার নেই।

আরবী এবং সংস্কৃত জ্ঞানচর্চায় বহু সাদৃশ্য রয়েছে। তার প্রধান মিল, উভয় সাহিত্যের পণ্ডিতগণই অত্যন্ত বিনয়ী। কারো কোনো নূতন কিছু বলার হলে কোনো প্রাচীন ধর্মগ্রন্থের সাহায্যে তাঁরা সেটি প্রকাশ করেন। লোকমাগ্নি টিলক গীতার ভাষ্য লিখে সপ্রমাণ করলেন, কর্মযোগই সর্বশ্রেষ্ঠ যোগ এবং এদেশ থেকে ইংরেজকে বিতাড়নই সর্বশ্রেষ্ঠ কর্ম; মহাত্মা গান্ধী তাঁর গীতাভাষ্য দিয়েই প্রমাণ করতে চাইলেন যে অহিংসাই সর্বশ্রেষ্ঠ ধর্ম, এবং শ্রীঅরবিন্দ গীতাপাঠ লিখে প্রমাণ করতে চাইলেন যে জ্ঞানযোগের দ্বারা চিন্তাসংযম আত্মজয় করতে পারলেই স্বাধীনতা লাভ অনিবার্য। মৌলানা আজাদ তাঁর কুরান ভাষ্য দিয়ে বিশ্ব-মুসলিমকে মুক্ত করতে চাইলেন তার যুগ-যুগ সঞ্চিত অন্ধসংস্কার এবং ক্রিয়াকাণ্ডের সঙ্কীর্ণ গণ্ডী থেকে। এবং তারই সঙ্গে সঙ্গে অতি কৌশলে তিনি তাকে তার কর্তব্য কৌশল দিকে সেইটে সহজ সরল ভাষায় বুঝিয়ে দিলেন।

এ ভাষ্য তিনি অনায়াসেই আরবীতে লিখতে পারতেন, এবং আরবী ভাষার মাধ্যমে তিনি পাঠকসংখ্যা পেতেন উর্দুর তুলনায় অনেক, অনেক বেশী। দ্বিতীয়ত, কুরান আরবী ভাষায় লেখা, এবং তাবৎ বিশ্ব-মুসলিম আরবীতেই তার ভাষ্য লিখে আসছে ( গীতার ভাষ্য যে রকম এক শতাব্দী পূর্বেও সংস্কৃতেরই রচিত হয়েছে )। তৃতীয়ত, মুসলিম-জ্ঞানানের কেন্দ্রভূমি মক্কার ভাষা আরবী, চতুর্থত, সে ভূমি

আজাদের জন্মস্থল—আপন জন্মস্থলে যশ প্রতিষ্ঠা করতে চায় না কোন্ পণ্ডিত ?

এ সমস্ত প্রেলোভন উপেক্ষা করে মোলানা তাঁর তফসীর ভাষ্য লিখলেন উর্দুতে। মক্কাতে জন্ম নিয়েছিল তাঁর দেহ, কিন্তু তাঁর চৈতন্য এবং হৃদয় গ্রহণ করেছিল তাঁর পিতৃ-পিতামহের ভূমি ভারতকে স্বদেশরূপে। তাই তিনি স্বদেশবাসীর জন্য তাঁর ভাষ্য লিখলেন উর্দুতে ( টিলকও ইচ্ছা করলে তাঁর ভাষ্য সংস্কৃতে লিখতে পারতেন, কিন্তু লিখেছিলেন মারাঠীতে )। পরবর্তী যুগে আজাদ-ভাষ্য আরবীতে অনূদিত হয়, এবং তখন আরবভূমিতে সে ভাষ্যের যে জয়ধ্বনি উঠেছিল তা শুনে ভারতীয় মাত্রেই না কী গর্ব, কী প্লাঘা অনুভব করেছিল। পাকিস্তানীরাও এই পুস্তক নিয়ে গর্ব অনুভব করেন। তাঁরা পাকিস্তান যাবার সময় ভাঙ্গমহল কেলে যাওয়ার মত কিন্তু এ ভাষ্য ভারতে ফেলে যান নি। ১৯৪৭-এর পরও আজাদ-ভাষ্য লাহোর শহরে লক্ষাধিক সংখ্যক ছাপা এবং বিক্রি হয়েছে।

পাণ্ডিত্য ও সাহিত্য সচরাচর একসঙ্গে যায় না। কিন্তু আমি ব্যক্তিগতভাবে মুগ্ধ হয়েছি মোলানার সাহিত্য-রসবোধে, সাহিত্যসৃষ্টি দেখে। মোলানার সঙ্গে লোকমাগ্ন টিলকের বহু সাদৃশ্য বর্তমান, কিন্তু টিলকের চরিত্রে ছিলদাঢ়া, মোলানার চরিত্রে ছিল মাধুর্য। টিলককে যদি বলা হয় কটর কঠিন শৈব, তবে মোলানাকে বলতে হয় মরমিয়া মধুর বৈষ্ণব। কারণ মোলানা ছিলেন স্নহী অর্থাৎ ভক্ত, রহস্যবাদী ( মিস্টিক )। তাঁর সাহিত্যের উৎস ছিল মাধুর্যে, এবং কে না জানে মধুর রসই সর্বশ্রেষ্ঠ রস।

তাই তাঁর চেহারায় ছিল লাবণ্য, কুরান-ভাষ্যের মত পাণ্ডিত্যপূর্ণ পুস্তকে মাধুর্য, এবং তাঁর বক্তৃতায় অম্লত অর্ধর্ণনীয় সরলতার সৌন্দর্য।

কিন্তু তাঁর সে সরল সৌন্দর্যবোধ তাঁর পরম প্রকাশ পেয়েছে তাঁর রম্য রচনাতে। উর্দুতে এরকম রচনা তো নেইই, বিশ্বসাহিত্যে এরকম সহৃদয় রসে ভরপুর লেখা খুঁজে পাই নে। তাঁর সঙ্গে বাঙালী পাঠকের পরিচয় করিয়ে দেওয়া বক্ষ্যমাণ অক্ষম লেখকের সাধ্যাতীত।

তবে এই শোকের দিনে একটি সাস্তনার বাণী জানাই। সাহিত্য আকাদেমি এ পুস্তকের বাঙলা অহুবাদকর্মে লিপ্ত হয়েছেন। কিন্তু এর সঙ্গে একটি সাবধান-বাণীও শুনিতে রাখি। সে অহুবাদে বাঙালী পাবে কান্দীরী শালের উণ্টো দিকটা। পাবে নুলের অসম্পূর্ণ পরিচয়, এবং হয়তো পাবে, অসম্পূর্ণের সম্পূর্ণ পরিচয় পাবার আকাঙ্ক্ষা। তাই যদি হয়, তবে হয়তো কোনো কোনো বাঙালীর অনাদৃত উর্দু ভাষা শেখার ইচ্ছাও হতে পারে। আমাদের সে প্রচেষ্টা

হয়তো শোকদুঃখের অতীত অমর্ত্যালোকে মৌলানা আবুল কালাম মহীউদ্দীন আহমদ অল্-আজাদকে আনন্দ দান করবে।

### নসরুদ্দীন খোজা (হোকা)

ইস্তাভুল থেকে রয়টারের খবরে প্রকাশ, রসিক এবং মুর্থচূড়ামণি নসরুদ্দিন খোজার সপ্তশত জন্মদিবস মহা-আড়ম্বরে উদ্‌ঘাপিত হয়েছে।

ইংরিজি বর্ণমালার কল্যাণে 'খোজা' কিন্তু বাঙলায় 'হোকা' রূপে আত্মপ্রকাশ করেছেন। অধুনা তুর্কী ভাষা ইংরিজি (লাতিন) হরকে লেখা হয় বলে তার রূপ hoca; কিন্তু তুর্করা 'এচ' অক্ষরের নিচে একটি অর্ধচন্দ্র বা উল্টো প্রথম বন্ধনী দেয় এবং তার উচ্চারণ অনেকটা স্বচ 'লখ্', জর্মন 'বাখ্' বা ফার্সী 'খবরে'র মত, —কিন্তু 'হ' ভাগটা বেশী এবং 'সি' অক্ষরের উপরে একটি হুক দেয়—এবং তার উচ্চারণ হয় পরিষ্কার 'জ'। ঠিক সেই রকম বাঙলা শব্দ (আসলে আরবী) 'খারিজ' তুর্কী ভাষায় haric লেখা হয়,—অবশ্য 'হ'-এর নিচে পূর্বোল্লিখিত অর্ধচন্দ্র এবং 'সি'-র উপরে হুক দেয়। 'পররাষ্ট্রনীতি' তাই তুর্কীতে 'সিয়ারসত খা রি জ।'

রয়টারের টেলিগ্রামে এই অর্ধচন্দ্র ও হুক বাদ পড়াতে 'খোজা' 'হোকা' হয়ে গিয়েছেন। খাজা নাজিমুদ্দীনের 'খাজা' ও আগা খানের 'খোজা' (সম্মানিত) সম্প্রদায়ের নামেও একই শব্দ—এটি আমাদের সম্পূর্ণ অজানা নয়।

এই ধরনি পরিবর্তনে আমাদের রাগত হওয়ার কারণ নেই। ক্রিকেটার মাকডের নাম যখন আমরা হামেশাই 'মনকদ', 'মানকদ' অনেক কিছুই লিখে থাকি, এবং ফড়কর্-কে 'ফাদকর', 'ফদকর' লিখি, এমন কি এই কলকাতা শহরেই গোখলে-কে 'গোখেল' লিখি এবং উচ্চারণ করি তখন রসিকবর খোজা যে হোকা হয়ে আমাদের ধোঁকা দেবেন তাতে আর আশ্চর্য কি?

খোজার জন্মদিন যে-বাইশ তারিখে উদ্‌ঘাপিত হচ্ছিল সেইদিনই ইস্তাভুল থেকে রয়টার আরেকটি তার পাঠিয়েছেন; তাতে খবর এসেছে যে ঐদিন পাঁচ শ বছর পরে তুর্কীতে এক হৃষ্ট অগ্নিগিরি জেগে উঠে হা-হা করে হেসে উঠেছে।'

### ১ VOLCANIC ERUPTION AFTER FIVE CENTURIES

Istambul, July 22—Mount Soutlubiyen, in the Kars Province of Turkey has burst into what is believed to be



তা হলে বোকা গেল মা ধরণীর পাকা হু'ল বছর লেগেছে খোজার রসিকতার মর্ম গ্রহণ করতে ; তাই বোধ হয় হাসতে হাসতে তাঁর নাড়িভূঁড়ি এখন ভূগর্ভ থেকে ছিঁড়ে বেরিয়েছে।

এদেশে আরবী এবং ফার্সীর চর্চা একদা প্রচুর হয়েছিল। আকবর বাদশাহের আমলে ইরানের এমনই ছুরবস্থা যে সেখানকার পনেরো আনা কবি দিল্লী খাওয়া করেছিলেন। আকবরের সভাকবি আব্দুর রহিম খানখানা নিজের গুণা গুণা ইরানী কবি পুষেছিলেন, আর স্বয়ং আকবর যে কবি 'আমি' 'তুমি' মিল দিয়ে 'কবিতা' রচনা করতো তাকে পর্যন্ত নিরাশ করতে চাইতেন না।

ভারতবর্ষের ফার্সী নাম হিন্দ বা হিন্দুস্তান। 'হিন্দ' শব্দের অর্থ কালো। তাই এক কবি তাঁর দৈত্বের কালরাজি ইরানে ফেলে পূর্বাচল ভারতবর্ষ রওয়ানা হওয়ার সময় লিখলেন,

দুর্ভাবনার কালিমা ত্যজিয়া

চলিমু হিন্দুস্তান

কালোর দেশেতে কালো আমি কেন

করিতে যাইব দান ?

তাই এক ইয়োরোপীয় ঐতিহাসিক ইরানের ঐ যুগকে শব্দার্থে 'ইণ্ডিয়ান সামার' বলেছেন। কারণ এর পরই ইরানী সাহিত্যের পতন আরম্ভ হয়।

তুর্কী ভাষার কিছুটা চর্চাও এদেশে হয়েছিল, কারণ বাবুর, হুমায়ুন এঁদের সকলেরই মাতৃভাষা তুর্কী। শেষ মোগল বাদশা-সালামৎ বাহাদুর শাহের হারেমের কথাবার্তা তুর্কী ভাষাতেই হত এবং তুর্কী সাহিত্যের সর্বোৎকৃষ্ট না হলেও অগ্রতম অত্যুৎকৃষ্ট কেতাব বাবুর বাদশার আত্মজীবনী। কিন্তু এ-তুর্কী ভাষা মুস্তফা কামালের টাকির ওসমানলী তুর্কী নয়, বাবুরের ভাষা চুগতাই ( বা জগতাই ) তুর্কী। কোরমা, দোলমা এবং লড়াই-হাতিয়ারের কিছু শব্দ চুগতাই তুর্কী থেকে বাঙলাতে এসেছে। ওদিকে মোগল দরবার ফার্সীকেই প্রাধান্য দিয়েছিলেন বলে

Turkey's first volcanic eruption since the 15th century. A spokesman at the office of the Governor of Kars said the eruption of rock and smoke had caused anxiety and excitement among people living nearby, but there had been no serious damage yet.

তাদের তুর্কী এদেশে প্রচার ও প্রসার লাভ করে নি। যদিও প্রাচীন বাঙলাতে 'তুর্ক' বলতে মুসলমান বোঝাতো এবং তামিল ভাষাতে মুসলমান বোঝাতে হলে এখনও 'তুরকুম্' শব্দ ব্যবহার করা হয়। বাঙালী বেকার এখনো চাকরির সন্ধানে 'তুর্কী নাচন' নাচে।

আমরা ইংরিজী ফরাসী পড়ি, রাশান কথাসাহিত্যও আমাদের অজানা নয়, স্পেন পর্তুগাল দেনমার্কের লোক এদেশে এসেছিল এবং আরো অনেকেই,—কিন্তু আশ্চর্য ওসমানলি তুর্কী ভাষা এবং সাহিত্যের সঙ্গে আমাদের কণামাত্র পরিচয় নেই। আমার জ্ঞানামতে প্রথম বিশ্বযুদ্ধ আরম্ভ হওয়ার পূর্বে পাবনা জেলার কবি ইসমাজল হুসেন শিরাজী ( নজরুল ইসলাম এর কাছে একাধিক বিষয়ে ঋণী বলে কৃতজ্ঞতা স্বীকার করেছেন ) তুর্কীকে সাহায্য করার জন্ত একটি মেডিকেল মিশন নিয়ে সে-দেশে গিয়েছিলেন এবং তুর্কী রাজনীতি, সমাজ, আচার-ব্যবহার সম্বন্ধে বাঙলায় একাধিক প্রবন্ধ লিখেছিলেন। তুর্কীর সভ্যকবি হামিদ পাশার সঙ্গে সে সময়ে তাঁর জ্ঞাততা হয়, কিন্তু তুর্কী সাহিত্যের সঙ্গে বাঙলার পরিচয় করিয়ে দেবার পূর্বেই ইংরেজের চাপে তাঁকে দেশে ফিরে আসতে হয়।<sup>২</sup>

তুর্কীর বাইরে ইরান, আফগানিস্তান, উজবেক, আজারবাইজান, তথা গ্রীস, বুলগারিয়া, রুমানিয়া ইত্যাদি দেশে নসরুদ্দীন খোজা সুপরিচিত। ইরানের স্বর্ণযুগের একাধিক স্মরসিক কবির উপর তাঁর প্রভাব সুস্পষ্ট। বঙ্কানের বাইরে ইয়োরোপে তিনি জর্মনিতে সব চেয়ে বেশী ভক্ত পাঠক পেয়েছেন। ইংরিজী এনসাইক্লোপীডিয়াতে তাঁর নাম নেই, জর্মন সাইক্লোপীডিয়া আকারে ইংরিজীর

২ 'সুপ্রভাত' পত্রিকার সম্পাদিকা শ্রীমতী কুমুদিনী মিত্রকে ( ইনি 'সঞ্জীবনী' সম্পাদক শ্রীঅরবিন্দের মেসোমশাই কৃষ্ণকুমার মিত্রের বড় মেয়ে ) শিরাজী একটি কবিতা ও ছবি পাঠালে পর তিনি ( কুমুদিনী ) লেখেন, "আপনার কবিতা ও ছবি পাইয়া আমি পরম পুলকিত হইয়াছি। আপনার কবিতাটি 'সুপ্রভাতে' প্রকাশিত হইবে। তুরস্কের নারীদিগের অতীত ও বর্তমান অবস্থা, স্বদেশের কাৰ্য ও উন্নতিতে তাহাদের সাহায্যদান, তাহাদের শিক্ষা ও স্বদেশপ্রেম প্রভৃতি সম্বন্ধে লেখা শীঘ্রই অল্পগ্রহ করিয়া পাঠাইবেন। ভারতবর্ষ হইতে যে সকল যুবক আহতদিগের সেবার জন্ত তথায় গমন করিয়াছেন, তাহাদের কাৰ্যের বিবরণ লিখিবেন।"

বাঙলা একাডেমী পত্রিকা, প্রথম বর্ষ, দ্বিতীয় সংখ্যা, পৃ: ৫৭।

অর্বেক হওয়া সবেও সেটাতে তাঁর সন্দেহ করেক ছয় আছে। আর একাধিক অমুবাদ জর্মন ভাষাতে তো আছেই। অবশ্য আজকের দিনের রুচি দিয়ে বিচার করলে তাঁর বহু ভিনিস শুধু কুটনীরসাপ্রিত লাভিনেই অমুবাদ করা যায়।

খোজার জীবনী নিয়ে দীর্ঘ আলোচনা করার উপায় নেই। কারণ তাঁর জীবন ও তাঁর হরেক রকমের রসিকতা এমনই জড়িয়ে গিয়েছে যে তার জট ছাড়ানো অসম্ভব। তাঁর সন্ধে প্রচলিত দু'আনা পরিমাণ কিংবদন্তী বিশ্বাস করলে আমাদের কালিদাস সন্ধে প্রচলিত সব ক'টাই বিশ্বাস করতে হয়। এমন কি তিনি পাঁচ শ' না সাত শ' বছর আগে জন্মেছিলেন সেই সমস্তারই চূড়ান্ত সমাধান এষাবৎ হয় নি। তবে এ বিষয়ে সন্দেহ নেই যে খোর্তো গ্রামে তাঁর জন্ম, সম্ভবত ত্রয়োদশ শতাব্দীতে এবং আক্শেহিরে তাঁর মকবরহ বা সমাধিসৌধ দেখানো হয়। ইনি যে সুপণ্ডিত এবং স্ককবি ছিলেন সে বিষয়েও কোনো সন্দেহ নেই, কাবণ ধর্মশাস্ত্রে ব্যুৎপত্তি না থাকলে 'ইমাম' ( ইংরিজীতে অন্ততপক্ষে বিশপ ) হওয়া যায় না। অগ্গাণ্ড একাধিক ব্যাপারেও তিনি সমাজের অগ্রণীক্লেপ তুর্কা এবং তুর্কার বাইরে সুপরিচিত ছিলেন।

স্পষ্টই বোঝা যাচ্ছে তাঁর নামে প্রচলিত গল্পের কটি তাঁর নিজস্ব ও কটি উদোর শির্বনি বুধোর দর্গায় সে-বিচার অসম্ভব। দেশবিদেশেব পণ্ডিতগণ হার মেনে বিক্রমাদিত্যের নামে প্রচলিত গল্প যে 'বিক্রমাদিত্য সাইকুল' ঐখ্যামের নামে চলিত-অচলিত চতুস্পদী 'ঐখ্যাম চক্র' নামে অভিহিত করেছেন ঠিক সেইরকম এখন খোজার নামে লিখিত, পঠিত, শ্রুত গল্পকে 'খোজা চক্র' নাম দিয়ে দায়মুক্ত হন। কিন্তু গল্পগুলো বিশ্লেষণ করে সকলেই একবাক্যে স্বীকার করেছেন যে তার অনেকগুলোই আরবভূমি, প্রাচীন ইরান ও ভারতবর্ষ থেকে গিয়েছে। সিরিয়াক এবং প্রাচীন বকানেও এর অনেকগুলো প্রচলিত ছিল। অবশ্য এ বিষয়ে কোনো সন্দেহ নেই যে সে সব নাদ দিলেও খোজার তহবিলে প্রচুর হাশ্রসের উপাদান উৎস্ব থেকে যায়। এবং তার চেয়েও বড় কথা— সুখে-দুঃখে, উৎসবে-ব্যসনে, মসজিদে-সরাইয়ে, বাজারে-বৈঠকখানায় খোজা যে ভাবে তাঁর গল্পে, আচরণে, ইঞ্জিতের মাধ্যমে নিজকে প্রকাশ করেছেন তারই একটি অতি সুস্পষ্ট হাশ্রময়, সদানন্দ, দরদী ছবি তুর্কাদের বৃকের ভিতর আঁকা। আজ যদি বেহশৎ থেকে কিরিশ্তা ( দেবদূত ) ইস্তাখুলে নেমে বিশ্বজনের কাছে সপ্রমাণ করে যান যে ইমাম নসরুদীন খোজা নামক কোনো ব্যক্তি এ ধরায় জন্মগ্রহণ করেন নি তবুও তুর্কার লোক অচঞ্চল চিন্তে সেই তসবীরই ধারণ

করবে, বিদেশীর সঙ্গে পরিচয় হওয়ার কয়েক লহমার ভিতরেই খোজার সঙ্গে তার পরিচয় করিয়ে দেবে এবং যদি সেখানে একাধিক ভূর্ক উপস্থিত থাকে, এবং আপনি যে খোজাকে চেনেন না সে-কথা বুঝতে পারে তবে আপসে পাল্লা লেগে যাবে কে কত বেশী খোজার গল্প বলতে পারে। এদেশে যেমন বিস্তার রবীন্দ্র-ভক্ত আছেন যারা প্রত্যেক ঋতু পরিবর্তন এবং সঙ্গে সঙ্গে প্রকৃতির রূপরসগন্ধ-স্পর্শ বিবর্তন রবীন্দ্রনাথের কোনো না কোনো গান, বা একাধিক গান দিয়ে প্রকাশ করতে পারেন, ঠিক তেমনি জীবনের সুখ-দুঃখ, বিপদ-আপদ, দুর্ঘটনা, লটারি লাভ—সব কিছুই খোজার কোনো না কোনো গল্প দিয়ে রসরূপে প্রকাশ করা যায়। কারণ খোজা শুধু এলোপাতাড়ি রসসৃষ্টি করে যান নি—তার মারকতে খোজার পরিপূর্ণ জীবনদর্শন বা ‘ভেন্টআনশাউউ’ পাওয়া যায়।

খোজার গল্প তিন রকমের। সহজেই অহুমান করা যায়, তিনি যেখানে চালাকি করে অল্পকে বোকা বানাচ্ছেন, কিম্বা মারাত্মক উত্তর দিয়ে প্রতিপক্ষকে নিরস্ত করছেন তার সংখ্যাই বেশী। কিন্তু সঙ্গে সঙ্গে এস্তের গল্প আছে যেখানে তিনি একটি পয়লা নম্বরেব ইডিয়েট, গাড়লস্ত কুংব্ মিনার। এবং তৃতীয় শ্রেণী থেকে বোঝা যায় না, তিনি বোকা না আমরা বোকা।

যেমন মনে করুন, খোজাকে অমাবস্তার রাতে শুধানো হল পূর্ণিমার চাঁদ গেল কোথায়? খোজা একগাল হেসে উত্তর দিলেন, ‘তাও জানো না, পূর্ণিমার চাঁদকে প্রতি রাতে ফালি ফালি করে কেটে নেওয়ার পর এখন সেগুলো গুঁড়ো করে আকাশের তারা করে ছাড়িয়ে দেওয়া হয়েছে।’

খোজা বোকা বনতে চান, না বানাতে চান?

অবশ্য খোজার গীতিরস বা লিরিকরস অসাধারণ ছিল। এই কবিত্বময় ব্যাখ্যাটি দিয়ে তিনি যে গীতিরস সৃষ্টি করতে চান নি, বা যে-সব কবি অসম্ভব অসম্ভব তুলনা দিয়ে কাব্যরস সৃষ্টি করতে চান তাদের নিয়ে মঙ্গুর করতে চান নি এ-কথা বলা কঠিন। কারণ আমাদের অলঙ্কারশাস্ত্রেও আছে,—

‘প্রিয়ে, আকাশে চন্দের মুখ দেখে

মনে হল তোমার মুখ,

তাই আমি চাঁদের পিছনে পিছনে ছুটছি।’

এ ধরনের তুলনাকে ‘অসম্ভব তুলনা’ বলে আলঙ্কারিক দণ্ডিন্ কাব্যাদর্শে নিন্দা করেছেন। একটু ভেবে দেখলেই বোঝা যায় যে এতে হান্তরসের অবতারণা হওয়া বিচিত্র নয়। কথা নেই, বার্তা নেই, একটা লোক যদি চাঁদের পানে একদৃষ্টে তাকিয়ে তাকিয়ে হঠাৎ খোয়াই-ভাঙা মাঠ-ময়দান ভেঙে ছুটতে আরম্ভ

করে আর বলতে থাকে, 'ঐ আমার প্রিয়া', 'ঐ আমার প্রিয়া' তাহলে পাড়ার ডন্ জোয়ানদেবও হেসে ওঠা অসম্ভব নয়।

তবু না হয় যেনে নেওয়া গেল, চাঁদকে গুঁড়ো করে খোজা ইচ্ছা করেই বোকা বনেছেন। কিন্তু এখন যেটা বলছি সেটাতে খোজা কি ?

দোস্তের বাড়ির দাওয়াতে খোজা খেলেন এক নতুন ধরনের মিশরী কাবাব। অতি সযত্নে এক টুকরো কাগজে লিখে নিলেন তার রেসিপি কিংবা পাকপ্রণালী কিংবা যাই বলুন। ততোধিক সযত্নে, ব-তরীবৎ সেটি রাখলেন জোক্কার ভিতরে গালাবিয়ার বুকপকেটে। রাস্তায় বেরিয়েই গেলেন তাঁর প্যারা কসাইয়ের দোকানে। আজ সন্ধ্যায়ই গিন্নীকে শিখিয়ে দেবেন কি করে এই অমূল্যনিধি রাখতে হয়। আর খাবেনও পেট ভরে। বন্ধুর বাড়িতে মেকদারটা একটু কম পড়েছিল। গোশং কিনে খোজা রাস্তায় নামলেন।

হঠাৎ চিল এসে ছোঁ মেরে মাংস নিয়ে হাওয়া।

খোজা চিলের পিছনে ছুটতে ছুটতে আকাশের দিকে তাকিয়ে চিৎকার করে চিলকে বলতে লাগলেন, 'আরে কোরছ কি ? শুধু মাংসটা নিয়ে তোমার হবে কি ? রেসিপিটা যে আমার পকেটে রয়ে গেছে। কী উৎপাত ! দাঁড়াও না।'

কিন্তু এভাবে গল্পের পর গল্প বলতে থাকলে খোজার সম্পূর্ণ গ্রন্থ নকল করে দিতে হয়। সম্পাদক আপত্তি জানাবেন।

এবারে তাহলে যে ধরনের গল্পের জন্ম খোজা সুপ্রসিদ্ধ তারই একটি নিবেদন করি।

কথিত আছে, একদা খোজা জন্মভূমি তুর্কীর প্রতি বিরক্ত হয়ে দেশত্যাগ করে ইরান দেশে চলে যান। এতে আশ্চর্য হবার মত কিছুই নেই। কারণ খোজা ছিলেন কাগজানহীন পরোপকারী—আমাদের বিদ্যাসাগরের মত দাগা খাওয়া বিচিত্র নয়।

তা সে যাই হোক,—লোকমুখে ইরানের রাজা সে খুশ-খবর শুনে বে-এস্তেয়ার। তড়িঘড়ি লোকলশ্কারসহ উজ্জীর-ই-আলাকে পাঠিয়ে দিলেন খোজাকে পরম যত্নসহকারে রাজদরবারে নিয়ে আসতে। খোজা আসামাত্র তৎ-ই-সুলেমান ত্যাগ করে বাদশা তাঁকে আলিঙ্গন করে পাশে বসালেন। মাখায় সোনার তাজ পরিয়ে দিলেন, গায়ে কান্দীরী শাল জড়িয়ে দিলেন, কোমরবন্ধে দমশ্কাী তলওয়ার ঝুলিয়ে দিলেন। চতুর্দিকে জয়জয়কার।

সভাভঙ্গের পর বাদশা নিভূতে ইতি-উতি করে, আশ-কথা পাশ-কথা কাড়ার

পর অতি সন্তর্পণে তাঁর জাগীরের প্রতি ইঙ্গিত করলেন। খোজা করজোড়ে 'সে কি শাহ-ইন-শাহ, আপনার যে পুত্র পবিত্র...' ইত্যাদি<sup>৩</sup> বলে তিনি নিবেদন করলেন, রাজসম্মানই তাঁর পক্ষে যথেষ্ট।

বাদশাহ বিস্তর চাপাচাপি করার পর খোজা বললেন, 'ছজুরের যখন নিভাস্তাই এ হেন বাসনা তবে ছকুমজারী করে দিন কাল সকাল থেকে যারা বউকে ডরায় তাবা আমাকে একটি করে ডিম প্রতি সকালে দেবে।'

দীন-ছনিয়ার মালিক বাদশাহ তো তাজ্জব। 'ওতে আপনার কি হবে? আমি খবর পেয়েছি, আপনি দান-খয়রাতে দাতাকর্ষ।'

খোজা এলবর্জ পাহাড়ে মত অচল অটল। তবে তাই সই। ইরানী ভাষায় বলতে গেলে আলোচনার কার্পেট তখন রোল করে গুটিয়ে ঘরের কোণে খাড়া করে রেখে দেওয়া হল।

পরদিন ফজরের নমাজের সময় থেকেই হৈ-টৈ টৈ-টৈ। এস্তেক রাজবাড়িতেও মমলেট-অমলেট নেই। কি ব্যাপার? যাদের বাড়িতে মুর্গা নেই তারা ফজরের আজানের পূর্বে ছুটেছে বাজারপানে। ডিম কিনে ধাওয়া করেছে খোজার ডেরার দিকে।

সেখানে ডাঁই ডাঁই হুদো হুদো আঙার ছয়লাপ! আঙার নবীন ব্রহ্মাণ্ড!

পাইকিরী ব্যবসায়ীরা চতুর্দিকে বসে!

সাতদিন যেতে-না-যেতে খোজা চাউস তেতলা হাওয়া-মঞ্জিল হাঁকালেন। পক্ষাধিককাল মধ্যেই বোখারার কার্পেট, সমরকন্দের রেশমী তাকিয়া, মুরাদাবাদী আভরদান, গোলাপ-পাশ, বিদরী আলবোলা, রাজস্থানের গোলাপী মার্বেলের কোয়ারা, সরণ-দীপের ( স্বর্ণদীপ সিংহল ) হাতির দাঁতের চামর, ব্যজনী!

বাদশাহ তো আজ্জব তাজ্জব মানলেন।

কুলোকে বলে, দু'একজন অমিতবীর্ষ অসীম সাহসী শের-দিল রুস্তম নাকি ডিম নিয়ে যায় নি দেখে তাদের ( অথবা তার ) স্ত্রী নাকি শুমিয়েছিল, 'ওঃ! তুমি বুঝি আমাকে ডরাও না?' তারপর আর দেখতে হয় নি।

ইরানের বাদশাহ খুশীতে তুর্কীর ধাস খলীকাকে ছাড়িয়ে গেছেন।

এমন সময় রাজার মস্তকে বজ্রাঘাত। খোজা তিন মাসের ছুটি চান,—দেশ থেকে বউ-বাচ্চা নিয়ে আসবেন বলে। খোজা মারাত্মক একদারনিষ্ঠ। রাজা

৩ ইরানে বাদশাহর সামনে কোন্ মন্ত্র দিয়ে নিবেদন আরম্ভ করতে হয়, তার পুরো বিবরণের জন্ত 'দেশে-বিদেশে' অধ্যায় পঞ্চ।

আর কি করেন, অতি অনিচ্ছায় ছুটি দিলেন, অবশ্য, তিন মাস রিট্রেক করে দু'মাসের তরে। যাবার সময় বললেন, 'দোস্ত! দেরি করবেন না, আপনার বিরহে আমার—' বাদশার গলা জড়িয়ে এল। ততদিনে তাঁদের সম্পর্ক আর রাজা-প্রজায় নয়—দোস্তীতে এসে দাঁড়িয়েছে।

দু'মাসের কয়েক দিন পূর্বেই খোজা রাজসভায় পুনরায় উপস্থিত। রাজা পরমানন্দে রাজোচিত ভাষায় শুধালেন, 'তবে কি পুণ্যলীলা বেগম-সাহেবা স্ব-ভবনে অবতীর্ণ হয়েছেন?'

খোজা বললেন, 'হ্যাঁ হজুর! তবে কি না, ভবনটি তাঁর উপর অবতীর্ণ হলেই হত আরো ভালো।'

তদুত্তরে সভাভঙ্গের হুকুম হল। বাদশা নিয়ে গেলেন খোজাকে অন্দরমহলে। 'শতক বছর পরে বধূয়া আসিল ঘরে—'

বাদশার তখন ঐ হাল। দোস্তের সঙ্গে নিভৃত হুঁ হুঁ হয়ে কুহ কুহ করবেন।

দু-পাত্র শিরাজী খেয়ে বাদশা খোজার কাছে খেঁষে বললেন, 'দোস্ত! রাজ্যের আর সকলের সঙ্গে আমার রাজা প্রজার সম্বন্ধ। তারা আমার কাছ থেকে চায়; আমি তাদের দি। কিন্তু আপনি আমার দোস্ত—আপনার সঙ্গে দোস্তীর সম্পর্ক। দোস্ত যখন দেশে করে তখন দোস্তের জন্ত—' বাদশা গলা সাক করে বললেন, 'এই, ইয়ে, মানে, কোনো কিছু একটা সওগাত আনে। আপনি তো আনেন নি।'

বলে বাদশা খ্যাক খ্যাক করে বিস্তী রকমের হাসতে লাগলেন।

না-হকু বেইশ্বাহ হলে মাহুম যে রকম বেদনাতুর কণ্ঠে ককিয়ে ওঠে, খোজা সেইরকম বললেন, 'জহাঁপানা কুলে জুনিয়ার ইমান-ইনসাকের মালিক, এ সংসারে আজা-ভালার ছায়া (জিল্লুলা)—আমার উপর অবিচার করবেন না। এনেছি, আলবৎ এনেছি। দেশে পৌঁছে সকলের পয়লা হজুরেরই সওগাত সংগ্রহ করেছি। আজ সঙ্গে আনি নি। অবস্থা বুকে ব্যবস্থা করতে হয়। কাল সন্ধ্যায় নিয়ে আসবো।'

একেই বলে দোস্ত!।

উদ্ভীষ হয়ে রাজা শুধালেন, 'কি? কি? আমার যে ভর সইছে? না। আঃ, জীবনে এই প্রথম কিছু-একটা পেলুম।'

খোজা বললেন, 'নিজের আনা সওগাতের প্রশংসা করতে বাধে, কিন্তু সত্যি হজুর—অপূর্ব, অতুলনীয়। একটি অপরূপ সুন্দরী তুর্কা তরুণী আপনার জন্ত

এনেছি হৃদয় ।’<sup>৪</sup>

বন্ধারের জন্ত কার্শীটা শুধন :

‘অগরু আন তুর্ক-ই-শিরাজী  
বদন্ত্ আরদ্ দিল-ই মারা  
ব্-খাল-ই হিন্দো ওশ বখ্-শম্  
সমরুকন্দ্ ওয়া বুখারারা ।’

কথিত আছে এ দৌহা লিখে হাফিজকে তিমুর লেনের সামনে বিপদে পড়তে  
হয়েছিল। সেটা বারাস্তরে হবে।

তারপর খোজা উচ্ছ্বসিত হয়ে সেই তরুণীর রূপবর্ণনা আরম্ভ করলেন, একে-  
বারে আমাদের বিদ্যাপতি স্টাইলে, নখ্ থেকে শির পর্যন্ত—যাকে বলে নখ-শির  
বর্ণন। ‘ওহো হো হো,—একটি তরুণী চিনার গাছ হেন! কী দোলন, কী  
চলন!’

৪ ইরানে তুর্কী রমণীর বড়ই কদর।

‘হে তরুণী হে তুরস্কী, হে সুন্দরী সাকি  
এমনি হৃদয় মুগ্ধ করিয়াছ তুমি,  
তব কপোলের ঐ কৃষ্ণ তিল লাগি  
বোখারা সমরুকন্দ দিতে পারি আমি ।’

অনুবাদটি ভালো নয়। কিন্তু হাফিজের এই কবিতাটি এতই বিখ্যাত যে, তার  
একাধিক ইংরিজী অনুবাদ আছে,—

“If that unkindly Shirazi Turk  
would take my heart in her hand  
‘I’d give Bukhara for the mole upon  
her cheek, and Samarkand.”

কিষ্কা

“Sweet maid, if thou wouldst charm my sight ;  
And bid these arms thy neck infold ;  
That rosy cheek, that lily hand  
Would give thy poet more delight  
Than all Bokharas vaunted gold.  
Than all the gems of Samarkhand.”



বাদশা বললেন, 'আস্তে।'

কিন্তু খোজাকে তখন পায় কে, তিনি মৌজে। গলা চড়িয়ে বললেন, 'চিকুর  
কেশ তো নয়, যেন অমা-যামিনীর স্বপ্নজাল—আর্দ্র, নিষ্ক, যুগনাভি সম।'

উৎসাহের তোড়ে খোজা তখন উঠে দাঁড়িয়েছেন। যেন রাজকবি দরবারের  
সবাইকে শুনিয়ে কবিতা পাঠ করছেন।

বাদশা ব্যাকুল হয়ে খোজার জোকা টেনে কাতর কণ্ঠে বললেন, 'চূপ, চূপ,  
আস্তে আস্তে—পাশের ঘরে বেগম-সায়েবা রয়েছে।'

ঝুপ, করে বসে পড়ে খোজা বিনয়নয় কণ্ঠে বললেন, 'জুজুর, কাল সকাল  
থেকে একট কবে আঙা পাঠিয়ে দেবেন। আমার পাওনা।'

এইখানেই খোজা-কাহিনী শেষ করলে ঠিক হত। কিন্তু তাহলে তাঁর প্রতি  
অবিচার করা হবে। তিনি পরলোকগমনের পূর্বে যে শেষ রসিকতাটি করে  
গিয়েছেন, সেটি বাদ পড়ে যায়। কারণ সেটি আজও প্রথম দিনের মত তাজা,  
অতিশয় নব—ফার্সীতে যাকে বলে 'তাজা ব-তাজা, নো-ব-নো'<sup>৫</sup>। দ্বিতীয়ত,  
আঙার গল্পটি আমি শুনেছি আমার সর্ব-কনিষ্ঠা ভগিনী লুৎফুলিসার কাছ থেকে।  
আমার মত তাঁর পায়েও চক্কর আছে। সে শুনেছে, লাহোর না পেশাওয়ার  
কোথায় যেন। এর থেকে এটাও বোঝা যায়, খোজার গল্প মুখে মুখে কতখানি  
ছড়িয়ে পড়েছে। এখন বাঙলা দেশেও পৌঁছল। সপ্তদশ অখারোহী গাজা :  
দশ বাদ দিয়ে সপ্ত শতাব্দীতেই হয়।

এবারে শেষ গল্প। এটাতে আপনি আমি সবাই আছি।

যেমন মনে করুন, দৈবযোগে আপনি পৌঁচেছেন আক্শেহিরে। স্বভাবতই  
আপনার মনে বাসনা, দিলে ইরাদা জাগবে খোজার গোরস্তান দেখবার জন্য।  
একাই বেরিয়ে পড়ুন, কিছুটা ভাবনা নেই, সবাই রাস্তা চেনে।

সেখানে গিয়ে দেখবেন, সামনে এক বিরাট দেউড়ি—প্রবেশদ্বার। কোথায়  
লাগে তার কাছে ক্ষতেহ-পুর-সিক্রিতে আকবর বাদশার বুলন্দ-দরওয়াজ। এক-  
বারে শিশু। তা না হয় হল, কিন্তু অবাক হবেন দেখে যে বন্ধ দরজায় এক বিরাট  
তিন মণ ওজনের তালা।

গোরস্থানে আছেই বা কি, যাবেই বা কি? এই ভারতবর্ষেই লুটতরাজের  
ফলে যা কিছু ইয়ারং বেঁচে আছে, সেগুলো হয় কবর নয় মসজিদ—ওসবে লুটের

৫ সত্যেন দত্তের অনুবাদ আছে।

কিছু নেই বলে। তিন মণী তাল দিবে খোজার দেহরক্ষা—অন্ত্যর্থে—করা হচ্ছে, মিশরী মমীর মত ? কিন্তু ইসলামে তো হেন ব্যবস্থা নেই।

নাচার হয়ে তালাটা বন্ধ দোরে বার কয়েক ঠুকলেন, এদিক ওদিক গলা বাড়িয়ে চেঞ্জাচেঞ্জি করলেন।

তখন দরাজ-দেউড়ির একপাশ দিয়ে পাঁচিল ডিঙিয়ে বেরিয়ে এল পাহারা-ওলা। আপনাকে সবিনয় নিবেদন করবে, 'কি হবে ঐ বিরাট তাল খুলে। ওটা কখনো খোলা হয় নি। চলুন পাঁচিল ডিঙিয়ে যাই।'

মানে ?

একশ' ফুট উচু দেউড়ি—চতুর্দিকের পাঁচিল উচুতে এক ফুট হয় কি না হয়।

মানে ?

খোজার আধেরী-শেষ-মস্করা। উইলে এইভাবে তৈরী করবার আদেশ দিয়ে গিয়েছিলেন।

বলতে চেয়েছিলেন, 'এ জীবনে আমরা সামনের দিকটা আগলাতেই ব্যস্ত। ইতিমধ্যে আর সব দিক দিয়ে যে বেবাক কিছু চলে যায়, তার খবর রাধি নে।'

\*

\*

আমি আক্শেহির যাই নি। কাজেই হুপ খেয়ে বলতে পারবো না, খোজার দর্গা এই পদ্ধতিতে নির্মিত কি না। যদি না হয় তবে বুঝবো খোজা আরো মোক্কম রসিক। বিন খর্চায় আমাদের এখনো হাসাচ্ছেন আব বোকা বানাচ্ছেন।

### নজরুল ইসলাম ও ওমর খৈয়াম

পশ্চিমবঙ্গের মুর্শিদাবাদ, রাজমহল, শ্রীরামপুর হুগলী এবং পরবর্তী যুগে কলকাতায় অনেকখানি আরবী-ফার্সী চর্চা হয়েছিল বটে, কিন্তু গ্রামাঞ্চলে এ চর্চা খুব ছড়িয়ে পড়তে পারে নি। তার প্রধান কারণ অতি সরল—ইসলাম পশ্চিম-বঙ্গের গ্রামাঞ্চলে পূর্ববাংলার মত ছড়িয়ে পড়তে পারে নি, কাজেই অতি সহজেই অহুমান করা যায়, চুরুলিয়া অঞ্চলে পীর-দরবেশদের কিঞ্চিৎ সমাগম হয়ে থাকলেও মৌলবী-মৌলানারা সেখানে আরবী-ফার্সী বড় কেন্দ্র স্থাপনা করতে পারেন নি।

তদুপরি নজরুল ইসলাম ইকুলে হুবোধ বালকের মত যে খুব বেশী আরবী-ফার্সী চর্চা করেছিলেন তাও মনে হয় না। ইকুলে তিনি আদৌ ফার্সী ( আরবীর সম্ভাবনা নগণ্য ) অধ্যয়ন করেছিলেন কি-না, সে সম্বন্ধেও আমরা বিশেষ কিছু

জানি নে। শ্রীযুক্ত শৈলজানন্দ নিশ্চয়ই অনেক কিছু বলতে পারবেন।

তারো পরে প্রথম বিশ্বযুদ্ধে যোগ দেওয়ার কালে তিনি যে এ সব ভার্য্য খুব বেশী এগিয়ে গিয়েছিলেন তাও তো মনে হয় না। পন্টনের হাবিলদার যে জাকা-জাকা পরে দেওয়ানা-দেওয়ানা ভাব ধরে হাকিজ-সাদীর কাব্য কিম্বা মৌলানা রুমীর মসনবী সামনে নিয়ে কুঞ্জে কুঞ্জে ছন্নছাড়ার মত ঘুরে বেড়াবে তাও তো মনে হয় না। এমন কি রডীন সদরিয়্যার উপর মলমলের বৃষ্টির অঙ্করখা পরে হাতে শিরাজীর পাত্র নিয়ে সাকীর কণ্ঠে ফার্সী গজল আর কসীদা-গীত শুনছেন, এও খুব সম্ভবপর বলে মনে হয় না। কসম খেয়ে এ বিষয়ে কোনো কিছু বলা শক্ত, তবে এটা তো স্পষ্ট দেখতে পাচ্ছি যে, কাব্যে যতপি 'খাকী' এবং 'সাকী' চমৎকার মিল, তবু বাস্তব জীবনে এ দুটোর মিল এবং মিলন সচরাচর হয় না।

তবু নজরুল ইসলাম মুসলিম ভ্রমণের সন্তান। ছেলেবেলায় নিশ্চয়ই কিঞ্চিৎ আলিফ, বে, তে করেছেন, দোয়া-দরুদ ( মন্ত্র-তন্ত্র ) মুখস্থ করেছেন, কুরান পড়াটা রপ্ত করেছেন। পরবর্তী যুগে তিনি কুরানের শেষ অল্পচ্ছেদ 'আমপারা' বাঙলা ছন্দে অল্পবাদ করেন—হালে সেটি প্রকাশিত হয়েছে। সে পুস্তিকাতে তাঁর গভীর আরবী জ্ঞান ধরা পড়ে না—ধরা পড়ে তাঁর কবি-জনোচিত অস্বৃষ্টি এবং আমপারার সঙ্গে তাঁর যে আবাল্য পরিচয়। বিশেষ করে ধরা পড়ে, দরুদ দিয়ে স্রষ্টাকর্তার বাণী ( আল্লার 'কালাম' ) হৃদয়ঙ্গম করার তীক্ষ্ণ এবং সূক্ষ্ম প্রচেষ্টা।

এরই উপর আমি বিশেষ করে জোর দিতে চাই। ফার্সী তিনি বহু মোল্লা-মৌলবীর চেয়ে কম জানতেন, কিন্তু ফার্সী কাব্যের রসাস্বাদন তিনি করেছেন তাঁদের চেয়ে অনেক বেশী। রবীন্দ্রনাথ নিশ্চয়ই অনেক সংস্কৃত ব্যাকরণবাগীশদের চেয়ে কম সংস্কৃত জানতেন, কিন্তু তিনি গিরিকের রাজা মেঘদূতখানা জীবন এবং কাব্য দিয়ে যতখানি গ্রহণ করতে পেরেছিলেন ততখানি কি কোনো পণ্ডিত পেরেছেন? বহু লোকই বাঙলা দেশের মাটি নিখুঁতভাবে জরিপ করেছে, কিন্তু ঐ মাটির জন্ত প্রাণ তো তারা দেয় নি। কার্নাইলাল, ফুদিরাম ভালো জরিপ জানতেন এ কথাও তো কখনো শুনি নি।

কাজী রোমান্টিক কবি। বাঙলা দেশের জল-বাতাস, বাঁশ-ঘাস যে রকম তাঁকে বাস্তব থেকে স্বপ্নলোকে নিয়ে যেত, ঠিক তেমনি ইরান-তুরানের স্বপ্নকৃমিকে তিনি বাস্তবে রূপান্তরিত করতে চেয়েছিলেন বাঙলা কাব্যে। ইরানে তিনি কখনো যান নি, স্বযোগ পেলেই যে যেতেন, সে কথাও নিঃসংশয়ে বলা যায় না ( শুনেছি, পণ্ডিত হয়েও মাসুমুলার ভারতবর্ষকে ভালবাসতেন এবং তাই বহুবান্ন স্বযোগ পেয়েও এদেশে আসতে রাজী হন নি। ) কিন্তু ইরানের গুল্‌বুল্‌দ,

শিরাজী-সাকী তাঁর চতুর্দিকে এমনই এক জানা অজানার ভুবন সৃষ্টি করে রেখেছিল যে গাইড-বুক, টাইম-টেবিল ছাড়াও তিনি তাঁর সর্বত্র অনায়াসে বিচরণ করতে পারতেন। গুলীরা বলেন, প্রত্যেক মাহুশেরই দুটি করে মাতৃভূমি—একটি তাঁর আপন জন্মভূমি ও দ্বিতীয়টি প্যারিস। কাজীর বেলা বাঙলা ও ইরান। কীটস বায়রনের বেলা যে রকম ইংল্যান্ড ও গ্রীস।

আরবভূমির সঙ্গে কাজী সায়েবের যেটুকু পরিচয়, সেটুকু প্রধানতঃ ইরানের মারফতেই। কুরান শরীফের ‘হারানো ইউসুফের’ যে করুণ কাহিনী বহু মুসলিম অমুসলিমের চোখে জল টেনে এনেছে তিনি কবিরূপে তার সঙ্গে পরিচিত হয়েছেন ফার্সী কাব্যের মারফতে।

তুঃখ করো না, হারানো যুসুফ

কাননে আবার আসিবে ফিবে।

দলিলত শুক এ-মক পুনঃ

হয়ে গুলিস্তাঁ হাসিবে ধীরে ॥

ইউসুফে গুমগশতে বা’জ্ আয়দ্ ব্ কিনান্

গম্ ম্ খুব।

কুব্বয়ে ইহ্জান্ শওদ্ রুজ্জি গুলিস্তান্

গম্ ম্ খুর ॥

কাজী সায়েবের প্রথম ঘোবনের রচনা এই ফার্সী কবিতাটির বাঙলা অনুবাদ অনেকেরই মনে থাকতে পারে। ‘মেবার পাহাড়, মেবার পাহাড়ে’ব অহুকরণে ‘শাতিল আরব শাতিল আরব’ ঐ যুগেরই অনুবাদ।

কোনো কোনো মুসলমান তখন মনে মনে উল্লসিত হয়েছেন এই ভেবে যে, কাজী ‘বিদ্রোহী’ লিখুন আর যা-ই করুন, ভিতরে ভিতরে তিনি খাঁটি মুসলমান। কোনো কোনো হিন্দুর মনেও ভয় হয়েছিল (যাবা তাঁকে অন্তরঙ্গ ভাবে চিনতেন তাঁদের কথা হচ্ছে না) যে কাজীব হৃদয়ের গভীরতম অনুভূতি বোধ হয় বাঙলার জন্ম নয়—তাঁর দরদ বুঝি ইরান-তুরানের জন্ম। পরবর্তী যুগে—পরবর্তী যুগে কেন, ঐ সময়েই কবিকে যারা ভালো করে চিনতেন, তাঁরাই জানতেন, ইরানী সাকীর গলায় কবি যে বার বার শিউলির মালা পরিয়ে দিচ্ছেন তার কারণ সে তুর্কী মুসলমানী বলে নয়, সে সুন্দরী ইরানের বিদ্রোহী কবিদের নর্ম সহচরী বলে—ইরানের বিদ্রোহী আত্মা কাব্যরূপে, মধুররূপে তার চরম প্রকাশ পেয়েছে সাকীর কল্পনায়।

সে বিদ্রোহ কিসের বিরুদ্ধে ?

এস্থলে কিঞ্চিৎ ইতিহাস আলোচনার প্রয়োজন।

ইরানী ও ভারতীয় একই আর্থগোষ্ঠীর দুই শাখা। দুই জাতির ইতিহাসেই অনেকখানি মিল দেখতে পাওয়া যায়, কিন্তু ইরানীরা যে রকম দিখিজয়ে বেরিয়ে একদিকে মিশর প্যালেস্টাইন, অত্রদিকে গ্রীস পর্যন্ত হানা দিয়েছিল, ভারতায়েরা সে রকম করে নি। দ্বিতীয়তঃ বিদেশী অভিযানের ফলে ইরানভূমি যে রকম একাধিকবার সম্পূর্ণ লুণ্ঠিত হয়েছে, ভারতবর্ষের ভাগো তা কখনো ঘটে নি। এ সব কারণেই হোক বা অত্র যে-কোনো কারণেই হোক ইরানীরা সভ্যতার প্রথম যুগ থেকেই সে এক উগ্র স্বাভাৱ্যভিত্তিমানে সৃষ্টি করে। ভারতবর্ষ যেখানে শাস্ত্রভাবে বিদেশীর ভালো-মন্দ দেখে-চিনে নিজকে মেলাবার, পরকে আপন করার চেষ্টা করেছে, ইরান সেখানে আদৌ সে চেষ্টা করে নি এবং শেষটায় যখন বাধ্য হয়ে সব-কিছু নিতে হয়েছে তখন করেছে পরবর্তীকালে, তার বিরুদ্ধে বিদ্রোহ।

গ্রীস-রোমের কাছে পরাজিত হওয়া এক কথা, আর প্রতিবেশী 'অল্পমত', 'অধঃসভ্য' আরবদের কাছে পরাজিত হওয়া আরেক কথা। তদুপরি গ্রীক রোমানরা ইরানে যে সভ্যতা এনেছিল, তাতে গরীব-দুঃখীর জন্ম নূতন কোনো আশার বাণী ছিল না। যে নবীন ধন-বন্টন পদ্ধতি ষাড়া হজরৎ মুহম্মদ আরব দেশের আপামর জনসাধারণকে ঐক্যপূত্রে গ্রহণ করতে সক্ষম হয়েছিলেন, তাঁর বাণী এসে পৌঁছিল ইরানে। ফলে মুহম্মদ সাহেবের পরবর্তীগণ যখন একদিন অগাচ্ছ জাতির মত দিখিজয়ে বেরোল তখন ইরানী শোষক সম্প্রদায় দেখে মর্মান্ত ও স্তম্ভিত হল যে, ইরানের জনসাধারণ আরবের বিরুদ্ধে তাদের সংগ্রামে ঐক্যবদ্ধ হল না। তারপর আরবরা বিজিত দেশের ধর্মজগতে যে সাম্যবাদ ও অর্থের ক্ষেত্রে যে ধনবন্টন পদ্ধতি প্রচার করলো, তাতে আকৃষ্ট হয়ে ইরানের জনসাধারণ মুসলমান হয়ে গেল। জ্ঞানাতিমানী ও ধর্মঘাতক সম্প্রদায়ও শেষ পর্যন্ত ঐ ধর্ম গ্রহণ করল। তখনকার মত ইরানী সভ্যতা-সংস্কৃতি প্রায় লোপ পেয়ে গেল।

কিন্তু বিদ্রোহ লুপ্ত হল না।

সেটা দেখা দিল প্রায় চারশ' বছর পরে ফিরদৌসীর মতাকাব্য 'শাহনামা'তে। রাষ্ট্রভাষা আরবীকে উপেক্ষা করে ফিরদৌসী গাইলেন প্রাক-মুসলিম যুগের ইরানী বীরের কাহিনী, রাজ্যের দিখিজয়, প্রেমিকের বিরহ-মিলন গাথা—নবীন অথচ সনাতন সেই ফার্সী ভাষায়। যে ফার্সী কাব্য-সাহিত্য পরবর্তী যুগে বিশ্বজনের বিশ্বয় সৃষ্টি করতে সক্ষম হয়, তার প্রথম সার্থক কবি ফিরদৌসী।

এই নূতন ভাষাতে, নবীন প্রাণে উন্নত হয়ে যে সব কবি কাব্যের সর্ব বিশ্ববস্ত্র নিয়ে নব নব কাব্যধারার প্রবর্তন করলেন তার কাছে পরবর্তী যুগের

ইউরোপীয় রেনেসাঁসও এতখানি সর্বমুখী ব'লে মনে হয় না। দু'শ বছর যেতে শ্রা-যেতেই বিশ্বের কাব্যজগতে ইরান তার অদ্বিতীয় আসন স্টি করে নিল।

এঁদের মধ্যে সত্য বিদ্রোহী কবি ওমর খৈয়াম।

\*

\*

ইরানে ইসলাম প্রচারিত হওয়ার ফলে শিক্ষিত তথা পুরোহিত সম্প্রদায়ের ভিতর বিভিন্ন আন্দোলনের স্টি হল। তার প্রথম

(১) যারা মুসলিম শাস্ত্রের চর্চা করে যশস্বী হলেন। ভাবলে আশ্চর্য বোধ হয়, ইরানীরা আরবীর মত কঠিন ভাষা আয়ত্ত্ব করে সে শাস্ত্রে এতখানি ব্যুৎপত্তি অর্জন করলো কি করে? মুসলমানদের মহুর নাম ইমাম আবু হানীফা। পৃথিবীর শতকরা আশীজনেরও বেশী মুসলমান আজ নিজকে হানফী অর্থাৎ আবু হানীফার মতবাদে বিশ্বাসকাবী বলে পরিচয় দেয়। কিন্তু তাতে আশ্চর্য হবার মত কীই বা আছে? শ্রীশ্রীশঙ্করাচাৰ্য তো শুনেছি ভারতবর্ষেব দক্ষিণতম কোণের লোক, এবং তাঁব ধমনীতে যে অত্যাবক আর্ষরক্ত ছিল তাও তো মনে হয় না, অন্ততঃ একথা তো অনায়াসে বলা যেতে পারে যে, আর্ষ উত্তর ভারতের তুলনায় মালাবাবে সংস্কৃত-চর্চা ছিল অনেক কম। তবু যে তিনি শুধু তাঁব মাতৃভূমি মালাবারে বৌদ্ধদের পরাস্ত করতে সক্ষম হয়েছিলেন তাই নয়, আর্ষ উত্তর ভারতেও তিনি তাঁর বিজয় পতাকা উড্ডীয়মান করতে সক্ষম হয়েছলেন। ইরানী আবু হানীফার মতবাদও একদা ইসলামের জন্মভূমি মক্কা-মদীনা তথা আরব দেশ জয় করতে সক্ষম হয়েছিল। এ বকম উদাহরণ পৃথিবীতে আরো আছে।

(২) যারা ক্রিয়াকাণ্ড, টাকা-টিপ্পনী, মন্ত্রতন্ত্র সম্পূর্ণ আস্থা না দিতে পেবে 'রহস্তবাদ' বা শূক্ষীতত্ত্বের প্রচার এবং প্রসার করতে লাগলেন, এ'ব ভগবানের আরাধনা কবেন রপের মাধ্যমে এবং বাঙলার বৈষ্ণব তথা 'মবমিয়া'দের সঙ্গে এঁদের তুলনা করা যেতে পারে।

মরম না জানে                      ধরম বাধানে

এমন আছয়ে যারা

কাজ নাই, সখি,                      তাঁদের কথায়

বা হরে থাকেন তাঁরা।

\*

\*

ঐ চাহনিতে                      বিশ্ব মজেছে

পড়িয়াছে কত অশ্রধার

পাগল করলি                      এ প্রমত্ত আঁখি

কুলমান রাধা হৈল ভার।

এ ধরনের কবিতা সূফী ও বৈষ্ণবদের ভিতর এতই প্রচলিত যে, কোনটি সূফী কোনটি বৈষ্ণব ধরে ওঠা অসম্ভব। যদি বলি,

প্রেম নাই, প্রিয় লাভ আশা করি মনে

রাধিকার মত ভ্রাস্ত কে ভব-ভবনে।

‘তবে চট করে কেউ আপত্তি করবেন না। অথচ আসলে আছে,

প্রেম নাই, প্রিয় লাভ আশা করি মনে

চাক্ষেজের মত ভ্রাস্ত কে ভব-ভবনে।

( ‘সম্ভাব-শতক’ কৃষ্ণচন্দ্র মজুমদারের অম্ভবাদ )

বৈষ্ণবদের সঙ্গে এঁদের আরো বহু মিল আছে। এঁদের সূফীবাদ পরবর্তী যুগে তথাকথিত ‘তুর্কী’র গ্রহণ করে। বাঙলা দেশে প্রথম যে মুসলমানরা আসেন তাঁদের আমরা ‘তুর্ক’, ‘তুরুক্’ নাম দি ( প্রাচীন বাঙলার ‘মুসলমান’ শব্দের প্রতিশব্দ ‘তুর্ক’—তামিলে এখনো ‘তুরুম্ম’ ) এবং তাঁদের চক্রাকারে নৃত্য করে আল্লার নাম জপ ( ‘জিক্‌র’—যার থেকে বাঙলা ‘জিগির’ শব্দ এসেছে ) করা দেখে ‘তুর্কী-নাচন-নাচা’ প্রবাদটি এসেছে। বৈষ্ণবদের মত এঁরাও জপ করতে করতে ‘হাল’ ( ‘দশা’ ) প্রাপ্ত হন,—অর্থাৎ অজ্ঞান হয়ে পড়েন ও মুখ দিয়ে তখন প্রচুর ফেনা বেরায়। পূর্ব ইয়োরোপে এই নাচ দেখে ইয়োরোপীয়রা এঁদের নাম দিয়েছিল “ডানসিং দরবেশ”। ইংরিজীতে কথাটা এখনো চালু আছে। কিন্তু এ সম্বন্ধে অত্যধিক বাগাড়ম্বর নিম্পয়োজন, কারণ আউল-বাউল, ভাটিয়ালি-মুর্শাদীয়া গীত যারাই শুনেছেন, তাঁরাই এই কাঙ্গালী, সূফী ভক্তিবাদের কিঞ্চিৎ গন্ধস্পর্শ পেয়েছেন।

(৩) দার্শনিক সম্প্রদায়। আযগোষ্ঠীর দুই সম্প্রদায়—ভারতীয় ও গ্রীকরাই প্রধানতঃ দর্শনের চর্চা করেছেন।

মাহমুদ বাদশার সভাপণ্ডিত ‘ভারতবর্ষ’ পুস্তকের ( প্রাচীন তথা অর্ধাধীন ভারতের বহুমুখী কার্যকলাপ, চিন্তা, অমুভতির সঙ্গে যারা পরিচিত হতে চান তাঁদের পক্ষে এ পুস্তক অপরিহার্য; বস্তুতঃ বর্তমান লেখক ব্যক্তিগত ভাবে এ পুস্তককে ‘মহাভারতের পরেই স্থান দেয় ) লেখক পণ্ডিত অল-বীকনী মুস্তফা বলেছেন, ‘দর্শনের চর্চা করেছেন গ্রীক এবং ভারতীয়েরা—আমরা ( অর্থাৎ আরবী লেখকেরা ) যেটুকু দর্শন শিখেছি তা এঁদের কাছ থেকেই।’ কথাটা মোটামুটি সত্য, যদিও পণ্ডিতজনসুলভ কিঞ্চিৎ বিনয় প্রকাশ এতে রয়েছে, কারণ আরবরা গ্রীকদর্শনের আরবী অম্ভবাদ দিয়ে দর্শন-চর্চা আরম্ভ করেছিলেন সত্য কিন্তু পরবর্তী যুগে আভিচেরা ( বু আলী সিনা ), আভেরস ( আবু কশ্‌দ ) ও গজ্‌জালী

( অল-গাজেল- এর 'সৌভাগ্য স্পর্শমণি' প্রায় পঞ্চাশ বৎসর পূর্বে বাঙলায় অনুদিত হয়ে রাজশাহীতে প্রকাশিত হয় ) বহু মৌলিক চিন্তা দ্বারা পৃথিবীর দর্শন জাগরণ সম্বন্ধ করতে সক্ষম হয়েছিলেন। কিন্তু স্মরণ রাখা ভালো, এঁদের দর্শন শব্দ দর্শনেরই ছায়া ধর্মাস্ত্রিত এবং যে-স্থলে কুরানের বাণীর সঙ্গে গ্রীক দর্শনের দ্বন্দ্ব বেধেছে সেখানে তাঁরা আগ্রাণ চেষ্টা করেছেন সে-দ্বন্দ্বের সমাধান করার এবং সময়ে সময়ে তখন তাঁরা নিও-প্রাতোনিজম অর্থাৎ ভারতের উপনিষদসম্বন্ধ অষ্টদৃষ্টির উপর নির্ভর করেছেন। এঁদের বিশেষ নাম 'মুক্তকল্পিমুন' এবং পরবর্তী যুগে এদেশের রাজা রামমোহন তাঁর বিখ্যদর্শন ( ভেটানশাউউউ ) নির্মাণে এঁদের পরিপূর্ণ সাহায্য নিয়েছেন।

(৪) ঐতিহাসিক ও কবিগোষ্ঠী। ইতিহাস-চর্চায় আরবদের দক্ষতা সর্বজনমাত্ত, তবে ইরানীরাও এ-শাস্ত্র তাঁদের কাছ পেতে শিখে নিয়ে এর অনেক উন্নতিসাধন করেন। কিন্তু আমরা যে যুগের আলোচনা করছি তখনো ইরানীদের কাছে ইতিহাস ও পুরাণের পার্থক্য সুস্পষ্টরূপে ধরা দেয় নি। ফিরদৌসীর 'শাহনামা' ( রাজবংশ ) কাব্যেব রাজা-মহারাজা, নায়ক-নায়িকারা অধিকাংশই কবিজনহুলত কল্পনাপ্রসূত—অস্মৃত তাঁদের কীর্তিকলাপ তো বটেই। কিন্তু সব চেয়ে লক্ষ্য করার বিষয়, প্রাক-ইসলামী এই সব অগ্নিউপাসক নায়ক-নায়িকাদের নিয়ে ফিরদৌসীর কী গগনচুম্বী গরিমা, দস্ত এবং সময় সময় আশ্চালন। এ যেন বিজয়ী আরবদের বার বার স্তনিয়ে স্তনিয়ে বলা, 'কালনেমির বিরূপাবর্তনে আজ আমাদের পতন ঘটেছে বটে, কিন্তু এই কাব্যে দেখ, আমরা একদিন সভ্যতার কত উচ্চ শিখরে উঠেছিলুম। সে-দিকে একবার ভালো করে তাকিয়ে দেখো। ওখানে তোমরা কখনো পৌছও নি, পৌছবেও না।' এ স্বর কেমন যেন আমাদের চেনা-চেনা মনে হয়। উনবিংশ শতাব্দীর শেষের দিকে হিন্দু এবং মুসলমান উভয়েই ইংরেজকে স্তনিয়ে স্তনিয়ে বার বাব এই গান গেয়েছে। ( 'অন্ত জাতি দিগ্‌সন পরিত যখন। ভারতে ঋগ্বেদ পাঠ হইত তখন।' )। কিন্তু, আফসোস! শাহনামার মত মহাকাব্যের মাধ্যমে প্রকাশ করতে পারে নি। হেমচন্দ্র ও ইকবালকে ফিরদৌসীর আসনে বসানো কঠিন এবং অসম্ভব কবির যে 'নির্লঙ্কতা' দেখালেন ( 'নির্লঙ্কতা' শব্দটি ভেবেচিন্তেই কুটেশনের ভিতর ফেললুম, কারণ কাব্যে রসস্বরূপে প্রকাশ পেলে চরম নির্লঙ্কতাও পাঠকের মনে বিজ্রোহ সঞ্চার করতে পারে না। আমাদের দুই মাইডিয়ায় হীরা পবননন্দন ভীমসেন ও হুম্মান যে সব দস্ত এবং আশ্চালন করেছেন তা স্বকর্ণে শুনতে হলে 'রাম রাম' বলতে হত, কিন্তু কাব্যে পাঠ করে আনন্দাশ্র বিগলিত



হয়, মনে হয়, ঐ সময়ে, ঐ অবস্থায় এ বাক্য ছাড়া অন্য কিছুই এঁদের মুখে মানাতো না, বলতে ইচ্ছে করে, 'ধন্য ধন্য মুগ্ধ-কবি যারা দম্ভকে বিনয়, লজ্জাকে দ্বাধায় পরিণত করতে পারেন।' ) সেটা ঢাকবার প্রয়াস আজও ইরানে-তুরানে সহজেই চোখে পড়ে। সকলেই জানেন, মুসলমান ধর্মে মদ খাওয়া মানা আর সেই মদও যদি খাওয়া হয় তব্বলী তব্বলী সাকীর সঙ্গে—যার সঙ্গে 'বে-খা' হয়েছে কিনা সে সম্বন্ধেও কবিরা বড় মারাত্মক স্মৃতিশক্তিহীন—তাও আবার স্বরণা তলায়, নির্জনে, গাঁকের কোঁকে, যখন কিনা 'মগরিবের আইন ওকতে' নামাজ পড়ার কথা, আল্লা-রহুলের নাম স্মরণ করার আদেশ—এবং মনে মনে আওড়ানো,

“মত্ত, মাতাল ব্যাসনী আমি গো আমি কটাক বীর”

তা হলে অবস্থাটা কি রকমের হয় ?

কথা সত্য, মোল্লাবা সুবো-শাম ভালো ভালো কেতাবপুঁথি পড়েন, কিন্তু মাঝে-মাঝে, নিতান্ত কালে-কস্মিনে ছু'একখানা কাব্যগ্রন্থের পাতাও তো তাঁরা ওলটান। কবি হাকিজ অবশ্য বিস্তর চলাচলির পর ওকীবহাল হয়ে অভয়বাণী বলেছিলেন,

“মোল্লাব কাছে কোবো না কিন্তু মোর পিছে অল্পযোগ,

তারো আছে, জেনো, আমারি মতন, স্বরামত্ততা রোগ।”

তবু, এ-কথাও তো অজানা নয় যে, মোল্লারাই নীতিবাণীশ সাজে আর পাঁচজননের তুলনায় বেশী।

এবং কার্যতঃ দেখা গেল তারা এবং তাদের চেলাচামুণ্ডার দল কোপে-ঝাপে বসে আছে, শরাব-কবাব জান-কী-সাকী সুন্দর কবিদের বমাল গ্রেফতার করার জন্ত।

কবিরা এবং বিশেষ কবে আমাদের মত তাঁদের গুণগ্রাহীবা, উচ্চকণ্ঠে তখন বললেন, এ-সব কবিতা রূপকে নিতে হয়। মগ্ন অর্থ ভগবদ প্রেম, সাকী অর্থ যিনি সে প্রেম আমাদের কাছে পৌঁছিয়ে দেন, অর্থাৎ পীব, গুরু, মুরশীদ, পয়গম্বব। এবং এ বিষয়ে কোনো সন্দেহ নেই যে, হাকিজ, আন্তার, এমন কি ওমর খৈয়ামের বহু কবিতার কোনো অর্থই করা যায় না, যদি সেগুলো রূপক দিয়ে অর্থ না করা হয়। কিন্তু বাদবাকিগুলো ?

আমাদের পদাবলীতেও তাই। এবং বিস্তর সব পদ আছে যাতে মর্ত্য আর অমর্ত্য প্রেম এমন ভাবে মিশে গিয়েছে যে, দুটোকে আদৌ আলাদা করা যায় না—সমস্ত হৃদয়-মন এক অদ্ভুত অনির্বচনীয় নবরসে আধুত হয়ে যায়। †

তোমার চরণে                      আমার পরাণে  
লাসিল প্রেমের ফাঁসী  
সব সমর্পিয়া                      এক মন হৈয়া  
নিশ্চয় হইলাম দাসী

মর্ত্য প্রেমই যদি হবে তো 'পরানে' 'পরানে' প্রেমের ফাঁসী লাগবে। 'পরানে' আর 'চরণে' প্রেমের বাধ বেধে দিয়ে কী এক অপূর্ব অতুলনীয় ব্যঞ্জনার সৃষ্টি হয়েছে—যার অল্পকৃতি এ-জগতে আরম্ভ, আর পরিপূর্ণতা লাভ করবে সেই অমর্ত্যালোকে, 'ব্যর্থ নাহি হোক এ-কামনা।'

কিন্তু মাঝে মাঝে মনে বিধা জাগে, সর্বত্রই কি রূপকের শরণাপন্ন হতে হবে? যথা :

অতাপ্য-শোক-নব পল্লব-রক্ত হস্তাং  
মুক্তাকল প্রচয়চূড়িত-চূচুকাগ্রাম্ ।  
অস্ত্রঃশ্বিতেন্দুসিত পাণ্ডুর গণ্ডদেশাং,  
তাং বনভাং রহসি সংবলিতাং স্মরামি ॥

বিজ্ঞাপকে

অশোক-পল্লব নব সম পাণিতলে ।  
কুচাগ্র শোভিত হয়েছে মুক্তাকলে ॥  
অস্তরে ঈষৎ হাস গণ্ডে বিকসিত ।  
শরভের চন্দ্র যেন ত্রিলোক-মোহিত ॥  
নির্জনেতে বসি করি সদা সন্তাবনা ।  
প্রাণাধিকা প্রেয়সীকে নিভাস্ত কামনা ॥  
তথাপি বিজ্ঞার নাহি পাই দরশন ।  
বিজ্ঞা তন্ন মন্ত্র করি ত্যজিব জীবন ॥

দ্বিতীয়ার্থ কালীপকে

কথির-খপূর হস্তে দিবানিশি যার ।  
রক্তবর্ণ কবতল হয়েছে শ্রামার ॥  
উচ্চ পয়োধবপরি বান্ধিত কাঁচলী ।  
হীরক জড়িত হারে শোভে মুক্তাবলী ॥  
অস্তরে গভীর হান্ত ঈষৎশ্রু কালে ।  
কিরণে আছয়ে গণ্ড পাণ্ডুবর্ণা ভালে ॥  
অস্তর ভ্রগতে দেখি আলোক বিরাজে ।  
কি শোভা প্রকাশে কুলকুলিণী মাঝে ॥

স্বল্পত সংবলিতা বিধের কারিণী ।

নিদানে গর্জনে স্মরি তারে গো তাকিণী ॥

( চৌরশকাশং, ভারতচন্দ্র, বহুমতী সংস্করণ, পৃ: ৮ )

পূর্বোল্লিখিত এই সব তাবৎ সম্প্রদায়ের বিরুদ্ধে ওমরের বিদ্রোহ ।

গিয়াসউদ্দীন আবুল কংহ্ ওমর ইবন্ ইব্রাহিম অল-খৈয়্যার ইরানদেশের নিশাপুর শহরে জন্মগ্রহণ করেন। তাঁর জন্মদিন কিংবা সন ঠিকমত জানা যায় নি, এমন কি তাঁর মৃত্যুর সনও মোটামুটি ১১২৩ খ্রীষ্টাব্দ বলে ধরে নেওয়া হয়েছে।

খৈয়্যাম শব্দের অর্থ তান্ত্র নির্মাতা। এ ওজনের শব্দ বাঙলায় আরো আছে। 'কতাল' থেকে বাঙলা কোতয়াল, এবং 'খস্মার' থেকে 'খোয়ারী' ( ভাঙা ) শব্দ এসেছে। রাস্মাব মশলা-বিক্রেতা অর্থে বক্কাল শব্দও একলা বাঙলাতে সুপ্রচলিত ছিল—আরবীতে শব্দটির অর্থ 'মুদী' বা 'মশলা-বিক্রেতা'। ত্রিবর্ণের মূল ধাতুতে—যথা 'দ-থ-ল' 'দথল করা' 'ক-ত-ল' 'কোতল করা' বিতীয় ব্যঞ্জনবর্ণকে স্থিত করে তাতে দীর্ঘ 'আ-কার যোগ করলে যে কর্তাবাচক শব্দ উৎপন্ন হয় তার অর্থ 'ঐ কর্ম সে পুনঃ পুনঃ করে থাকে।' তাই 'খস্মার' অর্থ 'যে ঘন ঘন মদ খায়' (বাঙলায় তাই সে সকালবেলা খস্মারী বা খোয়ারী ভাঙে) অর্থাৎ 'পাইকারী মাতাল', 'মদ খাওয়া তার ব্যবসা'। 'কতল' কবা যার ব্যবসা সে কোতোয়াল ('কতাল'), 'জন্মাদ'ও ঐ অর্থে ব্যবহার হয়। 'খয়য়াম' অর্থ 'যে পুনঃ পুনঃ তান্ত্র নির্মাণ করে'—'তান্ত্র নির্মাণকারী'। বাঙলায় 'খইআম', 'খইয়াম' বা 'খৈয়্যাম' লিখলে মোটামুটি মূল উচ্চারণ আসে। অবশ্য 'খ'-র উচ্চারণ বাঙলা মহাপ্রাণ 'খ'-র মত নয়—আমরা বিরক্ত হলে যে রকম 'আখ'-এর 'খ' অক্ষরটি উচ্চারণ করে থাকি অর্থাৎ ঘৃষ্টা কণ্ঠব্যঞ্জন। স্বচের 'লখ' ও জর্মনের 'বাখ'-এর 'খ'-এর মত। আসামীতে 'অহমিয়া'র 'হ' অনেকটা সেই রকম।

কিন্তু কবি ওমর তাঁবুর ব্যবসা করতেন না। ওটা তাঁর বংশের পদবী যাত্র। আজকের দিনেব কোনো সরকার যে রকম বাইটারজ বিল্ডিঙে টীক সেক্রেটারী (সরকার) নন কিংবা কোনো ঘটকপদবীধারী যে-রকম সমাজে কুলাচারের কর্ম করেন না। ওমর কিন্তু তাঁর পরিবারের এই উপাধিটি নিয়ে তিক্ত ব্যঙ্গ করতে ছাড়েন নি—

জ্ঞান-বিজ্ঞান স্তায়-দর্শন সেলাই করিয়া মেলা

খৈয়্যাম কত না তান্ত্র গড়িল, এখন হয়েছে বেলা

নরকহুণ্ডে জলিবার তরে। বিধি-বিধানের কাঁচি  
কেটেছে তাম্বু—ঠোক্কর খাষ, পথ-প্রান্তের ঢেলা।

(লেখকের এমেচারী অক্ষম অহুবাদে রসিক পাঠক অপরাধ নেবেন না। অস্ত্র কারো অহুবাদ না পেয়ে বাধ্য হয়ে মাকে-মধ্যে এ ধরনের ‘অহুবাদ’ ব্যবহার করতে হয়েছে।)

এখানে উল্লেখ প্রয়োজন রুবাঈ জাতীয় শ্লোকে প্রায়শ. প্রথম, দ্বিতীয় ও চতুর্থ ছত্রে মিল থাকে—তৃতীয় ছত্রান্ত স্বাধীন। ইরান আলঙ্কারিকবা বলেন, তৃতীয় ছত্রে মিল না দিলে চতুর্থ ছত্রের শেষ মিলে বেশী ঝোক পড়ে এবং শ্লোক সমাপ্তি তার পরিপূর্ণ গাঙ্খীর্ষ ও তীক্ষ্ণতা পায়। কথাটা ঠিক, কারণ আমবাও তেতাল, বাজাবাব সময় তৃতীয়ে এদে খানিকটা কারচুপি করলে সম মনকে ধাক্কা দেয় আরো ভোরে। পাঠককে এই বেলাই বলে রাখি, তৃতীয় ছত্রে মিলহীন এই জাতীয় শ্লোক পড়ার অভ্যাস করে বাখা ভালো। নইলে নজরল ইসলামেব ওমর-অহুবাদ পড়ে পাঠক পরিপূর্ণ রসগ্রহণ করতে পাবেন না। কাংগ কাজী আগা-গোড়া ক ক খ ক মিলে ওমরেব অহুবাদ করেছেন। কাঙ্খি ঘোষ কবেছেন বাঙলা স্নীতিতে, অর্থাৎ ক ক খ খ।

ভাগ্যক্রমে ওমরের জীবনী সম্বন্ধে বিশেষ কিছু জানা যায় না। পাকাপাকি শুধু এইটুকু বলা যেতে পারে যে তিনি গণিতশাস্ত্রে অসাধারণ পাণ্ডিত্য ছিলেন এবং অবসর কাটাবাব জন্ম দৈবেসেবে চতুদ্দশী লিখতেন.. তার নামে প্রচলিত গজল, মসনবী বা অন্ত কোনো শ্রেণীর দীর্ঘতব কবিতা আজ পর্যন্ত পাওয়া যায় নি। এই-টুকু সংবাদ ছাড়া বাদবাকী কিংবদন্তী। এতে আশ্চর্য হবার কিছু নেই। যাব জন্মেব তারিখ কেন, সন পর্যন্ত জানা নেই, যার পবলোক গমনের সন পর্যন্ত পণ্ডিতদের গবেষণাধীন, তাঁব সম্বন্ধে যে প্রচুর কিংবদন্তী প্রচলিত থাকবে তাতে বিস্মিত হবার কিছু নেই।

তবে তিনি যে উত্তম গুরুব কাছে শিক্ষালাভ কবেছিলেন সে-বিষয়ে পণ্ডিতগণ একমত স্বয়ণ বাখা ভালো যে, ছাপাখানার প্রচলন না হওয়া পর্যন্ত অল্প লোকই গুরুর সাহায্য বিনা উচ্চশিক্ষা লাভ করতে সক্ষম হয়েছেন।

কাথত আছে, বখ্যাত পাণ্ডিত ইমাম মুওয়াক্কফকেব কাছে একই সময়ে তিন-জন অসাধারণ মেধাবী ছাত্র শিক্ষালাভ করেন। এঁদের ভিতব খেলাচ্ছলে চুক্তি হয় যে, এঁদের কোনো একজন পববর্তী জীবনে প্রভাবশালী হতে পারলে তিনি অন্ত ছ জনকে সাহায্য করবেন। এঁদের একজন কালক্রমে প্রধান মন্ত্রী বা নিজাম-উল-মুল্ক-এব পদ প্রাপ্ত হন। থবব পেয়ে দ্বিতীয় বন্ধু হাসন বিন্ সব্বাহ তাঁর

কাছে এসে তাঁর পূর্ব প্রতিজ্ঞা স্মরণ করিয়ে দিয়ে উচ্চ রাজকর্ম চান। বন্ধুর রূপায় আশাভীত উরুপদ পেয়েও হাসন তাঁকে সরিয়ে নিজে প্রধান মন্ত্রী হবার জন্ত বড়বয়স করতে লাগলেন। কিন্তু শেষটার ধবা পড়ে বাদশার হুকুমেই রাজপ্রাসাদ থেকে বহিষ্কৃত হন। হাসন প্রতিশোধ নেবার জন্ত এক গুপ্ত প্রতিষ্ঠান স্থাপন করে গোপন আততায়ী দিয়ে অনেক লোককে হত্যা করিয়ে প্রচুর অর্থ ও প্রতিপত্তি অর্জন করেন। ক্রুসেডেব একাধিক গ্রীষ্টান নেতা এইসব গুপ্তঘাতকের হস্তে প্রাণ দেন। এরা ভাঙ জাতীয় এক প্রকাব হশীশ্ সেবন কব:তা বলে এদের নাম হয়েছিল 'হশীশীঘযন' এবং ইংবিজি 'এাসাসিন'—গুপ্তঘাতক—এই শব্দ থেকেই অর্বাচীন লাতিন তথা ফরাসীভ মাধ্যমে এসেছে। অনেকে বলেন, পববর্তীকালে নিজাম-উল্-মুহু যে গুপ্তঘাতকর হস্তে প্রাণ দেন, সেও হাসন সম্ভ্রায়ের অন্তর্ভুক্ত ছিল। এদের সম্বন্ধে লেখকের 'অবিজিন অব দি খোজা' পুস্তক লেখকের বালা বচনা বলে দ্রষ্টব্যব মাধ্য ধর্তব্য নয়।

ওমবকে যখন নিজাম-উল্ মুহু উরুপদ দিতে চাইলেন তখন তিনি তা প্রত্যাখ্যান করে নির্জনে অনটনবিহীন জীবনযাপনের সুবিধাটুকু মাত্র চাইলেন এ তো জানা কথা। যে ব্যক্তি স্বর্গ-সুখ বলতে বোঝে,

সেই নিবালা পাতায় ঘেরা বনেব ধারে শীতল ছায়,  
খান্ন কিছু, পেয়ালা হাতে, ছন্দ গোধে দিনটা যায়।

মোঁন ভাজি মোব পাশেতে গুঞ্জ তব মঞ্জ সুর—

সেই তো সখি স্বপ্ন আমাব, সেই বনানী স্বর্গপুর।

( কান্তি ঘোষ )

কিংবা—

আমার সাথে আসবে যেথায়—দূর সে রেখে শহবগ্রাম

এক ধাবেতে মরু তাহাব, আর একদিকে শম্প গ্রাম।

বাদশা-নফর নাইকো সেথা—বাজ্য-নীতির চিন্তা-ভার;

মামুদ শাহ ?—দূরে থেকেই করব তাঁকে নমস্কার।

( কান্তি ঘোষ )

তার বাজপদ নিয়ে কি হবে? নিজাম-উল্-মুহু বিচক্ষণ লোক ছিলেন, বৃষতে পারলেন, ওমরের খ্যাতি-প্রতিপত্তি প্রত্যাখ্যান মৌখিক বিনয় নয় এবং তাঁর জন্ত সচ্ছল জীবনযাত্রার ব্যবস্থা করে দিলেন। কবিও কখনো তাঁর মত পরিবর্তন করেন নি। বস্তুতঃ তাঁর কাব্যের মূল সুর ঐটিই।

কিছুদিনের মধ্যেই তাঁর ডাক পড়লো রাজদরবারে—পঞ্জিকা সংশোধন করে

দেবার অস্ত। ইরানীদের 'নওরোজ' বা নববর্ষ আসে বসন্ত ঋতুতে, কিন্তু বহু শত বৎসর লীপ ইয়ার গোনা হয় নি বলে তখন আর নববর্ষ বসন্ত ঋতুতে আসছিল না। ওমর ঐ কর্মটি সূচাক্রমে সম্পন্ন করে দিলেন।

ভাবতে আশ্চর্য লাগে, কবিরূপে যে ব্যক্তি বিশ্বজগতে বিখ্যাত তিনি আসলে ছিলেন বৈজ্ঞানিক। শুধু তাই নয়, ফিটলজেরাল্ডের মাধ্যমে ইয়োরোপে প্রচারিত হবার পূর্বেই ওমরের বিজ্ঞানচর্চা ক্রমশে অনুদিত হয়ে সেখানে তাঁর খ্যাতি সুপ্রতিষ্ঠিত করেছিল। বর্তমান লেখক এসব লেখা দেখবার সুযোগ পায় নি, তাই এনসাইক্লোপিডিয়ার 'কোনিক সেকশন' অহুচ্ছেদ থেকে ইয়োরোপে ওমরের বৈজ্ঞানিক যশ সম্বন্ধে উদ্ধৃতি দিচ্ছি :

"Greek mathematics culminated in Apollonius. Little further advance was possible without new methods and higher points of view. Much later, Arabs and other Muslims absorbed the classical science greedily, it was the Persian poet Omar Khayyam, one of the most prominent mediaeval mathematicians, with his remarkable classification and systematic study of equations, which he emphasized, who blazed the way to the modern union of analysis and geometry. In his "Algebra" he considered the cubic as soluble only by the intersection of conics, and the biquadratic not at all."

শেষ ছত্রটির বাঙলায় অহুবাদ মূল ইংরিজি, এমন কি আধুনিক বাঙলা কবিতার চেয়েও শক্ত হয়ে যাবে বলে গোটা টুকরোটাই অতি অনিচ্ছায় ইংরিজিতেই রেখে দিতে বাধ্য হলাম। বৈজ্ঞানিক পাঠক বিনা অহুবাদেই এটি বুঝতে পারবেন, প্রাজ্ঞ অহুবাদেও আমাদের মত অবৈজ্ঞানিকের কোনো লাভ হবে না।

ইরানের অধিকাংশ গুলীই একমত যে, ওমর তাঁর জীবনের প্রায় সব সময়টুকুই কাটিয়েছেন বিজ্ঞানচর্চা এবং অতি অল্প সামান্য সময় 'নষ্ট' করেছেন কাব্যলক্ষীর আরাধনায়। তাই দার্শনিক কবিতা লেখবার ফুরসৎ তাঁর হয়ে ওঠে নি—এমন কি রুবাইগুলোও গীতিরস দিয়ে সরস করবার প্রয়োজন তিনি অহুভব করেন নি।

গণিত এবং বিশেষ করে জ্যোতিষচর্চার কল ওমরের কাব্যে পদে পদে পাওয়া যায়। বস্তুতঃ গ্রহ-নক্ষত্র যে অলঙ্ঘ্য প্রাকৃতিক নিয়মে চলে তার থেকেই তিনি দৃঢ় মীমাংসার উপনীত হন যে, মাহুভেরও কোনো প্রকারের স্বাধীনতা নেই, তার

কর্মপদ্ধতি বেছান্ন নিয়ন্ত্রণ করার কোনো অধিকারই সে পায় নি। তাই—

প্রথম মাটিতে গড়া হলে গেছে শেষ মানুষের কায়  
শেষ নবায় হবে যে ধাঞ্জে তারো বীজ আছে তায়।  
স্বটির সেই আদিম প্রভাতে লিখে রেখে গেছে তাই,  
বিচার-কর্তা প্রলয় রাত্রি পাঠ যা করিবে তাই।

( সত্যেন দত্ত )

পৃথ্বী হ'তে দিলাম পাড়ি, নন্তঃগেহে মনটা লীন—  
সপ্ত-ঋষি যেথায় বসি ঘুমিয়ে কাটান রাত্রি দিন।  
বিছাটা মোর উঠলো ফেঁপে কাটলো কত ধাঁধার ঘোর—  
মুড়াটা আর ভাগ্যালিখন—ওইখানে গোল রইল মোর।

( কান্তি ঘোষ )

কিন্তু এখানে আমি ওমর-কাব্যের মজিনাথ হবার ছুরাশা নিয়ে পাঠকের সম্মুখে উপস্থিত হই নি। ওমরের নামে প্রচলিত প্রায় ছ'শ'টি রুবাইয়াৎ ইরানী বটতলাতেও পাওয়া যায়—পার্টিশনের পূর্বে কলকাতার কার্সী বটতলা তালতলা অঞ্চলেও পাওয়া যেত। তার অতি অল্পই অল্পবাদ করেছেন ফিটস্‌জেরাল্ড এবং সেই ছ'শ'র কটি কবিতা ওমরের নিজস্ব, তাই নিয়ে পণ্ডিতদের মধ্যে বাক-বিতণ্ডা এখনো শেষ হয় নি—আমার বিশ্বাস কখনো হবে না। সেই ছ'শ' চতুর্দশদীর টাকা পড়ার উৎসাহ ও ধৈর্য বসিকজনের থাকাব কথা নয়—পণ্ডিতের থাকতে পারে। আমি বসিকের সেবা করি।

তাই আমিও ওমরের সামান্যতম ঐতিহাসিক পটভূমি নির্মাণ করার চেষ্টা করছি এবং তাও শুধু ওমরের বিদ্রোহী মনোভাব দেখাবার জগ্ন—কারণ ঐখানেই নজরুল ইসলামের সঙ্গে তিনি সধ্যসূত্রে আবদ্ধ হয়েছেন।

ওমরের প্রধান বিদ্রোহ ধর্মগুরুদের বিরুদ্ধে :—

খাঁজা। তোমার দরবারে ধীর একটি শুধু আজি এই  
খামাও উপদেশের ঘটা, মুক্তি আমার এই পথেই।  
দৃষ্টি-দোষে দেখছ বাঁকা আমার সোজা সরল পথ,  
আমায় ছেড়ে ভালো করো, বাপসা তোমার চক্ষুকেই।

( কাজী সাহেবের অল্পবাদ )

O master ! grant us only this, we prithee ;  
Preach not ! But mutely guide to bliss,  
we prithee !

"We walk not straight"—Nay,

it is thou who squintest !

Go, heal thy sight, and leave us in peace,

we prithee !

( কার্ণেব অহুবাদ )

পৌরাণিক এবং ঐতিহাসিক রাজা-রাজড়ার শৌর্ধবীর্ষ নিয়ে যে সব কবি  
কিরদোসীর ছান্ন আশ্ফালন করে বর্তমানের আনন্দকে অবহেলা করতেন তাঁদের  
সম্বন্ধে বলছেন—

ভাগ্য-লিপি মিথ্যা সে নয়—ফুরোয় যা' তা ফুরিয়ে যাক্,

কৈকোবাদ আর কৈথ্ স্কর ইতিহাসের নামটা থাক ।

রুস্তম আর হাতেম-তায়ের কল্পকথা—স্বতির ফাঁস—

সে-সব খেয়াল ঘুচিয়ে দিয়ে আজকে এস আমার পাশ ।

( কাস্তি ঘোষ )

দরবেশ-সুফীরা করতেন কুচ্ছসাধন এবং যোগচর্চা । পূর্বেই নিবেদন কবেছি,  
তঁারা নৃত্যের সঙ্গে চিংকার করতেন নাম-জপ, তাঁদের বিশ্বাস, ঐ করেই ভগবদ্-  
প্রেম এবং চরম মোক্ষ পাওয়া যায় ।

দ্রাক্ষাশতার শিকড় সেটি তার না জানি কতই গুণ—

জড়িয়ে আছেন অস্থিতে মোর দরবেশী সাই যাই বলুন—

গগনভেদী চীৎকারে তাঁর খুলবে নাকো মুক্তিধার,

অস্থিতে এই মিলবে যে খোঁজ সেই ছয়ারের কুঞ্চিকার ।

( কাস্তি ঘোষ )

কিন্তু সব চেয়ে বেশী চতুষ্পদী তিনি রচনা করেছেন দার্শনিক এবং পণ্ডিতদের  
বিরুদ্ধে । সেখানে তিনি জ্যোতির্বিদ ওমরকেও বাদ দেন নি ।

অস্তি-নাস্তি শেষ করেছি, দার্শনিকের গভীর জ্ঞান

বীজগণিতের সূত্র-রেখা যৌবনে মোর ছিলই ধ্যান ,

বিষ্কারসে যতই ডুবি, মনটা জানে মনে ( মানে ? ) স্থির—

দ্রাক্ষারসের জ্ঞানটা ছাড়া রসজ্ঞানে নেই গভীর ।

অর্থহীন, অর্থহীন, সমস্তই অর্থহীন । তাই ওমরের বার বার কাতর বোধন,  
দরদী করিমাদ—

হেথায় আমার আসাতে প্রকৃ হন নি তো লাভবান

চলে যাবো যবে হবেন না তিনি কোনো মতে গরীয়ান ।



এ কর্ণে আমি শুনি নি তো কভু কোনো মানবের কাছে  
এই আসা-যাওয়া কি এর অর্থ—বামখা পোড়েন টান।

(লেখক)

তাই ওমরের শেষ মীমাংসা—একবার মরে যাবার পর তুমি আর এখানে  
ফিরে আসবে না। অতএব যতটুকু পাবো, যতক্ষণ পাবো দর্শন-বিজ্ঞান-সাই-  
সুফীদের ভুলে গিয়ে সাকী সুবা নিয়ে নির্জন কোণে আনন্দ করো।

মৃত্যু আসিয়া মস্তকে মোব আঘাত কবার আগে  
লে আও শবাব—লাও ঝটপট—বাঙানো গোলাপী রাগে।  
হায়বে মুর্থ! সোনা দিয়ে মাজা তোব কি শবীর খানা—?  
গোরা হয়ে গেলে ফের থু 'ড় নেবে—? ও ছাই কি কাজে লাগে।

(লেখক)

কিন্তু একটা জিনিস ভুল কবলে চলবে না। ওমর খাটি চার্ভাকপন্থী এবং ঐ  
জাতীয় লোকায়তীদের মত নন। 'ঋণ করে ঘি খাও, কাবণ দেহ তস্মী ভূত হলে  
ঋণ তো আব শোধ করতে হবে না', অর্থাৎ ইহসংসারে কিংবা পরলোকে অল্প  
কারো প্রতি তোমার কোনো নৈতিক দায়িত্ব—মবাল বেদপনসিবিলিটি নেই—এ  
তত্ত্বেও ওমর বিশ্বাস কবতেন না। তাই তাঁর একমাত্র উপদেশ—

কারুর প্রাণে দুখ্ দিও না, কবো বরং হাজার পাপ,  
পরের মনে শান্তি নাশি বাড়িও না আর মনস্তাপ।  
অমর-আশিস্ লাভের আশা রয় যদি, হে বকু মোর,  
আপনি স'য়ে ব্যথা, মুছে পরের বৃকেব ব্যথার ছাপ।

(নজরুল ইসলাম)

গুণীবা বলেন, 'কুবানই কুবানের সর্বশ্রেষ্ঠ টীকা।' তরুণদের আম প্রায়ই বলি,  
'রবান্দনাথের রচনাই তাঁর সর্বশ্রেষ্ঠ টীকা—ঐ কাবাই বাব বার অবায়ন করো,  
অল্প টীকার প্রয়োজন নাই।' ওমরই ওমরের সর্বশ্রেষ্ঠ মল্লিনাথ এবং কাজীর  
অল্পবাদ সকল অল্পবাদের কাজী।

### ত্রিমূর্তি (চাচা-কাছিনা)

বার্লিন শহরের উলাও স্ট্রিটের উপর ১২২২ খৃষ্টাব্দে 'হিন্দুস্তান হোস' নামে  
একটি রেস্তোরাঁ ভাঙ্গা নেয়, এবং সঙ্গে সঙ্গে বাঙালীর বা স্বভাব, রেস্তোরাঁর  
সুদূরতম কোণে একটি আড্ডা বসে যায়। আড্ডার চক্রবর্তী ছিলেন চাচা—

বরিশালের খাজা বাঙালি মুসলমান—আর চেলারা গোসাঁই, মুখুয্যো, সরকার, রায় এবং চ্যাংড়া গোলাম মৌলা, এই ক'জন।

চাচার ছাওটা শিয়্য গোসাঁই বললেন, 'যা বলো, যা কও, চাচা না থাকলে আমাদের আড্ডাটা কি রকম যেন দড়কচা মেরে যায়। তা বলুন, চাচা, দেশের—না, ছাশের—খবর কি? কি খেলেন, কি দেখলেন, বেবাক কথা খুলে কন।'

চাচা বরিশাল গিয়েছিলেন। তিন মাস পরে ফিরে এসেছেন। বললেন, 'কি খেলুম? কই মাছ—এক-একটা ইলিশ মাছের সাইজ, ইলিশ মাছ—এক-একটা তিমি মাছের সাইজ, আর তিমি মাছ—তা সে দেখি নি। তবে বোধ হয়, তাবৎ বাখরগঞ্জ ডিসট্রিক্টটাই তারই একটাব পিঠের উপর ভাসছে। ঐ খেরকম সিন্দবাদ তিমির পিঠটাকে চব ভেবে তারই পিঠের উপর রঙই চড়িয়েছিল।'

বাকি কথা শেষ হওয়ার পূর্বে সকলের দৃষ্টি চলে গেল দোরের দিকে দুটি জর্মন চ্যাংড়া একটি চিংড়িকে নিয়ে রেস্তোরাঁয় ঢুকল। ভারতীয় রায়ার ঝালের দাপটে জর্মনরা সচরাচর হিন্দুস্থান হোসে আসতো না। পাড়ার জর্মনরা তো আমাদের লঙ্কা-ফোড়ন চড়লে পয়লা বিশ্বযুদ্ধে ডিসপোজেলের গ্যাস-মাস্ক পরতো। তবে দু'একজন যে একেবারেই আসতো না তা নয়—'ইঞ্জিশে রাইস-কুরি' অর্থাৎ ভারতীয় ঝোল ভাতের খশবাই জর্মনি হাঙ্কেরি সর্বত্রই কিছু কিছু পাওয়া যায়।

আলতো ভাবে ওদের উপব একটা নজব বুলিয়ে নিয়ে আড্ডা পুনরায় চাচার দিকে তাকাল। চাচা বললেন, 'খাইছে! আবার সেই ইটারনেন্ ট্রায়েকল্!'

পাইকিরি বিয়ার থেকে পুঁথি বায় বললে, 'চাচা হরবকতই ট্রায়েকল্ দেখেন। এ যেন ঘামের ফোঁটাতে কুমীর দেখা। ছ ত্রো নিয়ে কি কেউ কখনো বেরয় না?'

রায়ের গ্রাম সম্পর্কে ভাগে, সন্তেবো বছরেব চ্যাংড়া সদস্ত লাজুক গোলাম মৌলা শুধালে, 'মাগু, ছ ত্রো কাবে কয়?'

রায় বললেন, 'পই পই কবে বলেছি করাসী শিখতে, তা শিখবি নি। ডি, ই ছ, টি, আর, ও, পি ত্রো—পি সাইলেণ্ট। অর্থাৎ একজন অনাবশ্যক বেশী—One too many। এই মনে কর, তুই যদি তোর কিয়ঁাসেকে—এ কথাটাও বোঝাতে হবে নাকি?—নিয়ে বেরোস আর আমি খোদার-খামোখা তোদের সঙ্গে জুটে যাই, তবে আমি ছ ত্রো। বুঝি?'

গোলাম মৌলা মাথা নিচু করে সেই বার্লিনের শীতে বরাবর লঙ্কায় ঘামতে

শাসলো।

আড্ডার লটবর লেডি-কিলার পুলিশ সরকার মৌলাকে ধমক দিয়ে বললে, 'তুই লক্ষা পাচ্ছিস কেন বে বুডবক? লক্ষা পাবেন রায়। ডাঙা-গুলি খেলার সময় গুলিকে ভয় দেখাস নি ডাঙাকে না হোঁবার জন্ত? তখন কি বলিস? 'ভাঙে-বোঁ দুয়ারে—কোণা কেটে ফালদি যা।' বরঞ্চ সুখি রায় যদি তাঁর ম্যাডাম্কে নিয়ে বেরোন, আর তুই যদি সঙ্গে জুটে যাস, তবু কিছু তুই ছ জো নস্। রাখা কেটর কি হন জানিস তো?'

গোলাম মৌলা এবারে লক্ষায় জল না হয়ে একেবারে পানি।

গোসাই বললেন, 'চাচা, আপনি কিছু যেভাবে ঘন ঘন মাথা দোলাচ্ছেন তাতে মনে হচ্ছে, আপনি একদম শোয়ার, এ হচ্ছে দুটো-জনো একটা-মেনীকু ব্যাপার। তা কি কখনো হওয়া যায়?'

চাচা বললেন, 'যায়, যায়, যায়। আকছারই যায়। অবশ্য প্র্যাক্টিস থাকলে।'

আড্ডা সমস্ববে বললে, 'প্র্যাক্টিস।'

চাচা বললেন, 'হ। এবারে দেশে যাবার সময় জাহাজে হয়েছে।'

গল্পের গন্ধ পেয়ে আড্ডা আসন জমিয়ে বললে, 'ছাড়ুন, চাচা।'

চাচা বললেন, 'এবাব দেখি, জাহাজ ভর্তি ইহুদির পাল। জর্মনি, অষ্ট্রিয়া-চেকোস্লোভাকিয়া থেকে কেঁটাই করে সবাই যাচ্ছে শাংহাই। সেখানে যেতে নাকি ভিজার প্রয়োজন হয় না। কি করে টের পেয়েছে, এবারে হিটলার দাবড়াতে আরম্ভ করলে নেবুকাডনাজাবের বেবিলোনিয়ান ক্যাপটিভিটি নয়, এবারে স্রেফ কচু-কাটার পাল। তাই শাংহাই হয়ে গেছে ওদের ল্যাও অব মিল্ক এণ্ড হানি, ননীমধুর দেশ।

আমার ডেক-চেয়াবটা ছিল নিচের তলা থেকে ওঠার সিঁড়ির মুখের কাছে। ভাইনে এক বুড়া ইহুদি আর বায়ে এক ফরাসী উকিল। ইহুদি ভিয়েনার লোক, মাতৃভাষা জর্মন, ফরাসী জানে না। আর ফরাসী উকিল জর্মন জানে না, সে তো জানা কথা। ফরাসী ভাষা ছাড়া পৃথিবীতে অল্প ভাষা চালু আছে সে তত্ত্ব জাহাজে উঠে সে এই প্রথম আবিষ্কার করলে। এতদিন তার বিশ্বাস ছিল, পৃথিবীর আর সর্বত্র ভাঙা-ভাঙা ফরাসী, পিজিন ফ্রেকই চলে - বিদেশীরা প্যারিসে এলে যে রকম টুকিটাকি ফরাসী বলে ঐ রকম আর কি।

তিনজনাত্তে তিনখানা বই পড়ার ভান করে এক একবার সিঁড়ি দিয়ে উঠনে-

ওলা নামলে-ওলা চিড়িয়াখুলার দিকে তাকাই, তারপর বইয়ের দিকে নজর কিরিয়ে আপন আপন হুচিস্তিত মন্তব্য প্রকাশ করি।

একটি মধ্যবয়স্ক উঠলেন। জর্মন ইহুদি বললে, 'হাল্-উনট্‌হাল্-অর্থাৎ হাফাহাফি।' ফবাসী বললে, 'ঐ পোগা আঁসিয়েন্—একটুখানি এনশেপট।' জর্মন আমাকে শুধালে, 'ফ্রেঞ্চি কি বললে?' আমি অহুবাদ কবলুম। জর্মন বললে, 'চল্লিশ, পঁয়তাল্লিশ হবে। তা আব এমন কি বয়স—নিষ্ট্‌ ভার—নয় কি?' ফবাসী আমাকে শুধালে, 'ক্যাস্ কিল দি—কি বললে ও?' উত্তর শুনে বললে, 'মঁ দিয়ে—ইয়াল্লা—চল্লিশ আবাব বয়স নয়! একটা কেবীড্রেলের পক্ষে অবশ্য নয়। কিন্তু মোষাছেলে, ছোঃ!'

এমন সময় হঠাৎ একসঙ্গে তিনজনের তিনখানা বই ঠাস কবে আপন উকতে পড়ে গেল। কোর্ট মার্শালের সময় যে বকম দশটা বন্দুক এক বটকায় গুলি ছোঁড়ে। কি ব্যাপার? দেখতো না ত্যাখ, সিঁড়ি দিয়ে উঠলো এক তরুণী।

সে কী চেহাৰা! এ বকম বমণী দেখেই ভাবতচক্রেব মুণ্ডুটি ঘুবে যায় আর মাহুমে দেবতাতে ঘুলিয়ে ফেলে বালছিলেন, 'এ তো মোষ মেয়ে নয়, দেবতা নিশ্চয়!'

ইটালিব গোলাপী মার্বেল দিয়ে কোদা মুখখানি, যেন কাজল দিয়ে আঁকা দুটি ভুরুষ জোড়া পাখিটি গোলাপী আকাশে ডানা মেলেছে, চোখ দুটি সমুদ্রেব ফেনাব উপর বসানো দুটি উজ্জ্বল নীলমণি, নাকটি যেন নন্দলালের আঁকা সতী অপর্ণাব আবক্রেরখা মুখেব সৌন্দর্যকে দু'ভাগ করে দিয়েছে, ঠোঁট দুটিতে লোগাছ গোলাপ ফুলের পাপড়িতে যেন প্রথম বসন্তেব মুছ পবনেব ক্ষীণ শিহরণ।'

চাচা বললেন, 'তা সে যাক্ গে। আমাব বয়েস হয়েচে। তোদেব সামনে সব কথা বলতে বাধো বাধো ঠেকে। কিন্তু সত্যি বলতে কি, অপূর্ব, অপূর্ব!'

দেখেই বোকা যায়, ইহুদি—প্রাচ্য প্রতীচ্য উভয় সৌন্দর্যেব অভূত সম্মেলন।

জর্মন এবং ফবাসী হুজনাই চূপ। আন্মো।

আয় সন্ধে সন্ধে ঢুটি ছোকবা জাহাজেব হু'প্রাস্ত থেকে চুষকে টানা লোহাব মত তাব গায়ের দু'দিকে যেন স্টেটে গেল। স্পষ্ট বোকা গেল, এতক্ষণ ধরে হু'জনাই তাব পদধনিব প্রতীক্ষায় ছিল।

জাহাজে প্রথম হু'একদিন ঠিক আঁচা যায় না, শেষ পর্যন্ত কার সন্ধে কার পাকাপাকি শোস্তী হবে। কোন মসিয়ো কোন মাদমোয়াজেলেব পাল্লায় পড়বেন, কোন হাব কোন ফ্রাউ বা ফ্রলাইনের প্রেমে হাবুডুৰু খাবেন, কোন মিসিস কোন মিস্টারের সন্ধে বাত তেবোটা অবধি খোলা ডেকে গোপন প্রেমালাপ করবেন।

এ তিনিটির বেলা কিন্তু সবাই বুঝে গেল এটা ইটার্নল্ ট্রায়েকল। আমি অবশ্য গোসাঁইয়ের মত প্রথমটায় ভাবলুম, হার্নলেস ব্যাপারও হতে পারে।

মেয়েটা ফরাসিস, ছেলে দুটোর একটা মারাঠা, আরেকটা গুজরাতি বেনে। প্যারিস থেকেই নাকি রকমস আরম্ভ হয়েছে। বোম্বাই অবধি গড়াবে। উপস্থিত কিন্তু আমাদের তিনজনাই মনে প্রশ্ন জাগলো, আঁথেরে জিতবে কে ?

শুনেছি, এহেন অবস্থায় দুজনাই স্প্যানিয়ার্ড হলে ডুয়েল লড়ে, ইতালীয় হলে একজন আত্মহত্যা করে, ইংরেজ হলে নাকি একজন অগ্নিকে গস্তীর ভাবে ষ্টিক বাও করে দু'দিকে চলে যায়, ফরাসী হলে নাকি ভাগাভাগি করে নেয়।

প্রথম দাকাতাই গুজরাতি গেলেন হেরে। মারাঠারা চালাকি করে ডবল পয়সা খর্চা করে দু'খানি ডেক-চেয়ার ভাড়া করে রেখেছিল পাশাপাশি। বেনের মাথায় এ বুদ্ধিটা খেললো না কেন আমরা বুঝে উঠতে পারলুম না। মারাঠা নটবর সেই ছরীকে নিয়ে গেল জোড়া ডেক-চেয়ারের দিকে—স্মর ওয়ালটর রোলে যে রকম রানী ইলিজাবেথকে কাদার উপর আপন জোকা কেশে দিয়ে হাত ধরে ওপারের পেভমেণ্টে নিয়ে গিয়েছিলেন।

দু'জন লম্বা হলেন দুই ডেক-চেয়ারে। বেনেটা ক্যাভলাকাস্তের মত সামনে দাঁড়িয়ে খানিকটা কাঁই-কুঁই করে কেটে পড়লো।

আমার পাশের ফরাসী বললে, 'ইডিয়ট!' জার্মান শুনে বললে, 'নাইন, আঁথেরে জিতবে বেনে।' 'এঁ্যাপসিব্‌ল্!' 'বেট্!' 'বেট্!' 'পাঁচ শিলিঙ ?' 'পাঁচ শিলিঙ !'

আড্ডার দিকে ভালো করে একবার তাকিয়ে নিয়ে চাচা বললেন, 'বিশ্বাস করো আর নাই করো, আন্তে আন্তে জাহাজের সবাই লেগে গেল এই বাজি ধরাধরিতে। বুকিরও অভাব হল না। আর সে বেট্ কী অদ্ভুত ফ্রাক্‌চুয়েট করে। কোনোদিন ভোরে এসে দেখি জার্মনটা গুম্ হয়ে বসে আছে—যেন জাহাজ একটা কমসানিট্রেশন ক্যাম্প—আর ফরাসীটা উল্লসে ত্রিং ত্রিং করে পল্কা নাচ নাচছে। ব্যাপার কি ? পাক্কা খবর মিলেছে, আমাদের পরীটি কাল রাত দু'টো অবধি মারাঠার সঙ্গে গুজুর-গুজুর কবেছেন। বেনে মনের খেঁদে এগারো-টাতেই কেবিন নেয়। ফরাসী এখন সকলের গায়ে পড়ে থি্ টু ওয়ান্ অফার করছে। সে জিতলে পাবে কুলে এক শিলিং, হারলে দেবে তিন শিলিং। নাও, বোক ঠালা। আর কোনোদিন বা খবর রটে, বেনের পো জাহাজের ক্যান্ডিসের চৌবাচ্চায় ছরীর সঙ্গে দু'ঘণ্টা সাতার কেটেছে—মারাঠা জলকে ভীষণ ডরায়। ব্যাস্, সেদিন বেনের স্টক ঝাই হাই !

ইতিমধ্যে একদিন বেনের বাজার যখন বজ্র টিলে যাচ্ছে তখন ঘটলো এক নবীন কাণ্ড। ছরী ও মারাঠা জো বসতো পাশাপাশি কিন্তু লাইনের সর্বশেষে নয় বলে ছরীর অন্ত পাশে বসতো এক অতিশয় গোবেচারার ভালো মানুষ নিগ্রো পাত্রী। সে গিয়ে তার ডেক-চেয়ারের সঙ্গে বেনের ডেক-চেয়ারের বদলাবদলির প্রস্তাব করেছে। বেনে নাকি উল্লাসে ইয়াল্লা বলে আকাশ-চৌধা লক্ষ মেরেছিল। বেটিঙের বাজার আবার স্টেডি হয়ে গেল।

ইতিমধ্যে প্রশ্ন উঠলো, এ বেটিঙের শেষ কৈসালা হবে কি প্রকারে? বহু বাক-বিতণ্ডার পর স্থির হল, যেদিন ছরী মারাঠা কিংবা বেনের সঙ্গে তার কেবিনে ঢুকবেন সেদিন হবে শেষ কৈসালা। যার সঙ্গে ঢুকবেন তার হবে জিত।

দু'একজন রুচিবাগীশ আপত্তি করেছিলেন কিন্তু করাসী উকিল হাত-পা চোখ-মুখ নেড়ে বুঝিয়ে দিল, 'C'est, c'est, এটা, এটা হচ্ছে একটা লিগাল ডিসিশন, একটা আইনত গ্রাঘ্য হচ্ছে কৈসালা। ঢলাটলির কোনো কথাই হচ্ছে না।'

রেসের বাজি তখন চরমে। কখনো বেনে, কখনো মারাঠা। সেই যে চণ্ডুখোর গল্প বলেছিল, পাখিকে গুলি মেরে সঙ্গে সঙ্গে শিকারী কুকুরকেও দিয়েছে লেলিয়ে। তখন বুলেটে কুকুরে কী রেস—কভী কুত্তা, কভী গুলি, কভী গুলি, কভী কুত্তা।

এমন সময় আদন বন্দর পেরিয়ে আমরা ঢুকলুম আরব সাগবে। আর সঙ্গে সঙ্গে আমাদের আঠেরো হাজার টনের জাহাজকে মারলে মোহুম্বী হাওয়া তার বাইশ হাজারি টনের খাবড়া। জাহাজ উঠলো নাগর বেনাগব সবাইকে নিয়ে নাগরদোলায়। আর সঙ্গে সঙ্গে সৌ সিকুনেস! বমি আর বমি! প্রথম ধাক্কাতেই মারাঠা হল ঘায়েল। রেলিঙ ধরে পেটেব নাড়ি-ভুঁড়ি বের করার চেষ্ঠা দিয়ে টলতে টলতে চলে গেল কেবিনে। বেনেব মুখে শুকনো হাসি, কিন্তু তিনিও আরাম বোধ করছেন না। পরদিন সমুদ্র ধরলো রুদ্রতর মূর্তি। এবারে ছরী পড়ে রইলেন একা। তাঁর মুখও হরতালের মত হলদে। তার পরের দিন ডেক প্রায় সাক। নিতাস্ত বরিশালের পানি-জলের প্রাণী বলে দাঁতমুখ খিঁচিয়ে কোনোগতিকে আমি টিকে আছি আর কি! খাবার সময় পেট যা যায় সে-সব রিটার্ন টিকিট নিয়ে মোকামে পৌঁছবার আগেই কিরি কিরি করছে। ছরী নিতাস্ত একা বলে করাসী বন্ধু তাকে আদর করে ডেকে এনে আমাদের পাশে বসালে।

সে রাতে জাহাজ খেলো বড়ের মোক্ষমতম খাবড়া। করাসী গায়েব। ছরী এই প্রথম ছুটে গিয়ে ধরলো রেলিঙ। আমিও এই ঘাই কি তেই ঘাই। তবু

ধরলুম গিয়ে তাকে। হরী কণকণ্ঠে বললে, "কেবিন।" আমি ধরে ধরে কোনোগতিক তাকে তার কেবিনের দিকে নিয়ে চললুম। দুজনাই টলটলারমান। আমার কেবিনের সামনে পৌঁছেতেই বড়ের আরেক ধাক্কা খুলে গেল আমার কেবিনের দরজা। ছিটকে পড়লুম দুজনাই ভিতরে। কি আর করি? তাকে তুলে ধরে প্রথম বিছানায় শোয়ালুম। তারপর কেবিন-বয়সকে ডেকে দু'জনাতে মিলে তাকে চ্যাংদোলা করে নিয়ে গেলুম তার কেবিনে। বাপ্‌স্‌!

চাচা ধামলেন। একদম খেমে গেলেন।

আজ্ঞার সবাই একবাক্যে শুধালে, 'তারপর?'

চাচা বললেন, 'কচু, তারপর আর কি?'

তবু সবাই শুধায়, 'তারপর?'

চাচা বললেন, 'এ ভো বড় গেরো। তোরা কি ক্লাইমেক্স বুঝিস নে? আচ্ছা, বলছি। ভোব হতেই বোম্বাই পৌঁছলুম। ডেকে যাওয়া মাত্রই সবাই আমাকে জাবড়ে ধবে কেউ বলেকেলিসিতাসিরোঁ, মসিয়ো, কেউ বলে কনগ্রাচুলেশনস্, কেউ বলে গ্রাতুলিয়েরে—দুচ্ছাই, এ-সব কি? কিন্তু কেউ কিছুটা বুঝিয়ে বলে না।'

শেষটায় করাসী উকিলটা বললে, 'আ মসিয়ো, কী কেরদানিটাই না দেখালে। গুস্তাদের মার শেষ রাতে। মহারাষ্ট্র গুজবাত দু'জনাই হার মানলে। জিতলে বেঙ্গল। ভিত্ত ল্য বাগাল। লং লিত বেঙল।'

'আমি যতই আপত্তি করি কেউ কোনো কথা শোনে না।

আর শুধু কি তাই? ব্যাটারা সবাই আপন আপন বাজির টাকা ফেরত পেল—বেনে কিংবা মাবার্টা কেউ জেতে নি বলে। কিন্তু আমার দশ শিলিং স্পেক, বেপরোয়া, মেরে দিলে। বলে কি না, আমি যখন ঘোড়ায় চড়ে জিতেছি, আমার বাজি ধরার হক নেই। টাকাটা নাকি স্ত্রুহকপ হয়ে যায়।'

খানিকক্ষণ চূপ থেকে চাচা বললেন, 'কিন্তু সেই থেকে আমার চোখ বলে দিতে পারে ইটার্নেল ট্রায়েক্সল কোথায়।'

এমন সময় সেই দুই জর্মন ছোকবায় লেগে গেল মারামারি। সেটা ধামাতে গিয়ে আজ্ঞা সেদিন ভঙ্গ হল।

## মাম্‌দোর পুনর্জন্ম

সংস্কৃত ভাষা আত্মনির্ভরশীল। কোনো নূতন চিন্তা, অহুভূতি কিংবা বস্তুর দ্রষ্ট নবীন শব্দের প্রয়োজন হলে সংস্কৃত ধার করার কথা না ভেবে আপন ভাণ্ডারে অহুসন্ধান করে, এমন কোনো ধাতু বা শব্দ সেখানে আছে কি না যার সাহায্যে অদল বদল করে কিংবা পুরনো ধাতু দিয়ে নবীন শব্দটি নির্মাণ করা যায় কি না। তার অর্থ অবশ্য এ নয় যে, সংস্কৃত কল্পনাকালেও বিদেশী কোনো শব্দ গ্রহণ করে নি। নিয়েছে, কিন্তু তার পরিমাণ এতই মুষ্টিমেয় যে, সংস্কৃতকে স্বয়ংসম্পূর্ণ ভাষা বলাতে কারো কোনো আপত্তি থাকার কথা নয়।

প্রাচীন যুগের সব ভাষাই তাই। হীক্ৰ, গ্রীক, আবেস্তা এবং ঈবং পরবর্তী যুগের আরবীও আত্মনির্ভরশীল এবং অধিকাংশ ক্ষেত্রেই স্বয়ংসম্পূর্ণ।

বর্তমান যুগের ইংরিজি ও বাঙলা আত্মনির্ভরশীল নয়। আমরা প্রয়োজন মত এবং অপ্রয়োজনেও ভিন্ন ভিন্ন ভাষা থেকে শব্দ নিয়েছি এবং নিচ্ছি। পাঠান-মোগল যুগে আইন-আদালত খাজনা-খারিজ নূতনরূপে দেখা দিল বলে আমরা আরবী ও ফার্সী থেকে প্রচুর শব্দ গ্রহণ কবেছি। পরবর্তী যুগে ইংরিজি থেকে এবং ইংরিজির মারফতে অগ্নাত্ত ভাষা থেকে নিয়েছি এবং নিচ্ছি।

বিদেশী শব্দ নেওয়া ভালো না মন্দ সে প্রশ্ন অবাস্তব। নিয়েছি, এবং এখনো সম্ভানে আপন হুশীতে নিচ্ছি এবং শিক্ষাব মাধ্যমরূপে ইংরিজিকে বর্জন করে বাঙল নেওয়াব পব যে আরো প্রচুর ইউরোপীয় শব্দ আমাদের ভাষায় ঢুকবে, সে সম্বন্ধেও কারো কোনো সন্দেহ নেই। আলু-কপি আজ রান্নাঘর থেকে তাড়ানো মুশকিল, বিলিতি ওষুধ প্রায় সকলেই খান, ভবিষ্যতে আরো নূতন নূতন ওষুধ খাবেন বলেই মনে হয়। এই দুই বিদেশী বস্তুব গায় আমাদের ভাষাতেও বিদেশী শব্দ থেকে যাবে, নূতন আমদানিও বন্ধ করা যাবে না।

পৃথিবীতে কোনো জিনিসই সম্পূর্ণ অসম্ভব নয়। অন্তত চেষ্টা কবাটা অসম্ভব নাও হতে পারে। হিন্দী উপস্থিত সেই চেষ্টাটা কবেছেন—বহু সাহিত্যিক উঠে পড়ে লেগেছেন, হিন্দী থেকে আরবী, ফার্সী এবং ইংবিজী শব্দ তাড়িয়ে দেবাব ভক্ত। চেষ্টাটার ফল আর্ম হয়তো দেখে যেতে পাববো না। আমাব তরুণ পাঠকেরা নিশ্চয়ই দেখে যাবেন। ফল যদি ভালো হয় তখন তাঁবা না হয় চেষ্টা কবে দেখবেন। ( বলা বাহুল্য, রবীন্দ্রনাথ স্বচ্ছন্দে লিখেছেন, ‘আক্র দিয়ে, ইজ্জৎ দিয়ে, ইমান দিয়ে, বৃকের রক্ত দিয়ে।’ নজরুল ইসলাম ‘ইনকিলাব’,— ‘ইনক্লাব’ নয়—এবং ‘শহীদ’ শব্দ বাঙলায় ঢুকিয়ে গিয়েছেন। বিদ্বাসাগর ‘সাধু’ রচনায় বিদেশী শব্দ ব্যবহার করতেন না, বেনামীতে লেখা ‘অসাধু’ রচনায় চুটিয়ে



আরবী-ফার্সী ব্যবহার করতেন। আর অভিশয় নিষ্ঠাবান ব্রাহ্মণ পণ্ডিত ৬হরপ্রসাদ আরবী-ফার্সী শব্দের বিরুদ্ধে জিহাদ ঘোষণা করা 'আহাম্মুধী' বলে মনে করতেন। 'আলাল' ও 'ছতোম'-এর ভাষা বিশেষ উদ্দেশ্যে নির্মিত হয়েছিল ; সাধারণ বাঙলা এ-স্রোতে গা ঢেলে দেবে না বলে তার উল্লেখ এখানে নিশ্চয়োজন এবং হিন্দীর বন্ধিম স্বয়ং প্রেমচন্দ্র হিন্দীতে বিস্তর আরবী-ফার্সী ব্যবহার করছেন।)

এখানে আরেকটি কথা বলে রাখা ভালো। রচনার ভাষা তার বিষয়বস্তুর উপর নির্ভর করে। শব্দরদর্শনের আলোচনায় ভাষা সংস্কৃতশব্দবল হবই, পক্ষান্তরে মোগলাই রেস্টোরার বর্ণনাতে ভাষা অনেকখানি 'ছতোম'-ধায়া হয়ে যেতে বাধ্য। 'বসুমতী'র সম্পাদকীয় রচনার ভাষা এক—তাতে আছে গাঙ্গীধ, 'বীকা চোখে'র ভাষা ভিন্ন—তাতে থাকে চটুলতা।

\*

\*

বাঙলায় যে সব বিদেশী শব্দ ঢুকেছে তার ভিতরে আরবী, ফার্সী এবং ইংরিজীই প্রধান। সংস্কৃত শব্দ বিদেশী নয় এবং পতুগীজ, ফরাসিস, স্প্যানিশ শব্দ এতই কম যে, সেগুলো নিয়ে অত্যধিক দৃষ্টিস্তা করার কোনো কারণ নেই।

বাঙলা ভিন্ন অল্প যে-কোনো ভাষার চর্চা আমরা করি না কেন, সে ভাষার শব্দ বাঙলাতে ঢুকবেই। সংস্কৃত চর্চা এদেশে ছিল বলে বিস্তর সংস্কৃত শব্দ বাঙলায় ঢুকেছে, এখনো আছে বলে অল্পবিস্তর ঢুকছে, যতদিন থাকবে ততদিন আরো ঢুকবে বলে আশা করতে পারি। ইঙ্গুল-কলেজ থেকে যে আমরা সংস্কৃত চর্চা উঠিয়ে দিতে চাই নে তার অগ্রতম প্রধান কারণ বাঙলাতে এখনো আমাদের বহু সংস্কৃত শব্দের প্রয়োজন, সংস্কৃত চর্চা উঠিয়ে দিলে আমরা অগ্রতম প্রধান খণ্ড থেকে বঞ্চিত হব।

ইংরিজীর বেলাতেও তাই। বিশেষ করে দর্শন, নন্দনশাস্ত্র, পদার্থবিজ্ঞান, রসায়নবিজ্ঞান ইত্যাদি জ্ঞান এবং ততোধিক প্রয়োজনীয় বিজ্ঞানেরাও শব্দ আমরা চাই। রেলের ইঞ্জিন কি করে চালাতে হয়, সে সম্বন্ধে বাঙলাতে কোনো বই আছে বলে জানি নে, তাই এসব টেকনিকল শব্দের প্রয়োজন যে আরো কত বেশী সে সম্বন্ধে কোনো স্পষ্ট ধারণা এখনো আমাদের মনের মধ্যে নেই। স্বতরাং ইংরিজী চর্চা বন্ধ করার সময় এখনো আসে নি।

একমাত্র আরবী-ফার্সী শব্দের বেলা অনায়াসে বলা যেতে পারে যে, এই দুই ভাষা থেকে ব্যাপকভাবে আর নূতন শব্দ বাঙলাতে ঢুকবে না। পশ্চিম বাঙলাতে আরবী-ফার্সীর চর্চা যাবো-যাবো করছে, পূব বাঙলায়ও এ সব ভাষার প্রতি তরুণ

সম্রাজ্যের কৌতূহল অতিশয় ক্ষীণ ব'লে তার আয়ু দীর্ঘ হবে ব'লে মনে হয় না এবং শেষ কথা, আরব-ইরানে অদূর ভবিষ্যতে যে হঠাৎ কোনো অভূতপূর্ব জ্ঞান-বিজ্ঞানের চর্চা আরম্ভ হয়ে বাঙলাকে প্রভাবান্বিত করবে তার সম্ভাবনাও নেই।

কিন্তু যে সব আরবী-ফার্সী শব্দ বাঙলাতে ঢুকে গিয়েছে তার অনেকগুলো যে আমাদের ভাষাতে আরো বহুকাল ধরে চালু থাকবে, সে বিষয়ে কোনো সন্দেহ নেই এবং দ্বিতীয়তঃ কোনো কোনো লেখক নূতন বিদেশী শব্দের সন্ধান বর্জন ক'রে পুরনো বাঙলার—‘চণ্ডী’ থেকে আরম্ভ করে ‘হুতোম’ পর্যন্ত—অচলিত আরবী-ফার্সী শব্দ ভুলে নিয়ে সেগুলো কাজে লাগাবার চেষ্টা করছেন। কিছুদিন পূর্বেও এই এক্সপেরিমেন্ট করা অতিশয় কঠিন ছিল কিন্তু অধুনা বিশ্ববিদ্যালয়ের কল্যাণে অনেক ছাত্র-ছাত্রীকে বাধ্য হয়ে পুরনো বাঙলা পড়তে হয়—তারা এই সব শব্দের অনেকগুলো অনায়াসে বুঝতে পারবে ব'লে অচলিত অনেক আরবী-ফার্সী শব্দ নূতন মেয়াদ পাবে।

এই পরিস্থিতির সামনে জীবন্মৃত এসব শব্দের একটা নূতন খতেন নিলে ভালো হয়।

\*

\*

সংস্কৃত, গ্রীক, বাঙলা আর্য ভাষা ; আরবী, হীক্ৰ সেমিতি ভাষা। ফার্সী, উর্দু, কাশ্মীরী, সিঙ্কীও আর্য ভাষা, কিন্তু এদের উপর সেমিতি আরবী ভাষা প্রভাব বিস্তার করেছে প্রচুর। উত্তর ভারতের অগাণ্ড ভাষাদের মধ্যে বাঙলা এবং গুজরাতিই আরবী ভাষার কাছে ঋণী, কিন্তু এই ঋণের ফলে বাঙলার মূল স্বর বদলায় নি। গুজরাতির বেলাও তাই।

হীক্ৰ এবং আরবী সাহিত্যের ঐশ্বর্য সর্বজনবিদিত। ঠিক সেই রকম প্রাচীন আর্য ভাষা ফার্সী তার ভগ্নী সংস্কৃতের ন্যায় গ্রীষ্মের জন্মের পূর্বেই সমৃদ্ধিশালী হয়ে উঠেছিল। আববরা যখন ইরান জয় করে তখন তারা ইরানীদের তুলনায় সভ্যতা-সংস্কৃতিতে পশ্চাৎপদ। কিন্তু তারা সন্দেহ আনলো যে ধর্ম সেটি জরথুষ্ট্রী ধর্মের চেয়ে প্রগতিশীল, সর্বজনীন এবং দুঃখীর বেদনা উপশমকারী। ফলে তাবৎ ইরান মুইসলাম ধর্ম গ্রহণ করলো এবং আপন ভাষা ও সাহিত্য বর্জন করে আরবীকে রাষ্ট্রভাষা ও সংস্কৃতির বাহনরূপে স্বীকার ক'রে নিল। আরবী ভাষা ও সাহিত্যে তাই ইরানীদের দান অতুলনীয়।

চারশত বৎসর পরে কিন্তু অবস্থার পরিবর্তন হল। ইরানীদের আপন ভাষা তখন মাহমুদ বাদশার উৎসাহে নবজন্ম লাভ ক'রে নব নব সাহিত্য-সৃষ্টির পথে এগিয়ে চললো। বাগ্মীকি যে রকম আদি এবং বিশ্বজগতের অন্ততম শ্রেষ্ঠ কবি,

কিয়দোঁসীও এই নব ইরানী ( ফার্সী ) ভাষার আদি এবং শ্রেষ্ঠ কবি । আরবী থেকে শব্দ এবং ভাবসম্পদ গ্রহণ করে ফার্সী সাহিত্য যে অকৃতপূর্ব বিচিত্র রূপ ধারণ করলো তা আজও বিশ্বজনের কাছে বিশ্বস্তের বস্তু । রুমী, হাকিমজ, সাদী, শৈয়খাম আপন আপন রশ্মিমাণ্ডলে সবিতাস্বরূপ । সেমিতি আরবী এবং আর্য ফার্সী ভাষার সংঘর্ষের ফলেই এই অনির্বাণ হোমানলের সৃষ্টি হল ।

পরবর্তী যুগে এই ফার্সী সাহিত্যই উত্তর ভারতে ব্যাপকরূপে প্রভাব বিস্তার করলো । ভারতীয় মন্তব্য-মাত্রাসায় যদিও প্রচুর পরিমাণে আরবী ভাষা পড়ানো হয়েছিল তবু কার্যত দেখা গেল ভারতীয় আর্থগণ ইরানী আর্য সাহিত্য অর্থাৎ ফার্সীর সৌন্দর্যে অভিভূত হলেন বেশী । উর্দু সাহিত্যোৎসাহমূল সুর তাই ফার্সীর সঙ্গে বাঁধা—আরবীর সঙ্গে নয় । হিন্দী গণের উপবও বাইরের যে প্রভাব পড়েছে সেটা ফার্সী—আরবী নয় ।

একদা ইবানে যে বকম আর্য ইরানী ভাষা ও সেমিতি আরবী ভাষার সংঘর্ষে নবীন ফার্সী জন্মগ্রহণ করেছিল, ভারতবর্ষে সেই সংঘর্ষের ফলে সিন্ধী, উর্দু ও কাশ্মীরী সাহিত্যের সৃষ্টি হয় । কিন্তু আববীর এই সংঘর্ষ ফার্সীর মাধ্যমে ঘটেছিল বলে কিংবা অন্য যে কোনো কারণেই হোক, ভারতবর্ষীয় এ তিন ভাষা ফার্সীর মত নব নব সৃষ্টি দিয়ে ঐশ্বর্যশালী সাহিত্যসৃষ্টি করতে পারলো না । উর্দুতে কবি ইকবালই এ তত্ত্ব সম্যক হৃদয়ঙ্গম কবেছিলেন ও নতুন সৃষ্টির চেষ্টা করে উর্দুকে ফার্সীর অমুকবণ থেকে কিঞ্চিৎ নিষ্কৃতি দিতে সক্ষম হয়েছিলেন ।

\*

\*

বাঙলা আর্থভূমি, কিন্তু এ ভূমি ব আর্থগণ উত্তর ভারতের অগ্রাগ্র আর্থের মত নন । এ বিষয়ে বিস্তারিত আলোচনা করার স্থান এখানে নয় । তাই মাত্র কয়েকটি উদাহরণ দিচ্ছি ।

( ১ ) বাঙলা দেশকে যখনই বাইরের কোনো শক্তি শাসন করতে চেষ্টা করেছে তখনই বাঙালী বিদ্রোহ করেছে এবং অধিকাংশ ক্ষেত্রেই আপন স্বাধীনতা বজায় রাখতে সক্ষম হয়েছে । পাঠান যুগে বাঙলা অতি অল্পকাল পরাধীন ছিল এবং মুগল যুগেও মোটামুটি মাত্র জাহাঙ্গীর থেকে আওরঙ্গজেব পর্যন্ত বাঙলা দিল্লীর শাসন মেনেছে ।

( ২ ) অগ্রাগ্র আর্থদের তুলনায় বাঙালী কিছুমাত্র কম সংস্কৃত চর্চা করে নি, কিন্তু সে-চর্চা সে করেছে আপন বৈশিষ্ট্য বজায় রেখে । আদিশূর থেকে দেবেঙ্গ-নাথ ঠাকুর, সকলের বহু চেষ্টাতেও বাঙালী উত্তর ভারতের সঙ্গে স্ত্রীমলাইন্ড্ হয়ে সংস্কৃত পদ্ধতিতে সংস্কৃত বর্ণমালার উচ্চারণ করে নি এবং বাঙলাতে সংস্কৃত শব্দ

উচ্চারণ করার সময় তো কথাই নেই।

(৩) বাঙালীর সর্বশ্রেষ্ঠ সাহিত্যসৃষ্টি তার পদাবলী কীর্তনে। এ সাহিত্যের প্রাণ এবং দেহ উভয়ই খাঁটি বাঙালী। এ সাহিত্যে শুধু যে মহাভারতের শ্রীকৃষ্ণ বাঙলায় খাঁটি কাহুরূপ ধারণ করেছেন তাই নয়, শ্রীমতী শ্রীরাধাও যে একেবারে খাঁটি বাঙালী মেয়ে সে-বিষয়ে কোনো সন্দেহ নেই। ভাটিয়ালির নামিকা, বাউলের স্তম্ভ, মুর্শাদীয়ার আশিক ও পদাবলীর শ্রীরাধা একই চরিত্র একই রূপে প্রকাশ পেয়েছেন।

বাঙালীর চরিত্রে বিদ্রোহ বিद्यমান। তার অর্থ এই যে, কি রাজনীতি, কি ধর্ম, কি সাহিত্য, যখনই যেখানে সে সত্য শিব হৃদয়ের সন্ধান পেয়েছে তখনই সেটা গ্রহণ করতে চেয়েছে; এবং তখন কেউ 'গতানুগতিক পন্থা' 'প্রাচীন ঐতিহ্য'-এর দোহাই দিয়ে সে প্রচেষ্টায় বাধা দিতে গেলে তার বিরুদ্ধে বিদ্রোহ করেছে। এবং তার চেয়েও বড় কথা,—যখন সে বিদ্রোহ উচ্ছ্বলতায় পরিণত হতে চেয়েছে, তখন তার বিরুদ্ধে আবার বিদ্রোহ করেছে।

এ বিদ্রোহ বাঙালী হিন্দুর ভিতরই সীমাবদ্ধ নয়। বাঙালী মুসলমানও এ কর্মে পরম তৎপর। ধর্ম বদলালেই জাতির চরিত্র বদলায় না।

\*

\*

পাঠান আমলে বাঙলা দেশে আরবী-ফার্সীর চর্চা ব্যাপকভাবে হয় নি। সে-যুগে বাঙলাতে লিখিত সরকারী দলিলপত্রে পর্যন্ত আরবী-ফার্সী টেকনিকল শব্দ প্রায় নেই। মহাপ্রভু এবং তাঁর শিষ্যদের কেউ কেউ মুসলমান ধর্মের সঙ্গে সুপরিচিত হওয়া সত্ত্বেও সে যুগের বাঙলা সাহিত্যে আরবী-ফার্সী শব্দ অতি অল্প।

খাস পাঠান যুগে তো কথাই নেই, মোগল যুগের প্রারম্ভেও কবি আলাওল যে কাব্য রচনা করেছেন তাতে সংস্কৃত ভাষার প্রাধান্যই লক্ষণীয়—

উপনীত হৈল আসি যৌবনেব কাল।

কিঞ্চিং ভুকর-ভঞ্জে যৌবন রসাল ॥

আড় আঁধি বন্ধ-দৃষ্টী ক্রমে ক্রমে হয়।

ক্ষণে ক্ষণে লাজে তনু যেন শিহরয় ॥

সখরয় গিম-হার, কটির বসন।

চঞ্চল হইল আঁধি, ধৈর্য-গমন ॥

চোররূপে অনঙ্গ অঙ্কেতে আসে যায়।

বিরহ বেদনা ক্ষণে ক্ষণে মনে ভায় ॥

এ ধরনের কাব্য তখন মুসলমানদের ভিতর কতখানি প্রভাব বিস্তার করেছিল

স্তাৰ বৰ্ণনা পাই অগ্ৰ এক কবির কাছ ধেকে । সৈয়দ হুলতান বলেন,

আপনা দীনের বোল এক না বুঝিল ।

পরন্তব-সকল লৈয়া সব রহিল ॥

( দীন=ধর্ম ; পরন্তব=পরধর্ম কীর্তন । এর পূর্বেই মুসলমানরা পদাবলী কীর্তন রচনা আরম্ভ করেছেন এবং কাজী ফয়জউল্লাহ 'গোরক্ষবিজয়' মুসলমানদের ভিত্তর লোকপ্ৰিয় হয়ে গিয়েছে । )

মুসলমানরা আপন ধর্মচর্চা না করে 'হিন্দুয়ানী' কাব্য নিয়ে মেতে আছে দেখে মুসলমান মোল্লা-মৌলবীগণ তারদ্বরে আপন প্ৰতিবাদ জানিয়েছেন এবং 'আরবী-ফার্সীতে ধর্মচর্চা করবার জন্ত বার বার কড়া ফতোয়া জারী করেছেন ।

তখন সৈয়দ হুলতান বললেন, 'আমরা বাঙলা ছাড়বো না ; কিন্তু মুসলমান শাস্ত্ৰচর্চাও কববো । তাই বাঙলাতেই মুসলমান শাস্ত্ৰচর্চা হবে ।'

আরবী-ফার্সী ভাষে কিতাব বহুত ।

আলিমাতে বুঝে, না বুঝে মুখস্থত ॥

যে সবে আপন বুলি না পাবে বুঝিতে ।

পাচালী রচিলাম করি আছয়ে দৃষিতে ॥

আল্লায় বলিছে, 'মুই যে-দেশে যে-ভাষ,

সে-দেশে সে-ভাষে কইলুম রশূল প্রকাশ ॥'

( আলিমান=আলিমগণ=পণ্ডিতগণ ; রশূল=আল্লাব প্ৰেরিত পুরুষ, পয়গম্বর । )

অতি মোক্ষম ভবাব । সৈয়দ হুলতান কুরানের বচন উদ্ধৃত ক'রে সপ্ৰমাণ করলেন, বাঙলাতেই বাঙালী মুসলমানের শাস্ত্ৰচর্চা করা ফরজ্—অবশ্য করণীয় ।

সৈয়দ হুলতান কিন্তু আটঘাট বেঁধে পয়গম্বর সাহেবের বাণী বাঙলাতে প্ৰকাশ করেছেন । নিতান্ত যে কটি আরবী শব্দ ব্যবহার না করলেই নয়, তিনি মাজ্জে সেগুলোই ব্যবহাব করেছেন এবং প্ৰচলিত হিন্দু ধর্মের মাধ্যমেই ইসলাম প্ৰকাশ করেছেন ।

তোমার সবে মুই জানো হিতকারী ।

ইমান-ইসলামের কথা দিলাম প্ৰচারি ॥

যেৰূপে সৃজন হইল সুরাহরগণ ।

যেৰূপে সৃজন হইল এ তিন ভুবন ॥

যেৰূপে আদম ইবা সৃজন হইল ।

যেৰূপে যতক পয়গম্বর উপজিল ॥

বক্তেতে এসব কথা কেহ না জানিল।

নবী-বংশ পাঁচালীতে সকল শুনিল ॥

এসলে দ্রষ্টব্য, হিন্দু মুসলমান উভয়কে মুসলমান ধর্ম বোঝাতে গিয়ে কবি এমন সব বস্তুর উল্লেখ করেছেন, যা মুসলমান ধর্মে নেই। ‘সুর’ ‘অসুর’ কল্পনা ইসলামে নেই। ‘তিন ভুবন’ ইসলামে নেই, আছে ‘দুই ভুবন’। তাঁর পুস্তকের নাম ‘নবীবংশ’ও হিন্দু ‘হরিবংশের’ অমূল্যকরণ—আববীতে এই ধরনের নাম নেই।

এমন কি তিনি পয়গম্বর হজরৎ মুহম্মদকে ‘অবতার’ আখ্যা দিয়ে মোল্লাদের মতে পাপ করেছেন; কারণ মুসলিম শাস্ত্রমতে আল্লা মল্লুয়দেহ গ্রহণ করে পৃথিবীতে অবতীর্ণ হন না, তিনি মাল্লুয়দের একজনকে বেছে তাঁকে তাঁর মুখপাত্র করেন। সৈয়দ সুলতান কিন্তু বলছেন,

মুহম্মদ রূপ ধরি নিজ অবতার।

নিজ অংশ প্রচারিল হইতে প্রচার ॥

আর সব চেয়ে বড় তত্ত্ব প্রকাশ করেছেন সৈয়দ সাহেব, এই দুইটি ছন্দে—

যারে যেই ভাবে প্রভু করিল স্বজন।

সেই ভাষা তাহার, অমূল্য সেই ধন ॥

এই দু’টি ছন্দে যে কত বড় সত্য নিহিত আছে, সে তত্ত্ব কি আমরা আজও বুঝতে পেরেছি? এই সৈয়দ সুলতানকে তখনকার দিনের মোল্লা-মৌলবীরা ‘ইসলামের ঐক্য নষ্ট হয়ে যাবে’, ‘আরবীর মর্যাদা লোপ পাবে’ এই সব ভয় দেখিয়ে শেষ পর্যন্ত তাঁকে ‘মুনাফিক’ অর্থাৎ ‘ভণ্ড’ অর্থাৎ ‘ধর্মধ্বংসকারী’ আখ্যা দিয়ে ‘ফতোয়া’ পর্যন্ত জারী করেছেন। সাহসী কবি কিন্তু অকুণ্ড ভাষায় তাঁর মাতৃভাষা বাঙলার জয়গান গেয়ে গেছেন। এ লোক যদি প্রকৃত বাঙালী না হয়, তবে বাঙালী কে?

সে শুভবুদ্ধি, সে সাহস কি আজও আমাদের হয়েছে? কেউ বলে ‘রাষ্ট্রের অখণ্ডতার জ্ঞান হিন্দী গ্রহণ করো’, কেউ বলে ‘ইংরিজী বর্জন করলে আমরা বর্বর হয়ে যাব।’ হায়, বাঙলার পদমর্যাদা কেউ স্বীকার করে না।

যখন স্বন্দ নেই, সংঘাত নেই, তখন মাতৃভাষার গৌরবগান গেয়ে লক্ষ-লক্ষ করে সবাই; কিন্তু যুগসঙ্কীর্ণণে, নানা প্রলোভন-বিভীষিকার সম্মুখে মাতৃভাষাকে নিজের জ্ঞান সর্বশ্রেষ্ঠ ভাষা বলতে পারতেই প্রকৃত সাহস, প্রকৃত জ্ঞান উপলব্ধির লক্ষণ। সৈয়দ সুলতানের দুইশত বৎসর পরে ইংরিজী ভাষা বাঙালীকে প্রলোভন দেখিয়েছিল আরেকবার। কিন্তু মুসলমান সুলতানের স্মার খুঁটান মাইকেল তখন

উচ্চকণ্ঠে বাঙলার জয়গান গেয়েছিলেন।

সৈয়দ হুলতানের অঙ্ককরণকারীরা .কিন্তু তাঁর মত বিচক্ষণ ভাষাবিদ ছিলেন না : কলে বাঙলাতে যে পরিমাণে আরবী-ফার্সী শব্দ প্রবেশ করতে লাগল তাতে ভাবার বৈশিষ্ট্য বিপন্ন হতে লাগল। ইতিমধ্যে—মোগল যুগের শেষের দিকে—উর্ ভাষাও বাঙলা দেশে প্রবেশ করেছে। তাই তখন যে বাঙলা পাচ্ছি তার উদাহরণ—

বিশ্বনাথ বিশ্বাসে বুঝায়ে বলে বাছা ।  
 দুনিয়ামে এসান্তি আদমী রহে পাচা ॥  
 ভালা বাওয়া কাহে তেরা মৃত্যুকাল কাঃছ ।...  
 রাতদিন যৈসা তৈসা স্খ হুঃখ হোয়ে ॥  
 জানা গেল বাত বাওয়া জানা গেল বাত ।  
 কাপড়া লেও আওর আও মেরা সাথ ॥

যুক্তি নয়, অজুহাত হিসেবে বলা যেতে পারে, আকবরের আমল থেকে বহুল ফার্সী শিক্ষাদানের কলে বাঙলা দেশে তখন প্রচুর লোক বিস্তর আরবী-ফার্সী শব্দ দৈনন্দিন জীবনে ব্যবহার করতে আরম্ভ করেছে। এটা কিন্তু কোনো সংযুক্তি নয়। কারণ আজ আমরা দৈনন্দিন জীবনে বিস্তর ইংরিজী শব্দ ব্যবহার করি : তাই ব'লে সাহিত্যসৃষ্টির সময় বে-এক্জেরার হয়ে যত্র-তত্র ভূবি ভূরি ইংরিজী শব্দ ব্যবহার করি নে।

কিন্তু সত্য কবি পথভ্রষ্ট হন না। তার প্রকৃত নিদর্শন আমরা পাই, চট্টগ্রামের মহিলা কবি 'শ্রীমতী রহীমুনিসা'র ( আশা করি 'শ্রীমতী' লেখাতে কেউ আপত্তি করবেন না, কারণ তিনি নিজেই তাঁর কাব্যে আপন পরিচয় দেবার সময় লিখেছেন—

“স্বামী আজ্ঞা শিরে পালি লিখি এ-ভারতী ।  
 রহিমুনিচা নাম জান আজে ছিরীমতী ॥” )

এই মহিলা কবির সঙ্গে হালে আমাদের পরিচয় করিয়ে দিয়েছেন সুপণ্ডিত ডক্টর মুহম্মদ এনামুল হক, পূর্ববঙ্গের বাঙলা-একাদেমির প্রথম ডাইরেক্টর ( বাঙলা-একাদেমী পত্রিকা, ১ম সংখ্যা, পৌষ ১৩৬৩, পৃ: ৫৩ )। তাঁর মতে ‘১৭৬৩ খ্রীষ্টাব্দ হইতে ১৮০০ খ্রীষ্টাব্দের মধ্যেই রহীমু-ন-নিসা আবির্ভূতা হয়েছিলেন।’ ইনিও সৈয়দ হুলতানের মত সৈয়দ বংশের মেয়ে এবং পরিবারে প্রচুর আরবী-ফার্সীর চর্চা থাকা সত্ত্বেও সুস্থ, সবল এবং মধুর বাঙলায় কবিতা রচনা ক'রে গিয়েছেন।

এঁর হাতের লেখা খুব সম্ভব হুন্দর ছিল। তাই বোধ করি তাঁর স্বামী তাঁকে কবি আলাওলের 'পদ্মাবতী' নকল করতে আদেশ দেন :—

শুন গুণিগণ হই এক মন,  
লেখিকার নিবেদন।  
অক্ষর পড়িলে টুটা পদ হৈলে  
শুধারিঅ সর্বজন ॥  
পদ এই রাষ্ট্র হেন মহাকষ্ট  
পুঁধি সতী পদ্মাবতী।  
আলাওল মনি, বুদ্ধি বলে গুণী,  
বিরচিল এ ভারতী ॥  
পদের উকতি বুঝি কি শক্তি,  
মুই হীন তিরী জাতি।  
স্বামীর আদেশ মানিয়া বিশেষ  
সাহস করিল গাঁথি ॥

রহীমুল্লিসার স্বরচিত কাব্য অল্পই পাওয়া গিয়েছে। এর মধ্যে তাঁর একটি 'বারমাস্তা' বড়ই করুণ এবং মধুর। পূর্ববঙ্গের কবিরা সচরাচর প্রিয়বিরহে বারমাস্তা রচনা করেছেন—রহীমুল্লিসা ভ্রাতৃশোকে তাঁর নব বারমাস্তা রচনা করেছেন।

আশ্বিনেতে থোয়াময় কান্দে তরুলতাচয়  
ভাই বলি কান্দে উভরায়।  
আমার কান্দি নি শুনি বনে কান্দে কুরঙ্গিণী  
জলে মাছ কান্দিয়া লুকায় ॥  
( থোয়া = কুয়াশা )

অল্প এক স্থলে 'কতাহারা জননী'র শোকাতুরার জন্মন প্রকাশ করেছেন অতুলনীয় সরল বাঙলায়—

নয়া সন নয়া মাস ফিরে বারে বার  
মোর জাহু গেল ফিরি না আসিল আর ॥

এঁর রচনায় সত্যই মধুর কবি-প্রতিভা 'বারেবার' ধরা পড়ে। পাঠককে মূল প্রবন্ধটি পড়তে অনুরোধ জানাই।

\*

\*

উনবিংশ শতাব্দীর দ্বন্দ্ব প্রধানতঃ ইংরিজীর সঙ্গে। এবং সেই দ্বন্দ্ব বিদ্রোহ-



রূপ ধারণ করলো পূর্ব বাঙলার ভাষা আন্দোলনে ১৯৫১-৫২ খ্রীষ্টাব্দে। বাঙলা আবার জন্মী হল—কিন্তু এবারে তার জন্মমূল্য দিতে হল বৃক্কের রক্ত দিয়ে—কিন্তু আক্র, ইজ্জৎ, ইমান দিয়ে নয়। পাকিস্তান হওয়া সত্ত্বেও পূর্ব বাঙলার লোক বাঙলাতে আরেক দফে আরবী-ফার্সী শব্দ আমদানি করে ভাষাকে ‘পাক’ করতে প্রলোভিত হল না।

তাই এই প্রবন্ধের নাম দিয়েছি ‘মামদো’র পুনর্জন্ম। ‘মামদো’রই যখন কোনো অস্তিত্ব নেই, তখন তার পুনর্জন্ম হবে কি প্রকারে? পূর্ব বাঙলার লেখকদের ক্ষেত্রে আরবী-ফার্সী শব্দের মামদো ভর করবে, আর তারা বাহাজানশূণ্য হয়ে আরবী-ফার্সীতে অর্থাৎ “যাবনী মেশালে” কিচিরমিচির করতে আরম্ভ করবে, বিজাতীয় সাহিত্য সৃষ্টি করবে—যার মাথামুণ্ড পশ্চিম বাঙলার লোক বৃক্কতে পারবে না, সে ভয় ‘স্বপ্ন, মায়া, মতিভ্রম’।

### দিল্লী স্থাপত্য

যাঁরা এই শীতে প্রথম দিল্লী যাচ্ছেন কিংবা যারা পূর্বে গিয়েছেন কিন্তু পাঠান-মোগলের দালান-কোঠা, এমারত-দৌলত দেখবার সুযোগ ভালো করে পান নি, এ-লেখাটি তাঁদের জগ্ন। এবং বিশেষ করে তাঁদের জগ্ন যাদের স্থাপত্য দেখে অভ্যাস নেই বলে ঐ রস থেকে বঞ্চিত। লেখাটিতে কিঞ্চিৎ ‘মাস্টারি মাস্টারি’ ভাব থেকে যাবে বলে গুণীজনকে আগের থেকেই হুঁশিয়ার করে দিচ্ছি তাঁরা যেন এটি না পড়েন।

কোনো-কালে যে ব্যক্তি গান শোনে নি সে যদি হঠাৎ উচ্চাঙ্গ সঙ্গীত শুনে উদ্বাহ হয়ে নৃত্য না করে তা হলে চট করে তাকে বেরসিক বলা অগ্রায়। বাঙলা দেশে এখানে-ওখানে ছিটেফোটা স্থাপত্য আছে বটে, কিন্তু একই জায়গায় যথেষ্ট পরিমাণে নেই বলে স্থাপত্যের যে ক্রমবিকাশ এবং সামগ্রিক রূপ তার রস বৃক্কতে সাহায্য করে তার সম্পূর্ণ অভাব। বিচ্ছিন্নভাবে যে বিশেষ একটি মন্দির, মসজিদ বা সমাধি রসসৃষ্টি করতে পারে না, তা নয়। তাই তুলনা দিয়ে বলতে পারি, জগত্তের কোনো সাহিত্যের সঙ্গে যদি আপনার কিছুমাত্র পরিচয় না থাকে, তবে সাধারণত ধরে নেওয়া যেতে পারে যে উটকো একখানা ফার্সী উপন্যাসের রস আপনি গ্রহণ করতে পারবেন না। রসবোধের জগ্ন ঐতিহাসিক ক্রম-বিকাশ-জ্ঞান অপরিহার্য কিনা এ প্রশ্ন নন্দনশাস্ত্রের অগ্ন্যতম কঠিন প্রশ্ন। সে গোলক-ধাঁধার ভিত্তর একবার ঢুকলে আর দিল্লী যাবার পথ পাবেন না,—আর ‘দিল্লী

দূর অন্ত' তো বটেই।

কবিতা, সঙ্গীত, স্থাপত্য, ভাস্কর্যের মূল রস একই—ইংরিজীতে যাকে বলে ট্রসখ্বেটিক ডিলাইট। কিন্তু এক রসের চিন্ময়রূপ (যথা কাব্যের) যদি অল্প রসের মূময়রূপে (যথা ভাস্কর্য, স্থাপত্যে) টায়-টায় মিলছে না দেখেন তবে আশ্চর্য হবেন না। এদের প্রত্যেকেই মূল রস প্রকাশ করে আপন আপন 'ভাষায়', নিজস্ব শৈলীতে এবং আঙ্গিকে। একবার সেটি ধরতে পারলেই আর কোনো ভাবনা নেই। তার পর নিজের থেকেই আপনার গায়ে রসবোধের নূতন নূতন পাখা গজাতে থাকবে, আপনি উড়তে উড়তে হঠাৎ দেখবেন তাজমহলের গম্বুজটিও আপনাব সঙ্গ আকাশপানে ধাওয়া করেছে—নীচের দিকে তাকিয়ে দেখবেন ভিক্টোরিয়া মেমোরিয়াল যেন ক্রমেই পাতালের দিকে ডুবে যাচ্ছে।

স্থাপত্যের প্রধান রস—প্রধান কেন, একমাত্র বললেও ভুল বলা হয় না, অল্পগুলো থাকলে ভালো, না থাকলে আপত্তি নেই—তার কম্পজিশনে, অর্থাৎ তার অঙ্গপ্রত্যঙ্গ, যেমন ধরুন, গম্বুজ, মিনার, আর্চ (দেউড়ি), ছত্রি (কিয়োস্ক, পেভিলিয়ন্), ভিত্তি এমনভাবে সাজানো যে দেখে আপনার মনে আনন্দের সঞ্চার হয়। তুলনা দিয়ে বলতে পারি, সঙ্গীতেও তাই। কয়েকটি স্বর—সা, রে, গা, মা, ইত্যাদি এমনভাবে সাজানো হয় যে শোনামাত্রই আপনার মন এক অনির্বচনীয় রসে আপ্ত হয়।

এই সামঞ্জস্য যখন সর্বাঙ্গসুন্দর হয়, তখনই স্থাপত্য সার্থক। এবং স্থাপত্যের এই অনিন্দ্য সামঞ্জস্য যদি কাব্যে কিংবা উপন্যাসে পাওয়া যায় তবে বলা হয়, কাব্যখানিতে আরকিটেক্টনিকাল্ মহিমা আছে—মহাভারতে আছে, ফাউস্টে আছে এবং উয়ার অ্যাণ্ড পীসে আছে; জ্যা ক্রিস্তক উত্তম উপন্যাস কিন্তু এ-গুণটি সেখানে অছূপস্থিত। লিরিক বা গীতিকাব্যে যদিও কম্পজিশন থাকে—তা সে যতই কম হ'ক না কেন তাতে আরকিটেক্টনিকাল্ বৈশিষ্ট্য থাকে না।

স্থাপত্যের সংজ্ঞা দিতে গিয়ে তারপর গুণীরা বলেন, এবং সার্থক স্থাপত্যে স্থপতি অঙ্গপ্রত্যঙ্গগুলোর নিখুঁত সামঞ্জস্য করার পর সেগুলোকে অলঙ্কার সহযোগে সুন্দর করে তোলেন। অধম একথা সম্পূর্ণ স্বীকার করে না। কিন্তু এ গোলক-ধাঁধায়ও সে ঢুকতে নারাজ। দিল্লীর দিওয়ান-ই-খাস ও দিওয়ান-ই-আমে অলঙ্কারের ছড়াছড়ি, তুগলুক যুগের স্থাপত্যে অলঙ্কার প্রায় নেই—পাঠক দিল্লী

(১) 'আধেক ঘুমে নয়ন চুমে' গানটি সার্থক, এবং এই নীতির প্রকৃষ্টতম উদাহরণ।

দেখার সময় এই তত্ত্বটি সম্বন্ধে সচেতন থাকবেন<sup>২</sup>। অথচ দুইই সার্থক রসসৃষ্টি।

এই সামঞ্জস্য যদি খাড়াই চওড়াই—অর্থাৎ মাত্র দুই দিক—নিয়ে হয় তবে সেটা ছবি। শুধু সামনের দিক থেকে দেখা যায়। তিন দিক নিয়ে—তিন ডাইমেনশনাল—হলে সেটা ভাস্কর্য কিংবা স্থাপত্য। কিন্তু অনেক সময় মূর্তির পিছন দিকটা অবহেলা করা হয় বলে সেটাকে শুধু সামনের দিক থেকে দেখতে হয়। গড়ের মাঠের যে সব মূর্তি ঘোড়-সওয়ার নয় সেগুলো পিছন থেকে দেখতে রীতিমত খারাপ লাগে (বস্তুত এই সমস্তা সমাধানের জন্যই অনেক নিরীহ লোককে ঘোড়ায় চড়ানো হয়েছে) এবং বাস্তুগুলো পিছন থেকে রীতিমত কদাকার বলে সেগুলোকে দেওয়ালের গায়ে ঠেলে দেওয়া হয়—যাতে করে পিছন থেকে দেখবাব কোনো সম্ভাবনাই না থাকে। বিদ্যাসাগরের মূর্তিটি জলের কাছে রয়েছে বলেই ঐ সমস্তাটির সমাধান হয়েছে—জলে সাতরাতে সাতরাতে মূর্তির পিছন দিকে তাকাবে ক'জন লোকে ?

কিন্তু স্থাপত্যের বেলা সেটি হবার জো নেই। স্থাপত্য এমন হবে যে সেটাকে যেন সব দিক থেকে এবং বিশেষ করে যে-কোনো দৃষ্টিকোণ থেকে দেখা যায়। কোনো জায়গা থেকে যদি, ধরুন, মনে হয়, দুটো মিনার এক হয়ে গিয়ে কেমন যেন দেউড়িটাকে ঢেকে অশ্রিয়দর্শন করে তুলেছে তবে বুঝবেন স্থপতি আটের কোনো একটা সমস্তার ঠিক সমাধান করতে পারেন নি বলেই এস্থলে তাল কেটেছেন, অর্থাৎ রসভঙ্গ করেছেন।

মসজিদ মাতেরই একটা খুঁত, ঠিক এই কারণে, থেকে যায়। শাস্ত্রের হুকুম মসজিদের পশ্চিম দিক যেন বন্ধ থাকে, যাতে করে নমাজীদের সামনে কোনো বস্তু ভাব দৃষ্টিকে আকর্ষণ না করতে পারে। ফলে বাধ্য হয়ে স্থপতিকে পশ্চিম দিকে দিতে হয় খাড়া পাঁচিল। এটার সঙ্গে আর বাদবাকি তিন দিক কিছুতেই খাপ খাওয়ানো যায় না বলে, মসজিদ শুধু তিন দিক থেকে দেখা যায়। ধর্মতলার টিপ্পু স্থলতানের মসজিদ কিছু উত্তম রসসৃষ্টি নয়—দক্ষিণী ঢেউের গম্বুজগুলোই যা দেখবার মতো—কিন্তু পাঠক সেটাকে একবার প্রদক্ষিণ করলেই সমস্তাটা বুঝে যাবেন। দিল্লীর পুরনো মসজিদে-মসজিদে পাঠক দেখবেন, স্থপতি কত রকম চেষ্টা করেছেন এই সমস্তা সমাধানের।

২ ‘তুলসীর মূলে যেন স্বর্ণ দেউটি উজ্জল দশ দিক—’ এবং ‘পিকবররব নব-পল্লব মাঝারে’ দুটিই সার্থক। প্রথমটিতে অলঙ্কার নেই। অলঙ্কারের বাড়াবাড়ি হলে কাব্য দুর্বল হয়ে পড়ে। মেঘদূতের তুলনায় যে রকম গীত-গোবিন্দ।

সমাধি, রাজপ্রাসাদ, বিজয়স্তম্ভ সম্বন্ধে শাস্ত্রের কোনো বাধাবন্ধক নেই। তাই সেগুলোতে এ অপরিপূর্ণতা থাকা মারাত্মক। সচরাচর থাকেও না।

পূর্বেই নিবেদন করেছি সার্থক স্থাপত্য যে-কোনো জায়গাতে, যে-কোনো দৃষ্টিবিন্দু থেকে দেখা যায়। কিন্তু তবু প্রশ্ন ওঠে, সব চেয়ে ভালো কোন্ জায়গা থেকে দেখা যায়? উচ্চাঙ্গ মোগল স্থাপত্যমাত্রেই স্থপতি এর নির্দেশ নিজেই দিয়ে গিয়েছেন। স্থাপত্যে পৌছবার বেশ কিছুটা আগে যে প্রধান তোরণঘার (দেউড়ি—গেটওয়ে) থাকে—এরই উপর নহবৎখানা—তার ঠিক নীচে দাঁড়ালেই স্থাপত্যের পবিপূর্ণ সৌন্দর্য উপভোগ করতে পাববেন। সাধারণত ছবি এ-জায়গা থেকেই ভালো ওঠে। আব যদি নিজের রসবোধ তার সঙ্গে সংযোজন করতে চান, তবে একটু পিছিয়ে গিয়ে দেউড়ির আর্চবন্ধ ছবি তুললে তাতে ‘ঐস-থেটিক ইফেক্ট’ আসবে—যদিও মূল স্থাপত্যে কিছুটা হয়ত তাতে করে কাটা পড়বে।

এ সম্বন্ধে আরো অনেক কিছু বলাব আছে, কিন্তু আমাব মনে হয় স্থাপত্য দেখার সঙ্গে সঙ্গে প্রসঙ্গত সে আলোচনা তোলাই সঙ্গত।

\*

\*

দিল্লীর স্থাপত্য তাব বাজবংশাছুযায়ী ভাগ করা যায়।

॥ ১ ॥ দাস বংশ

কুতুব মিনার, কুওওতুল-ইসলাম মসজিদ, ইলতুতমিশের সমাধি। (কুওওতুল ইসলাম মসজিদের আঙ্গিনায়—সেহ্ন—চন্দ্ররাজা নির্মিত একটি শতকরা নিরানব্বই ভাগেব লৌহস্তম্ভ আছে। এটি ও মসজিদের খামগুলো হিন্দুযুগেব।) —সব কটি কুতুবের গা ঘেঁষে।

॥ ২ ॥ খিলজী-বংশ

আলাউদ্দীন খিলজী নির্মিত ‘আলা-ই-দবওয়াজা’—কুতুবের গা ঘেঁষে। আলাউদ্দীন কিংবা তাঁব ছেলের (‘দেবল-দেবীব’ বলভ) তৈরী মসজিদ—দিল্লী-মথুরা ট্রাঙ্ক রোডেব উপর (নিউ দিল্লী থেকে মাইল খানেক) নিজামউদ্দীন আউলিয়ান<sup>৩</sup> দবগাব ভিত্তব<sup>৪</sup>।

॥ ৩ ॥ তুগলুক-বংশ

গিয়াসউদ্দীন তুগলুক<sup>৫</sup> নির্মিত আপন সমাধি—কুতুব থেকে মাইল তিনেক

৩, ৫ ‘দৃষ্টিপাতে’ উল্লিখিত ‘দিল্লী দুব অন্ত’ কাহিনীর নায়কদ্বয়। গিয়াসের ছেলে ‘পাগলা’ রাজা মহম্মদ তুগলুকের তৈরী ‘আদিলাবাদ’-এর ভগ্নাবশেষে বিশেষ

দূরে তাঁর-ই নির্মিত তুগলুকাবাদের সামনে। তুগলুকাবাদ।

কিরোজ তুগলুক নির্মিত হাউজ খাস—দিল্লী থেকে কুতুব যাবার পথে রাস্তার ডান দিকে। কিরোজ নির্মিত কিরোজশাহ-কোটলা,—দিল্লী এবং নয়াদিল্লীর প্রায় মাঝখানে। অগ্ন্যস্ত্র ব্রষ্টব্যের ভিতর এখানে আছে একটি অশোকস্তম্ভ; কিরোজ এটাকে দিল্লীতে আনিয়ে উঁচু ইমারত বানিয়ে তার উপরে চড়ান।

॥ ৪ ॥ সৈয়দ এবং লোদীবাংশ

লোদী গার্ডেনস্—নয়াদিল্লীর লোদী এস্টেটের গা ঘেঁষে—ভিতরে আছে, (ক) মুহম্মদ শাহ সৈয়দের কবর, (খ) সিকন্দর লোদীর তৈরী মসজিদ এবং মসজিদের প্রবেশগৃহ, (গ) অজানা কবর এবং (ঘ) সিকন্দর লোদীর কবর।

ইসা খানের কবর—হুমায়ূনের কবরের বাইরে। যদিও পরবর্তী যুগে, তবু লোদীশৈলীতে তৈরী।

॥ ৫ ॥ মোগল-বাংশ

বাবুর কিছু তৈরী কবার সময় পান নি। কেউ কেউ বলেন, পালম এয়ার-পোর্টের সামনে যে দুর্গের মতো সরাই এটি তাঁর হুকুমে তৈরী। এতে ব্রষ্টব্য কিছুই নেই।

হুমায়ূনও এক পুরনো কীলা ( গ্রাশনাল স্টেডিয়ামের পিছনে ) ছাড়া কিছু করে যেতে পারেন নি। পুরনো কেল্লারও কতখানি তাঁর, কতখানি শেব শা'র, বলা শকু। কেল্লার ভিতরে মসজিদটি কিন্তু শের শা'র তৈরী এবং এর শৈলী পাঠান মোগল থেকে ভিন্ন। সাসারামে শেরের কবর সৈয়দ-লোদী শৈলীতে।

হুমায়ূনের বিধবার—আকবরের মাতার—তৈরী হুমায়ূনের কবর। নিজামউদ্দীন আউলিয়ার দরগার সামনে, দিল্লী-মথুরা রোডের ওপাশে।

আকবরের কীর্তি-কলা আঘাতে—সেকেন্দা ফতহ-পুর সিক্রী, আগ্রা দুর্গ। ঐ সময়ে তৈরী দিল্লীতে আছে আংকা খান, আজিজ কোকলতাশ, আব্দুর রহীম খান খানা ও আদহম্ খানের কবর।

শাহজাহান—দিল্লী দুর্গ বা লাল কীলা। তার-ই সামনে চাঁদনী চৌকের

কিছু দেখবার নেই। মুহম্মদ এবং নিজামউদ্দীনের মিশ্র কবি-সম্রাট আমির খুসরো ( 'দেবল-দেবীর' প্রেমের কাহিনী ইনিই প্রথম ফার্সীতে লেখেন ) এবং প্রসিদ্ধ ঐতিহাসিক জিয়াউদ্দীন বরনীর কবর নিজামউদ্দীনের দরগার ভিতর।

৪ ইলতুতমিশেব কন্যা সম্রাজ্ঞী রিজিয়ার যে কবর দিল্লীতে আছে সেটি সম্বন্ধে ঐতিহাসিকেরা সন্দেহ প্রকাশ করেন।

কাছে জাম-ই মসজিদ ।

ঔরঙ্গজেব—লাল কিলার ভিতর মোতী মসজিদ ।

ঔরঙ্গজেবের ভগ্নী রৌশনারার নিজের তৈরী সমাধি—রৌশনারা-গার্ডেন্সের ভিতর ।

ঐতিহাসিক মাত্রেই জানেন, ঔরঙ্গজেবের পরের বাদশাদের অর্থ ও প্রভাব দুই-ই কম ছিল বলে এরা প্রায় কিছুই করে যেতে পারেন নি। যেটুকু আছে তাতে আলাকারিক সৌন্দর্য যথেষ্ট বটে, কিন্তু স্থাপত্যের লক্ষণ প্রায় নেই—স্থপতি সে-চেষ্ঠা করেনও নি। এর ভিতর উল্লেখযোগ্য জাহানারা, মুহম্মদ শাহ বাদশাহ রঙ্গীলা, এবং দ্বিতীয় আকবরের (ইনি রাজা রামমোহনকে ‘রাজা’ উপাধি দিয়ে বিলেত পাঠিয়েছিলেন) কবর। তিনটিই নিজামউদ্দীনের দরগার ভিতরে। মোগল স্থাপত্যের ‘শেষ নিখাস’ সফ্ দর-জঙ্গব সমাধি ও তৎসংলগ্ন মসজিদ—কুলোকে বলে এটার মার্বেল আকবুর রহীম খান খানার কবর থেকে চুরি কবা। ইমারতটি যদিও অপেক্ষাকৃত রহৎ তবু তার সৌন্দর্য নিম্নশ্রেণীর, রুচির বিলক্ষণ অযোগ্যতা এতে স্পষ্ট ধরা পড়ে। ছবিতে হুমায়ূনের কবর, তাজমহল, এমন কি আংকা খানের ছোট কবরটির সঙ্গে তুলনা করলেই পাঠক আমার বক্তব্য বুঝতে পারবেন। আংকা খানের কবরটি আমার বড় প্রিয় স্থাপত্য। দিল্লীর লোক এ-কবরটির খবর রাখে না, কারণ এটি নিজামউদ্দীন দরগার এক নিভৃত কোণে পড়ে আছে।

দিল্লীতে তিনটি বড় দরগা আছে। প্রথমটি কুৎবউদ্দীন বখতিয়ার কাকীর। ইনি কুৎবউদ্দীন আইবকের গুরু ছিলেন। অনেকের ধারণা আইবক গুরুর স্মরণে কুতুব মিনার নির্মাণ করেছিলেন। দরগাটি কুতুব মিনারের কাছেই এবং ‘কুতুব-সাহেব’ নামে পরিচিত।

দ্বিতীয়টি নিজামউদ্দীন আউলিয়ার এবং তৃতীয়টি নাসিরউদ্দীন ‘চিরাগ দিল্লী’র। দরগাটি দিল্লী থেকে মাইল তিনেক দূরে।

প্রথমটির পত্তন দাস আমলে, দ্বিতীয়টির খিলজি আমলে এবং তৃতীয়টির তুগলুক আমলে। সেই যুগ থেকে শেষ-মোগল পর্যন্ত এসব দরগাতে বহু ভক্ত নানা ইমারত গড়েছেন বলে অল্পের ভিতর সব স্থাপত্যেরই নিদর্শন পাওয়া যায়। কিন্তু চোখ কিছুটা না বসা পর্যন্ত এসব জায়গায় গবেষণা করা বিপজ্জনক।

কুতুব মিনার পৃথিবীর সর্বশ্রেষ্ঠ মিনার। ইংরেজ পর্যন্ত একথা স্বীকার করেছে। আশ্চর্য মনে হয় যে, এর পূর্ববর্তী নিদর্শন এদেশে নেই, ইরান-তুরানেও নেই।

বহু স্থপতির বহু একসপেরিমেন্টের সম্পূর্ণ কায়লা উঠিয়ে তাজ নির্মিত হল—কিন্তু মিনারের ক্ষেত্রে কৃতুব প্রথম এবং শেষ একসপেরিমেন্ট। এ ধরনের বিজয়সুস্ত পূর্বে কেউ করে নি ; কাজেই গুণীজনের বিশ্বয়ের অবধি নেই যে, হঠাৎ স্থপতি এ সাহস পেল কোথা থেকে ? কানিংহাম, ফাণ্ডসন, কার স্টিফেন, স্তর সৈয়দ আহমদ অনেকে ভেবে-চিন্তেও এব কোনো উত্তর দিতে পারেন নি।

কৃতুব পাঁচতলার মিনার। প্রথম তলাতে আছে 'বাশী' ও 'কোণে'র পর-পর সাজানো নকশা। দ্বিতীয় তলাতে শুধু বাশী, তৃতীয় তলাতে শুধু কোণ ; চতুর্থ ও পঞ্চম তলাতে কি ছিল জানার উপায় নেই, কারণ বজ্রাঘাতে সে দুটি ভেঙে যাওয়ায় কিরোজ তুগলুক (যিনি 'অশোক স্তম্ভ' দিল্লী আনেন ; ইনি যেমন নিজে সোৎসাহে ইমারত বানাতেন ঠিক তেমনি অকাতরে অঞ্জুর ইমারত মেরামত করে দিতেন— দিল্লীর অতি অল্প রাজ্যতেই এই দ্বিতীয় গুণটি পাওয়া যায় ) সে দুটি মার্বেল দিয়ে মেরামত করে দেন। পঞ্চমটিতে নাকি আবার সিকন্দর লোদীরও হাত আছে। মিনারের মুকুটরূপে সর্বশেষে ( যেখানে এখন আলো জ্বালানো হয় ) কি ছিল সে সম্বন্ধে রসিকজনের কৌতুহলের অন্ত নেই।<sup>৬</sup> দুমিয়ার সব চেয়ে সেরা মিনারকে স্থপতি কি রাজমুকুট পরিয়েছিলেন—সেখানেও তিনি তাল রেখে শেষবক্ষা করতে পেরেছিলেন কিনা, তাঁর যে অদ্ভুত কল্পনা-শক্তি মিনারের সর্বাঙ্গে স্বপ্রকাশ সেকল্পনাশক্তি দিয়ে তিনি দর্শককে কোন্‌ দ্যালোকে উড়িয়ে নিয়ে গিয়েছিলেন, কে জানে ?

ইমারত তৈরি করা কত সোজা ! কারিগরের হাতে সেখানে কত অজস্র মাল-মশলা। গম্বুজ, খাম, আর্চ, ছকি, মিনারেট, ছঙ্কা ( ড্রিপস্টোন ), কার্নিস, ব্র্যাকেট কত কী ! তার তুলনায় একটা সোজা খাড়া স্তম্ভে সৌন্দর্য আনা কত শক্ত ! এখানে শিল্পী সফল হয়েছেন শুধু সেটাকে কয়েকটি তলাতে বিভক্ত করে, সামঞ্জস্য রেখে প্রতি তলায় তাকে একটু ছোট করে করে, গুটিকয়েক ব্যালকনি লাগিয়ে দিয়ে এবং মিনারের গায়ে কখনো 'বাশী', কখনো 'কোণে'র নকশা কেটে।

৬ গেল শতকের গোড়ার দিকে এক ইংরেজ মেজরের হাতে কৃতুবের মেরামতির ভার পড়ে। ব্যালকনি ( গ্যালারির ) রেলিঙগুলো ছিল বলে তিনি সেখানে চারপাপড়ির নিজস্ব নকশা দিয়ে রেলিঙ বানান—নীচের হানিকুম্ অর্থাৎ মোঁমাছির চাকের নকশা মূল স্থপতির—এবং মাথায় 'নিজস্ব' কল্পনাপ্রসূত একটা মুকুট পরান। সেইটে দেখে দিল্লী-ওলারা সত্যাসে তারস্বরে চিৎকার করেছিল। বহু বৎসর পরে লর্ড কার্জন সেই মুকুট কেটে নীচে নামিয়ে দূরে সরিয়ে রাখেন।

‘প্রদর্শনে’র এরকম চূড়ান্ত পৃথিবীর আর কোনো মিনারে পাওয়া যায় না।

আব তার গায়ের কারুকার্যও অতি অদ্ভুত। বাঁশী এবং কোণের উপর দ্বিষ্ট সমস্ত মিনারটিকে কোমরবন্ধের মতো ঘিরে রয়েছে সারি সারি লতা-পাতা, ফুলের মালা, চক্রের নকশা। এগুলো জাতে হিন্দু এবং এর সঙ্গে মিশিয়ে দেওয়া হয়েছে এক সারি অস্তর অস্তর আরবী লেখার সার—সেগুলো জাতে মুসলমান। কিন্তু উভয় খোদাইয়ের কাজই যে হিন্দু শিল্পী করেছেন সে বিষয়ে কণামাত্র সন্দেহের অবকাশ নেই। গোটা মিনারটির পরিকল্পনা করেছে মুসলমান, যাবতীয় কারু-শিল্প করেছে হিন্দু—ভারতবর্ষে মুসলমানদের সর্বপ্রথম সৃষ্টিকার্যে হিন্দু-মুসলমান মিলে গিয়ে যে অদ্ভুত সাফল্য দেখিয়েছিল সে-মিলন পরবর্তী যুগে কখনো ভঙ্গ হয় নি, কতু বা মুসলমানের প্রাধান্য বেশী, কোনো ইমারতে হিন্দু প্রাধান্য বেশী। আট শত বৎসর একসঙ্গে থেকেও হিন্দু-মুসলমান চিন্তার ক্ষেত্র, রাজনীতির জগতে সম্পূর্ণ এক হয়ে যেতে পারে নি, কিন্তু কলার প্রাঙ্গণে (স্থাপত্য, সঙ্গীত এবং নৃত্য) প্রথম দিনেই তাদের যে মিলন হয়েছিল আজও সেটি অটুট আছে।

কুতুবের সঙ্গে পাল্লা দিয়ে আর কোনো মিনার কখনো মাথা খাড়া করেনি। দীর্ঘ আট শতাব্দী ধরে বহু বাদশা বহু ইমাবত গড়েছেন কিন্তু ‘কুতুবের চেয়েও ভালো মিনার গড়বো’ এ সাহস কেউ দেখান নি। যে ইংবেঙ্গ দিল্লীতে সেক্রেটারিয়েট, রাজভবন গড়ে, কলকাতায় ভিক্টোরিয়া মেমোরিয়াল বানিয়ে নিজকে অতুল বিড়ম্বিত করেছে সেও বিলক্ষণ জানতো কুতুবের সঙ্গে পাল্লা দেওয়া কোনো স্থপতির কর্ম নয়।<sup>৭</sup>

আলাউদ্দীন খিলজীর মত দুঃসাহসী রাজা ভারতবর্ষে কমই জন্মেছেন। একমাত্র তিনিই চেয়েছিলেন, কুতুবের সঙ্গে পাল্লা দিতে। তাই কুতুবের দ্বিগুণ ঘের দিয়ে তিনি আরেকটি মিনার গড়তে আরম্ভ করেন—বাসনা ছিল মিনারটি কুতুবের দ্বিগুণ উঁচু হবে। ইমারত মাত্রেরই একটা অপটিমাম্ সাইজ আছে—অর্থাৎ যার চেয়ে বড় হলে ইমারত খাবাপ দেখায়, ছোট হলেও খাবাপ দেখায় (সর্ব কলাতেই এ সূত্র প্রযোজ্য; কিন্তু স্থাপত্যের বেলা এটা অগুতম মূলসূত্র) —কাজেই আলাউদ্দীনের চূড়া ডবল হহে ফল কি ওতরাতো বলা কঠিন। তা সে যা-ই হোক, মিনারের কাঠামোর কিছুটা শেষ হতে-না-হতেই ওপাবেব ডাক খিলজীর

৭ অস্তরলনি মনুমেণ্টে কোনো কলাপ্রচেষ্টা নেই বলে সেটাকে কুতুবের সঙ্গে তুলনা করা অগ্ৰাঘ—সেটাকে চটকলের চোঙার সঙ্গে তুলনা করা যায়। বড়বাজারের দালান কোঠার সঙ্গে কেউ তাকের তুলনা করে না।



কানে এসে পৌঁছল যে-পারে খুব সম্ভব মিনার হাতে নিয়ে লাঠালাঠি চলে না।

আপন মহিমায়, নিজস্ব ক্ষমতায় যে স্তম্ভ দাঁড়ায় তার নাম মিনার, এবং মসজিদ, সমাধি কিংবা অল্প কোনো ইমারতের অঙ্গ হিসেবে যে মিনার কখনো থাকে, কখনো থাকে না, তার নাম মিনারেট—মিনারিকা। কুতুবের পর পাঠান মোগল বিস্তার মিনারেট গড়েছে, কিন্তু সেগুলোও কুতুবের কাছে আসতে পারে না। তাজের মিনারিকা ভূবনবিখ্যাত, কিন্তু স্পষ্ট দেখতে পাচ্ছি শিল্পী সেখানে নতমস্তকে হার মেনে নিয়ে সেটাকে সাদামাটার চরমে পৌঁছিয়ে খাড়া করেছেন। পাছে লোকে তাঁর মিনারিকার সঙ্গে কুতুবের তুলনা করে লজ্জা দেয় তাই তিনি সেটাকে গড়েছেন এমন স্তাড়া করে যে দর্শকের মন অজান্তেও যেন কুতুবকে স্মরণ না করে। না হলে যে-তাজের সর্বাঙ্গে গয়নার ছড়াছড়ি তার চারখানা মিনারিকা-হস্তে 'নোয়াটুকু'র চিহ্ন নেই কেন? ওদিকে দেখুন, হমায়নের সমাধি-নির্মাতা ছিলেন আরওঘডেল—তিনি তাঁর ইমারতটি গড়েছেন মিনারিকা সম্পূর্ণ বর্জন করে।

দিল্লী-আগ্রার বহু দূরে, কুতুবের আওতার বাইরে গুজরাতের রাজধানী আহমদাবাদে আমি একটি মিনারিকা দেখেছি যার সঙ্গে কুতুবের কোনো মিল নেই এবং বোধ হয় ঠিক সেই কারণেই তার নিজস্ব মূল্য আছে। রাজা আহমদের—এঁরই নামে আহমদাবাদ—বেগম রানী সিপ্রিয় মসজিদে একটি মধুরদর্শন মিনারিকা বহু ভূপটকের দৃষ্টি আকর্ষণ কবেছে। গুজরাত এবং রাজপুতানার মেয়েরা তাদের বাহুল্যতা মণিবন্ধে যে বিচিত্র-আকার, বিচিত্র-দর্শন অসংখ্য বলয়-কঙ্কণ পবে এ মিনারিকা যেন সেই কমনীয়তায় অল্পপ্রাণিত। রাজেশ্বরী সিপ্রি যেন তাঁরই অল্পম হাতখানি নভোলোকের দিকে তুলে ধরেছেন ভূবনেশ্বরের ললাটে তিলক পরিয়ে দেবেন বলে।

কুতুবের সঙ্গে সঙ্গে—আসল কুতুব তৈরী হয় প্রথম তলা থেকে নমাজের আজানের জঙ্ঘা—নির্মিত হয় কুওওতুল ইসলাম মসজিদ। এ মসজিদে এখন দর্শনীয় তার উন্নতদর্শন তোরণ (আর্চ) এবং স্তম্ভগুলি। ভাবতীয় কারিগর তখনো জোড়ের পাথর (কী-স্টোন) তৈরী করে তাব গায়ে গায়ে চোকো পাথর লাগিয়ে আর্চ বানাতে শেষে নি বলে<sup>৮</sup> আর্চের সঙ্গে জোড়া বাকি ইমারত ভেঙে

৮ ইঞ্জিনিয়ার্সিট স্থাপত্যের অংশ বটে কিন্তু বিশুদ্ধ স্থাপত্য-রস আখ্যায়নের সময় তার স্থান অতি নীচে। আর্চ, ভোম বানাতে 'কী-স্টোন' সৈ (২য়)—২৫

পড়েছে ; কিন্তু রসের বিচারে এ আর্চটি এখনো অতুলনীয় । এর শাস্ত গাঙ্গীর্ষ, আপন কোঁলীয়েই সুপ্রতিষ্ঠিত ঋজু অবস্থিতি নিত্যন্ত অরসিক জনেরও শ্রদ্ধা আকর্ষণ করে । পরবর্তী যুগে বহু জায়গায় বিস্তর আর্চ নির্মিত হয়েছে, কিন্তু এত প্রসাদশুণ এখনো অতুলনীয় ।

এবং এর গায়ে যে হিন্দু কারুকার্য তার স্থনিপুণ দক্ষতা, সূক্ষ্ম বিশ্লেষণ এবং মন্দাক্রান্ত গতিচ্ছন্দ দেখে যেন স্বাস-প্রশ্বাস বন্ধ হয়ে যায় । যেন অজস্র ইলোরার চিত্রকর শিলাকর দুজনে মিলে প্রাণের আনন্দে এর প্রতিটি রেখা প্রতিটি বক্র প্রতিটি চক্র একে চলেছে । এদের নিশ্চয়ই বলা হয়েছিল যে মুসলমান স্থাপত্যে পশুপক্ষী আঁকা বারণ । সেইটে মেনে নিয়ে কী আশ্চর্য নৈপুণ্যে ‘শেষনাগ’ মতিফকে এরা সাপ না বানিয়েও সাপ একেছে সেটা না দেখলে বিশ্বাস করা যায় না । সঙ্গে সঙ্গে প্রাচীন ভারতীয় কলার সঙ্গে এরা কুরানের হরফও খোদাই করেছে সমান দক্ষতা নিয়ে । উভয়ের সংমিশ্রণ অপূর্ব, রসস্বষ্টি অসামান্য ।

কুওত্তুল ইসলাম মসজিদের খামগুলো হিন্দু বৌদ্ধ ও জৈন মন্দির থেকে নেওয়া । এদের গায়ে দর্শক বিস্তর পশুপক্ষী, বৃদ্ধ এবং তাঁর শিষ্য এবং অস্বাস্ত দেব-দেবীর নানা মূর্তি দেখতে পাবেন । মসজিদ গড়ার সময় গুলোর গায়ে পলস্তর লাগিয়ে মূর্তিগুলো ঢেকে দেওয়া হয়েছিল । পলস্তর খসে যাওয়াতে এখন আবার দেখা যাচ্ছে ।

এভাবে পতিটি ইমারত নিয়ে খুঁটিয়ে খুঁটিয়ে আলোচনা করা আমার উদ্দেশ্য নয় । তা হলে দশ-ভলুমি কেতাব লিখতে হয়—এবং সেগুলো কেউ পড়বে না । আমার উদ্দেশ্য—বাকি ইমারতগুলো দর্শক যেন নিজে আরো খুঁটিয়ে খুঁটিয়ে দেখেন ।

যেমন, কুওত্তুল ইসলামের গম্বুজ রসের ক্ষেত্রে নগণ্য—তার পরের ইমারত ইলতুংমিশের সমাধিতে সেটা ভেঙে পড়ে গিয়েছে—খিলজী যুগে সেটা সুন্দর হতে

ইত্যাদি ইঞ্জিনিয়ারী ব্যাপার পাঠক চেম্বার অভিধান দেখেই বুঝে নিতে পারবেন । এসব স্থাপত্যের পশ্চাতে কী অদ্ভুত ইঞ্জিনিয়ারিঙ স্কিল আছে তার আলোচনা আমি আদপেই করি নি । যেমন, কুতুবের আসল কেলামতি যে এত অল্প গোড়া (বেল) নিয়ে এত উঁচু মিনার আর কোথাও হয় নি । অদ্ভুত ভারসাম্যই (ব্যালান্স) তার কারণ । এ যেন বাজিকর হাতের আজুলের ডগায় বিশগজী বাশ খাড়া করে রেখেছে । ইঞ্জিনিয়ারী হিসেবে কণামাত্র ভুল থাকলে কুতুব জড়মুড়িয়ে পড়ে যেত ।

আরম্ভ করেছে, তুগলক যুগে গম্বুজ রীতিমত রসস্বষ্টি করে কেলেছে, সৈয়দ-লোদী যুগে সে পৃথিবীর আর দশটা গম্বুজের সঙ্গে পাল্লা দিতে আরম্ভ করেছে, হুমায়ূনের গম্বুজকে তো কেউ কেউ তাজের চেয়েও ভালো বলেছেন, আর তাজের তদনু-গম্বুজ, শুনি, পৃথিবীর সর্বশ্রেষ্ঠ। দেখলে পরে তার ক্ষণ কটিকে নাকি জড়িয়ে ধরতে ইচ্ছে করে।

কিংবা আর্চের উত্থান-পতন দেখুন। কিংবা দেখুন ছত্রির আবির্ভাব ক্রমবিকাশ। হুমায়ূনের কবর ও তাজের ছাতের উপরকার ছত্রির মতো ছত্রি পৃথিবীর আর কোথাও পাবেন না। স্থাপত্যে ছত্রির ব্যবহার মুসলমানেবা এদেশে এসে শিখল। তাই এদেশের স্থাপত্যের স্কাই-লাইন ইরান তুরানের স্থাপত্যকে এ-বাবদে অনায়াসে হার মানায়।

কিংবা দেখুন, ভিতবকার কারুকার্য, যার পরিসমাপ্তি তাজের 'মর্মরস্বপ্নে'।

দাস-যুগের শেষের দিকে মুসলিম জিওমেট্রিক ডিজাইনের বাড়াবাড়ি হয়েছিল, খিলজি-যুগে আবার ভারসাম্য কিরে পেল।

তুগলক যুগে পাবেন দার্ঢ্য—শক্তিশালী স্থাপত্যের পরিপূর্ণতা। অলঙ্কার এখানে বাহুল্যরূপে বর্জিত। দেয়াল বাক্সা—যেন পিরামিডের চঙে ট্যারচা করে একে আরও মজবুত করার চেষ্টা হয়েছে, গম্বুজও শক্তির পরিচায়ক। লাল পাথর, কালো প্লেট (তখনো কালো মার্বেল এ-দেশে আসে নি) এবং মর্মরের ধবল এই তিন রঙের খেলা নিয়েই স্থপতি এখানে অলঙ্কারহীন দৃঢ়তার একঘেয়েমি ভেঙেছেন। গিয়াসউদ্দীন তুগলকের কবর এরই প্রকৃষ্টতম উদাহরণ।

সৈয়দ-লোদী বংশস্বয়ের অর্থ ও প্রতিপত্তি দুই-ই ছিল সামান্য। তাই এঁদের কলা-প্রচেষ্টা ছোট ইমারতের আশ্রয় নিতে বাধ্য হয়েছিল। ওদিকে ইরান-তুরানের সঙ্গে যোগস্বত্র ছিন্ন হয়ে গিয়েছিল বলে সে-দিক থেকে নব নব অনুপ্রেরণাও আসছিল না। ফলে তাদের স্থাপত্যে হিন্দু প্রাধান্য বেশী এবং ছোট ইমারতে অলঙ্কারের প্রয়োজন বড় ইমারতের চেয়ে বেশী। কম্পজিশনেও এই প্রথম হিন্দু প্রভাব স্পষ্ট হয়ে এল। বস্তুত এই আটকোণ ও লা ইমারত এবং আট দিকের বেরা বারান্দা বৌদ্ধরূপ এবং তার প্রদক্ষিণচক্র বর্থাই মনে করিয়ে দেয়। হিন্দুরা স্তম্ভ-নির্মাণে চিরকালই দক্ষ, ছত্রিও তাদেরই স্বষ্টি। হিন্দু ছজ্জা (ড্রিপ-স্টোন—এগিয়ে আসা কার্নিসের মত) ছাতের বুটী ছড়িয়ে দেবার জন্য এদেশে প্রয়োজন—ইরানে দরকার নেই বললেও চলে—সে-সব এসে এখানে ইমারতের সৌন্দর্য বাড়িয়েছে। তুগলক প্রভাব এখানে স্তম্ভ সামান্য—কবল মাত্র ট্যারচা

স্বস্তে কিছুটা পাওয়া যায়। সৈয়দ-লোদী স্থাপত্য দেখে মালুম হতবাক হয় না সত্য, কিন্তু এর এমন একটা কমপেন্ডেনেস্ বা ঠাস-বুহনি আছে বা অল্প স্থাপত্যে বিরল। অল্প দিয়ে রসস্থিতিতে সৈয়দ-লোদী প্রথম না হলেও প্রধানদের একজন।

মোগল-যুগ আরম্ভ হল হুমায়ূনের কবর দিয়ে। সেখানে ইরান-তুরানের প্রাধাণ্য। কিন্তু ছবি এবং পদ্মফুলের ডিজাইন এখানে প্রচুর এবং কারুকার্যেও হিন্দু প্রাধাণ্য বেশী। সিক্রিতে ইরাণী ভাব এত কমে গিয়েছে যে, কোনো কোনো ইমারতে কার প্রাধাণ্য বেশী কিছুতেই স্থির কবা যায় না। সেকেন্দ্রার গম্বুজ শেষ করার পূর্বেই আকবর ইহলোক ত্যাগ কবেন—তাই বলা শক্ত সম্পূর্ণ সমাধি মনে রসের কোন ভাবের উদয় করে দিত। দিওয়ান-ই-খাস ও আম্ যে অলঙ্কারের চূড়ান্তে পৌঁছে গিয়েছে সে সত্য তো পৃথিবীর সবাই স্বীকার কবে নিয়েছে। এত দিন বলা হত, পাঠান স্থাপত্যে স্থপতি ও স্বর্ণকার একজোটে কাজ করেছেন। দিওয়ান-ই-খাস্ ও আম্ দেখে লোকে বলল, এইবারে এসে জহরীও যোগ দিয়েছেন।

মোগল-কলা এত বিচিত্র ও ভিন্নমুখী যে, তাকে গুটিকয়েক সূত্রে ফেলা প্রায় অসম্ভব। তবে স্থাপত্যের বিকাশ দেখতে হলে সব চেয়ে উত্তম পন্থা হুমায়ূনের কবর ও তাজ দুটি মিলিয়ে দেখা। দুটোব গম্বুজ মিলিয়ে দেখুন, ছত্রিশুলো কার ভালো (এখানে বলা উচিত হুমায়ূনের ছত্রিশুলো নীল টাইলে ঢাকা ছিল; এখন উঠে গিয়ে কালো হয়ে গিয়েছে—তাই আগে ছিল গম্বুজ মর্মবের সাদা, পুরো ইমারত লাল পাথরের আব ছত্রিশুলোব গম্বুজ নীল, তাহে তিনই মার্বেলের), হুমায়ূনের ভিত্তিতে এক শাব আর্চ (তার ভিতব দিয়ে নাচে যাওয়া যায়), তাহে তার ইঙ্গিত দেওয়া হয়েছে মায়, গুলদস্তাজ (মিনাবিকাণ্ড ছোট মিনারিকা যাব শেষ হয় অর্ধফুট পদ্মকোরকে) দুই ইমারতেই এক বকম, নির্মাণকালে হুমায়ূনে ছিল লাল-সাদা-নীলেব সামঞ্জস্য, তাজ স্তম্ভ-ধবল এবং সবচেয়ে বড় পাথক্য—হুমায়ূনে মিনারিকা নেই, তাহেব চাব কোণে চাবটি। আপনার কোনটি ভালো লাগে? আব এই শৈলীর অধঃপতন দেখতে হলে দেখুন সফদরজঙ্গের কবর—ওয়েলিংডন অ্যারোড্রোমেব কাছে।

স্পষ্ট দেখছি হুমায়ূনে দার্চা, তাজ মাপুধ।

তার কাবণ, অনেক ভেবে আমি মন স্থিব কবেছি, হুমায়ূনের সমাধি নির্মাণ করেছেন তাঁর বিদবা—স্বামীর জহ। তাই তাতে পৌরুষ সমাধিক। তাজ নির্মাণ করেছেন বিবচকাত্তব স্বামী—প্রিয়াব জহ। তাই সেটিতে লালিত্য বেশী।

## বেজে না চরণে চরণে

বিখ্যাত সাহিত্যিকদের কাছে নাকি নবীন সাহিত্যিকরা তাঁদের লেখা নিয়ে গিয়ে চাইদের সার্টিফিকেট চান। বেচারীদের বিশ্বাস, চাইবা উত্তম সার্টিফিকেট দিলে তাঁরা সাহিত্যিক হিসেবে খ্যাতি-প্রতিপত্তি পেয়ে যাবেন।

চাইদের কেউ-কেউ সার্টিফিকেট দেন, কেউ লেখককে অগ্র চাইদের কাছে পাঠিয়ে দেন, কেউ বা অল্পখের ভান করে দেখাই করেন না। এ বাবদে পূজনীয় রাজশেখরবাবু রাজকীয় পদ্মটি বেব কবে আরামসে দিন কাটাচ্ছেন। তিনি সবাইকে অবাধে সার্টিফিকেট দেন—এমন কি মাঝে-মধ্যে না চাইলও দেন। তাঁর বয়স হয়েছে। শেষের কটি দিন শান্তিতে কাটাতে চান। সোজা স্তম্ভি 'দেব না' বললে তাঁকে আব বাচতে হবে না, এবং 'দেব-দিচ্ছি' 'দেব-দিচ্ছি' করে টাল-বাহানা দেবার মতো শক্তিও তাঁর নেই। রবীন্দ্রনাথ অমিতবীৰ্য পুরুষ-সিংহবৎ ছিলেন, উমেদওয়ারদের ঠেকাবার মতো তাঁর সেক্রেটারিও ছিলেন—তবু তিনিও অকাতরে সার্টিফিকেট দিতেন। প্রাণের প্রতি তাঁর অহেতুক কোনো মায়াও ছিল না—'মরণ রে তুহঁ মম শ্রাম সমান' এ গান তিনি রচেনে অল্প বয়সেই—তবু তিনি 'না-চাইতে যারে দেওয়া যায়' ভাবখানা মুখে মেখে পিলপিল করে সার্টিফিকেট বিলোতেন। আমাকে পথস্ত তিনি একখানা দিয়েছিলেন—অবশ্য সাহিত্যেব জগ্ন নয়, চাকরির জগ্ন। আমি তাঁর 'কৃত্তী ছাত্র' এ ধরনের বহুবিধ আগড়ম-বাগড়ম লিখে তিনি আমাকে শ্রামাপ্রসাদবাবুর কাছে পাঠিয়েছিলেন। শ্রামাপ্রসাদবাবু বিচক্ষণ লোক, তিনি আমাকে চাকরি দেন নি। অগ্রত্বে চেষ্টা করাব জগ্ন সার্টিফিকেটখানা ফেরত পেলুম না—কারণ চিঠিখানা ছিল নিতান্ত প্রাইভেট এবং পার্সনাল। শ্রামাপ্রসাদবাবু রবিবাবু সার্টিফিকেটের মূল্য না দিলেও রবিবাবুর হাতের লেখা চিঠিব মূল্য জানতেন। চিঠিখানা সযত্নে শিকের হাঁড়িতে তুলে রেখে দিয়েছিলেন।

এবং যারা কিছুতেই সার্টিফিকেট দিতে রাজী হন না, তাঁদের দু-একজনকে আমি চিনি। এবং এ কথাও বিলক্ষণ জানি, তাঁরা যে-সব বইয়ের সার্টিফিকেট দেওয়া দূরে থাক, গাল-গালাজ পর্যন্ত করেছেন তারই অনেকগুলো বাজারে প্রচুর খ্যাতি অর্জন করেছে। রাজশেখরবাবুর 'দুই সিংহ' গল্পে আছে কোনো লেখক তাঁর বই কিছুতেই বিক্রি হচ্ছে না দেখে কেনো এক বাধা সাহিত্যিককে ঘুষ দিয়ে লিখিয়ে নেয়, বইখানা অভিশয় অন্নীল এবং কদম্ব। ফলে নাকি সে বইয়ের প্রচুর কাটতি হয়েছিল।

কিন্তু এ-সব শোনা কথা, কিংবা কাল্পনিক। রবিবাবু তাঁকের ওষুধের প্রশংসা

করাতে ওয়ুধের বিক্রি বেড়েছিল কি না তার সঠিক স্টাটিস্টিক্স এখনো দেখি নি।  
উন্টোটাও সঠিক জানবার উপায় নেই। এ যেন আবহাওয়ার পূর্বাভাসের মতো।  
বেতারে আলিপুর বললে, 'সন্ধ্যায় বৃষ্টি হবে'। আপনি অবিশ্বাস করে ছাড়া না  
নির্য়ে বেরলেন। ফিরলেন ভিজ়ে ঢোল হয়ে। তবেই দেখুন, এমনি লক্ষীছাড়া  
দফতর যে, অবিশ্বাস করেও নিষ্কৃতি নেই, বিশ্বাস তো করা যায়ই না।

\*

\*

কিন্তু একখানা বই পড়ে আমি এ-সম্বন্ধে কিঞ্চিৎ হৃদিস পেয়েছি।

বইখানার নাম 'লিমিট অব্ আর্ট'। চল্লিশ টাকা দাম। ঢাউস মাল ঃ  
কপি কল দিয়ে শেলক্ থেকে ওঠাতে নাবাতে হয়।

কবিতার চয়নিকা। গ্রীক-লাতিন থেকে আরম্ভ করে, ফরাসী-জর্মন-ইংরিজী-  
স্প্যানিশ-রুশ তাবং ইয়োরোপীয় ভাষা থেকে কবিতা সঞ্চয় করে এ-চয়নিকাটি  
নির্মাণ করা হয়েছে।

গ্রন্থের ভূমিকায় সম্পাদক সবিনয় নিবেদন করেছেন, তিনি এ-চয়নিকার  
মাধুকরী করার সময় নিজের ব্যক্তিগত রুচির উপর নির্ভর করেন নি। তবে কি  
তিনি বন্ধুবান্ধবদের রুচির উপর নির্ভর করেছেন? তাও নয়। তিনি লিখেছেন,  
বিখ্যাত প্রখ্যাত কবিরা যে-সব অগ্রাণু কবির কবিতার প্রশংসা করেছেন তাই  
দিয়ে তিনি এ-সঞ্চয়িতা' নির্মাণ করেছেন। যেমন মনে করুন, বায়রন বলেছেন,  
'পেত্রাকের এ ছত্র কটি কী চমৎকাব, কী অনির্বচনীয়!' চয়নিকাকার সেই  
কবিতাটি তুলে দিয়ে সঙ্গে সঙ্গে আবার বায়রনের প্রশংসিটিও তুলে দিয়েছেন।  
ঠিক এইভাবেই, শেকস্পীয়র আছেন গ্যাটের প্রশংসাসহ, কীটস আছেন শেলির  
তাবিক্যুক্ত, এবং আরো বিস্তর চেনা-অচেনা কবি।

আপাতদৃষ্টিতে মনে হতে পারে, এর চেয়ে আর উত্তম ব্যবস্থা কি হতে পারে?

কিন্তু বিশ্বাস করুন, আর নাই করুন, এ-রকম রদি, ওঁচা কবিতার সঙ্কলন  
আমি জীবনে কো না ভাষাতে কখনো দেখি নি।

এবং শুধু তাই নয়, পৃথিবীর সর্বোত্তম বেশ কয়েকটি কবিতা তাতে বাদ  
পড়েছে। তুলনা দিয়ে বলতে পারি, একবার এই বন্ধুভূমিতেই এ-ঘটনা ঘটেছিল।  
রবীন্দ্রনাথের কোন্ কোন্ কবিতা বাঙালী পাঠকের ভালো লাগে তারই ভোট  
নিয়ে একখানি 'চয়নিকা' রচিত হয়েছিল। তাতে এত বেশী ভালো কবিতা  
বাদ পড়ে গিয়েছিল, এবং অপেক্ষাকৃত কাঁচা লেখা ঢুকে গিয়েছিল যে এর পর  
স্বয়ং রবীন্দ্রনাথ যে চয়ন করেন সেটিই 'সঞ্চয়িতা' এবং বাজারে সেইটেই চালু।  
এস্থলে পাঠক অবশ্য বলবেন, 'রাস্তার লোকের ভোট নিয়ে কি আর উত্তম

কবিতা-সঞ্চয়ন হয়? ওদের কীই বা বুদ্ধি, কীই বা ক্ষতি।' অতএব যে বিদেশী চয়নিকা দিয়ে আরম্ভ করেছিলুম সেইটেতেই কিরে যাই।

অর্থাৎ ভালো ভালো কবি কর্তৃক নির্মিত সঞ্চয়নও উত্তম হল না কেন?

তার প্রধান কারণ, সাধারণ এবং সুরচিসম্পন্ন পাঠক কবিতা পড়ে কিংবা গান শুনে যদি আনন্দ পায় তবেই সে বলে, কবিতা কিংবা গানটি ভালো। অর্থাৎ তার কাছে যে-কোনো বস্তু রসোত্তীর্ণ হলেই হল। কিন্তু কবি যখন অল্প কবির কবিতা পাঠ করেন তখন তাঁর নজর যায় কবিতার গান, ভাষা, ছন্দ, মিল—এক কথায় আঙ্গিকেই দিকে। কবিতাটি রচনা করতে গিয়ে কবিতা-কার কি কি মালমশলা নিয়ে আরম্ভ করেছেন, তাঁকে কোন্ কোন্ বিপদের সম্মুখীন হতে হয়েছে সেগুলো তিনি কাটিয়ে উঠতে পেরেছেন কি না পাঠক-কবিবন্দুট্ট পাকে প্রধানত: সেই দিকে। কিংবা মনে করুন, আপনি আমি যখন গান শুনি তখন গানটি মিষ্ট এবং মর্মস্পর্শী হলেই হল। পক্ষান্তরে আকছারই দেখাবেন, বদখদ গলা নিয়ে, বিদকুটে মাদ্ধাতার আমলের একটা সম্পূর্ণ অজানা রাগ পরলে এক ছাড়-চিমসে গাওয়াইয়া। তবলচীও বাজাতে লাগলো এমন এক ভাল যে তার কোথায় সম, কোথায় ফাঁক কিছুই মালুম হচ্ছে না। আপনি বিরক্তিতে উঠি-উঠি করছিলেন, এমন সময় দেখেন চঠাৎ মহক্ষিলের অল্প গাওয়াইয়া শ্রোতার 'আগ, আচা, ক্যাং, ক্যাং' বলে অচৈতন্য প্রায়। কি হল? ব্যাপারটা কি? না এই গুস্তাদগু গুস্তাদ এক আসন অতি-অতি কোমল এমন এক কঠিনকু কঠিন জায়গায় লাগিয়ে দিয়ে আসা এক পানিপথ নাকি ভয় করেছেন যা পূবে নাকি কেউ কখনো করতে পারে নি—না, তানসেন নাকি মাত্র ছ'বার পেরেছিলেন, গুস্তাদ আব্দুল কবীম কুলে একবার! বাস, হয়ে গেল!

অবশ্য সব পাঠক কবি কিংবা শ্রোতা-গাওয়াইয়াই যে শুদ্ধমাত্র আঙ্গিক এবং টেকনিকল স্কিলের দিকে এক-চোখা দৈন্ত্যের মতো তাকিয়ে থাকেন সে কথা বলছি না—তবে ঐ হল গিয়ে নিয়ম, এবং পূর্বোল্লিখিত 'লিমেট্‌ অব্‌ আর্ট' ঐ পর্যায়ের বই।

সমসাময়িক লেখক যখন অল্প লেখকের লেখা পড়েন তখন আরেক মুশকিল। দৃষ্টান্ত দিয়ে কথাটা খোলসা করি।

এই মনে করুন, গৌরকিশোর ঘোষ রমা-রচনা লিখে দেশে নাম করে ফেলেছেন। আমারও বাসনা গেল, ঐ লাইনে যখন খ্যাতি আছে, পয়সাও থাকতে পারে, তখন আমিই বা বাদ যাই কেন? গৌরকিশোরের লেখায়

অনুক্রমে আমিও কয়েকটি রম্য-রচনা লিখে নিয়ে গেলুম তাঁর কাছে। তিনি দেখলেন, তাঁর এক নবীন শাকরেদ্ জুটলো, তাঁর অনুক্রমে এবার একটা 'স্কুল' 'ঘরানা' গড়ে উঠতে চললো। আমার রচনা যে আদপেই 'রম্য' হয় নি, এমন কি এরে 'রচনা'ও কওয়া যায় না সেদিকে তাঁর নজরই গেল না। তিনি সার্টিফিকেট দিলেন, 'তোকা লেখা, খাসা লেখা, বেড়ে লেখা।' আমিও খুশী। অবশ্য এ-সার্টিফিকেট আমি এখনো কাজে লাগাই নি। সাহিত্যিকের সার্টিফিকেট-হাল পাঠকের পানি পাবে কি না সে বাবদে আমার মনে এখনো ধোঁকা রয়ে গেছে।

পক্ষান্তরে ফরাসী কবি-সম্রাট মলিয়ের নাকি তাঁর তাবৎ কোঁতুকনাটা পড়ে শোনাতেন তাঁর নিরক্ষর বাড়িউলীকে। বাড়িউলী যে-সব রসিকতা শুনে হাসতো, তিনি সে-সব রসিকতার মাত্রা বাড়িয়ে দিতেন, যেগুলো শুনে গম্ভীর-মূর্তি ধারণ করতো সেগুলো তিনি নির্মমভাবে কেটে দিতেন। অথচ আজ তো গুণীমূর্খ সবাই তাঁর নাট্য দেখে আনন্দ লাভ কবে। এই কয়েকদিন মাত্র হল, জ্যোতিরিন্দ্রনাথ কৃত তাঁর বাঙলা অনুবাদ কলকাতার বসিক সমাজকে যা হাসালো তা দেখলে স্বয়ং মলিয়েরই অবাক হতেন।

তবে কি ঐ বাড়িউলী অভিশয় স্মরসিকা ছিলেন? এ-পর্যন্ত কেউ তো তা বলেন নি। তবে কি ঠুঁকে না শুনিয়ে সে-যুগের নামকরা সমঝদারকে শোনাতে মলিয়েরের কাব্য আরো রসোত্তীর্ণ হত? বলা অসম্ভব।

\*

\*

যে নল চালিয়েছিলুম, সে তবে এখন এসে খাড়া হল কোথায়, পাকড়ালো কাকে? অর্থাৎ হরে-দরে দাঁড়ালো কি?

আমার বিশ্বাস এ-নল কোথাও দাঁড়াবে না। এ-আলোচনায় কস্মিনকালেও কোনো হাদিস পাওয়া যাবে না।

তবে যদি শোধান, আমাব ব্যক্তিগত বিশ্বাস কি, তবে আমি নবীন লেখককে অকুণ্ঠ ভাষায় বলবো, সার্টিফিকেট কুড়োতে যেয়ো না। ওতে কানাকড়ির লাভ নেই। ঐ যে পাঠক-সম্প্রদায় নামক কিম্ ভূত কিম্ আকার জীব আছে সে যে কখন কার প্রতি সদয়, কার প্রতি নির্দয়, কখন কাকে আশা-গাছের শাখায় চড়ায়, আর কখন কাকে নির্মমভাবে জিল্ট করে তার হাদিস কেউ কখনো পায় নি।

অবশ্য আপনি যদি ভবিষ্যৎ যুগের পাঠকের জন্ম লেখেন তবে আপনার কোনো ভাবনা নেই। তবে সে-কথাটা পুস্তকের অবতরণিকায় বলে দিলেই সাধু আচরণ হয়। এ বছরের তাজা মাছকে আসছে বছরের শুটকি বলে চালানোটা



জ্যোত্স্নির শামিল। পঞ্চাশ বছর পরে যে র মাল মেচ্যোর লিক্যোর হবে সেটা আজ বাজারে ছাড়া ধাঙ্গা। তার জন্ত আজ যে-লোক সার্টিফিকেট দেয় সেও ধাঙ্গাবাজ।

\*

\*

হালে আকাশে এক নয় চিড়িয়ার উদয় হয়েছে।

নিজের সার্টিফিকেট নিজে লিখে, কিংবা/এবং চেলা-চামুণ্ডাদের সামনে নিজের লেখার গুণকীর্তন করতে গিয়ে পয়েন্ট বাংলে বিজ্ঞাপন লিখিয়ে নিয়ে কিংবা/এবং সঙ্গে সঙ্গে নিজের অগ্ন্যন্ত লেখাতে সে লেখা সঙ্গে সঙ্গে দারুণ-দারুণ রেফরেন্স ঝেড়ে—সব-কিছু প্রকাশককে দিয়ে বিজ্ঞাপনরূপে ছাপিয়ে দেওয়া।

এ সিস্টেমের সঙ্গে ‘আধুনিক বাঙলা কবিতা’র বেশ মিল আছে। বাঙলা ভাষায় লেখা দেখে পড়তে গিয়ে মালুম হল যে কিছুই মালুম হচ্ছে না—এ ভাষার শব্দরূপ, ধাতুরূপ ক্রম তদ্বিত আপনি কিছুই জানেন না। অর্থাৎ বন্ধু বাঙলা ভাষার মুখোশ পরে অজ্ঞানাজন এসে মেরেছে চাকু।

প্রকাশকের মুখোশ পরে এখানে আসে লেখক—হাতে চাকু! পাঠক, সাবধান !!

রবীন্দ্রনাথ কি যেন গেয়েছেন, দুঃখের বেশে এসেছ বলে তোমাকে ভরাবো না? এ তার উণ্টো পিঠ; যিত্তের বেশে এসেছে বলে তোমারেই যত ভয়।

এ সিস্টেম পাঠক-ব্যাঙ্কারের চালানো জুয়ো-ভূমি মন্টে কার্লোর ব্যাক ভাঙতে পারবে কি না, সেই খবরের প্রত্যাশায় আছি। এযাবৎ তো কোনো সিস্টেম পারে নি।

আর যা করুন, করুন, কিন্তু পাঠকসাধারণকে আহান্মুখ ঠাউরে আপন আহান্মুখির পচা ভিম হাটের মধ্যখানে ফাটাবেন না !!

### ইভান সের্গেভিচ তুর্গেনেফ

গত ৩রা সেপ্টেম্বর ইভান তুর্গেনেফের ৭৫তম মৃত্যুবার্ষিকী উদ্‌যাপিত হয়েছে। এ-উপলক্ষে বহু দেশ তাঁর স্মৃতির উদ্দেশে আপন আপন সম্রাজ্ঞ প্রণাম জানিয়েছেন। কলকাতা বেতার কেন্দ্র পর্যন্ত সেদিন তাঁকে স্মরণ করেছেন।

প্রশ্ন উঠতে পারে, আজ এঁর, কাল ঠঁর কত লোকের মৃত্যুবার্ষিকী, জন্মবার্ষিকী নিত্য নিত্য হয়ে যাচ্ছে, সেগুলোর হিসেবরাখতে যাবে কে?

যার যে রকম খুশী, এর বেশী কিছু বলা যায় না।

তাই জানি, আমরা যখন গোরস্তানে যাই, তখন খুঁজি আপন প্রিয় ও পরিচিতজনের কবর। যখন কোনোও নতুন লাইব্রেরিতে ঢুকি তখন খুঁজি আপন প্রিয় লেখকের বই। তাই তুর্গেনেফের শতবার্ষিকী না হয়ে ৭৫তম মুত্যাদিনও আমার ও আমার মতো বয়স্কদের মনে দোলা লাগিয়েছে। তরুণরা লাইব্রেরিতে যে-রকম নতুন বইয়ের সন্ধান নেয়, ক্যাসিক্‌স্ পড়ে না, ঠিক তেমনি তারা তুর্গেনেফ কিংবা হাইনের শতাব্দীপ্রয়াণও স্মরণ করে না; তারা স্মরণ করে র্যাবো কবে হেঁচেছিলেন, ভেরেন কবে কেশেছিলেন।

তা তারা করুক। কিন্তু যখন দেখি অপেক্ষাকৃত বয়স্ক এবং তথাকথিত শিক্ষিত লোকও সদস্তে বলে বেড়াচ্ছেন র্যাবোর কাছে রবি ঠাকুর শিঙ, মাইকেলের অমিত্রাক্ষর উডেন ( কাঠরস ) এবং সম্পাদক-মণ্ডলীও সেগুলো পরম অদ্বাভরে ছাপাচ্ছেন তখন এঁরা যে তুর্গেনেফকে স্মরণ করবেন না সে তো জানা কথা। শুধু তাই নয়, এখন আপনারা আমার পক্ষে তুর্গেনেফ কিংবা সত্যেন দত্তকে স্মরণ করতে হলে লগুনে রড্রিন হওয়ার মতো বীতিমতো সঙ্কট-সঙ্কল—রাষ্ট্রভাষায় থাকে বলে ‘খতরনাক্’—স্কোপরি যুগ্ম-শিবের প্রয়োজন।

আমি মুসলমান। আমার শাস্ত্রে আছে বিধর্মীর ভয়ে আল্লা রহুলকে বর্জন করা মহাপাপ। আমার সাহিত্যধর্মে গুরু-মুশীদ হয়ে আছেন রবি ঠাকুর, হাইনে, তুর্গেনেফ, মাইকেল। আজ এঁদের অস্বীকার করতে পারব না—র্যাবো-এলিয়ট সম্প্রদায় যতই শক্তিশালী হন না কেন।

এবং আমার মনের গোপন কোণে একটা অহেতুক ক্ষীণ আশা আছে যে, তুর্গেনেফ-প্রীতিতে আমি একেবারে একা নই। ‘বৃড়া রাজা প্রতাপ রায়ের’ মতো ‘বরজলালে’র হাত ধরে আমাকে একাকী সভাস্থল ত্যাগ করতে হবে না। প্রতাপ রায়ের সমকালীন শ্রোতা সে-সভাতে আর কেউ ছিল না। আমার কিন্তু এখনও অনেক মুকুব্বী আছেন। তাঁরা তুর্গেনেফ সম্বন্ধে আমার চেয়ে ঢের ঢের ভালো লিখতে পারেন, কিন্তু লেখেন না, কারণ তাঁরা জানেন, পাগলাগারদে হুহ লোকের লক্ষণ দেখানো পাগলামি, ভেদ যেখানে রব ছেড়েছে সেখানে কোকিলের পক্ষে মৌনতাই শ্রেয়—‘ভদ্রং কৃতং কৃতং মৌনং কোকিল জললাদাগমে’।

তুর্গেনেফের মন্দ ভাগ্য সম্বন্ধে তিনি নিজেই সচেতন ছিলেন। তিনি থাকতেন বিদেশে—জার্মানী এবং ফ্রান্স—এবং সেখানে বসে বসেই তিনি জানতে পেতেন কী ভাবে ক্রমে ক্রমে তিনি দস্তুত্ক্ষি, তলস্তয় এমন কি কার্ব নেক্রাসফেরও বিরাগভাজন হয়েছেন। ‘বিরাগভাজন’ বললে বোধ করি কমই বলা হল। তুর্গেনেফ শেষের দিকে রীতিমত এঁদের বিধেযভাজন হয়েছিলেন।

বিশেষ আসে হিংসা থেকে। এঁদের সবাই বড় লেখক। জীবিতাবস্থায়ই এঁরা দেশে প্রচুরতম সম্মান পেয়েছিলেন। তবে দূর-দেশবাসী প্রবাসী নিরীহ (‘নিরীহ’ কেন সে কথা পরে হবে) তুর্গেনেক তাঁদের ক্রোধের কারণ হয়েছিলেন কেন ?

এ-তত্ত্বটি বুঝতে পারলেই জানা যাবে লেখক হিসাবে তুর্গেনেকের অপ্রতিদ্বন্দ্বী মাহাত্ম্য কোন্‌খানে ?

দস্তফ্‌স্কি ও তলস্তয় জানতেন সৃষ্টির ক্ষেত্রে এঁদের আপন মাহাত্ম্য কোন্‌খানে। দস্তফ্‌স্কি তাঁর প্রতি চরিত্রের গভীরতম সম্বন্ধে পৌঁছে গিয়ে তার স্বথদুঃখ, তার দুর্বলতা মহত্ব, তার প্রচেষ্টা এবং ভাগ্যে দ্বন্দ্ব’ সমাজ-প্রবাহের ধরশ্রোতের বিরুদ্ধে তার উজ্জ্বল চলার আশ্রয় প্রয়াস, কিংবা সে-শ্রোতে গাঢ়লে দিয়ে ভেসে যেতে যেতে তাকে প্রাণভরে অভিসম্পাত—এ সব-কিছু লোহার কলম দিয়ে পাথরের উপর খোদাই করতে পারেন, ভাস্করের মতো দৃঢ়পেশী সবল হস্তে। প্রত্যেকটি চরিত্র তাঁর হাতে যেন দৈন্ত্যের হাতে প্রস্ফাণিত। চোখে একদূর, বৃকে অসীম করুণা। তাঁর লেখা পড়ে মনে হয়, একটা বিরাট এঞ্জিন আস্তে আস্তে এগিয়ে আসছে। খেলাব এঞ্জিন যত তেজেই এগিয়ে আসুক না কেন, জানি, ভালো করেই জানি, সামান্য কড়ে আঙুলটি তার সামনে ধরলেই সে থেমে যাবে, কিংবা দস্তফ্‌স্কির এঞ্জিন পিঁপড়ের গতিতে এলেও তার সামনে যা পড়বে তার আব উদ্ধার নেই। অরসিকতম পাঠকেরও সাধ্য নেই, তাঁর বর্ণনা পড়ে তিনি যা বলতে চেয়েছেন, তা না শুনে বা বুঝে থাকতে পারে। কিংবা বলব, কুমির যে-রকম ছাগলের বাচ্চা ঠ্যাং কামড়ে ধবে ডুব দেয় নদীতে, দস্তফ্‌স্কি সে-রকম পাঠককে নিয়ে ডুব দেন মানব-চরিত্রের অস্তল সাগরে। এবং আশ্চর্য, সেখানে মনি-মুক্তাব সঙ্গে সঙ্গে যে ক্রন্দ-পঙ্ক দেখি তাব প্রতিও তো ঘৃণা হয় না। মাতাল বাপের উচ্ছ্বলতায় সরলা কুমারী রাত্তার বেড়া হয়ে বাপকে মাতলামোর পয়সা যোগাচ্ছে—কই লোকটাকে তো খুন কবতে ইচ্ছে কবে না। তার অসহায় অবস্থা দেখে শুধু ভগবানকে শোধাতে ইচ্ছে কবে, ‘একে বিবেকহীন পাশুপকপে জন্ম দিলে না কেন ? এরও তা হলে কোনো দুঃখ থাকত না, আমরাও অকরণ হৃদয়ে তাকে খুন করতে পারতুম। কিংবা এ সব বোঝে, এ তো সব-কিছু জানে। তবে এই ঝগড়া-ঝড়ের ঘণিঘায়ুর মাঝখানে মানুষকে তুমি প্রজ্ঞাপতির মতো সৃষ্টি করলে কেন ?’ কিংবা হয়ত অতখানি চিন্তা করার শক্তিই পাঠকের থাকে না। মোহমান হয়ে যায় পাঠক সেই বিশ্বব্যাপী অভিজ্ঞতার সামনে—সমস্ত জীবন বয়ে বেড়ায় তার অনপসরণীয় স্মৃতি।

তলস্তয়ের রক্তমঞ্চ ভুবন-জোড়া বিরাট। তার পাত্রপাত্রীদের নাম ভুলে যাই, কিন্তু চেহারা ভুলি নে। তারা রক্তমঞ্চে নাচছে যে যার আপন কোণে আপন আপন মণ্ডলী বানিয়ে। প্রত্যেকের আপন নৃত্য সামঞ্জস্য রেখেছে তার মণ্ডলীর সঙ্গে, মণ্ডলী সামঞ্জস্য রেখেছে আর আর মণ্ডলীর সঙ্গে—কখনও বা দুই কিংবা তিনটি মণ্ডলী একে অন্যকে ভেদ করে মিশে এক হয়ে গিয়ে আবার আলাদা হয়ে যাচ্ছে—আর সব কটি মণ্ডলীর এ-কোণে ও-কোণে যে-কটি ছন্নছাড়া আপন মনে নাচছে তাদেরও সঙ্গে নিয়ে গড়ে তুলেছে সেই বিরাট ভুবন। বাস্তব জীবনেও আমরা এ-রকম ভুবনের সঙ্গে পরিচিত হবার সুযোগ পাই নে। তলস্তয় কতখানি পেয়েছিলেন কে জানে কিন্তু তাতে কীই বা যায় আসে। তাঁর কল্পনার ভুবন আমাদের বাস্তব ভুবনের চেয়ে ঢের ঢের বেশী প্রত্যক্ষ, অন্ধে অন্ধে প্রাণবন্ত।

তলস্তয় কখনও কবিতা রচনা করেছিলেন কি না জানি না, কিন্তু তিনি কবি। তাঁর ভাষামতী দণ্ড দিয়ে তিনি যে-রকম আমাদের কল্পনার অতীত বস্তু সৃষ্টি করতে পারেন ঠিক তেমনি আমাদের নিত্যকার চেনা বস্তু—যে বস্তু বহুদর্শনের ফলে তার বৈশিষ্ট্য তার নবীনতা হারিয়ে ফেলেছে—তিনি সামনে তুলে ধরেন সেই চেনা রূপেই, অগচ মনে হয়, ‘কী আশ্চর্য, একে এত দিন ধরে লক্ষ্য করি নি কেন?’ এবং সঙ্গে সঙ্গে এ-কথাও জেনে যাই যে, একে আর কখনও ভুলব না। তাই তাঁর পাত্রপাত্রী দেশে কালে সীমাবদ্ধ নয়। দস্ততেফ্‌সির চাষা কৃতাস ভদ্রকা না খেলেও সে রুশ চাষা; তলস্তয়ের চাষা অন্তহীন স্তম্ভের উপর দিগ্ভে ভেঙে চলেছে বরফের পাথার, সরাইয়ে ঢুকে সে তার চামড়ার ছেঁড়া ওভারকোট স্টোভের পাশে শুকোতে দেয়, আইকনের সামনে বিড় বিড় কবে সে মস্ত পড়ে ডান হাতের তিন আঙুলে ডাইনে থেকে বাঁয়ে ক্রস করে, কিন্তু বার বার ভুলে যাই সে বাঙালী চাষা নয়। অবাধ হয়ে ভাবি, বাসিকদ্দি, পাঁচু মোড়ল, নিজ্‌নি নভ্‌গরদের দিকে চলেছে কেন?

মহাভারতের পরেই ওয়ার অ্যাণ্ড পীস্‌!

তুর্গেনেফ দস্ততেফ্‌সির মতো প্রত্যেক চরিত্রের গোপনতম অঙ্ককারে বিদ্যুৎলেখ্য দিয়ে আলোকিত করতে চান না। তার কারণ বোধ হয় তুর্গেনেফ নথ্‌-শির, আপাদমস্তক ভদ্রলোক। কোনো ভদ্রলোক পরিচিত অপরিচিত কারও গোপন চিহ্নি পড়ে না—হাতে পড়লেও, কারও হাতে ধরা পড়ার ভয় না থাকলেও। ঠিক তেমনি তার চরিত্রের গোপন দুর্বলতা তার অজানাতে সে জানতে চায় না, প্রকাশ করতে তার মাথা কাটা যায়—সে তো দুশমনের কাজ, গোয়েন্দার ব্যবসা। ভদ্র তুর্গেনেফ তাঁর নায়ক-নায়িকার দিকে তাকান শিশুর মতো সরল

চোখে ; তারা কথাবার্তায়, আচার-ব্যবহারে যতখানি আত্মবিকাশ করে তাতেই তিনি সন্তুষ্ট, তাঁর পক্ষে সেই যথেষ্ট। শার্লক হোমসের মতো আতঙ্গী কাচ দিয়ে তিনি তার জুতোর দাগ পরীক্ষা করেন না, পোয়োরোর মতো তাকে ক্রস-এগজামিনেশনের ঠেলায় কোণ-ঠাসা করে অট্টহাস্ত করে ওঠেন না, 'ধরেছি, ধরেছি, তোর গোপন কথা কতক্ষণ লুকিয়ে রাখবি, বল !'

অথচ শিশুর কাছে কেউ কোন জিনিস গোপন রাখে না। কবি মাজ্জই শিশু। তার চোখে ছানি পড়ে নি। প্রতি মুহূর্তে সে এই প্রাচীন ভুবনকে দেখে নবীন রূপে।

রুশদেশে পুশ্কিনের পর যদি কোনো কবি জন্মে থাকেন, তবে তিনি তুর্গেনেফ। তলস্তয় কবি সৃষ্টিকর্তা হিসেবে, আবিষ্কর্তা রূপে, আর তুর্গেনেফ কবি অগ্র অর্থে। পৃথিবীতে যা কিছু সুন্দর, যা কিছু কুৎসিত, কিংবা যার দিকে কারও দৃষ্টি যায় না এসব-কিছু তিনি প্রকাশ করেছেন তাঁর কবিত্ব দিয়ে। তিনি অগ্র কবির মতো অবাস্তবকে বাস্তব করেন না, বাস্তবকে অবাস্তব করেন না। বাস্তব অবাস্তব দুইই তাঁর কবি-মনের স্পর্শ পেয়ে আপন আপন সীমা ছাড়িয়ে তৃতীয় সত্যায় পরিণত হয়। যত-প্রদীপ শুক কাঠ দুইই তাঁর কবিত্বশিখার পরশে আগুন হয়ে জলে ওঠে। কিংবা বলব, শীতের শিশির যেমন তার শুভ্র পেলব আস্তরণ দিয়ে মধুর করে দেয় সজ-ফোটা ফুলকে, শুকনো পাতার অঙ্গ থেকে ঘুচিয়ে দেয় তাব সর্ব কর্ণশতা। ওপারের ঝাউবন, এপারের কাশ, ঘাস, সর্বোচ্চ শাল বকায়ন থেকে আরম্ভ কবে রাস্তায় পাশের নয়ানছুলি—সবাই যেন স্বন্দ মসলিনের অজ্ঞাভরণ পরে সৌন্দর্যের গণতন্ত্রে কৌলীগ্র পেয়ে গিয়েছে।

এই কবিত্বপ্রতিভাকেই হিসা করতেন দস্তফেক্কি, তলস্তয়, নেক্রাসফ ত্রিমূর্তি। নেক্রাসফ স্বয়ং কবি কিন্তু তিনি জানতেন যে-জিনিসের পরশ পেয়ে শুকনো গাছ গান হয়ে নেচে ওঠে সেইটির পূর্ণ অধিকার আছে একমাত্র তুর্গেনেফের। আঙ্গিকের উপর এ-রকম অথও অধিকার ত্রিমূর্তির কারও ছিল না। তাঁদের কোনো বিশেষ রচনা হয়ত তুর্গেনেফের রচনা অপেক্ষা উচ্চাঙ্গের কিন্তু তুর্গেনেফ তাঁদের শ্রেষ্ঠতর রচনাকে তাঁর আঙ্গিকের স্পর্শ দিয়ে পৃথিবীর শ্রেষ্ঠতম রচনা করে দিতে পারতেন। দস্তফেক্কি তলস্তয় যেন লিখেছেন কবিতা। তুর্গেনেফ যে-কোনো মুহূর্তে তার যে-কোনো একটিকে সুর লাগিয়ে গানের রূপ দিয়ে দিতে পারতেন। আর তুর্গেনেফের প্রত্যেকটি রচনা যেন গান, তার গায়ে আর হাত দেবার উপায় নেই—তা সে গানের মূল্য কবিতার চেয়ে কম হক আর বেশীই হক।

সে-যুগে ভাষা, ছন্দের রাজা ছিলেন ফ্রান্সের ঔপন্যাসিক ফ্লেবের। তাঁর শিল্প এবং মানসপুত্র মপাসাঁ তখনও গুরুত্ব মজলিসে আতরদান, গোলাপ-পাশ এগিয়ে দেন। তুর্গেনেফ ফ্লেবেরের বিশিষ্ট অন্তরঙ্গ বন্ধু। ফ্লেবেরকে চিঠি লেখার সময় মপাসাঁ লেখেন 'গুরুদেব', তুর্গেনেফকে লেখার সময় লেখেন, 'গুরু এবং সখা'। ফ্লেবেরের আকস্মিক মৃত্যুতে মপাসাঁ যখন শোকে অভিভূত হয়ে অন্ধের মতো এদিক ওদিক হাতড়াচ্ছেন তখন তুর্গেনেফ শেষবারের মতো দেশের কাছ থেকে বিদায় নিতে গিয়েছেন রুশে! মপাসাঁ তাঁকে চিঠি লিখে খুঁজছেন সাদ্ধনা। লিখেছেন, 'জীবনের সব কটি আনন্দের দিন ও তো আমাব এই দুঃখের দিনটার ক্ষতিপূরণ করতে পারছেন না।'

তার তিন বছর পর গত হলেন তুর্গেনেফ।

এবারেও হয়ত তিনি কোনো সাহিত্যিক বন্ধুকে চিঠি লিখে সাদ্ধনা খুঁজছিলেন। তখনকার দিনের ফ্রান্সের সব বিখ্যাত সাহিত্যিকদের সঙ্গেই তুর্গেনেফ, ফ্লেবের, মপাসাঁর বন্ধুত্ব ছিল। ভিক্টর হুগো, এদমোঁ দ গকুঁব, এমিল জোলা, আলফ্রেস দাদেঁদের কাউকে হয়ত তিনি লিখেছিলেন, কিন্তু আমার মনে হয়, ফ্লেবের গত হলে শোক নিবেদন কবা যায় তুর্গেনেফকে, কিন্তু তুর্গেনেফ গত হলে লেখা যায় আর কাকে? বন্ধিমের মৃত্যু-সংবাদ রবীন্দ্রনাথকে জানায়ে হয়ত সাদ্ধনাব বাণী চাওয়া যায়, কিন্তু রবীন্দ্রনাথ গত হলে বাঙালী জানাবে কাকে?

মপাসাঁ এর অনেক আগেই ফ্রান্সের বিখ্যাত পত্রিকায় তুর্গেনেফ সম্বন্ধে প্রশংসা লিখেছিলেন। এবারে তিনি যেটি লিখলেন, সেটি বড়ই ককন। মপাসাঁব পূর্ণাঙ্গ গ্রন্থাবলাতে এ-ছটি থাকার কথা কিন্তু আজ যখন মপাসাঁকেই লোকে স্বীকার করতে চায় না—যদি বা করে তাও তাঁর তথাকথিত অঞ্জাল গল্পের জগৎ—তখন তাঁর প্রবন্ধ পড়তে যাবে কে? তবু বলি আনাতোল ফ্রান্সের রম্য-রচনাকে যদি সত্য ও হৃদয়ের অভূতপূর্ব অনির্বচনীয় সঙ্গম বলে ধবা হয়, তবে সে-ছটির উৎস খুঁজতে হবে মপাসাঁর রচনায়। তাঁর ছোটগল্পের সর্বত্র-পরিচিত শৈলী: ৩৪ সেগুলো লেখা। ছোট ছোট শব্দ, ছোট ছোট বাক্য আর তার মাঝে মাঝে অকস্মাৎ দীর্ঘায়তন দীর্ঘকলেবর উদ্ভাম উত্তাল শৈলধারার মতো দ্রুতগামী বাক্য-বিঘ্নাস। মন্দাক্রান্তার পাঁচটা হ্রস্বের পর দুটো দীর্ঘ এলে যে-রসেব হৃষ্ট হয়।

এর অনুবাদ করা আমার পক্ষে অসম্ভব। সারাংশ নিবেদন করি।

"রুশ দেশের মহান ঔপন্যাসিক ইভান তুর্গেনেফ ফ্রান্সকে আপন দেশরূপে বরণ করেছিলেন। এক মাস অসহ যন্ত্রণা ভোগ করার পর তিনি গত হয়েছেন।"

“এ-যুগের অত্যাশ্চর্য লেখকের তিনি অগ্রতম। সঙ্গে সঙ্গে সাধু, সং, অকপট ও বন্ধুবৎসল সমাজের তিনি ছিলেন সর্বাগ্রণী। এ রকম লোকের দেখা যেনে না।

“তাঁর বিনয় ছিল আত্মাবমাননার কাছাকাছি; কাগজে তাঁর সম্বন্ধে কেউ কিছু লিখলে তিনি তা একেবারেই বরদাস্ত করতে পারতেন না। একাধিকবার তাঁর সম্বন্ধে উচ্চ প্রশস্তি সংবলিত রচনা তাঁকে যেন মর্মান্বিত করেছে; কারণ তিনি কিছুতেই স্বীকার করতে রাজী হতেন না যে, শুদ্ধ সাহিত্য ভিন্ন অগ্র কোনো বিষয় নিয়ে রচনা লেখা হক। সাহিত্য কিংবা কলা-সমালোচনাকে পর্যন্ত তিনি প্রগল্ভ বাক্যবিহ্বাস বলে মনে করতেন। একবার কোনো এক সাহিত্য-সমালোচক তাঁর একখানা বই সম্বন্ধে আলোচনা করতে গিয়ে তাঁর জীবন নিয়ে কিঞ্চিৎ আলোচনা করতে তিনি রীতিমত আহত হয়েছিলেন। তাঁর সে বেদনা-বোধে ছিল লেখকের ব্রীড়া—শুদ্ধ বিনয় তার কাছে নতমস্তক হয়।

“আজ গত হয়েছেন এই মহান পুরুষ, তাঁর সম্বন্ধে সামান্য কিছু নিবেদন করি।

“প্রথমবার তাঁকে দেখি গুস্তাফ ক্লবেরের পাটিতে।

“দরজা খুলতে ঘরে ঢুকলেন দৈত্য বিশেষ। রূপালী মাথা—রূপকথায় যাকে বলে রজতশির। লম্বা-লম্বা সাদা চুল, রূপালী চোখের পলক আর বিরাট সাদা দাড়ি—সত্যই যেন খাঁটি রূপোর অতি মিহিন তার দিয়ে তৈরী। ঝকঝক চকচক করছে, প্রতিটি রশ্মিকণা যেন তার উপর থেকে ঠিকরে পড়ছে। আর সেই ধবলিমার মাঝখানে শান্ত স্নন্দর মুখচ্ছবি। নাক চোখ যেন একটু বড় বেশী ঝরালো। সত্যই যেন বরুণদেবের শির—চতুর্দিকে ধবল জলের ঢেউ তুলেছেন—কিংবা আরও ভালো হয়, যদি বলি, অনন্তদেব, বিশ্বপিতার মুখচ্ছবি।

“অতি দীর্ঘ দেহ—বিরাট, কিছ দেহে মেদচিহ্ন নেই। আর সেই বিশালবপু, অতিকায় পুরুষটির চলাফেরা, নড়াচড়া একেবারে শিশুটির মতো—বড় ভীক-ভীক ভাব। অতি মিষ্ট মুহু কণ্ঠে কথা বলেন, কেমন যেন মনে হয়, পুরু জিভ শব্দের ভার যেন সহিতে পারছে না। কখনও কখনও কথা বলতে বলতে একটু আটকে যান যেন, ঠিক মনের মতো কথাটি ফরাসীতে কি হবে সেটা গোঁজেন আর প্রতিবারেই চমৎকার ঠিক শব্দটি খুঁজে পান। এই সামান্য থমকে যাওয়াটা তাঁর বচনভঙ্গীতে লাভণ্য এনে দিত।

“গল্প বলতে পারতেন অতুলনীয় মধুর ভঙ্গীতে। সামান্যতম ঘটনাকে তিনি সেই ভঙ্গীর পরশ লাগিয়ে রসের স্তরে তুলে নিতে পারতেন। তাঁর অসাধারণ

প্রতিভার মূল্য আমরা ভালো করেই জানতুম কিন্তু আসলে তিনি সর্বজনশ্রিয় ছিলেন অল্প কারণে। তাঁর চরিত্রের শিশুর মতো সরলতা ছিল সম্পূর্ণ অবিখ্যাত ; এক দিক দিয়ে এই প্রতিভাবান ঔপন্যাসিক পৃথিবী পরিক্রমা করেছেন, তাঁর যুগের তাবৎ গুণী-জ্ঞানীকে তিনি চিনতেন, মানুষের পক্ষে যা পড়া সম্ভব তার সব কিছুই তাঁর পড়া ছিল, ইয়োরোপের সব ভাষা আপন মাতৃভাষার মতো বলতে পারতেন অথচ অল্প দিক দিয়ে তাঁর আর পাঁচজন বন্ধু-বান্ধবের কাছে যা কিছু অতিশয় সামান্য সাধারণ তারই সামনে তিনি স্তম্ভিত হয়ে দাঁড়িয়ে অবাক মানতেন, ভাবতেন, এটা হল কী করে ?

“সাহিত্য বিচারের সময় তিনি আমাদের পাঁচজনের মতো সব কিছু বিশেষ গণ্যের ভিতর আবদ্ধ হয়ে বিশেষ দৃষ্টিবিন্দু থেকে দেখতেন না। পৃথিবীর তাবৎ সাহিত্যে তাঁর খুব ভালো করে পড়া ছিল বলে সর্বসাহিত্যেব্য সমন্বয় করে তারই বিরাট পটভূমিতে তিনি পৃথিবীর এক প্রান্তে প্রকাশিত একখানা বই তুলনা করতেন। অল্প প্রান্তে প্রকাশিত অল্প ভাষায় লিখিত আরেকখানা বইয়ের সঙ্গে তাই তাঁর সমালোচনা আমাদের কাছে তাব বিশেষ মূল্য পেত।

“তাঁর বয়স হয়েছিল, তাঁর সাহিত্য-জীবন প্রায় শেষ হয়ে এসেছিল অথচ সাহিত্যে সঙ্গের তাঁর অভিমত ছিল আধুনিকতম এবং সর্বাপেক্ষা প্রগতিশীল। প্রটের পাঁচ আর থিয়েটারী কোর্শলে ভর্তি উপন্যাস তিনি দু চোখে দেখতে পারতেন না, তিনি বলতেন, কিছু না, শুদ্ধমাত্র জীবন হবে উপন্যাসেব উপাদান— তাতে প্রটের ছলা কোর্শল থাকবে না, থাকবে না অসম্ভব অসম্ভব কীর্তিকাহিনী।

“তাঁর মতে উপন্যাস আর্টের সর্বাধুনিক রূপ। গোড়ার দিকে রূপকথার ছলা-কলা তাতে ব্যবহার করা হত এবং উপন্যাস এখনও তাব থেকে সম্পূর্ণ নিষ্কৃতি পায় নি। নানা রকম রোমান্টিক আর আকাশ-কুসুম কল্পনা উপন্যাসকে এতদিন ধর্মভ্রষ্ট করেছে। এখন আস্তে আস্তে মানুষের রসবোধ শুদ্ধ হতে চলেছে। এখন ওসব শস্তা ছলাকলা বর্জন করে উপন্যাসকে করতে হবে সরল, তাকে জীবনের আর্ট রূপে তুলে ধরতে হবে যাতে করে একদিন সে জীবনের ইতিহাস রূপে গণ্য হতে পারে।

“আজ তাঁর প্রতিভাপ্রসূত কাব্যসৃষ্টির বিশ্লেষণ করা যাবে না—যদিও জানি তাঁর সৃষ্টি রূশ সাহিত্যের সর্বোচ্চ সৃষ্টির সমপর্যায়ে স্থান পেয়েছে। তাঁর প্রিয়তম বন্ধু মহাকবি পুশ্কিন, লেরমন্তফ এবং ঔপন্যাসিক গগলের সৃষ্টির পাশাপাশিই তাঁর রচনার স্থান। রূশ দেশ যাদের সৃষ্টি চিরকৃতজ্ঞতার সঙ্গে স্বরণ রাখবে ইনি তাঁদেরই একজন। ইনি রূশকে দিয়েছেন চিরজীব সম্পদ, অমূল্য নিধি। ইনি



দিয়েছেন এমনই সম্পূর্ণ আট, এমন সব সৃষ্টি যার বিস্মরণ অসম্ভব; তিনি দিয়েছেন এমন এক গৌরব যে-গৌরবের মূল্য বিচার অসম্ভব, যার আয়ু অস্বহীন এবং রূপ দেশের অল্প সর্বগৌরব সে অনায়াসে অতিক্রম করে যায়। এঁর মতো লোকই দেশের জন্য এমন কিছু করে যান যার কাছে প্রিন্স্, বিসমার্ক তুচ্ছ; পৃথিবীর সর্বভূমির সর্বমহাজনের কাছে এঁরা নমস্ত হন।”

### গাঁজা

কিংবা গুলও বলতে পারেন। সদাশয় ভারত সরকার যখন আমাকে কিছুতেই ‘পদ্মশ্রী’ ‘পদ্মবিভূষণ’ জাতীয় কোনো উপাধিই দিলেন না, এবং শেষ পর্যন্ত শিশির তানুভূমি পেয়েও সেটি বেয়ারিং চিঠির মতো ফেরত দিলেন তখন হাজরা রোডের রক্ষফেলাররা ( অর্থাৎ যারা রকে অস্ত্র এক লক্ষ গুল মেরে লক্ষপতি রক্ষফেলার হয়েছেন ) সাড়ম্বরে আমাকে ‘গুলমগীর’ উপাধি দিলেন।

হালের কথা। বর্ষার ছদ্মবেশ পরে শরৎ নেমেছেন, কলকাতার শহরে। বাড়ির আঙিনায় হাঁটুজল, রাস্তায় কোমর। সেই জল ভেঙে ভিজ জগবম্প হয়ে তাবৎ ‘ফেলাররাই’ উপস্থিত, এসেই বসলেন টেলিফোনটি মাঝখানে রেখে। তারপর সবাই আপন আপন আপিস-আদালত কারখানা-ভাড়াখানাতে খবর পাঠালেন, ‘কী তরকার জল দাঁড়িয়েছে রাস্তায়! বাড়ি থেকে বেরনো সম্পূর্ণ অসম্ভব। নৌকো ভাড়ার চেষ্টা করছি। আপিসে আজ না আসতে পারলে কয়েকটা ভিজটার ফিরে যাবে। সর্বনাশ হবে। কি করি বলুন তো?’

মশাদার এরকম সকরণ বেদনার গন্ধঢালা আপিস-প্রীতি এর পূর্বে আমি কখনো দেখি নি। রকে আসতে তাকে বুক ভেজাতে হয়েছে, এখন তার চোখ ভেজা অথচ তার বাড়ি থেকে যদিকে আপিস সেদিকে যেতে হাঁটু পর্যন্ত ভেজাতে হয় না।

আমাদের রকটি সংমিশ্রিত; অর্থাৎ ছু-চারটি চিংড়ি সদস্ত্রও আছে। আবার ফণি-কাকার বয়স বাট পেরিয়েছে, গুড়গুড়ির বয়স পাঁচ পেরোয় নি। এরা মাঝে-মাঝে থাকলে আমাদের একটু সামলে-স্বমলে কথা কইতে হয়।

মশাদার প্যাঁচটা দেখে টেটেন মারলে ডবল প্যাঁচ। অজন সেনকে বললে, ‘অজননা, আমার আপিসকে বপু করে একটা ফোন করে দিন তো, আমি আপিসে বেরিয়ে গিয়েছি, পৌঁচেছি কিনা!’

অজননা আরো তৈরী মাল। নম্বর পেয়ে খবরটা দিয়ে কি একটা শুনে  
সৈ (২য়)—২৬

আঁতকে উঠে বললে, 'কী বললেন? পৌছয় নি? বলেন কি মশাই? বড় দুশ্চিন্তায় ফেললেন তো!'

নিশ্চিত হওয়া গেল।

অজনদার নিজের কোনো ভাবনা নেই। তার আপিসে মাত্র একটি কল। সেটা সে প্রায়ই আপিস ছাড়ার পূর্বে বে-কল করে আসে।

এবারে আমরা শাস্ত্রমনে সমাহিত চিন্তে কর্তব্য-কর্মে মন দিলাম।

অজন বুরিয়ে বলে, 'আলম অর্থাৎ দুনিয়া জয় করে পেলেন বাদশা আওরঙ্গজেব ঐ আলমগীর নাম। সেই ওজনে আপনি গুলমগীর।'

আমি বললুম, 'হাসালি রে হাসালি! এ আর নূতন কি শোনালি? প্রথম আমি পরীক্ষানে ছিলাম গুল-ই-বকাওলী, তারপর লন্ডনে নেমে হলুম ডিউক অব গুলস্টার, তারপর ফ্রান্সে হলুম ছা গুল, তারপর পাকিস্তানে হলুম গুল মুহম্মদ, এখানে এসে হলুম গুলজারিলাল নন্দ। তা ভালোভালো। গুলমগীর। বেশ বেশ।'

বড়দা উপর থেকে রকে নামেন কচিং-কস্মিন। বললেন, 'ল্যাটে—ল্যাটে বুঝলেন।' বড়দার মুখ হামেহাল পানের পিকে ভিত্তি। তারই মহামূল্যবান এক ফোঁটা পাছে বরবাদ হয়, সেই ভয়ে তিনি আকাশের দিকে মুখ তুলে, স্বর্গের দিকে ঠোঁট দুটি সমান্তরাল করে সেই দুটিকে মুখের ভিতরের দিকে বেকিয়ে দিয়ে 'ত', 'দ'-কে 'ট', 'ড' করে কথা বলেন—অল্পই।

তঁার এসব কলকায়দা করা সত্ত্বেও আমরা তখন পাখা, খবরের কাগজ হাতের কাছে যা পাই তাই দিয়ে মুখ ঢাকি। আমি স্বয়ং ছাতা ব্যবহার করি।

অজনদা বললে, 'এবারে আপনি আপনার উপাধি-প্রাপ্তির সম্মানার্থে একটি সরেস গুল ছাড়ুন তো, চাচা।'

মশা বললে, 'কিংবা গাঁজা।'

আমি বললুম, 'যদি ছাড়ি গাঁজার গুল?'

ঘেটু বললে, 'চাচাকে নিয়ে তোরা পারবি নে রে, ছেড়ে দে।' ঘেটুর পাড়ান্ড নাম ষটু। আমি নাম দিয়েছি ঘেটু। যবে থেকে আমার চর্মরোগ হয়েছে। ঘেটু চর্মরোগের জাগ্রতা দেবী। বিশ্বাস না হলে চলন্তিকা খুলে দেখুন।

আমি বললুম, 'তবে শোন। কিন্তু তার পূর্বে টেটেনকে সাবধান করে দিচ্ছি, সে যেন আমার গাঁজার গুল নিয়ে কোনো সোসিয়ো-পোলিটিকো-ইকনমিক-স্টাটিসটিকস সঙ্কয় না করে। সে আজকাল ঐ নিয়ে মেতেছে।'

টেটেন নানাটি কেস পড়ছিল। বললে, ‘আপনি কিস্ হুটি জানেন না, চাচা। আপনার জানা নেই, এ সংসারে মিথ্যাবাদী আছে এবং তার চেয়ে বড় মিথ্যাবাদীও আছে এবং সর্বশেষে স্টাটিস্ টিলিয়ানদের কথা ভুলবেন না। ওদের মাল নিয়েই তো সরকার গুল মারে। নিত্যা নিত্যা কাগজে দেখতে পান না? আমি আপনার দ্বারে যাব কেন?’

‘তবে শোন। নিশ্চিন্ত হয়ে বলি।

পার্টিশেনের বছর খানেক পরের কথা। আমার মেজনা ওতর বাংলার কোথায় যেন কি একটা ডাঙর নোকরি করেন। তাঁর সঙ্গে দেখা। আমরা এখন দুই ভিন্ন ভিন্ন স্বাধীন দেশের অধিবাসী। কিন্তু আমাদের ভিতর কোনো ঝগড়া-কাজিয়া নেই। এই অ্যাদিন বাদে নেহরুজী আর আইয়ুব খান সায়েব সেটা বুঝতে পেরে আমাদের শুভ-বুদ্ধি এক্কেয়ার করেছেন। তা সে যাক গে।

হিন্দুস্থানের বিস্তর দরদ-ভরা তব্বতা বাশ কবে মেজনা শুবলে, “তোদের দেশে গাঁজার কি পরিস্থিতি?”

আমি একগাল হেসে বললুম, “স্বরাজ পেয়ে বাড়তির দিকে।”

মেজনা আশ্চর্য হয়ে শুবলে, “সে কি রে। কোথায় পাচ্ছিস? আমি তো চালান দিতে পারছি নে।”

আমিও অবাক। শেষটায় বোঝা গেল, দাদা ছিলিম মেবের শিবনেত্র হওয়ার সত্যিকার গাঁজার কথা বলছে। আমি কি করে জানবো? আমি পাশও বাটি,  
—দাদা ধর্মভীরু, সদাচারী লোক।

বললে, “শোন।”

পার্টিশেনের ফলে মেলা অচিন্তিত প্রদ্ব, নানা ঝামেলা মাথা চাড়া দিয়ে খাড়া হয়ে উঠলো এবং তারই সর্বপ্রধান হয়ে উঠে দাঁড়ালো গঞ্জিকা-সমস্তা।

গাঁজার এত গুণ আমি জানতুম না। শুনতে পেলুম, স্বয়ং জাহাঙ্গীর বাদশা নাকি গাঁজা খেয়ে উভয়ার্থে অটচত্ত্ব হয়েছিলেন। সেটা নাকি তুজ্-ই-জাহাঁ-গীরীতে আছে। গাঁজা ছাড়েন শেষটায় তিনি মনের দুঃখে। এর দাম অতি শস্তা বলে সেটা পোষায় না রাজা-বাদশাদের রাজসিক জাত্যাভিমানে। সে কথা যাক।

আমার এলাকায় পৃথিবীর বৃহত্তম গাঁজার চাষ এবং গুদোম। ভারতে গাঁজার চাষ প্রায় নেই। আমি এসব তব্ব জানতুম না—সমস্ত জীবন কাটিয়েছি আসামে, বরঞ্চ চায়ের খবর কিছুটা রাখি। এসব গুহ রহস্তের খবর দিবে গাঁজা ফর্মের ম্যানেজার আমাকে একদিন দুঃসংবাদ দিলে, সে বছরের গাঁজা গুদোমে

পাচে বরবাদ হব-হব করছে। ইতিয়াতে চালান দেবার উপায় নেই—অথচ সেখানেই তার প্রধান চাহিদা।”

আমি শুধলুম, “কেন? তুমি নিজে খাও না বলে অন্য লোকেও খাবে না? এ তো বড় জুলুম!”

দাদা বললে, “কী জালা! আমি শ্রীঘরবাস পছন্দ করি নে; তাই বলে আমি জেল তুলে দিয়েছি নাকি? সাথে কি বলি তুই একটি চাইল্ড প্রভিজি—ওয়াগার চাইল্ড—চল্লিশ বছরে তোর যা জ্ঞানগম্যি হল, আল্লার কুদরতে পাঁচ বছর বয়েসেই সেটা তুই অর্জন করে নিয়েছিলি।”

আমি চটে গিয়ে বললুম, “আর তুমি বিয়াল্লিশে!” দাদা আমার চেয়ে দু’ বছরের বড়।

দাদা বললে, “তোমার রসবোধ নেই। ঠাণ্ডা হ।”

রকফেলারদের দিকে তাকিয়ে বললুম, ‘এসব মাইনর বর্ডার ইন্সিডেন্ট আমাদের ভিতরে কালেকশ্বিনে হয়, কিন্তু মিটমাট হয়ে যায় “আকাশ-বাণী”, “ঢাকা-ডিংডমে” পৌঁছবার পূর্বেই।’

অজনদা শুধালে, ‘ঢাকা-ডিংডমটা কি চাচা?’

‘ডিংডম্ মানে জগবন্স, বিরাট ঢাক, যার থেকে ইংরিজি “টম্‌টম্”, “টম্‌টমিং” শব্দ এসেছে। অর্থাৎ ঢাকার বেতার কেন্দ্র। তারপর শোন :

দাদা বললে, “ভয়ঙ্কর পরিস্থিতি। ভারতের ২৪টি হাজার সন্ন্যাসী নাকি রাষ্ট্রপতির কাছে সই, হাতের টিপ দিয়ে আবেদন জানিয়েছেন, গাঁজাব অভাবে তাঁদের নানাবিধ কষ্ট হচ্ছে, আত্মচিন্তায় ব্যাধাত হচ্ছে—”

আমি গোশ্বা করে বললুম, “দেখো দাদা, পিতা গত হওয়ার পর অগ্রজ পিতৃতুল্য। কিন্তু তুমি যদি আমাদের সন্ন্যাসীদের নিয়ে মঞ্চরা করে—”

বাধা দিয়ে দাদা বেদনাতুর কণ্ঠে বললে, “দেখ ভাই, তুই কখনো দেখেছিস যে আমি কাউকে নিয়ে—”

এবারে আমি বাধা দিয়ে বললুম, “থাক থাক। তুমি বলো।” দাদার ঐ গলাটা আমি বড়ই ডরাই। ওটা দাদা ব্যবহার করে পঞ্চাশ বছরে একবার। দাদার বয়স তখন বিয়াল্লিশ।

দাদা তো আমাকে মাক করবার জন্ত তৈরী। চশমার পরকলা দুটো পুঁছে নিয়ে বললে, “পূর্বেই বলেছি, পার্টিশেনের কলে বিস্তর অভাবিতপূর্ব সমস্তা দেখা দিল—এটা তারই একটা। পার্টিশেনের পূর্বে সান্তাহারের গাঁজা যেত হরিধারে অক্রেপে, বাঙালোরের বিয়ার আসত ঢাকায় লাফিয়ে লাফিয়ে। এখন মধ্যাধানে

এসে দাঁড়ালো এক দুশমন। জিনীভাতে কবে কে আইন করেছিল বিশ্বজনের কল্যাণার্থে—কল্যাণ না কচু—তার সারমর্ম এই : আপন দেশে তুমি সার্বভৌম রাজা, যা খুশী কবতে পারো, যত খুশী ততো আকিঙ কলিয়ে বিক্রি করতে পারো, গাঁজা চালাতে পারো—কিন্তু ভুলো না, আপন দেশের চৌহদ্দীর ভিতর। একস্পোর্ট করতে গেলেই চিস্তির। তখন জিনীভার অল্পমতি চাই। যেমন মনে কর, ফিনল্যাণ্ড জিনীভার মারকতে তোদের কাছে চাইলে ছু' মণ আকিঙ—ওষুধ বানাবার জঞ্জ। জিনীভা সন্দেহের গোয়েন্দা লাগাবে জানবার জন্তে, সত্যি ওষুধ বানাবার জঞ্জ ফিনল্যাণ্ডের অতখানি প্রয়োজন কি না, কিংবা ওরি খানিকটে আক্রা দরে বাজারে বিক্রি করে, দেশের শোককে আকিঙখোর বানিয়ে ছু' পয়সা কামিয়ে নিতে চায়। কারণ কোনো কোনো দেশ নাকি বিদেশের ওষুধ বানানেওলাদের সঙ্গে ষড় করে ওষুধের অছিলায় বেশী বেশী হাশীশ, ককেইন রপ্তানি করে সে-সব দেশের বহু লোকের সবনাশ করেছে। আইনগুলো আমি পড়ে দেখি নি, তাই ঠিক ঠিক বলতে পারবো না—নিধাসটি জানিয়েছিল, গাঁজা কার্মের মানোজাব। এখন নাকি জিনীভার পারমিশন চাই, সেটা পেতে কতদিন লাগবে তার ঠিকঠিকানা নেই, কতখানি পাঠানো যাবে তার স্থিরতা নেই।

ইতিমধ্যে উপস্থিত হল আবেক সন্ট।

গেল বছরের গাঁজাতে গুদোম ভর্তি। এদিকে হাল বছরের গাঁজা ক্ষেতে তৈরী। তুলে গুদোমজাত করতে হবে। নতুন গুদোম এক ঝটকায় তৈরী করা যায় না—শেষটায় হয়তো জিনীভা কোনো পারমিটই দেবে না, কিংবা এত অল্প দেবে যে বেবাক ব্যবসাই গুটোতে হবে। নয়া গুদোমের কথাই ওঠে না।

তখন নানা চিন্তা, বহু ভাবনা, ততোাদিক কর্তৃপক্ষকে আলোচনা করে স্থির করা হল, গেল বছরের গাঁজা পোড়াও—”

আড্ডার কেউই গঞ্জিকা-রসিক নয়। তবু সবাই—টেটেনদি ছাড়া—এক কণ্ঠে হায় হায় করে উঠলো। খাই আর না-ই খাই, একটা ভালো মাল বরবাদ হতে দেখলে কার না দুঃখ হয়! রায়টের সময় পাক সার্কাসের মদের দোকানে বোতল ভাঙা হচ্ছে দেখে এক টেম্পারেন্স পাত্রীকে পমস্ত আমি শোক করতে দেখেছি।

স্টাটিস্টিশিয়ান টেটেন বললে, ‘আপনারা এতে এমন কি নতুন শোক পাচ্ছেন? নাকিনরা যে দু'দিন অন্তর অন্তর অটেল গম লিটারিল অ্যাণ্ড মেটফরিক্লি দরিয়ায় ভাসিয়ে দেয় সে বুঝি জানেন না?’ টেটেনই আমাদের মধ্যে ইংরিজিতে এম-এ। ওর উচ্চারণ আমাদের বুঝতে কষ্ট হয়।

সবাই হ্যাঁ হ্যাঁ বলার পর আমি গল্পের খেই ধরে এবং সিগারেট ধরিয়ে বললুম, তারপর দাদা বললে, “গুদোমেতে নৃতন মাল পোরা হবে। মানেজারকে বললুম, আমি অমুক দিন যাবো, সেদিন পুরনো মাল পোড়ানো হবে। কারণটা তাকে আমি আর বললুম না। সেই যে—তুই জানিস না কি? বড়দা তোকে বলেছেন, তিনি যখন জাপানী বোমার সময় ট্রেজারি অফিসার ছিলেন তখন-হুকুম এল, জাপানী বোমা পড়লে, ব্যাপক বিপদের সম্ভাবনা দেখা দিলে ট্রেজারির তাবৎ কারেনসি নোট পুড়িয়ে ফেলবে! ভাইজাগ না কোথাকার এক স্ববুদ্ধিমান একটি মাত্র বোমা পড়ামাত্রই সরকারকে খবর দিলে সে সব নোট পুড়িয়ে কেলেছে। তারপর ছ'বছর বাৎ, তাজুবকী বাৎ, বাজারে সে-সব নোটের দর্শন পাওয়া যেতে লাগল। পোড়ায় নি। সরিয়ে কেলেছিল। আমার তাই ভয়, গাঁজার বেলাও ঐ যদি হয়।

আগেভাগে দিনক্ষণ দেখে, অর্থাৎ টুর প্রোগ্রাম যথা-যথাস্থানে পাঠিয়ে দিয়ে বেরলুম গাঁজা পোড়াতে।”

আমি আঁৎকে উঠে বললুম, “কি বললে?”

দাদা ঈষৎ চিন্তা করে বললে, “হ্যাঁ তা তো বটেই। ‘গাঁজা পোড়ানো’ কথাটার অর্থ ‘গাঁজা খাওয়া’ও হয়। তাই শুনেছি, ছোকরা নাতির হাতে সিগারেট দেখে যখন ঠাকুরদা গম্ভীর কণ্ঠে তাকে বললেন, ‘জানিস, সিগারেট মাছুষের সব চেয়ে বড় শত্রু’—সে তখন শাস্ত কণ্ঠে উত্তর দিয়েছিল, ‘তাই তো ওক পোড়াতে যাচ্ছি’।

মোকামে পৌঁছে দেখি বিরাট ভিড়। বিশখানা গায়েব বাছাই বাছাই লোক জমায়েত হয়েছেন সেখানে গাঁজা পোড়ানো দেখবেন বলে। আমি তো অবাক। বাশ-পাতা পোড়ানো আর গাঁজা-পাতা পোড়ানোতে এমন কি তফাৎ যে দুনিয়ার লোক হৃদমুদ্র হয়ে জমায়েত হবে? তা সে যাক গে।

ছন্দো ছন্দো গাঁজা ওজন করে হিসেব মিলিয়ে ডাঁই ডাঁই করে মার্শের মধ্যখানে রাখা হল। তারপর চোখের জল মুছতে মুছতে মানেজারই মুখাণি করলে। সে-ই তার জনক—একে দিয়ে তার বহু পয়সা কামাবার কথা ছিল।

সেদিন বাতাসটা ছিল একটু এলোমেলো। গাঁজার ধূঁয়ো ক্ষণে এদিকে যায়, ক্ষণে ওদিকে যায়। আর তখন দেখি অবাক কাণ্ড! পাতা পোড়াবার সময় যেদিকে ধূঁয়ো যায় মাছুষ সেদিক থেকে সরে যায়। আজ দেখি উল্টী বাৎ। জোয়ান-বুড়া, মেয়েমন্দে—হ্যাঁ, কয়েকটি মেয়ে-ছেলেও ছিল—ছোট্ট সেদিকে।

আর সে কী দম নেওয়ার বহর! সাই সাই শব্দ করে সবাই নাজুকুণ্ডলী

পরশ্বত ভরে নিচ্ছে সেই নন্দন-কাননের পারিজাত-পাপড়ি পোড়ানোর খুশবাই—  
অস্তুত তাদের কাছে তাই। আমার নাকে একবার একটুখানি ঢোকাতে আমি  
তো কেশে অস্থির। আর ওরা ফেলছে কী পরিতৃপ্তির নিশ্বাস—‘আঃ, আঃ’।  
কেউ ষাড়া হয়ে দাঁড়িয়ে, কোমরে ছুঁহাত রেখে, আকাশের দিকে জোড়া মুখ  
তুলে নাসারঞ্জ ফীত করে নিচ্ছে এক-একখানা দীর্ঘ দম, আর ছাড়ছে দীর্ঘতর  
‘আঃ—!’ শব্দ। কেউ বা মাটিতে বসে ক্যাবলাক্যাম্বুর মতো মুখ হাঁ করে আশ্র  
মার্গ দিয়ে যৌগিকধূম গ্রহণ প্রশস্ততর মনে করছে।

হঠাৎ তাওয়া ওলটালো। তখন পড়িমাড় হয়ে সবাই ছুটলো সৈদিক।  
আমি, ম্যানেজার, পেরেশতাদার ততোধিক পড়িমাড় হয়ে ছুটলুম অগ্নিক। ছুঁ  
একটি চাপরাসী দেখি মনস্থির করতে পারছি না। তাদের আমি দোষ দিই নে।

ভেবে দেখ, পৃথিবীতে এ ঘটনা ইতিপূর্বে আর কখনো হয়েছে? গাঙ্গা তো  
আর কোথাও ফলানো হয় না। তারই মণ মণ পুড়িয়ে একচ্ছত্র গঞ্জিকায়জ  
চতুর্দিকে গরীব দুঃখী বিস্তর। এক ছিলিমের দম বাজাবে কিনতে গেলে এদের  
দম বেরিয়ে যায়। আর এখানে লক্ষ লক্ষ তাওয়া পোড়ানো হচ্ছে আকাশ বাতাস  
ট্টটটধ্বব করে। হয়ত ধরণীর সুদীর্ঘ ইতিহাসে এই শেষ যজ্ঞ।

আমি তো সায়ন্সের ছাত্র ছিলাম। তাদের কোনো এক ঔপন্যাসিক নাকি  
সদর রাস্তায় মদের পিপে ক্ষেটে যাওয়ার বর্ণনা দিয়েছে! আমি তার টেলার  
বাইস্কোপে দেখেছি। কিছু না। ধুলোখেলা। সেখানে সবাই কবছে মালের  
জন্ত হুটোপুটি একই দিকে। এখানে বিরাট জিবগা-জলদাব জনসমাজ দিকনির্দেশ  
যন্ত্রে অষ্টকোণ চষে ফেলছে—দুঁয়ো যখন যৌদিকে যায় সৈদিকে। এবং সঙ্গে সঙ্গে  
উল্টাটিকে ছুটছি আমরা কয়েকজন। রবীন্দ্রনাথ নাকি ‘দাগ্রত ভগবানকে’  
ডেকেছিলেন তাঁকে ‘জনসমাজ-মাঝে’ ডেকে নেবার জ্ঞে। আমি পবিত্রাই  
চিংকার ছাড়ছি, অবশ্ব মনে মনে—আল্লাতাল্লা যেন এত আমামুসাস, এই ‘জন-  
সমাজ’ থেকে আমাকে তফাৎ রাখেন।”

আমি ততক্ষণে হাসতে হাসতে প্রায় কঁদে ফেলেছি। দাদা আমার গন্তীর  
রাশভাবী প্রকৃতির লোক, চোখে-মুখে কোনো রকম ভাব প্রকাশ করে না, অবশ্ব  
দরদী লোক বলে মাঝে মাঝে ঠোঁটের কোণে মৃদু হাস্য দেখা যায়—যা ঠ হোক,  
যা-ই থাক, আমার মতো ফাজিল-পঞ্চানন নয়। কোটপাতলুন তুর্কী টুপি পরা  
সেই লোক খনে এদিক খনে ওদিক ধাওয়া কবছে, টুপিব ফুমা বা ট্যাসেল  
চৈতনের মতো খাড়া হয়ে এদিক ওদিক কল্পমান—এ দৃশ্বে কল্পনা মায়ই বাস্তবের  
বাড়া।

দাদা বললে, “তুই তো হাসছিস। আমার তখন যা অবস্থা। শেষটায় দেখি, মাথাটা তাজ্জিম্ তাজ্জিম্ করতে আরম্ভ করেছে। এত ছোটোপুটি সঙ্গেও ঘিলুতে খানিকটে ধুঁয়ো ঢুকে গিয়েছে নিশ্চয়ই। তারপর মনে হল বেশ কেমন যেন ফুঁতি ফুঁতি লাগছে, কি রকম যেন চিত্তাকাশে উড়ুক উড়ুক ভাব। তারপর দেখি, ম্যানেজারটা আমার দিকে কি রকম বেয়াদবের মতো ঝিক্ ঝিক্ করে হাসছে। ওর তা হলে হয়েছে। কিংবা আমার। অথবা উভয়ের।

আর এস্থলে থাকা নয়।

টলটলায়মান, পড়পড়ায়মান হয়ে জীপে উঠলুম। সেও এক বিপদ। দেখি দুখানা জীপ। দুটোই ধুঁয়োটে কিন্তু ছবছ একই রকম। কোনটায় উঠি? শেষটায় দেখি আমার পাশে আমারই মতো কে একজন দাঁড়িয়ে। ছবছ আমারই মতো, তার টুপির ফুঁটাটি পছন্দ। চুজনাতে দুই জীপে উঠলুম।”

আমি বললুম, ‘দুটা জীপ না কচু!’

দাদা বললে, “বুঝছি, বুঝছি, তোকে আব বুঝিয়ে বলতে হবে না। শাস্ত হয়ে শোন। তারপর গাড়ি যায় কখনো ডাইনে ঢাকা, আর কখনো বায়ে মতিহারী। তবে কি ডাইভারটা—? সে তো সর্বক্ষণ আমাবই পিছনে ছিল। তাবপর দেখি সেই অল্প জীপটাও ঢাকা মতিহারী করছে একদম পাশে পাশে থেকে। ওমা! তারপর দেখি চারটে জীপ। সেও না হয় বুঝলুম। কিন্তু তারপর, মোশয়, সে কী কাণ্ড! চাবখানাই উড়তে আরম্ভ করল।”

আমি শুভালুম, “উড়তে!”

“হ্যাঁ, উড়তে। জীপটাই তো ছিল ঠায় দাঁড়িয়ে। ধুঁয়ো খেয়েছিল আমাদের চেয়েও বেশী।

হাওয়ায় উড়তে উড়তে দুমিয়ে পড়লুম। এবং শেষ পর্যন্ত বাঙলোয় পৌঁছলুম।

ভাগিস বেশী ধুঁয়ো মগজে যায় নি। আপন পায়েই ঘরে ঢুকলুম।

সামনেই দেখি ভোর ভাবী। আমার দিকে একদণ্ডে তাকালেন। বাপ্‌স্‌। তারপর অতি শাস্ত কণ্ঠ—কিছ কী কাঠিগু কী দাটা সে কণ্ঠে—শুধালেন, ‘আপনি কোথায় গিয়েছিলেন?’ আমি কিছু বলি নি।”

দাদা থামলেন।

আমি আড্ডাকে বললুম, ‘আমার ভাবী সাহেবা অভিশয় পুণ্যশীলা রমণী, পাঁচ বেকং নামাজ পড়েন, রোজা রাখেন, তসবী টপকান। শয়খুল-উলেমার মেয়ে।’

রক শুধালে, ‘ওটার মানে কি চাচা?’



আমি বললুম, 'পণ্ডিত-ভাঙ্কর। তোদের মহামহোপাধ্যায়ের অপজিট নাশ্বার।'

রক শুধালে, 'তারপর?'

আমি বললুম, 'তদনন্তর কি হল জানি নে। বৌদি দাদার হাল থেকে কতখানি আমেজ করতে পেরেছিলেন তাও বলতে পারি নে, কারণ ঠিক সেই সময়ে ভাবী সায়েবা তাঁর স্পিশিলাটি চারপবতি পরোটা ও দেখতে বজ্রের মতো কঠোর খেতে কুহুমের মতো মোলায়েম শব ডেগ নিয়ে ঢকলেন। আমরা খেতে পেলুম বটে কিন্তু কাহিনীটি অনাহারে মারা গেল।'

মশালা বললে, 'বিলকুল গুলু।'

আমি পরম পরিতৃপ্তি সহকারে বললুম, 'সাকল্যে। তাই না বলেছিলুম, গাঁজার গুলু। অর্থাৎ গুলুব রাজা গুলুমগীবা। তোরা আমাকে আজ ঐ টাইটলটি দির্প না?'

### হরিনাথ দে'র স্মরণে

বহু ভান্না শিখতে পারলে বহু সাহিত্যের সঙ্গে পরিচয় হয়। তার মারফতে অনেক সভ্যতা, বিস্তর সংস্কৃতির সঙ্গে যোগসূত্র স্থাপিত হয়—এ সব কথা ছেলেবেলা থেকেই শুনে আসছি।

উপস্থিত দেখতে পাচ্ছি, বাঙালী ছেলেকে বাধা হয়ে অন্তত তিনটে ভাষা শিখতে হয়—বাঙলা, ইংরিজী এবং সংস্কৃত ( কিংবা আরবী অথবা ফার্সী )। হয়ত তাকে হিন্দীও শিখতে হচ্ছে, কিংবা অদূরভবিষ্যতে শিখতে হবে। এ অবস্থায় আমি যদি প্রস্তাব করি, আরো গুটি দুই শিখলে হয় না? তাহলে ছেলেদের হাতে আমার প্রাণ বিপন্ন হবার সন্সহ সম্ভাবনা—বাঙলা দেশে না থাকলেও এ খবরটি আমি বিলক্ষণ রাপি। বিশেষতঃ এই পূজোর বাজারে,—মাছুষ যখন বলির পাঠার সন্ধানে থাকে।

তাই হটগোল স্মরণ হওয়ার পূর্বেই আমি নিবেদন করছি, এ প্রস্তাবটি শুধু তাদেরই জ্ঞ, যারা বুকে গিয়েছে যে সংস্কৃতে তারা দিগাসাগর হতে পারবে না, ওটাকে নিতান্ত পবীক্ষা পাসের জ্ঞ যেটুকু সম্মান দিতে হয় তাই দেবে, বাঙলা তো মাতৃভাষা, এবং ইংরিজীর চর্চা ততটুকুই করবে যতটুকু পাশের পর চাকরির জ্ঞ নিতান্তই প্রয়োজন। এই সংজ্ঞা থেকেই স্চতুর পাঠক বুকে যাবেন যে,

আমি মোটামুটি হার্ড ইয়ার ফোর্থ ইয়ার ছেলেদের কথাই ভাবছি। অর্থাৎ এরা ক্লাসে (সেভেন-এটে) যে রকম পড়ি-মরি হয়ে তিনটে ভাষার পিছনে ছুটতো এখন আর তা করে না। বিশেষতঃ গোটা পাঁচেক ইয়ালি আর খান-দুই বিশ্ববিদ্যালয়ের পরীক্ষা পাস করে এরা ভাষা না শিখে কি করে তার পরীক্ষা পাস করতে হয় সে 'বিদ্যালয়' বিলক্ষণ রপ্ত হয়ে গিয়েছে।

এতখানি বলার পরও যদি কেউ লেমনেডের বোতল গাঁজে তবে আমার দ্বিতীয় নিবেদন, গোটা দুই ভাষা শিখলে চাকরি জোটার সম্ভাবনা বেড়ে যাবে। হল? এখন তবে আশা করতে পারি, পাঠক বোতলটি আমার মাথায় না ফাটিয়ে সেটার ভিতরকার জিনিস বরফের সঙ্গে মিশিয়ে আমাকে খাওয়ার চেষ্টা করবেন।

দয়া করে সেটিও করবেন না; কারণ আমি যে প্রস্তাব করতে যাচ্ছি সেটা লটারির টিকিট কাটার চেয়ে মাত্র এক চুল ভালো—এই যা। ইংরিজিতে একেই বলে 'চেজিং দি ওয়াইল্ড গীজ্'—কিন্তু চাকরি বাজারে বাঙালী ছেলের সামনে এখন কোনো 'গুজ্'ই নেই তখন আশা করতে পারি সে ঘবের না পেয়ে বনের হাঁস তাড়া করতে আপত্তি করবে না। বুঝিয়ে বলি।

স্বাধীনতা লাভের পূর্বে ভাষা শেখার কোনো অর্থকরী মূল্য এদেশে ছিল না। স্বরাজ লাভের পর অবস্থাটা বদলেছে। আমরা নানা দেশে আমাদের রাজপ্রতিনিধি, রাজদূত, হাই-কমিশনার, কন্সাল-জেনারেল, কন্সাল, ট্রেড কমিশনার এবং তাঁদের দফতরের জন্ম কাউন্সেলর, প্রথম-দ্বিতীয়-তৃতীয় সেক্রেটারি, মিলিটারি আতাশে, ট্রেড আতাশে, প্রেস আতাশে, কেরানী, দোভাষী ইত্যাদি পাঠাচ্ছি এবং দিল্লীর পরদেশী দফতর বা ফরেন অফিসেও ভাষা জাননে-ওলা লোকের প্রয়োজন হয়। তা ছাড়া বেতার-কেন্দ্র ফরাসী, ইরানী, ফার্সী, কাবুলী-ফার্সী, আরবী, পশতু, স্তহেলী, গুর্খালী, বর্মী, ইন্দোনেশী ও চীনা ভাষায়ও প্রোগ্রাম দেন। আমাদের ফোর্সী ইন্সপেক্টরও অনেক ভাষা শেখানো হয়।

এই তিনটির প্রতিষ্ঠানে যে গণ্ডায় গণ্ডায় চাকরি খালি পড়েছে তা নয়, তবু আমার ব্যক্তিগত ধারণা উপযুক্ত ভাষাজ্ঞান থাকলে যোগ্য লোককে এ তিনটি প্রতিষ্ঠান খাতির করবে। আর পূর্বেই নিবেদন করেছি, আমার এ প্রস্তাব তাদেরই জন্ম, যারা চাকরির বাজারে একটুখানি রিস্ক, রতিভর ঝুঁকি নিতে রাজী আছে।

আমি যে খবরটি দিলুম সেটি কিছুমাত্র নূতন নয়। কারণ প্রায়ই বেকার

ছেলেরা এসে আমাকে অহুরোধ জানায় তাদের ফ্রেঞ্চ জর্মন শিখিয়ে দিতে । ( এখানেই লক্ষ্য করে রাখুন 'ফ্রেঞ্চ-জর্মনই' বলে, অল্প কোনো ভাষার নাম তোলে না । ) আমার সময়ের অভাব, দ্বিতীয়তঃ আমি বাঙলাটাই ভালো করে জানি নে—কাজেই করাঙ্গী-জর্মনের কথাই ওঠে না, তাই তাদের কিঞ্চিৎ সদুপদেশ দিয়ে বিদেয় দি ।

এদের প্রশ্ন করে দেখলুম, এরা জানে না ( ক ) কোন্ ভাষার চাহিদা বাজাবে কতখানি, ( খ ) কোন্ ভাষা শব্দ আব কোন্টা নবম, ( গ ) ভাষা শিখতে হয় কি করে এবং আরো অনেক কিছুই জানে না ।

আমি দোষ দিচ্ছি নে । জানবার সুযোগ দিলে তো তাবা জানবে । আব যদি জানতই তবে আজ আমি এ বিষয়ে লিখতে যাবো কেন ?

আমাকে এক উত্তম ব্যবসায়ী বলেছিল, 'জিনিস বেচা সোজা, কেনা শক্ত ।' আমি তো তাঙ্কব । বলে কি ? তখন বুঝিয়ে বললে, 'বাজারে ঠিক যে জিনিসের চাহিদা তাই দিয়ে যদি আমি আমাব দোকান সাজিয়ে বাণি তবে সঙ্কে হ:ত-না-ত:তেই দোকান সাক হয়ে যাবে । তাই বললুম, বেচা সহজ । কিন্তু আড়তদারদের কাছ থেকে যদি বে-আক্কেলেব মতো বে-চাহিদার মাল কিনি তবে সেগুলো দোকানে াচবে, দোকান উঠে যাওয়ার পরও । তাই বললুম, 'কেনা শক্ত ।'

এস্থলেও সেই নীতি প্রযোজ্য । অর্থাৎ প্রথম দেখতে হবে, আপনি কি মাল কিনবেন, অর্থাৎ কোন্ ভাষা শিখবেন ।

সবাই বলে 'ফ্রেঞ্চ জর্মন' । এ যেন কথার কথা হয়ে দাড়িয়েছে । ফ্রেঞ্চ ভূবন-বিখ্যাত ভাষা । এককালে ফ্রেঞ্চ না জেনে কূটনীতি মহলে যাওয়া বিনা পৈতেয় ব্রাহ্মণভোজে যাওয়ার মতো ছিল । এখনো পৃথিবীর যে কোনো দেশের পাসপোর্টে দেখতে পাবেন দুটি ভাষাতে সব কিছু ছাপা, প্রথমটি তার আপন ভাষা এবং দ্বিতীয়টি ফরাসী । কিন্তু এসব হচ্ছে উনবিংশ শতকের কথা । আপনি যদি সেই শতকের চাহিদা মেটাতে চান, তবে মেটান । আপনি যদি একশ' বছরের পুরনো বিজ্ঞাপন-মাফিক চাকবির জন্ম দরখাস্ত করতে চান তো করুন ।

তাই প্রথম দেখতে হবে :—এখন, এই মুহূর্তে চাহিদা কি এবং চাহিদার গতিটা কোন্ দিকে, অর্থাৎ আপনি ভাষাটাধা শি:খ দু'তিন বছরে যখন বাজারে নামবেন তখন চাহিদাটা কি হবে ?

ভাষার প্রাধান্ত তার লোকসংখ্যা থেকে বিচার করা ভুল । দৃষ্টান্তস্বরূপ চীনা

ভাষা নিন। ইংরিজী, রাশান, চীনা এ তিন ভাষায় কথা বলে পৃথিবীর সব চেয়ে বেশী লোক এ কথা সত্য, কিন্তু চীনা ভাষায় লোকসংখ্যা যত বেশীই হোক না কেন তারা সবাই মাত্র একটি রাষ্ট্রের অধিবাসী। কাজেই ঐ রাষ্ট্রে আমাদের থাকবে মাত্র একটি এম্বেসি। পক্ষান্তরে জর্মন ভাষার অবস্থা বিবেচনা করুন। জর্মন বলা হয় জর্মন রাষ্ট্রে ( উপস্থিত সেটিও আবার দুই রাষ্ট্রে বিভক্ত ), অস্ট্রিয়া রাষ্ট্রে এবং সুইটজারল্যান্ডে। এই তিন দেশে আমাদের তিনটি রাজদূতাবাস আছে। তা ছাড়া জর্মন বলা হয়, উত্তর ইটালির টিরোল, ফ্রান্সের আলসেস-লরেন ও বেলজিয়ামের অয়পেন অঞ্চলে। এসব অঞ্চলে যদি কখনো রাজনৈতিক গোলমাল আরম্ভ হয় এবং আপনাকে তার রিপোর্ট লিখতে সেখানে যেতে হয় তবে জর্মন ছাড়া এক প ও এগুতে পারবেন না। এবং সর্বশেষ কথা : জর্মনী, অস্ট্রিয়া, সুইটজারল্যান্ড বেচে তৈরী মাল, ভারত বিক্রি করে কাঁচা মাল। এসব দেশের সঙ্গে আমাদের ব্যবসা দ্রুতগতিতে বাড়তেই থাকবে; বিস্তর কনসুলেট ও ট্রেডকমিশন ক্রমে ক্রমে ওসব জায়গায় আমাদের থলতে হবে।<sup>১</sup> কিন্তু চীন ও ভারত সমগোত্রীয়, দুজনেই বেচে কাঁচা মাল, অতএব 'বৈবাহিক' বৈষয়িক কাজ আমাদের চলে না।

আমরা যে স্বার্থ নিয়ে এ আলোচনা করছি তার দৃষ্টিবিন্দু থেকে দেখতে গেলে রাষ্ট্রীয় শক্তি ও ভাষার গুরুত্ব বিচার অবান্তর। সোভিয়েট বাশা বিরাট রাষ্ট্র কিন্তু ঐ দেশে আছে এবং বহুকাল ধরে থাকবে আমাদের একটি মাত্র রাজদূতাবাস। রাশা আবার মারাত্মক রকমের কেন্দ্রশ্রাব বাস্তু—মঙ্গোর নাম বদলে তাকে 'সেন্টার' নাম দেবাব প্রস্তাব ঐ কারণেই একবার হয়েছিল—তাই তার উপবাস্তু যথা, তুকোমানিস্থান উজবেকিস্থানে যে আমাদের রাজদূত আস্তানা গাড়বেন তার আশ্রয় সস্তাবনা দেখতে পাচ্ছি নে। অবশ্য উত্তম সাহিত্যরস আন্বাদনের জগ্ন রাশানের মতো ভাষা পৃথিবীতে বিরল।

পক্ষান্তরে রাষ্ট্রশক্তি হিসেবে আরবরা আজ পৃথিবীতে উঁচু আসনে বসে না। তার প্রধান কারণ, তারা নানা রাষ্ট্রে বিভক্ত হয়ে পড়েছে। এবং ঠিক ঐ কারণেই আমাদের দৃষ্টিবিন্দু থেকে তাদের প্রাধান্য বেড়ে গেল। উপস্থিত আরব জাতি এই ক'টি রাষ্ট্রে বিভক্ত :—ইরাক, সিরিয়া ( শাম ), লেবানন, হাভ্রামু

<sup>১</sup> এখানে এম্বেসি, হাই কমিশন, লিগেশন ইত্যাদির পার্থক্য সম্বন্ধে সামান্য কিছু বলে দেওয়া ভালো। এই তিনটিই রাজনৈতিক যোগাযোগ এবং কূটনৈতিক কাজকর্ম চালায়। এম্বেসি এবং হাই-কমিশন পদমর্যাদায়

ট্রান্সজর্ডন, সউদী আরব, ইয়েমেন, মিশর, সুদান, টুনিসিয়া, আলজিরিয়া, মরক্কো, লিবিয়া। তা ছাড়া কুয়েৎ বাহরেইন, ওমান ইত্যাদি। এদের সব কটি স্বাধীন নয়, কিন্তু ভগবানের আলীর্বাদে আমরা যেদিন অ্যাংলো-আমেরিকান আড়কাটির হাত থেকে নিষ্কৃতি পেয়ে আড়তদারের কাছ থেকে সোজা পেট্রল কেনবার দুই নম্বরের 'স্ববাজ' পাব সেদিন আরবের আনাচে-কানাচেও আমাদের কনসুলেট বসাতে হবে। উপস্থিত, আমার যতদূর জানা, মিশর, সউদী আরব, ইরাকে আমাদের রাজদূতাবাস আছে। এদের সংখ্যা বাড়বে বই কমবে না।

কিন্তু রাষ্ট্রশুলাব এসব 'মেল' খুঁটিয়ে খুঁটিয়ে মেলাতে গেলে আমবা পূজোর বাজার পেরিয়ে শ্রামা পূজায় পৌঁছে যাব। তাই সংক্ষেপে বলি, আমার মনে হয়, আমাদের স্বার্থের জন্য উপস্থিত স্প্যানিশ-ই সব চেয়ে প্রয়োজনীয়। আপনি বলবেন, ঐটুকু দেশ স্পেন—তার ঐ 'ভাড়া নৌকায়' আমাদের কতখানি 'সোনার ধান' ধরবে।

আমি স্পেনের কথা আদর্শেই ভাবছি না। আমি ভাবছি দক্ষিণ আমেরিকার কথা। সেখানে উজনখানেক সম্পূর্ণ স্বাধীন রাষ্ট্র। তাদের ভাষা স্প্যানিশ—হিস্পানী। এদের গুটিকয়েকে আমাদের রাজদূতরা বেশ কিছুকাল হল ডেরা গেড়ে বসেছেন। আমার বিশ্বাস সব কটাত্ত না হোক, বাকী অনেকগুলো তই ক্রম ক্রমে আমাদের রাজদূতাবাস বসবে। অতএব আমার সলা যদি নেন তবে স্প্যানিশ শিখুন।

ব্যবসা-বাণিজ্য সম্বন্ধে অধমের জ্ঞান অতিশয় অপ্রচুর। 'তবু বলবো, ব্যবসা-বাণিজ্য ক্রমে ক্রমে এদেরই সঙ্গে আমাদের বাড়বে। সংক্ষেপে তার কারণটা বলি,—আমেরিকা, ঈয়োরোপ এবং বাশ। তাদের ব্যবসা-বাণিজ্য, বলতে গেলে

একই—ব্রিটিশ ক্রাউনের আওতায় থাকলে এম্বেসির নাম হাই-কমিশন—লিগেশন পদমর্যাদায় ছোট। কনসুলেটের কাজ ব্যবসা-বাণিজ্য সংক্রান্ত। ব্যবসা-বাণিজ্যের প্রয়োজন মতো একাধিক কনসুলেট থাকতে পারে—কিন্তু একাধিক এম্বেসি হয় না,—এবং সে স্থলে কনসুলেট-জেনারেলও থাকে। ট্রেড কমিশন কনসুলেটের চেয়ে জাতে ছোট—অনেকটা এক্সপেরিমেন্টাল পোস্ট-অফিসের মতো। ব্যবসা-বাণিজ্য বাড়লে তার পদবুদ্ধি হয়। কোনো কোনো দেশে আমাদের কনসুলেট না থাকলে, সেখানকার এম্বেসি-হাই-কমিশন-লিগেশন ঐ কাজও করে থাকে। এই সব তাবৎ প্রতিষ্ঠান আমাদের করেন অফিসের তাঁবেতে থাকে।

তাদের সম্পূর্ণ অর্থনীতি যুদ্ধ-প্রস্তুতির চতুর্দিকে এমনি কেন্দ্রীভূত করেছে যে তারা কিনতে চায় যুদ্ধের জগ্ন তাদের যে সব মালের দরকার এবং বেচতে চায় যুদ্ধের জগ্ন যার প্রয়োজন নেই। আর যুদ্ধ যদি লেগে যায় তবে আপনার অর্ডারগুলো তারা শিকেয় তুলে রাখবে, আপনার কাঁচা মাল বন্দরে বন্দরে পচবে। দক্ষিণ আমেরিকা এসব আওতার বাইরে। ওদের সঙ্গে আমাদের ব্যবসা-বাণিজ্য বেড়েই যাবে—আমাদের তৃতীয় ‘স্বরাজ’ লাভের পর। দশটা রাজসূতাবাস যদি তিনশটা চাকরি দিতে পারে তবে ব্যবসা-বাণিজ্য দেবে তিন হাজার কিংবা ত্রিশ হাজার। আর চাকরি ছেড়ে দিয়ে যদি ভাষার জ্বোরে ব্যবসা চালান তবে তো আর কথাই নেই।

এস্থলে আরেকটি তথ্য এবং তথ্যপূর্ণ ইঙ্গিত দি। ভাষা শেখার সময় গোড়ার দিকে সমগোত্রের ভাষা শিখে তাড়াতাড়ি ভাষার সংখ্যা বাড়িয়ে নেবেন। উদাহরণস্বলে বলি আপনি বাঙালী, আজ যদি আপনাকে নিছক ভাষার সংখ্যাই দেখাতে হয় তবে আপনার পক্ষে বুদ্ধিমানের কাজ হবে অসমীয়া এবং উড়িয়া নিয়ে। এ দুটি ভাষা বাঙলার এত কাছাকাছি যে আপনাকে বেগ পেতে হবে অতি কম। তারপর শিখবেন, হিন্দী, গুজবটা মারাঠী, গুরুমুখী। ঠিক ঐ রকমই পর্তুগীজ ইটালিয়ান ও ফ্রেঞ্চ ভাষা স্পেনিশ ভাষার সঙ্গে সংশ্লিষ্ট। আপনাব বাঙলা জানা থাকলে অসমীয়া শিখতে কত দিন লাগার কথা? না হয় তারই ডবল বরুন স্পেনিশ শেখা হয়ে গেলে পর্তুগীজ, কিংবা ফরাসিস্ শিখতে। ঠিক সেই বরম জর্মন ফ্রেমিশ এবং ডাচ পড়ে অগ্র গোট্রে। একদা ব্রাসেলস্ শহরে আমি একখানা ফ্লেমিশ খবরের কাগজ কিনে পড়ে দেখি মোটামুটি বক্তব্যটা ধরে ফেলতে পেরেছি—অলস্বল যা জর্মন জানি তাব-ই রুপায়। এতে আশ্চর্য হবার কিছুই নেই। আপনি অসমীয়া শিশুশিক্ষা কখনো পড়েন নি। একখানা অসমীয়া বই নিন। দেখবেন বারো আনা পরিমাণ অনায়াসে বুঝতে পারছেন। কিংবা বেতারে যখন ‘অসমীয়া বাতরি’ শোনে তখন কি তার মোটামুটি অর্থ ধরতে পারেন না?

তাই এই অস্থচ্ছেদের গোড়াতে ভাষার সংখ্যাবৃদ্ধির যে কথা তুলেছিলুম সেটাতে ফিবে যাই। অর্থাৎ গুরুর সাহায্যে যদি বিদ্যায়তনে আপনি স্পেনিশ আরম্ভ করেন তবে মাস দুই যেতে-না-যেতেই বাড়িতে, কারো সাহায্য ছাড়া পর্তুগীজ কিংবা ফরাসী আরম্ভ করে দেবেন। ব্যাকরণখানার দু-দশপাতা ওলটাতে-পালটাতেই দেখবেন একসঙ্গে দুটো ভাষা আয়ত্ত করা কিছুমাত্র কঠিন কর্ম নয়। গোড়ার দিকে কিছুটা গুবলেট হয়ে যাবে সন্দ নেই। কিন্তু কিছুদিন পরে যদি সেটা কাটিয়ে না উঠতে পারেন তবে বুঝবেন ঐদিকে ভগবান আপনার

প্রতি সদয় নন, তখন না হয় লেগে যাবেন মাল্লু মারার ব্যবসাতে—যাকে অজ্ঞান বলে ডাকারি, কিংবা রেলকলিশনের পরিপাটি ব্যবস্থা করাতে—যাকে অজ্ঞান নাম দিয়েছে ইঞ্জিনিয়ারি। কিন্তু নিবেদন, আমার দৃঢ় বিশ্বাস, মাত্রিক বড় কঠিন পরীক্ষা। আপনি যদি সেটা পাস করে থাকতে পারেন তবে গোটাটিনেক ভাষা শিখতে পারবেন না কেন ?

গোত্রবিচারে ফিরে যাই।

১। লাতিন গোত্র—স্পেনিশ, ফরাসিস, পর্তুগীজ, ইটালিয়ান।

২। জর্মন গোত্র—জর্মন, ডাচ, ফ্লেমিশ।

৩। স্বাণ্ডিনেভিয়ান গোত্র—নরউইজিয়েন, সুইডিশ।

৪। তুর্কী গোত্র—তুর্কী (৬সমানলি তুর্কী, অর্থাৎ টাকির ভাষা,—তুর্ক-মানিস্থানের ভাষা, জগতাই তুর্কী। প্রথমটা মুস্তফা কামালের মাতৃভাষা, দ্বিতীয়টা বাবু বাদশার)—হাঙ্গেরিয়ান ও ফিনিশ কিন্তু এক হলেও শাখাতে বর্ণ-বৈষম্য প্রচুর।

৫। রাশান গোত্র—রাশান, পলিশ, ল্যাটাভিয়ান, স্লোভাক ইত্যাদি।

৬। ইরানী গোত্র—ইরানী ফার্সী ও কাবুলী ফার্সী—পার্থক্য সামান্য।

৭। আরবী গোত্র—আরবী, হীজ্র, ইডিডশ (অধুনা প্যাগেস্টাইনে প্রচলিত প্রাচীন হীজ্রের অবাচীন রাষ্ট্রভাষা), আহ্-মেরিক (আবিসিনিয়ান ভাষা)।

৮। চান গোত্র—চানা, জাপানী, কোরিয়ান ইত্যাদি।

৯। এছাড়া টিবেটো-বর্মী গোত্রের বর্মী ইত্যাদি। মালয়, থাই, ইণ্ডোনেশিয়ান ইত্যাদি।

অজানাতে এবং জানাতে ও ছোট এবং বড় কোনো কোনো ভাষা বাদ পড়ে গেল। তাই নিয়ে শোক করবেন না। উপস্থিত এগুলো শিখে নিন। তা হলে অল্পগুলোর খবর আপনার থেকেই জানা হয়ে যাবে।

এর ভিতর সহজ ১ এবং ৬নং গোত্রের ভাষা, তার চেয়ে কঠিন ২ এবং ৩নং গোত্রের ভাষা, তার চেয়ে কঠিন ৫ নম্বরের গোত্র, তার চেয়েও কঠিন ৭নং, পারতপক্ষে ৮ নম্বরের পাড়া মাদ্রাবেন না (অবশ্য জাপানী তেমন শব্দ নয়), ৪ আর ৯ নম্বরের খবর জানি নে, তবে খুব শব্দ হওয়ার কথা নয়।

দুই গোত্রের দুটো ভাষা একসঙ্গে শেখা যে খুব কঠিন তা নয়, তবে তার জ্ঞান সংপ্রতিষ্ঠান ও সংস্কৃত প্রয়োজন। এই দুইটির বড়ই অভাব—এই দুঃসংবাদটি যতক্ষণ পারি চেপে গিয়েছিলুম; আর পারা গেল না। কিন্তু তার সঙ্গে সঙ্গে

এই স্বসমাচারটিও বিতরণ করছি যে ভারতবর্ষের কোথাও এমন স্ববাবস্থা নেই যে তার পাল্লায় পড়ে আপনি হেরে যাবেন। এই যে আমাদের রাজধানী দিল্লী শহর, যেখানকার লোক কেন্দ্রের নোকরি বাবদে হামেহাল তেজ-নজর ওকীবহাল সেখানে যে দু'একটি প্রতিষ্ঠান আছে সেগুলো অতিশয় রদী অথচ টাকা লুটছে এস্তের। ছেলেবেলা থেকে শুনে আসছি, কলকাতায় নাকি গোঁড়াহুত্তিন প্রতিষ্ঠান আছে সেখানে বিদেশী ভাষা শেখানো হয়। খোঁজ করলে দেখবেন, খুড়ো-জ্যেষ্ঠার আমল থেকে বাড়িতে দু'চাবথানা মার্লবর পড়ে আছে, কিন্তু ইংরিজী ছাড়া কোনো বিদেশী ভাষা কেউ শেখেন নি। আমিও ভূ-ভারতে এমন প্রাণীর সংস্পর্শে আসি নি যিনি ঐসব প্রতিষ্ঠানের কল্যাণে কলকাতাতে বসে কোনো বিদেশী ভাষা শিখেছেন। তবে ইদানীং অবস্থা একটু ভালো হয়েছে।

অধমের শেষ সাবধান বাণী : সব কটা আঙা একই খুড়িতে রাখবেন না—কুল্যে শিনি একই দরগায় উজোড় করে দেবেন না। তার সরল অর্থ বি-এ, এম-এ পাস অবহেলা করে হঠাৎ তেরিয়া হয়ে বিদেশী ভাষার পশ্চাদ্ধাবন করবেন না। এসব পড়াশুনো বি-এ, এম-এ পড়ার সঙ্গে সঙ্গে চালাবেন—আড্ডাটা সিকিটাক কমিয়ে দিয়ে ফুটবল দেখাটা একটু মূলতীব রেখে দিয়ে। একদম ছেড়ে দিতে বলবো কেন, তওবা, তওবা, তাহলে আপনার বাঙালীত্বই যে উপে যাবে। ভাষা শিখে পরীক্ষা দিয়ে যদি সেদিকে নোকরি না জোটে তবে বি-এ, এম-এ পাস করে যা করতেন তাই করবেন। তা হলে অন্তত আমার গলায় গামছার ফাঁস লাগিয়ে বলতে পারবেন না, 'তবে রে—, তোর কথায় না—ইত্যাদি।'

### অনুকরণ না হনুকরণ ?

আগে-ভাগেই বলে রাখছি, এ-লেখা সমালোচনা নয়।

সমালোচনা লেখবার মতো শক্তি—দৃষ্টলোকে বলে, শক্তির অভাব—আমার এবং আমার মতো অধিকাংশ লোকের নেই। গল্পছলে নিবেদন করি :—

প্রতি রববারে এক বঁড়শে সকাল থেকে সন্ধ্যা অবধি মাছ ধরে। বড় মাছের শিকারী, তাই ফাতনা ভাবে কালেকশ্বিনে, আকছার রববারই যায় বিন্-শিকারে। তারই একটু দূরে আরেকটা লোক প্রতি রববারে এসে বসে, এবং তামাম দিনটা কাটায় গভীর মনোযোগের সঙ্গে ওর মাছধরা দেখে দেখে। ছু'জনায় আলাপ-পরিচয় নেই। মাস তিনেক পর শিকারী লোকটার 'আলসেমি' দেখে দেখে ক্রান্ত হয়ে যাওয়ার পর একটু বিরক্তির স্বরে শুধালে, 'ওহে, ভূমি-



তাহলে নিজেই মাছ ধরো না কেন ?’

লোকটা আঁৎকে উঠে বললে, ‘বাপস ! অত দৈর্ঘ্য আমার নেই।’

সমালোচনা লেখার দৈর্ঘ্য আমার নেই !

আর কি-ই বা হবে সমালোচনা লিখে ? কটা স্বস্থ লোক সমালোচনা পড়ে ? কটা বুদ্ধিমান মাছ টোপ গেলে ? আলগোছে তফাতে থেকে সমালোচক প্রবন্ধে একটু-আধটু ঠোঁকর দেয় অনেককেই—অর্থাৎ রোকা পয়সা ঢেলে মাসিকটা যখন নিতান্তই কিনেছে তখন পয়সার দাম তোলবার জগ্গ একটু-আধটু খোঁচারুঁচি করে। ফলে, চারের রস যত না পেল বড়শির খোঁচাতে তার চেয়ে বেশী জখম হয়ে “হুত্তোর ছাই” বলে তাস-পাশাতে ফিরে যায়।

সমালোচকরা ভাবেন, পাঠকসাধারণ বোকার পাল। ওরা তাঁদের মুখে ঝাল চেখে বই কেনে। তা হলে আর দেখতে হত না। মারোয়াড়ীরা সস্তার রাবিশ পাণ্ডুলিপি কিনে পয়সা দিয়ে উৎকৃষ্ট সমালোচনা লিখিয়ে রাবিশগুলো খুচকারী ( অর্থাৎ খুচরোর লাভে, পাইকারীর পরিমাণে ) দরে বিক্রি করে ভুঁড়ি বাড়িয়ে নিতো—ফাও হিসেবে দেশে নামও হয়ে যেত, ‘সংসাহিত্য’ তথা ‘সমালোচকদের’ পৃষ্ঠপোষকরূপে।

আমার কথা যদি চট করে বিশ্বাস না করতে পারেন তবে চিন্তা করে দেখুন, আশুবাঁকা নিবেদন করছি, ‘পয়সা দিয়ে সমালোচনা লেখানো যায়, পয়সা দিয়ে কবিতা লেখানো যায় না।’ না হলে আমেরিকায় ভালো কবির অভাব হত না। সমালোচকের অভাব সেখানে নেই এবং বর্ণে গন্ধে তাঁরা অস্বদেশীয় সমালোচকদেরই মতো।

পলিটিশিয়ানরাও ভাবেন প্রোপাগান্ডিস্ট ( অর্থাৎ সমালোচক )-দের দিয়ে নিজ পার্টির প্রশংসা কীর্তন কবিয়ে নিয়ে বাজিমাৎ করবেন। কিন্তু ভোটার—ভোটার যা পাঠকও তা—আহাম্মুখ নয়, যদিও সুরল বলে সত্য বুলতে তার একটু সময় লাগে। না হলে আওয়ামৌরা মুসলিম লীগকে কব্বিনকালেও হটাতে পারতো না।

আমিও মাঝে-মাঝে সমালোচনা পড়ি, কারণ আমিও আর পাঁচজন পাঠকের মতো পয়সা ঢেলেই কাগজ কিনি। তবে আমার পড়ার ধরন স্প্যানিয়ার্ডদের রুটি খাওয়ার মতো। শুনেছি, স্প্যানিয়ার্ডরা বছরের পয়লা দিন গির্জায় উপাসনা সেরে এসে এক টুকরো রুটি চিবোয়—কারণ প্রভু যীশুগুণ্ড তাঁর প্রার্থনায় বলেছেন, ‘আর আমাদের অত্কার রুটি দাও।’ খানিকটে চিবিয়ে থু থু করে ফেলে দিয়ে বলে, ‘তওবা, তওবা, সেই গেল বছরের রুটিরই মতো যাচ্ছেতাই সোয়াদ।’

তারপর বছরের আর ৩৬৪ দিন সে খায় কোর্মা-কালিয়া কটলেট মমলেট। আমিও সমালোচনার শুকনো রুটি বছরের মধ্যে চিবুই মাত্র একটি দিন এবং প্রতিবারই হৃদয়ঙ্গম হয়, সমালোচনার স্বাদ-গন্ধ সেই গেল বছরের মতো—এক বছরে কিছুমাত্র উন্নতি করতে পারে নি।

কথাটা যে ভাবে বর্ণনা করলুম, তাতে পাঠকের ধারণা হওয়া বিচিত্র নয় যে, এটা আমার ব্যক্তিগত অভিজ্ঞতা। কিন্তু মোটেই তা নয়। অভিজ্ঞতাটা পাঠক-সাধারণ মাত্রেই নিদারুণ নিজস্ব। অবশ্য সমালোচকদের কথা স্তম্ভ। তারা একে অল্পের সমালোচনা খুঁটিয়ে খুঁটিয়ে মনোযোগ সহকারে পড়ে থাকেন। কেন পড়েন? জ্ঞান সঞ্চয়েব জ্ঞান? রাম রাম! শুধুমাত্র দেখবার জন্মে কে তার মত সাময় দিয়েছে, কে দেখে নি এবং সেই অহুযায়ী দল পাকানো, খোট বাড়ানো, শক্তি সঞ্চয় করে রুটিটা আঙুটা—থাক।

অবশ্য সমালোচকদের সমালোচনা করার কুবুদ্ধি যদি আমার কখনো হয়—এতক্ষণ যা করলুম সেটা তারই সেতার বাঁধা মাত্র—তা হলে সেটা আপনাদেরই পাতে নিবেদন করবো। তবে ধর্মবুদ্ধি তখনো আপনাদের সাবধান করে দেবে, ও-লেখাটা না পড়তে।

\*

\*

মূল বক্তব্যে আসি। ইদানীং আমি বাঙলার বিভিন্ন জায়গা থেকে, এবং বাঙলার বাইরে থেকেও কয়েকখানা চিঠি পেয়েছি। এঁরা প্রশ্ন জিজ্ঞাস করছেন, 'কি প্রকারে ভালো লেখক হওয়া যায়?'

প্রথমটায় উল্লসিত হয়েছিলুম। যাক, বাঁচা গেল। বাঙলা দেশ তা হলে স্বীকার করেছে, আমি ভালো লেখক। এবারে তা হলে কলকাতা-দিল্লীতে গিয়ে কিঞ্চিৎ তদ্বির করলেই, দু'চারটে প্রাইজ পেয়ে যাব, লোকসভাব সদস্যগিবি, কলচেরল ডেলিগেশনের মেম্বরী এ-সবও বাদ যাবে না। বিদেশ যাবার সুযোগও হয়ে যাবে—বিলেত দেখার আমার ভারী শখ, অর্থাভাবে এতদিন হয়ে ওঠে নি। ইংরিজীটা জানি নে, এতদিন এই একটা ভয় মনে মনে ছিল। এখন বুলগানিন, চু-এন-লেইয়ের কল্যাণে সেটাও গেছে। এঁরা ইংরিজী না জেনে আমাকে বাঁচিয়ে দিয়েছেন।

কিন্তু হায়, এত সুখ সইবে কেন? আমার গৃহিণী নিরক্ষরা—টিপসই করে লে আদালতে তালাকের দরখাস্ত করেছেন। তালাকটা মঞ্জুর না হওয়া পর্যন্ত আমার সঙ্গেই আছেন। তাঁর কাছে চিঠিগুলো পড়ে নিজের মূল্য বাড়াতে গিয়েছিলুম। তিনি করলেন উন্টো অর্থ। সেটা আরো সরল। ব্যবসাতে যে স্টেউলে

হয়েছে, তারই কাছে আসে লোক সলার সন্ধানে ; কেল-করা ছেলে পাস-করার চেয়ে ভালো প্রাইভেট টাটর হয় ।

এর উত্তর আমি দেব কি ? গৃহিণী যে কটা গল্প জানেন সব কটাই আমার সঙ্গে টায়-টাগ মিলে যায় । মনে হয় আমার পূজ্যপাদ শ্বশুর-শশুড়ী ছেলেবেলা থেকে তাঁকে এই তালিমটুকুই শুধু দিয়েছেন, স্বামীর গোদা পায়ের গোদটি কি প্রকারে বায়ে বায়ে দেখিয়ে দিতে হয় । অবশ্য তার জন্ম যে বিশেষ তালিমের প্রয়োজন হয় সেটা অস্বীকার করলেও চলে । ওটা তাদের বিধিগত জমলক অশিক্ষিত পটুত্ব । যে-সব সমালোচকদের কথা পূর্বে নিবেদন করেছি, তাদের বেলাও এই নীতি প্রযোজ্য ।

ব্রাহ্মণী ব আশ্রবাকা আমি মেনে নিয়েছি । তিনি ভালাকের দরখাস্তটি উইখড় করেছেন—শুনে দুঃখিত হবেন ।

\*

\*

শঙ্কবাচাৰ্য দর্শনরণাঙ্কনে অবতীর্ণ হয়ে বলেছিলেন, 'সাংখ্যমন্ত্রকে আহ্বান করো । সেই মন্ত্রদের অধিপতি । তাঁকে পরাজিত করলে অন্ত্যাত্ম সঙ্করী-প্রোপ্তীর সঙ্গে যুদ্ধ কবে অথবা কালক্ষয় কবতে হবে না ।' আমি শঙ্কর নই । তাই সব চেয়ে সরল প্রশ্নটির উত্তর দেবার চেষ্টা করব ।

, প্রশ্নটি এই : 'মপাসার ছোট গল্প অপার আনন্দ দেয়, কিন্তু তাঁর অস্বকরণ-কারীদের গল্প এত বিষাদ কেন ? এপিচ, মপাসা ছোট গল্প লেখার যে কাঠামো তৈরি করে দিয়ে গিয়েছেন 'তার অস্বকরণ না করে গল্প লিখিই বা কি প্রকারে ?'

যাঁরা সঙ্গীত আয়ত্ত করবার চেষ্টা করেছেন তাঁরাই জানেন, ওস্তাদ যে-ভাবে গান গান তারই হুবহু অস্বকরণ করতে হয় ঝাড়া দশটি বছর ধরে । ভারতনৃত্য শিখতে গেলে মীনাফীহন্দরম্ পিল্লের নৃত্য অস্বকরণ করতে হত ততোদিক কাল । শ্রাকরার শাগরেদকে কত বছর ধবে একটানা গুফর অস্বকরণ করে যেতে হয়, তার ঠিক ঠিক ধবর আমার জানা নেই । ভারতবর্ষে এই ছিল রেওয়াজ ।

সাহেবরা এ দেশে এসে বললে, 'এত বেশী অস্বকরণ করলে নিজস্ব সৃজন-শক্তি ( অরিজিনালিটি ) চাপা পড়ে যায় । ফলে কোনো কলার আর উন্নতি হয় না ।' কথাটা হেসে উড়িয়ে দেওয়া যায় না । এর মধ্যে অনেকখানি সত্য লুকনো আছে ।

কিন্তু তার বাড়াবাড়িতে কি হয়, সেটাও তো নিত্য নিত্য স্পষ্ট দেখতে পাচ্ছি । গুণীজনের উচ্চাঙ্গ সৃষ্টি অধ্যয়ন না করেই, আরম্ভ হয়ে যায় 'এপিক' লেখা, দু'কদম চলতে না শিখেই ডান্স 'কম্পোজ' করা, আরো কত কী, এবং

সর্বকর্মে নামঞ্জুর হলে সমালোচক হওয়ার পন্থা তো সব সময়ই খোলা আছে। সেই যে পুরনো গল্প—শহর-পাগলা ভাবতো, সে বিধবা মহারানী ভিক্টোরিয়ার স্বামী। পাগলা সেরে গেছে এই রিপোর্ট পাওয়ার পর পাগলা-গারদের বড় ডাক্তার তাকে ডেকে পাঠিয়ে পরীক্ষা করতে গিয়ে শুধালেন, 'তা তুমি খালাস হওয়ার পর করবে কি?' সুস্থ লোকের মতো বললে, 'মামার বড় ব্যবসা আছে, সেখানে ঢুকে যাবো।' 'সেটা যদি না হয়?' চিন্তা করে বললে, 'তা হলে আমার বি-এ ডিগ্রী তো রয়েছেই—টাইশনি নেব।' তারপরে এক গাল হেসে বললে, 'অত ভাবছেন কেন, ডাক্তার? কিছু না হলে যে কোনো সময়ই তো আবার মহারানীর স্বামী হয়ে যেতে পারবো।' সমালোচক সব সময়ই হওয়া যায়।

তৃতীয় দল অগ্র পন্থা নিলে। ওস্তাদদের হুবহু নকল তারা করলে না—তাতে বয়নান্কা বিস্তর। আবার বিন্-তালিমের 'অরিজিনালিটি' পাঠকসাদারণ পছন্দ করে না। উপায় কি? তাই তারা ওস্তাদদের কতকগুলো বাছাই বাছাই জিনিস অমূল্য করলে এবং শুধু অমূল্যবনই না, বাছাই বাছাই জিনিসগুলোর মাত্রা দিলে বাড়িয়ে।

চার্লি চ্যাপলিন একবার নাম ভাঁড়িয়ে গোপনবাসের জন্ম গেছেন চিলির এক অজানা শহরে। বেড়াতে বেড়াতে দেখেন, দেয়ালের গায়ে বিজ্ঞাপন 'সোমবার রাত্রে শহরের কমসটি ঘরে চার্লি চ্যাপলিনের নকল করার প্রতিযোগিতা হবে। ভ্যাগাবণ্ড চার্লির বেশভূষা পরিধান করে ছড়ি ঘোরাতে ঘোরাতে স্টেজের ইস্পাস্ উপ্পার হতে হবে চার্লি ধরনে। সর্বোৎকৃষ্ট অমূল্যবনের পুরস্কার পাঁচশ টাকা।'।

চার্লি ভাবলেন, এখানে তো কেউ তাঁকে চেনে না, দেখাই যাক না, প্রতিযোগিতায় ছদ্মনামে কি হয়।

ছাব্বিশ জন প্রতিযোগীর ভিতর চার্লি হলেন তেরো নম্বর।

তার সরল অর্থ, ঐ ছোট শহর, খেড়খেড়ে ডিহি গোপীপুরে বারো জন ওস্তাদ রয়েছেন যারা চার্লিকে হাতে-কলমে দেখিয়ে দিলেন চার্লির পাট কি করে প্লে করতে হয়।

চার্লি শিরে করাঘাত করে বলেছিলেন, 'হে ভগবান, আমার অভিনয় যদি এই বারো জনের মতো হয় তবে আমি আত্মহত্যা করে মরবো।'।

ব্যাপারটা হয়েছে, চার্লি যেখানে নৃন্দ ব্যঞ্জনা দিয়ে হৃদয়ের গভীর অমূল্যভূতি প্রকাশ করেন এরা সেটাকে দশগুণ বাড়িয়ে দিয়ে মস্তরাত্রে পরিণত করেছেন,

চালি যেখানে চোখের জলের রেশ মাত্র দেখিয়েছেন এঁরা সেখানে হাউমাউ করে আসমান-জমীন ফাটিয়ে আড়াই ঘটি চোখের জল ফেলেছেন, চারুকলার ভিন্ন ভিন্ন অঙ্গে সম্পূর্ণ সামঞ্জস্য রেখে চালি যেখানে অথও সৌন্দর্য সৃষ্টির প্রশাস্ত শিব সৃষ্টি করেছেন সেখানে তাঁরা প্রত্যেক অঙ্গে ফাইলেরিয়ার গোদ জুড়ে বানিয়ে তুলেছেন এক একটি বিকট মর্কট।

ঘরোয়া উপমা দিতে হলে বলি, ভেজাল সরবের তেলেরই বড় বেশী সোনালী ঝাঁঝ—মারাত্মক তুখোড়।

রবীন্দ্রনাথের 'দোহল-দোলা', 'ব্যাকুল বেগু', 'উদাস হিয়াকে', 'দোলাতর', 'বেগুতর' করে নিত্য নিত্য কত না নব নব মস্করা হচ্ছে। কিন্তু তবু চালি বেঁচে গেছেন। কারণ আর যা-ই হোক মার্কিন মুল্লুক পরশু দিনের গড়া নবীন দেশ। ভেজালে এদের অভিজ্ঞতা আর কতটুকু? প্রাচীন চীনের কাহিনী শ্রবণ করুন।

একদা চীন দেশে এক গুণীজ্ঞানী, চরিত্রবলে অতুলনীয় বৌদ্ধ শ্রমণের আবির্ভাব হয়। যেমন তাঁর মধুর সরল শিশুর মতো চলাকোরা-জীবনধারা, তেমনি তাঁর অদ্ভুত বচনবিজ্ঞাস। বুদ্ধের কীর্তিকাহিনী তিনি কখনো বলতেন বলদৃষ্ট কণ্ঠে, কখনো সজল করুন নয়নে—তথাগতেরই মতন তখন তাঁর সৌম্যবদন দেখে, আর উৎসাহের বচন শুনে বহু শত নরনারী একই দিনে বৌদ্ধধর্ম গ্রহণ করতো। ক্রমে ক্রমে তাঁর মাতৃভূমির সর্বত্র বৌদ্ধধর্মের জয়ধ্বনি বেজে উঠলো, বুদ্ধের জীবনাদর্শ বহু পাপীতাপীকে ধর্মের মার্গ অগ্রসরণে অগ্রপ্রাণিত করলো।

দীর্ঘ পঞ্চাশ বৎসর ধরে বৌদ্ধধর্ম প্রচার করার পর তাঁর মৃত্যুকণ কাছে এল। তাঁর মন কিন্তু শান্ত, তাঁর চিত্ত নিকম্প প্রদীপ শিখাবৎ। শুধু একটি চিন্তা-বাত্যা ক্ষণে ক্ষণে তাঁর মুমূর্ষু প্রদীপশিখাকে বিতাড়িত করছে। শিষ্ণোরা বৃষতে পেরে সবিনয় জিজ্ঞেস করলে, সেবাতে কোন ক্রটি হচ্ছে কি না।

গুরু বললেন, 'না। ইহলোক ত্যাগ করতে আমার কোনো ক্ষোভ নেই। আমার মাত্র একটি ভাবনা। আমার মৃত্যুর পর আমার কাজের ভার কে নেবে?'

শিষ্ণোরা মাথা নিচু করে দাঁড়িয়ে রইল। তাঁর চরিত্রবল কে পেয়েছে, তাঁর বক্তৃতাশক্তি কার আছে যে এ-কঠিন কাজ কাঁধে তুলে নেবে?

গুরু দীর্ঘনিশ্বাস ফেললেন।

এমন সময় অতি অস্বাভাবিক এক নূতন শিষ্ণু সামনে এসে বললে, 'আমি এ ভার নিতে পারি।'

গুরুর বদনে প্রশমতার দিব্য জ্যোতি ফুটে উঠলো। তবু ঈষৎ দ্বিধার কণ্ঠে

শুধালেন, 'কিন্তু বৎস তোমাকে তো আমি চেনবার অবকাশ পাই নি। তুমি কি সত্যই এ কাজ পারবে? ঐ দেখো, আমার দীর্ঘদিনের শিষ্যেরা সাহস না পেয়ে নীরবে দাঁড়িয়ে আছে। আচ্ছা দেখি, তুমি অমিতাভের জীবনের যে কোনো বিষয় নিয়ে একটি বক্তৃতা দাও তো।'

বিস্ময়! বিস্ময়!—সেই শিষ্য তখন গলা খুলে গাধার মতো, হুবহু গাধার মতো চেঁচিয়ে উঠলো। কিছু না, শুধু গাধার মতো চেঁচালে।

সবাই বাক্যহীন নিস্পন্দ।

ব্যাপার কি?

গুরুর মাত্র একটু সামান্য ক্রটি ছিল। তিনি বক্তৃতা দেবার সময় অন্য বক্তাদের তুলনায় একটু বেশী চিংকার করে কথা বলতেন। ভূঁইফোড় শিষ্য ভেবেছে ভালো করে চেঁচাতে পারাতেই উত্তম বক্তৃতার গুঢ় রহস্য। ঐ কর্মটি সে করতে পারলে তাবৎ মুশকিল হবে আসান। তাই সে চ্যাচানোর চ্যাম্পিয়ন রাসভরাজের মতো চেঁচিয়ে উঠেছে।

আমার গুরুদেবের পিতৃতুল্য অগ্রজ সত্যদ্রষ্টা, প্রাতঃস্মরণীয় ঋষি দ্বিজেন্দ্রনাথ বলেছেন,

'To imitate-এর বাঙলা, অনুকরণ।

To apɔ-এর বাঙলা, হতুকরণ।'

এস্থলে রাসভকরণ।

### ফরাসী-বাঙলা

রবীন্দ্রনাথ নাকি কোনো এক স্থলে খেদ করেছেন, আমরা ইয়োরোপের যে-টুকু চিনলুম সেটা ইংরেজের মারফতে।

তিনি ঠিক কি বলেছিলেন মনে নেই বলে অপরাধ মেনে নিষে নিবেদন করি, ইংরেজ বরঞ্চ চেষ্টা করেছে আমরা যেন ইয়োরোপকে না চিনতে পারি।

ইংরেজ যখন এদেশে রাজত্ব করতো তখন দু'টি প্রচারকর্মে মেতে থাকতে সে বড় আনন্দ পেত। তার প্রথম, বিশ্বজনকে জানানো যে, ভারতীয়েরা ড্যাম নিগার, কালা আদমী, তাদের কোনো প্রকারের কল্‌চর্ নেই। দ্বিতীয়, ভারতীয়দের জানানো, ইংরেজ পৃথিবীর সর্বশ্রেষ্ঠ জাত এবং তাই (আ ফর্ভেরিয়রি) ইয়োরোপের সর্বশ্রেষ্ঠ নেশন তো বটেই। প্রমাণহরূপ শেক্সপিয়ারের নাম করলে।

আমরা তখন আমাদের বিভাবুদ্ধি দিয়ে যাচাই-পরখ করে দেখলুম, কথাটা ঠিক ; শেক্সপিয়রের মতো কবি পৃথিবীতে কম,—নেই বললেও চলে। ইংরিজিতেই পড়লুম, ফরাসী-জার্মান-ওলন্দাজ-দিনেমার সবাই এ-কথা স্বীকার করেছে। তাই আমরা ইংরেজের বাদবাকি দাবীগুলোও হুড়হুড় করে মেনে নিলুম। ঘড়েল মিথ্যে সাক্ষী—কনফিডেন্স ট্রিক্‌স্টার—এইভাবেই সরল জনকে আপন সব পচা মাল পাচার করে দেয়।

ইংরেজ কিন্তু এ-কথা বলতে ভুলে গেল, উপন্যাসে তার টলস্টয় নেই, গল্পে তার মপাসাঁ নেই, চিত্রকলায় তার রাফায়েল নেই, ভাস্কর্যে তার মাইকেল এঞ্জেলো নেই, দর্শনে কান্ট নেই, নৃত্যে পাতলোভা নেই, ধর্মে লুথার নেই, সঙ্গীতে বেটোকোন নেই।

বিশেষ করে বেটোকোনের কথাই তুললুম।

ইংরেজ জাত স্বর-কানা। তাই সে বেটোকোনের নাম করে না। তাই ইংরেজের বাড়িতে সঙ্গীত-চর্চা নেই। যদি থাকতো তবে এ-দেশের বড় সায়েবদের বাড়িতেও সে-চর্চা আসন পেত। আমরাও ইয়োরোপীয় সঙ্গীতের সঙ্গে পরিচিত হতুম। ইংরেজ চর্চা করলে এবং আমাদের শেখালে—জ্যাজ্, যেটা তার খুড়তুতো ভাই মার্কিন শিখলে তাদের গোলাম নিগ্রোদের কাছ থেকে।

অতি অবশ্য আমাদেরও দোষ আছে। আমাদের ছেলেমেয়েরা হাজারে হাজারে ফ্রান্স-জার্মানী-ইতালি-রুশে যায় নি বটে, কিন্তু শতে শতে তো গিয়েছে। তাদের মধ্যে যে ক'জন ইয়োরোপের সঙ্গে আমাদের পরিচয় করিয়ে দেবার চেষ্টা করেছেন তাদের সংখ্যা এক হাতের এক আঙুলে গোনা যায় (এবং আশ্চর্য, যে মহাজন আমাদের সঙ্গে ফরাসী সাহিত্যের ঘনিষ্ঠতম পরিচয় ঘটিয়ে দিলেন তিনি কখনো ফ্রান্সে যান নি—তিনি জ্যোতিরিন্দ্রনাথ ঠাকুর)।

'দেশ' পত্রিকার এ সংখ্যা ফরাসিস্ সাহিত্য নিয়ে। অতএব সেই বিষয়বস্তুর ভিতরেই নিজেকে সীমাবদ্ধ করি।

ইংরিজী ভাষা গম্ভীর এবং জটিল কিন্তু তার প্রসাদগুণও আছে। ফরাসী চটুল ও রঙীন। অতিশয় গম্ভীর বিষয় আলোচনা করার সময়ও ফরাসী কেমন যেন একটুখানি তরল থেকে যায়। পক্ষান্তরে রসিকতা করার সময়ও ইংরেজী তার দাঢ়্য সম্পূর্ণ বর্জন করতে পারে না। চার্লস ল্যাম্, এমন কি জেরম্ কে জেরম্ পর্যন্ত যে ভাষা ব্যবহার করেছেন সেটা রূপদ। উদ্-হাউসে এসে আমরা সর্বপ্রথম চটুলতা পাই।

কিন্তু এহ বাহ। ফরাসী ভাষার সর্বপ্রধান গুণ তার স্বচ্ছতা, তার সরলতা।

ফরাসীরা নিজেই বলেন, 'যে বস্তু স্বচ্ছ ( ক্ল্যার, ক্লিয়ার ) নয় সে জিনিস ফরাসী নয় ।' আমাদের দেশে আজকাল যে দুর্বোধ্য অবোধ্য পণ্ড বেয়স সে 'মাল' প্রথম যখন ফ্রান্সে বেয়সে আরম্ভ করল তখন গুণী আনাতোল ফ্রাঁস বলেছিলেন, 'যে মধুর শ্লিত বয়সে মানুষ অবোধ্য জিনিস ভালোবাসে আমার সে বয়স পেরিয়ে গিয়েছে ; আমি আলো ভালোবাসি ।' তাই আরেক গুণী শেষ কথা বলেছেন, 'স্বচ্ছতা, স্বচ্ছতা, পুনরপি স্বচ্ছতা ।'

ফরাসী চটুলতা হয়ত অনেকই অপছন্দ করতে পারেন কিন্তু ফরাসী স্বচ্ছতা বাঙলা ভাষা এবং সাহিত্যে যদি আসতো তবে আর কিছু না হোক, আমাদের মনন সাহিত্যে যে অনেকখানি লোকপ্রিয় হত সে বিষয়ে কোনো সন্দেহ নেই । শ্রীযুত সূধীন্দ্রনাথ দত্ত যদি আরো একটুখানি ফরাসী আওতায় আসতেন তবেই ঠিক বোঝা যেত তাঁর দেবার মতো সত্যিই কিছু ছিল কিনা । এ বিষয়ে বরঞ্চ বলবো, শ্রীযুত অন্নদাশঙ্করের লেখা অনেকখানি ফরাসিস্ ।

শব্দতত্ত্ব এবং ভাষাতাত্ত্বিকেরা ঠিক ঠিক বলতে পারবেন কিন্তু সাধারণ পাঠক হিসাবে আমার নিবেদন, বাঙলা ভাষার উপর ফরাসী ভাষার ( language ) প্রায় কোনো প্রভাবই পড়ে নি । বাঙলাতে ক'টি ফরাসী শব্দ ঢুকেছে সে কথা প্রায় পাঁচ আঙুলে গুনেই বলা যায় । অবশ্য এইটেই শেষ যুক্তি নয় ; আমরা বাঙলাতে প্রচুর আরবী এবং ফার্সী শব্দ নিয়েছি বটে কিন্তু ঐ দুই ভাষার প্রভাব আমাদের উপরে প্রায় নেই । কিন্তু অল্প কোনো বাবদেও ফরাসী ভাষার প্রভাব বাঙলার উপর আমি বড় একটা পাই নি ।

সর্বশ্রেষ্ঠ উদাহরণ জ্যোতিরিন্দ্রনাথ ঠাকুর । আমার ব্যক্তিগত দৃষ্টিবিশ্বাস ইনি ফরাসী সাহিত্যের যতখানি চর্চা করেছেন ততখানি চর্চা বাঙলা দেশে তো কেউ করেনই নি, অল্প ইংরেজ জর্মন ইতালিয়ই—অর্থাৎ অফরাসিস—করেছে । ছোট গল্প, উপন্যাস, নাট্য, কবিতা, ভ্রমণ-কাহিনী, কত বিচিত্র বস্তুই তিনি ফরাসী থেকে অমুবাদ করে বাঙলায় প্রচার করেছেন । এই যে ইংরিজী এবং ফরাসী পাশাপাশি জ্ঞাতের ভাষা—গেই ইংরিজীতেই পিয়ের লোতির লেখা 'ভারত ভ্রমণ' অমুবাদ করতে গিয়ে ইংরেজ অমুবাদক হিমসিম খেয়ে গিয়েছেন অথচ জ্যোতিরিন্দ্রনাথের অমুবাদে মূল ফরাসী যে ঠিক ঠিক ধরা তাই পড়েছে নয়, প্রাচ্য দেশীয় আবহাওয়াও সম্পূর্ণ বজায় রয়েছে ।

এই জ্যোতিরিন্দ্রের বাঙলা ভাষাতেই ফরাসী ভাষার কোনো প্রভাব দেখতে পাওয়া যায় না ।



বরঞ্চ ফরাসী শৈলীর ( style ) প্রভাব বেশ কিছুটা আছে ।

বাঙলা সাহিত্যের ঐতিহাসিকরা পাকাপাকি ভাবে বলতে পারবেন, বাঙলার কোন লেখক সর্বপ্রথম ফরাসীর সঙ্গে বাঙলার যোগস্বত্রে স্থাপনা করেছিলেন ; আমি শুধু সার্থক সাহিত্যিকদের কয়েকজনের কথাই তুলবো ।

মাইকেলের সার্থক সৃষ্টিমাত্রই গম্ভীর—সংস্কৃত এবং লাতিনের ক্লাসিকাল গুণের সঙ্গে তিনি তাঁর বীণার তার বেঁধে নিয়েছিলেন । ওদিকে তিনি আবার অতি উত্তম ফরাসী জানতেন—নূতন ভাষা তিনি যে কত তাড়াতাড়ি শিখতে পারতেন, সে কথা আজকের দিনের ভাষার ‘ব্যবসায়ী’রা কিছুতেই বিশ্বাস করবেন না—কিন্তু সে ‘রঙীলা ঘরান’ তাঁর ভাষার উপর কোনো প্রভাব ফেলতে পারে নি । তাই কিছুতেই বুঝে উঠতে পারি নে তিনি লা ফঁতেনের ধরনে ‘ফাবল্’ ( ফেবল্ ) রচনা করলেন কেন ? লা ফঁতেন তাঁর অনেক গল্প নিয়েছেন ঐশপের গম্ভীর ঘাঁক থেকে, কিন্তু লিখেছেন অতি চটুল ফরাসী কায়দায় । অথচ তাঁরই অহুসরণে যখন মাইকেল বাঙলাতে ‘ফাবল্’ রচনা করেছেন তখন তিনি গুরুগম্ভীর কর্তৃ বলছেন,

‘রমাণ কহিল উচ্চে স্বর্ণলতিকারে—’

দুই স্বর একেবারে ভিন্ন । অথচ মাইকেলের প্রায় সব ক’টি ‘ফাবলে’র উৎস লা ফঁতেন ।

প্রহসনেও তাই । ‘বুড়ো শালিকের ঘাড়ে রোঁ-র’র মূলে মালিয়ের । অথচ শৈলীতে গম্ভীর ।

জ্যোতিরিন্দ্রনাথ ঠাকুরের কথা পূর্বেই নিবেদন করেছি । যদিও তাঁর আপন ভাষাতে ফরাসী প্রভাব নেই তবু তিনি অল্পবাদের মারফতে যে শৈলী এবং বিষয়-বস্তুর অবতারণা করে গেলেন তার প্রভাব বাঙলা সাহিত্যের দূর-দূরান্ত কোণে পৌঁছে গিয়েছে এবং আরো বহুদিন ধরে পৌঁছবে ।

তেয়োফিল গতিয়ে, এমন কি বাল্‌জাক্ ও মপাসাঁরা পূর্বে কয়েকটি সার্থক ছোট গল্প লিখেছেন কিন্তু আজ শুধু ফরাসিস না, বিশ্বব্রহ্মাণ্ড স্বীকার করে, মপাসাঁই ছোট-গল্পের আবির্ভাব । তিনিই প্রথম দেখিয়ে দিলেন, দীর্ঘ উপন্যাস না লিখেও পাঠককে কি প্রকারে কাহিনী-রসে আশ্রিত করা যায় ( ‘কর্তৃহার’ গল্প নিয়ে সাত-ভলুমী ‘জঁ। ক্রিস্তফ’ লেখা যায় ) । মনস্তাত্ত্বিক বিশ্লেষণের জগৎ

১ বরঞ্চ গৌর বসাককে লেখা চিঠিগুলোতে প্রচুর ফরাসী ফ্রিভলিটি পাবেন ।

ডস্তুয়েফস্কির মতো ভলুম ভলুম না লিখেও 'স্বল্পরূপে' সেই রস পাঠকের মনে সঞ্চারিত করা যায়।

আমার ব্যক্তিগত বিশ্বাস, ছোট-গল্প লেখক রবীন্দ্রনাথ যবে থেকে জ্যোতিরিন্দ্র ঠাকুরের মারফতে মপাসাঁকে চিনতে শিখলেন তবে থেকেই তাঁর গল্প ঋজু কাঠামো নিয়ে সর্বাঙ্গসুন্দর হয়ে আত্মপ্রকাশ পেল ( অবশ্য প্রথম থেকেই তাঁর গল্পে থাকতো প্রচুর গীতরস এবং পরবর্তী যুগে তিনি অল্প এক মিস্টিক নবরসে ছোট-গল্পকে অপূর্ব এক নবরূপ দান করেন )।

\*

\*

দাস্তে, শেক্সপিয়ার, গ্যোটে, কালিদাস কেউই পৃথিবীর সুদূরতম সাহিত্যকে এতখানি প্রভাবান্বিত করতে পারেন নি মপাসাঁ যতখানি করেছেন। এটম্ বম্ হয়ত পৃথিবীর সব চেয়ে বড় আবিষ্কার কিন্তু বাইসিক্ল ওসেলাইয়ের কল যে রকম গ্রামে গ্রামে পৌঁছেছে এটম্ বম্ শেক্সপিয়ার সে রকম সাহিত্যে সাহিত্যে নব নব সৃষ্টির অল্পপ্রেরণা দিতে পারেন নি।<sup>২</sup>

অথচ আজো যখন কোনো মানুষের জীবনে কোনো এক অদ্ভুত বিচিত্র অভিজ্ঞতা আসে সে তখন তার প্রকাশ দেবার চেষ্টা করে ছোট-গল্পের মাধ্যমে, অর্থাৎ মপাসাঁর কাঠামো নিয়ে। ইংরেজ, জার্মান, রুশ, বাঙলা এ-সব অর্বাচীন সাহিত্যের কথা বাদ দিন, অতিশয় প্রাচীন চীন আরবীর মতো ক্লাসিকাল সাহিত্যেও আজকের দিনে মপাসাঁ ছোট-গল্পে আদি গল্পগুরু বান্দীকি। সবাই তাঁরই 'রাজেন্দ্র সন্ধমে, দীন যথা যায় দূর তীর্থ দরশনে।'

\*

\*

বাঙলা সাহিত্যে মপাসাঁর সর্বশ্রেষ্ঠ শিষ্য প্রভাত মুখোপাধ্যায়। তিনি ফরাসী জানতেন কি না শৈলী-আলোচনায় সে প্রসঙ্গ অবান্তর। তিনি জ্যোতিরিন্দ্রনাথ ঠাকুর ও তত্ত্ব শিষ্য রবীন্দ্রনাথ পড়েছিলেন এবং তাঁদের মাধ্যমে মপাসাঁর শরণ নিয়েছিলেন। বাঙলা দেশের কোনো গল্পলেখকই প্রভাত মুখোপাধ্যায়ের মতো মপাসাঁর এত কাছে আসতে পারেন নি। মপাসাঁর মতো প্রভাতের ছিল সমাজের নানা শ্রেণী, নানা চরিত্র, নানা পরিস্থিতি নিয়ে নিয়ে নবীন নবীন গল্প গড়ে তোলার অসীম ক্ষমতা। মপাসাঁর মতো তিনিও কয়েকখানি উপন্যাস লিখেছিলেন। সেখানেও দু'জনের আশ্রয় মিল। ঔপন্যাসিক রূপে মপাসাঁ ফ্রান্সে

২ হেমেন্দ্র বিস্তার শেক্সপিয়ার অল্পবাদ করেছিলেন, কিন্তু বাঙলাতে আজ পর্যন্ত কেউ শেক্সপিয়ারের অল্পকবণ করেন নি।

বিশেষ কোনো সম্মান পান নি; বাঙলা দেশে প্রভাত মুখোপাধ্যায়েরও সেই অবস্থা।

এ প্রসঙ্গে সর্বশেষ নিবেদন, প্রভাত-পরবর্তী যুগের প্রায় সব বাঙালী গল্প-লেখকই মপাসার অঙ্ককরণ করেছেন প্রভাতের মাধ্যমে।

\*

\*

এই সময়ে 'ভারত'কে কেন্দ্র করে শক্তিশালী এক নূতন কথাসাহিত্যিক গোষ্ঠীর আবির্ভাব হয়। এ গোষ্ঠী অহরহ অমুপ্রেরণা পেত জ্যোতিরিন্দ্র এবং রবীন্দ্রনাথের কাছ থেকে। এঁদের ভিতর সব চেয়ে উল্লেখযোগ্য সত্যেন্দ্র দত্ত, চারু বন্দ্যোপাধ্যায়, মণি গাঙ্গুলী ও সৌরীন্দ্র মুখোপাধ্যায়। এঁরা প্রধানত ফরাসী সাহিত্য থেকে অমুপ্রেরণা সঞ্চয় করে বাঙলা দেশে এক নূতন ফরাসিস 'গুলস্তান' বানাতে আরম্ভ করলেন। এঁদের একটা মন্ত সুবিধে ছিল এই যে, এঁরা রবীন্দ্রনাথের গড়া আধুনিকতম বাঙলার সম্পূর্ণ ব্যবহার করবার সুযোগ পেয়েছিলেন। জ্যোতিরিন্দ্রনাথ সে সুযোগ পান নি বলে তাঁর ভাষা ছিল বিচ্ছিন্ন। এঁরা রবীন্দ্রনাথের সাবলীল ভাষা ব্যবহার করাতে তখনকার দিনের বাঙালী পাঠকের মর্মদ্বারে দরদী আঘাত হানতে পেরেছিলেন।

সব চেয়ে 'তাজ্জব ভেঙ্কি বাজি' দেখালেন সত্যেন্দ্রনাথ দত্ত। তাও আবার কাব্যে! এক ভাষার কবিতা যে অগ্র ভাষাতে তার আপন রূপরসগন্ধস্পর্শ নিয়ে এরকম ভাবে প্রকাশ পেতে পারে এর কল্পনাও বাঙালী পাঠক এর পূর্বে কখনো করতে পারে নি। সত্যেন্দ্রনাথের পূর্বে কৃষ্ণচন্দ্র মজুমদার, হেম বন্দ্যোপাধ্যায়, জ্যোতিরিন্দ্রনাথ, এমন কি রবীন্দ্রনাথও বিদেশী কবিতার অমুবাদ করেছিলেন কিন্তু এক 'সদ্যাবশ্যতক' ছাড়া অগ্র কোনো বই জনপ্রিয় হতে পারে নি। স্বামী বিবেকানন্দ নাকি বলেছেন, অমুবাদ মাত্রই কাশ্মীরী শালের উণ্টো দিকের মতো; মূল নকশার সন্ধান তাতে পাওয়া যায় বটে, কিন্তু আর-সব সৌন্দর্য উণ্টো পিঠে ওতরায় না। সত্যেন্দ্রনাথ দেখিয়ে দিলেন, ওতরায়, এবং মাঝে মাঝে উণ্টো দিকটাও মূলের চেয়ে বেশী মূল্য ধরতে জানে।

যাঁরা সত্যেন্দ্র দত্তের অমুবাদ মূলের সঙ্গে মিলিয়ে পড়েছেন তাঁরাই আমার কথায় সায় দেবেন। অগ্রতম বিখ্যাত অমুবাদক কাস্তি ঘোষ বহুবার একথা বলেছেন। তিনি নেই। তাই আজকের দিনের সবে-ধন নীলমণি নরেন্দ্র দেবকে আমি সাক্ষী মানছি।

তোয়েফিল গতিয়ে, রঁসার ল্যকঁৎ, ছ লিল, ভেরলেন, বদলের, যুগো (Hugo), শেনিয়ে, মিস্ত্রাল, ভেরেরেন, ভালমোর, বেরার্জে—কত বলবো!—

কত না জানা-অজানা কবির কত না কবিতা দ্বিয়ে তিনি তাঁর কুস্ত 'তীর্থ-সলিল' পূর্ণ করলেন, কত দেশের কত 'তীর্থরেণু' বাঙালীর কপালে ছুঁইয়ে দিলেন।

ঋত্থেদে আছে, হে অগ্নি, তুমি আমাদের পুরোহিত, কারণ তুমি আমাদের সর্ব আহুতি দেবতাদের কাছে নিয়ে যাও। সত্যেন্দ্রনাথ বহু দেশের বহু কবির পুরোহিত।

\*

\*

কথাসাহিত্যেও ঐ সময়ে প্রচুর ফসল ফললো। গতিয়ে, যুগো, মেরিমে, দোদে, মপাসী, দু্যামা, বালজাক্ ইত্যাদি বহু লেখকের বহু ছোট-গল্প এবং উপন্যাসও বাঙলায় অনূদিত হল। এ গোষ্ঠীর কাহকলাপ বাঙলা সাহিত্যে কত-খানি স্থায়ী মূল্য ধরে তার বিচার একদিন হবে; উপস্থিত বলতে পারি এঁরা বাঙলা সাহিত্যে যে ফরাসী উদারতার আমন্ত্রণ জানালেন তার ফলে পরবর্তী যুগের অনেক বাঙালী লেখক গোড়ার থেকেই সঙ্গীর্ণতামুক্ত হয়ে সাহিত্যের আরাধনা করতে পেরেছিলেন। হঠাৎ একদিন বাঙলা সাহিত্যে শরৎচন্দ্রের আবির্ভাবের ফলে এঁদের লোকপ্রিয়তা ক্রমে ক্রমে কমে গিয়ে একদিন সম্পূর্ণ লোপ পায়। কিন্তু শরতের মোহ কেটে যাওয়ার পর আজ পর্যন্ত কেন যে কেউ এঁদের হেমন্তের সফলতা সন্ধান করে না সে এক আশ্চর্যের বস্তু।

\*

\*

বাঙলায় ফরাসী সাহিত্য প্রসঙ্গে শুধু প্রমথ চৌধুরী সত্বন্ধে পূর্ণাঙ্গ একটি প্রবন্ধ লিখতে হয়। ইনিই একমাত্র বাঙালী সাহিত্যিক যাকে সর্বার্থে ফরাসিস আখ্যা দেওয়া যেতে পারে। একমাত্র এঁরই ভাষাটিতে 'ঈভনিং ইন্ প্যারিসে'র খুশবাই পাওয়া যায়। এঁর শৈলী ফরাসী স্থাম্পেনের মতো বৃহুদিত, ফেনায়িত। এমন কি এঁর বিষয়বস্তুও মাঝে মাঝে ফরাসিভাঙার ধুতি পরে মজলিসে এসে বসে। বাঙলা সাহিত্যে বহু পণ্ডিত, বহু দার্শনিক, বহু কলাবিদ এসেছেন, কিন্তু একমাত্র এঁকেই সত্য বিদগ্ধ জন বলা যেতে পারে। এবং সে বৈদগ্ধ্য ফরাসী বৈদগ্ধ্য।

জ্যোতিরিন্দ্রনাথ ফরাসিসের সঙ্গে বাঙালীর চারি চক্ষের মিলন ঘটিয়েছিলেন; প্রমথনাথে ছুই সাহিত্যে গভীরতম প্রণয়ালিঙ্গন।

এঁর সাহিত্যসৃষ্টি হয়ত বাঙলাদেশ একদিন ভুলে যাবে কিন্তু এই বাঙালী ফরাসিস চরিত্রকে বাঙালী কখনো ভুলবে না।

প্রমথনাথের শেষ বয়সে ভারতী গোষ্ঠীর মুমূর্ অবস্থায় রবীন্দ্রনাথের আমন্ত্রণে ফরাসী পণ্ডিত সিলভা লেভি এদেশে আসেন। তাঁর চতুর্দিকে তখন এক ফরাসী

পণ্ডিতমণ্ডলীর সৃষ্টি হয়। এঁদের প্রধান ফণী বোস ৩, প্রবোধ বাগচী, মণি গুপ্ত, শশধর সিংহ, বিধুশেখর ভট্টাচার্য, ক্ষিত্তিমোহন সেন। এঁদের কেউই প্রচলিতার্থে সাহিত্যে নামেন নি কিন্তু এঁদের মাধ্যমে আমরা এদেশে সর্বপ্রথম ফরাসী পাণ্ডিত্যের সন্ধান পাই। এতদিন আমরা জানতুম, ইয়োরোপীয় ‘প্রাচ্য-বিজ্ঞানদার্শন্য’ বলতে বোঝায় ইংরেজ। এঁরাই প্রথম দেখিয়ে দিলেন, ফরাসিস্ ভারতবর্ষে ব্যাপকভাবে রাজস্ব না করেও ভারতীয় শাস্ত্রের চর্চা করেছে প্রচুর ৭। বিশেষ করে আমাদের চিত্রকলা সঙ্গীতাদি। প্রবন্ধের গোড়ার দিকেই বলেছি সাহিত্য ছাড়া অন্য রসে ইংরেজ বঞ্চিত। ফরাসীরা সেখানে যথার্থ গুণী। মণি গুপ্তের অনুবাদে বাঙালী তার সন্ধান পাবে। শাস্তা দেবী এই সময়েই বিশ্বভারতীতে ফরাসী শেখেন।

এই গোষ্ঠীর বাইরে আর ছ’জন পণ্ডিতের নাম করতে হয়। মহম্মদ শহীদুল্লা এবং সুনীতিকুমার চট্টোপাধ্যায়। দিলীপ রায় আর কালিদাস নাগও এই যুগের লোক।

\*

\*

কিন্তু আমাদের জোড়া কৃত্ত্ব-মিনার? বঙ্কিম এবং রবীন্দ্রনাথ? তা হলে দীর্ঘতব প্রবন্ধ লিখতে হয়। এ যুগের ঋষি দ্বিজেন্দ্রনাথ ঠাকুর বলেছেন, imita-tion-এর বাঙলা অনুকরণ; aping-এর বাঙলা কি? ‘হলুকরণ’। যাঁরা ফরাসীব ‘হলুকরণ’ করেন তাঁদের উল্লেখ আমি এ প্রবন্ধে করি নি। পদখলন সকলেরই হয়। পূর্বোল্লিখিত লেখকদের কেউ কেউ হয়ত অজানাতে মাত্রাধিক্য করেছেন কিন্তু এ-দুটি লোক সঙ্গকে অধম নিঃসংশয়।

বঙ্কিম কিঞ্চিৎ ফরাসিস্ জানতেন। কিন্তু তিনি ইংরিজীর মাধ্যমে কঁৎ-কে চিবিয়ে খেয়েছিলেন। পূর্বস্বরীগণের প্রসাদাৎ কঁৎ ফরাসী তর্কালোচনায় যে শুদ্ধবুদ্ধির (rationality-র) চরমে পৌঁছেন; বঙ্কিম সেই শাণিত অঙ্গ নিয়ে হিন্দুধর্ম বর্ণাঙ্কনে প্রবেশ করেন। এই ক্ষুদ্র প্রবন্ধে তার সবিস্তর আলোচনা অসম্ভব। তাই এই আক্ষেপ দিয়েই বঙ্কিমালোচনা শেষ করি, হায়, তাঁর এই

৩ ইনি ঘোবনেই দেহত্যাগ করেন, কিন্তু এঁর রচনা তখনই বাঙালীর দৃষ্টি আকর্ষণ করেছিল।

৪ পরবর্তী যুগে ভিন্টারনিৎস জর্মন পাণ্ডিত্যের সঙ্গে এবং তুচ্চি ইতালীয় পাণ্ডিত্যের সঙ্গে আমাদের পরিচয় ঘটান। এঁদের সবাই এসেছিলেন রবীন্দ্রনাথের আমন্ত্রণে, বিশ্বভারতীতে।

শুক্লবৃক্ষি অমুসরণ আর কেউ করলে না কেন? যে লোক ইস্তেক দয়াসাগরের খেলাফে তলোয়ার খাড়া করেছিল তার অমুকরণ অমুসরণ, এমন কি 'হমুকরণ'ও কেউ করলো না কেন?

রবীন্দ্রনাথের উপর মপার্সার ছায়া পড়েছিল সে-কথা পূর্বেই বলেছি। জ্যোতিরিন্দ্রনাথের সহকর্মীরূপে তিনি ফরাসী কবিতানাট্য এমন কি 'শারাদ'ও পড়েছিলেন। তারই ফলে

Celui qui me lira, dans les  
sicle, un soir,  
Troublant mes vers—

ইত্যাদি ইংরিজীতে শব্দে শব্দে অমুবাদ :

One who will read me, after centuries, one evening,  
turning over my verses—

'আজি হতে শতবর্ষ পরে' হয়ে বেরল। কিন্তু প্রথম কয়েক ছত্রের পরেই রবীন্দ্রনাথ সম্পূর্ণ ভিন্ন পথে চলে গিয়েছেন।

ঠিক সেই রকম মেটারলিকের 'নৌলপাথি' যে কাঠামোতে<sup>৫</sup> লেখা রবীন্দ্রনাথের 'ডাকঘর', 'অরূপ রতন' সেই কাঠামো নিয়ে, কিন্তু উভয় নাটকের বিষয়বস্তু নির্বাচনে এবং রসনির্মাণে রবীন্দ্রনাথ মেটারলিককে অনেক পিছনে ফেলে গিয়েছেন। এবং সর্বশেষ নাটকদ্বয় 'মুক্তধারা' এবং 'রক্তকরবী'-র কাঠামোও রবীন্দ্রনাথের সম্পূর্ণ নিজস্ব—ভাষা, শৈলী, রসনির্মাণ পদ্ধতি রাবীন্দ্রিক ভাষা বটেই।

আমার মনে হয় রবীন্দ্রনাথ, বঙ্কিম, অরবিন্দ ঘোষ (ইনি উত্তম ফরাসী জানতেন)—এঁদের মতো প্রতিভাবান লেখকের রচনাতে এঁর প্রভাব, ওঁর ছায়াপাতের অমুসঙ্গান করে কোনো লাভ নেই। হীনপ্রাণ লেখক সর্বক্ষণ ভয়ে মরে, ঐ বৃক্ষি লোকে ধরে ফেললে, সে অমূকের কাছ থেকে ধার নিয়েছে; তাই সে মহাজনের বাড়ির ছায়া মাড়ায় না। বঙ্কিম রবীন্দ্রনাথ নিজেই এই বড় মহাজন যে, তাঁরা যত্রতত্র অনায়াসে বিচরণ করেন। ক্ষুদ্রতম লেখকের বাড়িতেও পাত ফেলতে তাঁদের কণামাত্র ভয় নেই। তাঁদের ঘানিতে যাই ফেশ না কেন, স্নেহঘন হয়ে বেরিয়ে আসবে।

এইবারে শেষ প্রশ্ন : ফরাসীর উপর বাড়লা কোনো প্রভাব ফেলতে পেরেছে কি?

'লোয়াজে ব্লা' জ্যোতিরিন্দ্রনাথ বাড়লায় অমুবাদ করেন

রলী। যেরকম বহু বাঙালী লেখককে প্রভাবান্বিত করেছেন, ঠিক তেমনি তিনিও বাঙালী গুণী-জ্ঞানীদের সন্ধান রাখতেন। ব্রাহ্ম আন্দোলন, শ্রীরামকৃষ্ণ-বিবেকানন্দ, রবীন্দ্রনাথ সম্বন্ধে তাঁর জ্ঞান এবং তাঁদের প্রতি তাঁর ভালোবাসা ছিল অকৃত্রিম। বহু ফরাসী এঁরই মারফতে বাঙলাদেশের অনেক কিছু চিনতে শিখেছে।

পূর্বেই বলেছি, লেভির সঙ্গ পেয়ে বাঙালী গুণী ফরাসী পাণ্ডিত্যের চর্চা করেছিল। লেভি নিজে করলেন উন্স্টাটা। রবীন্দ্রনাথের সঙ্গ পেয়ে তাঁরই সাহায্যে করলেন ‘বলাকা’র ফরাসী অনুবাদ। আজ যদি গুনি, পাণিনি কোনো এক চীনা কবির রচনা সংস্কৃত অনুবাদ করেছিলেন তা হলে যে-রকম আশ্চর্য হব।

শ্রীমতী আঁদ্রে কার্বেপেলেজ ফরাসীতে একখানা সঞ্চয়িতা বের করেন। তার নাম ‘ফাই দু ল্যাঁদ’—‘লীড্জ্ অব্ ইণ্ডিয়া’। এই চয়নিকায় বাঙালী ও বাঙলা সাহিত্য নিয়েই আলোচনা ছিল প্রধানত। দুর্ভাগ্যক্রমে বইখানা আমার হাতের কাছে নেই।

এবং নেই, শাস্তিনিকেতনে ফরাসী ভাষার প্রাক্তন অধ্যাপক ফের্না বেনওয়ার রচনাবলী। অমিয় চক্রবর্তীর সহযোগিতায় তিনি ‘মুকুধারা’র ফরাসী অনুবাদ প্রকাশ করেছিলেন ‘লা মালিন’ (দি মেলীন) নাম দিয়ে। এর পরবর্তী যুগে বাঙলা সম্বন্ধে আরো বিস্তর লেখা ফরাসীতে প্রকাশ ও প্রচার করেছিলেন।

এবং মারাত্মক নেই, রবীন্দ্রনাথ সম্বন্ধে ফরাসী প্রেসের অভিমত, অভির্থনা, অকুণ্ঠ প্রশংসা। রবীন্দ্রনাথ যতবার ফ্রান্সে গিয়েছেন, যখনই তাঁর চিত্রকলার প্রদর্শনী হয়েছে, ফ্রান্স তখনই বাঙলাদেশ সম্বন্ধে সচেতন হয়ে তাকে স্বীকার করেছে। প্যারিসে স্বীকৃতি পাওয়া সহজ কর্ম নয়। এ-সব প্রেস্-কাটিংস্ অনুসন্ধিৎসু পাঠক শাস্তিনিকেতন লাইব্রেরীতে পাবেন। সে এক বিরাট ব্যাপার!

অর্থাৎ হাতের কাছে কিছুই নেই—‘ঢাল নেই তলোয়ার নেই’—

তাই আর কেউ বলার পূর্বেই স্বীকার কবে নিই, এ লেখা সম্পূর্ণ অসম্পূর্ণ।

### চার্লি চ্যাপলিন

আমার ছেলেবেলায় বায়স্কোপও ছেলেমামুয ছিল। হরেক রকম ফিল্ম তখন আসতো; ছোট, বড়, মাঝারি—এখনকার মতো স্টাণ্ডার্ডাইজ্ড নয়। সেনসর বোর্ড-ফোর্ডও তখন শিল্প, এখনকার মতো ‘জ্যাঠা’ হয়ে ওঠে নি—‘এটা অঙ্গীল’,

‘ওটা কলর্থ’, ‘সেটা বড় কর্তাদের নিয়ে মস্করা করেছে’ বলে দেশের দেশের রুচি মেরামত করার মতো হরিশ মুখুজ্যে দি সেকেন্ড হয়ে ওঠে নি। কাজেই হরেক রুচির ফিলিম তখন এদেশে অক্রেমশে আসতো এবং আমরা সেগুলো গোয়াসে গিলতুম। তার ফলে আমাদের চরিত্র সর্বনাশ হয়েছে, এ কথা কেউ বলে নি। এবং আজ যে সেনসর বোর্ডের এত কড়াকড়ি, তার ফলে এযুগের চ্যাংড়া-চিংড়িরা ধীশুখেট কিংবা রামকেষ্ট হয়ে গিয়েছে এ মস্করাও কেউ করে নি। তবু শুনেছি সেনসর বোর্ডের বিশ্বাস, বিস্তর ছবি ব্যান করলে শেষটায় ভালো ছবি বেরবে। তাই যদি হয়, সাহিত্যের ক্ষেত্রেও একটা সেনসর বোর্ড লাগাও না কেন? কাকা-মামা-শালাদের চাকরি তো হবেই এবং সুবো-শাম ভদোভদো বই ব্যান করার ফলে একদিন ইয়া দাড়িগোফ সমেত আরেকটি সমুচা রবিঠাকুর বেহেশৎ থেকে টুকুস করে টুকুকে পড়বেন—এই যেরকম হাওড়া ইন্সটিশানের কল থেকে প্ল্যাটফর্ম টিকিট মিন-ফসেপ্.সে বেরিয়ে আসে।

আমি মাঝে মাঝে ভাবি, এরা কার রুচি রিফর্ম করতে চায়? আমার? সাবধান! পাড়ার ছোঁড়ারা আমায় মানে (ওরাই আমাকে মাঝে-মধ্যে বায়স্কোপে নিয়ে যায়), সুনলে ক্ষেপে উঠবে। বোর্ডেরও প্রাণের ভয় আছে। তবে কি টাঙাওলা বিড়িওলাদের? ওঃ! কী দস্ত! ওদের রুচিতে ভগামি নেই। ঐটে পেলে আমি বর্তে যেতুম।

কিন্তু সে কথা থাক। এই সেনসরিং ব্যাপারটা দেশে-বিদেশে কি প্রকারে সমাধান হয় সে সম্বন্ধে আরেকদিন সবিস্তর আলোচনা করবো। ইতিমধ্যে ছোট্টা হিটলারদের স্মরণ করিয়ে রাখি বড়া হিটলাররা জর্নানিতে ‘অল কোয়ায়েট’ ফিলিম ব্যান করেছিল।

সেই যুগে হঠাৎ দেখা দিলেন মহাকবি চার্লি চ্যাপলিন—ভগবান তাঁকে দীর্ঘায়ু করুন।

সাহিত্য বলুন, সঙ্গীত বলুন, চিত্রকলা বলুন, ভাস্কর্য বলুন, এ রকম একটি ভাস্কর্যহলের-সামনে-দাঁড়িয়ে-নটরাজ পৃথিবীতে আর কখনো উদয় হয় নি। এঁর প্রতিভা অতুলনীয়। বাস্কেটবল এঁর কর্তে, উর্বনী পদযুগে, এঁর দক্ষিণ হস্তে বিষ্ণুর চক্র (গ্রেট ডিক্টেটর), বাম হস্তে দক্ষিণের বরাভয় (সিটি লাইট)। ইনি শিশুকর্মা (মডার্ন টাইমস), ইনি নীলকণ্ঠ (মসিয়ো ভেরু)। ‘অতি বড় বুদ্ধ’ বলেই ইনি ‘সিঙ্কিতে নিপুণ’ এবং লগ্ন এলে শকরের মতো নবীন বেশে সজ্জিত হতে জানেন (লাইম লাইট)।

রবীন্দ্রনাথকে উদ্দেশ করে শরৎচন্দ্র একলা বলেছিলেন, ‘তোমার দিকে চাহিয়া



‘আমাদের বিন্ময়ের অস্ত্র নাই।’ সেই রবীন্দ্রনাথ সিন্ধুপাড়ের হিম্মানী বিদেশিনীকে দেখে মুগ্ধকণ্ঠে বলেছিলেন,

‘সুনীল সাগরের শ্রামল কিনারে  
দেখেছি পথে যেতে তুলনাহীনারে।’

চালির দিকে তাকিয়ে সর্বক্ষণ এই দোহাটি মনে পড়ে।

সর্বশ্রেষ্ঠ ঔপন্যাসিক হিসেবে জগদ্বখ্যাত হওয়ার পর টলস্টয় একখানি প্রামাণিক অলঙ্কার-শাস্ত্রের গ্রন্থ লেখেন। পুস্তকের প্রথম এবং শেষ প্রশ্ন, ‘হোয়াট ইজ্ আর্ট?’ অর্থাৎ ‘রস কি?’ মধুর সঙ্গীত শুনে, উত্তম কাব্য পাঠ করে, দেবীর মূর্তি দেখে আমরা যে আনন্দরসে নিমজ্জিত হই সে বস্তুটি কি?

তার সংজ্ঞা দেওয়ার পর টলস্টয় বলেন, গুটিকয়েক উদাহারককে যে রস আনন্দ দান করে সে রস হীন রস। আচণ্ডাল, (আ-সেনসর বোর্ড?) জনসাধারণকে যে কাব্য আনন্দ দেয় সেই কাব্যই প্রকৃত কাব্য, উত্তম কাব্য। যথা, মহাভারত। পণ্ডিত-মুগ্ধ, বৃদ্ধ-বালক, পাপী-পুণ্যবান সকলেই এ কাব্য শুনে আনন্দ পায়।

অবশ্য সব পাঠক যে একই কাব্যে এই বস্তুতে আনন্দ পাবে এমনটা নাও হতে পারে। বালক হয়ত কাব্যের কাহিনী বা প্লট শুনে মুগ্ধ, বলদপ্ত্র যুবা হয়ত কণাজ্বনের মুগ্ধবর্ণনা শুনে বীর রসে লুপ্ত, বৃদ্ধ হয়ত শ্রীকৃষ্ণে অজ্বনের আত্মসমর্পণ দেখে ভক্তিরসে আত্মত, এবং উদারচারিত সবারসে রাসিকজন হয়ত শ্রীমদ্ভক্তার প্রতি মাড়ে প্রকৃত কাব্যরসে নিমজ্জিত।

তা হলে প্রশ্ন, মানুষের ববর কাচকে কি মার্জিত করা যায় না? হয়ত যায়, কিংবা হয়ত যায় না, কিন্তু চেষ্টা আলবৎ করা যায়। সে চেষ্টা ভরত, দণ্ডিন, মন্ডট, আঁরন্ততেল, রবীন্দ্রনাথ, জোচে করেছেন, কিন্তু এঁদের গলা কেটে ফেললেও এঁরা কোনো বোর্ডের মেম্বর হতে রাজী হতেন না। মানুষের কাচিপরিবর্তন এঁরাই করিয়েছেন—কোনো বোর্ড কখনোই কিছু পারে নি।

বর্তমান যুগে চালি সেই রসই সবজনকে উপহার দিয়েছেন। এ যুগের সাহিত্যে, কাব্যে, ভাষ্যে, রঙ্গমঞ্চে কুত্রাপি কেউই চালির বৈচিত্র্য, বিস্তার, গভীরতা, সবজনমর্মস্পর্শশক্তি দেখাতে পারেন নি। এ যুগে শার্লক হোমস

১। পাঠক ভাববেন না, আমি কলকাতা বা দিল্লীর বোর্ডের কথা ভাবছি। আমি সর্বাধ্বের জীবিত ৬ হৃত সর্ব বোর্ডের কথা ভাবছি। শ’ যে ক্রম ‘কুইন্ড্রীডার অব্ প্রেজ’-এর স্বরণে আপন মস্তব্য বিশ্ব-বোর্ডের উদ্দেশে লিখেছিলেন।

পৃথিবীর সর্বত্রই সম্মান পেয়েছেন, কিন্তু মাহুশের কোমল ভ্রম স্পর্শকাতরতাকে তিনি তার চরম মূল্য দিতে পারেন নি; ওমর খৈয়ামও প্রকৃত ধর্মভীরুকে বিচলিত করতে পারেন নি।

চালিকে বিশ্লেষণ করি কি প্রকারে ?

তার সৃষ্টি, কিংবা তিনি নিজে, এই যে 'লিট্‌ল ম্যান', সামান্য জন, যেন পাড়ার জগা, টম, ডিক্‌, হারি; 'কেউ-কেটা' তো নয়ই একেবারে, 'কেউ-না' কি করে সকলকে ছাড়িয়ে এক অসাধারণ জন হয়ে সকলের হৃদয়ে এমন একটি আসন গ্রহণ করলো, যে আসন পূর্বে শূন্য ছিল এবং যেখানে আর কেউ কখনো আসতে পারবে না ?

কোনটা ছেড়ে কোনটা বলি ?

ভ্যাগাবও চার্লি একটি শুকনো ফুল দেখতে পেয়ে সেটি তুলে নিয়ে তঁর লাগল। ঝাঁট-দিয়ে-কেলে-দেওয়া ফুল—তার ফুল যৌবন গেছে, সে পথপ্রান্তে অবহেলিত, পদদলিত। সামান্য যেটুকু গন্ধ তখনো তার অঙ্গে সুশুপ্র ছিল চার্লি তাই যেন তার 'সঙ্গলয়' নিশ্বাস দিয়ে জাগিয়ে তুলে বুক ভরে নিচ্ছে। এ ফুল কি কখনো বিশ্বাস করতে পেরেছিল যে মৃত্যুর পূর্বমূহূর্তে—রবীন্দ্রনাথের কাঁবি যে রকম আত্মহত্যার পূর্বমূহূর্তে রাজকন্ডার বরমাল্য পেল—সে তার চরম সম্মান পাবে ?

এমন সময় রাস্তার দুই হোঁড়ারা মোকা পেয়ে পিছন থেকে চার্লির হেঁড়া পাতলনের ভিতর হাত ঢুকিয়ে শাটে দিল টান। চচ্‌ড় করে ছিঁড়ে গেল পাতলনের অনেকখানি—এই তার শেষ পাতলন, এটাও গেল—আর বোরিয়ে এল হেঁড়া শাটের শেষ টুকরো।

আস্তে আস্তে ঘাড় ফিরিয়ে ভ্যাগাবও চার্লি হোঁড়াদের দিকে তাকালে। তারা তখন 'শুভকর্ম' সমাধান করে ছুটে পালাচ্ছে।

তখন ভ্যাগাবওর চোখে কী বেদনাতুর করুণ ভাব !

ভিয়েনা, বালিন, প্যারিস-প্রাগে আমি বিস্তর থিয়েটার প্রচুর অপেরা দেখেছি, কাব্যে সাহিত্যে টন মণ করুণ রসের বর্ণনা পড়েছি, কিন্তু ভ্যাগাবওর সে করুণ চাউনি এদের সবাইকে কোথায় ফেলে কহাঁ কহাঁ মুহূর্তে চলে যায়।

আর সেই নীরব চাউনিতে বলছে, 'কেন, ভাই, তোরা আমাকে জালাস ? আমি তো তোদের সমাজের উজ্জীর নাজির হতে চাই নে। কুকুর বেড়ালটাকে পর্যন্ত আমি পথ ছেড়ে দিয়ে কোনো গতিকে দিন গুজরান করছি। আমায় শাস্তিতে ছেড়ে দে না, বাবারা !' তারপরে যেন দীর্ঘনিশ্বাস—'হে ভগবান !'

এখানেই কি শেষ ? তা হলে চার্লি দত্তয়েক্স্কির মতো হৃদয় মাত্র করণ রসের রাজা হয়ে থাকতেন।

অন্ধ ফুলওয়ালী মিষ্টি হেসে চার্লিকে একটি তাজা ফুল দিতে যাচ্ছে। তাকে ? চার্লিকে ? অবিশ্বাস্ত !

আইনস্টাইন একবার কোনো শহরের বড় স্টেশনে নেমে দেখেন বিস্তর লোক তাঁর দিকে এগিয়ে আসছে—যেন তাঁকে অভ্যর্থনা জানাতে চায়। বিনয়ী আইনস্টাইন শুধু পিছনের দিকে তাকান আর ডাইনে বাঁয়ে সরে যান। নিশ্চয়ই তাঁর পিছনে কোনো ডাকসাইটে কেউবিড় আসছেন, সবাই এসেছে তাঁকেই বরণ করতে, আইনস্টাইন শুধু আনাড়ির মতো মধ্যখানে বাধার সৃষ্টি করছেন।

কই ? কেউ তো নেই ? রাস্তা একদম ভো ভো—কলকাতার রেশনশপের গুদামের মতো। এরা এসেছে আইনস্টাইনের জন্মই।

আমাদের ভ্যাগাবণ্ডিও পিছনে তাকালে। এক্সট্রিমস মীট। আইনস্টাইন খ্যাতির সবোচ্চ ধাপে, চার্লি নিম্নতম মাপে।

ফুল পেয়ে চার্লির মুখের ভাব ! স্মিত হান্তে মুখের দুই প্রান্ত দুই কানে ঠেকে গিয়েছে, শুকনো গাল দুটো ফুলে গিয়ে উপরের দিকে উঠে চোখ দুটো চেপে ধরেছে, চোখের কোণ থেকে রগ পর্যন্ত চামড়া কঁচকে গিয়ে কাকের পায়ের নকশা ধরেছে, সে চোখ দুটো কিন্তু বন্ধ—আমার যেন মনে হল ভেজা-ভেজা, ঠিক বলতে পারবো না, কারণ আমার চোখও তখন ঝাপসা হয়ে গিয়েছে।

সবক্ষণ ভয় হচ্ছিল, এইবার না চার্লি ভ্যাকু করে কেঁদে ফেলে !

কে বলে সংসারে শুধু অকারণ বেদনা, নিদারুণ লাঞ্ছনা ! পকড়কে লে আও উস্কো। এলিসের রানীর হুকুম, ‘অক্ ফ্ ফ্ উইন্ হিজ্ হেড্ ।’

মাছঘের কলিজায় চার্লি পুকুর খোঁড়েন কি করে ? দুঃখ, সূখ, করুণা, কৃতজ্ঞতা এসব রস আমাদের কলিজার গভীরতম প্রদেশে চার্লি সঞ্চারিত করেন কোন পদ্ধতিতে ?

এক ইরানী কবি বলেছেন, ‘সব জিনিসের হৃদ—অর্থাৎ সীমা জানাটাই প্রকৃত স্রষ্টাকর্তার লক্ষণ।’

অর্থাৎ তাঁর বর্ণনায়, তাঁর অভিনয়ে চার্লি বাড়াবাড়ি করেন না। কারণ কে না জানে, এক্ষেত্রেই হুড়াস্তে পৌঁছয় মানুষ যখন ভ্যাচব-ভ্যাচর করে সব কিছু বলতে চায়, সামান্ততম জিনিস বাদ দিতে চায় না।

তাই অভিনব গুপ্ত, আনন্দবর্ধন বলেছেন, ‘ধ্বনি দিয়ে প্রকাশ করবে ধ্বনি বলতে তাঁরা ব্যঞ্জনা, ইকিত্ত, সাজেস্টিভনেস অনেক কিছুই বুঝেছেন।

যথা :

কুলটা রমণী পথিককে বলছে, 'হে পথিক, এই ঘরে রাত্রিকালে আমার বৃদ্ধ স্বশুর-শশুড়ী শয়ন করেন, ঐ ছোট ঘরে আমি একা থাকি, আমার স্বামী বিদেশে। তুমি এখন যাও।'

ইন্দ্রিত হৃৎস্পষ্ট।

অর্থাৎ চালি যেটুকু অভিনয় করেন, সে তো করেনই; সঙ্গে সঙ্গে আমরা সকলেই অনেকখানি অভিনয় করে নিই।

হালে চালি হৃৎস্বর দিয়েছেন, তিনি আবার সেই 'লিটল ম্যান', সেই ভ্যাগাবগুকে পুনর্জন্ম দেবেন। তাঁর যা বলবার তিনি তারই মারফতে শোনাবেন। শুনে আমরা উল্লসিত হয়েছি। 'ম'সিয়ো ভেহু', 'লাইম-লাইট' উৎকৃষ্ট অভুলনীঘ্ন রসসৃষ্টি কিন্তু আমরা সেই ভ্যাগাবগুকে বড্ড মিস্ করছি।

চালি ভ্যাগাবগুকে বর্জন করেছিলেন কেন?

হয়ত ভেবেছিলেন সব কথা ঐ একই জনের মারফতে বলা চলে না। আমাদের ভ্যাগাবগুর পক্ষে সবাইকে তো বিষ খাইয়ে খাইয়ে—'বিজনেস ইস্ বিজনেস্' বলে এলোপাতাড়ি বিধবাহনন করা যায় না—তাই ভেহুর সৃষ্টি।

ঠিক এই কারণেই কোনান ডয়েল শার্লক হোমস্কে মেবে ফেল প্রাক্লব চ্যালেঞ্জার সৃষ্টি করেছিলেন।

রবীন্দ্রনাথও তাই গণ্য কবিতা ধরেছিলেন। এই উদাহরণটাই ভালো।

কিন্তু রবীন্দ্রনাথ পদে পদে দেখলেন তাঁর কবিতায় পদে পদে মিল এসে যাচ্ছে, ছন্দ এসে যাচ্ছে। যাবেন কোথায়? পঞ্চাশ বছরের অভ্যাস। নাচার হয়ে মিলগুলো লাইনের শেষে না এনে মাঝখানে ঢুকিয়ে দিতে লাগলেন—শাক ঢাকা দিয়ে মাংস খাওয়ার মতো।

শেষটায় বললেন, 'হুতোচ্ছাই! যাই ফিরে ফের মিল ছন্দে।' রবীন্দ্রনাথের গবিতা নিকৃষ্ট নয়, রবীন্দ্রনাথের উত্তম কবিতা, এই বাঙলা দেশে একমাত্র তিনিই সাথক 'গবি', কিন্তু সোজা কথা—তিনি বুঝে গেলেন যে কবিতার মিল ছন্দ বজায় রেখেও তাঁর যা বক্তব্য তা তিনি বলতে পারবেন। ফিরে গেলেন কবিতায়।

চালি যখন ভেহু করছেন, তখন আমরা পদে পদে দেখতে পাচ্ছি তাঁর পিছনে ভ্যাগাবগুকে। তিনি আপ্রাণ চেষ্টা করছেন তাকে লুকোবার জন্তে—রবীন্দ্রনাথ যে রকম মিল লুকোবার চেষ্টা করেছিলেন গবিতায়—কিন্তু আমরা তাকে বার বার

দেখতে পাচ্ছি। বার বার মনে হয়েছে, ‘আহা এ জাহ্নগায় যদি আমাদের ভাগ্যবণ্ডটি থাকতো তবে সে সিন্চুয়েশনটা কি চমৎকারই না এক্সপ্লেট করতে পারতো!’

চালিও সেটা বুঝেচেন। যে ভাগ্যবণ্ডকে এতদিন একটুখানি জিরিয়ে নিলেন, তাকে চালি আবার ঘবের ভিত্তর থেকে টেনে আমাদের চোখের সামনে তাকে দিয়ে বাউণ্ডলীপনা করাবেন।

সুসংবাদ !!

### ফল্গুর ভাষা

থিয়েটারের কপাল মন্দ, পাঠান-মোগলের আপন দেশে ওটার রেওয়াজ নেই। তাই পাঠান রাজারা এদেশে জন্মে বসার পর গাইয়ে-বাজিয়েদের ডেকে পাঠালেন, পটুয়া-দেবও ডাক পড়লো, নাচিয়েরাও বাদ গেল না আর এয়ারং বানানেওলাদের তো কথাই নেই। সংস্কৃত যদি তখন এ-দেশেব চালু এবং সহজ ভাষা হত তাহলে সংস্কৃত নাটাও যে বাদশাব দরবারে কদর পেত সে বিষয়ে কোনো সন্দেহ নেই, কারণ হিন্দী কদর পেয়েছিল এবং এ-দেশে বাউলা কদর পাওয়ার ফলে পরাগল খান, ছুটি খানের মহা ভারত লেখা হয়েছিল।

সংস্কৃতে লেখা আমাদের নাটা ঠিক মুসলিম আগমনের শুরুতে এদেশে কতখানি চালু ছিল বলা কঠিন। ইংরেজ ঐতিহাসিকেরা বলেন, সংস্কৃত তখন মৃত ভাষা, ওসব নাটা তখন প্রায় উঠে গিয়েছে। আমি কিন্তু কিঞ্চিৎ ভিন্ন মত পোষণ করি।

পূর্বেই স্বীকার করেছি, পাঠান আমলে সংস্কৃত মৃত ভাষা, কিন্তু সংস্কৃত নাটক তো সম্পূর্ণ সংস্কৃতে লেখা হয়। তুলনা দিয়ে কথাটা পরিষ্কার করি।

শেক্সপিয়র জানতেন, তিনি রাজা-রাজড়া এবং শিক্ষিতজনদের জগুই আপন নাটক লিখছেন। কিন্তু অগ্র একটি তত্ত্বও বিলক্ষণ জানতেন যে তাঁদের সংখ্যা কম, এবং বেশি গ্যালাবি ভরভরাট ক’রে নাটকটাকে জম-জমাট করে তোলে টাঙাওলা-বিড়িওলার দল। কাজেই তাঁর নাটকে ওদেরই মতো চরিত্র ওদেরই ভাষায় কথা কয়, বিশেষ করে ভাঁড়টি সব সময়ই রাজা-প্রজা ছুঁদলকেই খুলী করতে জানে।

ঠিক সেই রকম গুপ্ত যুগের কালিদাসও জানতেন যে, তাঁর যুগের ‘টাঙাওলা’

‘বিড়িওলা’ সংস্কৃত বোধে না, অথচ রাজা-রাজদারী নাটক চান সংস্কৃত। ওদিকে তিনি শেক্সপিয়ারের মতো বুঝতেন যে, জনসাধারণকে খুশী না করে কোনো নাটকই বক্স-আপিস ভরতে পারে না। গোলাপফুল খাপসুরং জিনিস। কিন্তু পাতা-কাঁটা ওটাকে খাড়া করে না ধরলে ওটা শুধু শূন্যে শূন্যে ঝুলতে পারে না। তাই তিনি তাঁর নাটকে ব্রাহ্মণ আর রাজা ছাড়া আর-সবাইকে দিয়ে কথা কওয়াতেন তখনকার দিনের চালু ভাষা প্রাকৃত। আর শুধু কি তাই? রাজার সংস্কৃতে শোধানো প্রথের উত্তর দাসী যখন প্রাকৃত দিত তখন কালিদাস তার উত্তরের ভিতর রাজার প্রহরী এমনভাবে জড়িয়ে দিতেন যে সংস্কৃত না-জাননেওলা শ্রোতাও ছুই পক্ষের কথাই পরিষ্কার বুঝে যেত। দাসীর তুলনা দিয়েই যদি জিনিসটা বোঝাতে হয় তবে বলতে হবে, এ-যেন ‘বান্দীকে ঠেঙিয়ে বিবিকে সোজা রাখার’ মতো রাজা এবং প্রজা উভয় দর্শককে সোজা রাখা।

তাই আমার দৃঢ় বিশ্বাস, কালিদাসের নাটক সর্বজনপ্রিয় ছিল।

তার পর প্রশ্ন উঠতে পারে, ঠিক মুসলমান আগমনের প্রাক্কালে জনসাধারণ কি কালিদাসের আমলের প্রাকৃত বুঝতো? এ প্রশ্নের উত্তর দেবার মতো এলেম আমার পেটে নেই। তবে তার একশ’ বছর পেরবার পূর্বেই আমীর খসরৌ যে-হিন্দী ব্যবহার করেছেন সে-হিন্দী অনেকটা ঐ প্রাকৃতের মতোই। এবং এখানে আরো একটি কথা আছে। জনসাধারণ ততদিনে কালিদাসের নাটক দেখে দেখে অভ্যস্ত হয়ে গিয়েছে, এবং নিরক্ষর দর্শক একটা ফিলিম তিন বার দেখবার পর যে কতখানি মনে রাখতে পারে সে-কথা শিক্ষিত জন জানেন না। আমার এক চাকর (বস্তুত এই গণতন্ত্রের ইনকিলাবী যুগে ‘মনিব’ বলাই ভালো) পাড়াতে নয়া ছবি এলেই একটানা সাত দিন ধরে সেই ছবি দেখতে যেত। আমি অবাধ হয়ে ভাবতুম, নাগাড়ে সাতদিন ধরে একই ছবি দেখে কি করে? পরে তার গুনগুনানি থেকে বুঝলুম, ছবির চৌদ্দখানা গানই সে রপ্ত করতে চায় এবং করে ফেলেছেও। অনেক হিন্দী গানের বিস্তর কথা না বুঝতে পেরেও। অবশ্য আমার এ-মস্তব্যে ভুল থাকতেও পারে। কারণ আমি এ-জীবনে তিনখানা হিন্দী ছবিও দেখি নি এবং অল্প কোনো পুণ্য করি নি বলে এই পুণ্যের জোরেই স্বর্গে যাবো বলে আশা রাখি। তবে বলা যায় না, সেখানে হস্ত হিন্দী ছবি দেখতে হবে! কারণ এক ইরানী কবি মহাপ্রলায়ের পরে যে শেষ বিচার হবে তারই স্বরণে অনেকটা এই ভয়ই করেন,—

“শেষ-বিচারেতে খুদার সমুখে দাঁড়াবো তো? নিশ্চয়,  
মানুষের মুখ আবার দেখিব। এইটুকু মোর ভয়।”

“মরা ব্, রুজ-ই কিয়ামৎ গামী কি হস্ত্, ক্রীন্ অস্ত্  
কি রু-ই মরত্মে আলম্ দু বারা বাহদ দীদ”<sup>১</sup>

যদি প্রশ্ন শোধান সে কি করে হয়?—তুমি হিন্দী ফিল্ম বর্জন করার পুণ্যে স্বর্গে গেলে : সেখানে আবার তোমাকে ঐ ‘মাল’ই দেখতে হবে কেন? তবে উত্তরে নিবেদন, কামিনীকাক্ষনসুরা বর্জন করার ফলে আপনি যখন স্বর্গে যাবেন তখন কি ইক্রসভায় ঐঞ্জলারই ছড়াছড়ি দেখতে পাবেন না?

তখন যদি আপনি এক কোণে মুখ গুঁমড়ো করে বসে থাকেন তবে কি সেটা খুব ভালো দেখাবে?

থাক্। কোথা থেকে কোথা এসে পড়লুম! মুখকে চটালে এই তো বিপদ। আবোল-তাবোল বকে।

মোদা কথা এই, পাঠান-মোগল যুগে নাট্যাভিনয় বাজাহুকম্পা পেল না বলে আমরা এখনো তার খেসারতি চালাচ্ছি। এবং দ্বিতীয় কথা—নাটো, ফিলিমে ভাষা ত্রিনিসটাকে অবহেলা করলে ক্ষতি হয়। এমন কি যদিও বহু গুণী বলে থাকেন ‘সাইলেন্স্ ইজ গোল্ডেন’ তবু সাইলেন্ট ফিলিম চললো না। বাঙলা ফিলিম যখন সে সাইলেন্স্ ভাঙলো তখন থেকে আজ পর্যন্ত যে ভাষা সে বললে তারই দিকে এ-প্রবন্ধের নল চালনা।

সাতশ’ বছর পরে ইংরেজ আমলে হল ঠিক তাব স্টেটা। কলাজগতে ইংরেজের প্রধান সম্পদ তার থিয়েটার। শেক্সপিয়রের মতো নাট্যকার নাকি পৃথিবীতে নেই। ইংরেজ বললে, ‘চালাও থিয়েটার।’ কিন্তু প্রশ্ন, কে করবে থিয়েটার?

ইতিমধ্যে বাঙালী বিলেত যেতে আরম্ভ করেছে। সেখানে একাধিক নেশার সঙ্গে সে থিয়েটারের নেশাটাও রপ্ত করে এল।

বাঙলা গল্প এবং পছ তখন দুইই বড় কাঁটা।

আর জনসাধারণের ভাষা? তারও মা-বাপ নেই। একদিকে শেষ-মোগলের ফাদী উত্তর শেষ রেশ, অতীতকে স্মৃতিহুটি-গোবিন্দপুরের ঐতিহাসিক স্মৃতি—দুয়ে

১ The only thing which troubles me about the  
Resurrection day is this,  
That one will have to look once again on the faces of  
mankind.

মিলে তার যা চেহারা সেটা কিছুদিন পরে পাওয়া যায় হতোমের নকশায়। অগ্রদিকে বিজ্ঞানগরের অতি ভদ্র অতি মার্জিত ভাষা।

এ-যুগের নাটকের ভাষা তাই শব্দতত্ত্বের স্বর্গভূমি। কিন্তু নাটকে যে স্বচ্ছন্দ ভাষার প্রয়োজন তার বড়ই অভাব। সব নাট্যকারই যেন ঠিক মানানসই ভাষাটির জগ্ন চতুর্দিকে হাতড়ে বেড়াচ্ছেন।<sup>২</sup>

মাইকেলের পৌরাণিক নাট্যে বিজ্ঞানগরী ভাষা; তাঁর 'একই কি বলে সভ্যতা'তে কলকাতার স্বাভা, 'বুড়া শালিকের বাড়ি রোঁ'তে গ্রাম্যকলের একাধিক ভাষা; এবং দীনবন্ধু মিত্রের ভাষাতে বিজ্ঞানগরী ও গ্রাম্য দুইই।

নীলদর্পণ সে যুগের বাঙলার বেদনা প্রকাশ করেই যে বিখ্যাত হয়েছিল সন্দেহ নেই, কিন্তু আমার মনে হয়, বিজ্ঞানগরী ভাষা ও মুসলমান চাষার ভাষা এ-দুয়ের সংমিশ্রণে তাঁর জগ্ন অনেকখানি দায়ী। অবশ্য শুধুমাত্র ভাষার বাহার যদি শুনেতে চান তবে 'বুড়া শালিকের' মতো নাটক হয় না। হিন্দু গৃহস্থ, হিন্দু চাকর, মুসলমান চাষা, চাষার বউ, হিন্দু দাসী এদের সকলেব আপন আপন ভাষার স্বস্থতম পার্থক্য মাইকেল যে কী কৃতিত্বের সঙ্গে ফুটেয়ে তুলেছেন তার তুলনা বাঙলা সাহিত্যে কোথাও নেই। নাটক হিসেবে এ-বই উদ্ভব—সাহিত্য হিসেবে ভাষার বাজারে এ-বই কোহিলুর।

অবাঙালীর জগ্ন পার্শী থিয়েটার করে প্রতিষ্ঠিত হয় আমি ঠিক জানি নে, কিন্তু বিস্তর বাঙালীও সেখানে যেত ও উর্-গুজরাটীতে মেশানো নাটক বরতে যে তাদের বিশেষ অস্ববিধে হত না সে তথ্য কিছু অজানা নয়। 'ছি ছি এতা জগ্নাল' জাতীয় জনপ্রিয়, বাঙলা-উর্তে মেশানো থিচুড়ি ঠাট্টা ব্যঙ্গের ভাষা কিছুটা হতোম আর কিছুটা পার্শী থিয়েটারের কল্যাণে।

ইতিমধ্যে ভাষাসম্ভার অনেকখানি সমাধান হয়ে যায় বঙ্কিমের কল্যাণে। বঙ্কিমের ভাষানির্মাণে কোন কোন উপাদান আছে সে-কথা আজ ইঙ্কলের ছেলে পর্যন্ত জানে। ডি এল. রায় শ্রেণী এর পূর্ণ সম্ব্যবহার করেন।

এইখানে এসে আমাদের সবাইকে—বিশেষ করে রবীন্দ্র-শিগ্গদের একটু বিপদে পড়তে হয়। রবীন্দ্রনাথের চলতি ভাষা যে তাঁর ছোটগল্প উপন্যাসের মাধ্যমে

২. শুনেছি সর্বপ্রথম নাকি এক রাশান এদেশে থিয়েটার করেন। তিনি তখন ইংরেজের পৃষ্ঠপোষকতা কতখানি পেয়েছিলেন, তার প্রভাব পববর্তী যুগের বাঙলা থিয়েটারে কতখানি পড়েছিল, এ-সব প্রশ্ন ভাষার বিচারে অবাস্তব।



আমাদের দৈনন্দিন কথা ভাষাকে প্রভাবান্বিত করেছে সে-কথা আমরা সবাই জানি, এবং তার প্রভাব যে আমাদের বঙ্গমঞ্চেও পড়েছে সে-ও প্রতি মুহূর্তে কানে বাজে। কিন্তু আমার মনে হয় তাঁর নাটকের ভাষা এত বেশী মার্জিত, এত শৈলী শূন্য যে নাট্যশালার আটপৌরে কাজ তা দিয়ে চালানো যায় না। তাই বোধহয় তাঁর নাটকের মূল্য সাহিত্য হিসাবে যত না সম্মান পেয়েছে এবং পাবে, নাট্য হিসাবে ততখানি পায়, পাবে কি না সন্দেহ।

\*

\*

গোড়াব দিকে ফিলিমের কোনো দুশ্চিন্তা ছিল না। কারণ সে তখন ভাসল না করে শোভা বর্নন করতো। ঠিক আমার সঙ্গে সঙ্গে চিন্তাশীল চিত্রচালককেই মনস্থির কবতে হল ঠিকির ভাষা ও উচ্চারণ হবে কি? এ-মুশকিলের একটা অতি সহজ সমাধান আছে। শরৎবাবু 'নিষ্কৃতি' করতে হলে তাঁর ডায়ালগের ভাষা দিলেই হল। এর আব ভাবনা কি?

মুশকিল আসান অত সহজ হয় না। প্রথমত কোনো কোনো বর্ণনা ডায়ালগে প্রকাশ করতে হয়; তখন উপায়? সেটা তৈরি করে দেবে কে? সে-কলম আছে কার? রবীন্দ্রনাথের বারোটি গান নিয়ে যখন দস্তী লেখকেরা মাঝখানে মাঝখানে 'আপন' পত্র ছুড়ে দিয়ে কিমপিয়ার (কঁপের) করেন, এবং দুই পাকা গানের মাঝখানে সেই কাঁচা বাঙলা স্তনতে হয় তখন মনে হয় না, থাক, বাবা, বাড়ি যাই?

কিন্তু সেইটেই প্রধান শিরঃপীড়া নয়। আসল বেদনা অন্যখানে। বইয়ের লেখা ডায়ালগ আর সিনেমায় উচ্চারিত কথাবার্তা এক জিনিস নয়। বই বন্ধজনের সঙ্গে পড়ে শোনানো যায়—তার পাল্লা অদূর অবদি। নাটো, পদ্যই সেটা অত্যধিক 'সাহিত্যিক'। অবশ্য নিছক ফিলিমের জন্ত লেখা রাবিশের কথা এখানে হচ্ছে না।

অন্যদিকে সিনেমার ভাষাতে যদি কোনো সাহিত্যিক মূল্যই না থাকে তবে দে ইন্সথেটিক পর্যায়ে উঠতে পারবে না। এই হল আমাদের দু-মুখো সাপ, ডিলেমা, প্যারাডক্স—যা খুশি বলতে চান বলুন।

প্রথম যখন মাথুর পাথরের বাড়ি তৈরি করতে শিখল তখন পূর্বতর যুগের কাঠের বাড়ির অঙ্ককরণে পাথরের বাড়ি তৈরি করতো; বাঙলা দেশে ইট চালু হওয়ার পর প্রথমটায় সে খড়ের চাল অঙ্ককরণ করেছে; বেতারের বয়স হয়েছে—এখনো সে নাটক করার সময় 'গিয়েডারে'র (থিয়েটারের নয়) অঙ্ককরণ করে—ফিলিম কেন অঙ্ককরণ করতে যাবে?

## ক্রন্দসী

- “আমার নামের মন্ত্রগুণে

উতলা নগররক্ষী আমন্ত্রণ শ্রুত

রোমাঞ্চিত ; সত্বর পশিল গৃহ মাঝে

পিছে বন্দী বজ্রসেন নতশির লাজে

আরক্ত কপোল । কহে রক্ষী হাত্ত ভরে,

‘অতিশয় অসময়ে অভাজন ’পরে

অযাচিত অহুগ্রহ’ ।”

ও: ভাষার কী জেঞ্জায় । ‘অতিশয় অসময়ে অভাজনে অযাচিত অহুগ্রহ—’  
‘অ’-য়ে ‘অ’-য়ে ছয়লাপ । তাও ইন্সপেক্টর জেনরেল্ অব্ পুলিশের মুখ ।

গল্পটি সকলেরই জানা । রবীন্দ্রনাথ এটি কণেবর জাতক থেকে নিয়েছেন । আজকের দিনের ভাষায় বলতে গেলে রাজ্যপালের মেয়ের আঙুটি হাি য়েছে । তুমুল কাণ্ড । স্বয়ং আই জি যখন চোর ধরে গবর্নমেন্ট হোর্সের দিকে যাচ্ছেন তখন মনে করুন মাতাহারি তাঁকে ডেকে পাঠিয়েছেন । তিনি কি তখন ‘উতলা’ এবং ‘রোমাঞ্চিত’ হবেন না ? তাঁর মুখে কি তখন থৈ ফুটবে না, চোখ দুটো পলকানাচ নাচবে না ! অবশ্য সামান্য ‘অ’ দিয়ে কবিত্বের প্রকাশ—রবীন্দ্রনাথ অতি মোলায়েম ইঙ্গিত দিয়েছেন যে পুলিশ এর বেশি আর কি কবিত্ব করবে ? তবে কিনা রবীন্দ্রনাথ যখন কবিতাটি লিখেছিলেন সেদিনের তুলনায় আজকের পুলিশ বড্ড বেশী লেখা-পড়া করে আপন সর্বনাশ টেনে আনছে !

আমার অবস্থা হয়েছিল বজ্রসেনের । সে চোর ।

আমি তখন বোম্বায়ে । আমার এক বন্ধু ব্যাঙ্কার । নাম জভেরী—অর্থাৎ জহরীর গুজরাটী সংস্করণ । এক বাঙালী ‘ফিলিম-এস্টেট’ের শাদী । তিনি তাঁর ব্যাঙ্কার জভেরীকে নেমতন্ন করেছেন । জভেরী ব্যাচেলর ; আমার সঙ্গে চম্ করে । স্টার সেটি জানতেন । লঙ্কোয়ে প্রতিপালিত বঙ্গরমণী এটিকেট-দুফুস্ত হয়, যত না প্রয়োজন তার চেয়েও বেশী । বিবেচনা করি আমারও নিমন্ত্রণ ছিল—কিন্তু কসম খেতে পারবো না ।

রোশনাই বাজি বাজনা যা ছিল তা এমন কিছু মারাত্মক খুনিয়া ধরনের নয় । কত্যা কুরূপা হলে এসবের প্রয়োজন । ইংরিজীতে বলে লিলি ফুলকে তুলি দিয়ে রঙ মাখাতে হয় না,— আজকের দিনের ভাষায় লিপিস্টিক্-রঞ্জ মাখাতে হয় না । যারা আছেন এবং যারা আসছেন তাঁদের এক এক জনই এক ধামা লিলি—না, দুই ধামা ।

দরিদ্র আবুহোসেন খুম ভাঙতে দেখে, সে, হৃন্দরীদের হাটে। কুঞ্জে গুঞ্জে গন্ধে অহুমান করলে সে খলীকা হক্কন-অব-রশীদের হারেমের ভিতর। সাক্ষাৎ পরীক্ষান।

আর আমি? অধুনা মৃত ভাকুর এপ্‌স্টাইন আমাকে 'বুদ্ধ নিছো'র মডেল করতে চেয়েছিলেন। কিন্তু হৃন্দরীরা আমাকে অবহেলা করেন নি। তাঁরা ভেবেছিলেন, আমিও বুকি ফিলিম স্টার—'হ্যাটিং'র ( 'সুটিঙ্' সাদামাটা সিনেমা বাবদে অজ্ঞানের শুদ্ধ উচ্চারণ। ) ড্রেস না ছেড়েই দাওয়াতে এসেছি।

আমি ভাল করেই জানি, আপনারা সব স্টারদেরই চেনেন, কিন্তু সবাইকে একসঙ্গে দেখেছেন কি না সে বিষয়ে সন্দেহ। তত্পরি আরেকটি ছোট কথা আছে। তারকার তুলনা দিয়েই নিবেদন করি। অরক্ষতী আকাশের ক্ষুদ্রতম তারকা। কিন্তু তিনি বর্শিষ্টের পাশে বসে যখন সপ্তর্ষির সাতটি তারকার একজন হয়ে দেখা দেন তখন মনে হয় ইনি না থাকলে সপ্তর্ষিব সাতটি তারকাই মিথ্যা হতেন।

শাদী মজলিসে তাই ক্ষুদ্রতম তারকাটিও চিত্তহারিণী হয়ে দেখা দিয়েছিলেন। এলেন, মনে করুন,—নামগুলো একটু উটেপাটে দিচ্ছি—শমশাদ বাহু লায়লা। পরনে সাটিনের পাজামা। পায়ের এক একটি ঘের অন্তত দু'হাত। স্বচ্ছন্দে যে-কোনো বঙ্গসন্তানের তিনটি পাজামা বা পাঁচটি পাতলুন হতে পারে। শমশাদ বাহুর কোমরটি বঙ্গরমণীর কাঁকনের সাইজ। তাই কোমর থেকে পদীর মতো ফোল্ডে ফোল্ডে সে পাজামা নেমে আসতে বোঝা গেল না তিনি মাডাম পম্পাড়রের ফ্রক পরেছেন, না ভাওয়ালের জমিদারবাড়ির লুঙ্গী পরেছেন, না ইরানী বেদেনীদের তাম্বু-পানা ঘাঘরা পরেছেন। আসলে নাকি একে লঙ্কোঈ বড়ী মুরী পাজামা বলে। তা সে যে নামই হোক আমার মনে হল আমি যেন খাসিয়া পাহাড়ে মুশমই জলপ্রপাতের সামনে দাঁড়িয়ে। বিজলির আলো প্রতি ফোল্ড বেয়ে যেন গলা রূপোর মতো ঝরনাধারায় পায়ের কাছে নেমে এসে শততরঙ্গে উচ্ছ্বসিত হয়ে উঠছে। সহজ ভাবায় বলতে গেলে শমশাদ বাহু লায়লা যেন আশ্চর্য হৃৎকুণ্ডে কটিতটটি ডুবিয়ে দাঁড়িয়ে আছেন।

এর সঙ্গে সে-যুগে লম্বা কুর্তা পরা হত। ইনি পরেছেন কফুলিকা বা চোলী। আমি মাত্র একবার সেদিকে তাকিয়েছিলুম।

মোগল বাদশা মারা গেলে যে ছেলে রাজা হত সে অন্তদের চোখ চোখেরই সুরমা পরার শলা দিয়ে কানা করিয়ে দিত। আমার দুটি চোখই যেন কানা হয়ে গেল। ও রকম কিংখাব আমি দেশ-বিদেশের কোনো জাদুঘরেও দেখি নি।

সোনা রূপোর জরি দিয়ে সে কিংখাবে এমনই কারুকার্য করা হয়েছে যে কিংখাবের একটি টানা-পোড়েনের রেশমী সূতোও দেখা যাচ্ছে না।

ঘাঘরাটি ছিল যেন শীতল ঝরণা ; এ যেন সাক্ষাৎ অগ্নিকুণ্ড।

চোলির হেথাহোথা দু-একটি মুক্তা গাঁথা। যেন বহি নির্বাচিত করার জগ্নু-ক্ষুদ্র হিমিকার নিষ্ফল প্রয়াস।

হু' কঁধ বেয়ে নেমে এসেছে বুলবুল্-চশ্ম্ ওড়না।

সেই ছেলেবেলায় দাদীমাকে বুলবুল্-চশ্ম্ শাড়ি পরতে দেখেছি : আর আজ তার-ই ওড়না। অতি স্বল্প মসলিনের এখানে ওখানে দুটি দুটি করে বুলবুলের চোখের (চশ্ম্) মতো ফুটো করে সে দুটি অতি ফাইন মুগা সিল্ক দিয়ে বোতামের ফুটোর মতো কাজ করা হয়। এ রমণীর রুচি আছে। ক্র্যাসিক্ পড়ে। বুলবুল্ চশ্ম্ কালিদাসের যুগের, তার নুলা ইনি জানেন।

আশ্চর্য! এলো গোপা। গান্‌মেটল রঙের কৃষ্ণনীল চুলের খোঁপাটি কঁধে শুয়ে আছে যেন কৃষ্ণকরবীর স্তবক শুভ্র ফুলদানিতে ঘুমিয়ে আছে।

\*

\*

হঠাৎ দেখি এক চোখ-ঝলসানো হৃন্দরী, বিধবার থান পরে! ইনি বিয়ের পরবে কেন? আমাদের দেশে ত্রো কড়া বারণ। তখন আবার দেখি তাঁব হাতে কেনা-ভর্তি শ্রাম্পেনের গেলাস। নাঃ, ইনি সত্ত্ব স্টুডিয়ো থেকে শুটিঙ অর্ধসমাপ্ত রেখে এসেছেন।

\*

\*

আরো অনেকেই ছিলেন। বেবাক বর্ণনা দিতে হলে ভামাম পূজা সংখ্যাটা আমাকেই লিখতে হয়। খচায় পুষাবে না—সম্পাদক জানেন।

ইতিমধ্যে কৃষ্ণলাল জভেরী এসে আমাকে নিয়ে চললেন সেই তারকা যজ্ঞশালার প্রান্তদেশে অনাদৃত উমিলার অবস্থা থেকে টেনেহিঁচড়ে অগ্ন প্রান্তে। কি ব্যাপার? জভেরী উত্তেজনার মদ্যিথানে ইংরিজী ভুলে গিয়ে শুজরাটাতে কি যেন 'হু'হু' করলে। কে যেন আমাকে ইন্টারভ্যু দেবে। আমি বেকার। বিধি তবে দক্ষিণ। অগ্ন প্রভাতের সবিতা প্রসন্নোদয় হয়েছেন। আশো ইন্টার হব।

শয়শায় বাহু লায়লা হুহু হাস্য করলেন। ফিল্ম-স্টারের ধবধবে সাদা দাঁত নয়। গোলাপীর চেয়েও গোলাপী রঙের অতি ক্ষীণ একটি ফিল্ম—ফিল্ম-স্টারের দাঁতের উপর। কি সুন্দর! তাই বৃদ্ধি কালিদাস তাঁর নাট্যকার দাঁতের সঙ্গে রাঙা অশোকের তুলনা দিয়েছেন—শুভ্র বন-মল্লিকার সঙ্গে দেন নি। আগেই

বলেছি, ইনি ক্লাসিকল। পানের রস গ্রহণ করতে জানেন। অল্প পান কিন্তু জানেন না। হাতে লেমন-দ্রোয়াশ।

শুধালেন, ‘আপনি দার্শনিক?’

আমি জভেরীকে ধমক দিয়ে বললুম, ‘জভেরী!’

জভেরী ভীর্ণ। বললে, ‘আমি কিচ্ছ বলি নি।’

আমি বীবী সাহেবাকে চালাকি করে শুধালুম, ‘আমাকে কি এতই বিজ্ঞ মনে হয়?’

‘বুদু মনে হয়। বিজ্ঞ মনে হয় খ্রিস্টাবকে, ব্যাকারকে, পোকার খেলাড়ীকে।’

বাধা হয়ে বললুম, ‘না। আমি দার্শনিক নই। আমি দর্শনের শত্রু ধর্ম নিয়ে নাড়াচাড়া করি।’

শমশাদ বাহুর মুখে তুপির চিহ্ন ফুটলো।

এত দিনে আমার নীরস শাস্ত্রচর্চা ধন্য হল।

বললেন, ‘সে তো আরো ভালো। আমি তাই খুঁজছিলুম। আচ্ছা বলুন তো—’ বলে তিনি যেই একটু থেমেছেন, আমি তাড়াতাড়ি বললুম, ‘বীবী সাহেবা, এই জায়গা কি ধর্ম-চর্চার পক্ষে প্রশস্ত?’

অবহেলার সঙ্গে বললেন, ‘নয় কেন? পাপীরাই তো ধর্মচর্চা করবে। ধার্মিকদের তো ওসব হয়ে গিয়েছে। তেলো মাগায় ব্রিলেণ্টাইন? সে-কথা থাক। আমি শুধোতে চাই, কেউ যদি মরে যায় (আমাব মনে হল শমশাদ কেমন যেন একটু শিউরে উঠলেন) তবে আমি মরে গেলে তাঁকে দেখতে পাবো কি?’

আমি শুধালুম, ‘কোন ধর্মমতে?’

‘সে আবার কি?’

‘আমি “ভুলনাস্ত্রিক ধর্মশাস্ত্র” চর্চা করি।’

‘তার মানে?’

‘এই মানে ধরুন, পৃথিবীতে হিন্দু, মুসলমান, খ্রীষ্টান মেলা ধর্ম আছে। আমি প্রত্যেক ধর্মের জন্ম, যৌবন, বর্তমান অবস্থা,—কে কি বলে তাই পড়ি। যেমন প্রত্যেক দেশের ইতিহাস হয়, তেমনি প্রত্যেক ধর্মের ও ইতিহাস হয়।’

একটু অসহিষ্ণু হয়ে বললেন, ‘আমি অতশত বুকি না। আমি কিলুম কাজ করি, আমি পণ্ডিত নই। আমি জানতে চাই, এত সব ধর্ম পড়ার পর এ-বিষয়ে আপনার ব্যক্তিগত, পার্সনাল মতটা কি?’

মহা ফাঁপরে পড়লুম। বললুম, 'আমি কখনো ভেবে দেখি নি। মুসলমান ধর্ম বলে—'

বাধা দিয়ে বললেন, 'থাক। আপনি তাহলে একটি আস্ত চিনির বলদ। ধর্ম বয়ে বেড়াচ্ছেন—কখনো কাজে লাগান নি।'

আমি বললুম, 'ধর্ম কি মশলা বাটার জিনিস! নামাজের কার্পেট দিয়ে কি মাহুয বিছানা বাঁধে?'

অতি শাস্তকণ্ঠে বললেন, 'না। কিন্তু নামাজের কার্পেটে মাহুয নামাজ পড়ে; ওটা শিকের তুলে রাখে না।'

আমি বললুম, 'আপনার সঙ্গে আলাপ হওয়াতে ফিল্ম-স্টারদের সম্বন্ধে আমার ধারণা বদলে গেল। আপনি নিশ্চয়ই বিস্তর লেখাপড়া করেছেন।'

'কী আশ্চর্য! এ তো কমন্-সেন্সের কথা। এটা না থাকলে প্রডুসার, ডিরেক্টর, এডমায়ারার, লাভারের দল আমাকে কুটিকুটি করে ফেলতো না! ওসব কথা থাক। আপনি আমার কথার উত্তর বেশ চিন্তা করে দিন।' তারপর জভেরীর দিকে তাকিয়ে বললেন, 'ওহে জভেরী, ওঁকে একটা শ্যাম্পেন দাও না?'

আমি মাথা নেড়ে বললুম, 'থাক। আপনার পাল্লায় পড়ে আমার বিশ বছরের নেশা কল্পুর হয়ে গেছে। আড়াই ফোঁটাতে আর কি হবে, লায়লীবাহু!'

একটু হেসে বললেন 'আপনার মুখে "লায়লী" বেশ মিষ্টি শোনায়।'

সব্বোনাম! সব্বোনাম! এ যে ডবল এটাক। পিনসার মুভমেন্ট।

ওড়নাটি ভালো করে গায়ে জড়িয়ে নিয়ে চেয়ারে যে ভাবে চেপে বসলেন তাতে বললুম যে এঁর গায়ে কাবুলী রক্ত আছে। উত্তর না নিয়ে উঠবেন না।

মুখের দিকে তাকিয়ে দেখি, চোখ দুটি বন্ধ—বড় শাস্ত প্রশান্ত নিস্তর্র ভাব। ঐ বেশ পরা না থাকলে মনে হত তপস্বিনী, কঠোর ব্রতচারিণী সূফী রমণী।

আমি আস্তে আস্তে বললুম, 'আমার মনে হয়,—' থামলুম। কোনো উত্তর নেই।

কিছুক্ষণ পর ফের বললুম, 'আমার মনে হয়—'

অল্প একটু 'ঐ' শুনতে পেলুম।

'—যে পুণ্যবান লোকের কোনো কামনা আল্লাতলা অপূর্ণ রাখেন না।'

\*

\*

আমি জানি, চতুর্দিকে তখন হৈ-ছল্লোড়। কিন্তু আমার মনে হল যেন আমি মরুভূমির মাঝখানে হুপুর রাত্রে জেগে উঠেছি। দিবাভাগের আতপতাপে দক্ষ

সব কাকেলার মাছুষ উট গাধা ঘোড়া সবাই অকাতরে ঘুমুচ্ছে। আকাশের নৈশক্যাকেও যেন মরুভূমির নৈশক্যা হার মানিয়েছে। কোথা থেকে এল এ শাস্তি, এ বিধান? তাকিয়ে দেখি, লায়লার মুখ থেকে।

ততক্ষণে জভেরী শ্রাম্পেন নিয়ে ফিরেছে।

লাহুলা উঠে বললেন, 'আপনার কথা ঠিক।'

তারপর জভেরীকে রাজেশ্বরীর কণ্ঠে বললেন, 'তুমি থাকো। আমি একে বাড়ি পৌঁছে দিচ্ছি।'

গাড়িতে একটি কথাও হয় নি।

আমি নামবার সময় তাঁকে 'আদাব আরজ, খুদা হাফিজ' বললুম। তিনি সযত্নে আমার ডান হাত আপন ছ'হাতে ধরে মুহূ চাপ দিলেন। সে চাপে ছিল বন্ধুত্ব, সহনশীলতা। ফিল্ম-স্টারের হাতের চাপ আমি এর আগে, এখন এবং এর পরেও কখনো পাই নি।

মধ্যরাত্রি অবধি খাটে শুয়ে শুধু শাস্তি অনুভব করেছিলুম।

রাত তিনটেয়, বোরহয়, একবার ধড়মড় করে জেগে উঠে ফের শুয়ে পড়েছিলুম।

\*

\*

সকালে উঠে দেখি, জভেরী ব্যাঙ্কে চলে গিয়েছে।

তারপর দেখি, পূব রাত্রির প্রসন্নতা মন থেকে সম্পূর্ণ নিশ্চিহ্ন হয়ে গিয়েছে।

কী যেন এক অজানা অস্বস্তির ভাব সর্ব দেহমন অসাড় বিকল করে দিয়েছে। ফোন বাজল। জভেরী চিৎকার করে কি বলছে।

'শোনো, কাল রাত তিনটেয় শমশাদ আগ্নেহত্যা করেছে। দুটো চিঠি রেখে গিয়েছে। একটা পুলিশকে, একটা তোমাকে। তোমার চিঠিটার নকল যোগাড় করেছি। লিখেছে, 'মাই ডিয়ার এম, তোমার কথাই ঠিক। আমি চললুম। দেখা যখন তাঁর সঙ্গে হবেই তখন আর গেরি• করে লাভ কি? আমি জানি আত্মহত্যা পাপ। আমার সব পুণ্যের বদলে এটা মাফ হয়ে যাবে।'

এখন মনে পড়ছে সন্ধ্যার সময় জভেরী বাড়ি এসে আমার হাত থেকে কোঁচন নামিয়েছিল।

এ-জীবনে এই প্রথম ধর্মোপদেশ দিয়েছিলুম। আর এই শেষ ॥

## ছুন্দর কা সिरुपर चःमेलि का तेल

लिकोडाफोन रेकडेर कथा अनेकेइ सुनेछेन । ए-रेकडुङ्गलोर साहाय्ये-  
दिली-विदेशी ये-कोनो भाषा अति चमत्कार रूपे शेखा याय । रेकडुङ्गलोते  
बड बड भाषा एवं उच्चारणविदरा गोडार दिके खुब सहज भाषाय कथावार्ती  
बलेछेन, क्रमे कठिन थेके कठिनतर हये शेषेर रेकडुङ्गलोते एमान बेगे  
बलेछेन ये, सेटा आयत्त करते पारले आपनि से भाषाय निजेके ङकीबहाल  
बले परिचय दिते पारबेन । प्रथम एकथानि रेकडु निये बार बार सेटा  
सुनते हय । तारपर प्रश्रकता ङ उद्भरदातार सङ्गे सङ्गे गला मिलये, सामने  
पाठापुस्तकेर दिके चोष रेथे उच्चारण करे येते हय । पाठापुस्तके आबार  
‘अभुशीलन’ ङ थाके । सङ्गे सङ्गे सेङ्गुलाङ्ग करते हय । ‘की’ दे ङया आछे ।  
ताई दिये तुलङ्गलो मेरामत करे निते हय ।

बुद्धि-बुद्धि विशेष प्रयोजन नेई । सुधु गावार थाटुनि आर साहसुता वा  
निष्ठा कंवा बलते पारनेन ‘लेगे थाका’र प्रयोजन ।

आमार अविज्ञताप्रसूत ब्याक्तगत सुदृढ विश्वास, पृथिवीर बेशीर भाग जिनिस्  
शेखार जन्म आकेल-बुद्धि प्रयोजन अति सामान्य । आसले प्रयोजन गाधार  
थाटुनि । बाङ्गलाय वा अथ ये-कोनो भाषाते शब्द-भाङ्गारेर श्रुवाङ्क करते हले  
बुद्धि प्रयोजन कोथाय ? ‘पद्म’ शब्देर प्रतिशब्द ‘कमल’, ‘सरोज’, ‘परुज’  
अथते हले काडुके माईकेलेर मतो मेधावा हते हय ना, प्रयोजन हय ङ  
कमे रोज लेगे थाकार । कारो मुख् हय एक दिने, कारो लागे तिन दिन ।  
उफां एटुकु मात्र । शयं माईकेलई नाक बलेछेन, जिनयासेर २२%  
पार्सापरेसन, अथां माथार धाम पाये फेला, आर मात्र एक पार्सेण्ट ईन्सापरेसन,  
अथां विधिदत्त प्रातभा ।

सुधु मात्र माथार धाम पाये फेले माईकेलेर मतो काव्य रचना करा याय  
ना । किन्तु निष्क थाटुनिर जेरे ये कोनो भाषार अस्तुतः एतथानि आयत्त  
करा याय ये, देशेर २२% लोक ताके ङ भाषाय पाङ्गत बले मेने नेय ।

एवं एई सोनार बाङ्गलार २२% लोक थाटते राजी नय । रेङ्गयज्ज ना  
करेई से गाङ्गाईया हये याय, नित्य नवीन नाच ‘कम्पोज’ कइते थाके ।

किन्तु से-कथा थाक । परानन्दा वा आपन नन्दा—आमिं तो बाङ्गाली  
बटि—करे आमिं पुजेर बाजारे रसभङ्ग करते चाई ने । ताई मूल कथा अद्विष्ट  
कर ।



এই লিঙ্কোয়াফোন রেকর্ড পস্তনের প্রথম যুগে বার্নার্ড শ<sup>১</sup> চারটি বক্তৃতা দেন। সেগুলো কিনতে পাওয়া যায়। অতি হৃন্দষ্ট উচ্চারণে স্বয়ম্বুর ভাষণ। ব্যাক-কৌতুক, রস-স্বাষ্ট, আর তথ্য-পরিবেশ তো আছেই।

কথাপ্রসঙ্গে তিনি বলছেন,

“...হয়ত তুমি চালাক ছেলে। আমাকে শুধালে, তা হলে কি আমি সব সময় একই ধরনে কথা বলি ?

“আমি সঙ্গে সঙ্গেই স্বীকার করে নিচ্ছি, আমি কবি নে। কেউই করে না। এই তো এই মুহূর্তে আমি হাজার হাজার গ্রামোফোনওলাদের সামনে কথা বলছি, এদের অনেকেই আমার প্রত্যেকটি শব্দ, প্রত্যেকটি কথা প্রাণপণ বোঝবার চেষ্টা করছে। বাড়িতে আমি আমার জীৱ সঙ্গে যে রকম বেখেয়ালে কথা কই, এখন যদি তোমাদের সঙ্গে সেরকমধারা কথা কইতে যাই, তা হলে এ রেকর্ডখানা কারো এক কড়ির কাজে লাগবে না; আর এখন তোমাদের সঙ্গে যে রকম সাবধানে কথা বলছি, সেরকম যদি স্থীর সঙ্গে বাড়িতে বলি তা হলে তিনি ভাববেন আমার বন্ধ পাগল হতে আর বেশী বিলম্ব নেই।

“জনসাধারণের সামনে আমাকে বক্তৃতা দিতে হয় বলে আমাকে সাবধান থাকতে হয় যে, বিরাট হলের হাজার হাজার লোকের শেষ সারির প্রোতাও যেন আমার প্রত্যেকটি কথা পরিকার শুনতে পায়। কিন্তু বাড়িতে ব্রেকফাস্টের সময় আমাব জী আমার থেকে মাত্র দু’ফুট খানেক দূরে বসে আছেন। তাই বেখেয়ালে এমন ভাবে কথা বলি যে, তিনি আমার কথার উত্তর না দিয়ে প্রায়ই বলেন, ‘ও রকম বিড়বিড় করো না; আর দেখো, কথা বলার সময় অল্প দিকে ঘাড় ফিরিয়ে না। তুমি যে কি বলছো আমি তার কিছু শুনতে পাচ্ছি নে।’ এবং তিনিও যে সব সময় সাবধানে কথা বলেন তা-ও নয়। আমাকেও মাঝে মাঝে বলতে হয়, ‘কি বললে?’<sup>১</sup> আর তিনি সন্দেহ করেন যে, আমি ক্রমেই কালা হয়ে যাচ্ছি, অবশ্য তিনি সেটা আমাকে বলেন না। আমি সস্তর পেরিয়ে গিয়েছি—কথাটা হয়ত সত্য।

“কিন্তু এ-বিষয়ে কণামাত্র সন্দেহ নেই যে, রাজস্বরানীর সঙ্গে কথা বলার মতো আমি যেন আমার জীৱ সঙ্গে কথা কই এবং তাঁরও বলা উচিত যেন তিনি রাজস্ব

১ এখানে শ<sup>১</sup> ইচ্ছে করেই ‘আই বেগ ইয়োর পাডন’ কিংবা ‘এক্সকিউজ মি’ বলেন নি। ইঙ্গিত রয়েছে যে, বাড়িতে জীকে আমরা পোশাকী আদবকায়দা দেখাই নে।

সঙ্গে কথা বলছেন। তাই উচিত; কিন্তু আমরা তা করি নে।

“আমাদের আদব-কায়দা দু’রকমের—একটা পোশাকী, অন্যটা ঘরোয়া। কোনো অপরিচিতের বাড়িতে গিয়ে যদি দরজার ফাঁক দিয়ে ওদের কথাবার্তা শোনো—অবশ্য আমি আদর্শেই বলতে চাই নে যে এরকম অল্প আচরণ তোমার পক্ষে আদর্শ সম্ভব—কিন্তু তবু, ভাষা শেখার অত্যধিক উৎসাহে ভূমি যদি কয়েক মুহূর্তের তরে এরকম অপকর্ম করে শোনো, পরিবারের লোক বাইরের কেউ না থাকলে আপোসে কি ধরনে কথা বলে এবং পরে যদি ঘরে ঢুকে ওদের কথা শোনো তাহলে তোমার সামনে ওদের কথা বলার ধরন দেখে রীতিমত অপাক হয়ে যাবে। এমন কি, আমাদের ঘরোয়া কায়দা-কেতা পোশাকী কায়দার মতো উত্তম হলেও—আসলে আবার ভালো হওয়া উচিত—তাদের মধ্যে সব সময়ই পার্থক্য থাকে এবং সে পার্থক্য অল্প সব কায়দা-কেতার চেয়ে কথাবার্তাতেই বেশী।

“মনে কর ঘড়িটাতে দম দিতে ভুলে গিয়েছি; ওটা বন্ধ হয়ে গিয়েছে! কাউকে তা হলে জিজ্ঞেস করতে হয়, ক’টা বেজেছে? অপরিচিত কাউকে জিজ্ঞেস করলে বলবো, ‘কটা বেজেছে, বলতে পারেন?’ সে তখন প্রত্যেকটি কথা পরিষ্কার শুনতে পায়, কিন্তু যদি স্ত্রীকে ঐ কথাই শুধাই তবে তিনি সর্বসাহুল্যে শুনতে পান ‘কটা বেজে?’ তাই তাঁর পক্ষে যথেষ্ট; কিন্তু তোমাকে জিজ্ঞেস করলে ওরকম বললে চলবে না। তাই এখন তোমাদের সামনে কথা বলছি স্ত্রীর সঙ্গে কথা বলার চেয়ে অনেক বেশী সাবধানে! কিন্তু পদ্মাটি, ওকে সেটি বলো না।”

শ’ কথাগুলি বলেছেন প্রধানত উচ্চারণ সম্বন্ধে। কারণ, তিনি রেকর্ডের মারকতে বিদেশীকে ভালো ইংরিজী উচ্চারণ শেখাতে চেয়েছেন। কিন্তু তাঁর এই নীতি যে ‘আমরা সর্বত্রই একই উচ্চারণে কথা বলি নে’, ভাষা সম্বন্ধে আরো বেশী প্রযোজ্য। শব্দ, ইডিয়ম, প্রবাদ ইত্যাদি আমরা সকলের সামনে একই ভাবে বাছাই করে প্রয়োগ করি নে।

খণ্ডের মশায়ের সামনে ঘাড় নিচু করে, হাত-পা দিয়ে বায়ু সমূহ মন্থন করা কিছুকণের মত স্বগিত রেখে বলি,

‘আজ্ঞে, রামবাবু বললেন, ঐ ব্যাপার নিয়ে আমি যেন হুশিঙ্কা না করি।’

পিতাকে বলি, ‘রামবাবু বললে, যাও, ও-কথা তোমাকে ভাবতে হবে না।’

রকের ইয়ারকে বলি, ‘ব্লা রেমোটী কি বললে জানিস? বললে, “যা যা

হৌড়া, মেলা ভেঁপোমি কস্তি হবে না, আপন চরকার তেল দে গে যা।”

শ’ সর্বোচ্চ উদাহরণ দিয়েছেন তাঁর স্ত্রীকে নিয়ে। সেটা কিছুমাত্র অস্বাভাবিক নয়। তিনি যে তাঁর স্ত্রীকে সমবে চলতেন, এমন কি ডরাভেনও, সে-কথা কারো অজানা নেই। আর ডরায় না কে? ‘পরতন্ত্র’ পড়ে দেখুন—বিষ্ণুশর্মার লেখাটা নয়, অস্ত্র একজনের। লাইব্রেরী থেকে ধার করে নয়, কিনে। লোকটা অস্বাভাবে আছে।

তাই প্রশ্ন উঠবে, উপরের যে রিপোর্টটি পাত্রভেদে ভিন্ন ভিন্ন রূপ ধারণ করছে, সেটি যদি বউয়ের কাছে নিবেদন করি, তবে সেটা কি রূপ নেবে?

সেটা সম্পূর্ণ নির্ভর করবে, বউ কি শুনতে চান। তিনি যদি শুনতে চান, ‘রামবাবু ঐ কাজে ভারটা আপন কাঁধে তুলে নিয়েছেন, আপনাকে তাই নিয়ে আর মাথা ঘামাতে হবে না, তাহলে তো আপনি নিষ্পরোয়া হয়ে গিয়ে তেরিয়া মেরে চড়াকসে বলবেন, “ঠ্যা, ঠ্যা গিন্নী, যা কয়েছো।” আমি যতই বলি, “রামবাবু, আপনাকে কিছুটা চিন্তা করতে হবে না। আমি সব বোঝা কাঁধে নিচ্ছি”, তিনি ততই আমার পিঠে হাত বুলিয়ে বলেন, “না ভায়া, ও কাজ আমার—তোমাকে দেখতে হবে না।” কি আর করি? গুঁর হাতেই সব ছেড়ে দিয়ে এলুম।’

আর যদি গিন্নী উটেটা আশা করে থাকেন? অর্থাৎ আপনি যদি মিশনে ফেল মেরে এসে থাকেন? তাহলে? তাহলে ‘ঈশ্বর রক্ষতু’।

গলা সাক করে ইদিক-উদিক তাকিয়ে কাঁচুমাচু হয়ে বললেন, “—”

আবার বলছি তখন ঈশ্বর রক্ষতু। আমি আর কি বলবো। চরিত্র বছর হল বিয়ে করেছি। এখনো সে ভাষা শিখতে পারি নি।

মূল কথায় ফিরে যাই।

এ তো হল কথাবার্তায়। সাহিত্যে এ জিনিসটি আরো প্রকট।

সেখানে কাকে উদ্দেশ করে লিখছেন সেটাতো আছেই, তার উপরে আছে বিষয়বস্তু।

কালীপ্রসন্ন সিংহ যখন মহাভারতের অল্পবাদ করেছেন তখন ব্যবহার করেছেন সংস্কৃতশব্দবহুল ভাষা, কারণ বিষয়বস্তু এপিক, গুরুগম্ভীর। ‘হৃতোর প্যাচার মল্লা’য় তিনি ব্যবহার করেছেন ‘রকে’র ভাষা। কারণ সেখানে বিষয়বস্তু ‘বেলেলাপনা’, অস্ত্রএব চতুল এবং সেই কারণেই ‘মেঘনাদবধে’র ভাষা এক, ‘একেই কি বলে সভ্যতা’র ভাষা অস্ত্র। ‘কৃষ্ণচরিত্রে’র ভাষা এক, ‘কমলাকান্তে’র ভাষা অস্ত্র।

এমন কি ধরুন, বিষয়বস্তুও এক, কিন্তু সেখানে পরিবেশ এবং পাত্র ভিন্ন বলে ভাষাও ভিন্ন হল। ‘পারস্ত্র ভ্রমণে’ রবীন্দ্রনাথ কথা বলছেন ঐ দেশের অভিজাত সম্প্রদায়, গুণীজ্ঞানীদের সঙ্গে—তাই তার ভাষা এক এবং ‘মরুভূমি-হিংলাজে’র পাত্রপাত্রী অতি সাধারণ জন—এমন কি রিফ্র্যাক্—তাই তার ভাষা অন্য; ‘মরুভূমি’ ‘পারস্ত্র’র চেয়ে ভালো না মন্দ সে-কথা উঠছে না। দুটোই রসসৃষ্টি, কিন্তু দুটো আলাদা জিনিস।

অর্থাৎ বিষয়বস্তু—কন্টেন্ট—তার শৈলী এবং ভাষা—স্টাইল—নির্বাচন করে। সেখানে উণ্টোপাণ্টা করলে রসসৃষ্টি হয় না।

‘বন্ধিমের ভাষার অমুকরণ করবে’—ছেলেবেলা থেকেই সে উপদেশ শুনছি এবং ধবে নিয়েছি সে ভাষা ‘বাক্সিংহ’, ‘দুর্গেশনন্দিনী’ব ভাষা।

ঐ ভাষা দিয়ে পাড়ার কানাই-বলাইয়ের কাহিনী লিখতে গেলে কর্ম ও কন্টেন্টে যে দম্ব উপস্থিত হয়, তার ফলে বাবে বারে ভাল কাটে। শব্দ চাটুজ্জব প্রথম যৌবনের লেখাতে তার নিদর্শন প্রচুর পাওয়া যায়। প্রৌঢ় বয়সে তিনি তার আপন ভাষা পেয়ে বিষয়বস্তুব সঙ্গে ভাল রেখে অদ্ভুত তবলা শোনালেন।

এমন কি ‘গোরা’, ‘যোগাযোগ’, ‘শেষের কবিতা’ব ভাষা দিয়ে ‘কচিসংসদ’ লেখা যায় না।

তাঁই রবীন্দ্রনাথ বা বন্ধিমের অমুকরণ (ইমিটেশন) সহজেই হতুকরণ (এপিং) হচ্ছে যেতে পারে ॥

### আর্ট না অ্যাক্সিডেন্ট

আর্ট বলতে আমরা আজকাল মোটামুটি রস ই বুঝি। তা সে কাব্যে, চিত্রে, স্নায়ুর্থে, সঙ্গীতে যে কোনো কলাব মাধ্যমেই প্রকাশিত হোক না কেন।

এখন প্রশ্ন আর্ট বা রসের সংজ্ঞা কি? সে জিনিস কি? তাব সঙ্গে দেখা হলে তাকে চিনব কি করে? অজ্ঞান বস থেকে তাকে আলাদা করব কি করে? সবস আর্ট কোন্টা আব নিরসই বা কোন্টা?

প্রাচীন ভারত, গ্রীস এবং চীন—এই তিন দেশেই এ নিয়ে বিস্তর আলোচনা হয়েছে এবং অধুনা পৃথিবীর বিদগ্ধ দেশ মাত্রেই এ নিয়ে কলহ-বিসংবাদের অন্ত নেই। বিশেষ করে যবে থেকে ‘মডার্ন আর্ট’ নামক বস্তুটি এমন সব ‘রস’ পরিবেশন করতে আরম্ভ করলে যার সঙ্গে আমাদের কণামাত্র পরিচয় নেই।

এলোপাতাড়ি রঙের পৌছকে বলা হল ছবি, অর্থহীন কতকগুলো ছবোধ শব্দ একজোট করে বলা হল কবিতা, বেহুতো বেতলা কতকগুলো বিদ্যুটে ধনির অসম্বন্ধ করে বলা হল সঙ্গীত। বলছে যখন তখন হতেও পারে, কিন্তু না পেলাম রস, না বুঝলাম অর্থ, না দিয়ে গেল মনে অল্প কোনো রসের ব্যঞ্জনা বা ইঙ্গিত। তাই বোধহয় হালের এক আলংকারিক মডার্ন ভাস্করের সংজ্ঞা দিতে গিয়ে বলেছেন, যখন ভাস্কর এক বিরাট কার্টের গুঁড়ি নিয়ে তার উপর ছ'মাস ধরে প্রাণপণ বাটালি চালানোর পর সেটাকে কাঠের গুঁড়ির আকার দিতে পারেন, এবং নিচে লিখে দেন “কার্টের গুঁড়ি”—তখন সেটা ‘মডার্ন ভাস্কর’।

ইতিমধ্যে এই মডার্ন আর্টের বাজারে একটি নূতন জীব ঢুকেছেন এবং সেখানে হলস্থল বাধিয়ে তুলেছেন—এর নাম অ্যাকুসিডেন্ট, বাঙলায় দুর্ঘটনা, দৈবযোগ, আকস্মিকতা যা খুশী বলতে পারেন।

এঁর আবির্ভাব হয়েছে সুইডেনের মতো ঠাণ্ডা দেশে—যেখানে মানুষ ঠাণ্ডাভাবে ধীরে-সুস্থে কথা কয়, চট করে যা-তা নিয়ে খামখা মেতে ওঠে না।

\*

\*

সুইডেনের মহাসম্মানিত ললিত কলা আকাদেমির বিজ্ঞ বিজ্ঞ প্রফেসর, কলারসিক গুলীজ্ঞানীরা অকস্মাৎ কিংকতবাবিমূঢ় হয়ে কণ্ঠমূলের পশ্চাদ্দেশ কণ্ঠন করতে লাগলেন। তাঁদের মহামান্ত্রবর প্রেসিডেন্ট তো খুদাতাঙ্গার হাতে সব-কিছু ছেড়ে দিয়ে সোজাসুজি বলেই ফেললেন, ‘কি কবি, মশাইবা, বলুন। কে জানত শেষটায় এ-রকমখারা হবে? আজকাল নিত্য নিত্য এত সব নয়! নয়া এক্সপেরিমেন্ট হচ্ছে যে, কোন্টা যে এক্সপেরিমেন্ট আর কোন্টা যে অ্যাকুসিডেন্ট কি করে ঠাণ্ডারাই? আমরা ভেবেছি, চিত্রকর ফাল্‌স্ট্রোয়াম্ আর্টের ক্ষেত্রে একটা অভিনব নবীন পন্থা আবিষ্কার করতে পেরেছেন এবং তাই ভেবে ঐ ছবিটাও একজিবিশনের অগ্ন্যাগ্ন ছবির পাশে টাঙিয়ে দিয়েছি—’

ওদিকে আর্টিস্ট ফাল্‌স্ট্রোয়াম্ বেগে দিগ্বিদিক জ্ঞানশূন্য হয়ে সর্পত্র চেঁচামেচি করে বলতে লাগলেন, ‘ঠাঁক লোকচক্ষে হ'ল করাব মানসে দুই লোক কুমতলব নিয়ে এই অপকর্মটি করেছে।

অপকর্মটি কি?

ফাল্‌স্ট্রোয়াম্ ছবি আঁকার সময় একখানা ম্যাসনাইটের টুকরোর মাঝে মাঝে তুলি পুঁছে নিতেন। কাজেই সেটাতে হরেক রকম রঙ পেগে থাকার কথা। ঐ সময়ে সুইডিশ ললিত-কলা আকাদেমি এক বিরাট মহতী একজিবিশনের ব্যবস্থা করেন—‘স্বতঃস্ফূর্ত কলা (স্পন্ট্যানিসমুস বা Spontaneous art) ৩

তার সর্বাকৌণ বিকাশ' এই নাম দিয়ে সে চিত্রপ্রদর্শনীতে সুইডেন তথা অস্ট্রা-  
লেশের স্পন্টানিস্‌মুস কলার উত্তম উত্তম নিদর্শন তাতে থাকবে। ( ক্যুবিজম,,  
দাদাইজমের মতো স্পন্টানিয়েজম-ও এক নবীন কলাসৃষ্টি পদ্ধতি—আমি অবশ্য  
এখানে সে প্রশ্ন তুলছি নে যে সার্থক কলাসৃষ্টি মাত্রই স্পন্টোনিয়াস বা স্বতঃস্ফূর্ত  
হয়ে থাকে,—বিশেষ পদ্ধতিকে এ নাম দিলে তাকে চেনবার কি যে সুবিধে হয়  
বোঝা কঠিন। )

এখন হয়েছে কি, আর্টিস্ট ফাল্‌স্ট্যাম্‌ তাঁর অগ্র ছবি যাতে কবে ডাকে যাবার  
সময় জখম না হয় সেই উদ্দেশ্যে ঐ বস্ত্রবেবস্ত্রের ম্যাসনাইটের টুকরোখানা তাঁর  
ছবির উপরে বেখে চিত্রপ্রদর্শনীতে পাঠিয়েছিলেন। আকাদেমির বড় কর্তারা  
ডাবলেন, এটাও মহৎ আর্টিস্টের এক নবীন মহান কলানিদর্শন এবং পরম  
শ্রদ্ধাভবে সেই ম্যাসনাইটের টুকরোটির নিচে আর্টিস্টের স্বনামখ্যাত নামটি  
লিখে ঝুলিয়ে দিলেন আর্টিস্টের অগ্র ছবির পাশে।

ব্যাপারটা যখন ধরা পড়ল তখন আর্ট সমালোচকরা কি যে কববেন ঠিক  
করতে না পেরে চূপ কবে গেলেন আর সুইডেনবাসী আপনাব আমার মতো  
সাধাবণজন মুখ টিপে হাসলে যে বাধা বাধা পণ্ডিতেরা ঐ 'স্বতঃস্ফূর্ত' বসিকতাটা  
ধরতে না পেরে ফাঁদে পা ফেলেছেন বলে।

কিন্তু এইখানে ব্যাপারটাব গোড়াপত্তন মাত্র।

সুইডেনের কাগজে কাগজে তখন আলোচনা আরম্ভ হল এই নিয়ে : একথানা  
উটকো কাঠ জাতীয় জিনিসের উপর এলোপাতাড়ি রঙের ছোপকে যদি পণ্ডিতেরা  
আর্ট বলে মেনে নিতে পাবেন তবে তাঁদের ঢাক ঢোল পেটানো এই মহাসাধনার  
'মর্ডার আর্ট'ব মূল্যটা কি ?

\*

\*

ওইভিন্দ ফাল্‌স্ট্যাম্‌ সুইডেনের নাম কবা তরণ চিত্রকর। তিনি সম্প্রতি  
এই 'স্বতঃস্ফূর্ত কলা মার্গে' প্রবেশ কবেছেন এবং কলা নিমাণের ক্রমবিকাশে তিনি  
ইতিমধ্যেই তাঁর চং একাধিকবার আগাপান্তলা বদলিয়েছেন। সুইডেনে এখন  
এই 'কনক্রীট', 'স্কুল', বা 'বাস্তব' মার্গের খুবই নামডাক, এঁরা নিজেদের  
অমুভূতি স্বতঃস্ফূর্ত অনব্যবহিত ভাবে বস্ত্রের মাঝখানে প্রকাশ করেন—সে প্রকাশে  
কোনো বস্ত্র বা কোনো কিছুই প্রতিরূতি থাকে না, কোনো কিছু কপায়িত  
করে না, ছবিব নাম পথস্ব থাকে না—এবং দর্শক তাই দেখে স্বতঃস্ফূর্ত ভাবে,  
সরাসরি আর্টিস্টের অমুভূতি বুকে গিয়ে তার অর্থ করে নেয়,—কিংবা ঐ আশা  
করা হয়।

এই হল মোটামুটি তার অর্থ—অর্থীং অর্থহীন জিনিসকে যদি অর্থ দিয়ে বোঝাতে হয় তবে যে ‘অর্থ’ দাঁড়ায়।

কালস্টোয়াম্ চিত্রপ্রদর্শনীতে দু’খানি ছবি পাঠাতে চেয়েছিলেন, এবং পূর্বেই বলেছি, সে দু’খানি ছবি যাতে করে পোস্টাফিসের চোট না খায় তাই সঙ্গে সেই ম্যাসনাইটের টুকরো দিয়ে সেগুলোকে প্যাক করে তিনি চলে যান গ্রামাঞ্চলে ছুটি কাটাতে। এদিকে আকাদেমির বাৎ-সিদ্ধিরা ছবি তিনখানা ( আসলে অবশ্য দু’খানা ) ঘুরিয়ে ফিরিয়ে বার বার নিরীক্ষণ পর্ববেক্ষণ করে বাছাই করে নিলেন দু’খানা,—এবং তার মধ্যে মনোনীত হয়ে গেল তুলি পৌছার সেই ম্যাসনাইটের পট্ট। ক্রিটিকদের কারোরই কাছে ঐ ম্যাসনাইটের ‘অঙ্কিত’ তুলিপৌছা রঙ-বেবঙ কবা জিনিসটির স্টাইল বা বিষয়বস্তু অদ্ভুত বা মূল্যহীন ঠেকে নি। তার অর্থ, একদিকে চিত্রকরের ‘শ্রায়ত’ ‘ধর্মসম্বৃত’ আঁকা ছবি ও অন্যদিকে তাঁব তুলি পৌছার এলোপাখাড় রঙের চোপ—এ দুয়ে কোনো পার্থক্য নেই।

তাই লেগেছে হলম্বুল তর্কবিতর্ক, ‘সে আর্ট তবে কি আর্ট যেখানে “ভুল” জিনিস অক্লেশে খাটি আর্ট বলে পাচাব হয়ে যায়?’

এটা ধরা পড়ল কি করে? কালস্টোয়াম্ ছুটি থেকে ফিরে একদিন স্বয়ং গিয়েছেন চিত্রপ্রদর্শনী দেখতে। সেখানে ঐ ‘ম্যাসনাইট ছবি’র কাণ্ড দেখে যখন ভুলটা ধরা পড়ল তখন কোথায় না তিনি বিচক্ষণ জনেব মতো চূপ করে থাকবেন—তিনি উণ্টে আরম্ভ করলেন তুলকালাম কাণ্ড!

কলে জ্ঞানগর্ভ পণ্ডিতমণ্ডলী, তীক্ষ্ণচক্ষু কলাসমালোচকদেব দল, বাহু বাহু আর্টসংগ্রহকারিগণ, সরলচিত্ত সাধারণ দর্শক এবং সবশেষে নিজেসে আর তামাম ঐ ‘স্বতঃস্ফূর্ত-কলা-পত্নী’কে বিশ্বজনের সম্মুখে তিনি হাশ্বাস্পদ করে ছাড়লেন।

এর কয়েক বছর পূর্বে এক বিদগ্ধ বিদূষক চিড়িয়াখানার শিম্পাঞ্জীর ‘আঁকা’ একখানি ‘ছবি’ ঐ রকম এক চিত্রপ্রদর্শনীতে পাঠিয়ে শহরের লোককে বোকা বানিয়েছিল—তখনও কেউ ধরতে পারেন নি, ওটা বাদরের মস্তুরা।

কিন্তু প্রশ্ন, এই ধরনের তামাশা চলবে কতদিন ধরে? এই যে স্পন্টানিস্টের দল, কিংবা অন্য যে-কোনো নামই এদের হোক—এরা আর কতদিন ধরে আপন ব্যবহার দিয়ে ইচ্ছা-অনিচ্ছায় প্রকাশ করবেন যে এদের আর্ট কোনো কিছু স্বজন করার দরুহ শক্তিসাধনার আয়ত্ত নয়, আকস্মিক দৈবত্ববিপাক বা অ্যাক্সিডেন্ট বা ঘটনাচক্র এদেরই মতো উত্তম দত্তম ছবি আঁকতে পারে, শ্রেষ্ঠ গান গাইতে পারে, সার্থক কবিতা রচনা করতে পারে—এতদিন যা শুধু সবস্বতীর

বরপুঞ্জেরাই বহু সাধনার পর করতে পারতেন ?

এই প্রশ্নটি শুধিয়েছেন এক সরলচিত্ত, দিশেহারা সাধারণ লোক—সুইডেনের কাগজে ।

উত্তরে আমরা বলি, কেন হবে না ? এক কোটি বাদরকে যদি এক কোটি পিয়ানোর পাশে বসিয়ে দেওয়া হয়, এবং তারা যদি এক কোটি বংশপরম্পরা ওগুলোর উপর পিড়িং পাড়াং করে তবে কি একদিন একবারের তরেও একটি মনোমোহন রাগিণী বাজানো হয়ে যাবে না ? সেও তো অ্যাক্সিডেন্ট !

আমার ব্যক্তিগত কোনো টীকা বা টিপ্পনী নেই। মর্ডার্ণ কবিতা পড়ে আমি বুঝি না, আমি রস পাই না ; সে নিয়ে আমার কোনো খেদ নেই। পৃথিবীতে যে অতশত ভালো জিনিস রয়েছে যার রসাস্বাদন আমি এখনো করে উঠতে পারি নি, ওগুলো আমার না হলেও চলবে ।

### আচার্য ক্ষিত্তিমোহন সেন

আমরা যারা বাল্য বয়স থেকে আচার্য ক্ষিত্তিমোহন সেনের স্নেহচ্ছায়ায় বড় হয়েছি এবং আশ্রমবাসী সকলেই যাকে সেদিনও পর্যন্ত এখানকার সর্বজনপূজ্য আচার্যশ্রেষ্ঠ রূপে পেয়ে সফটের সর্বশ্রেষ্ঠ কাণ্ডারী ও আনন্দের সর্বশ্রেষ্ঠ অধিকারী জেনে মনে মনে গভীর পরিতৃপ্তি অনুভব করতাম, আজ তাদের শোক সব চেয়ে বেশী ।

ভারতবর্ষের সর্বত্র এবং ভারতের বাইরে তাঁকে অসংখ্য লোক কত না ভিন্ন ভিন্ন রূপে দেখেছেন, তার ইয়ত্তা নেই । হয়ত তাঁদের অনেকেই আমাদের চেয়ে তাঁকে পূর্ণতররূপে দেখেছেন, কিন্তু আমাদের প্রত্যেকের এবং সমগ্রভাবে আশ্রমের সভ্যতে যে আঘাত লেগেছে তার কঠোরতা আজ এই প্রথম আমরা বুঝতে আরম্ভ করলুম । এতদিন আমাদের এমন একজন ছিলেন যিনি বিশ্বভারতীর কর্ম থেকে বিশ্রাম গ্রহণ করেছিলেন সত্য, কিন্তু তারপরেও সেদিন পর্যন্ত তিনি আশ্রমবাসীদের সবাগ্রণীরূপে আমাদের মধ্যে ছিলেন । আশ্রমের দৈনন্দিন সমস্তাতে তাঁকে জড়িত করা হত না, কিন্তু তিনিই ছিলেন গুরুতর সমস্তাতে আমাদের সর্বোত্তম পথ প্রদর্শক ।

এখানকার শিক্ষাভবনের ( অর্থাৎ ইস্কুলের ) শিক্ষকরূপে তিনি কর্মজীবন আবিস্ত করেন—স্বয়ং রবীন্দ্রনাথ যে স্কুলের প্রধান শিক্ষক সেখানে তাঁর এই কর্মভার গ্রহণ যে উভয়ের পক্ষেই পরম ভ্রাতার বিষয়, সে-কথা দুজনেই জানতেন ।



শরবর্তীকালে উত্তর বিভাগ বা বিশ্ববিদ্যালয় স্থাপিত হলে তিনি অধ্যাপক হলেন ও সর্বশেষে বিশ্বভারতী রাষ্ট্রের সঙ্গে সংযুক্ত হওয়ার পর তিনি উপাচার্যরূপে আশ্রম পরিচালনা করেন। 'উপাচার্য' শব্দ এখানে প্রয়োগ করাতে কেউ যেন ভুল না বোঝেন। এটি একটি রাষ্ট্রীয় অভিধা—বস্তুত তিনি আচার্যোত্তম ছিলেন। আমি বলতে পারি, পৃথিবীর যে কোনো বিশ্ববিদ্যালয় তাঁকে প্রধান আচার্য রূপে পেলে ধন্য হত।

এবং এই তাঁর একমাত্র কিংবা সর্বশ্রেষ্ঠ পরিচয় নয়।

বস্তুত এরকম বহুমুখী প্রতিভাবান ব্যক্তি সর্বদেশেই বিরল। কেউ তাঁকে জ্ঞানের সংস্কৃত শাস্ত্রের পণ্ডিত রূপে, কেউ মধ্যযুগীয় সম্বন্ধের প্রচারক রূপে, কেউ রবীন্দ্রপ্রতিভার সমাক রসজ্ঞ ও টীকাকাররূপে, কেউ চৈনিক-ভারতীয় বৌদ্ধধর্মের লুপ্ত গৌরব উদ্ধারার্থী গবেষকরূপে, কেউ বাউল-ককৌরের গুঢ় রহস্যবৃত্ত তত্ত্বজ্ঞানের উন্মোচকরূপে, কেউ শব্দতত্ত্বের অপার বারিদি অতিক্রমণরত সম্ভরণকারীরূপে কেউ হৃৎ-হৃৎখের বৈদিকার্থে পুরোহিতরূপে, কেউ এই আশ্রমের অস্থানাদিকে প্রাচীন ভারতীয় ঐতিহ্যাহুযায়ী রূপ দিবার জন্ত উপযুক্ত মন্ত্র আহরণে রত ঋষি রূপে—আমরা তাঁকে চিনেছি গুরুরূপে।

বিনয়বশত প্রকৃত গুণীজন তাঁর গুণ আচ্ছাদিত রাখেন, কিন্তু শিষ্যের কাছে তাঁর সর্বগুণ উন্মোচন করে দেন। তিনি সঙ্গীতে পারদর্শী ছিলেন, অলঙ্কারশাস্ত্র, তাঁর নথাগ্রন্থপর্বে ছিল এবং ভরতমন্মটসম্বৃত প্রাচীনতম আলঙ্কারিক সূত্র তিনি অতি সাধারণ, অতিশয় গ্রাম্য গীতিকাতে আরোপণ করে দে যে রসোত্তীর্ণ হয়েছে সে-কথা বার বার সপ্রমাণ করতে জানতেন। বৈষ্ণবসন্তান বৈষ্ণবরাজ্যও ছিলেন। রন্ধনশাস্ত্রে তাঁর অমুরাগ ছিল। অভিনয়ে তিনি স্বদক্ষ নট। ভারতের ঐক্যাহু-সন্ধানের পর্যটকরূপে চৈতন্য ও বিবেকানন্দের পরেই তাঁর নাম করতে হয়।

তাঁর আরো বহু গুণ ছিল। তাঁর সম্পূর্ণ পরিচয় দেওয়া আমার শক্তির বাইরে। আজ সেদিন নিশ্চয়ই নয়। এই এখন আমার কানে ভেসে আসছে কিত্তিমোহনের বিহারকিত্তি শালবীথিকায় তাঁর স্মরণে শোকতপ্ত আশ্রমবাসিগণের সশ্রদ্ধ 'আঞ্জনের পরশমণি' বৈতালিক গীতি।

\*

\*

চিত্রে নন্দলাল। সঙ্গীতে দিনেন্দ্রনাথ। শাস্ত্রে বিধুশেখর। শব্দতত্ত্বে হরিচরণ। শিক্ককতায় জগদানন্দ। রসে কিত্তিমোহন।

সু:নেছি বিশ্বভারতী এঁদের সঙ্ঘে প্রামাণিক পুস্তক প্রকাশ করবেন। তাঁর স্মৃতিরই পাওয়া যাবে বিশ্বভারতীর নাতিসম্পূর্ণ ইতিহাস। এ কর্মে সংঘাতীভ

শিখের সহযোগিতার প্রয়োজন। আমি শুধু সেটুকু বলতে পারি বা হুচকে দেখেছি।

শাস্ত্র এবং রসালোচনার রবীন্দ্রনাথের দুই বাহু ছিলেন বিধুশেখর এবং ক্ষিত্তিমোহন।

সকলেই আশা করেছিলেন কাশীব শাস্ত্রী ক্ষিত্তিমোহন সংস্কৃত চর্চায় যশস্বী হবেন। কিন্তু তিনি নিজেকে সম্পূর্ণরূপে নিয়োজিত করে দিলেন বাঙলার জনবৈদগ্ধ্য চর্চায়। আজ আব মধ্যযুগের সম্ভবা যে পৃথিবীর সর্বসমৃদ্ধের সমকক্ষ এ কথা নিয়ে কেউ তর্কাতর্কি করে না, এ দেশের আউল-বাউলরা যে সাধনার গভীরতম অভলে পৌছে প্রাচীন যুগের মূনি ঋষিদেরই ব্রহ্মানন্দ আত্মাদান করেছিলেন সে-কথাও কেউ অস্বীকার কবে না, এমন কি কোনো কোনো অর্বাচীন ঐ বিষয়ে বিরাট গ্রন্থ লিখে এখন সপ্রমাণ কবতে চায় যে, সে ক্ষিত্তিমোহনকেও ছাড়িয়ে গেছে, তাঁর ‘অসম্পূর্ণ’ জ্ঞান ‘সম্পূর্ণতব’ করে দিয়েছে। বিরাটকায় ক্ষিত্তিমোহনের স্বল্পে ধাঁড়িয়ে বামনও হস্তত একটু বেশী দূব অবধি দেখতে পায় অস্বীকার কার নে, কিন্তু সে বামন ক্ষিত্তি-অতিক্রম্যেব বিবাট মস্তিষ্ক আব বিবাটতব হৃদয় পাবে কোথায়। তবে আজ এই বিতর্কনুলক প্রস্তাব ( অবগ্ন আমাব কাছে নয় ) উত্থাপন করব না—আজ শোকের দিন।

এবং সব চেয়ে আশ্চর্যেব বিষয়, ক্ষিত্তিমোহন আউল-বাউল গান নিয়ে আলোচনা করার সময় যে পদ্ধতি অবলম্বন কবলেন সেটি সম্পূর্ণ শাস্ত্রচর্চা পদ্ধতি। অর্থাৎ উপনিষদ বা গীতাব টীকা লেখাব সময় শাস্ত্রজ্ঞ পণ্ডিত যে রকম অতি শ্রদ্ধার সঙ্গে বৈজ্ঞানিক পদ্ধতিতে পাঠোদ্ধাব কবেন, অগ্নাশ্ব শাস্ত্রেব সঙ্গে তুলনা করেন, ঐ সব শাস্ত্রেব মূল উৎসেব অন্বেষণ করেন, ঠিক সেই পদ্ধতিতে তিনি আউল-বাউলের ‘শাস্ত্র’ অধ্যয়ন করে, টীকা লিখে তাদের জীবনদর্শন অধ্যাত্মদর্শন লোকচক্ষেব সামনে তুলে ধবলেন।

এই কমে লিপ্ত হয়ে ক্ষিত্তিমোহন দেখতে পেলেন, আউল-বাউলের মূল উৎস যে শুধু বেদ উপনিষদ গীতা ভক্তিবাদে রয়েছে তা নয়, তার সঙ্গে মিলে গিয়েছে মুসলিম সূফীবাদ। তিনি তারই অন্বেষণে সূফীবাদেব এমনই গভীরে পৌছলেন যে, বহু সুপণ্ডিত সূফী পর্যন্ত আশ্চর্য হলেন যে, সূফী আবহাওয়াব এত দূবে থেকে এই লোকটি একে আপন প্রাণ-নিশ্বাসে ভরে নিল কি কবে? বামমোহনকে যদি বলা হয় জবরদস্ত মৌলবী, একে তাহলে বলতে হয় ‘জবরদস্ত’—বা ‘জবরদস্ত-সূফী’। পূব বাউলাব অনাদৃত মুসলিম চারীকে ক্ষিত্তিমোহন ছেলেবেলা থেকেই অন্তরঙ্গভাবে চিনতেন—তিনি প্রমাণ কবলেন তাঁর আধ্যাত্মিক সাধনা কুরান ও

স্বকীয়বাদের উপর সুপ্রতিষ্ঠিত এবং আশ্চর্য প্রাণশক্তিবলে সে তার চতুর্দিকের ভিন্ন-সাধনাও আপন করে নিতে পেরেছে। শুধু তাই নয়, হিন্দু সাধকের কাছে সে ঋণীও বটে, উত্তমর্গও বটে। এবং সর্বশেষে সপ্রমাণ করলেন, হিন্দু মুসলমান সাধনার মিলন হয়েছে এই 'চাষাভূষা'দের কলাগেই—মৌলভী ভাষাচারে ভাবনা-সাধনার আদান-প্রদান অতি অল্পই হয়েছে সেটা পরিস্ফুট হয়ে উঠল।

গণসাধনার প্রতি তাঁর অন্ধা গভীরতর হওয়াব সঙ্গে সঙ্গে তিনি হিন্দু ক্রিয়াকর্মের দিকে আকৃষ্ট হলেন। 'মেয়েলী' বলে আমরা যে সব পালপার্বণ ব্রত-পূজা অবহেলা করে আসছিলাম সেগুলো একটি একটি করে বিশ্লেষণ করে তিনি দেখাতে লাগলেন যে, এগুলোব ভিতরও অতি প্রাচীন ঐতিহ্য লুকোনো রয়েছে, এ সব অনেকগুলোই চলে যায় আমাদের ধর্মাসুসঙ্কানের প্রাচীনতম যুগে। সঙ্গে সঙ্গে প্রমাণ করলেন যে, আমাদের অনেকগুলোই আবার আমাদের প্রতিবেশী 'অনার্য'দের কাছ থেকে নেওয়া।

সে এক বিপরীত দর্পণ। আমরা যে সব পালপার্বণকে ভেবেছিলাম অতিশয় খানদানী 'আর্য', ক্ষিত্তিমোহন প্রমাণ করলেন তার অনেকেই 'অনার্য' এবং তথাকথিত 'অনার্য' ক্রিয়াকর্মের মূল রয়েছে নৈকয় আর্যসাধনার গভীরে।

এর সব-কিছুই প্রেমী গবেষককে নিয়ে যায় ভারতবর্ষের ধর্মাসুপ্রাণিত দর্শন-চর্চায়—কাবণ একমাত্র দর্শনশাস্ত্রই বহুর বাহুরূপ উন্মোচন করে অন্তরের ঐক্য দর্শন করতে পারে। সেখানে তিনি পেতেন জ্ঞানী দ্বিজেন্দ্রনাথের উপদেশ এবং সহযোগিতা—শুণী রবীন্দ্রনাথের সাহচর্য যে তিনি অহরহ পেতেন সে জ্ঞান-কথা

১ এই ঋষি সম্বন্ধে বাঙলা সাহিত্যে প্রায় কোনো আলোচনাই হয় নি। এ যুগে এ'ব ভগবৎ-উপলক্ষি তুলনাইন। সঙ্গে সঙ্গে তিনি অষ্টমীয় দার্শনিক ছিলেন। ক্ষিত্তিমোহনের সঙ্গে এ'র যোগ হওয়াতে উভয়েই প্রচুর লাভবান হয়েছিলেন। নিয়ে ক্ষিত্তিমোহনকে লিখিত দ্বিজেন্দ্রনাথের একখানি চিঠি ক্ষিত্তিমোহনব পুত্র শ্রীমান ক্ষেমেন্দ্রের অনুমতি নিয়ে উদ্ধৃত করছি :

“হিরাক্লিটসের প্রকল্পিত অগ্নিব্রহ্মবাদের গোড়ার বৃত্তান্ত সম্বন্ধে আপনার বিচারে বাহা সত্য বলিয়া মনে হয়, তাহা আমাকে ব্যস্ত করিয়া বলুন, এইটে আমি লিখিতে ইচ্ছা করি।

প্রবর্তিত না বলিয়া প্রকল্পিত বলিলাম এইজন্য যেহেতু হিরাক্লিটসের মত জনসাধারণের মধ্যে প্রচারযোগ্য নহে—তাহা একটা তত্ত্বজ্ঞানের সিদ্ধান্ত মাত্র।

পূর্বেই নিবেদন করেছি। এরই কালে তিনি আবিষ্কার করলেন যে, আপাতদৃষ্টিতে অর্থহীন ক্রিয়াকাণ্ড, যোগ ও তন্ত্রের রহস্যবাদ ও দর্শনের মূল তথ্য রয়েছে একই নিহন্দ সত্য।

এই সত্যের ভাষ্যমতী-দণ্ড হাতে নিয়ে ক্ষিতিমোহন প্রবেশ করলেন হীনযান, মহাযান এবং তারই ভিন্ন ভিন্ন তান্ত্রিক যান, নেপাল-তিব্বত-চীনের ভিন্ন ভিন্ন বৌদ্ধ ধর্মজগতের ভিতর। সেই এক সত্য কখনো বৌদ্ধদর্শনের সূক্ষ্মাতিসূক্ষ্ম চিন্তাবারায়, তন্ত্রের বিকৃত কর্মকাণ্ডের পিছনেও সেই সত্য ভ্রাম্যচ্ছাদিত, সেই সত্যই চম্বাপদে, সেই সত্যই পূর্ববঙ্গের লোকসঙ্গীতে, পশ্চিমবঙ্গের আউল-বাউলের গানে কখনো স্বপ্রকাশ, কখনো শাস্ত্রানধিকারীর উৎপাতে লুক্কায়িত—কখনো সরলতম ভাষায় স্বচ্ছ, কখনো রহস্যাবৃত রূপকে আশ্চর্য কুহেলিকাঘন।

আপাতদৃষ্টিতে মনে হতে পারে, এতে আর এমন নূতন কথা কি? আমরা তো চিরকালই স্বীকার করে এসেছি, সর্বধর্মেই সত্য সমাহিত।

সত্যই কি আমরা তা জীবনে স্বীকার করেছি? ধর্মের বাহুরূপে যে বিকট বিকট প্রভেদ অহরহ দেখতে পাচ্ছি, সে কি যুগ যুগ ধরে আমাদের ভিতর ঘন্ব-কলঃহর সৃষ্টি করে নি? না হলে চৈতন্য, রামমোহন, রামকৃষ্ণের কি প্রয়োজন ছিল?

দ্বিজেন্দ্রনাথ, রবীন্দ্রনাথ এবং ক্ষিতিমোহন এঁদের মতো ধর্মসংস্কারক ছিলেন না। এঁদের প্রধান কর্ম ছিল, যুগ যুগ সঞ্চিত আমাদের ঐতিহ্যের ধন যার প্রায় সব-কিছুই আমরা দৈনন্দিন জড় অভ্যাসের ফলে সম্পূর্ণ অবহেলা করে বসে আছি, সাধনাবিহীন মন্ততন্ত্রই সর্বপাপহর বলে বিশ্বাস করে বসে আছি, মুখে 'সর্বভূতে নারায়ণ', কর্মে সে 'নারায়ণ'কে ডোম-চণ্ডালের কলুষভাব ভয়ে সমাজ থেকে দূরে ঠেলে রেখেছি, স্বর্ণ-পর্ণে, ধর্মে-অধর্মে প্রভেদ কবার শক্তি প্রায়

‘প্রকল্পিত’ অপেক্ষা আরো বেশী সঙ্গতমাত্মিক বিশেষণ আমাকে দিতে পারেন তো ভালো হয়।

‘অগ্নিব্রহ্মবাদ’ হয় কি না? এরূপ একটি কথা চলিতে পারে কি না— তাহাতে কি বুঝায়?

‘প্রকল্পিত’ ইহার পরিবর্তে মনোভিমত, প্রস্তাবিত, উপগম্য—এ তিনটির কোনোটি খাটে না। যেহেতু তাহা শুধু মনোভিমত বা প্রস্তাবিত বা উপগম্য নহে। কাশীর পণ্ডিতেরা এরূপ স্থলে কিরূপ তান্ত্রিক ভাষা ব্যবহার করেন?

এই বিষয়ে উচিতাচুচিত আমাকে লিখিয়া পাঠান।”

হারিয়ে কেলছি—এই নিদারুণ অবস্থায় আমাদের দৃষ্টি সেই সত্যের দিকে আকৃষ্ট করা যে-সত্য আমাদের হাতের কাছেই আছে,—লালন ককীরের ভাষায়—

“হাতের কাছে—পাইন খবর

খুঁজতে গেলেম দিল্লী শহর—!”

বাক্যে চাইলেই পাওয়া যায়।

কিত্তিমোহনের প্রধান কর্ম ছিল, সমাজের তথাকথিত নিম্নতম সম্প্রদায়েও যে সে সত্য যুগপৎ নুঙ্কায়িত ও উদ্ভাসিত আছে, তারই দিকে তথাকথিত শিক্ষিত জনের দৃষ্টি আকর্ষণ করা। মধ্যযুগের সন্তদের নিয়ে তিনি তাঁর সাধনা আরম্ভ করে নিচের দিকে নেমে এলেন! আউল-বাউলে এবং সেখানে যে সব মণিমুক্তা গেলেন, তাদের প্রাচীনত্বের সন্ধানে উপরের দিকে গেলেন বেদ-উপনিষদে। এই অবিচ্ছিন্ন তিন লোকে তাঁর গমনাগমন গতিধারা ছিল অতিশয় স্বতঃস্ফূর্ত আনন্দসঙ্গী। এটা পণ্ডিতজন-দুর্লভ—ধর্মলোকে বিবিধতন্ত্র স্পর্শকাতরতা না থাকলে এ জিনিস সম্ভবে না।

কিত্তিমোহন পথ প্রদর্শন করার পর আরো অনেকেই আউল-বাউল নিয়ে চর্চা করেছেন, কিন্তু তৎসঙ্গেও কিত্তিমোহন একক।

তার কারণ কিত্তিমোহনের এমন একটি গুণ ছিল যা এ যুগে আর কারও ছিল না—আমার অভিজ্ঞতায় পৃথিবীর কুত্রাপি আমি এ গুণটি দ্বিতীয় জনে দেখি নি।

কঠিনতম জিনিস সরল ভাষায় মধুর রূপে প্রকাশ করার অলৌকিক ‘খুলা-দাদ’-বিধিদত্ত ইন্সজাল-শক্তি।

কিত্তিমোহন লিখেছেন যতখানি, বলেছেন তার চেয়ে অনেক অনেক বেশী। কারণ তিনি জানতেন পুস্তক সর্বগামী নয়, লিখিত অক্ষরের শক্তি সীমাবদ্ধ।

বিদ্যালয়ের অজ্ঞাতশত্রু বালক থেকে আরম্ভ করে শুভকেশ বুদ্ধ, অভ্যাগত-রবাহূত সকলকে, সভাস্থলে, বন্ধুসমাগমে, ট্রেনে-জাহাজে, হিমালয়ের চটিতে, নর্মদার পারে পারে, দেশে-বিদেশে তিনি যেখানেই থেকেছেন, যেখানেই গিয়েছেন, সেখানেই তিনি এই অভূতপূর্ব বাচনভঙ্গী দ্বারা তাঁর বক্তব্য নিবেদন করে সকলকেই মুগ্ধ করেছেন। শত শত লেখক হাজার হাজার গম্ভীর পুস্তক লিখেও যা করতে সক্ষম হবেন না, কথকসম্রাট কিত্তিমোহন একাই তা করে গেছেন তাঁর খুলা-দাদ এই সওগাতের দৌলতে।

সবিনয় নিবেদন করছি, আচার্য কিত্তিমোহনের বহুমুখী কর্ম এবং চিন্তাধারার সম্যক বিশ্লেষণ আমার সীমাবদ্ধ শক্তির বাইরে। যে-টুকু আছে তাও শোকাচ্ছন্ন।

তবু আশ্রমবাসী, তাঁর শিষ্ণুরূপে তাঁরই স্মরণে তাঁর অসংখ্য অহুয়ানী পাঠক ও শ্রোতাদের উদ্দেশে এই কথা কয়টি নিবেদন করি।

আমার অক্ষয়তম রচনাও তাঁর স্নেহানীর্বাদ লাভ করত। পুণ্যলোক থেকে আগত তাঁর সে আশীর্বাদ থেকে আমার এ দান প্রকাশলি অকিঞ্চন গুরুদক্ষিণা বঞ্চিত হবে না—এই আমার দৃঢ় বিশ্বাস।

॥ শেষ ॥